


四庫全書存目叢書編纂委員會編

齊魯書社


四庫全書存目叢書

集部
第二六一冊



責任編輯：孫言誠 賀 偉

ISBN 7-5333-0615-5



9 787533 306151 >

EB55/02

四庫全書存目叢書·集部二六一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 48.875 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二六一冊目次

集部·別集類

夢月巖詩集二十卷詩餘一卷

〔清〕呂履恆撰
青海省圖書館藏清呂憲曾呂宣曾刻本

一

冶古堂文集五卷

〔清〕呂履恆撰
安徽省圖書館藏清乾隆十五年呂憲曾刻本

二一七

雪鴻堂文集四卷

〔清〕李鍾璧撰
北京大學圖書館藏清康熙五十七年刻雪鴻堂全集本

四五六

賦清草堂詩鈔六卷

〔清〕張棠撰
復旦大學圖書館藏清乾隆張卿雲刻本

五〇三

湛園未定稿六卷

〔清〕姜宸英撰
福建省圖書館藏清康熙二老閣刻本

五七三

夢月巖詩集二十卷詩餘一

卷

〔清〕呂履恆撰

青海省圖書館藏清呂憲曾呂宣曾刻

本

附《四庫全書總目·夢月巖詩

集二十卷》提要

序

憶辛亥秋予以聘修漢中志元素之尊甫侍御公宰西縣時與周旋因讀元素大父忠節先生年譜所載詩歌古文沉雄壯浪諷其警句如歸心久滯桃花岸別緒還縈柳絮灘云云不獨耿耿大節亘穹壤已也侍御公詩有家法孟津王文安宗伯其外舅也皆一代宗工元素固宜能詩而時未在紀群之間故弗知也又二十四年甲戌元素成進士忝有淵源之契見示新詩十數章皆氣格高渾音節弘亮綽乎乃有祖風予喜擊節舉似壇坫諸公

序

皆賞歎謂其上玉堂廣和楊杞吾黨自今不寂寞矣已而元素竟罷去爲惋惜者久之踰年元素緘其夢月巖詩一帙徵予序或亦以予爲知音者乎夫海內言詩者幾於家曹劉而人頗謝矣踵竟陵之習者瘦寒枯澀既無當大雅沿七子之風者又雷同膚說所見一凡而高明之家至欲別標新幟厭初盛而右宋元黨蘇黃而護皮陸波之靡也其距詞曲曾不能以寸而詩之敝亦極矣予嘗備員內直恭誦

御製文集其詩歌皆渾渾灑灑上追虞詠下掩漢

風士生其時仰黼黻休明之盛不能撞洪鐘聲雷鼓以鳴

聖世而欲爲衰涼焦颯之音不大惑乎元素諸詩大約規撫少陵斟酌於竟陵七子之間而一意以渾雄壯浪爲宗視今之所謂別標新幟者殆將唾之宜其紹若祖而正始之遺風賴以不墜也元素器宇沉深問學奧衍方將發抒侍御公未竟之業與忠節文安兩先生節義文章並有千古然則予之期元素者又不第以詩名家而已

康熙三十四年歲次乙亥秋七月年通家侍生張

序

二

希良拜題

序

隕霜殺草蒼然松刺數株泝水滔天屹爾石支一柱况乎樹五言之幟紛於歸墨歸楊諧四始之音難若誦茗誦帚人憎孤吹好指馬以爲駝俗悅淫風甘下喬而入谷誰能上表請齊宣王以撤筭孰可整容強魏文侯而聽古蓋自家潯舂州之瀝戶咀歷下之芳描頭畫角豈楚國之真龍蛙綠皺紅只魯人之厲鼎劫剽兩漢桓溫之似劉琨擣撻三唐魏收之效沈約於是選調者不觀過以知仁鑄辭者竟懲噎而廢食公安菟說因焚書而罪蘭陵常熟妄言爲限田而黜周禮指高蒼曰膚廓以掩其卑目環詭曰鉅釘以文其儉謂臚情宜樸乃搜巷語街談謂綜韻無拘甚或聲牙拘顙其練格也如惡三讓之僞以紵臂爲真其取材也如厭二黼之華以舉塊爲旨始如剝毛存韞棘子成之去文終如算地來民公孫鞅之變法即有力排僞體希復正宗陶鑪騷些之模橐籥呼猗之體而車薪杯水難滅秦炎一傳衆咻反歸楚語蓋非銓精播義割毫晰釐鋒發而韻流興豪而采烈訾鍾譚之癖不過以燕伐燕追王李之傳寧云惟聖知聖連篇

序

一

嘈贊公子則自檜無譏累牘雕鏤聖人亦謂武未盡不圖爲樂鵜鵠開口之人可與言詩蚪蚪巖前之客奇思綿眇笛奏寒門豐藻鮮華蟲簪寶鬢名因書貴字易一而未能學以日增目過三而必刮僕也南風不競往往披靡秋氣多悲時時啁晰服君杰作知冀野之群空愧我虛名在吳江之楓冷何意繡裾諸子之代司隸儀存殘燐剩燹之中靈光殿在奮車前之臂敢作螳螂增山上之巢願爲鷹鷂時

康熙己巳仲秋雲間周稚廉冰持氏拜題

序

二

序

學詩必唐詩吾聞吾師言如是讀夢月巖集益信其然集中諸公詳哉其評之抑又當矣癸卯秋章範兄弟來京師詣予舍揖予而言曰先司農夢月巖集未鋟板者居半近欲鋟其全吾子辱先司農知最深曷序簡首予諾其請未報兩閱月予奉命守河南河南古周南吾師鄉里也章範兄弟詣予公廨請如前退而思曰吾師詩諸公詳哉其評之抑又當矣復何言漢蓋服吾師之識之超而志力且堅其學所詣極又精以至也今

序

夫太虛之表不可階而升下此如岱宗之尊華嶽之高無不可以人力造其巔頂也詩文之詣其極者非如太虛之表無階可升凡從事於學者高其識堅其志專其力皆可馴而至於其極而世之學爲詩文者往往識趣未高不取法乎上又不堅其志專其力而與爲一辟之尋山者不知以嶽爲極即或知以嶽爲極而逡巡退避視巔頂如無階之可升亦見其自域於卑陋而已矣吾師學詩必至於唐詩其諸造其巔頂者耶而欲名詩似唐何人句似唐人何句終不能得蓋神與俱化矣非形

似之言也抑吾 師嘗為 漢言吾少時不知詩見
人為詩輒笑之謂假吾執筆為詩必不如是既奮
然為之雖未諧音律而一吐其胸中所欲言覺渾
渾灝灝與古人相與於無相與者今詩不足存而
向時所竊笑者差喜其不甚相類蓋吾 師胸中
先有真詩與唐人符合一閱唐人便如巧者稍就
繩尺規矩即為渾成之材無怪學詩即唐詩優焉
游焉而詣乎其極也記昔四五年前吾 師教 漢
以詩 漢詩得 師而正今讀吾 師詩想見吾
師形聲如接而親炙未久人不復存竊傳 師言
序
學詩必唐詩俾天下詩人不祖宋而祧唐則為唐
詩者眾而唐詩存矣吾 師乎吾 師乎沒世之
後聞其風者莫不興起也而況於親炙之者乎
雍正乙巳三月石屏受業張漢頓首拜題

序
朱子序王龜齡詩文集謂其人稟陽剛之氣其言
光明正大者君子也稟陰柔之氣其言側媚纖小
者小人也而因舉杜少陵韓昌黎以為宗主非以
擅君子之品其言斯立足當三不朽之一耶少司
農中州呂公為太傅忠節公之孫侍御公之子忠
節公見危致命爭光日月侍御公抗言不辱直道
而行而公賦質自天纂就前烈洵能以陽剛之氣
發抒於立身行己勤民事國餘者故措之語言皆
直抒胸臆有光明正大之風今讀夢月巖詩集樂
序
府權輿漢京五言古溯源選體七言古馳驟李杜
五七言近體定軌三唐蘊含前人別裁偽體一切
關花儷葉粉黛纂組之習悉舉而空之且隨舉一
章一句皆礪砢奇偉有君形者存而非猶咀味落
魄剽販影響以妄分畛畦者其言為君子之言無
疑也先是有明季年公安竟陵競翻王李窠臼俳
諧僻澁荆榛叢路虞山錢氏又闖入於兩宋中州
汨汨滔滔江河不返前四五十年揚其餘風有以
漢魏唐人相詬誶者而公特立於舉世波靡之時
不搖惑於半途不回車於末路非識見明持守堅

者其孰能之即此知陽剛之氣流露於詞章聲律之中而生平立身行已動民事國可想見其風概也已或謂中州風尚略近燕趙前代趙氏有梁園風雅之選如李獻吉孟望之薛君采謝茂秦諸人其傑出也正聲洋洋久而不散公之詩篇應有漸漬於流風餘韻以自成一家言者果爾是公之所得本乎土風而於朱子論文之旨判而未合則所以窺公者淺矣愚故弗之取云古文集另編亦光明正大之顯然者共一十二卷長洲後學沈德潛題於靈巖山居

序

二

王廉夫先生書

僕迂拙無所似舉世共棄自分老死田野無復朋友文章之樂不謂足下顧我寂寞之鄉談及風雅且特留詩卷意欲僕有所是正者僕豈其人耶受教以來窮日夜卒讀反覆循環皆略已上口竊見足下之作皆原本盛唐遠溯漢魏以求合於三百篇之旨不知有宋何論金元也夫爲之於舉世所不爲之時識力之堅定已不可及而精詣又復如此僕即能言豈毫髮有益足下耶僕觀古之以詩傳者有注而無評蓋詩能自致必傳欲後之人知作者之時與事而止耳今世則不然挾方寸之帙廣徵有大力者蔓衍諛詞交相推美深惟其故未能盡合特藉評以顯者也足下於古人之旨已自得之僕雖日夜卒讀皆已上口而未敢輕出一語以爲諛誠不欲以今世之作者望足下也足下年方少詣力未有所止經有五而詩居其一且固已善乎此矣則擴而充焉博觀而約守焉異時所以語僕必有更進乎此者僕日夜俟之矣足下勉矣不宣

評語

濟南王士正阮亭

夢月巖詩高渾超詣多出於杜正以不甚似杜爲佳

澤州陳廷敬說巖

呂子詩氣高骨峻孕含諸家而絕去擬議之迹中原有人斯道不孤

太倉許 旭九日

秦中形勝甲天下登臨慷慨雖屬山川雲物助其高深然其命意瑰奇結響蒼越秀出天然入微應

評語

節則固神而明之旨深而意遠矣○諸絕體製渾堅而風致出人意表不減旗亭各唱

西鄉楊爾貞臣石

雲英化水光采與同初日芙蓉風根上乘天地大文將舒矣還共焰証成佛豈在靈運後視一切真餌釘土苴耳

太倉張衍懿慶餘

雄渾處不入粗豪清新處不流卑弱觀其氣體當於高岑王孟間特置一席

洛陽張步瀛翰仙

豐腴秀麗沉摯雄奇品量風格在漢魏初盛間纖靡晚近之調不類也知於此道參上乘矣

太倉許 晚來鶴

諸作氣體高華情詞斐疊峭則孤峰限日險則狂風捲濤響則長空唳鶴靜則秋水澄潭詩至此歎觀止矣

汝寧熊奕久十洲

湛思雄才博極群書讀近體諸作音節高亮懷別則淒婉真摯弔古則慷慨悲歌固擅長慶大曆之勝而雄厚過之

評語

華亭周稚廉氷持

寓齋挑燈諷讀佳詠有仲默之秀練而去其弱有空同之沉雄而避其麤真飯顆山頭嫡傳也中州近賢林立自朝宗覺斯外罕見先生之匹矣

太倉趙 貞松一

古體思深力厚言近旨遠得漢魏之遺五律老健清真高岑王孟而下罕見其匹七律直祖盛唐佐以崆峒之弘肆季迪之高華非十年磨盾未易有此斷句渾秀駘宕俎豆於龍標供奉之間殆不多讓一代作者舍元素吾誰與歸

三原王夢翼又陶

捧讀佳什古詩淡遠樸老從漢魏來五七律蒼健雄奇具大曆以上風格絕句則神似青蓮矣中州即多才亦不難虎視詞壇○氣渾格老骨秀詞新惟其深入故信手拈來皆成妙義杜陵云晚節漸於詩律細良然

鍾祥向石村

諱近嫌名

五古原本漢魏叅以杜陵清者真至如話感時書事則石壕春陵也七古磊落英多警語森出橫空盤硬語妥帖力排鼻可以舉似五七律皆原本於

評語

三

杜而七律尤勝間及王孟錢劉中晚淒清之調無所不有絕句以青蓮龍標爲宗而亦不名一家可謂登峰造極萬象俱涵矣

近村高 卓凡夫

詩之爲道太上性情其次風格其次聲調尊作律細而工古藻而厚七截動宕多姿五截衣鉢謹守自是詞壇飛將

錢塘沈用濟方舟

氣象渾涵詞華典贍質而愈古麗而彌新思入風雲腕驅經史少陵而後登峰造極之篇○諸詩忠

厚和平具存六義而風神蘊藉元氣盎然以此續

騷承雅周漢之嫡傳宗子也○先生每遇聖賢節

烈等題必寫得光明俊偉慷慨激昂使讀者形神

俱竦真足廉頑立懦○大著中英辭壯采足勒鼎

鐘是深得少陵高岑龍標諸公之神者今人輒以

七子擬之實未窺見其堂奧也知音之難如此○

祖越寺五古一起如天際真人飄然而來結如萬

馬奔放而屹然中立中間神奇變化如巨靈之劈

二華河伯之騰九河文章至此已入無上妙乘矣

集中類此者甚夥皆由思情深筆力大故能牢籠

評語

四

萬象貫穿古今而不可一世也○五律語多生造字能狠下皆從經史中變化出來○七律仰攀工部斷句平視龍標詩餘又追蹤周柳由其負才獨大故衆美畢臻

大興方 伸一峰

五古源本漢魏間有從北征出塞諸什中出者有一篇即有一篇機軸或直用法脉不嫌其襲全追句調愈見其新其一種汗漫蒼莽開闔頓挫宛與少陵同揆但時事遇合不同耳

嵩縣屈必達鳳山

五七古鎔鑄於少陵而得其神髓者其次猶不失
盛唐矩步展卷三復誠無間然矣

評語

五



選定

黃岡張希良石虹

太倉許旭九日

錢塘沈用濟方舟

編輯

華亭周稚廉冰持

長洲沈德潛礪士

訂正

太倉張衍懿慶餘

新安王翊贊皇

太倉浦曠雲曠

上元黃越際飛

編校姓氏

登封傅枏次棟

河內楊奕筠羽詵

丹徒張昊冲乙

太倉趙貞松一

六合曾必光一南

郊縣仝軌車同

汾陽胡庭季子

無錫顧崐愚亭

襄城李來章禮山

登封景日珍東陽

嵩縣屈必達鳳山

朝邑王鵬程搏九

蘭州王綬誠亭

武昌葉道復見初

四川傅作楫雪堂

大興方伸一峰

太倉許眺來鶴

閩縣謝宸恩豐亭

邵陽張大有書登

大興李錦淡存

寧鄉惠若僑西平	洛陽張步瀛翰仙	定遠人	凌	熹約銘	桐城人	張廷璩桓臣	桐城人	張廷璩寶臣	石屏人	張	漢月槎	金陵人	朱道新淨私	新安人	王志暹庚士	通海人	趙	城亘輿	蘭陵人	渾源濬哲長	維揚人	夏之芳荔園	寧鄉人	王顯晉西傑	孟津人	王璵魯璠	胞弟	謙恒天益	孟津人	李文柯書菴	受業	姪耀曾宗華	灋曾宗則	男憲曾章範	宣曾揚祖	守曾待孫恭校
---------	---------	-----	---	-----	-----	-------	-----	-------	-----	---	-----	-----	-------	-----	-------	-----	---	-----	-----	-------	-----	-------	-----	-------	-----	------	----	------	-----	-------	----	-------	------	-------	------	--------

凡例四則

一溯源流先生嘗云風雅以來三百篇漢魏而還十九首取法乎上僅得乎中集中四言古以下諸體各有源流王廉夫先生稱其原本盛唐遠溯漢魏以求合於三百篇之旨洵非阿好也具眼者當自辨之

一嚴格調兩漢六朝古風遞變四唐五季近體浸衰先生則少學錢劉晚宗李杜嘗謂古詩三千豈盡言不由中而聖人刪定僅存什一非以其規製盡善極至者爲不可易與以故集中所存雖間及

凡例

一

中晚而終非其用意所在識者當分別觀之
一崇意興至情藹惻慷慨亦合溫柔真氣流行風刺無傷忠厚先生嘗教子姪門人曰濟南大雅材竟陵風人致雖互有得失要其定力卓然非代議所及又謂文章之道意與法俱者也師心而廢法與任法而失意二者蓋交譏云張石虹先生所謂規撫少陵斟酌於竟陵七子之間知言哉篤論也
一正差訛先生詩或經歲一改或一月數改如洛陽秋思河上寓目之頌聯嫌其調近七子輒加竄易更覺清微又詩最分編選本金陵雜感結句嫌

其涉於怒罵亦復易之 盛朝詩選頗多紕繆如
 秦中懷古結句原本云已見嬴非無尺土選本云見三字為本是
 洛陽秋思不信高皇易趙王選本云詔趙王懷公毅末句潺
 湲清淚落吳鈎選本云垂淚灑吳鈎之類今悉從原本庶見廬
 山面目云

受業姪光續曾謹識

凡例

二

夢月巖詩集目錄

卷一

四言古詩九首附古今樂府十一首

卷二

五言古詩五十一首

卷三

五言古詩五十八首

卷四

五言古詩六十六首

卷五

七言古詩二十八首

卷六

七言古詩三十七首

卷七

七言古詩二十四首

卷八

五言律詩九十五首

卷九

五言律詩九十八首

卷十

目錄

一

五言律詩九十六首

卷十一

五言律詩九十二首

卷十二

五言律詩一百三首

卷十三

五言排律三十五首

附六言律詩一首

卷十四

七言律詩九十五首

卷十五

七言律詩九十八首

目錄

二

卷十六

七言律詩九十五首

卷十七

七言律詩九十二首

卷十八

七言律詩九十三首

卷十九


五言絕句八十八首

附六言絕句二首

卷二十

七言絕句一百六十八首

附詩餘二十四首



目錄

三

夢月巖詩集卷一

新安呂履恒元素著

四言古詩 附古今樂府

秋木

秋木喻盛衰也陰陽更嬗時乎不復各敬

爾身以保厥吉

秋木淒淒孔瘁于原天風戾止莫庇其根委厥下民以賴以燔

二章

有黠者烏亦集于枯捥其木實申申詈子將子無

夢月巖詩集卷一

庸民各有徒

三章

皚皚之霜傷彼秋木微我有言群屬爾目彼哉何求日亦不足

有豕

有豕刺政也民困於役若罔聞知是以君

子傷之也

有豕蹢躅率食我場我場無梁不知我孔傷曰女無良

二章

有豕翕翕率食我麥我麥無實不與我沐息曰女是役

三章

有豕甫甫率食我黍我黍無兩不知我荼苦曰女是處

四章

豕食于野飽斯奔而民食于野死斯墻而父兮母兮莫我存乎而

觀我生

觀大道也萬物芸芸各歸其根息心於密

夢月巖詩集卷一

乃見天則

皇天昭昭萬物孔勞我生伊何自夕徂朝石田之木瘁而多寒條枝既茂本實不完我心恐而樹之南山駕我高車涉彼長道車不汎軌馬不齧草游乎萬里以觀四表彼悶者民臻厥壽考

擬猗蘭操

猗蘭之陰其華孔揚清風既遠孰云其芳嗟我行邁浩浩周行陟觀於山載脂皇皇息陬其徐中心憂傷日月聿逝命不可明 瞻印昊天睠焉四方

白頭吟

青雲起天上不知出泰山男兒有他心白頭不相

憐解一浩浩復浩浩行行思遠道遠道若回車西日

常東杲解二枯桑亦有枝海水亦有涯如何方寸心

同室不相知解三采葑復采菲有時惡亦美酌渭復

酌涇清濁莫相比解四

斫榆謠

天謂我民何夏不雨秋不雨春無麥無禾取彼斧

戕榆則有皮叶長吏見之怒壯于觀趨伐其樹盡

其根于田將報上官曰維豐年趨音促

古城謠

夢月巖詩集卷十

三

西有禾黍東有苞稂古城之下行道哀傷陽人聚

空無寶器春陵四七興火帝黃龍夜奪赤水珠潛

井不飛逢馬噬東西南北更爲家金墉鐵甕張虎

牙蝸蝓魑魅沉沙死秋墳鬼唱楊白花楊白花歌

且笑誰當居者周與召

函谷謳

函谷之野百里如赭行者安歸槿我居者解一槿亦

不辭死亦不辭舉頭向吏請視瘠肥解二牛肥車堅

代者以錢牛瘠車敝匪錢不代解三一出三庖來

者有臯知我如此不如死棄解四曰扶扶之曰釋釋

之曰予不知爾邑之爲解五

牛口峪新安

虎頭巖牛口峪山農斤斧入林木取材爲炭充官

屋命與豺虎爭反覆里胥坐門催軍粟箕斂斗會

麥千斛號聲未已索食肉終歲許許不盈一掬入

門手足成皸瘃瘃瘃不足惜擔負入縣詰旦歸來

庠芻菽老者欲死少者哭爲問哭者何所欲願民

勿生山山勿生木不然寧葬豺虎腹羨彼鰥寡與

孤獨一身委壑心無繫屬

捕蝗謠

夢月巖詩集卷十

四

冬雪晞春雨澀海涯乾蟪蛄出飛薨薨千里集蔽

川原傷稼穡天以黑地將赤聚爾族百萬億人民

號號中田雨泣終歲肆微力不足供爾食噬將去

汝適彼樂國匪遠伊邇父母之德

節母行

母也蔡氏子于歸朱中尉奉翁姑主中饋僉曰孝

惠解一北風何烈烈天雨雪萬榮皆折之子貞凶乃

聞其節解二狹坪山何高狹坪山何高節母避亂此山天步艱

難人民遜逃兵不威敵但能殺吾曹夫子死于郊

猶子七齡以身蔽而號抱子者誰兜鍪之豪解三翁

姑既終老妾無子或曰速爲計妾自爲計終焉無不利七歲兒當存守死以待解叶四兒果生以歸夫有子子有孫老婦復何爲地下見良人若問中橋七歲姪名中橋吾則有辭嗟哉母也節何奇解五

汪淑人歌

淑人北平吳穆之母也生而負奇氣恥爲女子行順治時夫兄惟華以罪論謫戍及其夫惟莊淑人詣闕上書兄弟俱獲歸輸作冬官工已卒於家

酒至賓母譁聽吾歌以鼓瑟淑人乃生阿母夢叶

夢月巖詩集卷十

五

吉有隕自天匪星伊石來號號以霹靂天地爲之解一淑人既生女也有士行衣男子衣冠其冠嬉戲若成性耶孃問阿女黛何不施盛鬢不倩女曰美惡在心皮妍不若骨勁耶孃大歡喜君子起敬解二君子出自延陵世官家則食貧爰依伯氏所知幾何其神伯也舉趾高弗克定命庇身君子其歸毋與禍鄰解三彼黔者烏升屋而呼伯氏被逮乃及仲之家叶牽衣哭者有群雛天乎天乎兒勿哭吾與而父俱明年其歸於敝廬解四鄰人相視而嘻彼婦其何能爲行行至關塞路盡天之涯黃雲四起

日西墮叶車不行邊馬鳴且悲噫瞻望弗及生人死別離解五戚戚復戚戚上書一何亟戚戚復戚戚上書一何亟妾死且不避錢刀安足惜擊鼓赦書下伯仲生還不相失匹馬往迎之去笄頭戴笠妻耶夫耶不相識昔者吞聲今兩泣輸作既畢言歸家室解六

宮門行

皇帝四十有四載十有二月冬乃命臣工門於清宮爰擇其良視天下學校曰俾風教攸同解一時惟紀御史東魯碩士僉曰允哉彼其之子維邦之

夢月巖詩集卷十

六

紀可以式章縫四方風起解二御史病初興蹇于行其列在後不獲先登匍匐至陞力舞蹈不勝左右慄慄日矐矐下四無人聲解三帝曰其徐敷奏惟明叶是跽且久走且僵勅瞽御二人翼之以行叶左右咸喜顏色悅以康解四時惟簪筆之臣大書于冊敢告百工益勵厥職矢乃心精白小臣履與在列親見御史感極而泣行行出宮門顏如冰雪是用作歌紀天子聖哲光于日月解五

宜陽謠

坎其擊鼓霸山之下叶堂上無人市中有虎解一虎

不食人食民之長有騰有蟲供汝歡享^二虎負嵎

矣爲山毆矣日夕請兵民離居矣^三離居奈何大

旆凱歌凱歌不聞野哭者多^四有呱者孩棄彼洛

涯誰實斃之于僂于僂^五刈麥在場孰舉炎火兵

來猶可府君殺我^六

澠池謠

知新安縣事錢公冒險入澠池山中平亂

民亢珽民輯盜息郡邑賴之詩人美其事

焉

馮城之狐不可以薰盜義之民不可與群五池之

夢月巖詩集卷一

七

險厥有南邨岨若梁山李氏稱尊厚施于里人蚩

蚩無知賴以相存^一李爲賊饋兵同氣同聲新澠

之間轟若雷霆人民四走家室不寧開府仁且明

^{謂巡撫}貸其死易以生若罔聞知蠹爾弗靈乃召師

武臣攻其砦城^二師武臣不力爬梳我里焚厥蓬

茅驚我婦子婦子曰嘻此烜赫者賊勢莫與比微

東垣公奉軍帖以從壯士坐縛洛郡鞠凶開府仁

且明^叶于十四邑中用簡我公拔尤得雄^三公衣

短後衣履青鞵跋涉窮岨于山于厓曰嗟我民勿

與賊偕何以活汝免死之牌老老幼幼孔安孔懷

保聚于山者出穴而入街僉曰公生吾儕我粟我

柴不飽狼與豺唯公是諧^四公得人和地利天時

九秋明月中北風鳴且悲山巖巖而上出葉蕭蕭

而下吹陟彼高岡據其陵與池賊乃置木石塞路

岐鄉導者引之深入厓屢亢氏窮矣縊頸授尸李

氏既獲引慝無辭我公顧之載旋大麾拜稽首曰

茲天子之德臣何能爲^五進賢受上賞開府有

焉開府既去廷議我公賢加之異等宜在師武臣

先凡茲戎功不震不騫君子曰奉詔惟勤吏忘其

權百爾有位勿聽胥役言民乃不愆白者日青者

夢月巖詩集卷一

八

天高者山下者川我公之德金石鐫作此好歌上

之史編用光天曆萬斯年^六

夢月巖詩集卷一

夢月巖詩集卷二

新安呂履恒元素著

五言古詩一

雜詩六首

灼灼桃李枝托根江水湄
江水日夜逝根株無轉
移江頭十五女坐惜此芳菲
常恐秋風至棄擲春
前衣端飾競華葉容好當告誰
美服得人顧美女
令人疑非爲顧且疑物盛難久
持形影在一身明
晦紛合離千里結婚姻
新心安可知君亮垂盼睵
賤妾復何辭

夢月巖詩集卷二

又

月出光始白照我羅衣裳
浮雲掩其華忽而天一
方烏鵲自南飛河漢難爲梁
階祀多雜樹參差遙
相望天路遠且高雲海空茫
茫哉生未盈滿光輝
因太陽素手捲珠簾流影入璇
房天邊無好風娟
娟使我傷

又

芙蓉翳初日窈窕憑高闌
白雲動秋水光采生波
瀾中原無好仇獨立發長歎
美人自南來威儀何
跚跚左佩金錯刀右紉紫莖
蘭顧我一長嘯清音

如鳳鸞機杼不成文何以爲君歡
采荼復采薺參
差同一餐甘苦心所得與君要歲寒

又

北方有佳人容色婉清揚
桃李羞同華蘭芷思齊
芳孤桐抱清夜和氣調宮商
鳳凰不我聽雄鳩紛
其行非無過時悲不字恥淇
梁東鄰有好女自名
爲夷光謝家入宮闈歌舞惑
君王色衰獨歸來髻
髮忽已蒼奇服不自愛行道爲
哀傷

又

楚江何空濶杜若發春陰
采蘋不盈把忽而傷中
心人寒思故衣鳥倦思故林
迢迢山與河昔日同
登臨游子去不歸涕泗霑我襟
結夢愆音息風雨
何霑霑譬彼嬰下桐猶爲膝上
琴君心不遐棄千
里懷好音

又

青青女貞木嚴冬日以繁
薄言采其實醺酒爲君
歡可以介眉壽令人好容顏
君子抱孤芳亭亭當
歲寒守已惟固窮處世貴排
患功成歸天下身退
樂邱樊鼎食雖不及道腴中
自完良璞有微缺下
生將浩歎

夢月巖詩集卷二

二

遊陽巖詩 並序

新安有陽巖者青要之一壑去邑五十里
許人踪罕到往時居民避兵燹偶一至焉
石門東向朝暉揚彩其中因以得名詳山
經所紀載實上帝之密都石通隙以爲門
山虛中而作宇乃有石室洞穴冥黑無極
以身入則偃僂不可仰崇崖沓嶺皆在其
下谿水方折東出清可劃砂俛仰之間心
慄而魂絕餘訝恍惚不可述而誌也乙卯
之歲日在龍尾予以避地至此同遊者五

夢月巖詩集卷十

三

人攜樸齋糧竟宿而來遊遂躡虎踪而學
猿臂櫛栗之穉滑人足更拄以杖緣天光
而上躋乘風力而下臨雖險屢幽邃期在
必窮豈曰無危山水移我情矣若夫嚮晨
而巖壑開明薄冥則林巒斂色朱羲西弭
則萬象倒景迴風奏響斯松溜微吟斯亦
造物之無靳而衆情所競悅耶不因避地
何有奇觀因思天下安逸而能冥搜者幾
人必以危時而及之蓋知憂樂恒相因也
退而尋繹其勝爰繫以詩

茲山何所極來自青要巔巖岫鬱嵬崑崙徑蹊相糾
纏石色寒天宇清氣游其間想見鴻濛初高深理
已然朝曦自東隅萬象生新鮮冥心獲所悅日夕
不知還

遊西塘

莫高匪日月來往不違行蜩蟬愛清夏嘒嘒深林
鳴薄言遵枉渚怡我山中情中流立久之下見孤
雲生熹微迫羣象心神游太清茫茫元化裏萬物
與我并息心同草木可以延春榮

糟糠歎

夢月巖詩集卷十

四

吾之糟糠婦意念殊巾幗雖爲貴家子所性無驕
逸皇天降霜雪委此瓊華質生男不盈晷彌月多
天殂天屬盡傷心奄然在牀席氣結不能語揮手
謝飲食是日大風兩人命難永夕大女知括髮小
女喜易服人言母安歸就食惟嘿嘿敝衣存故笥
芳塵生虛壁幃幙肅無聲但見所習物吞泣人不
聞神傷結胸臆方春天地和萬物欣其澤出入無
顏儀我獨懷鬱鬱入門若逆旅拂几視琴瑟遠媿
忘情人長謝歸巨室

又

茁苞抱苦蕒歲晚見甘藕少婦饜糟糠所思榮其
後夫何一女士生命寄蒲柳十四操機杼十五罽
漿酒十七施衿悅嫁爲黔婁婦我有繡袿襦出入
不敢服心恐珠玉光焜耀累明德我有篋中金出
之禦孔亟瓊琚纈雜珮君用貽膠漆君行若蘭飴
妾命如兔絲蘭飴不可飽免絲難爲衣上書八九
年年空索歸却與公姑行之官天一涯流水何
湯湯高山何歸歸崎嶇視君馬不知車已歆遠道
二千里六年方旋歸又值兵南下道路恒苦饑野
宿秋雨中兒寒褰我衣入門理舊居人來觀羅敷

夢月巖詩集卷二

五

具言日盛貴羨爾夫壻殊言亦不可盡事亦不可
思剉藥染白紵羞彼流黃絲人生失故歡何用安
樂爲

贈甥三首

吾家賢宅相弱冠嗜玄理高論渺仁義聖賢若糠
粃微尚豈不崇良難得其是老氏多寓言莊列非
一旨大矣六經籍衆說郭諸此冥心觀無垠萬物
資生始

二

鳳凰穴丹山光輝惟四霸至德感心神千載一爲

鳴高趾梧桐棲不聞鷓鴣聲君子有徽音四國爲
儀型淵塞道乃致華辯喪吾誠所以桃李蹊無言
春自榮

三

太行何鬱確吐雲及北辰高廬在其下意氣爭嶙
峴天屬德孔厚今之陳與荀吾甥似文若倜儻軼
時羣高明神所疾虛中物自親作誦無多飾贈子
以修身

登真定大悲閣

霜煙滿城郭高閣何突兀客心一無營凌晨自登

夢月巖詩集卷二

六

陟初入若幽巖捫路但冥黑緣光躋益崇駢足心
恐慄俛仰役精魂恍惚勞目力宮觀疑鬼工象教
儼天則金身一何高莊嚴屹中立千手各自異種
種持法物丹青皆有神雲雷生虛壁風聲走太空
山色入無極下窺指燕趙浮雲滿京國恒嶽亘滄
海一氣但虛白蟻蠓矜戰爭鐘磬閱朝夕歸來松
月生無言心自得

夏月歎

己未之六月三旬不成雨天地爲冶鑪萬物欲焦
腐蜩蟬相競鳴啾嘈意何取蒼蔚倚其炎衆芳氣

消沮日中見病農畚插不能舉匍匐泣枯苗吞聲
向天語今年租稅急長吏又履畝里胥日在門不
知吾縣釜仰麥抵夙逋安得入門戶噬將舍之去
四瞻靡樂土其媪日夕來敝衣何襁褓趨翁刈其
藁持之然夜火叶明晨不復出飲水差無苦

山月

日落此亭空南山對我靜移几近檐楹心與時俱
暝雲濤滅聲光松月動清影火流金氣生代謝如
縞井颯然西風來露下衣裳冷

三哀詩有序

夢月巖詩集卷下

七

大雅云亡吾將安仰湯公大臣又鄉達尊
也蔣公學者師也楊子予故舊也感所見
聞述我疇昔以此言哀哀可知矣

蔣副使莘田

諱伊江南常熟人癸丑進士終河南學使

蔣公海嶽姿兼抱濟時才通經廣師說爲文蓄衆
材落落寡投分冲融懷抱開滄溟顧盼間萬里天
風來當其鄉舉時文習掃塵埃朝論厭輕薄時務
相喧歷覽公所對策情事切畫裁勢返江河流再
使淳氣回往者學校隳章縫賤輿臺黃金生羽翼
白首抱形骸公以冰雪心沃茲慘澹懷日夕披所

試對酒忘樽壘時復擊案起四座生風雷竿牘無
翼入州司走嗟咳觀者色踴躍老嫁得良媒歸告
泣所生稽首向寒灰宛邱有李恂七十尚沉埋暗
然白髮翁執卷揖崇階顧之驚且歎涕下若瓊瑰
頃謁洛陽道時已罹沉災顛倒藥裏中謙謙延趨
陪深言休官便稟氣與時乖旋聞大梁訃令我肺
肝摧大雅久不作斯人實壯哉歌詩告來哲應爲
天下哀

湯司空潛庵

諱斌字荆峴河南睢州人順治己丑進士終工部尚書

夢月巖詩集卷下

八

水學術知異同天道見終始文采寂不矜况乃慕
青紫陳情辭所職色養致甘旨我皇恢天網搜
羅到蘭芷未竟刪定業復以徵召起勝國缺全書
歷律志難擬覃思搜羣材草具兼善美帝眷東
南顧恭默卜卿士曰斌汝不伐爲予式南紀道光
革故俗政成黜淫祀絃管委薪蒸土木擲江涘
吳禁優伶絕淫祀里巷紛謗駭若乃謾神鬼踰年聆輿誦章
甫惠我里京口昭武軍使氣役都市我公何指揮
不校已滅趾非必銜枚時聲靜色若死瞻叩忘尊
榮澹泊滅聽視爰入侍東宮坐論三公體期門

有時來四顧室如洗嘗賜尚方衣或益太倉米
聖懷將有行密勿授意指推心何豁達側目從茲
始所惜攀翼鱗不獲攄首尾時屯命乃致道泰身
仍否國無老成人誰與明至理

楊貢士臣石

諱爾楨字克生陝西西鄉人

先聖去我遠刪述不可望生才天地心忍使日淪
喪默默位亭子雕蟲有微尚居惟蓬蒿宅座擁海
嶽藏硯礪方寸間長揖無卿相小智若挈瓶文辭
工依傍風雅汨逢迎聲氣亦虛妄揮手謝時人推
心千載上滌蕩雪精神寂寥窮意象生不見古人

夢月巖詩集卷十

九

志與三代抗往者投分初落落怪疎放久之若飲
醇酣然使我暢爾時輦輓心情志少清曠目盲山
海區蒼茫駭異狀於今十七年不知君何况紛藉
兵戈中故人得無恙頃聞北來使溘焉已歸葬遺
書不可得江湖日浩蕩魂來畏蛟龍夢去隔青嶂
却理所攜笈踟躕三歎唱瓊瑰盈我懷赫甍生變
相理感滋深悲識定延幽貺長材無貴仕今古同
惆悵

過先文穆陶室

聖功世祿家一寒何至此乃公屏其兒深愛成終

始宛轉陶穴中大冶陰陽理文史三冬足聲名一
朝起歷階極人臣烈與周召比貧亦何負人天將
試君子

懷親

老父年七十烏巾蒙白頭雖有三男兒不能解親
憂往昔釋褐時進止恒優游以我兄弟故婚嫁無
時休生成天地心稱貸相綢繆百禮已云備一官
不足酬解組歸舊山門雀羅清秋履也不才子致
身無良謀朵頤爭果腹饑驅良可羞平生所親暱
正色戒遠游無德動皇天充閭耀鳴騶轉使霜夜

夢月巖詩集卷十

十

中念我寒無裘有親違色養游子將何求

言詩三首

詩至唐菁華竭矣後人取其藩粕醜而澆
之知不復醇也乃更雜以醢醢氣索味變
耳今之有志者盡力爲防焉

二儀造羣象清淳氣攸分鍾鼎與膺祿兼得不恒
聞富厚躡高位貧賤垂空文君子從所尚遺榮寶
我真仲尼席不煖諸侯禮猶申周公雖秉政流言
吠信信衮烏亦何貴風雅乃章身繫易用潛龍絕
筆悲獲麟寄志日月上照耀於千春奈何時世士

動思要路津君看盛文采多傳憂患人

二

唐虞有賡歌言志始爲詩渾噩元化裏包匭理無遺飲食以爲質采色安所施有娥旣以衰文質將析離周雅啟其鑰楚騷蕩其涯役精實有物雲表發高思蘇李綴遺響齊梁多蕪辭卓哉栗里子清真乃得之杜陵忠厚人情深文亦奇奈何李供奉獨賞謝元暉

三

文章非小技天地傳形聲卷舒不盈握實載萬物

夢月巖詩集卷二

士

行綺麗失本性矯激非人情古藏雖已竭我生有至精何如各言志同音聆異鳴改轍趨幽徑無乃傷和平寧令金石敝不與康瓠爭三閭有苗裔飲露佩蘭英我欲見其人相與考中聲誰能遺古樂以博時世名

述懷六首

大塊鼓元氣清濁互紛綸造物亦何意忽鑄我爲人感此生成德全璞若懷珍聰明有至精耳目非其真我生豈不貴寧與時亨屯譬彼松與柏歲寒日以新萬彙媚春榮華實夙所因浩然與天游世

事安足陳

二

弱冠好奇服長劒佩華裾瑤琴歌白雪聽者或言殊以此矜心意俯視游天衢高談鄙齊士拘文嗤魯儒文采亦何異所貴得其初庶幾志千古周道以爲趨

三

仕宦緣情慾守官惟貨府當其橫經時茲意同商賈達人無市心卓犖懷先祖夏官掌邦政留都障北戶羨餉百萬緡錙銖歸明主老臣謹筦鑰豈曰

夢月巖詩集卷二

士

義不取洎我家嚴君初仕漢江浦府帖徵犒師奮伐彼荆楚染指洗秋毫軍聲靜不怒旣而官柱史出入惟環堵以此空囊歸親戚羣疑忤聲言取積逋三世仕及汝明神不敢質冥報誌心許

四

富貴屬天籍貧賤亦人爲脫非高士懷相形能不悲古之洗耳人萬乘輕如遺龍變始蟠泥鴻飛終漸遠嗟予襍穢子短長竟何施身爲卿士後而無生理資局脊對妻孥動爲世人嗤努力自雕飾學步行轉遲薄德厭皇天憂貧或非宜庶幾忍饑渴

和色怡庭幃

五

孔門陳四科周官敝六計才難古所云立德斯爲
最紛紛聲華子藉藉工文字汲汲揣摩成颯颯居
高第浩蕩窮經術迂濶遠情事理質深囊括文采
寂無異日見高塵飛白眼恥雪涕一出金石聲蠅
聒何微細

六

大造悲羣動菁英慎所與薄材多厚生聖賢獨危
苦衣毳厲筋骸羹藜雪肺腑清氣日充腴富貴輕

夢月巖詩集卷二

三

毛羽逃之猶恐至况乃役智取榮瘁無常形屈伸
有代序呂望王者師初與屠釣伍伊尹莘野農終
爲元聖輔脫無卿相資述作亦千古何事懷安居
坐使英華腐

大雨登峯嶺有念

絕壁縣高雲迴川渺無極凌晨躋崇巘忽在人首
立微陰竟一氣林巒育深黑雷雨出谷中愴恍動
精魄臨壑驚天鳴轉逕疑地側嗟予三伏時長爲
萬里客俯仰畏顛覆足脛汨泥澤安居不知樂屏
營從茲役信彼夷險理感茲高厚德白日在中天

浮雲空蔽塞

哭梁太常先生

我昔鄉舉時公年七十餘健步猶善飭時復觀奇
書登茲君子堂飲酒樂何如今節踰重九黃華靜
階除霜風厲清夜即次勞我居親暱坐滿前顧我
色獨殊誰能思不言文辭固其餘乃辱懷袖藏報
以瓊與琚珍重各言別別後常相憶悠悠七八年
悵望夷門側其後更相過公出大河北斯須不相
值長使心如噎今年游京師哲嗣同射策倉卒病
中音孝情何促迫舍車從傳置日行里三百三日

夢月巖詩集卷二

古

千有奇五日入門疾甫得覲危顛皇天厚厥德公
歿垂三月弔者皆雲集走亦在下列聞之輒兩泣
開我東閣門舊館忽塵積良月照孤樽進具不能
食感往悲無涯傷今重有戚援筆爲此辭終古在
今夕

徐庶母塚

長葛

元直初擇主未贊已歸誠中路失慈母方寸忽怔
營誓將從此別知已諒相成天屬心所切何者爲
功名舍垢事仇讐壯志詎能平食祿不畫策自處
若客卿我行荒塚側日月無光精寧掩蓋世勲不

以易所生伏劍一何慘絕裾非人情

南頓懷古

平明發項城落日次南頓眷言追往跡榛莽那可
問父老爲予言漢廟復鄰近令君宰茲邑三子皆
英俊文叔獨好儒恂恂類忠信銅馬初構氛赤符
遂啟運禮樂擅東都天地一清潤宛矣周京室雜
霸氣銷盡所以亢厥宗赫赫炎氣振伯升非不賢
寡識嬰凶刃傷彼友于情枕淚無乾暈情飾痛滋
深禍紆志乃奮慷慨收河北絕足風雲迅此讐不
返兵詎能較逆順朱鮪不加誅千載有餘恨

夢月巖詩集卷二

五

惠山酌第二泉

秋山望不極帆勢多周旋天風忽倒吹空翠來我
前緣徑躋崇寺法象羅諸天既窮蒨施阪下瞰澄
泓泉深碧似醺醺至味洵天全酌以素瓷器烹以
松枝煙遠人競市酒罍甌載盈船非必辨淄澠直
爲名所牽山水自靈異亦因奇士傳西北多井渫
誰汲窮山巔

自滿家衝入山迴望南峰

夙齡事幽討性本宜山林湖中厭簫鼓慷慨窮高
深捨舟入石徑旋折迎飛岑松桂與叢篁隨風吹

我襟煙火遞出沒岡巒互嶮峻奇峰自孤立衆岫
皆浮沉其上縣夕陽其下積重陰明晦無端倪悠
然獲我心

恭紀先叔祖母旌節楚氏行實詩

懷宗十四載國步方構患先臣旣致命家難亦多
艱厥弟曰良石義不獨生還有母傷白頭有妻捐
朱顏朱顏何窈窕令德夙所爛楚氏名家子吉夢
生淑媛因之字以鳳日月相輝鮮綦組鍼有神言
笑動無愆于歸高門戶日夕操機杼舅姑將有需
先意能聽睹宛轉二姒間歡愛如同父里媪藍縷

夢月巖詩集卷二

六

人怡然對爾汝嬉戲或非宜聲默色已怒是時賊
陷洛郡縣皆隸之雖有七校士叱咤空爾爲丈夫
何寥寥惜死固其宜賊帥惟汝侯不知爲伊誰慕
其高名義委禽托禮儀不則屠汝家決計從所思
實告太夫人呼吸存安危乃召新婦至踟躕難致
辭亂命非曩教永訣傷吾慈伯氏身殉國爾夫亦
已隨餘我老寡妻與若生別離新婦寂無聲含笑
支雙頤微獨母有言我命當自知却走不旋踵入
室撫其兒并女置膝上垂涕如縷縻天屬心所繫
生死同見違嗟將棄女去遺此累親闡畢命於今

夕月落雞鳴時投繯室中時年二十餘弱息方四歲從叔

季玉諱兆珪至今傷孝情語及隨血淚履也髻髻時慈母

爲予言興朝勵風教旌閭事已傳家國多難日

忉忉不忍宣惟念湮沒後金石誰當鐫逸史賴賢

哲可以垂青編

經飛來峰洞中作

越山千萬重羣仰南北峰如何幽谷裏尚有青芙蓉迴薄雲霧端天矯如飛龍日月生危巖雷兩棲深松夙昔塵囂人至止皆肅雖造物竭厚力混沌鑿玲瓏五色滴天漿衆竅皆神工陰陽被四表象

夢月巖詩集卷二

七

緯羅其中霸花會甘雨秀木無悲風有時鐘磬至幽邃開鴻濛豁然出洞宇灝氣來虛空

感興

浮雲起西陸日暮悲風吹風吹雲不去與客同委蛇爲我語秋風莫吹行客衣雲輕易還山衣單難遠歸

過六合贈曹一南

駕言西行邁嗟將歸故鄉美人在天末望之雲路長問塗知其廬跬步猶奔忙覲面驚何懼執手情內傷昔者游京師鴻鵠參翺翔雲霄失勁翮弦望

跂河梁君病事藥裏我饑謀稻粱生爲妻孥役天地何茫茫男兒貴壯盛意氣亦得將寸心懷萬端老至誰能償詰旦登前途鬱鬱迴中腸

哭父

聲徹蒼天號淚至黃泉滴穹壤非高深生我德罔極痛我先嚴君年甫踰七袞恩勤育諸子常恐竭其力饘粥父所餘進具不忍食徧呼諸子前飢渴問歷歷當其服官時形神尚充實賢勞二十年歸來頭始白老人恒善憂況乃囊橐澀虛生三男兒不能供子職口體雖云充神志日蕭瑟念我名不

夢月巖詩集卷二

大

揚休官非所戚戴天而履地何以爲顏色不如彼烏鳥猶能報卵翼

白雲庵

陳希夷隱處

傳是陳希夷於此寄高跡有庵曰白雲縹緲隱蘆荻艤舟往從之水煙蕩落日秋蘚滿石牀深寒不可即龍睡位黃初乾始疑未關暮色何茫茫萬象空所歷仙人何時還白雲常在室

遙哭譚真谷

名長發遼陽人

我不識譚生譚生識我詩酒酣對親暱往往舉其辭曳裾游諸侯不肯一低眉齷齪禮俗士箕踞怒

罵之或面詆其文棄擲橫紛披顧盼其座人大兒
與小兒北方諸學者獨稱全生奇如縣全軌車同謂我詩句
好巖石同欹歛中有太古音元氣溢淋漓自許何
敢然所論或非宜高情肆孤尚使我忘忸怩山水
自高深人間無子期痛哭絕朱絃千載爲傷悲

日中行

日中市廛集於利競秋毫凶年百貨滯麥菽持錢
刀大者牽車牛小者負任勞青青衿佩子犢鼻溷
塵囂面目積垢膩賈儉聲警傍有饑死人齒骸
分犬獠誰爲瑾其骨勿使精魂號饑饉十四年千

夢月巖詩集卷二

九

里無雨膏春風黃霧塞秋野青天高洛陽百萬口
日夕南陽逃疇昔卿士家或饜黎與蒿函谷賣餅
兒取直充鄰庖阿耶望不歸緣血得袍羣割死
人肉間巷日腥臊傳聞賑秦晉漕米百萬艘數鍾
致一石我里恐驛騷天子至仁聖蠲租如鴻毛
舊逋貸二年令行若波濤府主親父兄會當生吾
曹

鄰人別

鄰人叩我門告別立長歎睹子顏色饑炊黍爲朝
餐一餐未罷箸淚下如飛湍我里歲饑饉流離不

忍看夏麥不數種秋禾半枯乾昨夜見軍帖飛輓
供長安朝廷將予直府主責縣官兩輪顧一金未
出門已殫潼關不可度我實饑且寒賣車質其牛
百去無一完道路多白骨望之心悲酸痛哭聲不
聞天帝高雲端噬將舍之去汝南土地寬生死隨
妻孥安知行路難

登素園山閣

山中積雨後六月如清秋茂林多夕陰可以登高
樓落日向我動白雲與天游清風左右至襟帶吹
颼颼空翠不可名飛落松石陬我稼雖未熟望之

夢月巖詩集卷二

十

綠盈疇數口饑踵餘充腹吾何求對此散遙念浩
蕩凌滄洲

哭孟二表叔孝則

我昔爲困蒙從君習象勺几席無垢氛琴書有愉
樂追隨三十年朱華見榮落葛帟當沍寒凶歲饜
藜藿親戚收風責宵小肆吞虐君爲魯仲連却秦
如掃擇解紛何所與忍負平生諾先公亮知人結
交無輕薄山林昔所游秋暉媚沃若登高望逸氣
浩然在邱壑九原何蕭條斯人不可作長歎不成
聲緘心寄冥寞

哭李公毅姊夫

四序忽流易沈憂離寒暑念我平生親涕下紛如雨日月不相見斯人遂千古魂氣爲風颺骨肉敝野土亮彼方寸心不隨羣彙腐結夢感精誠遙夕冀相語月落松窗黑容輝不可睹明發倏告歸出戶徒延佇

夢先父母

鹿邑作

明月如霜雪鑑我寒牀幃幃明發心終夜隨庭闈徑路若相似第宅亦已非老親顧我語聲氣一何微欲啼不敢出承顏以無違秋風吹木末曙烏

夢月巖詩集卷二

主

鳴且飛形影忽不見落月動雙扉父母胡忍子斯須不相依淚下如流泉欹枕猶相睇

哭董氏妹

駕驚逐羣飛天末猶泄泄孤子念同生中夜時隕涕母也生四女我妹爲之季拳拳憐少情相攸艱門第曰嬪厚祿家節儉益勗良人人中龍塵垢視富貴籩豆樂且耽三黨僉曰惠子時過其家秩秩有靜氣兒女立滿前怡然問舅氏于歸六七年我母遂捐棄其後一歸寧嚴君千里至故宅秋草生相對輒揮淚念母長已矣父病復危屬薄材天

所傾湔焉失怙恃明年旱太甚昆弟互離異衣食

於奔走羈旅卅年歲所媿稱男兒饑饉憂吾妹洛陽十萬戶命如一絲繫行者無消息居者多畏忌疇昔溫飽家邑犬競狂吠阿翁致政歸施德匪云細忘彼邱山高較乃錐刀銳良人遠行役一身措中外儼然十五兒枕籍驚夢寐天風吹娥月皎皎雲中墜月墜有時出人命一何脆良人深腹悲天乎奪厥配弱女不勝衰哀號迷喪次同生八九人賢達汝爲最汝歿不吾訣慊慊心猶記中年哭同氣聲淚續難再黃泉見父母勿言吾羸憊

夢月巖詩集卷二

主

贈劉茂宰于修

鴻鵠飛萬里毛羽多參差丈夫志四海安得常相依嗟我東南行濠梁天一涯仲冬苦日短三舍猶奔馳故人劉茂宰相見多禮儀呼童具盤餐几筵俄已施酒坐不忍寐各言久別離別離未云久終歲恒相思憶昨歲饑饉苦縣初來時千里攜小雛囊橐無刀錐感子不遐棄故來相追隨生年當四十筋力未云衰努力事功名安用錢刀爲我馬亦已秣我車亦已脂何以報明德忸怩還致辭

夢月巖詩集卷二

夢月巖詩集卷二

五

夢月巖詩集卷三

新安呂履恒元素著

五言古詩二

詠古五首

北方有佳人習禮而明詩夭矯如游龍變化無恒
姿妾本良家子不字無良媒父母高厚德相攸寡
所宜一朝入宮闈倉卒蒙恩私君王一垂盼塵垢
生光輝漢宮多寵幸衆女嫉蛾眉棄擲還舊鄉行
邁猶遲遲河水自東逝白日忽西馳妾心如磐石
終古無轉移開篋見秋扇涕下霑裳衣願爲雙鳥
鳥長傍陽景飛

夢月巖詩集卷三

一

又

朝出金光門冠蓋羅翠羽行行煙霧中雜沓安可
數爲問車中人疇昔笑唐舉感額而顛頤卿相立
可取喜怒須臾間呼吸成雷兩賓客獻諛諛妻妾
盡偃僂平生刎頸交屏息不得語君看高鳥飛雲
霄幾儔侶

又

莫高匪孟門可以陟其巔莫深匪洪流可以測其
淵人心方寸區叵測難具言握手吐肺肝誓如金

石堅湍焉死喪至幾人來墓田瑣瑣追細故射影
求金錢彥昇歿東越總帳生塵煙有子著葛帔行
道人所憐絕交雖著論充耳心茫然厚顏不媿人
獨不畏于天

又

灼灼園中花青青陌上草托根異榮悴歲暮同枯
槁古來盛名下結交苦太早弱冠遊京洛抗志青
雲表坐識蔡中郎門謁郭有道一朝黨禍起朝野
跡如掃所以申屠蟠逃名自矯矯

又

夢月巖詩集卷三

二

太昊制文字三才始有儒茫茫元化理一奇爲之
樞菁英苞鄒魯光華燭唐虞魑魅無潛形日月縣
中區所以鬼夜哭陰慘畏陽舒如何罪真宰常與
混沌俱萬古盡長夜清濁何時殊老莊多謬誤我
欲焚其書

至城父贈楊甥子健

皇天命百職貴賤各有役芸芸彌六合羣動無休
息農工獻厥功歲暮亦云畢而我何爲者冬盡行
轉迫問夜戒晨裝望煙具午食悠悠結遠思落日
淹行色所思豈異人宅相情至戚駕言往從之蓬

萬路始闢白雲冠山城清風吹巷陌聞者聞我來
趨入聲何疾兒童聞我來隨耶紛拜揖我僕煖濯
湯我馬飽喧極飲酣視天地鴻濛理無隔就枕忽
蘧蘧不知窗月白

遊乾明寺訪梁竇二君讀書處

日靜流雲空塔影四無際虛谷含鐘聲因風颯然
至有客四五人緣聲尋古寺松陰高閣出花香深
院閉寥寥天宇中萬籟於斯萃西偏讀書堂石徑
入幽邃二仲俱妙才落落有真意象教與典墳秩
然殊位置修林帶平岡煙景互搖曳僧定客亦歸

夢月巖詩集卷三

三

寂寞兩無事

登廣武山覽古

南登廣武山北望黃河水蒼蒼天四垂浩浩悲風
起楚漢距何年人代閱如駛敖鄆湮故城京索虛
戰壘背關旣食言困垓宜雪恥計左割鴻溝要盟
非分理成敗同邱墟英雄亦爾爾達哉阮嗣宗眼
中皆豎子

邠縣夜發雨阻長橋呈家兄文啟及幕中
諸賓二首

雲黑天四垂群生昏未寤客子中夜興惻惻懷前

路炎氣歎虛沙涼颼輟密樹停蓄如鬱陶滿盈乃
傾注我僕躩不行我馬蹶屢仆前却隨電光尺寸
以規步霑濕不足惜巖嶮滋恐懼

二

恐懼亦何思天命不可違齊心同所視夷險更共
之衆賓夜方寒僕夫饑且疲號呼窮林中叩門知
阿誰良久出燈火村醪歡其醺傾壺那可醉煖飲
聊相宜陰陽更變化隆暑忽去茲我意日以廣戚
戚何所悲古人獲我心零雨東山詩

信陽山行次謝康樂道路憶山中韻

夢月巖詩集卷三

四

山行景易疾景疾行逾緩風谷絕端倪雲巖倏續
斷斷續無前期詎爲客慮歎望鄉自低徊懷古徒
憤懣故山偃仰時嘯歌惟放誕欽聖亦懷賢慨焉
思述纂室邇悲人遐意長苦日短莘野棲牛衣渭
濱倚釣竿道窮若沍寒時會如噓暖適已太璞完
委運浮雲散奈何時世人窺天謬以管

窠樽石

元次山同孟仕源游處

次山放達人仕源亦高士濁世激清風澆俗追元
始汗樽而杯飲澹泊志相似嬰孩葛天民糠粃燧
人氏意至則成吟天然非雕綺斯人如可作舉世

臻上理肉食者登之山水反蒙恥艤舟至其下歎
側不容履洗濯視刻畫蒼苔齧齒齒低徊亦何爲
落日在江湊

陶士行讀書臺

中原昔遘患過江存典午雖有衣冠族清談亦何
補卓哉陶士行較轡劉與祖嗟嗟惜分陰皇皇希
大禹九域思混一壯心良茶苦相傳讀書臺飄搖
歷風雨勝蹟久湮滅俛仰虛禪宇返景入寒空蒼
然見南浦東晉已如夢荒臺自千古

遊西山集三泉軒

夢月巖詩集卷三

五

蘿屋近石壁飛瀑灑空青披軒豁窺臨清響何泠
泠風竹在雲崖偃仰隨所聽山氣凜絺綌陽景入
杳冥坐客生深恐咫尺疑神靈鐘磬動何處衆醉
一時醒

自武昌西歸與家兄文啓言別三首

涼颼起江介衡陽一雁歸豈爲慕稻梁洲渚常依
依昔我發關塞毛羽未豐肥和鳴藉儔侶湖海生
清輝飲食日行行薄霄朝太微露白風以淒哀音
若調饑離群在須臾未忍言高飛

二

北渚采芳蘭蘭臯修且廣雲盡天宇高四顧何蒼莽
揖讓從此別路人知少長方舟沂江漢中心自養
養秋木未隕穽空山夜多響感物增離思登樓時
俛仰馨香襯衣衽臨風猶佇想

三

生年甫童稚未知悲別離四十已強仕况乃天一涯
驪駒歌我側棹謳相和之執手蒙申問來歸復何時
來歸亦有時致身未可期努力繩祖武廉清聲不虧
觀者如堵牆淚下同時揮汀曲舟將隱送者猶未歸
佇立勸加餐因風還致辭各期愛遺體

夢月巖詩集卷三

六

黃髮還相嬉

自武勝關抵石門

悠悠遠行邁搖搖思百端鼓枻浮廣漢脂車陟高山
楚關初偪側石門方險艱頓折豈解已所悅在巖巖
陽卉入秋腓陰泉徂夏寒雲日屢興沒倏忽非恒觀
常恐前路岐景遷理無還松篁會百音蘋藻隨清瀾
潛鱗泛儵儵羈鳥鳴關關大塊紛動植方寸兼悲歡
永懷高士風匪嗟游子顏

上陳司農說巖

嶧陽有枯桐孤根半死生上盤巖石峻下激流泉

清大匠不我顧樵豎還相輕析薪置爨下火烈發
精英自甘灰燼餘誰聆霹靂聲君子知音樂天漢
垂高名拔之煙燎中加以徽軫形金玉何足珍彫
飾非世情常恐泉石性未諧廊廟鳴喁屬吐奇音
不敢傷君明

哭董大實賓

烟煙情至戚總角交非疎零涕總幃前憶入膠庠
初君年甫十三我年十五餘兩小相嬉戲言笑無
所拘疇昔諸老翁為禮何區區不知飛動意相戒
學趨超悠悠三十年離索傷何如閉戶而却掃習

夢月巖詩集卷三

七

靜君讀書我遊梁宋間歲歲常饑驅今年歸自楚
俄聞君已徂哭寢周禮廢招魂楚辭虛巷陌持紙
錢再拜弔諸孤循循四男兒參差雁行徐衰杖謝
父執氣結不能舒至夜就客寢怡然問起居感此
摧肺肝終曉猶欷歔

寄懷佟青士明府

舉世尚繭絲晉陽為保障嗟彼赫赫名茹柔以自
彊殿最亦云得物情無乃傷何如稱不煩吏民悅
劉方君宗滿天下大小皆循良夫子人中龍種花
如河陽金門千萬重煙壑胸中藏忘機任至理庭

鳥日游翔嗟我久行役相思隔楚鄉裁詩寄小史
出言非有章案清無積牘開卷顧應詳懸知香座
上爲予陶一觴

金門
山名

又

昔我未第時栖栖梁宋遊賦詩簡嘗授彈鋏歌還
羞所嗟忠孝畚耨枝干諸侯知此非所宜高步歸
田疇秉耒糊子口翻然擲蒯緱茂宰憐我憊勸勉
云藏修老驥畏長途淚下嘶清秋願酬飼秣恩伏
櫪思雙輶

渠陽行

夢月巖詩集卷三

八

渠陽今寶坻也故人毛幼範令茲邑有異
政其民懷之徵輿誦焉戊寅八月予經過
境中因述其辭以備採風之義竊附杜子
美同元道州春陵行不必寄毛也

秋風何瑟瑟遠道吹行客客行豈云遠言至渠陽
邑日中天無雲我馬汗猶漉下馬息道傍饁者來
南陌農夫四五人雜坐樹下食有噉俱屬厭歡然
理獲銓爲我謂農人色笑何欣欣農人起且答我
邑有令君性行何簡易鞭朴恒不聞三時輸我稅
里胥無紛紜瀕海沮洳場魚鹽雜耕耘獻師有常

貢行潦遺涸鱗童孺慎莫近近前邏者嗔屯中有
大戶使氣役鄉鄰令君無所怙直枉以法伸何用
識令君鬚鬚長腰身出入不乘車一馬前導陳我
欲竟此語四野聲恹恹回頭謝農人努力獲秋實

河北行

河北行思母也老大易傷行且仕矣而祿
不及親是以感時而孺慕焉

烏鳥將衆雛乃在高樹枝日出衆雛喜月落衆雛
悲遊子遠行役見之心惻惻我生髧髧時隨母渡
河北跨衛欽僕懷升車依母膝有弟齒隨肩兩小

夢月巖詩集卷三

九

競華服夙行不畏寒午行不知食母來爲餵女行
色一何喜阿姊初于歸高門成嘉禮怡然共喜樂
不肯還家裏嬉戲竹石側折花奉阿姊悠悠四十
年忽如夢中事有甥如我長象服已強仕阿姊久
無祿况乃懷母氏河水鳴濺濺憂來不成寐致辭
謝烏鳥登舟自隕淚

離石行
寧鄉漢離石地

四月見春色青條啟城闔離石苦寒邑哀哉子遺
民糟糠常不饜二舖難具陳公庭輸王稅朱提裏
結鵲不忍望見之淚下沾我巾自我辭京輦叱馭

遑逡巡越阡時度陌勸課及良辰巖巒半豁露茅
屋連松雲野蜜膏縣崖山茵蒙積薪樵蘇在何許
林響知有人幽賞誠可悅所媿流亡頻仰祈風雨
時均荷天地仁

懷古

秋蘭被衆草吐氣因清風高天麗白日迴曜燭微
躬唼喋衆日進君子道固窮時抱濟物志悲嘯窮
林中萃野乘耒人渭濱垂釣翁當其饑困時竊笑
羣兒童運開會風雲虛氣如長虹寄言當路子榮
瘁將無同

夢月巖詩集卷三

秋旱得時雨

三農望秋成嘆乾羣姓戚長吏亦何事爲民謀衣
食星見秋旻空夜涼雲漢直不期時雨靈好風欣
與集永歎寤寐中聲氣過枕席夙興倒裳衣蹟沐
不遑及適野問農人入土業深尺三晉百州縣離
石獨磽瘠王道固有端先務惟崇實吏治尚繭絲
民生念家室彼我苦不足物力日蕭瑟稽首祝昊
蒼功名非所急但願時物和食荷生成德

龍山寺訪柏山上人

我行靡定處夕日在山村此間有古寺可以清心

魂巖泉已冬涸舊水留餘痕初緣谿口光遂躡山
木根老僧喜我至舉手開山門香鉢出水潔石室
如春溫諸天在何許絕際猶飛奔僕夫趨展軫惆
悵難具論浮雲起空谷所歷無一存

夢張二慶餘浦大雲曠同遊山林

故人偕入夢竟夕明我心語多不可竟路暗還登
臨山深谿谷寒林月生清陰

憶周冰持

周子雲間人投分自廣陵別有年矣或傳
其死未忍遽信用是誌憶焉

夢月巖詩集卷三

土

雲間有奇士日月爲雙睛當其顧盼時萬古誰日
成開懷抵雪白落筆疑颺驚與我一相見解佩分
香衡坐君秋月下使我形神清囊中千萬軸一一
要我評廓然捐所愛刊落存菁英高義同虛谷江
海不能盈契濶歷歲時不知君死生我髮已種種
位望塵埃輕誰肯視僮父親愛如弟兄大塊鼓元
氣萬彙發其榮天壤惟予汝何惜一合并生當寄
書札死當計分明庶幾夢見之惟君能告情

懷向石村

甲戌京邸識向子石村相質以詩暇日閱

其細注賞析不少假重得益友遙此寄懷
舉世尚雷同真賞不可遇兩美入宮闈興心各嫉
妒恂恂士君子傾蓋抒情悽四海雖寥濶才賢亦
有數遂出所攜篋幽抑冀宣露誰能待後來復起
質疑誤多君慘澹懷摩挲細字注譏彈中其微釁
瑕敢自護京國多交遊悠悠若行路於今軼帙存
沉吟爲君故願言采芳蘭漢廣不得渡思君未敢
言美人恐遲暮

向子楚人

遙哭曾大一南

曾江右人父爲六合宰乙酉死事妻子遂

夢月巖詩集卷三

三

家焉一南諱必光以辛酉孝廉卒於粵之

四會

皇運鼎新日勝國革故時淳風勵高節軼事多可
垂江南雖紀敘小腴何能爲百城皆倒戈士女喜
見綏時有六合宰致命不復疑赤手支墜天明哲
或相嗤衣冠獨危坐延頸無一詞其嗣曰必光實
惟遺腹兒母也誓從死絕後大義虧怡然就犴狴
娠婉乃相隨百身贖之歸一脉天所遺時清久論
定民請爲之祠興朝高厚德邁古多弘規謂其忠
所事報可弗罪之厥子旣鄉舉賢裔負英姿僉曰

曾有後策名宜濟時夫何生不辰畢命於南陽旅
櫬歸鄉遠羈魂泣路岐斯人竟無祿天道寧有知
昔者偕計吏相遇在京師執德若良玉中外皆修
治語及劬勞恩欲廢蓼莪詩文學出餘緒便便腹
笥奇重此忠孝門兼得直諒資論行而結交猶恨
相見遲其後復經過顛顛無顏儀顛倒藥裏中屢
空忘怨咨龜勉具雞黍至今甘如飴庚辰秋八月
乃知君死期於時天氣高仰望空蒼悲白雲歸碧
海西日不可追旣存哭寢禮亦具招魂辭道喪千
載後淳源久澆漓疇非爲臣子能無君父思采風
失幽微何以告來茲庶幾激頑懦匪但悲吾私

夢月巖詩集卷三

三

寄橫山鄰里

我生橫山居鄰曲時往還言笑無悵情杯酒多令
顏時復攜一壺率意登西山徑蹊在戶牖稚子能
躋攀泉源通厨竈坐卧聲潺潺比閭年穀熟和氣
滿鄉關大男事力作父老皆晏閒井稅耕織餘出
之無所艱獻歲聚族飲少長列以班野園間幽花
春盡紅且殷憫我作吏俗不得與其間作書與鄰
翁待我清溪灣

語兒女

作吏爲民役內顧常惻惻雖無滿籬望誰能去衣
食前年垂死時弱息違我側俾來不敢問奄然自
偃息四時有代謝陽春改物色紅藥敷階榮翠鳥
矯庭翼兒女忽滿前環顧若有得嬉笑恒非時綦
屢畏修飾豈知生人理男耕女當織婚嫁稱其家
居官戒貪墨汝輩寧我賴終荷皇天力目前且慰
意他日徒憂憶

祈雨行

雲者風所讐見之則震怒不惜吹雲去孤日其誰
與雨能青我苗風能赭我土我土氣力薄歲豐拾
斗許沙膚裹石骨耕鐵茹復吐官租月以分率半
十之五婦媼子懷抱十五亦何取入城視長吏飲
水祈甘雨甘雨不可得鋤鐮哭壇所

先太傅斗園遺松數本示守護者

太傅東山墅位置各有法曩予尚一觀心與古松
洽洞石黔將積池草青未乏破籬在松側隱映雜
花插慊慊獨念此所居鄰荷鍤庶免撥根株不畏
凋鱗甲先澤所遺留餘悲在此剗霜雪自沾濡斤
斧勿相狎

書報舍弟取其詩以來

簿領似巖棲嗒焉無問答感子用幽意抽緒不叢
雜冥心會遠音林風互颯颯雲月何所期時爲爾
吐納戶外寂不聞我心與之合有時若相競努力
鳴鏜鞞真色迴不如大勢或開闔離石六月中官
務謝噂嘈遙念倚雲興來往歛周匝季子望高塵
欲行猶踟躕致一於至精清虛無雜還即目多所
遇陳迹厭重搨

遙哭靳大欽之

與子奚相知初緣論文字道合成久要穆穆見真
意嘗於暮春時高廬獲一至居在水間昏旦多

夢月巖詩集卷三

五

佳氣一室有太和至樂不願外兄弟儋豆籩兒童
飽經笥衣食出其力何者勞煩費安知此一時心
與太古會因之三日留次第延相饋後予在江漢
怡然遇仲季佳况悉起居神安忘夢寐三載不相
聞遂棄人間世夫子豈恒化我徒實多淚將老重
朋儕至哀失倫次匪忍爲文辭永言志明義

雨後行經山中

時雨啟春華稱心以游目願言脂我車遵彼山之
麓蹇裳越厲石彌節憩古木潛穎敷渥丹蒙茸蔭
深綠物象亦孔昭化源中隱伏山川何麗崎風雲

時往復白日至高遠回光燭幽谷時哉難與期浩然從所欲

屏風山 寧鄉

回谿激長松奔流絕壁下丹翠盈我前臨流頻駐馬霜葉墜空青因風鳴四野秋光何自來天工此焉寫誰爲作賦人悠悠登高者

濩澤行別宋念蓼

宋癸丑進士武澤州

班馬亦有聲鴻雁求其群君子得其朋吐氣成風雲我行濩澤道蘭臭一何芬故人陶夫子 艾圖德先生 劭文亦淳其佐曰宋公行誼如古人言語妙天下

夢月巖詩集卷三

六

好我尤天真植德愛嘉樹華實各有因惜別在岐路黯然傷我神

二

神傷那能去心遲迹已遽行行越太行崎嶇滋恐懼春山未著花形影依寒樹人生有苑枯得時無早暮高第滯微官惜不知其故世人漫相輕皇天豈未寤誰能排閭闔登之於衢路

三

衢路脩且阻宿霧霾朝暾靈均問蒼天虎豹司九閭濁世固宜然清時非所論 盛代際重華惇德

而允元四岳守赤縣百揆侍彤軒惜茲人中龍尺澤難自存鱗甲欲彫落蜩鸞同飛翻但得尺寸柄薄俗歸淳源謂予或不信閭巷亦有言

滎陽懷古

五蛇從一龍龍歸蛇亦歸一蛇獨焚死千古有餘悲我行滎陽道憂來藉春艸黃屋投楚炬馬鬣無封表淮陰士無雙鄼侯功第一誰肯相爲言東門代死日烈士詎殉名行者爲飲泣

子貢祠 濟縣

皦皦白日光高縣松柏頂蕩蕩平沙煙屹屹宮牆

夢月巖詩集卷三

七

影榜題端木祠棟宇何嚴整駐馬肅再拜低徊視脩景日昃不能去希賢思要領文章亦難聞况乃天道迴世人厭紛躋憑虛矜內穎詎知探淵泉水深須長綆栖栖岐路間作誦用觀省

淇上懷古

淇水流湯湯殷土何芒芒大荒無凸凹茲地宜田桑楚邱初營邑國勢日以張衛武勤問學睿聖多文章風人興萊竹意永言亦長我行季春時物色昭輝光白日薄源泉回首見太行暮景有餘適栖栖何所傷

湯陰岳廟三首

春風何慘澹古堞飛花空日落湯陰里鬼哭鄂王宮
天王未雪恥臣罪安所容忠魂從二帝萬里龍沙中

二

烝民有恒性好惡不可假廟前五金人瓦礫過交打
老死牀蓐間支解糞壤下人心有斧鉞君相何爲者

三

江南有中主中原尚可待康王利大寶因資於其

夢月巖詩集卷三

六

敵不願二龍歸故鍛鵬舉翮賊檣識其微金牌始敦
迫將不受君命何以正反側怡然就犴狴王誠知順
逆徒令百世下志士爲露臆

壽齊母傳太君八表

有序

太君吾友韓石之母也有高識初韓石父大年公以
守戎防海主將黷貨公數爭之辭色不少假太君徐謂
之曰彼自貪耳吾指不染何害卒爲其所銜陰以事中之
服太君先見云其掾孫子麟伯義尤高他嫩不勝書

鬱鬱松柏林天天桃李枝桃李能作花歲寒難與

期松柏貞且壽千年方及時嚴霜庇衆芳本支無撥
虧齊氏有賢母知微能見幾夫子人中龍道直身以
危同官黷貨者側目因良規貪墨自賈禍堅白不磷緇
夫人實有言所天宜三思我行漳滏道智士皆稱之既
爲未亡人一身兼嚴慈厥子亦克孝立身如玉持行年
踰五十嬉戲如嬰兒母也八十餘色笑觀綵絲一室有
太和氣蒸蘭與芝輩人曰孫生勢家相羈縻夫人命厥
子若友即吾兒若友不生還永訣從此辭事白孫生出
堂上拜龐眉夫人一躍然遠近胥稱奇茲事可特書高
義天無涯齷齪戶牖人貽背奚以爲

詠史七首

夢月巖詩集卷三

元

生平愛竹素古人恒與居常恐負日月沒世無可
書恭承前哲意窮達矢不渝腹心如可托不厭爲武
夫雖無執爇用草檄或相需所志不克就卷懷歸敝
廬我聞絳灌宰賈誼陳訐謨如何叔孫通與時爲步
趨

又

叢棘生高山俯視松與柏菡萏未出泥仰視浮萍

色人生會有時誰能見通塞季氏斗筭人以富驕
宗國重耳乞道傍野人弗與食再拜受其塊天意
終可識

又

漢京文物盛濟濟多才賢武皇實好儒六經皆有
傳載歌橫汾曲風騷可比肩白雲望不極秋芳淒
可憐慷慨懷佳人孰云好神仙生逢好文主賢良
獲所天三策至淳厚二賈不能前如何東閣內不
見收廣川

又

夢月巖詩集卷三

二十

兔絲蔓荆棘乃思附泰山攀緣未及半斧柯尋其
間衰榮有去來倚伏固無端蜉蝣笑龜鶴靜躁殊
所觀蘇秦六國相車裂以自殘楊惲漢通侯身與
名俱殫怨望非分理趨舍智良難所以披裘翁盛
夏先知寒

又

疇昔遠行遊煌煌京洛中長衢夾橫術香霧遙空
濛華纓影旭日寶馬嘶春風役財矜聲利氣可凌
三公截截輿臺子朱紱章其躬草衣茅季偉韋布
郭林宗野處敦彝倫舉世臻黃農登高視人世夢

夢皆塵容哀哉覆巢鳥不見雲中龍

又

鳳凰啄竹實終古何時飽志士厭糟糠能無念枯
槁陶潛淳古人逸民傳可表一爲彭澤令其苦集
于蓼柴桑晚歸來松菊就荒草親舊或見招他人
跡已掃飢驅行乞食傷哉那可道惟有數卷詩知
音以爲寶

又

平明登箕山日夕忽忘歸山谷多清風習習吹我
衣中天秋月上四字生光輝群峰皆拱岳孤嶂獨

夢月巖詩集卷三

主

無依想見巢與許高義尤巍巍下視九州民澤水
方阻飢行者胝無跋邈者嘉且肥天地既平成潛
見胥忘機

京師述懷五百字與梁少府

弱冠攻文辭將老猶茫然不知孰得失萬事皆棄
捐親戚咸動色爲予惜盛年舉世工進取願君勿
遷延區區守尺寸黷澹非豪賢深感勸勉意稟性
不能遷方策灰燼餘金玉謝其堅毫毛至微細可
以垂千年束髮入鄉塾久要明神前死生不背負
利鈍何擇焉悠悠四十載日日相周旋春秋多物

色花月呈新鮮即目多所寓稱心而爲言中間遭
饑饉囊空無一錢飢驅梁宋間以茲爲我田祈寒
執熟時逆旅尤相憐愁思與驩虞隱意俱能傳晚
節作邊吏險道履山川于橐惟琴書行色何靜便
故人梁少府贈我珊瑚鞭拳拳戒黷貨顧諟蒼者
天於時之所治試我刀如鉛正賴初古人決疑壹
以專茲邑罹兵凶父老遭顛連山田委沙石釜甑
空且縣爲言昔全盛崖谷皆人煙井稅以時輸訟
庭清且閒府主何人斯輿衛若神仙惡聞災荒牒
因掣郡縣權氣燄所蒸濡陰陽乃伏愆七月禾未

夢月巖詩集卷三

三

熟嚴霜下陌阡人命賤如泥斗米其直千豺虎兼
盜賊相率歸窮泉君看城下壕億萬白骨填聞之
心惻惻日夕惟憂煎減食哺赤子吾病民其瘥空
乏亦自得但願流亡還誰忍鬻所生而供歡笑筵
久之民氣和里巷聞歌絃幸不辱明教曩者大有
緣即今來京師僕馬猶迍邐太岳高裁我乃在白
雲巔身雖無羽翼奮飛如可攀口體尚爲累忸怩
亦何顏不敢委冥報願矢桑榆先自茲及歸老世
事仍紆纏窮達識定分豈不因陳編脫非筆墨靈
鬱陶何由宣空文與華紱造物或有偏但看沒世

後金石誰當鐫

夢月巖詩集卷三

夢月巖詩集卷三

三

夢月巖詩集卷四

新安呂履恒元素著

五言古詩三

昌平溫泉

大造爲陶冶陰陽俱不息地中火潛然感沸溫泉
出其上可燂毛其下可浴渴禁禦何深嚴 天家
啟溫室風戛碧玉聲日射丹砂色 至尊時一巡
山靈肅警蹕遊豫覽形勝銀山與鐵壁湛恩無屯
膏臣庶餘波及周列十六塘分流共一脉寶馬駕
雲駟豪遊無暇日朱顏玩芳華白叟浴老疾環珮
時時聞春氣薰蘭澤若逢洗耳人萬象皆蕭瑟清
秋氣多悲遊人自悅懌青山勢截嶠白雲遞出入
倦客試一臨塵垢霍然滌太和宇宙間底事百憂
集

遊龍泉山

幽居生遠思意言不盡書山川未湮滅風跡復何
如薄言遵郊郭沙嶼遞迴紆孤峰開夕景氣象誠
有餘下瞰多邱墓松柏行列疎攘攘世間人終歸
曠野居至樂不在外何事形神拘白帝流西顥群
動迫乘除峴山與蘭亭今古同欷歔

餘年

餘年知幾何且復讀我書當其開卷時欣然會古
初寸陰未忍棄好風來徐徐夕景在林巒游雲與
卷舒思以物相長言乃性所餘淳源不敢散賢聖
時臨予

寄山中親舊

攘攘縑塵中不知南北路車帷詎遑褰倏忽自來
去夢入故園春村煙雜花樹親舊四五人花下壺
觴布相見無煩言但道花如故一杯未入口雞鳴
天欲曙顛倒我衣裳龜勉趨時務作書寄山中所

性在煙霧

移居

生年無幾時憂戚何多端倉卒羈旅中吾生良獨
難若復不適意固哉非達觀池亭旣竦峙石樹亦
高寒即事展微力衆情奔所歡木芟出秀枝泥汰
生清瀾傍巖植嘉卉逕蹊隨缺完篠簜在町疇奇
音如嘯鸞旅情亦已適朋來或盤餐怡然命樽酒
日夕不知殘

懷舍弟天益敦甫

行雁會高風天末聲相逐如何天顯親影響不能

續嗟我違家食委身侍輦轂每飯惟鹽齏淡旬始
休沐噬將舍之去飢渴同骨肉如何當晚節尚思
沾微祿春風何駘宕芳艸萋以綠故山不得歸長
恐負幽谷作誦寄同父征邁尚相勗

風雨歎

風雨不相若乃失皇天慈日夕吹塵沙潤澤將何
期瞽瞍見農夫仰天長齋咨稽首祝大神婦子恒
苦飢以淚沃枯苗膚寸安能滋遺此瘠土毛租稅
爲斧資不則美稗熟果腹或有之太倉千萬石平
糶亦有時風伯怒不已雨師無能爲大神不協和

夢月巖詩集卷四

三

托命於阿誰

夜讀示子侄

垂老抱陳編膏火無休時嘉會如故人不知宜若
爲一唱再三歎前古忽在茲秋蟲滿階除音響相
和之幢幢青燄中白髮同紛披形影未相左眸子
已我欺細字注硃墨參差且傾欬手則不忍釋心
將何所施踟躕不能寐起坐還凝思乃知前哲語
老大徒傷悲

從軍行贈戎將軍

陽鳥志高飛不思舊洲渚丈夫立功名何暇戀兒

女淮海有豪士束髮事戎伍南征銅柱遙北戍玉
關苦十年行不歸家室知何所弱男自成婚生妻
自歸土衣錦入門閭兒不識阿父徐徐問鄉鄰始
得爲家主春閨夢已斷寒衣猶在篋方壯誓不婚
守終以待汝高林激清風颯颯吹山雨一歌從軍
行壯士皆起舞

狄梁公祠古槐

秋風颯寒郊凡英莽無數巋然喬木存相傳唐代
樹托體梁公祠斤斧不敢顧上枝撐青天生根蟠
廣路疎陰息行人徑圓規數步中虛誰所剗歷年
知朽蠹樵牧爲營窟風雨時奔赴或云此古槐與
公延唐祚取日虞淵年仙李起僵仆於時萌蘖生
烽煙幾迴五飽飫古風霜幸披今雨露移蔭三公
庭本支有餘裕高歌仰太空榮瘁生深悟

符烈婦

烈婦諸生程萬式之妻也程病有年符誓
以死殉將屬續遂自經里人請旌焉

王睢有定偶孤鴻不再匹貞婦死賢雄彞倫罔攸
敦繻葛符氏女曰嬪于程室食貧歷三歲抱甕時
出汲夫壻卧牀蓐皴皴誓白日奄息將屬續一死

夢月巖詩集卷四

四

萬事畢於時月既望素娥不忍出牛女望河漢終
古猶睽隔青山有司穴言笑歸安宅百年在須臾
髮毛實我特旌閭事已久萬口猶嘖嘖

委蛇行

委蛇復委蛇日出遵中逵橫街四五折緇塵入車
帷車帷不足惜日晏恒苦飢屠門不敢入睨視群
相嬉側身望親友聞者言未歸棗樹何蓁蓁門啟
風花吹今夕且辨飭明晨會典衣歎息謂輿夫爾
何苦我爲

又

夢月巖詩集卷四

五

熒熒城上艸葉葉揚縹青陽春詎有私適當高處
生動搖多意氣俯仰流光榮風霜一以降百昌區
脆貞綠縟既盈滿萎黃或先零睇彼幽谷蘭時至
亦芳馨

答友人

我聞東臯勝紅樹延朝景中有大雅人孤懷萬彙
領峰巒非一勢白日相與永花關氣已通林鴟道
猶梗賦詩不必多所貴得真境何時踐閭域頓使
塵囂靜踟躕難久留叢桂秋風冷

與仲旭雪洲飲言情三首

尺蠖詎無知屈伸會有時天定能勝人皇皇欲何
之不如飲美酒同儕日賦詩賦詩不期工適意聊
爾爲況於素心人文采安所施君當恕謬誤言出
心乃怡

又

怡怡兄弟情常華何韡韡四海雖同心不如一父
子江漢天之涯因風望秋水良月在清樽憶別言
疊疊悠悠向十年華顛已如此人生如過景相見
復有幾誰能愛牛羊而令踐行葦

懷家兄武昌宰文啟

又

夢月巖詩集卷四

六

今夕樂難量他日期無忘朋儕同此室妻孥各一
方計口可足食所業惟田桑嘉卉亦叢生飛鳥必
雙翔焉有乘軒貴而無中饋良朝夕念職業恪恭
心不遑所言如皎日耿耿燈燭光

送顧見南端公 子告將母

白日何昭昭行天布陽春萬彙欣德澤敷榮莫不
均生世際太和至道無屈伸我友官柱史風義平
生親詔許歸將母孝治風俗淳江南二月時千花
如錦茵枝枝自迴互葉葉交停勻垂露拂冠蓋爲
君滌緇塵上有嚶鳴鳥和聲達蒼旻睨睨臨中逵

因之念同人

金臺懷古

出自朝陽門悵望黃金臺金臺已陳迹流風猶未
頽茫茫煙草中月光徘徊居人不復識志士有
餘哀燕昭洵令主樂生亦賢才主臣既同量咄嗟
生風雷功成身去國廝隸不敢猜白日照九原丹
心詎能灰乃知天下士不爲黃金來

輓家大群太史兼唁其孤二首

驚鷺乃鳳族騶虞亦麟儔一氣自相親誰與爲綢
繆緬懷昨命初尚父實佐周本根惟天合苗裔若

夢月巖詩集卷四

七

雲浮君子人中龍泥蟠久潛修得時躍天門矯首
眎九州天乎胡忍予枝幹摧虔劉時憶病中語夢
寐猶相求軒車忽至止景光昭素秋苦辭天路遠
斯須不少留出戶見明月淚與金波流

又

相送臨秋原木落悲風起四顧何蒼茫湯湯聞逝
水白日忽西沉丹旄自東指送馬立躊躇悲鳴入
我耳舊館已塵封琴書不在几孤子心皇皇衰麻
戒行李握手一長號淚下不能止舟航發天津去
去三千里何時復歸來前路慎哀毀爲親愛歎躬

靈爽式憑爾所憂失薪傳人生會有死努力念前
修毋貽化者恥

中秋後一夕南麓寓齋看月

虛亭見暮山千峰隔林樾秋聲入樹多夕陽向空
沒靜者無經營率爾肆肴核同人惟素心高興自
超越褰裳弄清流露頂出華髮語笑潺湲中仰見
東方月良夜旣三五輝光尚高揭露下影初寒煙
盡光逾發相視不知還馳情到溟渤

詠史

東莞劉道民乃供寄奴職當其失意時親戚無顏

夢月巖詩集卷四

八

色一朝會風雲龍鳳攀鱗翼金盤貯檳榔群兒盡
塞默旌旆指峭函誓將清九域奇功雖不成幸而
歿晉室文若亦漢臣惜哉佐魏國

初冬寄花作

春秋佳日過萬彙欣蒙澤時哉值閉藏衆芳生意
迫智者爲復陶居之若安宅牖虛納天光室深通
地脉陰凝際無端陽和入有隙杜門絕囂塵龜勉
從茲役緬想紛華初千花盈紫陌黃鳥樂清白啼
鴝傷紺碧消息無幾何木樨庭除積用悟盈虛理
今古視朝夕及此陽月中爲爾勤經畫洞穴何宵

冥爲基若磐石存身性所貴葆真道乃獲風霜閱
沍寒雨露待甲坼

將之雲南在塗言懷

平生無所嗜樂志惟林泉中歲始通籍彈冠今十
年清時無棄物承乏廁清班自安薄劣分世務不
相關卜居雖湫隘知止有餘閒一朝被使命猥居
諸道先行行過荆楚汎茲江漢船山水多清光晨
夕悅我顏高躋雲木表履石弄潺湲勝遊君所賜
微尚不靳然暇日出東隅瞻之咫尺間畢事式遄
歸勿爲家室牽

夢月巖詩集卷四

九

登峴山

客心日迴薄陳迹悲屢遷古人我不待誰與相周
旋忽作峴山遊遙飛巖石巔緣趾陟其首上下皆
雲煙城郭墜足底江漢橫目前不知在宇宙浩然
空八埏回首問叔子去此幾何年今昔遞乘除爾
不怵我先

鄭家驛止舍後有竹檻泉坐石成詠

逸居息勞人取足何必廣矧茲蘊靈區愉悅成幽
賞風泉出叢篁百音會一響石徑坦而博坐卧隨
偃仰細壕東急湍淙泓乃浩蕩緬懷遂古初元化

資生長允哉高厚德俾我見穹壤今昔遞相過延
竚有餘想嚴程山水間王事非鞅掌游泳日將夕
中心猶快怏

雲海

金鳳山中雲濤如海石崖上出咫尺下不
辨川谷真大觀也因寄意焉

大塊本一氣雲霧爲端倪湧起若波濤不與群山
齊因風游四海天路無所稽出岫本無心莫忘歸
舊谿

大風洞

夢月巖詩集卷四

十

坤元鼓噫氣虛宇生清風洞中流水出不見桃花
紅古之穴居人於此幾代終觀物有至理慨焉思
鴻蒙

遊飛雲巖

物象天然皆泉乳結成王陽明有記謂爲黔中
山水第一

二儀自闢闢高下誰所因翛然啟雲構冲舉何其
神造物力孔厚觸類肖天真泉源有盈虛竹栢無
冬春萬象俱陳迹孤懷日以新不知邃古初斯宇
栖何人

望金鳳山

施秉縣

黔峰多萃萃律況乃瞻絕巘身遠山益高寒色起凌

緬飛鳥辭羽弱捷猿畏足蹇自非餐霞人塵纓至
者鮮傳聞佐武宮光響洞微顯臘深僧貌愚機忘
虎心善仰視盈丈尺其上勢應展雲生石氣滋日
隱金光淺衆木發冬榮蒼然不可辨行行越數舍
向背猶迴轉目窮首重回心賞非言遣

自漁水歷辰沅舟中紀勝

大造緣動靜山水有恒德古之登臨人於茲見所
得緬惟黔楚間巖險凌九域奧府或斯藏孔竭陰
陽力孤舟溯仲冬收潦不盈溢潯水千里中隨山
勢非一澄碧混煙霄空明漾旭日始疑前路窮忽

夢月巖詩集卷四

士

從天闕入石磴震霆起濤飛霜雪立旋折峭岿間
安危存呼吸銀壺懸樹杪香船置厓側或云仙所
遺恍惚不可識巖穴架板屋橫衰無法式縋人於
太空鑿竅乃椓杙日午泊灘舟樵爨甫具食空響
越風榛木顛出石泐時乎值晦冥霧雨蒙殊色村
虛楓尚丹嶺曙松猶黑自茲歷辰沅水與山俱北
尚想桃源人樸俗無雕飾牽率難具陳凝思時默
默

公安詠古

山遠天雲合水曲人煙通孤城渺何許寒樹鳴悲

風相傳吳大帝於此安左公既爲婚姻國底事以
凶終蠹磯愁不盡白帝恨無窮陸遜詐力何足
責阿蒙稱臣於國賊齷齪非英雄壯穆至今存漢
統延孤忠長使秋江客悲歌仰太空

歸自滇南移居言懷

天地一蘧廬萬物安其所獨有栖栖客奔走罹寒
暑王言重絲綸臣力弗克舉職業詎修明偃仰誰
其與容膝義所安風雨聊可禦幽花植牆陰嘉樹
垂檐宇雖非舊林巖卧起殊逆旅況有墳麓樂朝
夕聆笑語悠哉復悠哉望古時延佇

夢月巖詩集卷四

士

題劉雪洲小像

人在山之阿水竹同其情心洗不可狀顏悅如春
榮一卷還自持世務紛無營天光瑩巖石乃窺邃
古情願言同一契老去歸茅衡

上許大宗伯時菴

雄雉生山澤敢矜好毛羽泄泄飛原田栖栖避風
雨一朝入樊籠不覺身偃僂驚擊學鷹鷂能言讓
鸚鵡朝夕飲啄安不遑出牖戶寧知鳳凰德耿介
或相取丹崖青壁間平生志所許安得遂高飛依
依慕儔侶忸怩無令顏回影聊自覩野性詎能馴

君心自千古

孤鳳吟送屈樞部鳳山罷官還陸渾

孤鳳在樊籬飲啄亦自適本無亢龍性奈何遭彈射彈射亦何常塵世空茫茫不思天路高安知雲海長鍛羽西南飛翩然歸故鄉故鄉在雲麓水清山浸綠高林繡錯連兄弟如金玉子姓起丹穴矯矯集珍木所棄如敝屣于心遐不足百鳥俱長鳴來儀慰吾屬大鵬翼若雲日月光反覆何爲竟相厄鳳兮非爾族誰能訴天關還令阿閣宿

邃古初

夢月巖詩集卷四

三

厥初生民時悶悶游鴻蒙結繩天下治老壽如孩童代謝幾何人忽焉三古終東海佐變伐西山歌黃農通隱本無心屈伸天地中俯仰思所際一氣安能窮萬物中有我瑣瑣如沙蟲青竹誰剗削金石誰磨礱至道本無言文辭安足工

人間世

振衣登崑崙身在風雲上下視人間世蚩蚩自來往爭利競錐刀好名入羅網老死不知還嬰孩幾成長所以貴我身初心不可枉驪龍抱其珠深淵自頤養老氏齊彭殤辭謫意何廣誰能游物外慷

慨驅塵想

即事七首

蚤起數徘徊今日復何爲質衣以謀食未寒先凜飢僮僕將粟至顏開心孔怡拂几陳書策古人與我宜叔向賀韓宣貧安富乃危孺仲慚兒子反使室人嗤唱歎爲之久令色生鬚眉白日出戶牖照我良有時

二

中年苦婚宦垂老忘情慾大器晚當成文淵亦吾屬入室四顧空百質無一孺妻孥顧我歎何以給

夢月巖詩集卷四

古

饘粥笑謂爾無憂百年會未促古人亦有言盛衰相倚伏嚴霜瘁庭柯孤芳起幽谷但恐稟氣殊生世不諧俗

三

中達有古槐柯葉日扶疎青陰忽四周盛夏蔭吾廬炎天久不雨雷電光亦虛蟲豸日相蝕鳥雀栖無餘黃塵朝夕起清風氣不舒類此栖遲客憔悴無安居形影照四壁歲月忽乘除仰天三歎息入室空躊躇

四

芸生繁有徒兩間羅飛走靈蠢不相知營營自糊口人爲萬物靈貴賤萃群醜肉食者何鄙志薄而養厚野蔬色孔嘉青青似春韭烹之以釜鬻澹泊味可久古聖有明訓嗜音與甘酒矧爾爲人臣奈何忘所守

五

籠鳥觸四隅羽翼遑遐舉君子守其官鞠躬以偃僂崇卑有班資旋折應規矩口舌禍之門利慾爲網罟世人亦有言柔茹剛則吐司直亮有邦是惟仲山甫明哲保其身克爲周室輔

夢月巖詩集卷四

十五

六

巢窟旣以遠生民有攸居況乃服官人邸第寧無餘伊昔萬里還卜鄰於通衢聚族不敢期兄弟偕妻孥稱貸半與直庶幾爲吾廬繕垣而葺牆賓客來徐徐平生質直性勤人謀已疎汎愛無所拒從井或有諸常恐棄此去兄弟復離居念之內傷心四海將焉如

七

暑雨滋多魚秋風揚高隼物生會其時化育忘靈蠢嗟予能識人謀生一何窘假貸出倍息往往蒙

嘲哂我亦欲無爲世事如接軫俛仰隨禮俗聲折亦堪憫何如置不顧庶幾中心允修身以俟時前哲自相引

新婦篇會雪堂

習習堂前燕弱羽詎能飛仰視滄浪天哺我黃口兒新婦初來時父母教禮儀婉婉事君子動止勤自持入厨滌百器夙興夜寐遲未知姑性情便欲攄所思一語違尊章憔悴無光輝君子爲彌縫大義終無虧同心依所天德音矢莫違

又

夢月巖詩集卷四

六

桑條明沃若鵲鳩聲欲展提籠陌上行盈盈衣露泣伯姊念孤征導我步凌緬中心旣綢繆言笑亦游行三月采青蒿四月簇黃繭將爲公子裳區區效不腆同居向三年君忽被驅遣不敢出中門心與車輪轉涼秋八九月木落枯蓬捲不惜道里寒終身事未葳舅姑祝悅康兒女願龜勉君懷亮孔深我續日猶淺海畔一逢君攜手望高巘衣裳非舊時容色尚婉孌皎日會東出谷幽當自顯

白雪吟

雪中分韻

大塊鼓元氣乘除爲四時一陽方閉藏嚴枯極所

之萬物有代謝瑤華常不萎皎然潔我目聆之聲
正希同雲仰山巔堅冰涇水涯青松始特出矯矯
嶽崎姿豈不感春榮秉質寡所宜惟有古大椿年
壽與等期

渡渾河

渾河水至清夏潦不能入平旦理輕舟旭日照城
邑擊楫蕩中流欣然望原隰良苗懷好風因之多
露浥草木旣昭蘇農工亦嫻習陰陽無伏愆雨暘
協燥濕大矣天地德四時自闢翕端居觀逝水奔
流何可及惟有茂育心萬殊莫不給

夢月巖詩集卷四

七

由龍泉寺西上觀源所自出遂窮其勝

飛雨吹絕壁炎氣爲清和泉源在木杪空響何其
多緣險捫弱葛出幽履垂蘿峰嶺非一致緬邈復
逶迤夔然至天表雲氣如流波陰陽屢晝夜日月
相盪摩下視所來徑狹鳥幾經過心疑此宮觀結
構非斧柯不知初古人何以栖巖阿

祖越寺至羅漢洞

空山寂無聲鐘磬自生響宛轉松石間忽來雲鳥
上筋骨未遑安耳目已豁朗巖腹正中穿出入隨
俛仰混沌誰開鑿玲瓏非意想仰視縹緲峰天表

撐一掌其上有飛觀安能度袤廣自非餐霞人邈
然不可往

自煙黛河南行觀海

四溟浮九州碣石爲之首欲窮域外觀天地良高
厚緣徑陟陂陀循溪出林數不知青氣來但覺天
光走東偏指齊州秋毫泛星斗澹澹閱人代何物
能悠久浩然萬象空吾身復何有

哭保兒墓

康熙庚寅子甲子周矣生子曰田保性慧而體
羸子愛之甚壬辰歸自奉天六月望後三日病

場

前日懷中兒今爲一抔土抔土在眼前兒今不可

夢月巖詩集卷四

六

觀小年未三周慧性天所予良知愛厥弟掬抱如
共語攜弟者或休聲叱色顏怒學語能呼耶暫違
即相取具食在几案牽裾指其所誠求得隱意嘻
笑動眉宇以此憐愛深呼犬字曰虎鬼伯相敦促
瀉痢罹炎暑醫藥失倫次膏火灼肺腑念爾不能
言孰知中所苦似欲相訣絕淚下紛如雨忽而發
聲啼家人盡悲楚悠悠踰早秋曠野日將午持冰
浸黃泉清涼復何補盛世無天札胡爲禍及汝否
德子自招黃口櫻網罟

城南觀藕花感興

同弟天益侄承
曾子憲曾守曾

出郭不治具偶然因素秋同室四五人亦可云勝
遊平疇交茂樹旭日明清秋葭華何冥冥遠香中
自浮亭館各據勢木石相綢繆城中冠蓋者往往
愛遐陬既至不須臾遵事趨促音雙軒軒冕羈束人
胡不歸林邱

九日沈方舟過我因留飲樓望同弟天益

日月遞往來俛仰成今昔人生無百年營營爲物
役令節忽重九惠然來嘉客三徑有黃華馨香引
行跡雖無旨酒陳即事多所適岑樓殿四望遠景
開虛白天山一氣交浩浩寫巖石孤鶴橫空來翻

夢月巖詩集卷四

九

翩厲羽翩萬里狹滄溟九臯濯光澤陽鳥詎能追
同聲不相擇何時到十洲共樂海天碧

夏至前一日西院即事

地靜人慮肅雨餘風日清林景過亭午一鳥倏來
鳴萬物欣時序吾生亦有情披書復掩卷啜茗還
游行曠觀天地際動息何所營翛然覺自得吟詠
皆和聲

聞歲杪兩河大雪同天益志喜

仕宦久通籍昆弟客長安食祿思所出稼穡惟艱
難三冬無雪霰目倦霾雲端豈徒念家室閭里多

飢寒頃有北來音獻歲臘云殘大雪盈晝夜風定
朝光團天膏既厚入地脉亦深蟠歲功未敢量婦
子顏已歡覩土旦一氣舉趾力可殫及時輸井稅
慎勿勞長官聞之色愉愉勸客加一餐代耕免沾
塗敢忘瓢與簞

賦得歸雲送沈方舟南還

白雲無定姿舒卷隨天風當其歸岫時勢不因蜚
鴻逢逢自孤往高高游太空類此遠行客一身爲
轉蓬坦步安素履灝氣摩蒼穹之子如卿雲紛郁
何昭融爛縵歌虞廷韶韶奏厥功胡爲在窮谷卑

夢月巖詩集卷四

二十

栖荆棘叢幽光自遠耀膏液滋群蒙芝蘭本一氣
金石要始終翹首望停雲皦皦日方中相思杳無
極目盡滄江東

采菹

東園有條桑盛夏葉如滋纍纍垂嘉實紅紫相參
差兒童競采掇食之甘若飴林隙動清景未夕生
涼颼因之感我心怒焉如調飢王道在農桑勤生
欲及時食羸而衣惡澹泊吾所宜但願群生遂斯
言良不欺

築隄行

一元資生始萬物有成敗群陰撼孤陽霪雨若溷
汙殄滅我大防衆流爭一隘才賢賴分司心悲聲
且呃曰嗟茲洪水民病何由瘥且晝越宵中周巡
敢言億千夫力旣竭二儀乃分界山煙郭外來荷
風天際屈氣象亦孔昭漕艘忘夙戒繫余實不德
降罰宜膺滌奚爲苦我人河伯恣一嘬洗心告明
神夙夜矢匪懈

賢婦篇

水鳥食鰕鮑腹果體充腴家雞食糠粃狐狸捕其
雛物性固有常人心多所渝東鄰有賢婦潔蠲事

夢月巖詩集卷四

三

其夫操作先娣姒珍膳奉公姑食羶不充口衣惡
不潤膚曷屬靡宵旦休息無須臾厥家既富潤猶
恐闕所需絲粒慎出入旨蓄羸中厨西鄰有美女
顏色何娟姝被服極華藻金珥紅羅襦日高花影
動甘夢眠矚瑜倚牀肆驕態斷斷笑我愚一心報
所天多口何足虞

和李禮山猥稱予讀書時過從劉蓬聞給
事相羨之作

凌晨起披衣啟戶來高煙煙散朝日出清光游我
前開卷若有得意慙不能宣忽聞叩門聲小史持

新編猥許廁文學執業相周旋好我諒由中夙心
何敢然攸居鄰是卜仰止希高賢黽勉酬嘉藻心
契忘言詮

醉後別天益二首

鴻雁西南飛臨風修毛羽天路自寥濶安所是吾
宇臨岐不忍歸佳期悵何許銜杯未傾時淚下紛
如雨各各保遐齡山巖共栩栩

二

憶昔山巖中昆弟同茅茨父母棄我去俛仰心銜
悲廿年各長成對宇官京師日夕相過從言笑何

夢月巖詩集卷四

三

嘻嘻一朝分手去千里從茲辭霜雪安可任淚下
冰寒枝嘉會詎有日焉用長相思

歸田園

清時無棄物壯志已遲莫稟氣不諧俗於世復何
慕閒靜思古歡黽勉謝時務故里念田園優游賦
歸去正月始戒塗仲春車乃駐盛夏憩窮林清風
屆秋露巖枯逼三冬經歲疾不愈田荒園亦蕪百
計供租賦僮僕頗無懼兒孫肘將露願言肆微力
浩然行我素庶幾答天工霽雨不虛注群動獲跂
息吾亦舒安步

夢月巖詩集卷四

夢月巖詩集卷四

三

夢月巖詩集卷五

新安呂履恒元素著

七言古詩一

柏樹將軍歌

登封漢武帝封也

嵩陽童童三古柏傳封漢武東巡日翠華已去二
千秋黛色常縣三百尺大者楂枒如怪石八人叉
手圍不得次亦從橫五畝陰縣崖飛峽傾我側最
後一株稱少年斑白亦是萬年物三十六峰削碧
空何來華嶽三峰立龍蟠虎踞蒙雪霜蒼翠中間
鱗爪出元氣茫茫太古形根株應始乾坤闢青天

夢月巖詩集卷五

一

時流江海聲白晝忽驚雷兩集一見東都天地清
幾看洛邑烽煙黑大夫松已失秦封處士何由披
漢德惟爾滄桑閱世深銷磨日月情蕭瑟鳴噫嘻
將軍之質何嶽嶽蒼苔斑溜無威儀螻蟻全蝕浸
香骨野火半燒無霜皮朽蠹不中平聲斤斧顧文采
焉用章身為老成豈是雲中守百戰生還成衰叟
天帝獨留鸞鳳枝霸嶽潛驅魑魅走萬古宅邊不
見春洛陽花樹矜桃柳將軍雖受武皇封投閒不
敢貪天功日邊回首長安空茂陵無樹悲秋風

寶刀篇

家兄文敏貽我以佩刀因賦

寶刀灼灼青芙蓉楚市買之千緡銅楚風自昔稱
剽勁寶刀鋒鏑將無同采金初入樊山裏鍛鍊十
年經歲砥礪似祝融亭午雲湛如江漢清秋水鑄
前含笑試吹毛粉光初淬生白毫壯士衝冠虹日
變將軍掣鞘青天高桃花斑久洗不去樓蘭血渴
精魂號佩之使我心煩勞苟非其人羞此刀我聞
昔之人盤錯別利器時清豈有不平事乃發新硎
莫輕試會須江海決長鯨萬里歸來報我兄

送張二慶餘歸太倉

張子將歸桃花潭梁州六月鳴玉驂海嶠烽煙千

夢月巖詩集卷五

二

萬里隴山遙望婁江南婁江詞賦稱擅場前有迪
功後二王張子少年起吳下縱橫風雅心洋洋世
亂鬱鬱不得志遨遊脫屣諸侯貴魯連排患不求
名子方驕踞原無意是時番禺有靈均樂府離騷
天下聞與君揚圻沉香浦兩人意氣凌煙雲悲秋
更入咸陽道馬上詩篇盡縹緲黃河九曲氣同流
華嶽三峰吞欲倒我憶湘纍亦有年今將從爾拾
香草巴山星聚一年深百尺樓頭無古今酒酣耳
熱歌且舞秦箏楚曲聲喑喑何當杖策江南去海
濶天長勞我心君不見闔閭城外羽書紛漢王臺

上多愁雲好請長纓往繫越莫向桃源學避秦可
憐三萬六千日輸爾東西南北人

桃花潭張別業也

雪中懷慶餘兼寄雲曠

北風一夜吹春來寒林淅淅梨花開千里故人不
可見終年節序空相催憶昨梁州建子月漢江漠
漠初凝雪我對蘭膏酌碧觴君倚梅花看玉屑瑤
琴再鼓和清商千山萬山聲幽咽那知與子非一
身懽娛未既星濶濶歲歲夷門空索歸荆山璞碎
還遭刖白鳳清寒脫羽毛玉龍老瘦凋鱗甲不分
窮陰隱太陽欲撥同雲問閭闔浦子南歸三載餘
年年過雁無來書短衣長劒遊何處夢想容徽到
敝廬一自巴山賦別時竭來子亦廢吟詩幽居獨
對梁園賦曠世難逢郢邑辭沉憂一夜令人老拾
得瑤華欲贈誰

東門行

明星爛爛高城東城頭鼓急聲繁繁一騎飛來雙
羽箭前鋒八萬屯城中城中老弱聲俱吞偃樓橐
載覘東門門前健卒一何怒車中少婦一何苦呱
啼欲棄抱懷兒蹙蹙難攜垂白母須臾嚴城魚鑰
開千人踳踳鳬飛來慕容山上吹野火函谷關中

夢月巖詩集卷五

三

殷夜雷其時月晦林木黑獨驅欵段臨深崖蒼頭
車子向予泣運芻新自洛陽出回兵三萬自天來
驍騰衝突人難測搜牢先問燕支婦連營不宿穹
廬室魁頭露紛入主竇炊我門櫺秣我麥頃者將
軍逐大獵旌旗蔽野麾伊闕龍文寶劍凝青霜虎
韞雕弓抱明月七香車中載秦女貂璫金珥珠
葉其中顏色各不同啼者如煙粲者雪化離萬里
嗟何及秦山隴水肝腸絕我聞此語長歎息仰天
無淚沾胸臆百姓由來愛兒女將軍不惜傾城國
紅粉青娥何處求洛陽花發照高樓丹鳳城南相
憶否可憐夜夜夢刀頭

夢月巖詩集卷五

四

生別離

朝出同鳳凰游夕歸與烏鵲群人生失意何可言
神思黯澹如孤雲我昔曾遊瀛海區金闕銀臺半
蒸虛中有仙人萼綠華丰姿綽約十五餘左手持
文犀右手握明珠蘭澤芳竟體陸離生華裾顧我
吐芳訊發徽音山月高江水深樂莫樂兮人同心
坐我蜃影樓陳我霓裳舞飲我以瓊漿羞我以鱗
脯乃命子晉吹笙馮夷擊鼓崩崩嘒嘒群與爲伍
青童引我表獨立於閭闔白雲瀾瀾兮山之下

叶

飄惠風兮灑霽雨濯河漢兮指牛女但願百年住
佐圍偕美子兮抱瓊瑰入璇室兮登瑤臺其樂也
如此富貴何有哉安知斯須之間不我以令我雲
霄路盡歸塵埃我聞秦弄玉乘鸞嫁蕭史如何華
山磯嘯嘯齋恨死榮枯各有得天地不能彼易此
帝子游兮不歸望瀟湘兮九疑淚斑斑兮在竹仰
天歎兮陳辭辭亦不可盡淚亦不可減相思苦無
涯冰絃中斷絕人生失意何可言言之使人朱顏
凋髮髮白劇肝腸而填胸臆填胸臆啜其泣縱言
之將何及

夢月巖詩集卷五

五

關門行

新安一名鐵門

哀陳公也公諱顯元楚之蘄州人崇禎壬
午令新安以滑稽息民爲治時洛郡失守
屬城邑皆隳公率民登鐵門若日夜守陴
不爲動賊檄公公碎其檄大罵賊怒并力
攻之若啟無少長皆屠公走且呼曰糾民
守死者縣令也宜殺某勿苦我民賊不顧
公持其刃呼益急遂殲焉其子某亦與難
遺民三十六人者爲負土成墳予聞諸父
老云

澗水奔山驚石根逆流百折趨鐵門鐵門山上壘
培在居民曰是陳公屯瓦礫崩飛燒黔黑荒塚草
白天黃昏猶傳壬午世反側函谷關潰無完邑我
公陟巘闢巘石率民守死勿降賊賊覘睥睨聲方
怒謂若區區何自苦公笑不答揮礮石搥碎檄移
罟狗鼠黃巾萬衆并牛力飛鏃滿眼天地黑累卵
難支巢樹傾蒼巔黃口遭刳磔更張空拳無所懼
齧齧血頸身不仆同時哲嗣亦遭坑遺民負土營
雙墓已矣哉天柱地維昔崩摧金城鐵甕空崔嵬
北門鎖鑰墮燕薊上東門亦軍延開翻城倒戈皆

夢月巖詩集卷五

六

伊闕行

秋原何瑟瑟西風吹巷陌我行伊闕道俛仰感今
昔伊闕由來地勢雄屯雲嚙水倒長空澗瀝卜宅
仍周甸伊洛安流潮禹功周甸荒蕪那可問禹功
磨滅巖厓盡秦漢而還多戰爭六朝元魏東西晉
此時天下無安土膏原血草民荼苦羅什西來釋
教興鑿山鑿石栖神宇方丈弘開地十洲浮圖高
及天尺五楊白花飛南渡江空王冥力願相降已

出帑金鍍鐵像還將宮錦繡珠幢鈴鐸聲聞十里
餘白毫光照月生初朱門玉粲僧徒餒餓殍枯骨
填空渠吁嗟乎重華之世民鼓腹其時穀貴於珠
玉絕地天通厭鬼謀枕席蒼黎日不足如之何輕
用民力至此極使民饑弗食勞弗息衣聲向天不
敢泣紛糜血肉塗巘石瓊宮金地今何在陰厓惟
見幽燐碧如之何輕用民力至此極

後伊闕行

青山忽破飛流洩吞吐天光互明滅東走嵩山西
下秦中原萬里開天闕天闕高高矗碧空中原漠
漠見飛鴻山鳥聲移紅樹外行人影在綠波中兩
龕石佛多無數面對城中歌舞處當年歌舞已成
塵惟有鐘聲敲白露

石淙歌

噫欬欬石淙之水絕不類沱與瀦天根地軸相盤
紆其下蛟龍之所宅鼃鼃之所居其上高高入太
虛或爲伏獸或爲飛鳧使非良久睇觀之安知鬱
鬱者松蒼蒼者石乎噫欬欬彼造物者誠有無剖
裂元氣矜寰區橐籥一鼓扇衆竅爭號呼女媧鍊
石不可補中有大小石室藏靈書霸書之中何言

夢月巖詩集卷五

七

辭沐日浴月人不知有客宛轉欲探奇恨無謝朓
驚人詩剴然長嘯山谷間恍如子晉清簫吹百靈
躩踞一時至雲車風馬不可追三川自綿亘二室
徒參差回首叫周且定鼎幾何時奈何風雨會和
地竟使妖墨駐蹕於其間銘穢功而饒淫辭惜哉
石淙蒙此恥願比山靈一洗之須臾峽中雷雨作
吞山倒石翻盆惡飈喧宇宙相迴薄此時耳目無
所記猿蹲蜎縮驚霧異始知天地秘其寶不使冥
搜遐覽無餘意返而登高青天沈寥日出當心萬
象烈燒但聞林木聲窸窣低洪濤又見瀾瀾白雲

夢月巖詩集卷五

八

濕芙蓉翠落人煙出陰陽多變化萬事安可測噫
歎歎石淙之水其奇也如此彼造物者有之矣我
爲佯狂躑躅作此歌不獨紀登臨而已

新蔡早發

霜天魄魄群鴉起画角聲中夢遊子吹老西風二
十年飛過明月三千里新蔡城邊汝水流秋來估
客下淮舟楚天雲雨朝朝暗不管盧家少婦愁

正陽關

正陽關上臨高厓正陽關下流清淮建牙吹角邏
卒排星宿郎官農部差差嚴令具司津渡橫術縱

遠不敢顧壽春東指白石塢賴外西過黃岡鋪使
者原輸內府錢朝廷不較額外數額上無征內府
平楚客吳商無限情茲關在昔惟轉運老翁猶記
時清寧請益不知何人許舊額有二今增五即今
巡幸多省蠲誰爲老翁陳此語

靳氏先塋有古松四株是其曾祖耆德先
生手植詩以紀之

種樹當種松生男當生龍我聞侯生爲此語人間
未見真形容靳氏之先多名德子孫亭亭如玉立
泰山北去是高門石姥峪前奉窀穸翠壁丹厓千

夢月巖詩集卷五

九

萬重晴雲忽向松陰出波濤聲起撼青冥風雨時
來奪白日有時月上寂無聲水碧山空萬象清不
減三峰華嶽色惟聞九曲黃河鳴此際神遊亦含
笑百年手澤欣生成生成琪樹多佳氣流膏金鼎
傾珠璣化作文章五色奇天地何心令人忌君家
才子盡成龍松間爲說當年事

首二句侯朝宗語

王浚川軼事詩

鄭少谷詩海內論文王子衡春風生偏魯諸生我昔曾聞薛吏部爲君遙式洛

陽城鄭卒王始見此詩遂之闕焉鄭營葬求其遺書事詳計甫草記

浚川司馬青雲客海內談詩推巨擘時有閩南鄭
部曹江關詞賦情蕭瑟垂老一官無上交片言珍

重非雕飾珠玉爲心未敢明洛陽遙式空相憶遺
文光燄在人間死者息肩生者責尚書遺恨不同
時萬里雲天遞行色氣掃黃河波再清恨填滄海
深難塞手披帷帶哭失聲家人駭眎紛環立孤子
逡巡前致辭徐告以故相揮泣敬勞長者辱清塵
欲問生平指白日乃搜篋笥起徂傍更與經營具
窻窻越今軼事知者少老生往往爲予道金石無
聲山水清常使風人顏色好天地何心苦忌才生
前不使相傾倒生前不使相傾倒噫悲哉萬古千
秋有二老

夢月巖詩集卷五

十

同友人登老子臺遙望希夷白雲庵在水
天中溯游從之歸舟漫爲長句

苦縣城東滙大澤上有荒臺高百尺河上仙翁不
可尋關門令尹猶能識時訪家任庵茂宰重是先師問禮人
歷階升堂三肅揖群帝衣裳藻火明十洲島嶼雲
霞碧路傍鼎鬬鼓殘碑蟲魚古篆無人知蒼頡精
魂夜半哭砮洶霹靂飛蛟螭人在滄浪不可即柳
煙欲盡松風吹闌干倒影波流去魚龍却與人追
隨下窺溟渤深莫測別有仙洲隱蘆荻云是希夷
萬古宅泛舟逐景入無極城陰搖動日車翻風濤

上下天吳立金闕銀臺迴相望水靜沙明星月上
石牀千年睡不醒乾坤未闢知何狀此際心悲萬
象孤靈光倏忽隱蓬壺明日杖藜君再出紫氣白
雲還有無

羅浮美人歌寄屈子

羅浮美人好顏色芰荷爲服蘭爲澤曾勝英皇釐
降時重華南狩悲瑤瑟痛哭蒼梧望白雲江山血
淚皆成碧我欲從之路無極月明有夢長相憶安
得凌風生羽翼一夕萬里飛君側俗人不識神仙
宅香草肯爲童蒙得美人未嫁且徘徊天寒日暮

夢月巖詩集卷五

士

倚松柏終夜七襄織不成河漢中間情脉脉

遊元墓

千峰影落孤舟裏客卧舟中驚欲起蒼蒼石路與
雲平山上松風似秋水橫吹天籟有清音蕩我心
胸聰我耳千樹萬樹盡一氣巖桂生香香不已寒
花遠照石苔紅落日忽銜半山紫張目登高問郁
子萬古青山寧屬爾雲石膏肅神不死占斷林泉
尚如此笑我塵顏無與比過眼空青旋去矣老僧
不語自鳴鐘白露無聲滴庭蕊

飲酒

入亦恒苦饑出亦恒苦饑丈夫盛年不得意遨遊
四海將安歸今之諸侯不禮客文章凋落無顏色
雕蟲小技何足耽斬蛟雄劒鳴牀側登樓隨分一
杯酒耳熱身輕心自得寒山爲我揭高雲秋水無
人對蕭瑟放歌一曲天地空兩峰搖動西湖立荷
衣蕙帶好歸來莫使當年漁父識

江北行

江南草木多天喬江北原野何蕭條地脉磽确沙
雨銷小麥大麥稀青苗上土赤埴同焚燬下者墳
墟益枯焦磊磈難耕砂石牢霜日杲杲澄煙霄神

夢月巖詩集卷五

十一

女巫陽虛暮朝蛟龍深居移海潮雲師返旆風伯
驕銅鳥息吹玉馬遙羲和畏冷回高標金烏鬣屑
英瓊瑤我行念此心搖搖含鼓之民今腹枵聲出
氣紆愁征徭空蒼欲呼天帝高誰鞭雷公開鬱陶
賜民田租聞近郊更蠲漕逋百萬艘兩河秦晉無
土毛寒灰引領清野號草茅深知明聖勞大官
何以裨秋毫

郊縣行

郊縣城南飛老烏夜啼荒塚饑相呼啄盡當年戰
場肉只今尚有髑髏枯崇禎年間何事無關西寇

盜紛馳驅燎原初起可撲滅車箱一戰殲無餘李成初厄于漢中車箱推轂者誰主議撫中原忍見血糝

峽後以議撫復職

糊雁門尚書大都督手提寶劒名昆吾部下健兒
一敵萬尚書料敵如孫吳惜哉朝廷爲計疎催戰
不肯遲斯須霖雨洗兵天亦酷百萬貔貅化爲魚
不然賊已伏天誅嗟哉尚書烈丈夫黃濤白馬隨
伍胥相傳孫司馬白谷投黃河死洛陽帝子死社稷孝陵松柏同邱
墟五十年來說軼事老翁爲我泣城隅其人白髮
誠且剝支離尚保百年軀休矣老翁莫歎歎且盡
襄陵一杯酒西山落月臨征途

夢月巖詩集卷五

十三

河南太守歌

有序

今上建元之二十八年江南太史汪公承天子
命自東省出尹河南甫之治所吏民稱其
不煩及其決大疑爲民請命毅然爲已任
不隨上官喜怒難已吾聞諸父老云五十
年來無此賢府主矣因爲是歌以備采風
之義

君不見河南太守今之龔與黃昔者視草三殿多
文章天子念我股肱郡任之中原非遠荒漢家
河尹信可見周南太史亦相當二南舊是分陝地

召亭尚有周甘棠三月已聞化理速一錢不受何
高張 聖人在上臺司良公才何爲深抑藏不敢
矯語鄰天光曰惟我 后臣恐惶錯節盤根有虞
詡水旱何用憂堯湯洛陽劇孟已斂跡太守不必
鉅豪強仁風一聞十四邑潛驅此輩爲貞良勞謙
君子民所望况聞發粟開義倉我聞漢之時良二
千石有治理朝廷賜之金璽書爲褒美今之太守
誰似此節屋稽首寒灰裏但呼爺孃聲不已閭閻
無因告 天子卓哉太守風行若波濤縣令不敢
虐吾曹但願開府知賢勞

夢月巖詩集卷五

十四

甘羅墓

男兒老至無成居牖下不如辨士從橫者三尺殘
碑書上卿甘羅名姓聞朝野洛陽豪貴多少年先
秦文字幾人傳蕭蕭短髮驅羸馬羞過甘卿古墓
前

哀流亡

東都大道夷且長汴河柳花滿路香天風吹汝四
飛揚嗟我民人離故鄉老弱輓車如蟻行背縣釜
甌手斧戕兒啼女泣呼爺娘更有孩提在筥筐千
里誰賁一日糧舉足不前坐且僵但呼達官出橐

囊一錢何吝兒腸我行見此心悲傷

豫民謠

辛未之年旱太甚五月無雨山濯濯小麥青乾大
麥枯當風揚之皆粃糗傳聞河北已無麥赤地千
里民逃匿洛陽秋禾種不得汝南粟貴無力糴細
雨壓塵不滑道蘊隆之氣生螟特雷霆不聞震赫
怒霾霧彌縫天鬱塞聞道明年又賜租風雨調順
應可必 皇帝時時問下民三川父老銜恩泣

我馬行

我馬虺隤惟骨立啞呀瘦削如山石危峰秋盡木

夢月巖詩集卷五

十五

葉凋孤雲澹蕩銜霜日憶昨沙場立大功將軍萬
里遠從戎回樂峰前嘶落日受降城外逐悲風死
生於主托微命惠養何心斬萬鍾功成圖畫麒麟
閣曹霸丹青寫照同誰知一蹶旋失路凡馬媒孽
來爭雄至今棄擲腐儒廐倜儻權奇復何有寶棧
紅粟不再嘗荒原青草應難守况經奴隸群鞭策
通達險道無緩急蘭筋縱弛有癰痕桃花零落無
顏色日出蠅飛瘡背腥雨餘蚊集昏腫澀夢想當
年被錦韉駑駘幾日皆金勒嗟哉我馬亦可傷飢
驅老至猶馴良千金似鹿誰相賞八尺如龍依舊

長嗟將處奉貴公子長鳴不肯辭牝糠羸形不入
時人相猛氣猶能效戰場聞道天閑十二駟有無
陳地駐飛黃

大堤行

大梁城外大堤曲幾樹夕陽帶茅屋聞道當年全
盛時樓臺夜夜然華燭公子西園騎似雲佳人南
國顏如玉橫笛短簫無限情憲王樂府奏新聲秋
風忽送梅花落霜夜能催楊柳生暮雨朝雲留好
夢千金一顧願傾城五十年來嗟不見人間天上
徒相羨芳草淒涼憶馬嘶桃花髣髴看人面河水
湯湯似舊時繁華轉眼漫成悲魚龍故道爭塵市
絃管餘聲在水湄萬古游魂招不起曉風吹月落
荒陂

輓贈觀察使益庵盧公

益庵盧公諱侯楚之景陵人令商南九載
政既成矣值逆藩告變遣游騎攻商南公
罵賊不屈以死亂後失其蛇有羽人指示
之因得歸葬事聞贈今秩

商山夜暗烽煙起令君登陴誓守死百萬黃巾動
地來長蛇尾擊危城啟令君攜印鞞雙鳥瞋目罵

夢月巖詩集卷五

七

賊皆辟易甘言詬之使我降丈夫豈肯生降賊

朝廷威德薄四海臣死猶生心自得生爲良臣守

巖邑死而不願天歸魂地歸魄願爲厲鬼殺賊百

萬億白日軍中猶蕩蕩氣結虹霓飛霹靂時清燎

原皆撲滅妖腰亂領伏鈇鎖我公之壽同金石大

書特書青史筆一死何知身後名 聖明不負孤

臣德白麻加之觀察封遺民袒裼哭墓側啟載芻

車骨自馨心化爲丹血爲碧秦山高湘水深深有

涯高有岑公之德無古今茂績九載聞三異若歲

大旱逢甘霖時薦蘋藻商山陰招魂哀些臨江潯

夢月巖詩集卷五

七

嗚呼我公真不沒高名終古縣日月況有才子二

人能文繼清白孝情至今常泣血

自敘

履也四岳之苗裔太師賜履開周疆世有達人康
寓縣我祖太傅傳芬芳兵農大政銘鐘鼎忠孝遺
經掃牀糠丹青神化皆文章長與日月爭輝光熹
宗以來鉤黨盛二林出入紛翺翔一時巧宦皆兒
子鬚眉無氣柔如水更有爲蜮復爲鬼鉤黨且及
山巖裏緹騎紛出一網空姑蘇五人憤義起斷脰
甘同吏部死知幾其神早去矣北闕辭官幾上章

東山倦卧餐冰霜四海崩離猶痛哭時危致命寧
傍徨繼之我父篤其慶川蘭臺載筆聲洋洋青山
白水在蓬戶縣車歸來何所望兩世清德古無比
一錢不名今何傷噫悲哉噫悲哉誰知廉吏不可
爲子孫葛帔命如絲誰知廉吏不可爲子孫葛帔
命如絲我生四十不仕宦有弟有弟生分離舍弟就食秦中
尚殘二人守茅屋西望秦川肝腸摧叶一朝饑饉
棄家去永爲墨吏時人嗤嗚呼雖爲墨吏時人嗤
我生有命心不移榮華瘁葉偶然耳田見泥蟠隨
所之山鬼薜蘿晚自媚美人雲雨來何遲草堂有

夢月巖詩集卷五

六

詩三百首或與先民相發揮

夢月巖詩集卷五

夢月巖詩集卷六

新安呂履恒元素著

七言古詩二

青要山行

山經云是惟帝之密都有黃花赤實服之延壽

黃河南岸臨山巔青要名山山經傳亂石驚濤一
綫路群峰東走如飛仙是惟上帝之都會胡爲乎
陰陽轆轤爭天權亭午不能見日月魑魅晝行無
人煙其下蒙茸裏人足其上豺虎摩人肩我欲杖
策闢此道手無斧柯心茫然巖前松柏鬱不發奇
峰麗石皆淪沒不見黃花赤實仙但見荒煙古戍
天寥濶南村有吏橫索錢手弓步畝量石田僕夫
恐懼趨馬還波聲漸小鳴潺湲嗚呼何時比屋安
眠無吏過使我登山臨水開心顏

行經杞縣弔劉文烈公

公諱理順字贊六甲戌進士第一官至中允崇禎甲

申國室死節

杞縣城邊日將夕天寒野曠悲行役此邦文獻昔
有人劉公文烈古禹稷平生浩氣堪補天一代文
章久華國有明末葉多氛埃士氣奄奄若死灰閭
黨薰天盛氣燄玩弄薦紳如嬰孩端帝龍飛起信
邸城狐社鼠皆摧頽深宮夢寐思良弼臨軒發策

親畫裁忽有光芒生萬丈至尊執卷龍顏開賜臣
理順居第一宮衣粲爛雲錦堆是日重瞳喜無寐
笑謂英皇得異才漢家曆數遘陽九鐵甕金城誰
與守龍去鼎湖不可攀玉埋湘水空成阜詞臣無
力挽天河身殉重泉隨我后臣死君兮妻死夫事
傳青史美何如欲尋遺塚天昏黑擊柝城頭片月
孤

短歌行贈許生元芳

許生酒酣歌短歌氣如千尋喬嶽之嵯峨十年四
上長安邸長揖卿相驕鳴珂倦遊歸來頭已白

夢月嚴詩集卷六

二

眼羞看信陵宅座上兒童盡錦衣誰識夷門老賓
客冠劍相逢在長葛勞君光采如秋月鍾傳臺前
夏木多高吟爲爾清風發咄咄許生真奇絕

長歌行送友人遊大梁

君不見秦川客子曠世之逸才吟詩百篇酒百杯
但見飲盡市中酒不知詩似黃河天上來瀚海鵬
飛蔽日月龍門鱣起隨風雷華嶽三峰在脚底蹴
踏萬里崑崙摧三光不舒神鬼怒帝命文鬼施禁
錮極之所往吾道窮東西南北遊何處洛陽古都
會才子如星布賈誼長沙死蘇秦燕國去後來者

誰可與言東里之輩邯鄲步我生在窮谷白首事
章句與君相逢松石陬感君却扇一迴顧婕妤羞
見邢夫人低頭下泣不敢妬我織流黃君織紵素
五色爲章不如衣故思公子今未敢言怨美人兮
恐遲暮浮沉誰許青雲交莫問悠悠彼行路以茲
傾倒忘飢渴歡娛過景參商濶千里相思共秋月
明明在天何可掇惟有春風知我心一夕吹君來
穎陰穎陰西望鄉關遠白雲無際山沉沉箕山之
巔大鬼之岑芳草清和夏木蕭森可以與君握手
而登臨胡爲杖策大梁去別恨還同河水深況復
今日人間世朱亥侯嬴不得意但飲千鍾醪酒
莫問十年不平事解我囊治君裝薜荔衣芰荷裳
浩然氣吐青天上下視俗物都茫茫朽腐神奇亦
何嘗錦繡文章皆糝糠水雲山木生光芒長歌歌
天蒼蒼

安陵別竇成九

安陵城外雲峰起安陵城中駐遊子驪駒在門僕
莫歌故人摻袂留且止雲黑雨白將滂沱敝車無
蓋君奈何安陵有酒旨且多倒捲青天瀉黃河滌
君塵垢發天和豺狼魑魅張網羅空山無人去則

夢月嚴詩集卷六

三

那遊子深知丈人意掉頭不住還拭淚十年東西
南北人愚子失學婦顛顛君不見杜陵老夫托末
契溝壑不救復何濟涸魚煦沫難可繼不忍淹留
爲公累大笑出門天忽霽

讀外大父王文安公集

呂梁怒瀉銀浦月河宗貢寶朝瑤闕雷靴雷鼓奏
雲門山水清音寂不發兒童望塵迷兩目當路大
笑迴車哭于闐美人矜似玉難買明妃類水沐燕
支紅落山沉綠靡顏膩理皆凡肉荒江夜捫曹女
碑外孫釐曰徒爾爲龍威不啟名山笈天地大文

夢月巖詩集卷六

四

人得知

武昌送顧聖水還密縣

顧浙人壘屯於豫母老不克俱時歸省焉

楚山五月行人稀白日長空無鳥飛江長漢廣不
可涉問君何事褰征衣爲言歸耕給八口石樓山
煙雨相思久久客不知行路難火雲赤日復何有
去年七月賦南征上霧下潦天少晴稚子擔簦萬
山徑慈母倚閭千里情遙望天台霞欲起我家門
巷赤城裏已見青松老石梁更聞曲水蘭亭圯闕
盡滄桑世再清今日生還偶然耳入門涕淚一時
垂八十慈親六十兒鄰人滿牆俱惆悵曜霧爲我

迴車遲承歡未已返棹急流寓中原歸不得天
家屯牧限逋臣老夫歸去還食力於時露下花含
煙中庭罷酒客晏眠悄然月浸江天白起舞作歌
登殘筵滿酌送君君莫哀大隗山中歸去來大隗
巖穴天下絕盛夏深寒若冰雪軒轅石函待君啟
長駐朱顏爲親悅明日江亭首重回楚山青處白
雲濤

觀社行

武昌五月望後三日俗盛賽神有臺閣諸戲

夢月巖詩集卷六

五

導魚龍戲巧將香霧奪雲輶幻出丹樓欺蜃氣三
山縹緲雲際開飛仙雜沓天上來纖索危峰步玉
女蓮房桂杪縣嬰孩海靈百怪一時集砰訇肆市
行風雷屈平呵壁驚僞僂偃師鬪技生嫌猜夾巷
通達障珠箔但聞兒女恣歡謔千金作社徒爾爲
紛華靡麗神何樂轉記紅蘭引碧車看盡瓊奇亦
蕭索於戲八鄉早稻未登場急迂田祖歛幽籥武昌外八鄉

野塘觀打魚歌

陂塘八月秋水溢長江汊港群魚集農居近市機

事熟桔槔激水不盈尺大魚轉側見鬐鬣小魚游
行還自得鐵鉏三岐鱸鮓驚繩網萬目鯢鮪畢別
有黃童烝罩罩錦鱗頰尾難爲掉擲向槿籬潑刺
聲迎門少婦恣歡笑日暮風吹巷陌腥霜刀揮處
雪花零岸葉無聲鮒潛泣澄潭月落惟三星有客
方餐慘不舒風波湖海傷離居傍徨對案還停匕
恐有高樓尺素書

確山行

櫟林舍日秋氣清石徑多風無鳥鳴風吹白雲墮
我側始知身在山中行昨夜新霜巖際落忽思擁
絮憎衣薄草間驚見白綿綿僕夫索酒茅檐酌性
愛邱山無俗韻幽居田舍兼林壑况復風塵車馬
間如逢嘉友臨蕭索滿眼青蒼一氣寒橫峰側嶺
磴人看看山沽酒應不惜僕夫莫歌行路難

臨城唐槐歌同謝明府

有客秣馬堯峰下春郊芳草蹙盈把主人導我觀
唐槐古骨蒼顏支大厦槐在城隍廟宇下殘葉猶堪作冷淘
餘陰甫可休清夏上枝崢嶸扶青天下根盤屈生
黃泉中有石文半在腹蟲魚斑駁何人鐫支離信
是千年物不材幸爾能天全武德之初紛逐鹿天

夢月巖詩集卷六

六

寶年間事翻覆寶氏萌芽微霞凋漁陽烽火摧喬
木槐乎槐乎奈若何房子城中養太和臨城古房子園偶辭
列市非榮幸縱陰三公不改柯日暮群鴉擇枯苑
使君一笑成高歌

金魚池餌魚歌

長安城裏秋風起白露沾衣念遊子日月擲我我
何之歸心遙寄芙蓉水水面漣漪轉綠萍天邊綺
霞映赤鯉魚遊似與人聲期灑灑近岸搖其尾兒
童市餅撇波中萬口喁喁作歡喜爭之不得繼以
怒金鱗翕張磨雪齒隱隱躍勢生風雷胡爲出沒

夢月巖詩集卷六

七

混泥滓魚乎悲矣池中物所爭未銳何至此得無
習與市人居安知運海吞舟狀何似長安二月三
月時金鞍油壁臨清池池中影鑑桃花面樓上手
攀楊柳枝一時餌鬻千萬錢恣魚饕餮情何偏行
有飢者乞餘餒願葬魚腹同果然秋來罷會何蕭
瑟漠漠蘋煙帶行客憶鱸張翰之江東彈鋏馮諼
歌齊國魚乎久虛牧人夢豐年占應或塞責四方
賓旅皆飽德吾不爾觀亦自得不則三江五湖皆
可適魚乎毋徒食人食

坤元宮雙松歌

寧鄉

雙松東西互爲友丹楹粉壁江聲走枝幹排雲入
窈冥萌蘖不知何代有東株倚戶半欹斜滿身苔
蘚生霜華雷霆忽起蛟龍怒掀翻鱗甲張爪牙有
時風靜日移晷青陰覆殿涼於水元氣茫茫混太
清幽叢寂寂栖神鬼近西一株獨正直亭亭上出
千峰碧流膏入地似黃金偃蓋扶天蕩白日主人
延客坐其側舉杯不飲皆自得與君同結歲寒心
隨天自布陽春澤嗟哉雙松的的有根株後萬斯
年仍不枯薜華朝菌胡爲乎

謝雷公

夢月巖詩集卷六

八

天高雲薄星晢晢憂來躊躇階不忍寐何辜我民逢
多盤小麥大麥無生氣欲鞭雷公使出聲曰民將
槁訴上帝雷公詈予何不達堯水湯旱民何厲汝
但飽食緘其口曳穀刺肥致高位阿香停車且搖
曳棄予不顧返雲際泥人覩面徒尸居石燕弄羽
如兒戲誰排閭闔前致辭早魃爲虐請誅之敬謝
雷公向隅泣不敢奉教若所爲

故友李中書舍人方來於戊寅秋予將之
所治贈行以詩時檢而三復之愴然有作
閒堂夕坐燈火昏罷酒掩書將閉門春寒几案指

半直敲詩無人與細論忽有光芒生敝簾皎若寒
泉浸明玉珍重瀕危此贈言中宵怵惕不遑宿懷
蘭志金頗有年入眼椎心重反覆憶昨京師銓注
年短衣羸馬隨高賢和歌往往竊囊錦沽酒時時
資俸錢即今錯莫山城裏日望白雲思帝里才微
不敢逐高塵慮澹還思附青史嗟君蓋棺事已定
駕蹇長途何日已回頭掩袂淚華傾猶射熒熒光
欲起

夏寒歎三首

夢月巖詩集卷六

九

四月朔日天奇寒擁爐著絮猶恨單勞人坐起三
歎息民生食飲何艱難山田數畝帶砂石小麥青
青高半尺苦菜頃筐米一溢兒啼掩口婦飲泣我
獨何心得甘食

二

自我之西到離石中間實霜殺菽穀不實比年擊
鼓歌有秋倉廩無贏尚艱食檻前花蕊凍半乾風
捎林莽吹未闌主人見此頗無歡驕兒袒裼騎竹
竿呼使近前加一餐

三

山雲黯黯多奇姿草木紛披如亂絲陰陽驕蹇不

受理首夏抵劇清秋悲小童縮項侍我立怪我祁
寒不休息更使執燈照四壁蒼苔課詩苦不成回
身入房聲氣寂

賦得石燕山東屈三鳳山

南中山水多奇絕石燕山靄難具說瑤草長明日
月光仙鐘自響玲瓏穴穴中石佛巋巋高苔生綠
髮巔白毫崇巖直出大千界倒落鵬雲壓巨鼇翡翠
銜花巢乳窟枕榔帶雨低洪濤故人作宰此江
鄉海思雲愁萬里長西風吹夢渡江水髣髴空青
飲我觴飲觴不盡還成別萬里炎風吹鬢雪石髓
金漿不可得洞門流水空幽咽願言贈我菊為糧
何以佩之蘭可禱山窗膈膊雞初鳴滿袖馨香猶
未歇

東景大東陽於高要

時已膺循卓

黃州江口別君處赤鼻山頭日將暮臨當舟發未
發時一言贈君君迴顧孟嘗已還合浦珠隱之能
關貪泉誤林臯徙倚情懷惡目送飛帆空碧落往
歲南中一儻來爲言官况惟琴鶴此鄉山水甲寰
區載酒鳴琴樂事殊江魚爲饌筍其藪老親顧之
顏色愉男兒仕宦正強盛鶴鳴鳳起翔天衢并州

三月猶飛雪萬里思君那可說蕙采湘江莫致之
梅開庾嶺誰能折惟有白雲寄我心蒼梧飛去還
高揭

石樓行

時予以奉檄覈倉同官程明府勉齋適有
發陳之請因高其義作此以俟採風

石樓城郭山之坳苦菜青青盈四郊犬吠間從猿
嘯起人煙時與山雲交阪田磽确不可井高高下
下隨窟巢城外通達無軌跡側身半趾垂巖石我
車我馬何爲者公家積貯相推覈周官斂散本藏

夢月巖詩集卷六

士

富詎非補助爲農食况逢堯舜憂民時忍令鼠飽
吾眠飢明宰曰子請發之權衡調劑仰臺司必從
所請復奚疑幸甚哉石樓雖瘠民不罷疲

石室中望屏風山雨

青山欲雨生衆色流雲往來多詭跡巖石中間望
太空水簾忽捲千條白能撼驚飈非世情還滋甘
液助生成晦明不改鴻蒙質莫訝寰中浪得名

宦學篇爲石鄭二友賦

古云宦學均有師道若大路無多岐履也困蒙何
所知性耽山水攻文辭筆墨嬉戲如嬰兒蠹魚齧

紙甘如飴厭薄世務不足爲勲名鐘鼎何有哉
一行作吏於心違惟言昨是今已非顧此下民罹
阻飢俾瘠者肥其如台敦延才傑共爲治鄭子執
法平無私石生九數如簸箕淳源不鑿性相宜鉛
刀磨厲需有時割如一羽當風吹清秋行役汾水
湄山葉翩翻若爾思永言寫心爲此詩凡百有位
敬聽之

賦得征馬嘶別李又膏

君不聞征馬之嘶聲最悲況當凜烈嚴冬時岐路
風多木盡脫關山月淡笳高吹征夫行行日以遠

夢月巖詩集卷六

十一

征馬蕭蕭腸欲斷石峰雲起上征衣茅店煙生炊
客飯故人此際隔河橋山水重重天際遙馬上題
詩書數字梅花欲寄春魂銷征馬嘶兮去離石馬
去猶存雪上跡電影飄颻嶺外看餘聲髮髯林中
覓君看班馬求其群猶念霜中同伏櫪

韓魏公衆春園

定州

衆春園在何處馬首皇皇北來路道傍坊表書魏
公大書還與青史同豪家金玉化烏有哲人草木
尚不朽溫公獨樂歸休時公之畫錦同悠久或獨
或衆俱可思功成身退吾所師

賦得同心而離居東陶艾圃

美人相望天之涯其人甚遠心不遐一夜春風吹
夢去室中開遍香蘭花香蘭花氣何芳潤美人折
取親貽問中情脉脉若相關前路茫茫行不盡地
闊天遙萬里征帶長簪短鬢華生即今日三秋
遠祗恐難爲久別情

貞女行

貞女于文英者梁之燦之原配也未婚而
梁卒女誓以身殉族衆爲之立後遂以女
稱未亡人終其身

夢月巖詩集卷六

十三

君不聞長白山上雪千年萬年無銷歇三冬沍寒
固其性盛夏炎曦亦不沒淑氣所鍾生貞女累世
門楣高閭閱牙幢畫戟排天雲粉碓脂田照秋月
貞女生年十六七蹶父相攸梁之室佳兒佳婦天
作合將發其祥在奕葉溘焉風摧玉樹折貞女有
心泉下誓相從歲寒不凋柏與松勿言弱質脆拒
霜爲芙蓉芳時斂紅彩遠映江上之青峰僉曰死
易立孤難且爲良人加一餐若敖恐餒而孤塚春
煙寒女稱未亡人終身不敢貳宗祀獲有托不知
老將至嗚呼異矣哉厥燦傳青史身死者其次太

上以心死我爲貞女行可以教世之臣子不面其面而心其心彼文君者可知矣譙周李密皆羞死

苦雨行

燕京五月塵土熱黃梅雨落霑道隔衢路塵清溝澮平農夫望歲行人悅胡爲滂沱浹旬月陰陽相戰鶉火滅市上紅粟將閉糴客子青錢加倍折牀牀屋漏濕不乾亭午颯然秋氣寒階前苔草沒足踈簷外行潦生波瀾夜半南風打窗破琴書狼籍皆摧殘何況敝衣與危冠黴黑青蒼不可看稽首祝昊蒼且遣浮雲還願見白日開心顏兩河三晉民力孱時皆告水災不遑內顧言我艱婦子嗷嗷巖石下尚可力作粗茅菅噫悲哉雨多但能生奧草雲開猶得見高山

居庸關懷古

居庸關內連昌平居庸關外諸番耕萬里烽煙靜不然戍樓笳鼓多秋聲西風烈烈吹沙草牧馬長鳴天未曉征夫有夢雁頻驚落葉滿山風不掃此際行人不可聽古道雲低乘障亭石角巔巖礙車馬千山一氣來空青青山遠望長安月漠漠冰天正飛雪將軍衷甲鐵生花壯士張弓指欲折秦漢

以來無暇日域內蕭然外薄伐往昔諸陵十二屯宮車一出盡徵發當今不戰四夷平漠南漠北朝金闕

抱璞歌畬郎茂才愚庵

卞和豈識荆山玉剖裂不完非太璞溫栗中涵天地精待沽何用山中哭山中哭兮可奈何於人術之誠失足人生有志須知已聲氣寂然不自喜陰洞泥蟠龍用潛培風力厚鵬方起絕世文章未足奇歸真返樸天其知於人何病復何疑正色蒼蒼若見之我爲先生歌此曲被褐懷瑾千秋期千秋

夢月巖詩集卷六

五

期兮與天游寶吾玉兮何所求

醉後復哭陳八行度

斯人去我三年矣形歸不謂神能死蘭言蘊結金氣寒炯炯靈光在秋水水逝山幽寂不言斯人之德誰能諉昔者論文亦不媿謂予筆勢如飛翻惜哉真意多湮沒世人見肉忘其骨詞賦何堪辱擅場淳源莫使菁華汨行度謂子學以詩掩蓋規言也冥冥負此良友多春華已披秋實缺故國青山宿草中其人斯在明如月何年歸去拚一哭新心重向秋風說嗚呼人生年壽有幾何酒深不必涕滂沱安得先生起泉

下登筵依几戒悲歌

漫興

少年操觚多放誕自謂古今善者罕老去空餘嬉
戲言此中曲折知難滿酒酣耳熱興來時漫歎長
吟誰和之若遇吳儂問僮父或同天籟息相吹

太行行

紀馬太孺人節孝

太行高可極河水深可測穹壤何所際永言吾母
德在昔結縭事君子桃花灼灼榮階祀鼓鐘見廟
聲和平鳴玉出房朝盥洗洗手調羹問小姑鹽梅
滋味可齊無三朝饋食姑璋喜七夕扶牀姊妹娛

夢月巖詩集卷六

六

自遭不弔天傾覆灰心蓬首無膏沐月以日沉誓
不明井安地厚瀾應縮魯國陶嬰豈再雙空闌夜
夜歌黃鵠身為吾姑存心與良人死良人死猶生
一息在兒子苦縻和五夜甘脆出十指宵績晝則
哭至哀式中禮兒成名兮姑永年心炯炯兮告所
天敢冀身名壽金石但傾血淚枯蘭荃蘭荃春至
尚生花血淚無光漬敝髮百歲貞鸞歸地下一朝
雛鳳翔 天家綠字丹書華表題旌門制誥出金
闈 皇風扇播頑懦起僉為順婦為貞妻猶子恭
披仰母儀稽首再拜為之辭敢以一言告哲嗣作

忠移孝惟良規

山人畬客

有謂子詩似山人氣者作此解嘲

問余何事為山人山中草木皆長春照耀八荒巖
下月升沉萬古嶺頭雲昔遊曾入長安道無人不
道山林好中允自稱山中人拾遺亦號布衣老况
復悠悠襤褸身何能意氣爭嶙峋春鳥秋蛩為鼓
吹長吟漫歎惟天真或有微辭托深意胸中五岳
橫無際泉石中涵太古音自能吐我山人氣

題崔青峙出獵圖

子玉英雄人問學亦醇謹觀其座右銘恂恂類高

夢月巖詩集卷六

七

隱一朝忽親出獵圖翠衣錦帶懸雕弧後有首面
執鞭弭虎毛鬣鬚為前驅秋風颯颯吹白日黃葉
聲中響鳴鏑兩血風毛不足數城狐社鼠皆辟易
馬入重雲嘶不聞峰端惟見旌竿直丈夫有志當
如此安能齷齪日對兒女子小兒大兕充庖厨手
割羶肩饗眾士不負桑弧與蓬矢歸來夜飲讀文
史酒酣耳熱一再看長使心胸開萬里

劉雪洲齋中觀梅漫為長句

我生夙賦梅花癖繞屋曾栽樹三十月曉風清有
異香隔窗時引寒光入自從作宰離石鄉不見梅

花空斷腸三春行樂那能醉幾度題詩憶草堂年
來潦倒京塵裏懶向慈仁問花蕊百尺喬松何處
存盡作闍黎厨下几風雨來時無所棲虬龍吼罷
誰堪擬幸有梅花市小盆劉郎高致作梅村晴天
照處雲無色靜夜開時月自昏紅白參差有奇態
冰霜忽染桃花痕十千美酒索吾詩秃筆焉能寫
異姿不知水畔留清影却向雪中抽秘思酌酒花
前花似醉羅浮夢遠人初至笑倚瓊葩鐵幹傍群
芳索寞無生氣

王比部素臣奇石歌

比部命名峨眉積雪爲之記

夢月巖詩集卷六

六

怪石一卷多千峰勢則具酒酣時一觀似得廬山
路路轉峰迴尺寸間哲章黔質生波瀾初從月牖
崎嶇入却望雲門匍匐還橫側廣袤不可盡其巔
似有聲潺潺雪浪冰痕一千尺下臨絕磴深無極
水府連天混太清山梁側足窺冥黑誰名此石爲
峨眉天半高寒盛夏時滿堂坐客毛髮動衣裳颯
颯罡風吹主人烏几列奇狀爲予指畫下復上更
有佳文作紀游使我讀之心惆悵莊生齊物論何
奇如來平等觀无妄瀛海三山在眼前乃知諸法
皆空相

夢月巖詩集卷六

夢月巖詩集卷六

七

夢月巖詩集卷七

新安呂履恒元素著

七言古詩三

和慈仁寺憶古松歌

黃子交三有憶松之什緣其先子仙裳舊
有作也予弟天益和之予感二詩有桑梓
恭敬之思因附其後云

慈仁寺中松七株蟠根離立皆尤殊風至能生萬
籟響雲來時引群龍趨晦冥雷雨更奇絕撐拄穹
窿待明月窮陰百鳥不聞聲猶耐祁寒飽霜雪昔

夢月巖詩集卷七

一

遊嘗坐青陰下忍向虬枝繫驚馬深山大澤胡不
歸塵埃煙火相薰炮十年再至梵宮中白摧龍虎
蒼煙空俗僧樸斲爲曲几騷人涕淚悲回風黃童
江夏無雙士兩世高山欣仰止愛松奚啻歲寒盟
若親所植桑與梓淳意高文發孝思仲氏和之稱
二奇老夫衰甚筆花落敢與神物爭躡踞但覺群
生盡萬蔚興觀無志漫言詩

秦風引

晁母七袞方一峰吳鏡庵徵詩以壽之且
曰晁子仲瑾端人也述其母德可信行歸

於秦因成是篇使二君歌以送之

秦川秋水連天濶有客行行輕跋涉悲歌燕市旁
無人二仲陶陶爲擊節小人有母媿尸饗一生荼
苦難具說早歲于歸家食貧孀姑白髮紛如雪孟
光舉案夜春勤少君汲甕寒泉冽二人底事此劬
勞竭力承顏翼親悅儋石安居不可得懋遷三楚
輕離別晁父之楚於時傾耳聆新語却望秦天淚如雨
林杪西山隱半規黃花古戍歸行旅酒闌秉燭語
重宣阿父楚遊年復年母兮十指悲無力捋茶紉
織爲炊煙老姑病疾危且顛走僵呼顛高蒼天欲
百其身隨黃泉魂思遠遊兒婦爲送終子阿父奔
喪歸終天恨不已隨親入泉下棄我呱呱裏誰任
此藐孤母也豈惜死人生到此何可言聞聲猶恐
驚啼猿未亡人自稱難老不才子豈乘華軒大文
噬肯惠然至淚流山礪聲潺湲我聞此語心如結
仰止三峰望秋月三峰有仙曰玉姜恒餐沆瀣能
休糧滄海幾見水清淺蓬萊空望雲茫茫秦風載
歌聲激烈芙蓉之液爲君觴

搗衣

長安萬戶秋風起搗練聲悲夜如水玉塞天遙夢

幾回金波影靜簾初啟低徊階砌拂寒砧似聽笳
聲在遠林黃花戍裏人無寐白草原頭雪正深月
到前楹花葉底羅襪光生露泥泥未幹先期洗妾
心欲裁曾否如君體一聲腕弱初不聞力盡聲聲
高入雲天末猶聞空外響夜闌還共被中薰鍼線
相同恐相比衆中莫使羞君子擎來敢墮淚成斑
寄去遙憐人在裏明年人到衣歸桁石上月華兩
相向

彥繩宅送劉雪洲奉 命隨熊相公之金
陵

夢月巖詩集卷六

三

芝蘭之室黃花香是惟丞相之舊府彥繩爲高陽相家孫酒酣
落筆送征夫南望千山如可睹千山霜潔凜初冬
征夫意氣凌高峰醉看月下將書雁倦倚風前落
子松况際清時承 聖主羽儀前導東山墅謝傳
圍碁可對彈江聲坐聽流今古傳聞水勝武昌魚
知君此遊良不虛六代煙花看草樹三山形勝問
樵漁遺老能言當日事留都征繕先人志兵甲全
銷虎鬬時金戈鐵戟成虛器先忠節在南樞時武庫以泥丸代鐵彈木刀易金刀一一蘆之
有明百六丁此時哲人飲泣才難試後以蠶語去官今相深
沉具史裁與君搜采論其世更有詩人林杜吟中

心好之曷飲食長歌送君情不禁水遠山長歲月
深冬雪嚴枯此離別春花爛熳復招尋若逢濠濮
觀魚樂應見當年莊惠心劉歸自亳州 春

放鷹

北平城西西日斜將軍較獵臨水涯衆中龍馬出
渥洼韝上角鷹時騰拏修翎白錦爛生花條鋏光
瑩爭日華志在冲舉高丹霞雉雛孩兔不足過乘
秋使氣凌谿猗竦飛木杪無义了身輕眼疾開風
沙下眎人間塵霧遮禾中走豆大如瓜倏忽山鳴
吹暮笳風毛雨血咸咨嗟嗟爾爽鳩貴無加昔者
飄淪啄浮苴丹厓青壁石啞牙曷爲肉食去其家
日從將軍發五祀敢以一飽輕免置

夢月巖詩集卷七

四

宋硯歌爲汪千波苻洲賦

端州石硯天下奇席上停杯一顧之不必團圞鵝
鵝眼自然天作非人爲湛如江漢一泓水堅擬崑
山玉無滓地中雲液滋千年鮫子磨刀割金髓鬼
神呵護不輕出更敕天工染青紫我聞米南宮出
硯誇蘇子唾之懷袖歸恐汙清靜理何如歛士大
夫家有此星精與日華磨以喻糜爛錦霞毫毛茂
茂生龍蛇趙宋於今歷有年遭逢石友違泥沙華

國文章補天手五色煉成如女媧不敢睨視擎鼓
斜況乃唾涕紛交加賤子由來不玩物爲君兄弟
書常華

立冬後一日集張天門齋中作煖爐會用

昌黎山石韻

東山野靜西日微主人逸興雲遙飛不速之客二
三子嘉肴燔炙皆甘肥荆楚歲時煖爐會古事於
今舉者稀樵蘇不爨亦可飽況有珍錯療我飢
忽城西赤霞去娟娟素月明雙扉藏鉤角勝未云
已咳唾珠玉如煙霏張緒風流尚年少腰如沈郎
寬帶圍酒深不覺街鼓動寒星入座風吹衣冀北
空群並神駿絕塵不受韉與轡莫是春風沂水畔
居然歌詠薄言歸

醜女篇答宋樞部嘉升

若耶醜女開筍篋手自燂湯還理髮自憐寂處敗
帷中敢向珠簾望明月西鄰女伴號夷光時喜相
邀共采芳始識同心不在貌傾懷貽我蕙蘭香

俞將軍以黎溪硯見貽作歌謝之

俞侯貽我黎溪硯外紫中青色善變抱質懷文性
所鍾神工鬼斧誰能見恐是空中太白之星精墮

夢月巖詩集卷七

五

流霞

夢月巖詩集卷七

六

雪洲齋中攬得陳山人所畫菊冊作此解嘲

陳生畫菊如生菊崑石千尋盈一掬人澹無言似
此情高張鬆几藏書屋一朝客至不及藏春風拂
座心茫茫攜之懷袖竟歸去秋色忽來天一古
來書畫非一手此技今推廣陽叟勁枝大葉如高
人疎影寒香憶林藪東籬真賞屬陶君世上妍媸
復何有不須入市鬻千錢明日花間一樽酒

紀王端節先生死節詩

先生諱徵字良甫涇陽人
天啟壬戌進士官山東按

察司僉事致政家居逆賊李自成陷關中檄
名縉紳先生絕食七日而卒門人謚曰端節

維懷宗之甲申歲真龍上天蛇俱蛻山林守志大
有人端節王公更英銳初聞賊首陷潼關縉紳檄
召無生還手題墓石付其子將死酬恩無媿顏嗣
當燕薊城不守七日不食身何有首陽薇蕨亦難
甘誓作夷齊報明后天啟年間何事無貂璫竊勢
如城狐權歸北寺兒孫衆士盡東林意氣孤姑蘇
五人斷脰死天下祠堂紛更起於時獨有周夢洲
大罵閹祠良有以先生矢志將無同此心匪石安
可徙三百年來國史全盜賊終之宦官始先生嘗止
建閣祠

夢月巖詩集卷七

七

代親哲嗣繫長安智以成仁不徒死初賊逼餉公未
于永春代往
流頑懦亦能興國有臣兮家有子況聞佳政亦多
端白渠疏淪生清瀾兵農利濟事非一至今子孫
森桂蘭吁嗟乎天之報施良不假死者長生勝生
者我先太傅亦如茲應同名姓聞朝野先忠節亦止建
閣祠殉節於洛
於萬斯年汗竹青多少榮華萎地下

送張葭士省覲南還書之畫冊兼呈尊公

小白

冊有二圖一曰江浦
秋帆一曰溪山行旅

青山萬里道海鹽之
青山也歸路何草草客子中夜興趨庭
望晴昊晴昊空明八月初客心寂歷轉紆徐秋江

一片帆無恙晚岫千尋氣有餘二圖並繪出名手
一時觀者傳彼都青門祖餞盛冠蓋僉曰賢哉吾
大夫古來仕宦緣情慾老去誰能侍鞠育幾見飄
然舞彩衣相看半是悲風木今之二圖壯行色兼
可風世移頑俗憶昔春筵別乃公清樽飛墮桃花
紅五鳳城邊頻送客南天不見雲中鴻過庭若問
函關叟爲道相思鬢似蓬

山有石篇爲嵇太史松友母夫人壽

太史父
留山先

生爲范忠貞公幕府逆
藩耿氏之變同死節焉

山有石勢不轉木有華隕不返物情貞脆詎能齊

夢月巖詩集卷七

八

人生有志殊相遠我聞杵臼與程嬰立孤死節殊
相成又聞孟母居三遷子輿亞聖稱大賢生世不
諧遭喪亂安得捐軀一死遺仔肩古今誰謂不相
及敢以嵇母書青編母生名家明詩習禮厥父相
攸于歸君子君子人中龍爲首復爲尾袁宏倚馬
才何高班仲投筆志堪擬運籌連幕中七閩烽燧
起不隨袁紹生願効臧洪死何畏長蛇與封豕三
年惟此一心耳哀哉杞梁妻淚可崩城天欲圯誓
歸同穴乃相從何惜紅顏擲一死舅姑心瘁顏不
開白頭黃口將摧積如此藐孤何老人不惜爲塵

灰婦曰敬聞命一死殊易易地下見良人何辭以
置對兒能成名可畢吾志噉日在天黃泉在地心
自成灰身事事敢以衰門爲親累興朝重風教旌
閭簪六珈鶴歸華表日神氣遊京華鳳池之水無
津涯郎君鴻筆生雲霞母也天只報何加南山之
石高嶺呀德補造化音無瑕春華秋隕人所嗟

遙哭五姪續曾

汝生四十不爲天況復有兒今少小英英頭角須
長成身後孤根植蒼昊所恨哀哀哭母時衰麻偏
體終身了姪卒時嫂喪方期憶昔武昌教汝書爲文局踣理

夢月巖詩集卷七

九

難舒其後心清筆有靈能令大阮眼回青秋風樹
杪還棲羽冬雪峰頭欲刷翎謂當一擊輕萬里誰
道小年祗如此汝父不知長逝矣家書往往還虛
喜故園歸去竹成林老淚斑斑哭欲死

長城行

秦築長城以備邊患叶平起臨洮竟東海爲關將帝
千萬世惟彼嬴氏子孫一姓傳下不知有民人上
不知有皇天魚肉六國王蠶食無一金鞭石銷金
驅北敵舉筆執楚威南蠻英皇古帝女一怒赭其
山況彼黔首民微命如草菅間左盡徵發太府不

肯出金錢鎬池遺壁祖龍死梓棺鮑魚同腥羶趙
高不足責李斯識字通簡編何爲廢嫡而立少亡

秦者亥天使然東門黃犬不復獵殿前指鹿專威
權斬竿揭木關外起望夷宮中方晏眠阿房一炬
化焦土金湯萬仞何有焉今日者登山臨海車塵
馬足對此茫茫百端交觸長城何高雲連天矗長
城何長不能極目民畏秦法抑何嚴酷釜甑蒸土
丁壬築水爲人血土人肉爺孃妻子踵相屬羸者
填渠壯者哭萬古精魂何所歸寒宵鬼燐明於燭
地脉何知人命盛蒙恬功畢爭相囑嗚呼政也何
其愚身與劉氏爲驅除行人但飲酒不須西望悲
扶蘇胡亥真肖子子嬰亦何辜聚族而殲之天道
好還或有諸六王子孫尚遺種強羸不得爲匹夫
嗚呼政也何其愚長城萬里胡爲乎

登高邱而望遠海

寧遠道中

登高邱望遠海元氣茫茫浮大塊方輿圓蓋二儀
同不辨端倪但青靄其中洲島時出沒沐日浴月
生光采水雲呼吸間蛟龍戲人如傀儡我欲即之
杳靄靄宇宙何所窮安得問真宰東流安歸燭龍
安在陽谷崦嵫相去幾萬里兩曜環流若相待滄

夢月巖詩集卷七

十

桑更變誠有無世上徒聞人事改碣石何磊磊溟
滓何悠悠鄒衍談天海外有九州屈平呵壁多離
憂六合之外存不論齊諧志怪皆冥搜木公蔭若
華金母居崑邱蟠桃之實千歲熟方朔何人嘗三
偷高誓安期在何許秦皇漢武遙相求金闕瑤臺
誰所造恐是蜃氣爲虛樓舟行欲至風引去誰能
身到三山與十洲徐福避世良有托文成五利皆
庸流大將之腹不過飯斗粟鯢魚何德能吞舟騏
驎騄耳日行千萬里夸父逐日天盡頭棄杖爲鄧
林渴飲絕長流環琦僑佹何不有萬古焉能閱兩
眸河伯自矜百谷長東逢海若徒包羞物情巨細
安可齊度量相越難等儔拘學區區從橫一室檢
書識字太倉一粒跛人登臺萬仞一級眇者視遠
千尋一尺人各有志惟意所適少游鄉里稱善人
文淵炎暑伐徵側下潦上霧毒重蒸仰眎飛鳶墮
其翼思立功名何擇勞逸古今人自不相及我昔
渡辰沅今來遼塞北駢駢車馬間曠然心自得心
自得義所在土可安風可采泰岱人所瞻渤海水
所匯詩以言志登高邱而望遠海

會張給事書登

夢月巖詩集卷七

十一

我聞白也詩無敵孰可與之爲仇匹蜀道秦川相
去幾千里高人望古能遙集君家筆勢不可當瞿
塘水瀉三峽長咄咄停雲離思篇使我一吟三斷
腸有時鵬鳥奮一擊垂天雲翼高飛揚飛揚究竟
落何處渴飲瑤池息珠樹峨眉月出高秋清影
隨風自來去感君吹夢到遼東寄我魚書巨流之
古渡

巨流
河名

雨中至大安寺晚晴

大安千山五大寺之一

大安寺前山徑重陰陰夏木多蒙茸珠宮縹緲在
何許但聞崖谷鏗鳴鐘中天雷雨山半集隤沙實

夢月巖詩集卷七

十二

石搖孤筇撫膺喘汗發深省倏忽峽外生瞳矓遙
光萬里泛物色左右前後皆高峰奇姿不受塵土
浣子落石罅生長松松石清寒本一氣夭矯之勢
如飛龍白雲如海踏不破倒景出沒難相從自晨
至夕屢遷易縹青黝黑多衆容陰陽向背不可極
化城亂插金芙蓉山肴野藪盡一飽座中流水鳴
淙淙山僧顧我但相笑應接不暇心憧憧

其雨行

壬辰七月至八月五旬無雨秋尤熱朝雁難窺一
片雲吳牛欲喘三更月詩人口渴絕長吟市上梳

冰如玉屑入夜依稀細雨霏枕敲耳側聲遲遲詰
旦濃雲尚未開沾濡小巷無塵埃其雨其雨待不
得菑畬未種寒風來

張勳伯索子近作率爾賦贈

詩人之名不可假三百五篇曰風雅民彝物則邇
淵源草木禽魚盡陶冶大夫授政可爰咨使臣專
對如謀野自從道喪周文敝秋實春華若風馬漢
魏而還遺意存六朝鳬藻何爲者方伯好古實多
聞言語一出妙天下鄧林不棄樸樸材愛我新詩
欲傳寫寫之未了心茫然雕蟲小技何足傳江淹

夢月巖詩集卷七

三

之筆老而禿夢花凋落無新鮮漫興登臨負佳勝
匠心慘澹非盛年區區聊爲知者道敢與詩人爲
比肩方伯爲政心無偏仁耕義耨情爲田自古心
平物自理況以文字爲因緣已徵甘雨介禾黍會
有風謡達九天

中大夫劉公祀鄉詩

天下紛紛邀祀典惟九河公顏不覲爲子克孝爲
臣忠棟梁天表垂纓冕伊昔家貧奉母時母視弗
良兒孔悲日夕焚香告天地誓心請以身代之白
華子舍攻典墳碧落高高無見聞鳥吐空青信虛

語金鉞感夢皆空文一朝鄉舉喧閭里堂下樂聲

堂上喜金石竹絲清入耳炯炯雙眸能視矣至誠

感神竟若此因心則友篤終始况復推恩如一體

三黨九族本根庇解紛排患及瘡痍初官學校教

生徒歷階乃晉中大夫慎守筦籥在農部丹心赤

手無青蚨繡袍特賜稱異數帝曰都哉臣曰俞

公之茂績若春氣鼓盪萬物生忻愉即今山右章

縫輦九河夫子咸相呼公年耄耄尚彊健日有著

書脫筆硯臨水登山多舊賓人間至樂惟爲善於

今論定蓋棺時鄉人奉主入新祠觀者堵牆塞隘

夢月巖詩集卷七

古

巷僉曰祀典惟公宜以勞定國死勤事丹漆黜聖
其何辭頑廉懦立須臾動富者咨嗟貧涕洟更有
焚獨與鰥嫠扶老攜幼奔相隨諸君吾子群嘻嘻
白垂赤保公所施最後黃蓋聯青旗郡伯邑宰皆
莅之再拜几筵陳嘏辭爾民樂此何弗爲出入孝
悌無他岐憶昨經行瓜步口千艘萬櫓群飛走中
有所冀救生船湖田歲廩舟人久是日風濤不可
當江干徙倚自傍徨懷仁輔義邁千古猶見遺民
泣數行

紀董母葉太夫人貞節詩

君不見少室之山青萬疊三華素質生紅雪下有
高盧清且閒蒿邱間氣鍾英傑英傑者誰董孝廉
下帷厲志才鋒銛天人三策辭淳厚筆削專經義
謹嚴厥配伊何葉其氏天釐女士匹君子房中鳴
玉有瑟琴廟見成儀肅容止德耀伯鸞作好逖昧
且雞鳴誓終始那知中路遭棄捐地坼山崩喪所
天腸斷心摧拚一死晝哭夜泣神奄然兩孤長跪
勸饘粥阿母霑衣惜盛年夫人揮手俱不答未亡
人復何遷延於時洛邑集群賊紛糜血肉人相食
落日無光氣慘黃陰房聚鬼天沈黑夫人此際失

夢月巖詩集卷七

五

賢雄邦國分離正鞠凶湘水玉埋森淚竹鼎湖龍
去墜雕弓回心反面多時彥褚淵袁粲寧同傳桓
桓貌虎幾男兒犀甲千群空組練良人逝矣謝時
艱淑女殉之鋼百鍊始將截耳祔其棺繼則以身
隨下泉視息人間旬越日孝廉卒後十有
二日夫人遂逝驂鸞天上萬
斯年鼎新革故聖人起天地平成物更始實惟
哲嗣中丞公陳情北闕天顏喜爰咨伯議典
禮黃麻丹鳳頒閭里比翼鸛鳴表柱樛枝樹樹
成連理誰謂夫人少年死千秋裡祀芬蘭芷即今
瓜瓞日繇繇曾孫力學窮經史布奠傾觴肆樂歌

猶憶荼蓼苦如此曾孫萬山甲午
舉於鄉性至孝吁嗟乎人世百年會
有終滿眼蓬蒿馬鬣封但見濁流汨泥滓誰能清
水出芙蓉請看一片崧山月長照瑤京萬古松

古槐行為趙尚書松伍賦

司農聽事一古槐天挺脩然秀群木但見清陰覆
四隅不知經歷幾寒暄亭午茶煙開遠明凌晨檐
日滋沈綠欲拔蘭茝作茹茅肯使荆榛蔽原陸坐
愛南薰夕景涼吐華結實垂芬芳為嫌列肆囂塵
劇每憶深山歲月長歲月悠悠身已老恐使歡心
不自保詞客多看四照花美人時闌三春草草碧

夢月巖詩集卷七

六

花明列綺筵雕欄玉砌朱顏好槐乎槐乎奈若何
獨立干霄不改柯孤高絕際由天性正直中間有
太和烏鵲紛來報嗔喜苑枯任運寧銷磨惟有堅
心無朽蠹虬螭難侵根本固雷雨冥冥不震驚谷
風習習如防護蔡氏猶知夔下桐周民忍伐甘棠
樹志士幽人共仰瞻誰能移植三公處

鐵簫歌送惲哲長之濟南幕

天地為鑪萬物銅陰陽為炭造化工昔年嘗讀賈
生賦搔首蒼蒼問太空太空無語答窮士跼蹐
月不能止元氣從來鑄偉人那識悠悠襍穢子金

石竹絲皆有音我獨何爲虛生而浪死以此苦思
 爲立言間以笙簧辨宮徵虞舜大聖人伶倫亦良
 臣聞伐嶰谷竹節韶音入神先師三月忘肉味鳳
 凰雅奏傳於陳又聞秦弄玉吹簫和蕭史以竹不
 以金安有鐵簫到都市都市雜陳百貨新山珍海
 錯入侯門隨珠卞玉等閒物焉能攜取三家村忽
 有高人行坦步五都之市一回顧金花凋落無容
 儀穿雲裂石音還吐探囊徐出萬青蚨群工驚走
 來相訴惲生此際寂無言歸去猶聞市語喧湛以
 清泉拭以袖窮途意氣何軒軒白日驚別鵠青山
 聞夜猿一吹鬼神至再吹草木蕃置之枕畔同起
 止無聲之處歸真元我欲窮其源入手不能援骨
 重神寒信異物九天窮際能高騫惲生惲生爾何
 不爲岐山鳴虞廷儀并日而食常苦飢今復別我
 去去將何之東山之地有佳勝濟南名士多好
 奇離政關經費出入以平毋傾敝不隨主人喜亦
 不令公怒其身以貞心以恕調和五味如五音是
 爲蕩蕩遵天步他日相逢再舉觴奇音高曲還能
 顧

夢月巖詩集卷八

新安呂履恒元素著

五言律詩一

九日

西風鳴斷雁蕭瑟助悲歌不有登高賦其如九日
何豈田收短銍柿園落長柯遙憶高堂宴黃花插
鬢多時兩大人
在西鄉任

己酉之漢中同學諸子餞予城南留別

遠去難爲別銜杯不忍傾征鞍停夕照祖帳倚孤
城路入深山斷天隨遠樹平更憐函谷月旅夜向

夢月巖詩集卷八

人明

陝州

周召流風地登臨一望迷天隨雷首北日落大河
西血土銷龍戰清笳憶馬嘶函關形勝在今古未
封泥

公毅齋中聽彈琴

每到蕭齋裏悠然適我心春來多麗日花下有瑤
琴此曲能傳意何人最賞音坐聞餘響外流水繞
孤岑

西鄉元日

青煙欲嚮晨雲物一時新節屆高堂宴心同故國
春林光回北鳥寒色盡南鄰更有豐年祝編氓薦
五辛

月

萬里曉關月緣山到漢城天風吹欲墮嶺雪照猶
明清入梅花影寒生玉笛聲漫吟兩謝賦淒絕古
今情

甲寅春杪慶餘在漢中邸却寄

谷口野花飛春深黃鳥稀獨憐碧雲暮不見美人
歸天地交戎馬風塵尚布衣孔璋書表健誰與薦

夢月巖詩集卷八

皇畿

梁州

蜀道天難上梁州路已遙岷嶓蟠北戒江漢導南
條落日七盤嶺晴天萬里橋獨留懷古意歌哭未
能銷

由仙女橋而上歷沙阪道甚幽仄數里得
一嶺其高齊雲稱西鄉險隘焉

水石激寒隘山梁危復懸高雲睽鳥道竟日達人
煙群木秀孤嶺幽花香暗泉遙從斷霞際尺五睨
青天

留侯辟穀處城固

辟穀原無意神仙何處逢獨尋芳草徑空對夕陽
峰時至因黃石功成託赤松荒壇回首處千古一
猶龍

聞笛

月出夜如何中庭取次過誰家吹玉笛清響落銀
河絕塞梅花少故園楊柳多遙聞三弄後秋思滿
巖阿

雨後懷公毅

西風吹木樺細雨濕垣衣永日忽已暮山禽猶自

夢月巖詩集卷八

三

飛美人惜游子白雪動金徽應計天涯晚何時賦
曰歸

雷雨

雷雨日無極客心何太勞潮聲連月落山氣入秋
高礎杵閒閨夢烽煙暗使旄西南多戰鬪天爲洗
弓刀

聞砧

西風吹廣漢天末一清砧斷入秋林響寒生落葉
深關山猶見夢刀尺若爲心征戍何年息閨人力
不禁

別楊貢士臣石

江渚秋初至山城日尚暄臨歧頻駐馬將淚更聞
猿細故宜從衆危時莫放言械通隨道路不厭往
來煩

留別漢南諸子

白起城邊艸年年怨別離漢王臺上月夜夜照相
思岐路自茲去故人何處期泮滛數行淚東盡漢
江湄

早發褒城

旅客聞雞早征車發驛亭江城搖落月石棧出寒

夢月巖詩集卷八

四

星林啟前村白天迴遠岫青七盤關下水幽咽不
堪聽

武關

用何仲默元韻

峽轉龜鼉窟天開虎豹關斷雲低蜀道落日滿秦
山征戰何年息風塵匹馬還茫茫王霸業惟見水
潺湲

松林驛

松蓋拂雲偏孤亭落日懸萬山爭隙地一徑入高
天水自厨邊出橋從壁上緣崎嶇過鳳嶺迢遞見
人煙

織錦巷

古巷風花裏猶憐蘇蕙才情非六代艷詩本二南
裁錦字秦川去籃輿漢水來奇文對良夜容易謝
陽臺

又

家室談容易文章奈若何詩真可以怨才轉妬其
多素手弄明月愁心看絳河綠衣終不報猶取寶
連波

哭許冶先

憶昔離群日山花欲放時經年惟有夢重晤竟無

夢月巖詩集卷八

五

期人頌黔婁婦天遺伯道兒即今寒食候不但所
親悲

賦得山中何所有贈孟大兄貞甫

山中何所有溪水自潺湲爾我慕高士相將時灌
園雲霞寒有色松菊澹無言更讀遠游賦仙人來
少原

山中送別郭二弟

山徑客過少斜陽秋易微留君惟一夕辭我立雙
扉此際難爲別如何久與違行塵看不見延佇亦
忘歸

艸堂同舍弟夕坐

暗谷行秋氣空亭下夕陰臨風知水急待月覺山
深邱壑幽人意詩書遠古心南陔畢力後收穫望
甘霖

同郭莘子先生遊林泉寺

和風同攝屐落日更攜樽冬燒開樵徑春流到寺
門因隨陸修靜偶坐給孤園欲探諸天勝前山樹
色昏

望原陵

南鄜鬱青青東都俯漢陵千秋留玉盃長夜失金

夢月巖詩集卷八

六

燈烏鵲翻殘雪黃河下宿冰異時松柏盡猶見五
雲凝

贈楊甥二首

十年哭伯姊此日見吾甥執手驚相認移時語不
成人當中伏至杯爲舊愁傾暮鶴沙頭落遙聞哀
怨聲

又

憶姊歸寧日甥方未覲時一門驚照耀兩小共怡
嬉生死成今昔山川易別離所欣少聰慧好學復
深思

送楊錫歸覃懷

河北秋方凜
吾錫急省親
寒山無過雁
落日送歸人
嗜好從初服
文章希大醇
盛年須努力
行矣莫沾巾

春日野集梨樹下乞火煖酒席地賦詩

野集無期會
相呼遂出門
花香侵坐冷
石火注杯溫
偃息人當午
田桑業在村
正逢寒食後
煙色倍銷魂

喜慶餘至

貧病絕人事
不期君到門
山光延小徑
馬色辨孤

夢月巖詩集卷八

七

村河北方籌
餉江東未罷屯
艱難此相見
別恨正堪論

宜陽道中有感

北望嶠關道
南瞻洛水汀
地連霜艸白
天入曉松青
舊國留侯墓
遺風召伯亭
三川此門戶
莫遣失嚴扃

時永寧有小警

金門山曉望

隱隱青冥裏
高高八九峰
雲濤翻海日
湧出金芙蓉
地肅千巖竹
天鳴萬壑鐘
右軍遺片石
風雨護蛟龍

上有王文安公石刻

秋日至倉西溝欲轉訪翰仙不得

秋光平石磴
風靜鳥初回
落木無聲處
空山有客來
雲霞晚亦薄
巖岫望中開
咫尺蓬蒿宅
無由共舉杯

薊門雜詠

景物川原裏
間關歲月中
官榆叢自碧
山杏遠能紅
沙壅桓侯壘
雲封堯母宮
不逢燕趙士
歌哭爲誰雄

又

蕪叢亭下路
野曠暮雲平
天與興王蹟
人傳大樹

夢月巖詩集卷八

八

名黃沙吹古
戍青艸上孤
城却憶滹沱
渡依然春水生

又

邯鄲春欲盡
楊柳不堪攀
花落叢臺驛
人歸洛水關
存亡輸白壁
廝養棄朱顏
卓犖觀千載
生涯有故山

淇上懷古

衛國多文獻
聲詩艷楚邱
風人懷萊竹
女子怨松舟
漠漠太行出
湯湯淇水流
暮雲千里北
何處是神州

又

沫土分封日殷墟麥秀時河山空故國父老誦遺
詩祀重三仁廟郊傳七聖碑蘇門清嘯遠寂寞此
心期

過袁大元符舊居

江漢東歸日留君此北軒閒論三百言互推五千
言舊棟還春燕荒林嘯夜猿迴看宿艸處猶自淚
潺湲

甲寅東歸宿袁齋
中與論詩談老子

水棚

密縣沙岸如棚水乳滴垂不絕

萬古鴻濛色游人坐未厭乍看風墜露旋作雨垂

夢月巖詩集卷八

九

檐溜石天光入分沙地脉潛瑤姬朝盟罷忽捲水

晶簾

棚在天
仙宮下

石門

新安青要山中駱賓王有詩今名漏明巖

造物矜霸奧何年有此巖山深交鹿豕石裂亞松
杉絕磧流雲過遙峰落日銜樂饑真可賦斲藥有
長鑱

永寧道中覽古

雲日遞明晦秋山生遠青微波彼岸動落葉隔林
聽城壘餘韓國山川近召亭古人意俱盡禾黍識
英靈

宿陳乞寺感舊

宋唐功德寺今古一殘碑艸徑行將沒松風晚自
吹重來僧去盡獨寤客心悲舊日宗雷社無因見
所思

題家兄靜觀亭

萬壑趨幽逕孤亭挹眾芬枕流高聽雨面石俯看
雲獨往因成趣朋來益所聞更知棠萼詠真意表
人群

聞雲曠至京却寄

十載不相見知君依舊貧雲山親旅客天地薄詞

夢月巖詩集卷八

十

人舊業江南遠新愁塞北春何時澆濁酒同洗素

衣塵

穀水道中感時

穀洛何年鬪龍蛇害氣存天連十月雨雲積四山
昏白板橋移渡黃泥路失村陰陽憑造物調燮與
誰論

九日同山中人凌峰采藥復飲之酒

山中多氣象老物競新霜往往秋峰外高高見夕
陽石寒人坐迫雲濕藥苗香斟酌東籬菊相將醉
幾觴

登封雨

嶽色乘秋氣蒼然變晦明微陰生野樹細雨落山城石徑望中滅風泉何處鳴枕流吾有志箕穎問餘生

弔侯朝宗

杞宋徵文獻斯人亦我師才高終累俗志屈忍言詩自具崩離恨群疑痛哭辭中原愁絕響幸矣不同時

次臨淮

沙路江村外人煙画裏尋秋風淮堰樹暮雨皖城

夢月巖詩集卷八

士

陰旅望遙天盡鄉心獨夜深寒衣猶未授處處有清砧

子產祠

長葛

故國存遺愛空山一古祠野外碧天遠林間春日遲君子能博物諸侯賴有辭東偏舊屬邑伏臘自當時

長葛鄭之屬邑

陳太邱祠

長葛有中郎撰碑

太邱名教士高誼里人知祠宇留今日衣冠似漢時艸荒荀氏宅苔沒蔡邕碑寂寞兩楹地猶堪百世師

傷蓮徵

小兒名也

浩浩浮生理寧偏五歲兒迎人初拜跪學語尚侏儻慈母捐彌月痴翁仰異時小年朝菌逼空使幾人悲

廢佑德觀

陝州有宋道士元志道所立混元圖碑甚古

傾祀沿唐觀荒城揖宋碑前朝尺土盡軼事幾人知歲月松杉古塵沙日夜吹數家春艸外香火總淒其

函谷關

靈寶

樓堞連天起風塵接塞多關門臨碧澗

下臨紅龍澗

山勢

夢月巖詩集卷八

士

走黃河望氣空千載封泥竟若何祇今同軌日午夜任經過

自潼關渡河之晉與靳三雲史言別

驅馬關門險登舟返照開中流心自漾兩岸首同回蒲坂青天際條山碧樹隈夢魂如識路信宿過盟臺

滎河道中

北塞開三晉南山屏二嶠天空惟見柳地鹵徧生茅燕雀村檐少牛羊野牧饒日長疲遠道煙火斷春郊

望姑射山 河津

姑射山頭望仙人，冰雪姿雲深不可見。歲晚自相思，安得凌風翼高棲。向日枝窮游薄海，閭闔一陳辭。

太史公墓 沒於黃河

太史風流遠遺書，發憤深麟經。雖變例尼父自知心，洪水悲聲激青山。秀色侵沉淪，君不恨憑弔一沾襟。

文中子祠

故里存遺範，空庭拜大儒。章縫編舊籍，俎豆闢新

夢月巖詩集卷八

十三

蕪果爾名賢地，依然風教殊。即今嚴祀事，七制典應無。

萬泉山中

青青太行色，鬱鬱遠人游。落日望長道，白雲生暮愁。升高循麥徑，入谷轉萍流。野曠無來客，林昏信馬投。

汾陰后土祠 榮河

蔓艸空陂上，猶傳后土祠。河山元壯麗，歲月幾遷移。落日汾陰道，秋風漢武辭。那堪華髮客，立盡白雲時。

傅巖 平陸

稽古君臣合，艱難各有因。如何巖下士，倏與夢相親。居里傳遺老，殘碑感路人。還應舊勞日，版築識風塵。

小松

松樹何微細，移來寸寸量。青陰餘片石，素杪出寒蟬。自具風霜骨，終依日月光。從來後凋者，不必樹巖廊。

賣騎

瘦影辭空棧，長嘶見淚痕。風塵旋失道，飼秣未酬

夢月巖詩集卷八

古

恩。急策朝登嶺，殘杯夜候門。倒懸今累汝，誰信是龍孫。

嵇侍中祠 湯陰

西晉風塵際，中原日月虧。艱難滅頂意，倉卒射肩時。帝重孤臣血，天留萬古祠。居人愛邱隴，青艸避春耕。

再哭楊臣石

歌哭虛無賴，陰陽謬欲移。肯遲他日死，定賞近年詩。灌木吟春苦，寒流響夜悲。孤桐時在抱，或夢見鍾期。

八陡山 新安

征塵倏不起幽谷入危巔石墜人行處沙團虎臥
邊關門臨野水驛樹接荒煙欲問甘羅墓秦碑字
不傳

逝者四首

逝者夷門客 侯朝宗 中原孰後先時知絕足少老冀
苦心傳白雪無滄海 李濟南 青雲有浚川 王司馬子衡 才難
宜聖歎刪後幾詩篇

又

萬高霸蘊結才子屢經摧豈獨長沙傳能令萬古

夢月巖詩集卷八

五

哀孝廉真挺拔流輩幾趨陪未竟長光燄亭煙鬱
不開 傅孝廉左啟有枕煙亭集

又

楊氏沉潛子 漢中楊貢士臣石 雕蟲老更清思如何水部法
本孟雲卿僻性疎通貴遺書仗友生斯文關造化
肯與易時名

又

子雲高誼在餘思詎沉淪言可搜方俗名難假富
人誰將繼玄艸自不羨朱輪遠矣曹懷子詩同庾
鮑新 姊夫羽誥亦俊才也

途次漫成

荒荒緣野日汨汨逐天涯身事今如此羈愁不敢
辭居人炊路艸宿鳥下霜枝辛苦梁園道重來幾
鬢絲

垓下 鹿邑

萬古黃雲色風吹楚塞塵重瞳遺國士一劍謝佳
人兄弟情存沛河山約失秦還思觀壁上蓋世自
無倫

過河

太康鹿邑界魏文帝伐吳由此達淮

魏帝窺吳會樓船汜此河清風吹錦纜白日照金

夢月巖詩集卷八

六

戈顧盼中原失飛揚萬里過天教南北限客子意
云何

長葛留別家兄

幾日爲童稚年今四十餘老知兄弟重身累往來
疎博士貧如昨郎官歲可除此行當檢校慎勿念
吾廬

冬日訪陳八行度兄弟時讀書宜陽山中

清士讀書處衡門常不開孤村寒日下匹馬遠山
來石上攤詩卷牆頭過酒杯坐深忘夜永霜月凜
崔嵬

石晉高祖陵 宜陽

古隧從衰艸誰知五代君地更周漢土碑折宋元
文狐兔驚冬燎麒麟卧夕曛淒涼開國日計左割
燕雲

留侯墓 宜陽

逐鹿中原日冥鴻不可親功成歸漢帝論定是韓
人故國同邱壟空山接隱淪仙遊疑未死艸木自
長春

洛陽旅舍贈全車同

鸞鳳翔千仞驂騑歷九州時名歸宦達天意屬窮
夢月巖詩集卷八

愁故笥經堪授先疇稼有秋相逢還抵掌沽酒典
驕裘

將之越中舟發真源與家蕙庵輿望言別

萬里開雙眼長風下越州岸花隨去馬汀樹引行
舟虞相窮愁日盧生汗漫遊剡中山水富遮莫錦
囊收

舟中懷王大搏九

短棹緣行李長歌托標梅年華頻掩鏡心事獨揮
杯雲水思光采蒹葭遠潮洄秦關棄繻後猶剪故
園萊

望塗山 塗山下有禹會村

停橈登石埭高岫望朝曛淮水新添雨塗山半在
雲雞鳴鐘欲盡鳥去翠初分禹會村墟在遺書信
昔聞

舟泊盱眙

淮泗交流處危檣薄晚停人煙過水白山色入城
青落日縣孤墟浮雲接四溟支祁遺井在禹蹟信
神霸 龜山水母井即禹鑿黃支祈處

又

日斜人更起風至燕初飛湖影依山樹樓陰過石
夢月巖詩集卷八

磯生涯兩蓬髻行李一絺衣明發維揚路征鞍待
夕暉

盱山

雲構何迢遞煙樓矗太空峰高明遠日磴曲響迴
風古壁苔碑近行厨竹徑通憑欄千里目飛過大
江東

玻瓈泉 盱眙有米元章舊題及宋元人刻石甚富

石磴高高上寒泉漸有聲汨流隨地折元氣與天
清就日丹砂隱迴風碧玉生一杯消執熱三伏易
長征

天長早發

夏至天長縣微陰作遠涼林鳥通宿夢江燕拂晨
裝石路千村碧沙田五月黃桑麻行處見不信是
殊方

同從弟師洛樓上對雨

暮雨高城外蒼然復有聲雲來紗障濕風至葛衣
輕對酒憐江色登樓見客情玉山相照處雙眼醉
偏明

瓊花觀後閣

舊名番釐觀有井樓曰玉勾洞天

寂寞蕃釐觀相傳后土祠瓊花不可見玉井至今

夢月巖詩集卷八

十九

疑群帝雲霄上中天日月遲還知登望處紫氣在
西陲

月下望燕子磯

漠漠山亭出蒼蒼煙月生金波峰外動石路水邊
橫六月江無暑孤舟夜有聲舊時王謝盡佇立若
爲情

天界寺登毘盧閣

初陽生古寺寒露洗鴻濛高閣遙峰外諸天一氣
中蕭梁歸蔓艸鈴鐸自悲風獨有秋花發迴看色
相空

飲朱四均半水園即事留別

屢夢遊吳會真來翻悵然爲歡憎老大將別泥林
泉靜女清商曲伊人白露篇他時相憶誦半水月
還圓

管仲墓

類上

仲父爲齊相名從鮑叔來當其不得意穎上空徘徊
九合初頒胙三歸遂起臺寂寞一杯土誰知天
下才

夢月巖詩集卷八

二十

夢月巖詩集卷八

夢月巖詩集卷九

新安呂履恒元素著

五言律詩二

曉經丹陽

林月逐雲生江樓傍水明孤舟殘夜影高岸遠砧聲風土連吳會山川近呂城故園頻北望秋雁自南征

海烈婦祠

常州

卓絕興朝事捐生古所難見聞微里巷祠宇媿衣冠骨瘞青山古魂歸白日寒有司崇典祀江上采

夢月巖詩集卷九

芳蘭

遊秦園未展留仙前輩

勝地因山水潛遊藉引攜松高亭景出花覆徑煙迷夜梵聞林塢春帆望石谿此中隱謝傳野客慎留題

過太湖

八月仍羈旅孤舟獨往還風吹震澤水霜落洞庭山陽雁心將遠寒花髻與斑橫琴秋色裏清響弄潺湲

蘇小墓

萬古銷魂地春風又放花水雲疑髻薄山月宛眉斜南部當時曲西陵何處家祇令吳越子泊壁夢香車

冷泉亭

音響疑天籟清寒識地靈氣連煙樹白痕破石苔青厲齒杯宜漱塵纓濯且停經年爲熱客慚愧冷泉亭

于少保祠

秋時士多祈夢於此

主憂臣不死社稷共危疑兩字旋成獄千秋獨有祠松風吹客夢山雨洗墳碑岳廟遙相望應同今

夢月巖詩集卷九

古悲

旅夜

白露移秋節中宵氣不炎江風清入枕山月靜窺簾有夢家方遠何營客尚淹轉思霖雨至塘水與舟添

汪恒若招飲喬園即事二首

石罅煙霜裏葉飛秋若空此中坐遊子天上會群公落日銜杯好清池臨照同翻疑謝庭樹尤愛倚葭叢

又

公子意不淺起行還舉杯涼風吹海月隨我上高
臺燈遠見漁過霜清聞雁來曰歸情轉劇苦爲成
筵催

贈家御青

青蓮在吳越同姓有陽水我亦栖遲客多君意氣
增歲華那可問仙果豈無徵婚嫁隨時畢黃山擬
共登

城南看菊

亦知歸不去鄉思轉闌珊野樹晴堪倚秋英晚自
看酒容香露溢天與葉光寒莫賣豪家盡留貽楚

夢月巖詩集卷九

三

客餐

郭景純墓

墓在江中金山之西

大江中有墓江賦此真傳碑沒山根石魂飄海窟
煙高名蓋藝術晉書璞列
藝術傳深意托嬋娟夙昔應知命

浮沉亦偶然

贈趙松一

十載求知已三吳遠問津風塵開倦眼湖海見斯
人久客子同病新詩爾入神天涯懷抱盡往詣不
嫌頻

又

古樂延陵賞長途阮籍窮宗周無雅頌廣武幾英
雄疎放容倉父遨遊藐上公誰能仁海外重起甕
餘桐

邗溝

邗溝楊柳色十月未全凋天地良高厚江關自寂
寥鳴騶朝聽角歸雁夜吹簫主客歌頻變樽中酒
不消

微雨至六合

兩細晨煙重雲疎晚樹低凍田潛受水沙路不成
泥嶺雁飛猶見埭雞冷欲栖靈巖山霧裏江縣亦

夢月巖詩集卷九

四

淒迷

清流山

上有關壯穆廟亦名關山宋太祖以舟師破李景兵
於此

疊嶂霾雲裏千秋有漢關南朝天險失北固水軍
還日短林藏壑風高石隕山還聞征戰後遺老淚
痕斑

懷遠道中

小雨霏清曉荒村半宵冥燒殘沙艸黑雲遠石林
青南服冬猶旱中原稅未停還家問饑饉老弱可
嘗經

重經鳳陽悼張二荔初

復入鍾離道川原似舊時曉遊經寺遠秋眺憶樓危流水琴猶在空山笛自悲故人歸觀地深負死生期

張率於鳳陽子欲往弔其孤未得

重經懷遠

河壩秋輟棹縣郭晚驅車山瘦稀生樹城空密種蔬歸心摧斷雁生事問枯魚自詠招魂賦南方不可居

蒙城道中

霜日寒侵曉天雲靜不生斷橋臨野水古道背荒城麥酒墳墟雨林暄墟落晴泥塗甘冒雪歸興展

夢月巖詩集卷九

五

春耕

至亳州

商邑分南紀長河控北臯午煙依市聚冬日近樓高饑鳥啄枯木肥犍驅遠牢經過頻歎息不敢競錐刀

風吹雪

風吹雪亦起野色但蕭條溝壑寒仍聚村墟氣欲消轍深旋失路壟淺不藏苗天意虛沾潤陰陽或未調

邵子祠

洛陽

擊壤亦何思天民樂盛時龍潛無亢志鴻漸有高儀不改山川色長吟風月辭十年空學易悔吝失吾師

大隗山

密縣黃帝見大隗於具茨之山即此

軒皇問道處巖壑舊崢嶸向夕山光合高天雲氣生鼎湖龍未下嶰谷鳳初鳴渺矣神仙蹟徒勞漢武情

自伊陽山行至洛

巉巖不可極蕭瑟況初經霜甚林光潔天虛石氣青遠聲尋水碓小憩得山亭底急來城市秋原失

夢月巖詩集卷九

六

翠屏

石谿同友人賦

石谿清可玩相與坐青陰水艸延孤景山禽悅衆心徑通朝餉跡谷響晚樵音童冠偕春服時哉愜嘯吟

汝州旅意

汝水南流處嵩峰北極看負冰魚未出背日雁猶寒屢舞燈前劒空彈沐後冠我生不早達行路敢辭難

關塚

洛陽

西蜀空天險東都幾寢園孤臣留尺地萬古在中
原賜廟環松柏居人薦藻繁曹家有疑塚野燎失
頽垣

寄舍弟

二月隋堤柳風花怨別離晴雲出岫遠春日過林
遲兒女宜勤課逋租且婉辭吾行違龍墓寒食更
深悲

春旱

春色黃塵裏陰陽鬱未分山昏時隱日石渴不成
雲社鼓村還賽原田歲且耘莫將其雨怨聞罷海

夢月巖詩集卷九

七

西軍時漢蜀
回軍

韓柱國墓新安

柱國世多賢豐碑表舊阡將才中主識兵法外甥
傳李衛公靖
韓之甥也廟貌凜生氣松風吹古煙隋宮渺何處

杯土萬斯年

驟雨

驟雨凌高岫濃雲羃野祠氣蒸林葉動響激水萍
移靈爽通人意原田及我私翻憐僮僕瘁決溜灌
畦時

立秋日行經粵嶺

緱山青不極粵嶺去悠悠僧舍還休夏征衣欲凜
秋露花侵坐石雲岫擁登樓倦眼開天畔哀鴻滿
豫州

詣大中丞告災

匍匐中丞府長號此告哀側身思夏屋引領望春
臺欲悔皇天禍應憐赤地災兩河百萬口托命濟
時才

游風穴寺用摩詰香積寺韻

夙聞風穴寺縹緲定何峰初日緣山徑高雲落磴
鐘客談依厲石僧貌類枯松城市多雩舞求師呪

夢月巖詩集卷九

八

鉢龍

女几山宜陽史稱張軌皇甫謐隱此世傳仙女白蘭香事近

女几山何峻空青半在天萬峰交二室一柱砥三
川流俗無高士傳聞有列仙周韓轆轤地設險重

西偏

紀事

已未歲初旱國中書大雩家家供水母處處走村
巫地徹黃泉涸人過白露蘇於今十四載其雨淚
同枯

又

往歲秋多雨窪田稼不收誰鑽煉石火並塞漏天
流林葉辭歸鳥原芻失飯牛端居思上理應笑杞
人憂

又

旱甚瀕河住潺湲絕澗漚晨炊家借火夜汲衆爭
泉白艸民輸驛黃河吏帖船宋梁通洛口還願彼
豐年

又

賜租真異數緩死莫深悲 明盛憂勤日堯湯水
旱時歌呼聞父老調護望臺司風雨應和會輸將

夢月巖詩集卷九

九

不敢辭

函谷

函谷三千戶流亡無半存故家鬻敝器新鬼聚空
村轉運邊臣策蠲租 聖主恩使君煩請命力役
盡兒孫

楚粟

時饒楚粟貯秦中洛人苦之又水運河淺不行

塵沙積晦暝星雨失滂沱楚粟罷中土吳船阻大
河深耕那可問精禱竟如何稷禹盈朝寧陰陽豈
未和

獲麥

獲麥不數種中田雨淚枯自能休亞旅何以謝胥
徒氣鬱陰陽易天空日月孤願逢調順際草木共
昭蘇

讀舍弟漢中諸詩有寄

江漢清秋日登臨遠望時因傷千里目爲寄數行
詩風似秦中變情同海上移吾衰攻頗易不信弟
難爲

又

薦饑催汝去遠道幾時歸危棧連清渭高秋入翠
微挹泉炊旅食仰樹挂征衣詩律年來細窮愁願

夢月巖詩集卷九

十

不違

又

先公游宦地兵甲出顛危昔記過庭處今來獨旅
時江山空故壘父老聚新祠痛哭人間世廉清亦
可爲

月

好月愁時出山窗卧處明初低林葉暗漸遠露華
清白壁懷無用黃金鍊不成憐君隔雲海光采寄
荄荆

雨

急雨趨幽壑驚雷過遠山
淙轟鳴自得巢燕濕能
還潤逼篝燈外涼生戶
牖間秋禾稀更種野老
暫開顏

月

霽月初圓夜天風未凜
秋已隨雲渡海旋引雁
過樓玉杵心如擣金波
淚與流陳王苔閣閉腸
斷為應劉時公穀卒

雨

復有冥冥雨先占淅淅
雲峰端昏不見葉上細
還聞萬慮輕秋爽中田
肆力勤屢豐今以始輸
稅報

夢月巖詩集卷九

十一

吾

君是年特詔蠲租復寬舊逋

月夜懷舍弟

萬里雲端月中宵欲滿
輪關山同此夜樽酒對
何人白髮將榆老清秋
仰桂新饑寒跡自掃無
路入

三秦

夢屈子

涼風吹我夢一夜渡江
濱素手搴芳草同心贈
美人高邱不可即暮雨
獨傷神何路輕千里從
君笑語真

又

謫仙長逝後詩思少清
新舉世無高詠憐君似
古人蒼梧雲自出斑竹
淚空頻萬古瀟湘曲何
時一問津

月

明月東方出勞人永夜
傷海濤飈不定天路去
何長衣潤露清彩簾疎
動素光芙蓉欲采佩風
露滿寒塘

輓楊茂才南征

疫厲今年甚驚聞喪好
朋河山歸素旆風雨失
青燈垂老貧如故為文
得未曾或同顏卜貴地
下赴

夢月巖詩集卷九

十三

三徵

輓外弟傅次棟二首

兩世門衰薄孤生蔚與
蒿無兒伯道苦有母敬
姜勞曾議宗祧次因聞
晝夜號招魂如可起忍
淚續

離騷傳與尊人孝廉公皆早孤次棟更難於嗣

又

桐邱逆旅處回首每思
君行藥當朝爽談詩必
夜分仙才宜有數濁世
自無群欲向孤墳哭箕
山望白雲

小雨抵洛陽

秋雨寒逾細朝雲淡復生花輕稍韞露葉靜似聞
聲客路心應折鄉山眼倍明晚來煙火暗淒斷洛
陽城

次汝州有感

南國三分地西歸九月天郊原多白露樓堞半蒼
煙楚粟秋冬輓秦民日夜遷條枚行役意歎息汝
墳篇

雪中至三亭岡族舅子莊留飲

杖策求知已長歌行路難山川百里至風雪一燈
寒繪切銀絲細杯傾石凍寬多君真好我不是爲
盤餐

夢月巖詩集卷九

十一

幼子憲曾在長葛念之不置因有此詩

汝生旋失母吾老更長貧歲晚同行役天涯各寄
身癯形時在眼慧性早憐人稍煥應相取加餐自
勸頻

飯餘

幽居多靜理世用不相關細雨生春草虛窗見暮
山飯餘樓日過詩罷嶺雲閒有酒時斟酌無人共
往還

歲晏

歲晏征輸急天寒草樹昏悲風鳴四野落日動孤
村楚塞粳糧溢秦關餉道存黃河隔洛口爭忍役
兒孫

時有通政挑
河之議旋止

冬日山行

曉日臨霜氣孤村欲啟關牛蹊潛凍磳人語出空
山渴病方增劇饑驅且未還所嗟筋力異不敢怨
躋攀

將出都留別在館同年

三月恒山曉春光滿帝州自能開旅望不敢動
鄉愁庾鮑才難並鶯花賦莫酬歸心同晚照時在

夢月巖詩集卷九

古

苑西樓

晚節二首

晚節甘貧病生涯有故邱果宜從衆撲粟或向鄰
求山色當敲枕溪聲過倚樓餘年愁簿領肯爲折
腰不

又

少年工麗藻中歲阻高深悔悅時人目思窺作者
心雲峰兼變態水石亦清音不必皆傳後愁時一
朗吟

行次登封館郭大渭石素園留別

繫馬入松徑高廬清且閒疎燈搖靜夜遠水響空
山日月無停軌關河非壯顏塵塗方未已莫問幾
時還

暮

白楊冬未槁清響亦堪哀薄暮中原立天風四野
來煙霞滋澹泊樵牧與裴徊久斷衡陽信空聞喚
雁回

雪嶺自楚歸
久無音息

北邙山

斜日邙山上春愁欲黯然亭碑辭故道墓土入新
田游女追蝴蝶征人指杜鵑回看洛水畔猶是漢

夢月巖詩集卷九

十五

時煙

行次郭店

茅店藏林麓輕帘出曉風人家山雪裏客飯野煙
中生理憑羸馬歸心望遠鴻步兵雙眼在不必哭
途窮

將之大梁應王明府召在塗言懷

一笑出門去羞為遊子顏風雲經故壘雨雪入空
山倒屣應如昨彈冠亦等閒翻愁薺麥熟首夏未
言旋

浚儀雪後作

春寒一夜裏大雪滿夷門忽憶同山叟看梅過水
村倦遊生白髮清坐易黃昏授簡焉能賦梁園客
斷魂

飲王緒亭齋中二首

赤日下城隅庭陰艸樹蘇幽尋宜曲巷深酌慰長
途籬補新園竹門垂舊掖梧經書談笑得應信古
為徒

又

雙泊環城邑三亭抱隱居宋梁詞苑古晉楚戰場
虛倦眼風塵際殘杯月露餘當年王謝塵欲把更

夢月巖詩集卷九

十六

躊躇

伊園分韻得亭字時值五日

疎樹開平野群山共此亭麥翻沙更白松偃徑還
青地臘隨風俗天涯幾醉醒薄遊近賴許良夜會
占星

帝嚳廟

古廟荒原裏高辛典祀垂顏垣秋上薜蘿木夏生
芝山月明龍衮村煙暗畫旗祗疑風樸略姚姒未
能追

鄭州

晉楚交馳際河山四望同天迴盟澤外日落戰場
中枯枳門何處萑苻澤已空中原今瘠土不是采
蘭風

汜水道中

巖邑隨陵谷淒涼鄭號間地連牛口峪天壓虎牢
關驛路全侵水城闔半在山汜南爭戰地惟見鳥
飛還

望隋苑

隋苑傷心處平蕪又夕曛登高望河闕不見廣陵
雲往日三山下歌聲徹夜聞歡娛南幸後春怨幾

夢月巖詩集卷九

七

思君

遄歸

旅食家何補遄歸興自偏願耕親耒耜悔別卜筮
簞石隕當巖屋沙頽近壑田無勞問生理一夕且
高眠

巖居二首

太傅祠堂畔巖居復此中陸機思世德潘岳詠家
風水靜聞空碧山虛見遠紅浪游違伏臘霜露恨
無窮

又

明發思無端朝餐慘不歡高情非市義深計在遺
安衣桁山花落厨煙石樹寒尚慚廉吏後耕稼未
知難

晚涼

蘿薜延朝景荊納晚涼鳥窺虛室白人動遠山
蒼適軒衣新短防身劒故長塵纓還許濯取次問
滄浪

宵征

月淡天知曙宵征意惘然終年隨僕馬幾日卧林
泉虎跡平沙雨雞鳴古戍煙函關饑饉後野草徧

夢月巖詩集卷九

六

園廬

題孟璞卿讀書樓

結宇雖人境幽棲絕世無樓高秋望盡客到晚村
孤茶響遙連壑山煙近接厨臨風披卷帙長嘯閱
塵途

楊甥子健病起予往視之二首

聞汝秋仍病相思欲奮飛加餐書屢勸問道使先
歸藥裏宜晴幌花欄避露衣何懼驚老眼驗取沈
腰圍

又

杪歲一爲別，清秋幾欲來。馬羸艱遠借，衣短急新裁。
寒霧淫川迥，夕陽鴉路開。相逢聊放眼，貧病莫相催。

遊龍門登禹王臺

禹蹟不可問，荒臺空復情。雙峰猶積翠，一水自涵清。
遠景開嵩嶽，流雲度洛城。那知疏鑿後，象教獨神明。
兩山多石佛

問何大復祠

寥落郊關外，荒祠指暮雲。空山成獨往，高詠許誰聞。
白露秦風渺，幽蘭楚畹芬。吾衰慚後死，爭敢與斯文。

夢月巖詩集卷九

九

斯文

丙子六月望夜發信陽行山蹊松月間時
從家兄文啟之官於楚

既望復行役，將秋加鬱蒸。月明松四照，雲隱石孤稜。
山徑清如許，塵寰得未曾。楚天疑咫尺，鳬舫欲飛騰。

舟中望武昌郡城

江漢湯湯水，方舟泛泛情。客心何所屆，天際武昌城。
向夕開林靄，芳洲遞遠明。平生萬里志，得矣在南征。

武昌七夕

不知七夕至，牛女意何如。河漢移清影，江山靜碧虛。
遲書衡嶽雁，速客武昌魚。更笑縣禪曝，狂奴態未除。

丙子七月遊赤壁三首

赤壁三分蹟，黃州七月辰。江山如昨日，風月屬何人。
蘇子才難並，周郎度絕倫。英雄與文采，雲水若爲鄰。

又

渺矣周公瑾，還思諸葛君。火風成一戰，天地與三分。

夢月巖詩集卷九

三

分暫假同盟，力終歸帝胃。勲林臯疎放，客寧憶左將軍。

又

雪堂不可問，泥坂亦難尋。兩賦存孤嶽，千秋識此心。
敗盟先白帝，定霸在烏林。遙企應多慨，眉山意自深。

山名赤鼻坡，公借用亦壁事，發意應非誤用。

夢月巖詩集卷九

夢月巖詩集卷十

新安呂履恒元素著

五言律詩三

洪山寺 武昌郡東十里

寂寞東郊寺，清秋即次來。
草間石磴沒，松際貝宮開。
雲日移荒榭，湖山接廢臺。
官郵香積外，廚傳亦堪哀。

黃龍寺 武昌郡中相傳楚王離宮

城南何代寺，傳是楚王宮。
碧瓦久頽雨，青山虛映空。
風煙筇吹外，歲月磬聲中。
龍象何功德，王孫草

夢月巖詩集卷十

自叢

夜雨和許二元芳

高館涼侵戶，疎燈夜獨吟。
江雲虛客夢，山雨促鄉心。
竹翠濃何似，蘭香濕不禁。
滄浪纓可濯，漁父自知音。

又

羨爾騷才絕，因悲宋玉秋。
風篁山鬼嘯，湘浦美人愁。
芳草應堪把，遙峰不可求。
曉看清響處，石竇折龍湫。

送門人顧雲扶隨父還密縣 鎮浙人寓密新自浙歸時在楚

不憚江關遠，長征爲老親。
舍牀仍請向，舟膳每蠲晨。
蘭佩同人舊，蓴嘗故國新。
白華忻載詠，相送楚江津。

又

閩洛淵源在，歸求實有師。
趨庭聞自異，負笈遠何爲。
風月思伊水，煙霞夢武夷。
吾衰仍困學，撫壯莫深疑。

登武昌城樓 時五月望後三日楚俗賽神甚盛

何處閒歸思，高城旅望中。
江平風葉定，山遠夏雲同。
莫桂歌霸保，傳芭舞巷童。
登樓忘作賦，甘雨祝

夢月巖詩集卷十

二

年豐 時方禱雨

思歸

楚水縈歸思，嵩邱望晚天。
煙生人語處，花落客愁邊。
生理遙難問，詩名老畏傳。
尚須遊五岳，婚嫁莫遷延。

遊寒溪寺

峽折危梁盡，溪回古寺通。
鳥窺檐影外，樵響磬音中。
藉草從多露，穿林得緒風。
買山猶未得，應復笑深公。

送蕭叔佩江南歸省

十載一相見何堪復送行山亭秋雨過江路曉涼
生楚佩馨香遠來衣綵繪明囊空無長物解纜若
爲情

丁丑六月九舅至家兄所治朝夕侍杖屨
樂甚及秋予先歸舅將之江南惜別三首

良覲同銷夏高軒此暫留西風吹白露南浦送輕
舟茂苑楓將落函關月正秋加餐煩屢勸肯作置
書郵

又

明發懷慈母天涯接舅甥虛傳宅相語深負渭陽

夢月巖詩集卷十

三

情鯉躍乘秋漲烏啼近夜城廿年艱寸祿蒿蔚是
浮名

又

吾舅如椽筆人稱濟美才蘭亭詩亦絕榷几字何
猜伯仲皆通貴田園獨草萊江南餘舊巷風景爲
君開

漢口守風

日晏天吳立舟航不敢行沙飛漢陽樹潮打武昌
城沉弁神應貺然犀怪自驚空囊何憚怒端不爲
儒生

又

早起涼生戶天清露下塘江光浮枕席山翠濕衣
裳霸雨疑巫女時秋雄風信楚王仲宣樓上賦不
獨爲思鄉

遂平道中言懷

曉涉河清淺霜風凜四郊土宜千樹栗山店數椽
茅秋興還看髻時名未解嘲故園納稼畢招飲素
心交

汝州晚眺

汝墳秋色遠一雁過沙村紫邏山峰古丹泉地脉

夢月巖詩集卷十

四

溫天垂中嶽盡風似二南存向晚清笳動能令客
斷魂

行經伊闕

周南尚留滯伊闕屢經過水落寒聲小山高秋氣
多馬卿游已倦潘岳髻如何歲歲川塗上登臨幾
放歌

九日分韻同陳八行度舍弟敦甫門人王

庚士

九日天將雨登高賦不成谿風隨雁起山葉向人
鳴菊酒邀兄弟萸囊佩友生經年違里閭良會倍

關情

行經石家陵

五季村墟在煙霜似有無人家檐日滿客路嶺雲孤
瓦鼠隨塵墮陵鳥背火呼十年石氏曆北狩失雄圖

登樓

客通州作

西北浮雲起蒼蒼滿帝州悲秋還作客望遠正
登樓日近燕山午帆隨潞水流萬年天庾地鍾石
莫深憂

灤縣贈陳判官孟門

夢月巖詩集卷十

五

疇昔稱完邑舟車日夜過直沽喧曉渡淤淀長秋
禾代易人煙少城空戰骨多草間官舍圯經濟欲
如何

晚眺懷山中諸友

遠樹橫秋色高壙望夕曛祇疑飛鳥際猶是故山
雲白露何時降清礎不可聞山中朋好在徙倚念
離群

香河道中

蕭蕭郊關外行行墟落中野田多種稗驛路自飛
蓬沙阜眠家鷺村扉躍草蟲畿南屯牧地穗稭動

秋風

和傅二廣卿失騎詩

曉秣呼僮起喧聲出壁端千金爭瞬擲長路正秋
寒電影疑空早霜痕在舊鞍誰知塞翁意一笑捲
簾看

堯廟

拜手瑤階下中天日未移衣裳仍藻火宮殿易茅
茨野飯人初聚春遊物自熙壤歌留晚計爭敢望
臯夔

韓侯嶺

夢月巖詩集卷十

六

險矣韓侯嶺懷哉國士風雲山荒徑外霜草斷垣
中已遂封齊志兼成破趙功所嗟身退晚不與赤
松同

由鵲鵲嶺宿三角莊

仄徑臨危谷蠶叢似此無縣空車自轉入霧僕相
呼猿鳥欣人過兒童問客需雲端看晚霽止宿計
前途

高齋

高齋何所見返照入簾斜城影當松杪村煙過杏
花沿郊民舍靜出谷鳥聲遐莫踐青苔色須傳吏

放衙

屏風山 寧縣

一徑通林幄千崖廠石屏瀑聲紛積雪日氣漾空
青獨立高雲表群瞻太古形不知真宰意鏤削待
誰銘

又

情移忽黯澹車轉自低徊勝地無終極何人見始
開中巖環日月衆竅吐風雷欲問樵夫徑松聲隔
磧來

曉晴經雲棲嶺二首

夢月巖詩集卷十

七

嵐氣含朝靄林光漏遠晴村煙兼翠濕海日過峰
明叱馭王尊意投錢項仲情敢辭登陟倦菱舍勸
深耕

又

林泉隨薄領微尚不開名石嶠雲生烏松臯露濯
纓山光人外靜水物望中明未遂遺榮志登臨且
稱情

馬村關 石樓

嶺勢何窮際關門獨往來路危愁偏仄坂折倦周
迴復穴人煙出耕耘鳥道開早知泮水日昏墊不

能災

石樓縣 時以會獄命獄至

石磴凌幽壑山樓倚太虛戴星來候館披霧問爰
書戍卒皆鶉結衢民半穴居有泉傳屈產伐號意
何如

火石崖

峽路勢敵斜孤村靜不譁豈田稀數垧茅屋聚三
家憶濕迎山雨衣香拂磧花巖間縣土銼煙火暮
堪嗟 寧民謂田三畝爲一垧

遊柏窰山四首

夢月巖詩集卷十

八

宮觀虛無際登臨意豁然鳥低檐外岫人仰洞中
天古柏根兼石幽花氣襲泉景移難駐想變化豈
言傳

又

初窺虛白室轉望蔚藍天僕御皆歡喜猥猥亦却
前石寒增卧簟松響間烹泉不必遺榮祿蓬萊遠
學仙

又

目游情屢遷苔坐未言旋伐木非諳徑行厨適近
泉此中猶太古何處駐殘年采采山芳得盈筐倩

僕肩

又

高士讀書處雲生萬木巔徑微全草沒石側半藤
纏野服宜相訪嘉賓許共延深山聞見絕何意後
來傳王貢士讀書此山有石室尚存

郭有道祠介休

萬古冥鴻羽鄉人亦競傳祠堂仍故里碑版復新
鐫蔡中郎碑久廢傳青圭遺墓之霞舉桓霸代風高黨錮賢東京生長
地竊比自當年

悄悄

夢月巖詩集卷十

九

悄悄憂何事情來景不存野花虛映石古木自交
村將老堪行役無聞尚討論終當返農圃他日足
饗殮

雨

細雨苔初潤輕陰葉未開氣交隨地出風折自天
來巫覡紛還舞蛟龍靜不飈老農思種黍逋賦忍
相催

離石言懷五首

晚作窮邊吏長懷去國憂春耕時菱舍雨望更登
樓石蘚緣牀起山雲入戶遊此中堪寄隱何意寬

封侯

又

憶昨日南至東曹引法宮新令郡縣以上吏部郎引見金鐘聞九奏
玉几覲重瞳香散雲霞表燈輝象緯中孤城迷
北望天路若爲通

又

明發懷先子高風起後昆國書新汗簡家祭舊山
村遙感風霜變恒悲几杖存慚稱清白後未敢計
饗殮

又

夢月巖詩集卷十

十

亭午還休暇持書倒接羅山寒衣絮早歲儉種花
遲微祿忘家稱淳風喜性宜餘年思許國彊記治
安辭

又

殊方懷抱惡兄弟互相寬葉露晨窗聽峰雲晚步
看悲歡增往昔羸羸減盤餐萬里縣孤志毋嗟行
路難

送舍弟天益還家時將計偕北發

旅雁鳴岐路離筵設驛樓日高仍駐馬霜重始成
裘北闕心常在南宮策早收中年各努力行矣莫

深憂

三清觀 寧鄉

靈璣環崇嶽清鐘出茂林春殘無意緒病起一登臨
花落孤城近松鳴衆壑深苔碑未磨滅猶見古

人心 觀有元碑二
統其文皆佳

己卯冬予病瀕危喜六弟至病起追述五

首

太行冰雪裏郵使亦艱哉幾日聞吾病今晨得汝
來衝寒宜熱火拭淚且銜杯莫訝雙蓬髻丹心尚
未灰

又

夢月巖詩集卷十

士

府帖初旬至星軺戒疾驅山雲身共遠野日望中
孤兩邑兼凋敝三冬急稅租遙歸吾見弟微命寄

醫盧 子以攝篆
石樓增病

又

經年違舊國別賦亦難成情慾忘婚宦艱難憶弟
兄縣花營未種池草夢還生付托殘詩卷怡然送
此生

又

杪冬旋絕粒氣息委窮陰但囑收兄骨安知遺子

金雪窗延靜響燈几倩微吟 夜多不寐情
弟讀書聽之 日計陽和
至檐梅凍不禁

又

元夜鄉儺起居然病欲興開窗觀火樹挂壁試風
燈嶺雁猶衝雪河魚已負冰生涯而我共暮景策
飛騰

松雲臺與劉敬生楊君御諸君

春氣凝花隔松聲度石關此中堪坐客何路更登
山盛饌子難飽荒田賦尚艱相期崇簡素不費亦
開顏

遊身嶺寺

夢月巖詩集卷十

士

古寺經過少來遊發興豪雨隕山徑仄雲霽石壇
高賓客嘗村釀兒童摘野桃秋空城市近寓目見
纖毫

胡季子兄弟偕劉茂才卓凡訪子汾郡即
事

忽枉高人駕兼觀勝士才青雲隨几杖白日過樓
臺倒屣何多幸騰書莫浪猜猶聞閭巷說肯爲使
君來

石州道中

白日下汾曲清秋宜遠行泉經山店引煙望驛樓
生背嶺人聲接刊林鳥道平亂餘初買犢逋賦賴
深耕

又

不有登臨役安知風日清峽空多應響松密間開
明幽事關人意勞歌軫物情翻憐屢市近蘭佩換
塵纓

與李壻書庵

中年無藉賴得壻亦云佳淳意希前哲奇文慰老
懷芳華春照硯緯絡夜鳴階樂在勤生處憐渠家

夢月巖詩集卷十

十三

室諧

示子憲曾

來省忘吾病將歸復奈何食因公事減憂爲汝曹
多六籍紛難貫三冬隙易過田園裁足稅推讓莫
傷和

冬至夜飲

令節宜歡樂群芳莫閉藏簿書空雪案杯酒在山
堂老至甘人後陽回覺夜長巡檐看曉色梅蕊欲
生香

晚宿大社村

歸途兼暮色即次愜幽情檐際明山火燈前落澗
聲野糧春更細村酒醅能清慰藉農夫意曉田莫
廢耕

春日集松雲臺看杏花四首

忽有花前約相將度少城荒臺緣徑得小室傍林
成采擷供僮僕馨香問友生松間聊肆几丹翠益
分明

又

奇懷不易愜佳日復難期年往憎春至花開願候
遲飛香隨鳥翼偃影淨蛛絲及此欣遙念陽和詎

夢月巖詩集卷十

十四

有私

又

春社前朝過林間燕子稀寒因山氣重清帶露痕
微目倦殊方異心傷絕代非祇應人境外仙種獨
芳菲

又

往日登樓望松深不見花那知青靄裏別有赤城
霞寂寂風初定紛紛日易斜春光我何與欣徧野
人家

晴

遙山晴未穩雲日遞青陰餘深林聲送微明隙照
侵川原聊縱目樹藝獨關心燥濕諳深理絃清可
奏琴

讀太白集二首

仙才空萬有夕秀與朝華畏落風騷後專名陶謝
家廬山棲未得湘水怨無涯酒肆存天地星精尚
不遐

又

醉眼分明在時危惜將才奇功回日馭嚴譴阻雲
臺歌舞歸前鑑湖山待後來騎鯨訴天帝九死詎

夢月巖詩集卷十

五

心灰

春日讀杜詩

初放青冥竹昭融萬象和傷春還小憩廢卷忽高
歌深意不可得奇文將奈何終虛杜陵老萬古潤
江河

檐楹望南山

春山未幾見積翠歟盈軒嶺勢時開折谿聲共寂
喧人耕城上阪鳥去樹邊村吏隱真吾事相看無
一言

哭王丈大中三首

東京風教遠此老是儀型父子皆垂白兒孫盡佩
青槐庭晨視膳樞几夜橫經潛德誰當闡臨文莫
淚零

又

往年曾到舍佳日肯居停每發登高興因叅相地
經髮鄰秋月白眼爲暮山青良覲今難再歸鴻不
可聽

王精相
地術

又

逝矣君無恨千秋翰墨留羊裙知可在蕭寺恐難
求樓歌春風烏江空雪夜舟還尋舊書札次第付

夢月巖詩集卷十

六

雙鈞

雨

將曉疑窗雨微風到枕寒葉疎聽未得花亞起初
看遠鳥歸山霧潛魚出水瀾晨餐還待雷詩興未
應闌

復雨

微雨午將歇好風吹復來許深滋壟麥方漬起階
苔岱嶽雲應合巫山暮欲猜陰陽鄉縣異四月未
黃梅

月

雨後來山月清光不厭人無雲翳碧漢如日耀青
春花影望高閣笛聲聞近鄰此時心迹靜何處更
傷神

寄黃際飛三首

六經灰燼後日月久收光之子希賢聖微言續渺
茫寸心傾所慕尺素遠相將欲酌三江水源流萬
古長

又

伊昔登鍾阜心隨遠目傷先臣營繕苦故國水雲
涼六代歸春草三山見夕陽無由訪耆舊懷古獨

夢月巖詩集卷十

七

露裳
先忠節爲南大司馬足
兵食錫倉廩具載文集

又

中年耽小技外物總無營豈有驚人語常悲沒世
名甘棠思召蹟離黍怨周京或冀延陵賞知予志
不平
時以拙
詩求正

送門人王志暹歸省

愁留不肯住知爾爲親還旅鬢搔將白征衣製亦
斑雲生山豁處塵起樹行間到日生愉色將書慰
別顏

風

驕陽散噫氣盛夏激秋聲厚土無潛脉高雲有恹
情梢林悲不已尋隙悄還生入夜惟星漢中田爛
爛明

憶貞甫孟大兄廢園

盛年初卜築佳日屢邀看不謂成空宇還教憶昔
歡池魚隨滂盡林鳥去巢寒莫問升沉理餘花夢
未殘

哭陳大大生二首

伊昔巖居者今爲旅瘞魂窮泉攜伉儷凶歲擲兒
孫司馬書旋失黔婁被僅存尚思執素紼一痛訣

夢月巖詩集卷十

六

荒原

又

何處曾分手夷門折柳枝與君秋試日決我晚成
時一命今何補三年竟若遺冥冥負良友歸賻若
爲辭

閱詩歸已寄山中弟友

耿耿懷初服栖栖守末榮林巖一以別宦學兩無
成暇日抽餘緒因風寄遠情山中聞見靜有得冀
傳聲

曉望

遙光不可到心目自相憐宿霧開清旭新疇際碧
天欣茲時物賞能使古情延兌澤流西顥觀生萬
象邊

夢殤女

宵中真見汝問寢步徐徐私愛應難滅遊魂可自
如微霜初索屨夢女索屨斜月尚牽裾蚤起緣遵事能
令幻想除

又

沙草迷秋塞何能歛遠行病中容似舊痛定語尤
清喜姊追前戲嗔耶喚小名平生嬌愛意今夕倍

夢月巖詩集卷十

一 九

分明

送惠西坪還祁縣

聞道昭餘地章縫多令才清秋臨水憩絳帳倚山
開好鳥能求友真龍不借媒寧嫌離石僻高駟會

歸來

惠寧鄉人教授於祁子過訪之

遙哭陳八行度四首

老壽終期盡幽光未有涯半生勤問學累葉恥浮
華高聳瞻喬幹馨香接棣花路人傳孝友不涕亦
長嗟

又

持身如執玉斯疾亦誰為將瞑停書卷遺言媿孝
慈君誠得正斃人自有餘悲他日將雙淚孤墳宿
草時

又

我誤耽文藻君惟凜聖書異同時與辨華實定何
如青嶂登高處黃花酹酒餘因緣重佇想感夢慰
離居

又

夢入陰厓裏冥冥日月低所逢皆僞詭前路正淒
迷忽爾君同在依然古與稽修文應有籍不必問

夢月巖詩集卷十

一 二

羈栖

夢行度云尚欲讀書因問冥中
人世君於何處讀俛而不答

夢月巖詩集卷十

夢月巖詩集卷十一

新安呂履恒元素著

五言律詩四

煖泉寺見牡丹

有序

予以巳卯夏初至止寺花適開是冬攝篆
石樓病劇遄歸於今三年敷英增茂欣慨
交心不惟其言

三年尚行役一病爲判花汝別能無念吾生會有
涯孤根隨土石空色是煙霞性命安无妄何須錦
幔遮

夢月巖詩集卷十一

獨秀峰

有序

雲棲嶺西行道盡入谷有峰特起衆竅披
面松蘚周身嘉其翳此荒區獨能秀出因
予之名繫以詩焉

虛谷舍初日孤峰會衆妍石空多映面松偃更重
巔化迹於中隱天光自外宣嘉名宜獨秀遂古待
今傳

寧國寺

有金大定碑云唐顯慶三年重修餘多漫滅莫知其始

餘春已代序古寺獨銜悲邑改平彝後碑存大定
時雲山空佇望風跡渺難期尚有殘花在輕香入

酒卮

寺有牡丹一本適里人饋酒對之○寧鄉初名平樂

重遊晉祠

懸甕山頭水分流出廟垣氣侵臺殿冷聲聞古今
喧疎兩停高樹迴風及小軒重來情慮肅真意問
靈源

聞愚亭閉門著論詩以索之

聞君潛著論曾准過秦不草具今應就山童會使
求風霜嚴寸管日月炯雙眸莫似三都賦功因一
序收

輓王又陶刺史二首

卒後二年始成

夢月巖詩集卷十一

畏友如夫子哀辭豈易成臨文無史筆投賦有騷
情自許爲心赤群知作吏清他年誰列傳難可一
長名

又

學舍俱爲位鄉閭亦輟春早知同社祀不見若堂
封近淚枯春草長號徹曉松窮檐瞻望絕英爽在

三峰

歸葬秦中

窮陰

兩曜潛高景窮陰鬱太和城花風落少院草兩生
多閑閣還思過行郊數問禾精裡時蜡亭穎栗竟

如何

中秋

明河流礪戶白露下庭柯此夜月華滿誰家秋思
多鳳城遙北望鵲影直南過歲歲琴樽畔爲歡幾
笑歌

遊烏巖山寺二首

烏巖何代寺山豁見諸天風磴千叢柏雲崖百道
泉夕陽多氣象秋色是因緣石氏留寒井清宵月

自圓

山上有
石勒井

又

夢月巖詩集卷十一

三

已到雲生處依然翠未窮遙光隨日泛絕際覺天
空賓醉題巖石僮歡掇草叢再來應記取樵徑接
花宮

野寺漫興

行隨紅樹去倏爾過前川禪宇來秋色樵聲在暮
煙盤供霜後果茗煮石邊泉豈意成真賞斯遊亦
偶然

師莊道中

荒塗方未已倦旅忽開顏村倚懸崖際人行亂石
間兒童喧野塾雞犬識柴關納稼清霜後三農務

暫閒

辭署

殘書數卷在行李一身輕不類辭官署居然送客
程撫柯松舊種掃壁墨新傾明歲春華發芳香隔
鳳城

留別杜郭玉

不獨論文合兼知好我真坐中時做醉愁至爲開
顰地望青雲舊交期白首新卜山風雪裏賦別更
傷神

宿石家莊

夢月巖詩集卷十一

四

既夕投何處孤茅洩亂煙山明松雪際燈暗壁塵
前舊主供寒具鄰翁却酒錢淳風真可采明發意
茫然

贈別王誠亭

時兼攝寧鄉

寂寂屏山曲紛紛迎竹馬來驛梅驚夜發檐鵲喜晨
開簿領多閒暇林泉數往迴離筵何造次別賦詎
能裁

韓侯嶺

偈仄登危嶺踟躕恨未央空山將落日遺廟獨霑
裳一飯猶思報三齊敢自王王孫何處去芳草徧

青陽

叔向墓

萬古吾誰與孤墳此獨尋
谿雲何處起嶺日未全
沉自重祁奚義還知晏子心
後來憂國者有淚灑碑陰

途次有感

栖栖復行邁浩浩感浮生日
落高林肅雲歸亂石
平長貧因作吏將老未遺榮
何似延陵叟溪山學釣耕

贈別陶父圖刺史二首

夢月巖詩集卷十一

五

海內稱文學斯人獨秀先
架書應等鄴腹笥更如
邊爲吏自安靜窮經仍歲
年平生觚槩敝未敢擬
隨肩

又

驚才已颺發真意復天全
每語同僚內尤稱信父
賢招尋因夜雪舍館及春
煙別酒那能醉樽前月
自圓

度太行

古道巒宮在千秋氣象新
臨河寧有轍作廟自何
人芳草迎袍色空山失路
塵莫言風跡遠聖澤尚

如春

山上有孔子廟相傳始於漢人元魏更新之迴車之說則誤矣

經山濤故里

河內

巨源清議士不藉竹林名
舊里停車處春風感物
情餘花懷縣落芳草孟
豬明陳迹關人思何須
五詠并

大梁贈齊二石韓

行行歷長道脉脉迴中腸
落日近中嶽白雲歸大
梁故人此薄宦尺素遙
相將良覲值春夜爲君
陶一觴

與楊子化子儀兩甥二首

夢月巖詩集卷十一

六

先子有真契與人無媿辭
每懷秋月下相對晚花
時酒但隨人飲文能析
我疑近來多草具誰者
可相師

又

有甥皆令器真見克家才
河朔過逢處庭花歷亂
開遺書重皮置嘉卉亦
時裁懷舊難成賦怡然
復舉杯

鄭州道中逢清明

東風與客意千里不相違
故國花何似空山夢欲
歸甫田春草細榮澤暮
帆微計日西園飲鶯聲
猶

未稀

官渡懷古 關壯穆拒袁紹處

古道北風起征衣生暗塵我行官渡上懷古獨傷
春小試摧柔手終全報漢身荆南功不就志士爲
沾巾

于貞女文英詩 事詳七古貞女行

何意傳千古此生惟一身哭驚清晝雨續照夜臺
燐夫面不曾識妾心難自陳誰爲後死者當表未
亡人

輓大司空高公四首 公諱開位字顯之

夢月巖詩集卷十

七

馬鬣高原上蕭蕭動白楊路人珍草木朝士憶冠
裳文武邦爲憲兒孫世遂良九原如可作盱望意
何長

又

乘驄如昨日曳履自何年鐘鼎留彝器章縫輯舊
編潤餘淮海外光在斗樞邊聞道深宮裏嘗稱柱
史賢

又

少壯多戎略嚴城及海邦歌翻鏡吹入碑紀義旗
降舊部悲秋塞遺民哭瘴江臨文旋起舞風雨入

幽窗 初公令南和境通姜襄之亂
固圍有功巡淮時復平海寇

又

不獨冬官屬東郊會葬齊流風青佩頌如雨赭衣
啼 公任府丞振興文教
晉少司空冠多所平反水遠眠龍起山長去鶴低萬年
華表在敢以媿辭題

同年成乾夫許予近詩因質之

嬉戲弄柔翰爭知底事難有時還自得不敢向人
看水木清華遠雲山韶濩殘古人徒在夢抽緒總
無端

舟夜書懷

夢月巖詩集卷十

八

柔櫓沙鷗靜微風岸草平雲霞依水滅星月近人
明盛代身何補空文世不驚祇應聆舊澗漁唱夢
中清

舟行曉抵天津

鼓枻臨高岸擔囊度少城百蟲聲達曙孤月影隨
行滄海連東嶠黃雲滿北平那知天畔眼偏傍故
鄉明

秋澱

雨多秋澱溢近甸接江天水際捎長桔田間刺小
船鼃鳴陶冶舍人藉窟巢眠昏墊今如此何時議

省蠲

舍蔡村微雨

盤山高不見四野但氤氲路暗孤村入林疎細雨
聞蟲聲仍出砌鳥影自隨雲向夕宜酤酒微涼可
得醺

歸舟

躡屩緣荒埭歸舟汧潞河高天雲葉細逆水浪花
多遲暮虛懷抱遨遊且嘯歌秋碁連岸動奈此客
衣何

和九成弟病起

夢月巖詩集卷十下

九

知君新病起底急細敲詩爲月嘗多醉因秋更獨
悲草蟲延靜響菊圃摘岐枝幽事真醫藥何須七
發奇

前明長陵

繼統還稱祖空山亦惘然南朝王氣盡北塞武功
傳病衲成號虎亡人托杜鵑茫茫霜野際爭讓總
寒煙

江淮

江淮災太甚隄堰欲沉窪復恐勞清問猶煩動翠
華屬薪隨壁馬茭竹詛龍蛇歲歲金錢益洪流未

有涯

戊辰與郭大渭石同舍慈仁寺癸未秋復
至舊館感悼有作二首

未識浮生理偏傷逝者情憂來惟草色年往更秋
聲夜析心猶激霜鐘夢却清他時寒食雨不敢過
陽城

陽城在登封
渭石之里

又

是年仍見放取道邯鄲過暮雨淒行野春風慘渡
河舊山歸噩夢古寺佇悲歌哭寢何能得冥冥負
此多

夢月巖詩集卷十下

十

答劉刺史長安相晤之作

與君鄰並密數詣不嫌頻望入鳴珂處芳生清路
塵檐禽初向日山藥已含春泯泯隨群動應知雨
露新

讀王節母李氏傳

弱草輕塵滅貞松自不移門衰一息在心死九原
知金石鐫名姓閭閻式孝慈百年稱壽母耿耿繫
風詩

賦得秋菊有佳色

西顥良辰靜東籬晚卉芳山光滋遠翠江色映疎

黃人澹看相似英多采不妨一樽晨夕共霜露惹
衣香

問李彥繩園梅

燕山梅欲吐如雪滿邱園未到寒香側縣知春思
繁人宜逢異夢鳥亦聽清言幾日攜樽酒層軒坐
不謾

言懷寄山中昆弟及故人

宦拙宜歸去恩深不敢忘傳經思繼緒抗疏仰垂
裳身賴皇穹直山留白日長何時與兄弟談笑業
農桑

夢月巖詩集卷十

士

再至西峰草堂值健夫病起得二首

靜對山窗下林暉暖暖生峰巒朝煥彩苔竹夕含
清自謂貧非病群隨釣且耕但能通問訊還許濯
塵纓

又

近來驚太瘦強半爲吟詩名復今何有心惟古與
期群山過枕席一水漾藩籬每至留深坐論文更
不疑

憶橫山寄舍弟八首

橫山非一勝西隄近檐楹鳥去風榛寂朋來水石

鳴緬求心自遠卧念夢猶清輸爾同鄰叟巖泉每
濯纓

二

尚憶涼泉飲窮幽事不難石坪初坦步林薄漸深
寒甃井伊誰力觀瀾與衆歡自名廉遜後一畝亦
盤桓

三

夢月巖之上東山勢自高當年逢九日勝事屬吾
曹天逼群峰翠風生萬樹濤登臨聊放眼懷古意
蕭騷

夢月巖詩集卷十

士

四

岩勢如珠吐山形似蚌開古幢留野廟里社聚荒
臺下見人煙起高從樹杪來秋成觀鉅穫百室總
無猜

五

北流河水細阿段未尋源往日添秋潦沿溪達野
樊初寒宜影鑑靜夜得聲喧念此關風會須令濯
漑繁

六

舍西連竹園壟澮盡成陰雷動驚初籜風捎儼十

尋樓臺宜遠眺山水自清音惟爾風人興將爲有
斐吟

七

竹萌新可薦果實舊成榛肆力欣前日分甘念遠
人京塵飛不至山氣凜難親耕耦頻相問何時乞
此身

八

谷口無凡卉河干有敝廬芝生三秀異蘭采九春
餘楚畹滋何極商山茹不虛垢氛何處至築室與
香居

夢月聲詩集卷十下

圭

立秋後三日偶得

夏令移秋節晴陰不可憑雨添池溢岸雲退石開
稜庭樹初清肅人煙或鬱蒸時芳對陳簡欲罷復
何能

聽雨

不寐宜聽雨無衣覺凜秋雲輕潛入戶月滿暗移
樓未賜青綾被空懷紕綺裘一官辭八口飢飽付
西疇

曉關送別友人

蒼蒼乘曉色濟濟出郊關野水明於路秋雲淡似

山亦知鄉邑遠徒羨旅人還日出紅塵隔迴車有
醉顏

詠塵 依唐張燕公韻

霖雨知難並高車暫不違歌梁隨韻起舞榭逐香
飛映日增紅暈因風振素衣生成高厚內敢不效
纖微

閱憲兒悼亡詩有痛

舉汝方盈晬呱呱失母慈廿年方授室經歲復生
兒薄宦忘家慣高門愛女宜嫁衣聞盡典累爾婦
難爲

夢月聲詩集卷十下

十四

秋日一峰健夫過我分賦

論文推二仲逸氣越千尋舉世無青眼憐余是素
心盍簪追曠日倒屣及前林不謂盤餐薄欣然待
月吟

即席贈劉雪洲

亦知同泛梗興至復高歌此夜令人醉吾生奈老
何月孤憐白髮星聚望明河詰旦還遵事塵容幾
再過

憶故山

峰勢高無極溪聲靜可聽岸行容自照野望眼能

青時兩雙鳩喚春祠八蜡靈甘心守農圃苦恨滯
軒輶

寓齋山石次天益韻

幽居誰與語殊喜對孤岑向日開虛照生雲接太
陰側鼓終不踣軒露亦無心未竭爲山力居然豁
素襟

庭際玫瑰花開同天益賦

時物際清和瓊葩麗色多花香凝曉露葉影湛晴
波獨旅非春事相看奈晚何無爲慕青紫巖谷有
喬柯

夢月巖詩集卷十一

十五

喜雨和天益

丹極憂湯旱清宮緩舜琴解徵雷雨動泰叶地天
心星紀元從好巖栖敢作霖祗應納稼日擊壤共
長吟

檢藥答健夫

檢藥惟空裏局門且放歌官貧看命賤計短覺身
多百卉欣時雨孤華隱暮柯寄言同病者委運待
天和

至仲旭齋中

高柳間疎樊書聲出短垣凝思還佇立相見已忘

言葉影開朝爽雲陰過午暄此中堪永日與子坐
晴軒

又

群生分性命清濁不相軼墨子何悲染朱公忍絕
交寒蟲當戶穴馴鳥對人巢近得忘機妙無心作
解嘲

過李二鼎公園

世事盈朝夕誰能數往還天於秋日靜心爲晚花
閒暗谷行聞水虛檐坐見山主人能愛客暫止亦
開顏

夢月巖詩集卷十一

十六

遙題王五弟南溟圖書莊次天益元韻五

首

河洛千秋蹟龜龍一氣分藏書因洞穴服食有煙
雲瀨淺通來往山深靜見聞遙知嘉遯日招隱欲
同群

二

境絕縑塵外何由共卜居春知花覆逕宵夢水通
渠馴鳥行隨屐游雲坐襲裾何時謝軒冕坦步造
高廬

三

娛親蘭種晚招友菊盈籬秉耒因時務勤生與性
宜芻應餘饋飯桑可出蠶絲豈曰爲農圃承歡亦
所期

四

月出還尋勝雲深不閉關朋來聚巖壑歌發響潺
湲山犬迎人出河魚市酒還磨崖書幾處聞道石
苔斑

五

何用侈金谷不須營石門大文宜念祖清節久詒
孫鳩倩占晴雨猿能覺曉昏此中堪樂志澹泊道

夢月巖詩集卷十一
十七

彌尊

贈日者

不識神仙術今看郭景純果哉寧避世日者自知
人院靜丹花裊檐虛碧月新百錢朝夕給緘口莫
言貧

追悼張拱辰

日月驅人去茫茫物詎齊祗將霜髻影遙向夜臺
啼宿草知何似春山望欲低遺書仍可讀孤子未
能齋

讀聞令公傳

公諱運昌慕文文山先生之爲人遂以雲夢
令死節

誰紀厓山緒文山復在茲竹書存舊蹟梓里哭新
祠百戰身寧仆孤城力不支西江嗚咽水日夜灑
宮碑公江
西人

榴實

庭際榴榴晚居然秋實多舂犀將破蠟匏繫尚留
柯物色有如此人生奈若何還思舊紅艷爭似醉
顏酡

輓楊徵君潛齋

君隴西人諱慶志道積學尤謹於禮所
著有大成通志道源圖書及音韻諸書

年九十三
無疾而卒

夢月巖詩集卷十一
十六

關西夫子後苗裔亦能賢蓬華元知命期頤豈學
仙著書存草具却聘守山田秋水茫茫遠伊人望
不還

冬夜集鳳山宅限冬字

過從殊不易况復此嚴冬何意飛霜夜同聞帶月
鐘行觴還次第射覆每從容好樂思良士蘭言獲
所宗

慰中書舍人高荆襄悼亡

玉鏡塵封日金臺淚墮時秋空烏鵲渚月落鳳凰
池有子憐黃口無心惜翠眉高有
側室禦冬餘旨蓄茶
苦賴君知

郭隗里

相傳郭隗里古木帶煙村想像君臣契艱難意氣
存風吹沙草綠山入塞雲昏何處華陽館殘碑自
蘇痕

塗次聞李二甥補學官弟子員勗之以詩
念汝齒方壯悠悠無所成母衰猶苦績父葬未成
塋王稅身應理儒冠世詎輕今當爲弟子莫忘倚
閭情

又

若翁捐館日饑饉憶壬申盡室寄他宅一門皆病
人朝營榆作飯夕憩樹邊塵泉下可知喜依然露
我巾

峴石寺同宋樞部嘉升贈徐山周

萬竹深無地悠然一聲音有僧出石罅引客到雲
心嵐氣變金碧泉聲鳴筑琴所欣逢勝友幽蹟共
招尋

宋樞部遊習池予未偕往問之以詩

徒傷墮淚碣未到習家池却問經過客荒殘亦可
悲夕陽猶未下山徑自多岐誰與同沈醉重看倒
接羅

夢月巖詩集卷十二

新安呂履恒元素著

五言律詩五

公安早發舟中留別陸明府濟成

高館可深坐不期鐘漏聞夜殘城月隱日出水煙
分洗幘念行子濟川宜使君野塘還共語清比露
荷芬

遇物

石磴支筇上盤渦沒馬行山雲無定住水木有餘
清遇物知鄉異逢人問歲成敢希叱馭者微尚不

關名

夢月巖詩集卷十二

一

自山塘南行荒穢中終日至懷化清曠坦
迤殊有勝致

已經塏埭地况復颯涼朝石路長連蔭沙溪遠接
橋遐心屬雲岫坦步望風霄夷險終如一清言隱
更招

雨中至平溪衛

窮陰朝未散積雨午猶涼沅水添流濁黔山變色
蒼溪吹高響至村出暖煙傍敢謂滂沱苦炎方
命未將

大魚鋪水漲既濟用識戒心

嶺雲含暮雨溪水噉荒村木朽危橋板波湮峭石
痕蛟龍翫窟穴神鬼約精魂夙昔垂堂戒。王程
未敢論

族子國要自石阡來省予遇於施秉二首

遠微驚相見情深古誼同初秋連雨候匹馬亂山
中間道欣來訪殊方信復通前期還可待江上視
丹楓

又

念汝貧滋甚微官寄廣文老親初就養諸弟久離

夢月巖詩集卷十二

二

群學舍開林月炊煙續嶺雲燈前話疇昔執手詎
能分

陽老驛雨

陽老陰隨變秋山不欲晴果無三閱日諺天無三日晴尚有
廿餘程雨應人聲落雲從鳥道生何時滇水上西
望點蒼明

安順府即事

浩浩開煙景言言出石墉土官輸峒屬上將賜歌
鐘周道平如砥群山銳似鋒曉看城市裏霧露隱
芙蓉

望水亭觀瀑

黔瀑奇非一茲奇無與同高從山冢上直瀉石潭
中日出虹相映月明清若空源泉應峻潔光響不
因風

雞背山

有序

山形如雞背首昂南向脊銳北拓積黝藪
青孤秀蔚跂旁有二峰不連屬而自高皆
有洞穴方圓區類上引古藤佶屈鉅細可
規舟纜與雞背互生遠勢益助清榮焉

茲山不可殫籠鳥復蛇盤遠色天如一微風翠亦

夢月巖詩集卷十二

三

寒王褒祀不至紀消養尤難惟有征途客雲霄仰
面看

關嶺

上有關壯穆廟
其氣候獨炎

關嶺吁何峻蒼茫四十盤黔山高盡伏蜀道險何
難白帝天方遠清秋日未寒英靈終古在稽拜肅
衣冠

連雨

歷盡黔中險於今始到滇那知邊地遠還與漏天
連山石奇何狀雲松翠不全夜來聞滴瀝低盡一
燈煙

九日至安寧州浴溫泉即事

薄晚初移櫂蕭辰未滿旬夕陽開遠目秋色對高
人地脉丹砂隱山容白露新澄心愜所遇不爲滌
風塵

秋杪魏太史魯峰招遊相度山同宋樞部
嘉升即目

相度山名古鈞陶氣象多到來看不盡歸去欲如
何紅葉迎人醉蒼厓背鳥過神京同北望就日待
春和

海潮寺

嵩明州其山亦名嵩

夢月巖詩集卷十二

四

滇水皆名海嵩山更一州雲深藏鷲嶺村遠帶漁
舟鳥意欣開曉花顏敢駐秋歸途多勝事莫惜暫
淹留

早發黃平州

煙霜盈四野草木尚芬榮我亦憐清旭悠然遂遠
征寒溪侵稻桔晨鳥過山楹不見無衣者牽車送
客程

聞蛩

十月南風競秋蛩激遠聲何曾牀下蟄猶自宇間
鳴草露滋如許山泉響不驚三江新戍罷無復夢

長征 三江在普安州

歸途知子憲曾從子光曾同鄉舉

二子秋同舉子心懼益滋 國恩何報稱門祚遞興衰皓首多儒素皇天詎爾私勉旃懷祖德文采莫矜奇

施秉夙行別蘇明府

水霧含朝景微茫辨遠村路岐猿嘯處霜踐馬蹄痕製錦才應健揚清道自尊 盛朝需牧守獻納至公存

舟抵廬溪

夢月巖詩集卷十二

五

荒城在何處山勢轉崔嵬漁火明相亂江雲黯欲來繫舟沙嶼穩入夜旅懷開歸去誇鄰叟乘槎犯斗回

微雪泊武陵

南雪寒滋甚東行舟自遲天遙浮岸樹山隱入沙陂乍聽篷窗響徐霑石埭滋一杯能耳熱飲者不吾欺

潛江縣

江縣寒煙靜征車夕景移沲潛留禹蹟鄢郢失荆尸列樹霜凋葉孤城雪浸池不知官道遠入舍已

調飢

漁泛洪待家兄文啓言懷二首

簿領汾州去長懷鄂渚遙塞鴻淹次第檐鵲望昏朝純吏家難稱頑民勢易驕何須悲雨雪見睨自當消 時兄緣事暫解任

又

四牡王程亟鄉關爲姊歸人俱雙髻短雁自一行飛園竹青如昨檐梅發尚稀故山須檢校到日已春暉

漢口冬曙家兄來自武昌郡復成一首

夢月巖詩集卷十二

六

日出重樓上兄來弟尚眠起看容並老坐實涕相連宦蹟江鷗泛家書岳雁旋一時悲喜集還誦棣華篇

己丑春小集寓齋花下

老欲滄江卧春將紅蕊舒一樽花下滿萬事世間疎乍暖要蜂至輕香啄鳥餘故林何處覓攀折更躊躇

訪西峰草堂

春山殊可望清士有高廬小徑從青草虛窗惟素書竹日光相亂花風晚更徐壺餐隨意厝少憩坐

階除

題陳履仁登華岳圖

東南有奇士卓犖古人風
直上蒼龍嶺高探白帝宮
側身千仞絕放眼四天空
圖畫傳流輩仙乎孰與同

輓孫太史愷士三首

異地同鄉舉論文夙所親
不才何見許夫子詎知人
流水音如夢他山望絕塵
縣知宿草處幾客尚沾巾

又

夢月巖詩集卷十二

七

總帳何清肅南風動夕曛
賜書霑御氣居第接宮雲
徑曲苔花長窗虛竹籜聞
六時空想像千古自榮芬

又

禁城中外迴相見亦良難
雪月嘗分賦鬚眉若共寒
縣旌吹道左送馬駐河干
南內多朋舊愴荒淚自彈

九月十五夜武闈望月

今夕闈中月東偏倍覺明天
虛秋自凜塵淨夜尤清
遠影移郊樹高寒接禁城
還知東狩意夢想渭

濱英

贈宋樞部

滇南欣並命冀北又偕來
夕景身相逐秋鐙眼為開
殊才寧小試一德自鴻裁
勗厲崇高節丹心詎忍灰

喜張內正至舍適田端公相過

京兆翩然至田郎適又來
樽疊成燕笑雲月倩徘徊
燭爲同人剪花須此夜開
不嫌官署冷遲爾共霜臺

送張內正之任南平二首

夢月巖詩集卷十二

八

梓里同游息情親復幾人
輕裝來獻歲良會閱三春
坐接風花起談深竹雨頻
看君新政異吾老愧垂紳

又

閩中實與府京洛自塵寰
以我相思苦問君何日還
蘭風吹廣澤竹露滴空山
仙吏從茲去清秋多令顏

贈李貢士千古

千古知賢歲饑疫活人甚衆

去歲逢饑饉梁園疫厲頻
發棠虛廩庾采菑失婚姻
爾自能醫國群知不爲貧
儒冠原素業耕釣識

天民

示次子宣曾

肩隨兄若弟堪慰老人心象勺年初過詩書意正
深無聞思琢玉有穀恥貽金夕膳欣能視燈花喜
不禁

輓李貢士元珠

不信文翰命空聞善有餘平生多逸氣垂老抱殘
書數畝田皆石孤茅邑自廬未知宿草處忍淚意
何如

行次玉田

夢月巖詩集卷十二

九

玉田城郭遠黯澹客愁新向夕投居舍荒原來候
人仙蹤那可識山色自相親訪古還遙矚雲濤似
有津

豐潤道中小憩

孤煙山際出曖曖辨遙村石徑來松響沙溪帶華
門歇鞍清欲絕望舍夕將昏耕牧多彊以熙然古
俗存

得天益家書作此寄懷

垂老忻同宦離居憶在原涼風一雁至細雨百蟲
喧此際詎能寐有懷何可言兩京相望處奮羽欲

飛翻

謁福陵

太祖龍升處巍巍近斗杓南天千岫拱中夜百靈
朝廊廡丹如昨松杉翠不彫仰瞻佳氣聚常在五
雲標

謁昭陵

文皇克繼述海甸悉從風翼序初興教戈鋌已奏
功白山鳴瑞鳳遼水卜飛熊王業方新日群瞻
氣象中

陪松將軍秋獵

夢月巖詩集卷十二

十

盛禮緣秋獮嚴裝出少城朱旗迎日動金鐫應風
鳴一水經行曲千山遠望平歸來尤整暇作賦進
儒生

寄山中親友

家敝終難理形衰敢自閒百年非已分萬事逐人
寰童冠多新侶耕樵有故山移文朝夕至逋客未
能還

遙哭王廉夫先生三首

淚盡蒼蒼遠難瞻宿草墳論心如昨日極目但寒
雲素業今何似清言不可聞梁園誰繼起仰止在

遺文

又

少陵長逝後今古尚談詩獨有西莊草還同北地
時菊如高士澹蘭繫美人思一奏雲山樂斯文或

在茲

西莊先生別業

又

憶昔遊梁苑鄒枚識異才

壬申冬於先生坐上識李格蒼兄弟

鳥啼雲外

樹人對雪中杯泰岱千尋仰滄溟一氣來於今重

記省白首不堪回

野步

門人邢恭先三男守曾侍

夢月巖詩集卷十二

十一

客舍謝氛濁出門尋野芳就花看不厭藉草坐何

妨薄暮山光紫方春日氣黃當年童冠詠曾氏詎

云狂

與廣寧錢茂宰

長才屈薄宦縣治傍巖阿屯牧驕難理人民病若

何市塵離座遠山翠入城多花種三年後春郊有

太和

行經首山

遼陽州一名手山

南郭行行遠人煙漸覺疎野花藏樸樾沙燕拂村

墟山淺安驅過農閒易耨餘千峰何處是積翠滿

清虛

宿龍泉寺

既夕投山寺因成止宿緣松聲吹雨壁燭影動風
泉夜久諸天靜晨開萬彙妍此中多氣象今古幾

詩篇

曉出大安寺異道西行

北面峰如昨西來徑不同石痕凝草露山影動林
風地折孤村出天迴萬象空頓令心地靜常在翠

微中

香巖寺

夢月巖詩集卷十二

十二

千山五大寺多在奇峰間因識古人意為開游子

顏仙臺不可即龍井徒空還佳勝足風雨新晴聊

一攀

又

青山上初日紅藥翻緒風物象宛如此梵聲游太

空悠悠意不盡歷歷途將窮蘚壁莫教掃題詩有

遠公

宿沙河

未夕停車騎煙村此息機水光浮舍影沙色澹林

暉筋力勞何有雲霞夢不違明朝入城闕遵事脫

荷衣

秋熱

八月仍炎暑秋陽不肯微火雲時烈烈晨雨但霏
霏場圃今將築徵輸後可幾方思祿食者何以佐
宵衣

送李壻書庵南旋

覲面輒歸去老懷何以開清秋儉雨澤古道積塵
埃下隰野花茂高原嘉穀摧生成在天地岐路莫
徘徊

張鸞和宅看菊同李太常舍弟天益

夢月巖詩集卷十二

士

秋氣浩無涯蕭齋靜不譁繁華雖帝里佳卉似山
家石坐疎行次林開見整斜所欣衡宇近隨意晚
看花

寓齋即事

落葉盈階砌林虛戶牖清日華開曉色風緒作秋
聲書帙兒能整茶鐺婦自烹老夫無一事長歡倚
檐楹

白溝河感賦

街 命辭丹陛驅車至白溝 王言經信宿周道
敢淹留山雪因風起河水帶月流微材逢 聖代

光寵愧鳴騶

東阿早發

秣馬荒城曲聞雞野水隈林虛春氣入山淺曙光
開冀北猶含凍江東欲放梅浮生隨化育日月莫
相催

孟夫子廟

鄒縣

周行何坦蕩亞聖有遺宮古木春雲裏高山曉望
中七雄方戰鬪百氏祇虛空惟有尼山脉千秋俎
豆同

嶧山

夢月巖詩集卷十二

古

嶧山青不斷雲氣自朝昏若到危峰上應銷遠望
魂淮徐仍海國鄒魯幾煙村萬古茫茫蹟秦碑字
不存

滕文公井田碑

齊楚已如夢滕碑今尚傳傷春千里目懷古幾區
田薶麥生殘雪蓬茅出遠煙早知亞聖力延國萬
斯年

彭城懷古

彭城自天險西楚安在哉白日昭昭下黃河滾滾
來斬蛇猶故蹟戲馬祇空臺衣繡歸鄉後寧知霸

業灰

桃山驛岳廟

碑云初謚武穆寶慶元年五月一日改謚忠武又宗圖忠武有五子雲雷霖震霆惟霖有後

寂寂桃山驛巍巍岳廟碑宗人尸薦藻野客過題

詩良嶽啼猿日吳峰立馬時易名從寶慶蕭瑟九

原知

閔子祠

雲木蕭森處前賢祠宇幽亂山春未暖野水凍還流蟻視三桓日鴻飛萬里秋苔碑書姓字終古繫

東周

海忠介祠

夢月巖詩集卷十二

十五

慷慨嘉隆際清流第一人留都傳舊事嶺表望高

塵樹引長江氣花盈萬井春百年祠宇在遺老識

孤臣

韓莊值雨

小雨韓莊道川原鬱不分石隄兼野樹湖水與山

雲帆影高猶見鐘聲遠似聞喧闐來市暨車馬正

紛紛

寄門人朱淨私二首

素士崇經實華文尚子虛一時俱自得千載定何

如道遠需羸馬年侵謝蠹魚更憐童冠輩分手莫

春餘

時借艾空群諸子送于江岸

又

江北無泥雨王程敢暫停驚心淮水濶回首蔣山

青煙柳眠村店風花減驛亭此時題數字鞅掌帶

晨星

飲衍聖公府兼贈儲公兄弟四首

聖澤如天地源流固有傳祇今詩禮訓猶賴子孫賢國器看人少家筵好我偏庭前起疊嶂仰止入

雲煙

二

夢月巖詩集卷十二

十六

登臨不在遠磳戶有潺湲坐引花間氣情移海畔

山那無千里夢已覺此心閒明日王程促蒼茫不

可攀

三

吾宗延尚父聞見與斯文敢以周親誼還當大禮

勤孔呂世為婚姻公於子加禮焉滄溟涵落照泰岱倚孤雲正值清和

日壇前杏有黃

四

玉樹中原秀金鏞雅樂存風林吹羽籥瀑水瀉琴

樽闕里仍前址宮牆闢後昆重來知舊徑賦別詎

銷魂舊宅即今之詩
禮堂今府在東

密雲縣詰旦迎駕

青煙平旦起秋色亘乾坤日出遙山樹雲生傍水
村趨踰隨百爾警蹕動千屯似水臣心在如天奉
至尊

過楊吏部齋時值初度

邸第似山家門前靜不譁琴樽開曉日檐宇徧秋
花世事茫無定吾生詎有涯相期崇澹泊隨意樂
年華

又

夢月巖詩集卷十二

七

平生愛芳潔樹蕙復滋蘭未得歸衡宇因君愜靜
觀物華方峻茂秋色已高寒真隱誰相似靈椿世
外看

重陽後六日雨雪分賦

黃花開未極白雪霽無端葉密藏多露枝高動薄
寒此時宜對酒入夜更憑欄皎潔三秋色清芬一
氣看

歲杪積雪分韻

歲暮陰陽合時和雨雪紛沍寒多隱日積素間開
雲空色遙難狀希聲靜不聞祇應高卧士擁絮對

奇文

天橋灣觀藕花即事二首有沈繹堂碑記宋牧仲
詩四首

沈宋題詩處千秋有此橋紅蕖何冉冉綠水自迢
迢風跡因人異心期望古遙馨香致何所大隱竟
難招

又

大隄通石徑古寺隔煙松僧老惟樊圃農閒亦聽
鐘東山風可繼宋山言兄
弟有父風南郭隱難逢祇有芙蓉色
蕭然倚醉龍

送楊甥子健需次旋里兼寄厥弟子化子

夢月巖詩集卷十二

六

儀

冰雪皓無際如何君早行且爲河朔飲應見渭陽
情道遠加餐亟官貧饋贍輕迴思童穉歲老淚共
枯傾

又

乃公才秀發詩句似陰何素質人難繪清標古未
過風雲顏絕壁天日蔭喬柯濟美三珠樹家庭有
太和

大雪至 暢春苑

離宮三十里霏雪滿瑤天城郭初寒外山林已皓

然梅花宵並潔柳絮曉爭妍
珥筆多辭賦將書大有年

雪夜偶集

嘉賓來靜夜甘雪屬嚴冬
徑曲迷深竹山明見遠松
辛盤宜對酒甲第忽聞鐘
萬戶瓊瑤裏宵衣問九農

終風

終風何太甚五夜撼虛窗
捲土覆中岳稽天吹大江
衆芳難自拔高幹詎相降
晻晻陰如此陽春跋萬邦

夢月巖詩集卷十二

元

賜復

遼水生靈藥三叔五葉奇
一朝出御府百爾被恩施
氣接丹霄迴情因素問移
久諳溫厚性有喜至期頤

賜硯

首夏清和日皇情暇豫時
歌風傳禁禁賜硯出彤墀
著墨光逾湛摹書老更宜
補天非易事鍛鍊正相期

賜書

易經朱子全書佩文韻府

賜書臣亦與感激致何辭
春院風開處秋鐙夜誦

時紫陽千卷重皇極萬年推博物
希前哲空空亦自知

御河藕花

內朝直北去金水在東南
獨立千門側遙看萬頃潭
香滋雲液滿色藉曉光含
退食從容候臨流試一探

東南

東南億萬戶曠溢幾何時
積賦宜并入新恩願更施
雉需岐麥秀蠶待附桑枝
望倦蒼生眼司徒或未知

夢月巖詩集卷十二

干

大風念胡宗伯使邊

大風吹旭日孟夏覺衣單
忽憶長征客如何當此寒
雲沙飛浩浩水草望漫漫
曷月聞歌凱青鐙話夜闌

夢先大人

夢裏嚴親在忻然問起居
依稀窗月落悵望野煙虛
孺慕心徒苦衰年病未除
若堂封不遠松柏近何如

餘生

石林猶可卧葺屋養餘生
卉木宜山性源泉鑑世

情懷恩身未致去國淚還傾他日留魂魄銜環志
可明

寄天益

形影思同父飛鳴念所生我觀末葉際誰是古人
情霜樹橫秋色雲山過雁聲此時引領望別恨賦
難成

小齋桂花開喜賦

天香何處至清夢曉光中起視虛窗月還聞靜夜
風小山宜自賞招隱復誰同天上白榆老星星守
故叢

夢月巖詩集卷十二

三

摘榴

碩果苞炎夏經秋始結成繁霜朝變色灑露夕含
清是日嘉賓至中庭好鳥鳴呼兒摘且剖細寫素
瓷罌

春晚

殘春復幾許坐卧落花間鳥向水村去人寥山翠
還田桑緣寡務僮僕亦多閒汲水滋叢蕙新苔起
舊斑

又

不知芳意歇曳杖出柴關白曉猶高望青陰在遠

山茂林欣獨往細路倦仍還邂逅勤生者農人有
令顏

夢月巖詩集卷十二

夢月巖詩集卷十二

三

夢月巖詩集卷十三

新安呂履恒元素著

五言排律一

壬子仲秋同李業師李大文徵家兄文啓
舍弟天益遊上方寺登鐵塔

香阜依天界浮圖擅鬼工秋陽八月好登眺五人
同御道松陰滿禪房竹徑通金莖何偃蹇碧瓦自
玲瓏仰視孤標迥高臨萬象窮風琴生寂響鐵馬
走長空花散騎龍女笙吹駕鶴童心疑寰海外身
在半天中角亢星躔近殷周地絡雄黃河仍帶北

夢月巖詩集卷十三

一

嵩嶽自朝東呼吸通元氣陶鈞識化功還思餐沆
瀣未敢問蒼穹

同二兄五弟族子廕李秀才珍登玄武廟

高臺既夕下飲澗河石側

石磴秋陰薄攜壺一登關城斜日抱澗水遠天
澄浩蕩聞松柏盤迴繞棘藤蒼山微徑絕玄武閣
宮憑始建何年月今來感廢興龜蛇停壞壁蜥蜴
吐寒冰古甃生青草頽神冒白磴西瞻秦卒谷東
眺漢家陵河勢匯千派臺高聳百層下趨仍展轉
仰望更峻嶒瀑自陡巖落石從敲樹崩樵煙歸鳥

道野渡罷漁曾吾黨還多興殘樽豈未勝歸來函
谷內馬首見孤燈

棧道詠古二十韻

棧閣勢龍從蛇盤復鳥籠星躔井鬼近襟帶蜀秦
雄鳳嶺雲霄上龍江天地中石門雲積黑硤岸日
虧紅蘿屋晴舍雨松巖迥過風野花香莫辨山果
味堪充薄暮交猿狖高秋滯雁鴻峰橫疑徑絕泉
響忽橋通明滅看方眩砰洶聽若聾村扉來乳贅
城市入沙蟲度索愁行旅羸糧累僕僮王尊回叱
馭阮籍泣途窮地脉銷今古天心見始終陳倉歸

夢月巖詩集卷十三

二

鳥雀斜谷守熊荒戍沿唐驛殘碑紀漢功三分
舊難肋百穴總蠶叢割據何年事風雲此地空煙
寒張魯舍苔沒漢王宮大散關猶北嘉陵水自東
子真谷口在幽意與誰同

謁孟雲浦先生祠恭紀十六韻

匹馬入城隅三楹屢拜趨斯人雖異代吾道若通
衢神降維崧嶽心傳接泗洙文章劉校尉經術董
江都黜陟司虞典甄陶盡魯儒臣心終似水物論
不辭迂去國辭安乘先生歸里
惟乘一蹇還家關舊蕪東京餘
典籍南郡盛生徒我祖中原起高塵萬里驅一經

傳虎觀幾葉潮鵝湖先後言相發乾坤德未孤子
生已衰晚過此尚踟躕遺像衣冠在空庭歲月徂
郁山扶牖戶澗水帶松梧龍馬圖沉寂笙鏞壁有
無前驅如未遠努力取長途

呈浚儀毛明府兼述曩懷四十韻

明府嘗為
鄆郡司李

改授城固令
與家君同官

上國飛鳧日中原攬轡時九重來命吏八郡望丰
儀盤錯才應副優游政自宜遷鶯向喬木振鷺集
華池經術先賢右文名後進知朱雲折鹿角匡鼎
解人頤秘冊龍威授諸儒虎觀推克家旋擢桂報

夢月巖詩集卷十三

三

國即傾葵道岸遵前轍詞壇樹大戲峨嵋蟠崩律
滄海舞連漪白雪歌虛和玄亭字實奇秋霜尤共
凜冬日自成熙魏國分符地銅臺使節持賦傳梁
孝苑刑鑄鄭僑祠開府稱明允窮鄉識惠慈廿年
棠蔭大庶政棘庭垂張弛良非易權衡竟爾為分
閭操鑑藻得士盡瓊姿八代衰斯起千秋文在茲
仁風歸物望大雅是吾師憶昨雍梁域專城江漢
湄仙舟鄰郭泰流水見鍾期詞客披黃絹同官仰
素絲嚴君時授館夫子惠前綏下士逢青眼高人
許白眉喜驂蕭寺乘兼誦驛亭詩是日天初霽斜

陽隱半規波光環激灩山色五嶽寄松檜風生席
枇杷花著枝瓊瑤知莫報管蒯不相遺洋水方投
轄巴童又唱驪倉皇軍餉急赤白羽書馳嚴瀨安
居早函關歸路遲蕭葭三載望雲霧一朝披梅蕊
舒官閣蓮花啟幕帷樽罍同北海賓客盛南皮授
簡鄒枚並趨庭元季隨花間時判牒松下或彈碁
化雨應無既陽春詎有私佇看鸞掖召決海潤蒸
黎戲庵同

贈屈三鳳山兼寄仁山鶴山伯仲

六義荆榛後三閭哀怨深與君一覲面復見古人

夢月巖詩集卷十三

四

心絕代今無匹兼才夙所欽美人惜遲暮遊子悵
登臨奇服難諧衆孤芳易見侵揮戈朝景迅按劍
夜光沉兄弟皆高尚林巖亦秀森蘿軒同宴坐蘭
佩比幽襟每奏停雲曲時彈對月琴鳴宜驚四座
氣並越千尋我愛蒿邱勝將歸潁水陰願言招隱
士終古俟知音

再至真源家任菴招飲老子臺漫成紀事

良時初霽雨嘉客正登臺萬籟天風會孤雲海日
開關門占氣至河上望仙來詞賦傳梁苑川原見
楚垓既深懷古意兼識濟時才珠玉欣同倚梗楠

聚異材縣花春盡發隄柳歲還栽絲管張燈奏魚
龍向晚逐水煙浮草樹月露淨塵埃雉堞高陂浸
漁舟遠唱回生涯頻逆旅公譙幾趨陪歲月休看
鏡湖山且舉杯夙心欽顧盼壯志忍灰頽授簡還
成賦觀風或取裁

維揚天寧寺拜觀 御書匾額恭紀二十
韻

六朝遺舊寺榮木起新秋萬古寰中秀諸天象外
幽華檐祥鳥集飛閣瑞雲浮高揭黃金榜遙鳴白
玉球蛟龍蟠寶璽鸞鶯護銀鈎文物方同軌江河

夢月巖詩集卷十三

五

自翕猶雪山重驛使火嶺靜戈矛 聖主巡群后
空王覲十洲觀風時駐蹕覽勝此登樓史紀憂勤
政詩歌伴奐遊息民思淨理祈福謝縉流墨妙西
方榻毫光北極收詞臣從韋誕供奉有鍾繇盥手
薔薇潔裝毫瑋瑁柔麟經慚一字蚪簡誤雙眸竹
素 皇情得金莖 御氣留草茅來賤士淮海泊
孤舟稽首松陰覆傾心藿影投瞻雲時在念簪筆
幾能酬易簡垂義畫圖書象九州

兩後登素園山閣寄懷家兄

時大旱竹盡枯煙
筆居守者皆之長

葛署
中

饑饉垂三歲歡遊罷此亭園花虛碎錦野竹斷空
青物色關天意農功祝地靈果逢朝暮雨不爽畢
箕星發興登高閣邀賓摯小瓶閭闔還賦斂親故
久凋零孰與民憂樂予隨衆醉醒池塘春草歇門
徑晚樵停昆弟分鴻野兒童過鯉庭官方仍禮樂
考績自儀型生理家無賴賢聲道可聽時兄以
才賢薦何時
朱紱至重爲掃軒屏

行經禹州

古陽翟地

驅車遊舊國秣馬憩浮埃白日孤城隱青山四望
開提封周爰邑肆覲夏鈞臺問道軒皇蹟觀風漢

夢月巖詩集卷十三

六

吏材潁川鳴鳳去襄野馭龍回驛路攀楊柳原田
闢草萊閭閻還服賈輸輓未儲財懷古商歌起悲
秋楚客來時艱雙髻改身老寸心灰辛苦洛陽道
應憐賈傳才

河陰覽古

落日平陰道登高遠目窮已占王氣盡尚想霸圖
雄楚界塵沙際商都瓦礫中蘭餘漆水綠榴失漢
槎紅歲月歸元化風雲靜太空阮生徒浩歎韓相
漫成功廣武寒嘶馬敖山晚渡鴻祗今征戰處京

索滿蒿蓬

仲丁遷葬即今河陰於周
屬鄆邑有張養安榴異種

之寧鄉所治紀事述懷三十韻

攬轡雞鳴候之官鳥道邊漢家離石地禹貢冀州
田下下難分壤高高欲上天峽花村舍隱嶺樹縣
城懸驛路緣沙磧關門鎖礪泉三家忻市集一木
畏橋顛晉趙多征戰河山屢破全妖星躔彗宇野
日耀戈鋌谷沓黃巾聚峰高赤幟牽耕牛充犒餉
牧馬躡園屋況乃因饑饉如何歷歲年鬻妻難易
米質產怯增錢黑嶺春添戍黃河夜捉船兩昏明
鬼燐晴眺絕人煙往昔民勞矣登臨意悵然壘培
餘土在陶穴幾家延山荳稀仍發墳松斷復連燕

夢月巖詩集卷十三

七

巢依木作贅乳入村眠氓業應思復官階敢望遷
微名遭 盛代深意附高賢未種河陽樹遑揮單
父弦行觀新麥隴卧弛舊蒲鞭退食檐雲落移牀
牖月圓竹聲清響勁槐葉冷淘鮮蜡祭時迎虎遺
風有獻耕祀崇民藉鑑俗樸吏忘權祝 聖聞歌
壤經時感濟川風雲銷赤手日月去華巔冉冉侵
衰甚悁悁逼恨牽祈年希道泰天地荷陶甄

報家兄文啓於武昌四十韻

往日遊荆楚言歸別恨長喧闐來市暨涕淚送舟
航歷歷關前路拳拳動永傷所生嗟不見有子晚

爲郎報國葵先向承家桂自芳勉旃青白後克副
子孫揚雁倦劬勞羽鶴悲征邁吭在原還異啄于
野不偕翔西塞遙青翠南湖望渺茫山雲多碧色
江月共金光暮雨疑神女雄風憶大王征衣花院
淨寢席水樓涼文獻徵申國信陽古中國地交親問洛陽入
門囊篋盡掃室枕衾張暫住身如客恒饑態減狂
小妻經歲病弱女入春殤需次留燕邸之官指晉
疆 君言違敢宿引見日特命即赴所治民事亟難忘首旦辭函
谷方春度太行關門瘠馬足驛路轉羊腸石峽花
飛蓋山城雨濕裝雲昏蘿宇黑日晏草沙黃比歲

夢月巖詩集卷十三

八

無登稼殘黎已半殫井參躔宿暗晉趙戰爭強邑
敝風猶古民孱法忍戕桑田勤稅野饘粥慎循牆
爭種潘君樹難薰荀令香要賓剪蒿徑課弟過槐
堂衙放松堪坐書攜洞可藏薄遊雖具勝俗吏漫
稱良北極高瞻日西河遠報章樽疊紅錦袂騏驥
紫絲繯伏櫪思千里傾壺進一觴開械知苦別分
俸得甘嘗兄以俸金杯馬見惠仕宦艱婚嫁兒童守稻梁在公
惟肅肅後食每皇皇學舍遺文教仙樓輸武昌生
徒時講誦胥史亦徜徉詎賦非吾土應歌陟彼岡
懷兄同黯澹繩武各騰驤

輓王丈大中二十韻

公初宰丹陽民多通賦適奏請
公亮其全額上開府及奏下他

邑通者皆罹法升人獲全者億萬命至今尸
祝之事太封公色養無違與子為忘年交云

京洛多朋舊同心問所宗斯人不可作吾道復誰
從暇日思前好殊方夢遠蹤追隨行似雁瞻仰氣
如龍開國虛全賦三江急正供錙銖關億命枯拳
徧鄰封明宰方為政窮黎豈即凶他年碑有淚此
日市無春溫嶠真同造劉惔不再逢倦游辭海國
晚節伍村農入徑猶存菊為園始種松石當門磊
磊花間樹重重龍馬徵圖蹟崢嶸對郭峰舊居上河
圖即龍馬
負圖處崢
嶸山名閒居心自逸色養禮尤恭以我登堂跡看

夢月巖詩集卷十三

九

君愛日容試溫延夜寢嘗旨問朝饔情洽盤餐便
年忘揖拜慵太和常在室至樂每同悰完行歸青
史清標取素封百年足已分泣歎亦何庸

讀吳徵君街南文集遙寄十韻

徵君文原本性
道力排二氏其

理取震川而
氣逸於山陰

經緯通天地誰云小技哉我窺作者意君是古人
材激越神逾王清虛氣自來寧踰前聖矩已庀後
賢才震澤洪波溢山陰險道開素心夙莫逆白首
遠頻回一別蹇疎柳相思阻異苔先臣承訊問餘
恨重徘徊忠孝同家法搜羅具史裁何時鴻雁到

莫使蠹魚猜

先忠節曾註孝經徵君
訊其軼事歎歎者久之

別于子繩先生二十韻

于為清端公家孫任浙江
臬憲

盛代推元凱鴻名孰與齊清華寧藉在惠化有端
倪鶴籟聆天語鸞陂賜御題家聲蘭接桂公
望兩兼覽帝眷咨明允臣心憫犴狴呂刑卑穆
命虞典尚陶稽霜凜江湖渚春生桃李蹊敬官惟
肅肅延士每提提憶昨驅離石遙天望越溪封械
隨侯雁發覆感醢雞祇達中情慄翻勞寸赫號恒
焉驚惻隱勉矣愛蒼黎讀法風千室觀耕雨一犁
所嗟民氣壓敢冀仕階躋撫已腰應折逢人項自

夢月巖詩集卷十三

十

低認稱忠孝裔虛卜澗瀝棲貧病心猶壯雲霄夢
可梯高門勤顧盼下吏辱提攜濟美輝青史殊恩
潤紫泥他年瞻地遠徙倚太行西

旅夜披顧聖水詩卷東寄

征車初止舍寒鳥亦棲檐山雪明窗燭谿風動夜
簾伊人阻千里香草饋盈檐西蜀柝樓甫東籬菊
對潛近來多作者愆義復傷廉細響爭檐馬遙光
隱月蟾誰能清肺腑自將白髮髯詩為窮愁細清
因別恨添紅寥群木末翠挹萬峰尖已分甘邱壑
何堪問米鹽妻孥衣盡典耕稼穀頻占里社來應

往村醪苦共甜憐予身似寄歸去意方忼密甸松
同憩崑山韻更拈書函郵置遠遺問歲時淹丹輶
還斟酌知君不我嫌

昌平呈家刺史十二韻

四十已強仕遨遊今且閒來因占紫氣到即看青
山取醉家伶侍敲詩幕客刪嶺雲高出塞樓月遠
移關野戍寒笳動秋城夕雁還歸心忘逆旅清夢
警潺湲院小容花卉風開辨紫殷此時極遠目不
復抗塵顏鴻構材無棄龍鱗意可攀平生文史癖
將老道塗艱古處襟期在先公伯仲間敢孤長者
望黽勉附清班

夢月巖詩集卷十三

士

中土

中土賢開府秋災急奏聞不關民轉徙早識主
憂勤梁宋田多下嶠函戶未殷釜魚生潦雨村犬
吠山雲水國閒朝爨茅檐靜夕曛發徵思旦夕符
牒勢紛紜輸粟虛登日蠲租實計分理專任守令
則慎別墟墳卓魯宜徵異堯湯豈尚文離家已昨
日爭敢問耕耘

報災開歸河三郡
數邑新安與焉

又

猶憶壬申歲中原旱魃侵舊家多質產大賈益贏

金市有章縫跡糧無驚蹇任空村行蹙躓頽廟病
呻吟饑饉身還在憂危念且深典衣兒隕涕摘珥
婦傷心炎日方驅馬清風暇解襟會城陳疾苦流
輦更招尋憚怒天應畏頻荒衆不禁霜威忘所肅
兩泣欲爲霖郡守稱良苦中丞惠好音屢豐纔有
象小侵復於今宿草淹長逝新愁起故林臨風悲
賈誼腸斷日西沉

是歲子傾貲詣前中丞郡守告災
同事者數人惟賈子無曠長逝矣

初得孫因示憲兒

汝曹成我老倏忽報生孫嫡系延三世貧家當一
門詩書寧曝腹節物但懸揮

時七月
書至

不肖虛先德何

夢月巖詩集卷十三

士

望黽勉附清班

方裕後昆悠悠隨泛梗寂寂念山村舊業清風遠
荒祠夢月存

先祖夢月而生
今祠後有石室

巖居今石窟臺柏古雲根

先侍御
即此居

宦學兼忠孝行藏泯怨恩傳經良有術承考

未堪論固乏遺金麓還高種玉崑蘭徵娛晚色璋

弄及朝暾襁褓秋宜薄房櫳夜僅溫他時生智慧

疊至問晨昏慎勿稱麟鳳差堪似犬豚曾經歲饑

僅共就日饔飧爾戲如知路吾衰祇斷魂

憲兒從子客
長葛鹿邑

此身還繼續否德荷乾坤敢望過其祖將書自舉

樽

送屠酌滄之隴州徐去矜之永康冷理亭

之平遠二十韻

時皆以行取
特授外任

獻歲貞元際舍生動曙光如何分雁序萬里各鷄
行臣節勞寧憚王心遠不忘岍岐非異地黔粵
若同方則壤分虞夏川原接雍梁四關天府內二
華月樞傍隴水聲初急吳山路正長吳山一名吳
岳在隴州西祇宜
開遠目莫謂斷人腸西粵過湘水南荒指貴陽海
隅聲教訖山國土風詳瘴至雲深墨潮回日慘黃
充囊攜藥物望氣候氛祥呪蠱蠶神滅占年鼠骨
張巉巖惜僕馬澎湃戒舟航灌樹皆文幹蘭茝雜
野芳蛾形潛水伺鵬翼會風翔昆弟方春別琴樽

夢月巖詩集卷十三

三

月夜寄園宴語

暝色蒼然至遙光劇可憐鳥棲明月下人語落花
前有約琴樽合無拘坐卧偏暗香通石罅清響接
雲巔心覺縑塵洗衣看白衿鮮草萌茵藉軟茶潔
枕生妍遠市城煙重高臺榭影連醉宜春露浥醒
待曙鐘還風物私吾黨盈虛屬彼天欲歸仍徙倚
形影暱巖泉

送同年金兩如之松溪

日夕過從處離筵賦不成青林開夏景黃鳥續春
聲隄柳朝還折城花晚更明同人憐物色遠道慎
王程夙昔蓬弧志殊方簿領情民風移古處經濟
薄時名水木調琴適淵水馭索輕登臨隨絕嶠出
沒望神京仙嶺看雲峻嚴江見石清懸空魚自躍
向日燕相迎洛下才應健閩中政尚平示鞭湔彼
辱賜因若吾嬰判袂遵岐路升車擬壯行贈言由
肺腑砥節邁簪纓

贈從弟浩存三首

幽居寡聲氣誰與發深思忽覩雲間雁遙鳴天一

夢月巖詩集卷十三

古

涯羽毛久凋落洲渚復分離贈繳滿前路稻粱安
可期峰高遵陸穩塞遠漸遲念子素秋冷聆子
清瑟悲一彈三歎息百卉盡紛披向夕花凝露渾
如別淚滋

又

憶昔遊梁苑鄒枚授簡同賦成還對雪酒至復臨
風大阮開清燕高齋俯碧空家伶歌宛轉庖餽味
沖融盼睠令人好吹噓覺氣雄杏園旋得第柏府
謬乘驄自顧龍文鈍誰言馬步工別離方海國書
信阻雲鴻蕙苴生虛謗蘭茝失小叢

家大阮失職弟堪
與望歿於粵東

嗟人事否猶望 帝閭通日照盆無覆天高聽有
聰獨身重跼至百感寸心中經義仍揚摧文心互
錯攻希賢如有立出險仗皇宮

又

聚散如萍梗途危孰可依不知交態別祇訝宦情
非瘴海懷耕偶燕山夢釣磯去留同晚計呼吸際
霜威災祲應无妄賢豪諒不譏欣逢青眼在忍使
素心違往昔貧非病空文好者希顧深緣骨肉感
極告庭闈北闕瞻雲至南天傍日晞一官雖潦倒
兩世薄輕肥遵事忘加飯求書數典衣妻孥冬擁
絮僮僕夜眠扉忽忽思前好兢兢閱寸暉寵榮何
報稱名位且卑微物色生良夜人風接令徽詩歌
急難悉書上孝情祈殘暑清池洩新涼遠樹歸一
樽還賦別目送早鴻飛

哭仝孝廉車同三十韻

車同名執河南鄭縣人康熙乙酉鄉舉第一祖諱庭

舉字達士順治戊子舉第一與先侍御同年車同嘗客永寧修明府尤與子善

蒼蒼何可問賢者竟沉淪愧我官猶達傷君命不
辰馬卿常抱病原憲久安貧性命微言發文章逸
氣伸道因儒素貴數以骨清屯英莖鮭多品蘇田
頃不昀中原問耆宿乃祖軼群倫鵲起翔丹極鵬

夢月巖詩集卷十三

主

夢月巖詩集卷十三

六

飛近紫宸嚴君時並駕名德益相親神駿燕臺市
仙舟洛汭鄰通家孔李舊交誼呂嵇新函谷經過
處峭陵羈旅頻相逢心莫逆較飲量無垠月檻松
間影風牀竹裏身縱談天下事篤信古之人五岳
生方寸千秋集此晨異同各有志華實定何因登
眺兼群巘淹留或一旬別離方暮歲音問阻芳春
繩武雖騰躍謀生尚苦辛雨漂高鳳麥雪壓買臣
薪僵卧衾裯薄躬耕手足皴何嘗形慍見自爾任
陶鈞坎壈宜多壽飄零竟返真氣歸河嶽裂星隕
斗樞塵楚士歌衰鳳尼山泣狩麟人猶嘲尚白天
豈降惟均述作空相望荀揚非大醇騷憐山鬼竹
詩怨美人榛師友平生義哀歌難具陳

謁漢世祖廟

裕州北三十里相傳有板倒井遺蹟

漢廟青山裏征途白日長遺風猶可紀陳迹未全
荒帝業高光並宗功耿鄧良中興傳令緒幾葉潮
先皇絕足風雲迅雄心歲月藏友恭存暗淚謹厚
啟殘疆惠化先兄弟聲明繼帝王舊京空洛邑佳
氣想南陽尚有寒泉井還霑道暍漿丹花生異彩
翠柏靄深涼史冊聞前事遨遊陟此堂赤符歸異
代懷古獨徬徨

安平贈同年于明府君俞

一別動三載人生能幾何不因來絕域那得復經
過小邑如棲枳殘黎似抱痾華文才素健錦製法
如何通籍予衰晚遭時爾坎軻蠻方雖僻陋吾道
自中和儒素風流在王程日月多相逢還語笑舉
酒此巖阿景過山留靄秋空水灌河琴聲延響瀨
簿領對寒柯地遠法難執天高聽不訛會看鳬鳥
去九陌共鳴珂

過盤江鐵索橋詠古述懷四十韻

峽束高江急山開一徑偏木橋成孔道鐵絙自何

夢月巖詩集卷十三

七

年鑿石銷金盜縣車挽軸牽波濤驅百怪偏側啟
諸天鉅細潛虬引縱橫屈蘓纏晴虹生馬足星漢
謝烏填豈懾千峰岨寧須萬里船征夫皆坦步關
吏亦安眠渺矣思開闢悠然憶簡編九州區貢賦
五服莫艱鮮除道霜收雨成梁水涸泉此方應化
外重譯未開先度索疑今處循糧信古傳漢皇勤
戰伐秦帝略山川莊躋西南境唐蒙驛遞沿竹筇
扶老異謁醬入庖蠲題柱才能賦乘槎客似仙興
衰歸駭浪憑弔俯深淵盛代清河海遐荒盡幅員
車書同遠近千羽靜烽煙赤虺文身易鳥蠻卉服

然

再寄從子光曾兼述老懷

夢月巖詩集卷十三

六

汝生當舞勺已伴竹林名偏愛疑群從長貧喜獨
清葛衣寧厭敝柏徑不嫌橫子以舊婦衣子姪姪喜受高之所居夢月巖徑有古柏
鳴和家室怡怡念弟兄雪因同被煖月為辟纊明
溫鏡方榮照秦簫遽寢聲老夫嘗抱痛猶子更開
情姪婦王中表親也子結髮王孺人即其從姑亦早世天意需勤苦人文歷變更洪
河流曲折中岳起崢嶸翹楚惟遴秀榛蕪已厭平
子嘗示姪文苦無奇匪言子果老如射子能爭爾父當從政傳
光曾之弟耀曾於丙戌成進士壘篴洵響應斑綵五芬榮鴻

野歌安宅鵠原憶邁征梁園昆逆旅隴首弟經營
饑饉辛壬劇間關酉戌行弟天益即光曾公嘗客隴於今西鄉舉子客處邑甲戌得第
十五載伊昔夢魂驚婚宦忘情愆艱難漸老成運
移隨否泰材聚識裁傾世德還思永家風益戒盈
心長憐蔀屋子令寧鄉貧病幾危髮短憶茅衡所業惟忠孝爲
詩閱困亨思深捐寢食興至遶檐楹春挾江山動
寒從雨雪縈滇黔遊欲倦京闕計餘程敢與臯夔
列將同沮溺耕田園聞半典童稚許相迎冥膝如
驕子分甘及衆嬰兒曹聆教誨愚魯是平生勉矣
無多語高岡學鳳鳴

夢月巖詩集卷十三

尤

作者

作者論昭代濟南王阮亭日華翻海曙春氣靄峰
青秦國窺天府王極推李北地齊風並地靈滄溟蘇黃時出入
王孟是儀刑檢討鑣相競李天山人戶尚局屈子仙
舟洛汭遠野佩澧蘭馨七子俱淪沒三君亦杳冥
雲間三子申公百尺丈鮑閻氏五侯鯖古嗜好從時輩
文章味古銅如何前宋律亦躡盛唐庭浩蕩風中
絮高寒雪後汀詎無金點鐵如人家園橋柏之類或有醉爲醒
應節循宮羽分流辨渭涇竟陵雖險道持論有常
經五岳奇西華中堅據井陘坦迤人共蹈偻仄馬

俱停大雅非寥濶中原見典型勉旃初服志未敢
薄滄溟

法華寺

同張潘兩銀臺遊時潘有高尚之意因留之

亭午問花宮松雲一望中人煙青不斷春色麗無
窮龍象何年月邱陵自始終前朝崇宦寺此日滿
蒿蓬寺西有官署墓冉冉征途倦悠悠世事空車甘下澤敝
賦愧上林雄覺道雖難覓迷津尚可通市朝稱大
隱不必效支公

贈憚哲長十韻

盛代麟遊園遺才鶴在林與君中夜飲遂識古人

夢月巖詩集卷十三

干

心歌起南山石情移大海岑忽凝長至雪方歇九
秋霖側弁何須禮然桐但賞音世疑鶉百結吾仰
氣千尋憶昔爲窮子干人亦苦吟達官誰顧曲高
士或開襟率爾言前事翛然對古琴爲君操別鶴
珍重此朋簪

附六言律詩

慶餘將至隴州晤予於吳門兼贈令嗣紱

維

燕市何年賦別吳門此日逢君書傳江上鴻雁人
卧山中白雲老子登樓對酒童烏負笈談文底事

孤舟西去隴頭流水愁聞

夢月巖詩集卷十三

夢月巖詩集卷十三

主

夢月巖詩集卷十四

新安呂履恒元素著

七言律詩一

洛陽秋思八首

洛陽衰草暗銅駝。躑躅征鞍客再過。望裏風雲銷
王氣。悲來天地發高歌。隴山有夢歸人少。漢南何湘書不至
水無書去雁多。懷雲曠自楚歸吳中萬里秋空開倦眼。迴看闕
寨自嵯峨。

二

上林秋晚集啼鴉。西苑雲寒斷翠華。玄石東遷猶

夢月巖詩集卷十四

一

紀敘錦帆南去更無家。天教史冊存皇泰。地盛河
山恨永嘉。倦客登臨離黍後。王城依舊夕陽斜。

三

鐵嶺金墉指顧中。龍飛虎眈昔何雄。鼎圖沉水疑
周甸。仙淚零鉛憶漢宮。霜際曉鐘山寺白。日邊殘
角戍樓紅。澗瀍猶是元公卜。今古虛傳婁敬功。

四

廿載荒原戰血乾。洛陽花事尚彫殘。樓臺西望函
關迴。風雨東來少室寒。桑梓苑中多白露。芙蓉池
上幾紅蘭。石家金谷知何處。滿眼蓬蒿不忍看。

五

上東門外迴車處落日寒雲弔北邙十代寢園空
玉盤二周城闕失金湯徒傳太后驕梁孝不信高
皇易趙王幾樹松杉樵斧盡遺民猶見淚沾裳

六

袁術城邊秋氣高山川想像舊旌旄赤眉萬衆干
戈地白髮孤臣戰守勞師潰金門虛鎖鑰王辭玉
殿遂蓬蒿黃河不洗甚弘血斷岸悲風捲怒濤辛巳
賊陷洛先太傅同福王殉難

七

酒市相逢游俠兒金樽玉管醉醺醺田橫義重三
齊日劇孟名高七國時青草古城嘶牧馬白楊荒
塚宿寒鴟何如巢許箕山上脫屣人間萬乘資

八

西風落木下孤城今古人同遲暮情三市塵沙淹
夕照兩宮礎杵斷秋聲從橫無地憐蘇子神鬼何
知問賈生寂寞鴻都聞見絕十年愁思賦東京

大梁懷古

河水西隕汴口通年來畚鍤倦司空黃沙舊是樓
臺處綠柳新栽巷陌中小市租魚無忌宅閒田牧

馬惠王宮夷門沽酒尋遺老猶說邯鄲救趙功

原陵

原陵古殿凜清秋尚有炎光史冊留一夕故人同
偃卧百年名士見風流巢空鶴鶴松杉老蘚護蛟
龍鼎足幽莫向南陽望佳氣五雲縹緲自生愁

夷齊祠

孟津和馬處

大道遙瞻孤竹祠清風激越晚林悲曾孫已協天
人應義士猶懷虞夏時斷岸黃河還舊渡荒原秋
日自穹碑當年白馬賓王頌何似西山易暴詩

黑石關

筆縣

巖關東望意蕭騷石立山開見古濠曉樹片帆回
洛汭霜天一雁下成臯人家雨後黃沙靜戰壘秋
空白日高底事棄繻猶履躡三年重過問村醪

家兄自粵東歸為言粵中土俗之異

吾兄意氣古人豪萬里歸來未解勞五嶺秋深驚
薜荔三湘日落見波濤蠻兒跣足多乘屬鮫子文
身喜佩刀見說分茅銅柱在越人千載憶功高

和家兄黃鶴樓作

武昌城外漢江流江上人傳黃鶴樓遠目一空天
地界客心交集古今愁衡陽木落蒼山雨鄂渚風

高白雁秋欲問浮雲何日盡仙人相望隔滄洲

邊馬

邊馬驍騰七尺駮長嘶萬里氣悲哉真龍豈解人間好神駿爭傳天上來紫塞風高雙耳立黃沙雪盡四蹄開孫陽去後誰能相汗血空流不自媒

送友人之解梁

青青楊柳折河橋送爾離亭酒未消萬里寒雲生大鹵三春殘雪望中條林鶯向曉聲初轉班馬臨風氣自驕他日期君伊水上巖泉佳處問漁樵將之漢中同家兄登函谷關閣

夢月巖詩集卷十四

四

涼風天末雁聲聞愁倚關門酒未釀疎樹遙從谿口斷孤城橫到嶺頭分天迴江漢驚秋水地盡崢嶸屈指暮雲此去萊衣冬可著將書還與慰離群

白龍池

宜陽相傳漢世祖飲馬於此

龍池潏沆一泓深夾岸垂楊蔭碧潯池自星河天上落龍來風雨夜中吟灌園總給居鄰用抱甕還忘野客心銅馬鐵衣今不見石痕疑是漢時陰

壬子秋杪之漢中再經雁翎關感賦

即古嶺

霜清木落雁初還匹馬辭家道路艱正有鄉書愁北塞忽驚倦翮落西山青天漸東千峰裏白日還

開一劃間天地未歸江漢客風塵重度二陵關

旅興

青山曉色上征衣黃葉風林作雨飛正值三秋秦塞去飄然千里故人稀灞陵殘照虛城闕渭水寒雲隱釣磯遠目極天隨過雁關門南北不同歸

長安旅舍寄公毅

清秋賦別共登山幾日看成游子顏夢與白雲歸洛浦人同明月入函關寒陂水落魚龍靜古戍煙空鳥雀還爲道灞橋楊柳色總縈愁緒不堪攀

華山

夢月巖詩集卷十四

五

白帝宸居紫翠重乾元金氣鑄三峰高秋想像虞廷狩往蹟虛無漢代封萬里悲風迴落雁五陵陰雨下蒼龍依然突兀干雲際今古能銷幾度鐘

觀獵

十月關山草盡枯將軍無事獵平蕪人驅駟鐵秦中馬車載重環海外盧朝出邊城持玉節夜歸官道辟金吾射生破的皆飛將不用周原美武夫

棧中二首

石棧秋高落水痕心危身遠戒朝昏峰迴北地秦無塞路盡南天蜀有門芳樹陰晴虛歲月淨雲出

沒變乾坤七盤關上休回首山色江聲總斷魂

又

九折征鞍一敝裘壯游心曲在梁州山當子午縱橫處水落褒斜日夜流秦氏餘威碑字滅漢家殘燒石痕留昔年義舍勞尋問衰草寒煙見旅愁

鳳縣

四面青山作幅幘孤城蜿蜒入高天裏糧客就亭邊火夾犢人耕屋上田江水夜潮鳴戍角嶺雲朝起雜炊煙部民土著渾忘險村落依然似漢年

漢中

夢月巖詩集卷十四

六

漢川高望白雲間王氣蒼涼去不還鳴鳳依然橫地軸碧雞無復閉天關江聲日夜吞三楚山色西南到百蠻見說武侯祠屋在遺民伏臘淚痕斑

漢南春思五首

漢南春色舊芳菲萬井人煙抱夕暉楊柳樓高鶯對語梨花院靜燕交飛玉鞭自斷王孫馬金縷誰憐士女衣爲問江沱王化地流風猶是二南非

二

子午山前虞帝蹤春城遙見碧芙蓉天清雲路無凡鳥雨黑雷潭有化龍羽客吹笙聞此夜湘靄鼓

瑟在何峰巖棲欲躡高人步萬古重華企再逢
山在西鄉帝舜與善卷隱此

三

沔水西偏帶郡城羌州諸部續歸耕三分王氣風雲盡萬里江流天地清細草閒原群牧馬繁花古戍獨啼鶯武侯祠廟空山裏陰雨猶聞戰鼓聲
祠在沔縣每陰雨則聞鼓聲

四

木馬河邊放小艘夕陽無語倚篷牕蒼山倏爾歸前代黃鳥依然滯此邦大壑晴雲通劔閣亂流春

夢月巖詩集卷十四

七

雨會湘江興亡自昔由天命莫恨譙周奉表降

五

群山衆木野煙生那識遺封定遠城亂石自通西蜀道古垣猶駐北軍營玉關人老懷兄妹金闕天遙議戰耕此日烽煙暗秦隴莫將投筆客相輕

將壇

韓信臺前蔓草荒高天極目思茫茫向南雲夢還飛鳥直北長安但夕陽明主自能知國士丈夫寧敢望真王祇今漢楚同歸盡野老猶聞哭未央

張桓侯廟
西鄉

車騎侯封江漢澤荒庭遺像肅秋陰義先魚水君
臣日死報荆襄昆弟心劍外青山還突兀閭中赤
社亦銷沉三分炎鼎灰飛盡感入遺民俎豆深桓侯

封西鄉詞
封閭中王

野望

子真谷口雲初霽白起城邊雨乍收萬里濤聲來
漢水一天霜葉下梁州他鄉風俗重陽晚故國音
書旅雁秋人事寂寥裘敝盡寒砧莫遣近高樓

故宮

靈璫沉沉斷翠華故宮猶傍遠山斜春風何意吹

夢月巖詩集卷十四

八

芳草秋兩無聲落桂花壞棧鳥啼思杜宇荒邱骨
盡恨巴蛇燕山洛水連雲樹萬里還將倦眼遮

秦中懷古

秦關百二舊皇居華嶽三峰接太虛天地無聲龍
戰後河山如夢雁飛初鴻門霸王分丹券軹道降
王曳素車已見羸非無尺土長城萬里待何如

又

四關中踞虎狼都席捲河山噬楚吳甫見六王朝
白帝旋聞三輔易黃圖趙佗邊徼歸人絕蕭史樓
臺去鳳孤江海即今仍奮伐朝廷依舊賜田租

漢南春夜送別慶餘

滿目烽煙恨不勝殊方無那別良朋夢魂已識遙
峰路樽酒難分永夜燈杜曲花殘空漢苑驪山松
老失秦陵知君匹馬悲歌處賦就西京涕淚凝

秋曉東臣石

長風遙夜怨清笳蚤起新晴旅望賒江漢秋聲吹
白露關山寒色照黃花感時愁上桓侯壘招隱難
尋鄭子家賴有玄亭遺老在頻將芳訊慰年華

懷公毅

暮容山上葉颼颼憶別津亭我倦游遠水一磯驚

夢月巖詩集卷十四

九

薄暮孤城雙角入高秋長驅魂夢函關月漫賦登
臨天漢樓寂寞故人睽隴塞潺湲清淚落吳鉤

九日

籬外無人送酒來滿城風雨更相催殊方白雁愁
中至故國黃花夢裏開欲問同心還顧佩恐傷遠
目罷登臺西南烽火羈離日倚劍長天歌莫哀

送克念上人之少林

悵望彌天此路長龍江一葦渡朝光到來巴嶺雲
依衲歸去嵩邱雪滿堂泉水送時應注鉢松花落
處可儲糧山中他日重相問第幾峰前有石房

除夕懷家兄

雁行秋杪望秦天。家慶還分守歲筵。故國燈前同此夕。他鄉別後又經年。錦江氣動千峰雪。金谷春生萬樹煙。兩地無勞清夢遠。明朝各試綵衣鮮。

漢南送雲曠歸太倉

春深江漢水悠悠。有客南歸賦遠游。亂徑獨尋諸葛宅。千秋重上仲宣樓。峰巒過影遙分浦。鷗鷺依人近泊舟。好待巴山賓雁至。知君高卧尚湖秋。

又

武昌城郭敞雄都。黃鶴登臨憶霸圖。峽出雨雲空

夢月巖詩集卷十四

十

惑楚江流天地失。吞吳重逢者舊悲。歌後會寄詩篇氣象殊。此去故園無長物。祇堪家慶具蓴鱸。

東歸渡漢江

征鞍趣下上輕舟。歷歷河山指舊游。樹色迴浮千嶽日。笛聲橫入一江秋。北堂晨夕勞魂夢。南國烽煙惜去留。回首洋川何處是。暮雲黯澹水空流。

女郎廟

霽寶

蕊珠宮殿接瑤臺。暇日登臨返照開。塞外黃河兼地湧。天邊紫氣入關來。氤氳畫壁龍蛇動。寂寞空山鳥雀哀。環佩似聞天半落。風飄霧雨濕蒼苔。

秋日感興

百卉蒼蒼露未晞。年時江漢薄言歸。雁過白水風初冷。客到青橋葉正飛。此日劉焉憑內地。何時鮑陋脫重圍。可憐六郡良家子。秋雨寒煙卧鐵衣。

江名青橋驛名俱在棧中

覃懷雜感

宿雨空林暑氣收。大河南望鬱生愁。水將落日翻沙磧。山倚歸雲斷石樓。轉餉寇恂今寂寞。種花潘岳舊風流。酒闌歌罷天如夢。隰楚園桃識我憂。

河上寓目

夢月巖詩集卷十四

十一

舊縣黃河漲野蒿。太行青嶂隱林臯。客心漸與帆風遠。秋色還同霽日高。虬螭穿沙崩斷岸。魚龍吹氣作洪濤。萬方會見兵戈息。東國曾聞杼柚勞。

粵嶺

登封即輟輟地

萬嶽西連粵嶺口。涼秋九月霜侵衣。林臯風定鳥初下。石穴雨昏龍自歸。行子望煙乞草舍。老僧延坐陳山薇。巉巖頓折有如此。北轍南轅誰是非。

望嶽

三十六峰峰上頭。白雲無際翠同流。天垂萬古幽人宅。木落中原故國秋。石壁影存難佇想。貝花香

渺自生愁低徊惟有箕山客獨立高空可與儔

又

嵩嶽峻嶒萬仞看群峰森湧似波瀾金壺細裊孤雲靜玉柱高擎落日寒石徑自通周采甸松陰曾駐漢衣冠自憐窈窕同山鬼獨處幽篁謁帝難時乙卯省試被黜

宜陽

宜陽城外路漫漫晚靄空山不忍看清洛帆陰隨遠照錦屏松色入高寒鳥啼斷壘風初急馬度荒原雪未乾見說甘棠依舊在祇今南雅半凋殘

夢月巖詩集卷十四

十二

錦屏山

宜陽武后賜名上有呂仙石刻詩時當海宴河清日白鹿關騎下翠臺云云

白鹿仙人返碧空名山千載憶玄工石門寒氣朝昏變大壑松聲遠近同瑤瑟夜清悲素女金函晨下授青童祇今河海方清晏莫使登臨泣路窮

題郭大兄石淙園

南園煙色近人家取徑無嫌麥隴斜積雨全低檐際樹微風遙見水邊花兒童入座環經史僮僕當門序薜茶正是清和好時節垂楊門巷一停車

哀壑

哀壑無光落日低墓門秋草自萋萋青松繫馬成

新徑白露霑衣間舊帝桓女嫁時車尚在黔婁身後被誰攜黃壚清夢同相憶山下蘼蕪路不迷

隋苑

西苑年年望翠華江都好夢自天涯依然湖海沉秋潦何處關山隱暮笳夜雨寒飛中嶽樹春風暖入上陽花北邙魂返雷塘路不信蕪城是帝家

岳忠武王廟

朱仙鎮

河水東偏少保祠松風秋怒浪痕吹君臣江左偏安日父子中原百戰時金字忽頒南下詔黃龍無復北征師十年經略歸休晚輸却斬王酒一卮

夢月巖詩集卷十四

十三

答斌雅上人陽城見寄之作

遠公舊住廬山頂從事巾綈實快哉相送虎谿三載別忽逢鶴使一朝來太行殘雪春將盡函谷梅花晚自開此口伊人隔雲水彌天長路重徘徊

登大悲閣

高閣寒空旅望開蒼蒼一氣但塵埃雁從上黨雲邊去人向長安日下來三島霧潮鳴戶牖諸天花兩散樓臺應知帝座通呼吸聞闔難陳去國哀

殷太師比干墓

殷墟麥秀雀爭飛王子墳前淚濕衣死諫尚思存

耿毫生全不忍後箕微黃河北渡封猶在白馬西
賓事已非惟有商奄諸父老歲將蘋藻記松園

行至沁水作將至家與弟姪觀之

阿邱春盡麥茫茫馬首西歸水自東客路山川芳
草外故園門徑落花中兒童問字師應得昆弟論
文友孰同自笑秦關裘敝盡倦游心蹟滿詩筒

遊貞甫兄廢園

此地曾經載酒過重來依舊長煙蘿遠山寂寞猶
當戶寒水潺湲自灌河牆上蝸涎經歲滿階前蟲
響入秋多風光處處還相似不見伊人奈若何

夢月巖詩集卷十四

十四

青要山

新安山經云有黃花赤實服之延壽其險處曰
夫人纓縣屋千仞下臨黃河

翠壁丹崖一望賒雲陰開處石峭呀鳥銜柏子還
成樹麝過蘭香却辨花天塹黃河能限日山留赤
實待餐霞不知混沌何年鑿五色猶疑鍊女媧

遊福昌寺同張薇佐費鼎新

縣城西北兩三峰下有龍宮積翠封路指夕陽初
見塢風迴秋嶺忽聞鐘寺田有稅交叢稗野蜜無
房穴蠹松苦憶宗雷在蓮社異時煙月幾相逢

贈了寒上人兼訊孫扶蒼

中原文史散樵漁方外行遊識爾初匡嶽高人蓮

社盡洛陽才子黍離餘客來鉢水同休夏定後禪
燈自校書時輩猶憐孫楚在煩君問訊意何如

並蒂蓮開家兄素園漫成三首

豈是仙草出化臺天工合蒂此中裁虛從圖畫尋
常見真向池塘次第開曉露並擎秋水外晚風交
送遠香來依稀卓女迴雙頰誰似文園作賦才

二

紅袖雙垂淚未乾芙蓉別殿倚闌干思將炎日同
心苦怕及秋風獨影寒清浦漁郎驚並采畫船游
女笑相看誰知玉井高峰上尚有孤芳覓偶難

夢月巖詩集卷十四

十五

三

亭亭灼灼自相親月曉風清倍出神艷色爭知離
別苦佳名解誤冶游人白蘋煙裏交橫影紅蓼洲
前並結鄰底事獨行吟澤畔荷衣秋冷怨靈均

賈太傅祠

洛陽

賈生祠宇郡城隈日暮停車披草萊秋水不知年
少去寒花偏傍洛陽開沅湘自古應同恨絳灌何
人豈愛才我爲招魂歌楚些鳳凰千仞好歸來

緱山廟

偃師

玉殿深沉鎖翠微人傳王子事依稀緱山月冷笙

何處洛浦雲深鶴未歸苔色侵碑微有字松陰覆地盡成圍神仙解誤風塵客漫擲金錢贈羽衣

京邸送劉貞士還江南

春雲和雨暗西山送爾離亭不忍還已約後期旋執手致辭前路一開顏郢中白雪歌猶在臺上黃金事等閒豈似暮年詩賦客空傳蕭瑟動江關

望少林寺

嶺勢漸窮山寺出巖巒一往夕陽通紅樹亂噓鐘磬後青山倒景樓臺東凜然客子欲歸去何處樵人來徑同不知三十六峰月幾夜秋光流梵宮

夢月巖詩集卷十四

六

又

疊摩面壁石何處紅雪深寒難獨行盡日千峰落翠色有時萬木吟秋聲雲壑大澤龍蛇氣月瞰空山驚鶴情枕流漱石復誰是鼎鼎百年虛我生

宋中古蹟四首

馬首東瞻落照邊宋中遺蹟已茫然襄公培壘空秋草闕伯邱墟祇暮煙兩潰沙隄時偃樹水侵官道半牽船當年勝事銷沉盡惟有鄒枚詞賦傳

又

漢庭寶玉賚宗功梁孝樓臺起宋中免苑詞人朝

對雪龍旂宮輦晚臨風松楸露下依然白蒿菰秋來強自紅慚愧茂陵多病去倦游心曲爲誰雄

又

嚴城萬雉鎖重闌白馬西歸舊作賓事去商周封恪渺地鄰齊楚戰爭頻鵲飛何處聞秋雁星賈餘光化夜燐惆悵霸圖千載後尚聞周德頌遺民

又

樂府猶傳烏鵲歌青陵臺畔痛如何雲霞不染羅衣冷楊柳生憎翠黛多化鳥人歸終窈窕求凰客去自蹉跎宋王陵墓誰相問斷碣寒煙總不磨

夢月巖詩集卷十四

七

宿州道中

寒渚蒼蒼百卉萎天風驅雁過隋隄淮徐舊甸浮雲冷芒碭群山落照低神母夜號爭赤白祖龍春狩滯東西只今萬國銷兵日依舊清塵送馬蹄

望八公山

壽州

八公山倚夕陽邊望入寒空意渺然秦氏兵戈餘草木淮王雞犬總雲煙三洲遠渡青天外一雁歸飛白露前歲晚萊衣猶未著湖山何處學神仙

秋海棠

一名斷腸草

蜀府名花已渺茫江城晚并自芬芳居然有色同

春日豈爲無香怨夕陽小院微風迴笑靨空階多
露試啼妝時違不及梅花聘獨立清秋易斷腸

秋霽北歸經懷遠山中

秋色滿空霜欲飛濕雲淨盡風吹衣紛紛群木正
黃落隱隱一峰猶翠微泚水帆高舟子出塗山石
滑行人稀故園極目尚天際北客不同南雁歸

秋日同武茂才辛太學家兄文啓游雙泊河

雙泊河濱帶石田清霜落木響秋煙正憐鴻雁孤
城影却羨登臨九月天楚客魚鹽通野市吳姬庖

夢月巖詩集卷十四

大

湓在江船漁燈社鼓疑重見父老猶傳集鳳年

葛長

舊屬潁水昔黃霸有異政
風凰來集今故址猶存

潼關用崆峒元韻弔孫司馬

漢京形勝枕雄關指顧山川一掌間地險半開函
谷月天青惟見首陽山中官賜劔來何疾司馬麾
戈去不還萬古黃河流血淚春風慘澹旅人顏

遙哭楊貢士臣石

憶別梁州值亂離傳聞生死總堪疑嶠函地迴書
難到江漢天遙夢豈知高士宜登皇甫傳大文寧
媿蔡邕碑千名還識非君意不敢臨風哭楚辭

登龍門山

河津名禹門

禹門山色碧千尋萬古長祠夏德深河自懷襄開
草昧人因疏鑿重登臨風雷實見魚龍氣雲水虛
涵天地心不信滄溟難可到桃花竹箭尚浮沉

又

飛閣凌空四望開崑崙倒景入樓臺九州地勢東
偏去萬里河源西極來曲棧遙通天一綫危檣直
下浪如雷玄圭蒼水何年夢漢武秦皇未易猜

夜

孤館疎燈兩復晴空階獨立夜無聲雲歸澗樹沉

夢月巖詩集卷十四

九

餘黑月過山樓入太清遠道庭闈難計日中年兄
弟易關情春風是處吹河水鄉夢遙同到洛城

擬唐人早朝呈兩省僚友之作

三殿風清鐘漏遲千官鳴珮點朝儀南山曉霧開
銀燭北闕晴雲上玉墀歸騎遙分隄柳外宮鶯輕
轉落花時共看簪筆承明地會詠羔羊有素絲

上林早春聞鶯應金藩司教

西苑逢春曙色開東風拂檻散芳梅池邊弱柳垂
垂出枝上流鶯宛宛來殘雪聲寒鳩鵲觀朝陽啼
近鳳凰臺矢音欲奏卷阿頌摛藻終慚吉士才

山左贈雲曠

十七年來過景看天涯離思兩無端烽煙南國歸

應晚甲寅漢中嚴警予自兵中歸里雨雪東山夢亦寒阮籍窮途雙眼

在虞翻知已一人難多君湖海心猶壯百尺樓高

話夜闌

曉發東昌

霜落嚴城霽色開前瞻林杪鬱崔嵬海明日候雞

聲出嶽迴雲隨雁影來逃類同高巢父塚帝秦餘

恨魯連臺還思靖難干戈際志決身摧萬古哀

京師別曾一南孝廉

曾江右人今籍江南六合性至孝語及家難輒泣下

夢月巖詩集卷十四

辛

敝裘逆旅風塵日傾蓋結交忠孝人庾信哀吟且

一賦高狀泣血將終身此生懷抱爲君盡何處登

臨非我春洛水吳山二千里華文清夢時相親

夢月巖詩集卷十四

夢月巖詩集卷十五

新安呂履恒元素著

七言律詩二

無才五首

無才應棄盛明時三黜歸耕洛水湄鸞鳳自鸞天

上羽鶴鶴誰借日南枝清宵獨勸揮杯影長夏高

吟漫興詩懶惰心情因老大歲時貧病更支離

又

先皇功令勒旃旂天下才人就範圍尉顧豈關東

漢目鯢鵬真見北溟飛百年士氣風雲在萬里行

夢月巖詩集卷十五

一

裝匍匐歸不是鉛刀能礪礪難將腐草變光輝

又

計偕欣值戊辰年北望龍飛利在天舊按容臺宗

伯禮新推東閣相公賢絲綸溫語傳鸞掖蓬蒿涼

厨賜羶肩特諭考官加意遴才又賜御銀勞之莫是文章憎命達至尊

親爲選青錢乙丑春榜前臚者皆御覽手定

又

燕趙悲歌士不逢塵沙盡日蔽堯封金臺風邈還

求駿滄海雲孤孰好龍古道餘寒餐沆瀣曲江清

水夢芙蓉年華老大今如此慚愧君親百事慵

又

先臣舊業澗瀆橡櫟年收未是貧。種種髮憐親
七十。雙雙影共弟三人。即看蠹簡寒生篋。何似羊
裘日采薪。少壯不勤生事苦。河干應自負漪淪。

下第後寄郭大渭石

客舍招尋不易從。却於馬上數相逢。驚攀宣武門
前柳。憶別慈仁寺裏松。此日下帷還靜夜。他年攬
轡未衰容。人間多少難酬事。雲壑何能便寄踪。

懷庶祖母楊太君

黃鵠空聞五十年。初遭多難隱山煙。少時含弄猶

夢月巖詩集卷十五

二

堪憶他日陳情亦可憐。諸女共牀身見長。餘生百
藥手調全。涼風昨夜吹歸夢。親到霜顏白髮前。

喜李王二生過訪候館

高齋白日落青苔。兀坐驚傳二仲來。海內交游吾
亦少。天涯懷抱爾同開。江雲度影隨歌曲。徑菊浮
香入酒杯。玉樹已慚衰髻倚。秋城莫遣晚笳催。

春旱

去冬無雪九十日。新年不雨將十旬。幾家煙火靜
白日。是處溝洫生黃塵。井緇汲窮半濁水。糠粃掃
盡猶殘春。三賜田租兩巡狩。無食何以愁蒸民。

雨不下

細雨若塵風復吹。風吹雨絕淚相隨。雷霆不助神
龍怒。蟬螭翻成貝錦奇。博帶儒生朝鬻餅。短衣租
吏夜收絲。普天霖雨關群命。野老恒饑何足悲。

過郭雲門父執林亭求得畫幀賦謝

巖居林卧世緣空。許過東籬問菊叢。已到十洲天
地外。還遊五嶽畫圖中。芙蓉自濕秋峰雨。松檜能
生夜壑風。何處山阿并在眼。楚騷哀怨復誰同。

弔方孔文先生

諱國煥別號水心歛人

萬國賓王雨露寬。逸民齊舉列周官。首陽婦笑歌

夢月巖詩集卷十五

三

薇蕨湘水人疑佩。芷蘭四壁徒存心。有血源血題壁詩四首
尤原如作髮衝冠。先臣忠孝遺經在。江北江南淚

未乾。

辛巳先忠節殉洛難曾註孝經行世

聞家任菴言黃山之勝

黃山清峭擬蓬萊。良夜高談醉眼開。片石亦能齊
日觀。餘花猶可秀天台。峰頭香雨隨龍過。松際仙
雲帶鶴來。我欲凌風升絕頂。與君還泛紫霞杯。

羅夫人廟

陳州秋胡妻也或云羅敷非是

玉貌長疑結悅辰。羞於堂上問慈親。擬將朱第迎
官舍。翻把黃金贈路人。溪水清還明遠日。桑條密

更暗殘春荒祠萬古芳魂在莫向寰中化妬津

五舅出守金華代家君寄

十年蘭署災餘芳怨別燕山又越鄉晚識臣心同
似水秋憐客髻獨如霜山橫函谷人千里江過錢
塘雁幾行聞道金華洞天秘衰顏丹藥可相將

次亳州

譙國南來涉大川梁園東盡楚西偏居人曉集千
家市估客春愁萬里船精舍已空亡漢日古祠猶
憶祀商年誰知江上勞歌者漫歎長吟獨扣舷
雨後行經天長

夢月巖詩集卷十五

四

初霽微風野燕飛江城南望轉霏微楚山半濕危
峰雨淮水斜明遠樹暉田婦素裙迎鷺立牧童青
笠坐牛歸莞蒲滿地蠶桑少流火驚秋戒授衣

俞勸民樹藝
是識治體者

揚州

西苑離宮鎖翠微錦帆清夢幾時歸秋山月冷無
螢火夏木風多有燕飛桃葉渡頭初洗甲楊花曲
裏又沾衣洛陽回首腸堪斷莫向江南望夕暉

二

龍舸難臺總廢墟廣陵潮信近何如兵銷燐火思

黃蓋野葬衣冠痛史魚邗水蓮舟風色冷蜀岡松
徑月明虛南朝諸鎮金牌撤不用聊城射矢書

三

淮海東來列漢營將軍誰復嗣西征晉陽興甲非
無意許下遷都亦有名雲黑旌旗翻夜水天清笳
鼓響秋城尚餘詞客登臨處忍見雷塘土欲平

四

麴塵楊柳暗紅橋六代繁華未盡消春草煙生金
馬埭江花月上玉人簫詩投東閣朝乘傳酒坐西
亭夜聽潮惟有平山堂上客風流名姓在漁樵

夢月巖詩集卷十五

五

家杲村先生招飲許園泛舟至法海寺即
事

名園深鎖少城煙仄徑斜通野市船日午陰移穿
石樹風吹香過隔湖蓮紅妝游女看疑畫白袷山
人望若仙瑤席晚涼更巨竿花宮清梵入歌絃

董江都祠

即故宅

一經不媿大儒名三策居然甲漢京舊第至今思
故主荒祠終古對蕪城長沙有傳相先後東閣何
人足重輕聞道郡齋遺井在寒泉孤月夜偏明

有董
井

史司馬墓

殘碑落日照江濱。司馬荒墳感路人。周鼎既遷無
義士。武庚猶在有頑民。園陵南望山相向。墳在梅花嶺南向
培壘西偏水未湮。舊城廢取中原龍戰後。蕪城風雨葬孤臣。

江船抵金陵用少陵寒食舟中元韻

大江高樹動初寒。脫屣褰裳未著冠。白舫搖從雲
際出。青山卧向月中看。天迴浦口空秋色。峽折磯
頭響夜湍。鐵鎖已開南北限。金陵還似舊長安。

金陵雜感十首

夢月巖詩集卷十五

六

金陵猶是帝王州。六代繁華指故邱。宮市直通芳
樂苑。漏鐘高出景陽樓。錦袍客侍春江宴。玉樹歌
從月夜遊。賺得御溝花下水。年來羞向野牆流。

二

洛陽烽起市朝空。戕表瑯琊勸進同。地坼秦關通
內外。天留晉室互西東。但令江左夷吾在。豈畏荆
州處仲雄。依舊石城江水上。寒潮寂寂動秋風。

三

朱雀門前麗日遲。晉王兵入破陳時。殿中虎旅休
傳箭。閣上蛾眉正賦詩。桃葉春風吹戰艦。桂宮明

月照降旗。可憐留得臙脂井。還使長城爵拜隨。

四

秋草離離白露晞。鍾山原廟但斜暉。有時雀鳥來
金殿。無復熊羆守翠微。較獵蠻兒中夜過。卷衣宮
女化雲歸。誰知鼎去灰飛後。黃屋重瞻拜總帷。

五

鳳陽佳氣望中孤。牛首山雲入有無。青蓋不歸新
洛邑。黃金將賣舊幽都。殿前男子還乘犢。河北王
郎亦撰符。他日傳疑南史氏。龍蛇同盡一何愚。

六

夢月巖詩集卷十五

七

丹樓綺閣自逶迤。內殿還聞選少兒。主第新歌旋
被幸。回中故劍復誰知。河乾烏鵲爭填日。蘭死麝
蕪罷采時。天意豈猶憐薄命。不教官井葬臙脂。

七

孤舟迢遞入長干。複道交窗映畫欄。二水秋濤愁
裏聽。六朝春草夢餘看。重尋舊侶烏衣少。徧採新
聲玉樹殘。惟有忠貞祠宇在。常縣江月照人寒。

八

舊廟丹青遺像空。雞鳴山下恨無窮。麒麟氣在雲
霄上。熊虎占歸日月中。莫向金陵尋故第。好從鐵

券問群雄良弓高鳥同歸盡采石江寒起夜風

九

元武湖邊秋色多先朝版籍重山河百年事與黃
圖去八月人從白下過獵火夜深明野岸漁舟曉
唱入煙波後湖舊有黃冊火禁甚嚴漁舟不得入今其禁弛矣即今王氣歸真主巡
狩猶聞納稼歌上諭吏民崇實務本德意甚厚

十

蘆荻洲前孤月明鳳凰臺下晚波清賦傳哀怨江
關客詩擅風流供奉名春兩山移京口樹秋花舟
隱石頭城先臣舊業居人識故國重來涕泗橫先忠

夢月巖詩集卷十五

八

節任南
大司馬

送吳木欣遊粵東兼訊屈子

延陵之後世多才萬里垂風實壯哉青草湖連湘
女廟素馨花滿越王臺雲開曉艇攤書卷月隱寒
燈對酒杯聞道三閭苗裔在煩君親覓楚騷來

靈谷寺贈雪亭上人

靈谷梅空山徑蕪殘僧新起半浮圖松連石色寒
生榻竹引泉聲響到厨三伏雲峰多變化六朝煙
月總虛無惟留惠遠休長夏還許陶潛醉一壺

登牛首山

牛首雙峰一望通諸天縹緲正難窮樓臺勢與雲
飛動巖岫形隨徑異同松際煙殘僧飯熟石邊泉
響客愁空却因接引凌高頂又見遺宮草露中

登金山寺妙高臺今賜名江天寺

龍鼉窟裏駐扁舟靈鷲峰前望十洲海日倒從孤
嶼出天風高湧大江流東吳形勝三山戍南狩鑾
輿萬歲樓極目鄉關煙水外夕陽蕭瑟甕城秋

虎邱

霸圖灰燼劔銷光轉變千秋歌舞場地爲東南驕
士女天留泉石見興亡樓臺遠映禪房靜花樹長

夢月巖詩集卷十五

九

依酒肆香胥水陽山虛悵望清霜明月滿江鄉

五人墓

寒塘荒塚五人傳日落江南哭杜鵑俠骨欣從沙
草瘞殘年省見市朝遷明君詎罪東京黨巧宦先
歸北寺權憑弔不須私擬傳特書還待魏朝賢

姑蘇懷古四首

水落寒塘秋氣清登高愁見闔閭城餐魚劔進羈
臣策食馬神成壯士名澤國餘艘虛霸業中原荼
火失宗盟曾聞伯仲同三讓誰使江湖有戰爭

二

百花洲上幾人家。尚有漁舟落日斜。蓮沼香風紅粉墜。梧宮秋色白雲遮。伐荆師已酬窮士。臣越威能得館娃。莫笑夫差無意氣。鴻門劉項亦同嗟。

三

季札祠堂靜晚秋。高城疎雨獨相求。虹橋柳色行將暗。鶯脰湖光望轉幽。家世風流追泰伯。東南文學啟言游。十年哀怨思公子。離黍餘音冀見收。

四

陽山高望已堪悲。曉霽還尋伍相祠。去國爭憐同病客。鞭荆忍見處官師。蘇臺麋鹿遊何處。震澤魚

夢月巖詩集卷十五

十

龍浪自吹劒血已乾。餘恨在銀濤。白馬至今疑

西湖感興

兩峰山色近青霄。十里湖光映畫橋。舊種嶺梅存老樹。新栽隄柳漸長條。終年花事游難盡。萬古春愁酒易銷。吳越於今俱是夢。何須煙雨恨南朝。

西湖

蘇隱近始栽柳

又

畫橋丹閣總通仙。春社秋宵盡可憐。桂子月中金粟座。荷香風裏玉人船。樓頭樹色浮江水。殿角鐘聲到海天。一自六龍巡幸後。湖山不記永嘉年。

岳王墳

鄂王忠孝存今古。荒塚淒涼拜薜苔。風雨常吹旗北向。湖山遺恨詔南來。宋宗有志寧忘戰。張相何心亦忌才。惟有臨安諸父老。歲時蘋藻尚銜哀。

靈巖山

靈巖山寺對孤城。客到僧閒鐘磬清。香徑煙寒低草色。琴臺日暮起松聲。扁舟紅粉將歸去。咒甲黃池尚戰爭。極目長空新霽後。吳宮秋色最分明。

江村

山麓江村轉翠微。長林宿雨靜朝暉。暉青蟲抱葉娟娟動。白鳥衝波湛湛飛。少婦絡絲當野岸。老翁罾網避鄰扉。冷煙孤艇緣何事。好檢輕裝作計歸。

夢月巖詩集卷十五

十一

鍾山

鍾山原廟絕清塵。石路松陰泣鬼神。瘞壁已占當季子。承桃何事立冲人。風搖前殿孤燈夜。日靜空山萬古春。南渡依然歸蔓草。龍蟠虎踞自嶙峋。

金川門詠史

金川北望日黃昏。聞道燕師入此門。不見古公傳季歷。祇知太甲是湯孫。風雷豈爲鴟鵂變。江漢難招杜宇魂。南渡降旗何歲月。西山省恨舊乾坤。

慶餘過訪虎邱時將之隴州

婁門修閭子城隈使去登高望幾回風月閒時新
雁到江山佳處故人來遠尋吳市勞舟楫復入秦
川耿溯洄潭水桃花空在眼桃花潭張別業也十年懷抱幾
曾開

鄭懋嘉重修休園招飲即事

真從谷口憩清幽更識閒情寄日休卧石仰看松
影落憑欄俯聽水聲流喜招散客供縣榻恐有遺
文滯選樓舍近無煩重置驛會逢佳日步來遊

送吳街南先生還宣城四首

夢月巖詩集卷十五

士

鑿坏高士抱遺編擁篲諸侯不敢前習氏書存章
武號陶家辭重義熙年孤松雲石千峰路碩果霜
林九月天承訊先臣忠孝事因將殘淚送離筵

二

黃冠白髮話滄桑歷歷河山入渺茫海內英雄悲
廣武傳中耆舊識襄陽秋風紉佩蘭多秀夕露餐
英菊有香爲問宛陵嘉遜客鴻飛遠漸路何長

三

經傳薪火溯淵源先聖云遙著作繁七制書成王
氏筆六篇詩補東家言湖山此日供龍卧宇宙何

人識鳳鸞歸去敬亭觀易象一陽時節是乾元

四

真隱於今有幾人徵君歸興莫逡巡果哉已失清
時望作者難同陌路塵湘水芰荷雖楚服首陽薇
蕨亦周民 聖朝高厚留潛德將使巢由見化淳

周憲使方更先生言粵西風土

蒼梧雲際使臣星海漲天高路杳冥地入桂林多
瘴厲山連藤峽盡丹青褰裳蠻女歌溪岸挾弩猺
民譯訟庭我欲學仙勾漏去鯢鵬消息滯南溟

登樓

夢月巖詩集卷十五

士

竹西歌吹罷揚州塞北浮雲入暮秋歲月於人如
棄屣江山何處可登樓客心霜葉同搖落雁影天
風各去留垂老庭闈違色養將歸宛洛問田疇

古意

漢家關塞動秋風秦氏樓中有夢通蒲類海深天
正黑燕支山冷日微紅征衣初到逢歸騎書帛旋
封望去鴻聞道玉門無代戍何時都護奏邊功

恭擬南巡應制十二首

羽林貔虎奉清塵革輅從容出紫宸侯甸三春徵
夏諺徐揚五載見虞巡旌旗扈蹕風雲動草樹迎

鑿雨露新脫粟何須誇漢詔我皇今日為觀民

二

釋菜東山樂辟廱太平天子重儒宗兩楹奠位
辭千騎萬仞宮牆駐六龍黻為上公承玉璫章縫
多士奏金鑪杏壇此日聞天語御製五言律首不數褒成
漢代封

三

吉日春蒐車馬良前驅行殿列中黃非關七萃誇
神策曾記三年伐鬼方推轂營門觀細柳扈游詞
筆賦長楊彤弓茲矢元珍重應為時清且善藏

夢月巖詩集卷十五

古

四

岱宗滄海氣氤氲封禪空傳七十君虔告虞周祇
望禮咄鑄秦漢玉泥文千旗雲擁天門入萬乘雷
鳴日觀聞喬嶽懷柔今再見百神應慰聖情殷

五

聞道明堂有舊壇先王東狩此游觀虞廷黜陟當
三載周室廉能計六官出日海邦皆執贄采風天
使共迎鑾桑田靈雨隨春令更駕蒼龍命彼官

六

神禹何年疏九河金龍白馬競洪波淮隄力盡千

夫少海口功虧一簣多春水桃花還泛濫秋風飈
子竟如何東南巢窟憂堯舜允翕猶勞問黍禾

七

江南曠溢有荒蕪詔賜王師所過租帝力自能通
赤縣臣工何事繪黃圖地官稔結聞三壤澤國魚
鹽益五湖淮海漕通艘百萬一時稽首聽蒿呼

八

大江東湧出金山駐蹕登臨碧漢間六代版圖看
海國百年父老識天顏澤歸鴻雁春風暖波靜
鯨鯢夜月閒此日天心方眷德何須重險設江關

夢月巖詩集卷十五

十五

九

鍾山松盡寢陵荒盛代隆儀答裸將抱器無人
悲宋祀埋金何意笑荆王南天詔起風雲色北斗
樽開日月光尚有白頭官監在特頒田祿供丞嘗

十

帝眷東南敕守臣農祥保介命重申度僧為看青
山衆織女因歌白紵貧諭吏民崇實務本漢史六條先大吏
吳風三讓在遺民開機更著清時令洗腆應多服
賈人時停諸關商稅

十一

玉帛塗山憶昔年。梅梁躬祀禹陵虔。赤城霞起馨香裏。蒼水神朝桂楫前。師旅自頒天府粟。疲癯還賜水衡錢。賜老疾人一金游歌更紀吳山石。萬古光華日月邊。

十二

鉤陳星轉動雲旂。弟子員增及草茅。詔加江浙生徒員數有差要使天池鯤盡化。會看阿閣鳳來巢。王褒此日應成頌。揚子何心復解嘲。翹首漢庭簪笏地。獨傷留滞在函嶠。

行經滁州

夢月巖詩集卷十五

十六

霜落豐山萬樹空。滁陽城外思無窮。乾坤似盛江湖上。日月偏長道路中。東晉河山還牧馬。南唐關塞自飛鴻。當年王氣風雲盡。惟有孤亭屬醉翁。

己巳春首汪太史悔菴來尹河南父老歡然謂其初政可施因呈此作

春城初雨靜氛埃。太守褰帷問草萊。洛邑元爲股肱郡。吳公真是治平才。東郊麥秀迎風偃。南國棠花浥露開。聞道繡裳歌父老。徵書翻恐漢庭來。公嘗

出使琉球特賜一品繡服

東都懷古應汪郡伯教

曾聞中土卜周王。復見東都啟漢皇。故國重來休極目。昔人何處一霑裳。斜陽秋影空西苑。細雨春愁在北邙。獨有吳公能薦士。爲君意氣欲飛揚。

微雪至宜陽贈同年金兩如

石路山梁馬首東。孤城遠水翠微中。雪融春市朝爲雨。日暈寒崖晚作風。元禮門牆懷刺滅。爲言李卧衡先生存問嗣宗車轍去途窮。因君酤酒招良夜。不覺愁顏醉亦紅。

寄汝州王使君

夢月巖詩集卷十五

十七

洛陽殘雪動高雲。欲寄梅花怨夕曛。山色晴時聊佇望。雁聲寒處不堪聞。東來紫氣留函谷。公先令新安南國清風在汝墳。爲道故人經別後。帶長簪短正思君。

出函谷關感賦

積雪新年氣未溫。飢來驅我出關門。誰知阮籍窮途哭。自報王孫一飯恩。青草春生殘燒地。白沙寒照夕陽村。何時高卧北窗下。斷水遙山招旅魂。

初冬

初冬晚起忘朝盥。薄暮單衣急夜碁。寒日過檐微覺暖。晴雲壓水漸生陰。見招村社因成醉。聞趣官

租且廢吟尚有黃花對青竹呼童採戲相簪

陳留值雨

聞道中郎舊有祠逸才千載起人思孤城在眼行
將近長路開心去復岐柳絮河橋風過處杏花村
店雨來時平生懷古情蕭瑟暫止還成旅興詩

道中逢寒食

西望函關悔別家那堪寒食在天涯晚煙行色惟
看柳細雨春愁正落花書寄故園侔可到夢回先
龍路方賒何時盥濯茅檐下白水青山閱歲華

鹿邑官舍暮春夜雨分韻

夢月巖詩集卷十五

大

春殘梁苑客淒其况復閒堂夜雨時繞徑竹深清
響疾隔簾花重暗香遲燈憐華髮應無寐座對芳
樽適有詩十載倦遊還授簡茂陵多病不勝悲

池駕

新成池館靜無塵復見雙鴛出水濱豈謂畢羅能
遠致祇緣文采故相親西溪羞對懷春女南浦愁
看送別人莫道寒塘生事淺煙波是處有迷津

中嶽廟

闕宮清晝鏤金寮黃帝宸遊入絳霄月落蓮峰鐘
鼓靜雲來松逕鬼神朝樓臺北望三川盡鎖鑰西

連二華遙盛代久虔圭璧禮會興霖雨潤絲條時大旱

旅夜念舍弟天益將至隴州

窮居祇有弟兄歡歎歲還教行路難千里攜家囊
可足終天哭父淚曾乾暮山鴻雁孤飛遠秋水魚
龍獨夜寒信宿勞人如得夢隴雲秦樹更愁看

懷慶餘在隴復憶曩別有寄

十年爲客故園荒遷次逢君別路長處士僅存松
菊徑美人還著芰荷裳關山見月應回首隴水聞
聲自斷腸強欲奮飛從子去不堪毛羽日摧傷

澗瀍

夢月巖詩集卷十五

尤

想像元公卜澗瀍東征萬里靜烽煙殷墟欲秀宮
前麥嵩嶽遙開石上蓮五等公侯朝覲地中原風
雨會和年於今匹馬經行處荒塚累累夕照邊

送關進士崑生令浦城

製錦仙郎玉不如之官行李但琴書春郊緩種潘
安樹秋水先通鄭國渠華嶽晴雲隨去蓋函關曉
月引征車莫愁三輔終饑饉霖雨從今歲有初

孤村

習靜孤村事事閒衡門雖設亦長關茅堂石磴臨
平野高枕疎簾見遠山鄰曲過欄驅犢去兒童發

筇帶魚還翻憐京國同袍侶盡日緇塵瘁旅顏

哭陳大行端

弱冠春衣問杏壇與君游息共悲歡兒童相識今
垂盡宇宙浮生強自寬饌進庭闈堪感客被同兄
弟每忘寒如斯孝友人無祿莫訝鄉鄰淚不乾

江寧虞新穎以諸葛全書見貽遙有此寄

吹臺東望石頭城高士幽居擬論衡吳魏何人如
葛亮春秋此日著虞卿黃花門巷三山色白髮江
湖萬里情鴻雁遙將書數字爲言林屋待班荆

晚

夢月巖詩集卷十五

壬

高天落日下柴荆白石清溪是舊盟秋樹有聲來
枕席晚山無語對檐楹霜前南橘書堪寄雨後西
疇種復成覓紙自題書數字呼兒吟詠亦淒清

登嘯臺

尉氏

阮籍才名冠竹林荒臺徙倚企遐心爭知廣武英
雄歎翻作蘇門鸞鳳音四野茫茫空草樹孤城寂
寂倦登臨風流獨有蓬池詠宇宙何人共嘯吟

第五弟謙寄食隴州聞其歲暮當歸予復

東行遙寄三首

汝隨妻子入函關時有音書寄隴山見說思家難

強飯可知望遠冀開顏故園秋好人應至澤國春
寒客未還他日一樽相對飲看予雙鬢總成斑

又

譙國年來作旅人登高北望故山春短牆似見梨
花出曲徑應添竹籜新筋力欲衰仍寄食詩書將
廢更沾巾鵲鵲原上懷兄弟知爾歸裝依舊貧

又

夢月巖前是影堂歲時灑掃漫焚香二人何處梧
捲在孤子終天涕淚長故宅草生時雨後新阡松
偃暮雲傍即今燈燼寒窗夜猶夢夢傾尊共一行

夢月巖詩集卷十五

壬

睡鸚鵡

和家秋崖

畫欄春晝綠衣閒懶向東風語小鬟院靜不聞金
鐃動簾虛猶見玉人還敢辭香稻成高卧却悔雕
籠夢故山同調忽驚能賦客爲君目倦更開顏

夢月巖詩集卷十五

夢月巖詩集卷十六

新安呂履恒元素著

七言律詩三

第五弟謙鄉舉後至鹿邑省予將抵家園
喜成三首

曾寄音書天一涯忽停鞍馬日初斜東來楚水遙
聞雁北望燕山擬看花白露霑衣寒亦好清秋沽
酒興方賒故園歸去猶千里行路何難直抵家

又

先公曾教汝爲文見說清才早出群懷璞淚還悲

夢月巖詩集卷十六

一

卞氏棄繻年已媿終軍閒庭几杖違春露故壟松
楸跋暮雲子客鹿經歲矣寸祿微名親不見終天餘恨寄殘
曠

又

我祖發祥餘故宅青巖明月隱荒村

先祠在夢月巖下因先祖夢月而生

故平沙泯泯緣松徑疊石高高啟蕞門歲歉東西
分逆旅秋成朝夕共饗殮巡檐亦有梅花樹疎影
寒香到酒樽

遊金泉寺即事

清秋古寺寂無煙乘興登臨意渺然天畔群峰來

几案日邊雙鳥下原田山僧沽酒非耽醉靜女拈
花亦解禪時有妓獨有茂陵多病客珠林徙倚酌金
泉

甲戌九日病起同山中兄弟作

去年梁苑望京華今滯周南歲月賒澤畔行吟成
白首山窗卧病對黃花勸酬他日俱無恙珍重吾
生亦有涯三徑幽香同采佩美人相憶在雲霞

鄢陵逢冬至

年年令節客他鄉處處殘杯勸夕陽葭管從教今
夜動梅花不是故園香三亭積雪迷歸騎雙泊餘

夢月巖詩集卷十六

二

冰阻去航往日窮愁消幾許纔添一線即爲長

聞許崑伯明府言閩中山水

聞道閩中山水奇壯遊十載幾曾知江郎石冷吹
楓葉蘇嶺雲香濕荔枝吳越才人乘傳過琉球使
者貢琛時普天無限分南北會借風帆慰所思

冬杪行經郊縣訪金靜庵明府

汝水流漸臘月天龍山晴帶萬家煙武城入室因
公事單父鳴琴獨少年開帙還驚書滿架投壺那
惜酒如泉倦游頗有文園渴敢借臨邛一醉眠

洛陽春興八首

華林一夜聽啼鶯萬戶春聲滿洛城中嶽忽開雲
欲盡遺宮何處草還生河山遠倦征人目煙雨長
關故國情爲問昇平諸父老曾經酺賜漢東京

二

曉日關城思寂寥元公遺廟在青霄澗瀝春水環

沙嶼郊鄒雲山帶石橋盟府丹書悲舊社戰場金

鏃認前朝孤臣碧血千秋在歌哭蒼天恨未消前

已李自成陷洛郡先太傅
隨福恭王殉難於周公廟

三

少室山南隱翠微洛神祠畔正斜暉蓮花故向青

夢月巖詩集卷十六

三

天湧柳絮能禁白晝飛鸞輅夜清聞玉珮鮫宮春

暖護珠衣陳王詞賦空流水夢覺黃初事已非

四

極目愁登萬仞臺隋宮晉闕總蒿萊羊車月下遊

何處龍舸天涯去不回西苑花殘村雨暗北邙松

盡戍煙開可憐十代園陵在寒食誰澆酒一杯

五

賈傳文章未易逢汨羅投賦欲誰從鳳能翔羽天

難到魚可吞舟海不容舊日祠堂臨曲水新晴墟

落對高峰驚才絕艷俱如夢惟有東風過暮鐘

六

石關東去水悠悠想像春帆郭李舟望若神仙應
避世名歸黨錮重封侯雲開洛汭山光遠天壓成
臯樹色浮一自顧厨羅網盡於今人士少風流

七

陸渾山下二程墳一帶峰巒秀不群地以昔賢開
絕境天留吾道在遺文中原日月林間出萬古煙
雲戶外分東觀南宮俱泯滅經傳薪火獨思君

八

白首山中可著書黃河曲裏有高廬鳴鳩乳燕春

夢月巖詩集卷十六

四

應好金谷銅駝事總虛蘿月夜深明戶牖松雲朝

滿濕衣裾先公故業惟忠孝祖德吟成樂有餘

行經新鄭

舊國東偏驛路開輕風南陌靜塵埃川原浩浩隨

雲草樓堞蒼蒼上兩苔巷廢誰憐京叔美祠荒還

紀國僑才元臣華表停車問欲采芳蘭薦夜臺高文

襄公墓
在城北

重陽前五日佟青士茂宰招集萬泉寺分

賦

使君攜客問巖阿古寺煙霞向晚多密竹流泉人

不見空林鳴磬雁初過一時良會兼山水十載殊
方幾嘯歌他日登高筋力異黃花滿眼奈秋何

靈山寺

宜陽上有周靈王塚因名

邃谷縣厓徑始通諸天猶隱翠微中門前苔長生
雲石階下泉鳴落木風韓國城闌秋草在周王陵
墓夕陽空秋聞百尺澄潭上時有蛟龍護梵宮

去永寧道中寄佟明府

曉出關城酒半醺晚煙村舍未全分晴風拂樹還
飄雨落日縣山欲斷雲游子驚寒攜蕙帶美人端
飾倚蘭薰龍頭山名應踐明年約莫爲山靈擬勒文

夢月巖詩集卷十六

五

詠史

漢家天子重邊勲細柳營門閉夕曛易卜師中惟
長子禮成閫外是將軍金鱗甲冑明關月玉輅鸞
和扈陣雲何事周王勤七萃哀歌黃竹不堪聞

上清宮

洛陽即唐玄元皇帝廟

柱下遺文屬老成神宮千載祀周京空山日出生
虛白遠水雲開見太清松古曾棲緱嶺鶴鐘殘猶
聽上林鶯乾坤消息歸芻狗不見關門紫氣生

又

東周形勝尚依然西去猶龍不復還仙李虛無朝

獻禮猗蘭悠遠降靈年客來函谷秋風裏雁去王
城夕照邊不見尼山車馬跡空令遺史到今傳

伊闕覽古

何年伊闕奠東京忽愴登臨萬古情山斷似存神
禹蹟天清猶見洛陽城水樓風靜孤帆去石室雲
深一磬鳴欲問元公舊祠宇憑欄滿眼暮煙生

信陽懷何大復先生

浩浩松風響澗阿信陽城下漫行歌客傳白雪音
難和士附青雲怨易多桐柏山高還暮靄江淮源
遠自清波美人北渚牽餘思欲采芳蘭奈若何

夢月巖詩集卷十六

六

黃陂道中旅望

蕭瑟江關未凜秋楚天南望思悠悠左徒哀郢知
遺恨太史浮湘感昔游阪路迴風松葉響渚田新
兩稻花稠山程水驛經行處沽酒閒銷萬古愁

漢口

江長漢廣接天涯煙火樓臺十萬家大別寒雲空
外盡芳洲落日望中斜春臯游女蘭爲佩秋水漁
人桂作槎抱甕忘機何代事祇今簫鼓競豪華

秋日南樓感興

夙齡遙思屬南樓懷古登高壯此遊江左衣冠空

寓縣洛陽陵關自神州吹笳日動千山暮擣練風
悲萬戶秋解道元規清興劇月明深坐靜邊愁

登黃鶴樓

黃鶴樓高秋氣清天風吹下武昌城大江日夜流
何處萬古登臨遣此情鸚鵡洲空芳草綠鳳凰山
近夕陽明笛聲縹緲聞霄漢曾向仙人道姓名

登高觀山感賦

山在武昌郡中

南湖風起白蘋煙一帶青山秀可憐雲裏聲回衡
嶽雁天邊影泛洞庭船百年強半慚嘉遯五畝將
歸問阪田不見黃童江夏士高秋獨立意茫然

夢月巖詩集卷十六

七

門人王庚士秋試被落作此慰之

聞道夷門行路難蕭條囊篋敝衣冠梁鴻原不因
人熱范叔何當至此寒魚釜煙空壘味少螢窗秋
老葉聲乾殷勤爲解枋榆笑六月南溟息羽翰

雪

密雲微霰集江干遠戍孤城取次看初響篠簞疑
作雨漸盈花砌欲生寒煖分厨火開樽易凍合鄉
山行路難何日洛陽歸倦旅柴門深處卧袁安

遊西山靈泉寺

即孫權避暑宮故地

郭外山光上客衣爲尋幽勝到巖扉鐘聲欲逐流

雲動松影遙分曉日微晉寺依然龍象在吳宮何
處雁鴻飛暮年詞賦虛緣業蕭瑟江關猶未歸

九曲亭

蘇子瞻建亭由作記

九曲亭荒一徑偏殘碑文字尚依然風吹西塞松
間雨日落南湖草際煙郡望齊安還此地黨分元
祐自當年即今宋社銷沈後水遠山高憶昔賢

武昌夜雨再哭楊臣石

楊泰人

罷采芳蘭惜暮春楚天風雨暗三秦正憐山溜清
魂夢忽聽江濤哭鬼神今日九原如可作爾時一
坐覺無人殘輝敲枕拋拋詩卷落盡瓊瑰夜向晨

夢月巖詩集卷十六

八

重遊靈泉寺贈平野上人

靈泉佳勝虎溪同載酒重來問遠公萬戶新煙迷
渚北諸天返照見江東松間風定聲聞寂花外雲
開色相空醉向石巖分手去幾回搔首望龍宮

梔子花

武昌署中作

三春愁眼倦風塵簷蔔花開入望新遠影欲空清
夏色幽居如對素心人暫依香座欣同氣不近珠
簾畏損神結實成陰應自苦嫣紅深紫莫相嗔

武昌五日

五日新晴氣未暄巡檐遙見鵲翻翻城中擊鼓迎

湘女江上維舟弔屈原鄂渚蘭風吹滿巷樊山松
露落當軒疎簾高枕觀周易盛夏微陰客思煩

每憶

每憶沙村孤草亭前瞻石鵑萬松青閒臨逸少來
禽帖細註浮邱相鶴經簾幕夜寒山氣重衣衫晨
露野花馨誰堪晚節終年別目斷秋空夢翠屏

蟪蛄

青山窈窕出蟪蛄古廟頽垣鳥自飛蜀道無人悲
望帝楚雲何處弔湘妃諸兄割據風威似列婢弓
刀粉畫微蕭瑟江關聊極目永安宮畔正斜暉

夢月巖詩集卷十六

九

月夜發汝州

時至自楚

征馬嘶風度石橋亭臯霜動葉蕭蕭月中鴻雁聲
高下天際芙蓉影動搖北望少室鄉路漸於周甸近旅
魂還自楚江招登臨目倦川塗異不為悲秋亦寂
寥

岳少保先塋

湯陰

梓里猶傳儒將名千秋忠孝見佳城忍教故壘睽
南渡思安先靈奮北征古隧修除金小吏殘碑紀
載宋諸生祇今風木悲寒夜輦洛園陵月共明

悼女

第五女孺子哭之慟閱月不能擲管窺穴北上至邯鄲
始成三首

免懷曾賦太冲篇癡笑嗔啼盡可憐學母畫眉明
鏡側呼爺問字綠窗前憐余搔髮三千丈為汝忘
憂十二年浩浩陰陽朝露逼瀕危猶自顚蒼天將女死呼天

又

隨肩阿姊好無尤坦腹佳兒實相攸寒食羹憐厨
婢淚斷腸碑感路人愁雁鳴銀浦空垂幕鳳墜瓊
田罷築樓永訣未能辭病母九原難瞑去時眸呼母絕而

又

夢月巖詩集卷十六

十

問寢堂前緹櫺辛病中衣屢總無塵將雛未出芳
春候浴繭難留盛夏辰病時猶伏難飼白晝風花庭院閉
青郊煙火墓田新天涯回首腸堪斷十載恩勤倍
愴神

秋日遊大覺寺因東友人

古寺秋深滿院苔山僧啓戶磬悠哉葉輕將墜風
旋起菊冷方含露浥開一水相鄰堪洗幘諸天絕
際更登臺東林舊侶如尋問為道陶公載酒來

晤王五夢九於鄆縣因贈

茂草頽垣潞水湄憐君避地此棲遲詎同張儉投

門跡亦詠秦嘉寄婦詩岐路雲山高望處故園松
菊早霜時洛陽驛使書能寄須報過歸已有期時約

與同旋里

留別毛明府兄弟及署中賓友

倦旅停驂冀北陬西園飛蓋見風流一時賓從皆
殊列他日林亭幾勝遊滄海曙時雞唱咽盤山雲
際雁聲愁黯黯離思生南浦一夜新霜報白頭

燕京秋夜

林杪秋聲悲客心高軒遙夕暫窺臨金臺月照千
門析碣石風吹萬戶砧晚籍低徊羞短鬢誰家杯

夢月巖詩集卷十六

士

酒許長吟平明僕馬縑塵裏還受西山爽氣侵

重陽後四日答中書舍人李方來東寄

寒風蕭瑟知無賴暇日招尋幸有君竹葉銷愁拚
舊債菊花驚眼對奇文仙郎許擁青綾被倦客煩
書白練裙詰旦莫嫌相詣早吟成歸路正斜曛

雲棲嶺感賦

天畔群山勢不平登高欲賦客心驚松巖雨細猿
寒嘯花谷雲深鳥暗鳴水碓曠餘惟草宅火田兵
後少人耕幾時村落還成聚兼遂林泉吏隱情

寧鄉關

舊有軍戍道可行車今廢

輕雲欲盡見遙山寒峽中開出廢關三載兵荒孤
戍在千村煙火幾家還新田野麥沙邊綠古轍寒
花石上斑父老猶傳輪輓日時清軍吏破愁顏

宿廣濟寺有感

信宿東林夕坐遲年侵身遠夢常悲幽花浥露濃
濃濕古柏膺風發發吹晚籍何心微祿至故山猶
憶耦耕時曉鐘欲動催人吏雲起前山路尚疑

北郭感興同舍弟天益

十里松陰接翠微晴雲冉冉上絺衣班荆坐聽樵
柯響度陌行看饁餉歸紫塞風高軍戍冷黃河秋

夢月巖詩集卷十六

士

漲客船稀脊令原上時相望取次吟詩意不違

秋日道中新晴懷雲曠

塞上秋高葉正紅征夫宛轡意忡忡原田深愛連
宵雨巖谷虛舍向晚風微祿可能招客至故人何
處泣途窮山村啼絕荒雞候慷慨揮鞭五夜中

病起序慶餘詩成復有此寄

把君詩卷靜時開病起懷人觸緒來書寄河水魚
弗鬱夢登山石馬虺隤客中遇物應乘興老去忘
機不減才洛紙寧因皇甫貴同傳好事莫相猜

暮春酌酒與客

飛花欲盡風兼吹滿酌勸君君莫辭天下英雄復
有幾人生富貴須何時朱顏鏡朗自相盼白雪曲
高誰賞奇不向東園日取醉芳菲空負經年期

太原覽古

郭外秋山帶遠村登高極目正銷魂天邊鳥道縣
勾注塞上龍沙接薊門古渡煙波風浩蕩遺宮霜
草日黃昏當年死戰悲寧武餘恨茫茫未可論

三泉與六弟言別

芳林聯轡過清溪祖道山村惜解攜藥裹遠隨調
宿病詩囊親授覓新題棠華春晚香猶發雁羽雲

夢月巖詩集卷十六

十三

高影不齊別後三冬文史足鳴鑣須爾入金閨

晨起

訟堂晨起接移文頓坐停披已夕曛吏散松陰衣
影動人耕山靄語聲聞文翁書塾春前設荀令香
鑪夜半薰伏臘几筵無長物祇將清白對先君

飲王秀才西崖泉舍

西崖精舍自天成暇日來遊盛友生雨過高林初
繫馬風回虛谷更聞鶯檐前垂果供盤脆屋裏流
泉入甕清但願時和兼吏隱春城比戶聽書聲

汾陽感興

獨上高城望所思煙光林杪遞參差綿山落日龍
歸後汾水秋風雁去時歲月悠悠身欲老川原歷
歷路方岐西河遺教多文學問業何人共說詩

龍山寺訪柏山和尚

龍山佳勝自何年獨往盤迴意渺然石室深從開
丈地香臺高可近諸天夕陽明滅隨巖岫春雪銷
凝異澗泉疑是匡廬逢慧遠漫勞相送虎溪前

賦得庭東老松東胡季子

夢別幽人在石關曉看松影失塵顏常於白晝通
寒氣不附青雲陰遠山龍爲好真忘化去鶴因巢

夢月巖詩集卷十六

古

久故飛還流膏欲寄餐霞客目盡空蒼響未聞

送顧懋園之太原

顧爲王刺史瑞圖華客王卒後相
依蕭寺數月王歸葬乃去子因高

其誼
贈之

蓮花幕裏數相尋祇樹林中和短吟客舍幾人同
涕淚天涯何處又登臨翻因別日難成賦倘遇回
風可嗣音聞道并州霜雪苦一杯將進更霑衿

讀阮亭先生集

獨立空山萬象孤凡今誰並古爲徒清風雅奏周
卿士白雪騷才楚大夫坐對松巖天籟合攜來花
陽國香殊十年紉佩思伊美固植姱容可似無

樓夜懷慶餘

搗練聲寒夜欲分倚樓馳思賦亭雲月生遠樹明
初見水落空山響更聞老去龍媒猶識路高飛鴻
羽未離群河橋只在天南畔夢采秋芳一問君時慶

餘客
孟津

又

書疏相聞到旋開詩篇數寄葉仍回三吳以外誰
高下萬古中間獨往來真有夜光縣後乘敢將山
木構崇臺并州九月霜如雪為奏陽春變冷灰

漫興三首

夢月巖詩集卷十六

五

凡今作者盛吾儕倡和悠悠果孰佳漢後語言俱
太盡唐初聲律未全諧雲英欲化勞光采風實難
餐墮雨羅粵嶠秦川千萬里美人渺渺滯余懷嶺南
屈子秦中李天生
皆愛而不見者

又

今時復見古人才勝致天成詎我裁太白星精生
錦里蜀中傳濟
華作揖華陽館客在金臺大興李
濟存錦清迴大海波
瀾濶翠鑿深山戶牖開自到遼東逢二仲騷情雅
調不須猜

又

我愛東山狂李白仙才復見幾人同黃河自許來
天上白雪誰能和郢中早識漢宮生禍水飛燕倚新
粧之句
還悲楚塞失雄風君王棄北
海等句於今惟有清河氏餘韻
流風尚不窮張書登
大有也

秋夕讀愚亭集

欲采芙蓉水一方美人高唱在滄浪曾聆南國紅
鸚鵡似吐西京白鳳凰風歇幽林猶振響秋空遠
岫欲飛霜自憐膏沐終無賴却扇迴看泣數行

賦得季鷹思歸東友人

季鷹才藻本無倫潦倒東曹狎薦紳白露高秋生

夢月巖詩集卷十六

六

遠思黃花佳句絕時人鱸魚作鱠非關味蓴菜為
羹不厭貧相詣何須頻折柬興來同醉甕頭春
秋霽懷張天門吳廷揚諸同人

天際雨餘秋欲空白雲一西復一東雁去猶聞野
水外葉飛多在深山中黯黯離憂不可寫茫茫世
事無終窮并州一別動三載須我同人何日同

東王廉夫先生二首

千古文章屬宋中平臺以後復誰雄侯嬴老去夷
門遠侯朝
宗田鳳歸來京兆空田箕
山童子敢將香草
拾美人相望碧雲通洛陽紙價今何似覆瓿居然

潤乃公兩呈抄集

又

大文天地偶舒時草木何心臭味知九日爭傳楓
葉句八閩僉誦竹枝詞先生詩于僅見九日及閩中竹枝詞將同翠鳥依
庭畔果掣鯨魚出海涯他日過逢驚太瘦風吟雪
臥爲相思

留別愚亭二首

林杪高城帶夕暉暫時樽酒莫相違柳遲春色看
前路雁急寒聲送遠歸青瑣敢隨諸貴後素心應
念故人稀疎燈獨夜看山雪手把瓊華淚滿衣

夢月巖詩集卷十六

七

又

詰朝南陌客紛紛班馬嘶聲不可聞已檢輕函藏
舊札更教小史錄奇文駿求遠市原無價龍失高
雲尚不群恐值明廷問幽側莫將騷賦等閒焚

留別謝刺史

惆悵離筵僕暫存石州煙色帶朝暉黃河水雪連
勾注紫塞雲山接孟門莊賦漫吟還對月度刀欲
贈更銷魂輕塵敢謂登仙籍前路悠悠未可論

奉別濟南夫子

微才不敢望崇階吏隱山城適所懷無意花間成

麗句有時松下對清齋鷄衣忍示蒲鞭辱雉穀何
期麥隴偕此日鳴鑣向京闕二天高處淨雲靈

汾郡東張爾載

石盤山色翠煙虛昨夜梅花古驛舒四海同心誰
似汝十年衰鬢獨愁子雲停江左思鱸膾爾載隨任江南子未過訪
雪盡并南有雁書爲報琴堂多置酒緇塵先洗素
衣裾

張爾載招遊卦山分韻山形似卦文故名

勝日名山復此遊茫茫圖象衍林邱花藏巖谷紅
猶斂松倚風濤翠欲流城裏絃歌春晝起坐中蒼

夢月巖詩集卷十六

大

局夕陽收歸來光響元無迹一畫何曾爲爾留

春雪和顧愚亭元韻

窮陰何意復爲霖高卧閒門識素心柳絮無端吹
凍砌梨花如夢到寒林初融粉堞春猶淺久積蒼
山氣自深莫道瓊瑤容易報梁園詞賦重黃金

秋日寧鄉關有感

宿靄幽林曉自昏晚花殘照更銷魂秋山雁度黃
雲嶺古戍人歸白石村宦况清華惟水木農功寒
雨爲饗殮停車陌上詢田父舊里千家幾復存

濬縣道中懷張二爾載

長隄煙雨暗征塵天畔孤亭望遠人別恨無端難
作賦登臨何處不傷神暮雲黯黯黎陽樹春水盈
盈白馬津更憶河梁詩句好比來情思覺逾新

行經湯陰贈同年吳少璞

東風南陌柳初柔清絕川原見相州山近邯鄲仍
曲抱水分漳滏復同流美人爲政如高卧客子臨
歧已倦遊尚有懷中刺將滅停驂珍重爲君投

懷張大翰仙

一爲邊吏去京華萬里難追博望槎迴雁遠峰書
不至懷人秋水思無涯將尋勾漏山中藥未見河

夢月巖詩集卷十六

尤

陽縣裏花早晚共酬身事了相從巖谷卧煙霞

再至鄒縣贈陳判官孟門

縣治今廢并通州

憶別畿南解佩刀重來荒甸意蕭騷雲沙古道村
墟迴瓦礫空城禾黍高薄宦於今同黯澹故人相
念幾煩勞清樽良夜還成醉放眼秋空興自豪

天津寓目

海國陰霞靜不生千帆歷歷見新晴穆陵天盡關
河渺碣石秋高島嶼明分使總持鹽策計專城還
駐水軍營濟川舟楫才難並剩有登臨逆旅情

天壽山

天壽山前御道長先朝陵寢未全荒青松落落吹
陰壑白日昭昭下古牆一帶川原風浩蕩百年龍
虎氣潛藏即今典祀仍修舉地下銜悲泣數行國朝修

後前朝諸陵
真古今曠典

劉去華祠

身後何期諫議封荒祠凜凜見儒宗清流將盡緣
中貴甘露先知變九重窮巷塵沙霾落日斷垣霜
草失孤松高文千古傳贊序長使章縫有媿容舊祠

在學
宮側

龍泉山登望

夢月巖詩集卷十六

干

林風颯颯肅荒祠獨立高峰有所思鴻雁爲寒飛
近日白雲隔水渡移時關山迢遞聞清角陵寢微
茫入亂陂作賦不成拚縱飲秋殘老至莫深悲

龍泉在山之麓因竟其源

空山日靜鳥無聲石隙淙淙獨暗鳴川谷潛流分
衆脉泉源高出自孤清挹來茗碗消塵夢濕盡苔
碑見古情未必爲霖須用汝祇應早晚濯吾纓

已已秋至湖上遡歸未渡錢塘時有山陰
之思情見乎辭

剡中山水若何奇湖月峰雲儘繫思村徑香生開

桂後石房煙出焙茶時高秋錦樹虛巖瀨邃古金
函秘禹祠此日倦遊還在夢可能重問渡江期

白燕

海畔春回雪已晞重來朱戶素心違隨風喜入梨
花隱向日羞同柳絮飛玉鏡晨開初不見玳梁月
落自生輝江南舊巷無相識皓首關門猶未歸

夢月巖詩集卷十六

夢月巖詩集卷十六

主

夢月巖詩集卷十七

新安呂履恒元素著

七言律詩四

野望

西山日落黃花茂滄海雲連丹鳳城目極鄉關如
夢到秋空天地忽愁生居然晚節還羈旅敢以狂
歌托 聖明薄望不知郊甸迴心隨行雁更南征

懷武昌
家兄

夜

靜夜悲風旅夢驚疎林寒月過高城掩書竹牖餘

夢月巖詩集卷十七

一

清響罷酒花亭更遠明豈有宦情存晚計敢將歸
興問秋成詰朝臨鏡看雙鬢定逐霜華白幾莖

送張刺史采臣入蜀

金門曉闕覲 龍顏萬里褰帷五馬還幢布有輸
王會遠芋田無訟部民閒春生隴首雲間樹天近
峨眉雪裏山早晚徵書來蜀徼故人相待共清班

戊寅同刺史引
見乾清宮門

又

曾於燕市挹清芬更羨高風天下聞奉召南州悲
愛日陳情北闕慰瞻雲

初公以掌情知
秦州力辭不就

白華自古誰能

補青竹從今獨有君始信文翁能化俗直從忠孝見殊勲

甲申元日早朝同俞扶九和李大司農

陽和道泰逢初霽劔佩朝正及曉春北極雲開雙鳳翼東隅日上六龍鱗旌旗乍拂青煙起梅柳還看紫陌新惟有元臣歌帝載吉人屬和意何頻倩扶九摩黃庭一帙東謝

煩君墨妙寫黃庭爲我蕭齋潤一經但得養生同桂父何須取醉覓蘭亭寒餘窗雪忘頭白春待林光入眼青從此摩挲應不倦更將思夢乞餘靈昔人

夢方軍校書
書遂日進

夢月巖詩集卷十七

二

寄懷錢祿公

華年書劔已從軍儒將翩翩實好文五石強弓時自挽千秋秘笈更多聞欣逢汾曲觀龍陣悔別繇山失雁群此日臺霜侵短髮引衣約帶爲思君

新晴過訪彭方洲宮坊

窮陰遙夜夢無情欲過城南問友生曉霽不期雲葉淨秋芳偏爲露華明到門冠蓋皆時彥入塾兒童若老成早晚不嫌相詣數塵中身事敢多營

哭胡徵君季子二首

緇塵華髮寄疎慵聞道高廬失卧龍佩帶長思紉野蕙征車猶夢駐園松百年流水終歸盡萬古名山自有蹤含笑呼兒傳治命麟經絕筆意從容徵君

卒之前三日猶
作春秋論十首

又

老去黃冠服亦緇塵途清士漫相知未能哭寢遵周禮敢續招魂賦楚辭落日燕山歸馬疾秋風汾水度鴻遲他年宿草將雙淚有道祠前灑斷碑

過訪陳健夫和元韻

負郭茅堂獨掩扉忽驚高士倒裳衣漫歌彼鳥求

夢月巖詩集卷十七

三

幽谷或卜非熊在釣磯勝地自然清興發塵心終與白雲違林花開落渾無意不爲星輶駐夕暉

上元日喜陳健夫過我因留飲得人字

勝日逢君思亦新閒庭酌酒四無鄰巷回車馬裁能靜室假谿山未覺貧子所居有石池古柳香動蘭心猶卧雪青歸柳眼欲傷春盤餐麤糲難成醉好月相看不厭人

賦得老去詩篇渾漫興寄鹿有上

餘年習靜已知非尚有卮言未息機不敢逢人誇小技或能觀物對清暉春愁率爾吟紅藥秋興悠

然寄翠微更欲刺船從此去海天深處問音徽

西峰草堂看千葉杏不果分韻寄健夫

聞道西園百卉殊杏花千葉更如酥簷星光映詩
初就村雨魂銷酒數沽老去可禁紅蕊笑興來尤
羨綠陰數殷勤還與東皇約歲歲留春守故株

初夏怡園宴集限春字

東山舊墅淨無塵暇日登臨景更新群木陰能清
首夏孤花香欲表餘春序賓初舉升堂解談藝徐
聞隔水鄰十載江關蕭瑟後欣從哲匠翫芳晨

兩坐東錢農部亮采

夢月巖詩集卷十七

四

北窻無夢枕初敲暮雨閒堂獨爾思檐影漸隨棲
鳥落池漚還與戲魚期蘭披空谷香應晚苔起同
岑碧欲滋早識爲霖君有志敢將深意托新詩

再詣錢農部見柎榴開漫興呈此

碧桃開日醉芳春復見丹榮入眼新時序去人如
過隙物華迎客故停輪平生游息因嘉友晚節文
章媿大醇好我不嫌相詣數更將花露浣衣塵

輓家秋崖母夫人

倚門何處望徽音荼苦長留舊織紵陶侃有賓嘗
截髮茅容無饌亦傷心青鸞信去歸瑤水黃鵠歌

傳被玉琴卅載空幃如一瞬女宗終古在儒林

雨中集陳南麓宅即事

三伏炎蒸氣漸開滿庭風雨恰朋來幽探入谷千
盤磴爽際臨池百尺臺野菊倒枝穿石出古藤曲
蔓繞檐迴可知物色關人意休沐重遊復幾回

秋日早朝歸院呈三憲及諸端公

九天清樂碧空聞一帶秋光紫陌分曉月尚明金
掌露涼風初拂玉階雲鸞和柳外鏘鏘集劒佩花
間濟濟群惟有西臺霜更早後凋孤幹自榮芬

讀仇太史滄柱杜詩註即贈

夢月巖詩集卷十七

五

少陵野老志千秋稷禹勲名若可酬戎馬忽生因
戚婉鑒輿遠狩作邊愁於今雅頌歸青史在昔間
關竟白頭不到浣花堂奧處誰能抽緒繼風流

吳鏡菴將之金陵道由真定劉雨峰太守

館焉送之

北平客子愛依劉千里尊鱸憶故邱縣榻暫留清
署夕買山終隱白門秋仲宣不厭登樓興平子嘗
懷去國愁蕭瑟江關詞賦好班荆何日更同遊

贈溫恕思二首

若有人兮似无妄古之明哲吾不知一龍一蛇隨

變化爲虎爲鼠何崇卑惟虛生白室能靜其遠如
蒼天且疑出門坦坦信攸往還笑楊朱悲路岐

又

時對秋花坐黯然而看午日麗中天容光一隙幽
能照薄晚孤芳靚可憐延水尚思龍劍合洛川寧
信鴆媒緣山中舊識如相問衣振緇塵素益鮮

送孫莪山太史還德州

碧山學士久逃名早歲山東屬妙英鳳羽自騫初
日彩鶴鳴應徹九臯聲却嫌文藻爲心累似覺林
泉入夢清古漕秋帆浮一葉穆陵關外羨南征

夢月巖詩集卷十七

六

又

潦倒誰知僖父名天台有賦自金聲空文能使余
心許粗服何堪爾目成齊魯遙青瞻岱色淮徐長
白見河明勝遊高詠傳歸雁應念臨岐別恨生

憶溪北石崖

谿北石崖尤峻絕弱年往往登其巔二三友自愛
秋色七八月間聞夜泉水以時紅霜未實峰如空
碧天相連更將壺酒囊琴至牧笛還邀來和絃

初冬古處齋同廖維賡成乾夫分韻

鶴鳴聞和九臯聲嘉會蕭齋意氣生韋氏一經當

日授左家三賦盛年成輕寒南國梅初發細雨東
籬菊尚榮華髮不嫌依玉樹清標欣對擢金莖

小雪寄王苾遠端公

永定門前煙萬重先農壇畔見高松南天白雁初
無影北塞盧龍尚有峰何用山陰訪安道祇應仙
覽覓王恭輕寒未減秋英色取醉何嫌葛屨蹤

立春日望弟姪不至

緇塵攘攘忘立春白日昭昭思行人聊將生菜漬
青甲不見寒梅開素鱗關山幾何倦老眼行李知
爾如輕身石苔庭柳俱發動況有斗酒兼良辰

夢月巖詩集卷十七

七

和方一峰枉過不值

欲拂緇塵三市中振衣晞髮與誰同熊經未得神
仙術馬步焉能道路工却訪素心梅雨候縣知清
夢竹窻風徵君出飲經旬日空向閒門問小童

送舍弟天益還山中時從子耀曾得第

計偕歸去莫淒然幸有遺經緒可傳此日文章非
矩矱向來邱壑是因緣早看庭樹分前蔭晚謝宮
花避後賢跋扈飛揚兒輩事輸君釣月復耕煙

示子憲曾六首

有序

詩以六水數也於五行爲首以重象則全

德勝火而克柔性利物而善下君子於茲
有取爾矣予以久宦時念冢男恐滋內顧
之私有違後食之義因推本祖父以來旁
及昆弟之誼歌陸機之世德竹帛攸同詠
潘岳之家風忠勤尤著雖困旅之時言乖
倫脊而窮愁已習意返和平坎尚心亨蒙
宜正養托生成於天地潤下何私溯流澤
之淵源念先有志云爾

前日檄書付使還幾回搔首望鄉關一官累汝貧
滋甚萬事毆人老未閒勲業鏡中看白髮田園草

夢月巖詩集卷十七

八

際問青山永懷明發多遺憾斑綵何心慰旅顏

二

先公勞績在留都祖武孫謀歲月徂六命尚聞無
粟馬孤忠爭肯附城狐孔經絕筆芝庭廢鄭履聲
遙竹簡枯清白可能真不忝竟無顏面對妻孥

先忠

節為南大司馬致政後家居至儉初魏瑞方歲十年不
出註孝經成芝生於庭十有八莖今洛陽故宅廢矣

三

嚴君作宰漢江湄遺愛猶存父老思勺水旌心同
皦日乘驄抗疏重清時於今柏幹留空砌猶憶蘭
徵紀舊祠三世一經傳故業贏金誰為汝曹詒

故宅

有柏一株○先忠節夢月而生為曾祖母孟太夫人建夢月祠於橫山
故先君有聯云七寶魄生蘭夢瑞三遷教衍玉書文玉書蓋謂孝經也

四

離石山中試宰年荒城古戍渺人煙衣鶉忍竭丁
壬力養鶴難儲子母錢垂死拚同霜草盡餘生徐
種縣花鮮三年謬踐臺霜迹素飽悠悠愧象賢

今寧鄉是邑久罹霜災
流亡大半予憂病瀕危

五

昆弟巖棲共一峰食麤衣惡未從容承家有從非
中落

五弟子耀
曾得第

繼襴當門是五弟子耀小宗周美常華情惓惓

夢月巖詩集卷十七

九

素封

六

汝生嬉試醉盤初慈母相捐慘痛余藥裏長成方
就傳客途攜去又拋書樊籬水竹需僮僦町疇秋
蔬好自鋤婚嫁即今惟苟犬勤生以外莫躊躇

送中書舍人成周卜還大名

曉霽林垌露未晞驪駒歌發思依依此時樽酒憐
秋色前路登臨換旅衣大伾天高人佇望清漳月
冷雁斜飛妹邦文獻傳遺老為取名山秘篋歸

求長

垣郵雪
歲文集

朝正

五更清漏入新年
春色虛涵紫禁煙
海日欲升金殿左
宮雲初霽玉階前
橋邊水應簫韶奏
仗外峰隨劔履旋
貂錦班回人影靜
迴看佳氣滿鈞天

送王吏部方山還南充

金臺分手悵何如一
入函關舊侶疎
蘭署由來同臭味
荷衣爭許伴樵漁
導江蹟溯岷嶓遠
燒棧行經楚漢餘
天末知君仍北望
歸鴻莫惜數行書

孫大帝廟和天益

仲謀才志擬難兄
江左開基事竟成
仇國稱臣緣

夢月巖詩集卷十七

十

底急同盟歸妹却
相傾南邦文武材
何在東鄂江山蹟
已更惟有遺宮傳
避暑古苔荒草對
孤城

憶大中舊遊山居
因贈哲嗣耕方

大中與先君同年以

親故子
兄事之

嗟君十載棄人寰
曠代風流不可攀
修禊我從羲獻後
忘年渠在紀群間
高秋對月遙聞水
薄晚看雲近在山
幾向庭前瞻玉樹
阿戎猶是若翁顏

遙題槐亭寄郭青州

步元韻

半畝青陰晝掩門
羨君長夏卧山村
蓮峰日上孤亭得
松徑雲過萬象存
不分竭來空入夢
會須歸

去共攜樽應知嘉樹勤
封殖餘蔭徐徐及後昆

又

久違城市絕氛埃
閒搆茅亭爲古槐
暗水不知清響處
遙山忽見暮光來
繁華眼倦看朝槿
嘉友肩隨詠異苔
他日清陰更深坐
敢將衰謝附驚才

贈王崑繩三首

王康熙癸酉舉人其先世世襲錦水

問君何事獨悲歌
文武衣冠歎逝波
上谷山川遺恨在
中朝家世戰功多
十年抱玉渾難剖
一劔橫秋冷自磨
燕市過逢相視笑
黃花香晚髻先皤

二

夢月巖詩集卷十七

十一

陋巷窮經榻欲穿
敢將白眼問青天
百家同異歸冰釋
六藝荆榛續火傳
長嘯如鸞寧避世
短衣匹馬莫經年
蓬心易請名山業
擬藉蘭言作佩弦

之保
定

三

文擅三長具史裁
網羅遺失思深哉
名山夙志青雲附
流水餘音綠綺開
耆舊尚尋屠狗客
公卿莫好似龍才
若逢東道劉公幹
忍使丹心作冷灰

客劉
兩峰

送陸明府麟度之官新安

歙邑也

平原嘉藻如滄海函谷風流憶召南地近甘棠詩
可續人傳仙草種難諳甘棠古蹟在宜陽青要山有黃花亦實服之延壽見山海經自聞
佳政同周道亦有清言似晉談從此東垣徵俗美
絃歌聲裏盡朋簪

寄陳蘭涯刺史

聞道雲中近 帝州美人爲政自優優天清紫塞
三城戍地折黃河九曲流每爲部民春稅駕更延
參佐夜登樓雁門山下將書遠珍重題詩及素秋
和中書舍人高荊襄九日元韻

重陽忽至還孤坐沽酒無人對一卮菊采東籬香

夢月巖詩集卷十七

三

黯澹雁回南岳羽參差山中綉佩知何日天畔登
樓望所思幸有高言相慰藉九苞聲應碧梧枝

喜王五弟至署兼誦近作

三載離居天一涯忽聞窮巷駐高車新詩亟請談
心曲久別還勞視髻華夜半歌聲因白石秋來歸
思爲黃花就荒五畝鄰東墅忍負溪山歲月賒東墅書莊也

九日凝園讌集

登高欲倦九秋天嘉會名園意豁然萬事總輸今
日醉百年虛美古人傳丹楓影過山窻雨白雁聲

來水國煙更佩萸囊尋勝事林巖佳處學神仙

詠南麓宅新松

掖垣之竹已十尋更植青松爲有心寂寂東隅將
向日亭亭中立未成林移陰忽見侵香座奏響微
聞和玉琴莫羨東山舊巖石化龍需爾徧爲霖

別舊寓與李彥繩田克五

陋巷怡然木石居那堪遷次仲冬餘秋芳憶對孤
亭酒曉露曾傾滿壁書況與龍門歌主客還邀京
兆過階除桃蹊依舊身萍泛夢到青林可自如

復至興盛寺寓

夢月巖詩集卷十七

三

誰言蕭寺多岑寂暮鼓晨鐘覺寢興亦有林花紅
雨潤即看春草碧煙凝終朝不復聞車馬幽徑依
然過友朋更喜重來多勝事空囊竊笑比鄰僧

戊子春日感興二首

海畔春回雲物新天涯寥落宦游人山中未白三
生業髻上空縑九陌塵古寺繁花供買笑廣庭嘉
樹對垂紳腐儒遲暮裁通籍敢負青陽雨露辰

又

暮容山北正芳春一路鶯花惱殺人溪柳綠眠嬌
不起山桃紅濕靚無塵遊庠衿佩群觀藝上塚兒

童共藉茵剪韭烹羔鄉味美薊門遙思夢中新客

山在河南新安

塗次喜晴和宋樞部嘉升元韻

雨霽長林夏物清客懷遙共晚雲生青山開處峰
初近白鳥飛時羽更輕周道逶遲聊縱目簡書寅
畏敢徐行秋光想像滇池上天末還瞻魏闕明

南陽古蹟四首

春陵佳氣尚崔嵬井落蕭條半草萊煙火幾經宛
邑改風雲還擁漢京來紫山天際征鴻度白水村
邊牧馬回惟有卧龍靈爽在肅清遺像出塵埃

夢月巖詩集卷十七

古

二

茫茫沙草帶平岡未到城西此恨長風雨何年龍
蛻骨山川空對客霑裳顧廬英盼同三聘拜表孤
忠過一匡吳魏何人堪鼎峙遺民流涕薦馨香

城西七里以風行且雨未獲往謁

三

夙昔曾聞百里奚感君垂老尚羈棲舊傳里巷居
人識偶值功名造物齊璧馬自傾危國主虞虜爭
負下堂妻誰知相國興牛口不向風塵覓品題

四

少伯高風孰與儔荒祠古木幾經秋水雲已去吳
宮沼山翠猶含越女愁六術存時無舊侶五湖歸
去有扁舟功成身退何年事三戶依然客倦遊

渡漢江

漢江朝雨浥澄波鼓枻南來一放歌遠近人煙依
岸出高低城影逐帆過渭門春水添流滿峴首秋
雲入鏡多爲到襄陽問耆舊當年風物更如何

登峴山

曉看蒼翠在郊關漸入煙霄試一攀野草茫茫誰
辨徑荒亭寂寂自登山江流天外知何極事去人

夢月巖詩集卷十七

十五

間竟不還俯仰古今空墮淚晚鐘聲動白雲閒

次荊門州

晨光行色五氤氲城裏歌鐘馬上聞雲翳遠山青
不定煙消平渚白初分虎牙

名關

險勢摧殷武夔子

荊州懷古五首

聞道荊州是楚都即今遺蹟已荒蕪啟疆有自思
熊繹哀郢無人識左徒芳草凋零春不盡美人遲
暮月同孤興亡歷歷歸青史依舊菁茅作貢區

二

嘗思痛飲讀離騷萬古傷心在二毛風雅以還兼
正變懷襄之際獨憂勞同官已妬能文寵弟子猶
傳和曲高此日九原難可作東門隱隱見蓬蒿

三

宋玉傳聞此有宅故林衰草獨依依千秋諷諫文
無敵曠代相思指更微峽裏行雲來夢遠郢中歌
雪和人稀渚宮泯滅誰尋問回首淒然見落暉

四

荆襄悵望煙雲裏秦蜀西南杳靄間白日高臨一
柱觀青天低壓萬重山蘭茝不使推南裔狼虎何

夢月巖詩集卷十七

十六

由噬武關尚有吞吳餘恨在宗臣遺像似愁顏

五

赤壁東偏返照生登臨愁見漢家營江來峽口濤
初靜山過荆門土就平曹氏詎能吞二國吳人何
事背同盟天心忍使炎灰冷暮雨荒榛恨麥城

白馬渡既濟小酌

桃源縣南白馬江日出風便飛輕轡青山往復不
可盡白波上下難相降僕夫沽酒勸斟酌舟子網
魚持一雙況有修篁夾座右何殊高卧陶潛窻

辰龍關

萬木中開一線天高雲危石自鈎連神龍帶雨鱗
還露鷺鳥驚風羽不前阻隘何須三楚甲欸關寧
滯百蠻箋自從撻伐殲莊躋五夜聞雞吏晏眠

沅陵古意

關城颯爽晚煙空徙倚江天望去鴻二酉書函難
可識五溪舟楫自相通遭迴夕宿辰陽候慷慨炎
征浪泊中此際精魂何所詣水樓寒夜聽悲風

馬伏波廟

辰州郡城內

日落清江意渺然荒城何處弔文淵雲臺自昔空
圖畫銅柱於今在海天刻鵠諄諄傳一紙飛鳶站

夢月巖詩集卷十七

十七

站憶當年洛陽豪貴終黃土依舊蠻方姓字傳

即日

楚南歷歷經行地寥落人煙復幾家門外鳥啼烏
柏樹路傍人折紫薇花虛無野廟多臨水走望村
巫更舞芭蕉是靈均上沅處九歌頻誦日將斜

清浪衛見閻太史戒過詠秋海棠詩因和之

敢問秋芳遲暮年欣看太史舊詩篇氣含花霧浮
窻外響激林風到枕邊遠徼關心千嶂阻故鄉歸
夢一燈眠知君壯盛多懷抱不爲鉛華取次憐

馮虛洞

有石鼓石鐘叩之有聲蓋空石也入有海濤篆籀之形皆石乳所結

天邊何處馮虛洞有客探奇試一攀誰割紫雲成
物象忽移滄海到人寰空中韶濩元音發壁上蟲
魚古篆斑斑欲問虛無泡影義夕陽無語下青山

貴陽候館有懷家兄文啟

一封書去淚千行燈燄熒熒背目光老去始知兄
弟重愁來偏覺道塗長漢臣征伐通諸部秦使西
南略大荒爲說相思緣骨肉登山臨水更神傷

郭大中丞招遊近華浦兼呈制府藩臬諸

憲使

夢月巖詩集卷十七

六

搖曳輕舟天一涯停橈飲射樂何其登樓不用懷
鄉賦臨水焉知送客悲時宋極部將行絕塞雲山空浩浩中
流簫鼓故遲遲歸來鷁首斜陽外還聽謳歌納稼
時

渡重安江

重安江水清且深征夫歸路愁登臨鄉園尚隔六
千里王事長縈方寸心舟隱霧中人語應帆開
厓際山光侵黔中民力苦供億水陸嘗捐擔負金
自鎮遠舟發潯水所至言懷三首

江樓昨夜聽西風萬里歸舟路自東黔水久澄秋

漲後楚山多在暮雲中懷鄉敢謂身如寄食祿應
慚髻似蓬底事登臨倍惆悵衡陽無雁自書空望武音息

又

連朝寒雨暗平蕪忽見江城擬畫圖影入碧波時
上下氣連粉堞漸虛無山中兄弟秋燈共天畔樓
臺晚照孤計日巖前酬勸處應將佳勝問歸塗嚴夢

又

帝絕荒雞已下灘夢魂知過幾峰巒濤聲忽倒銀

夢月巖詩集卷十七

尤

河瀉山色徐分碧落寒東去辰沅天險盡南來黔
筑客兵單幸逢萬國梯航日賈傳何勞策治安

舟至江陵詠古後五首

千里江陵計客程孤帆搖曳暮煙生楚山雲暗黃
陵廟蜀道天遙白帝城在昔英雄多拊髀於今哀
怨盡傳聲揚舲擊楫斜陽裏慷慨徒深萬古情

二

大江疎樹起高煙尚想東南萬里船衡岳風回孤
嶂雁渚宮霜倒一溪蓮年侵欲問丹砂井身遠難
耕玉米田惟有滄浪三澁水濯纓洗幘意悠然

三

澤畔誰知屈大夫當年有姊漫相呼浮沉不肯從
漁父悻直何當詈女嬃石上苔痕空想像村邊山
徑已荒蕪停舟酤酒逢遺老爲問歸州蹟有無

四

荊門煙雨失荒村杳杳明妃去國魂貂錦裝成宮
日麗檀槽響處塞雲昏關山不斷和親路圖畫長
留顧盼恩直得詞人共惆悵寒花衰草憶啼痕

五

宋均佳政稱遺愛故老馨香幾歷春野水蒼煙傳

夢月巖詩集卷十七

辛

渡虎殘碑青蘚佇行人蘭舟泛泛天邊影草屋行
行樹裏塵倘遇九重詢往事漢家遺俗至今淳
將至家寄兩弟諸子

六年不到故園扉萬里遄歸意不違竹葉味從寒
處得梅花香在夢中飛即除仲蔚蓬蒿徑徐宰陳
平里社稀計日林巖春氣轉迎門稚子共牽衣

行經汝州感舊二首

昔年告糴此州來積雪新春花未開日下孤城窺
凍浦風吹枯樹起寒灰青鐙影共高人榻紬邏
先生刺史杯今日已霑微祿賜石尤何事氣悲哉

壬由正月至汝告糴於刺史
三時二時與劉蘭谷對牀宿

又

總角情親幾弟兄孝廉高誼至今存佳遊並轡來
風穴密坐臨窻到日昏燕市春花時濺淚梁園雪
夜未招魂

孝廉王賓皇卒
於永城廣文
碧樹村
戊午夏同賓皇
會文於薛村

夢月巖詩集卷十七

夢月巖詩集卷十七

壬

夢月巖詩集卷十八

新安呂履恒元素著

七言律詩五

王祥墓

洛陽西有孝水世傳祥卧冰處

冰岸虛傳有卧踪休徵忠孝自從容荒村風雨悲
園李古道塵沙失墓松應佩寶刀誅僣偷祇將珠
淚哭蛟龍陳留杯土今何在太保居然晉代封

嚴子陵祠

華縣

霜落秋城木葉丹客星祠畔肅衣冠故人無意驕
同卧天子何能屈一官嚴瀨江山空浩渺原陵松

夢月巖詩集卷十八

十

柏自高寒東都多少知名士不及冥鴻一羽翰

寄懷山中友人

每憶清談數武過還知素履愛煙蘿日斜窮巷秋
光滿木落空山夜響多仕宦即今無藉在耕耘伊
昔有巖阿何年歸去同乘興杖策峰前一放歌

遙題陳健夫草亭

爲問城西孤草亭遙山雲霧尚冥冥徐開曉氣千
林白總納春光四野青賣藥高人忘肆市刺船漁
父笑清醒勝遊老去焉能賦羨爾登臨聚德星

送范樞部拙存請急旋里

騎曹何事賦歸田一笑青門早著鞭恒岳春雲隨

去馬邗江秋水望來船亦知群負山林約獨怪君
當壯盛年他日金臺更攜手憐余霜鬢尚隨肩

送從弟九成之任武功

一曲驪歌送遠行郎官慷慨賦西征三秦父老瞻
新尹二華風雲入舊京勝地趨庭如昨日少年通
籍已知名

家大阮曾令永壽九
成初令冠縣有滄聲

放魚馴雉吾家事莫忘臨

岐絮語情

輓同門友陳丹亭二首

去年同哭築場處

龍西夫子
已丑冬卒

新歲何期悲寢門萬事

夢月巖詩集卷十八

二

茫茫成白首三春寂寂對黃昏循良有傳誰堪並
師友無緣我尚存他日孤墳紫宿草擬將殘淚付
啼猿

又

丹旄飛飛曲巷中青山迢遞逐歸鴻一錢寧有晨
昏奠五夜還將夢寐通永訣燈前江夏士

黃貢士錦
江視舍險
李孝廉獲如
其姻親也

自今誰肯爲廉吏博得

兒孫祇困窮

得袁太史紫臣書却寄

去年獻歲行相訪別墅停車坐舉杯庭竹寒依春

雪動岳蓮青近晚煙開山川屢向愁中望書札新
從夢後來試問石橋流水曲何如離思日千迴

誦天益金洋堰詩因感昔遊愴然有作

金洋堰在漢中西鄉縣先府君舊治

少壯於今四十秋趨庭猶記客梁州一時朋舊皆
殊列是處林巖作勝遊佳日逾看山峻極伊人宛
在水中流隴雲秦樹知何處空向斜陽回白頭

讀李璞園詩集有寄

西風渺渺正愁余忽誦新詩意豁如青要山中無

異草青要山在新安山海經云山有黃花赤實紫雲堂上有藏書李恭靖公紫雲書院有賜書樓

夢月巖詩集卷十八

三

一時昆弟知難並禮山兄萬古菁華豈易儲他日與

君還賞析首山機谷對清虛

讀婁介山廣漠紀事因賦贈

朔方三月不知春水遠山長道路頻遂有文章傳
象譯可無勲業附龍鱗烽煙戰壘窮秦塞星宿河
源紀漢臣不作海隅天末吏誰知捷伐為斯民

讀張給事書登詩集賦贈

匠意含毫五十年虛從塵霧望神仙周京贈別清
風誦秦地懷人白露篇但有傾城堪一顧不須通
國倩相傳高秋明月行吟苦暮雀陰蟲亦寂然

錢杏山端公將歸浙賦贈

洛水曾投飲馬錢論交夙昔有因緣折腰偶爾為
彭澤強項居然似董宣今日臺霜秋自冷當年庭
雪晝猶眠何時苔雪同舟楫更醉黃花綠酒邊

知洛陽縣

懷舊

先公初令西鄉諸生楊爾榮薛宣猷楊爾權薛徽猷權扶常馬伯顧等皆所教育與子兄弟會文者於今三十有七年先公既捐館諸子久無消息而子兄弟亦將老矣暇日追思愴然成詠

先公清宦絕塵埃得士洋川盡異才月下琴書同
嘯詠花前樽酒幾趨陪烽煙何意驚南國驛使無
因問北來舊夢不隨風雨散日從江漢遶千回

夢月巖詩集卷十八

四

辛卯穀日雪

昨夜風輕雪未殘曉聞檐際鵲聲乾占年且喜隨
三事代食何須問一餐剡水孤舟初在夢洛陽高
卧尚餘寒所欣身近長安日時見蒼龍詣紫壇

上詣南郊今後四日將詣壇祈穀

送陳相公 予告還澤州三首

官兼冢宰絕崇班 帝許全人啟令顏久識臣心
清似水忽傳 天語重如山上謂為齊全人尚衣舊賜金
貂在王路新乘御馬還惟有垂楊吹別絮遠隨飛
蓋入鄉關

又

廿載瞻依泰岱高不才多恐負甄陶掃門爭敢攀
緣入開閣何當吐握勞葵向有心傾日影蘭薰無
藉補秋毫更慚拜榻稱猶子附驥登龍感二毛

又

驪駒初唱曉雲開雨後西山積翠來諸子衣冠陪
祖道六官僚采勸銜杯已知調鼎緣經實更訝為
文過史裁公予告後日為文此去晉陽思魏闕長安日近首
頻回

送許大宗伯 子告還海寧

夢月巖詩集卷十八

五

見說虞庭典禮時寅清夙夜 帝心知正資北斗
司喉舌忽向東山理奕棋江上雲霞還舊色巖前
松桂又新枝更知西望高秋候長憶金莖露滿危
又

高山瞻仰自朝暉似水臣心許共論太史三長書
久著司農九府法常存但教月旦榮鄉曲敢擬春
秋布國門滿眼風花吹不盡臨岐莫惜酒盈樽公為

少司農時予同巡
錢局辱知遂深

李鼎公清明日攜酒半野亭分韻

佳辰高卧曉煙空剝啄門前識小童一帶峰陰雲

正北數株花影日初東山翁布席飛香處野服銜
杯積翠中為問鳳城車馬客可能乘興醉春風

夢侍李業師於北村舊居

昨夜從師旅夢中枳籬茅舍隔煙叢深山有徑緣
陂入野水無梁疊石通既至欣然分席地曰歸依
舊逐林風嚴城鼓角開清曉引領相睇恨不窮

永平府

北平形勝界關東險設金湯地絡雄山擁薊遼青
似黛水吞灤漆白如虹興朝氣象卿雲裏使客登
臨旅望中回首長安身漸遠皇穹無際日瞳矐

夢月巖詩集卷十八

六

山海關

天際重關虎豹局前瞻雲樹尚冥冥山餘落日千
峰紫海瀉遙空一氣青漢塞烽煙亭甓壞秦城膏
血土花腥漫吟碣石東臨句絕代雄才敢乞靈

讀濟菴雪堂詩集因贈

劒門才子早能詩晚節高吟句更奇雪霽峨嵋清
入骨秋澄江漢渺凝思久忘丁固曾占夢不向嚴
平更決疑我亦疎狂舊朋侶敢將鞭弭角旌戲虎同

瀋陽寄浦大雲曠二首

東山別後賦停雲極目傷心岐路分暮色遠峰天

際見秋聲高葉雨中聞此時淒水無魚素何處衡陽有雁群欲折梅花寒雪裏一枝將去更思君

又

聞君習靜湧蓮菴每問來郵至再三望裏鴻歸窮塞北夢中舟泛大江南北空色相應難老縱有因緣豈易談解道儒冠誤身事故將深意托瞿曇補習典八十尚健

唁王荀友時丁內艱

憶別京師癸未秋年來霜雪已盈頭一行雁影分遼塞三峽猿啼傍客舟青竹自生孤子淚赤松誰

夢月巖詩集卷十八

七

繼昔人遊械書萬里遙相憶腸斷岷江日夜流

巨流河感興

巨流北渡暮春時水嚙孤村兩岸鼓駭浪稽天翻日馭大聲吹地倒坤儀經旬雨歇生芳草幾處風輕曳遠枝萬事浮雲隨變化波瀾反覆莫相疑

北鎮即暨正開山

營州作鎮肇封疆恒岳遙同祀冀方北極星光分野濶東京王氣亘天長迢迢松響聞空際漠漠山形入大荒盛代精裡邁三古靈風甘雨祝農祥

遊千山三首

千山屹立曉雲端先夕齋心到石壇色入空青仍竊折氣連長白自高寒鐘聲夜度遼城柝塔影晴翻瀚海瀾此外茫茫何所詣欲從天際假飛翰

又

亭午登臨徑未平雲峰忽起勢崢嶸雨蒸密葉先含氣雷應縣厓更發聲始願肯違霑濕候餘閒聊遂水雲情詰朝直上千尋頂鐵笛橫吹撼太清

又

宿靄晨開積翠中扶筇歷徧五珠宮千山有五佛寺衣露苔兩痕猶濕嘯入松風響不窮百尺樓頭人共卧三

夢月巖詩集卷十八

八

生溪畔笑相同時陳刺史及桐菴上人偕遊依然車馬來城市悵望

丹崖有夢通

太子河留別陳刺史百川

太子河邊一葉舟共將心曲語清流為勤星雨三春駕因得林巖竟夕遊腰下寶刀堪贈佩樓頭高卧已淹留知君廉遜中間住還鮓縣魚事可求

渾河舟中坐憶所歷之勝

千巖暮色驅人遠百里煙光逐鳥開清景不隨川上去白雲猶向峽中來輕舟搖曳心同漾岐路登臨首重回底怪遊人問奇險何如蜃影望蓬萊

孟姜祠

山海關內
碑云許姓

斷壘疎松吹古煙孟姜祠宇至今傳
椎秦遺恨同韓相蹈海孤蹤似魯連
山石有心鞭不去塞垣無際築何年
夜來急雨雷霆鬪洗出崩城血淚鮮

抵雄縣寄內

保兒殤後復殤喜兒因慰之

送別中門念兩雛燕山遼水共馳驅
車中處處憐啼笑馬上時時問袴襦
捧日有心違內顧仰天如夢但長吁
荒城茅店緘書去莫學鮫人更泣珠

鄭州

今廢為鎮

鄭州城外暫停車古甃頽垣帶日斜
麥種塵沙仍

夢月巖詩集卷十八

九

壓覆樹縣冰雪自查牙天涯悵望皆行色
人事消沉幾歲華惟有山翁能鼓腹柴門倚杖數歸鴉

宿州

塵埃何處駐行幃極目南天夕景潛
四野宿雲歸樹杪孤城新月到茅檐
危樓笳鼓閒征戍古漕舟航泊米鹽
此際臣心清似水文移北斗碧霄瞻

汶上謁先世父祠二首

孤城煙雪滿寒空半畝荒祠企望中
繡錯川原迎客轡白頭父老話遺風
梁山高映天光遠汶上長滋地脉融
見說殘碑猶墮淚春來花樹更青蔥

又

試宰東山壯盛時中都密邇效先師
刑疑弱國常如措禮折強鄰賴有辭
百粵歸來人病後三秦相望雁書遲
世父自化州致仕于隨先父西鄉任祇今肅拜荒庭下猶憶燈

憲授誦詩

夢先兄文啟

少年游處未離群喜接連枝棣萼芬
入塾冬春嘗共被趨庭詩禮每同聞
征軺一別函關月岐路時看楚塞雲
兄為武昌宰今日天涯惟有夢斷腸回首望孤墳

夢月巖詩集卷十八

十

兗郡早發因懷先太傅嘗為此郡司李慨

焉成詠

敢言蘭茁稱家兒風跡猶能繫永思
一卷傳經窮白首百年軼事紀清時
嶧山曉出雲光翠濟水春涵日影遲
此際褰帷勞遠目還吟祖德謝家詩

滁州止宿感懷

已巳過此

春風隨客到江城又見芳華入眼明
滁水清涵隄柳色豐山高應谷松聲
臣心敢謂丹青遠旅夢還驚畫角鳴
少壯幾何霜鬢改重來叱馭是王程

登雨花臺同喬農部紀黃

凌晨同陟雨花臺花落臺空四望開松竹平分青
嶂外城闌遙在白雲隈六朝形勝歸春草五岳襟
懷托酒杯底怪道傍童叟輩爭看乘傳客重來

登鳳凰臺

當年供奉題詩處野寺疎林一古邱人世仙才難
再得鳳臺遺蹟至今留萋萋芳草迎歸騎點點飛
花傍客舟搔首長安看日近碧天雲盡莫江流

闕里謁先師廟呈衍聖公

東魯西周蹟未湮尼山天際更嶙峋夢瞻繡衮逢
元聖琴擬榛苓見美人此日大宗還起鳳當年絕

夢月嚴詩集卷十八

士

筆已傷麟杏壇碣畔低徊久六藝難通欲問津

城南祖家園感興

城南尺五近青天岸柳陰陰覆渚蓮遠岫曉雲輕
帶雨野亭秋日澹含煙鄉關迢遞還千里身世浮
沉已百年何似衡門嘉遜客水流花落伴高眠

秋夜集王苾遠宅飲桂花下分韻

攘攘緇塵戶外侵何來金粟徧青林花開良月清
風候人聽高山流水音密坐每忘秋憲府暗香疑
有夜光臨十千沽酒焉辭醉無那文園病渴心

以病
止酒

沈方舟張卜臣過我邀遊秋槎同張鸞和
友礪舍弟天益分賦

海上曾聞八月槎居然巖數似山家秋光多在幽
人宅野色偏宜晚節花歸雁雲霄行有次觀魚濠
濮興無涯那知西第留賓處更有東陵五色瓜

哭張潛谷

蕭寺荒涼昇櫬棲孤兒難弟共悲啼鄉書欲寄無
黃犬旅夢先占有白雞芳草東來春氣至總幃西
去夕陽低縱教諫議能追贈終是文高命不齊

送王苾遠還雄縣二首

夢月嚴詩集卷十八

士

司寇將歸易水濱天清雲白路無塵驛梅雪盡香
含夜岸柳風開色向春廿載功名如棄屣一時賓
客共霑巾西臺回首同登日從此羞稱獻納臣

又

繡衣白簡領霜臺秋憲持平亦壯哉言語久稱天
下妙指揮真見古人才河橋舊蹟曾題柱山墅新
花待舉杯吾老方看君壯盛丹心猶在詎成灰

京邸九日即事分韻

客來送酒因成醉病起登高尚未能但使幽芳堪
采擷何須莫景更飛騰雲凝雙闕寒初重雨歇千

峰氣自澄良會不知更漏永尚書期已嚮晨興

九日懷屈三鳳山

顏頰霜髻客京華每爲秋悲獨憶家黃菊開時人
病起碧雲遮處雁飛斜當年有約營山墅此日相
思望水涯令節難逢人易老幾時交手入煙霞

瑤亭早發迎鑾

西山落月凜崔嵬東望滄溟曙色開萬騎追風行
地遠六龍捧日自天來草萌春氣迎仙仗花引寒
香接露臺聞道勸農將有詔漢庭休負撥天才

舟行寄意答友人

夢月巖詩集卷十八

三

極目周原賦遠遊水雲開處泛輕舟巖松翠偃猶
含照洲蓼紅翻已近秋漢女何心徐解珮海翁寧
忍驟驚鷗相期惟有煙霞侶交手高峰最上頭

歸舟即事

朝雨霏霏日上遲午晴帆影未西移孤舟自逐輕
雲動萬木徐看宿霧披轉漕吏胥迎渡口通商食
貨出江湄廿年水陸經行處身世浮雲信所之

通州九日即事

門鎖秋煙逕滿苔昨移黃菊向晨開蒹葭幾葉水
邊靜鴻雁一聲天際來烹茗泉香如漱石步檐花

近即登臺揭來憂樂無端緒日仰高空首重回

歲杪張二卜臣招飲同沈大方舟分賦

徙倚南窗曉氣清芝蘭滿室更芬榮春盤先借青
林色晚照徐開紫禁城六憶艷辭悲沈約時方舟淹
題元配朱
謝像四愁高詠識張衡那知熙攘縑塵外別有松
筠非世情

送王秩宗之任浦城

使君黃綬出燕臺三市緇塵眼忽開陽鳥將書隨
日去仙霞迎蓋自天來子虛疑有華胥夢經實應
多美錦才柳拂春風梅似雪海山清處一低徊

夢月巖詩集卷十八

古

杏花開落東方舟

三春幾日見芳菲總負晨光與夕暉遵事從教花
自落賞心爭似燕交飛百年影響追何處寸晷逍
遙願莫違尚有餘香表春色明朝相約到巖扉

在西臺時猥蒙 御製詩集之 賜恭紀

二首

鳳城佳氣早春還共覩宸章內府頒擊壤多年
忘帝力賡歌今日對天顏金隄柳映三江月玉
井蓮開二華山此際扈遊忻忭者好摘嘉藻侍清
班

又

少壯曾聞 聖藻雄敢將名姓達 宸聰一朝通

籍含香署十載虛稱奏瑟工芳菊秋生汾水上大

風雲起沛宮中漢皇製作何須數惟有南薰解愠

同

遊張園即事贈鸞和友礪昆季

結廬人境地偏閒一曲清溪九折山夕景半開林

葉外秋光多在石巖間升階履跡還侵蘚隔院書

聲自閉關老去看花如霧裏聞歌常棣即開顏

送沈方舟還江南二首

夢月巖詩集卷十八

五

金臺九月已成裘曉日初霜倍凜秋衰莫那堪頻

送別江山從此各凝眸吳門練馬遙難見燕塞書

鴻黠自愁珍重登高題詠處共期通隱姓名留

又

餽鱸辭將意未申短長亭外見征塵自來高士難

衣食此日名山合隱淪碩果在林徵易象蒼葭凝

露感詩人始知日遠長安近千里相思似一身

憶山居

先曾祖母孟太夫人夢月入懷生先太傳於外家
陶室今巖前有夢月祠焉

夢月巖前石屋牢百年遺蹟在東臯先公手植千

叢柏外氏家鄰五樹桃山果落時霜未凜水禽飛

處日初高即今永夜閒相憶素飽慚稱似鳳毛

鹽井

聞道前年使節臨萬家鹽井尚森森險開蜀道空

青色氣接秦山太白陰在昔虜中嘗弛禁於今塞

外更關心 聖朝屢詔寬民力五衛何須淚滿襟

昌運宮

昌運宮前松數株清陰霜幹五盤紆恭聞 法駕

初巡日喜見陽春大澤敷寰海洞天通一氣五千

文字校諸儒應知左个青陽令不是祈靈太乙符

感時五首

夢月巖詩集卷十八

十六

三川流血土花腥野哭如聞出錦屏山名在宜陽縣源水舟

疑深復淺中山酒願醉無醒百年身世供多病何

處田廬貯一經夢裏不知鄉路遠仰天極望少微

星

二

鼎湖西去近秦關曾進金沙月數鏐進之豈問荆

揚三品貢忽來旌旆萬重山哭聞岳麓風霜烈血

染河濱草木殷更說徵兵閭左戍殘黎何日破愁

顏聞發土兵於閩鄉

三

調劑還稱大府賢，檄傳軍倖下三川。
纔聞礮石心如擣，未覩旌麾踵不前。
院委某同知招安去，宜陽五十里夜遇。四野何曾嘶戰馬，
千村從此絕炊煙。可憐牟麥登場候，火烈原田盡棄捐。
時兵焚民刈麥。

四

蒼煙幾點是中原，帝遣元臣為洗冤。
二陝分封連國土，時有戕及潼關衛者。九重申命重王言。
函關晚照河山在，澠水秋風草樹蕃。
不是遺民防口易，諸君何對臨軒。

五

夢月巖詩集卷十八 七
莫道傳聞盡子虛，即看西遞奏飛書。
二陵誰瘞千家骨，三晉難營百堵居。
宜陽閭鄉民多流至晉。碩鼠歌聞清夜夢，哀鴻聲斷夕陽墟。
登樓不敢南回首，聊望高雲賦遂初。

述舊遊三首

往歲江南使命銜，花飛候館落輕衫。
晚山風至聞嘉樹，春水雲開見遠帆。
已到雞鳴觀十廟，更從牛首歷千巖。
歸來依舊臺霜冷，共道群材盡不凡。
癸巳

二月典江南試

又

陪京佳氣五雲重，命視膠庠世所宗。
萬國梯航瞻闕鳳，六陵風雨護山龍。
飛揚二氣生文采，慘澹臣心効靖共。
東望蓬萊真咫尺，海天晴色滿遙峰。

又

戊子滇南奉使日，山川奇險憶驅馳。
雲生華浦衣先濕，雨落黔陽路正岐。
松葉青鋪三舍地，滇俗松葉鋪地以禮上賓。榴花紅放九秋時。
敢言鐵網珊瑚得，萬里蓬桑慰所期。

梨花

長安三月百花奇，誰向樊川采異姿。
白燕朝飛如共語，玉人春夢自相思。
香飄大谷晴煙外，冷入長門夜雨時。
惟有仙郎留左掖，素心曾與賦新詩。
時有懷張給事書登

梅花

荒園猶見一枝新，素影寒香若笑顰。
珠蕊縣冰能照夜，瓊華如雪自禁春。
高廬但可依清士，綺夢何須遇美人。
鐵幹青條經歲月，詎無霜質耐蕭辰。

又

何遜揚州初賦詩，壽陽閣畔欲飛時。
明眸遠望雲無際，素手高擎日未移。
山徑樵歸香寂寂，水村舟

過影遲遲青春白髮飄蕭候頻折霜花寄所思

元竺

元坐深宵百感休曉看檐日下峰頭閒情敢擬陶
元亮大志空哀馬少游喜見兒童分市果懶聞賓
客駐鳴騶友朋京洛如相問爲道忘機狎野鷗

老至三首

老至縣車不用名傍山鄰水卧茅衡經年抱病無
醫藥絕塞聞兵有戰爭那識柏樽春氣至却看梅
蕊晚香生北來驛使無消息短髮長吟淚欲傾

又

夢月巖詩集卷十八

十九

竹牕樞几數函書南面專城總不如萬古川塗頻
送客百年身事敢懷居山當晚徑雲英聚木隕秋
階日影疎冰雪有時華萼啟寒暄何意自乘除

又

雪後寒生凜四郊天迴日至到蓬茅晴光入戶衰
翁起冰溜垂檐樨子敲異代尚期青眼客此生寧
負素心交普天共有豐年祝仰視蒼蒼揲易爻

歲暮

歲暮囊空守舊林倚窻扶枕意何深緬求在昔琴
書樂卧念平生慷慨心檢藥看題迎曉日析薪聞

響隔遙岑故人竊附青雲久南橋將無惠好音

詠古五首

三百詩篇聖所刪靈均餘思愛幽閒宓妃洛浦遺
珠珮神女巫峰慘玉顏或有因緣通遠夢寧無雲
雨度空山九天消息須臾事忍使湘纍涕淚斑

二

漢家開創邁先秦樂府泚泚製作新歌就沛宮思
猛士辭傳汾水憶佳人唐山淑女徵朱鷺雍時奇
才對白麟底事盈庭惟汲黯淮陽謫去不容身

三

夢月巖詩集卷十八

二十

攘攘長安投刺多白眉青眼竟如何田文重士雄
雞狗管燕輕才謝鶩驚莫倚東風瞻玉樹會從西
月墜金波竹窻蓬戶義皇夢萬古升沉一夕過

四

長城天險倚雲沙燕塞秦邊自一家三戌秋聲風
入幕五原春色雪爲花雁門書漬征夫淚馬邑塵
迎使客車聞道漢皇屯牧地玉關深閉靜無譁

五

見說神仙不易招蘭蒸桂醑漫相邀漢宮雲露承
金掌秦徵鞭捶駕鐵橋餘日已隨歌舞盡佳期還

悵海山遙誰將音息傳空谷肯與伊人樂永朝

己亥元旦

年來身退未呼嵩但與山農祝屢豐久負國恩忘
令節却因家祭想遺風鯉庭雪霽三冬後鳳闕雲
瞻五色中吉月應遵朝服禮青煙丹霧向晨融

夢月巖詩集卷十八

夢月巖詩集卷十八

主

夢月巖詩集卷十九

新安呂履恒元素著

五言絕句

石龍泉 新安

寒泉出石隙流向北山阿夜夜龍歸處山中風雨
多

礮溪 寶雞

太公未遇時獨釣渭川涯誰識礮溪叟終為帝者
師

戚夫人墓 西鄉

夢月巖詩集卷十九

一

昔聞春臼歌今見夫人墓墓草低秋風楚舞無人
妬

丙穴 沔縣

不見丙穴魚空聞丙穴水石路絕人行楓林嘯山
鬼

采蓮曲

湖中荷葉深與儂作紈扇不是照秋水無人見儂
面

入室想所歷四首

小院生秋草牆花冷不開低首斜陽裏千迴始入

來

又

空房何閒寂蛛網落輕塵曉日重檐下低幃似有人

又

玉鏡飛金雀芳塵漠漠生當時畫眉處兩影各分明

又

開箱見舊飾翡翠雙蟠龍夜臺何日曉膏沐復爲容

夢月巖詩集卷十九

二

鍾繇臺 長葛

魏國已蒿萊元常尚有臺終年城市裏登眺幾人來

葛仙池

葛玄修道處池水可染衣一名擺藍池天旱禱雨輒應

萬木積陰黑一泓湛深碧聞道雲生時有龍隨出入

又

怪來堤上女春服奪朝暉總是神仙術丹砂染素衣

子夏祠

河津

文教西河地空山一古祠祠邊諸父老猶識魏侯師

雨中經中條山南行渡河別張二子佩

石路雲初合泥塗雨正深黃河迴九曲何似別離心

春暮

不知春欲盡葉底見青梅柳花還落去燕子故飛來

渡洛水

清洛浩無極孤舟行自遲客路愁南去秋風且莫吹

夢月巖詩集卷十九

三

褚遂良墓 偃師

白日落豐碑青蒲事可悲死生慙顧命不敢怨昭儀

老子臺 唐邑

高臺臨積水紫氣已茫然總爲觀周日猶龍一語傳

孤山

竹柵新添鶴林巖舊種梅空山花似雪寒處少人來

天竺

天竺有三寺尤稱上竺奇松竹隱樓殿客來僧不知

西施池

白石遺珠履清池想玉容猶憐傾國後不見五湖踪

懷張允仲

張宣城人

北闕書同上南天客未還吳江秋水濶何處敬亭

山

雁聲

夢月巖詩集卷十九

四

萬里瀟湘影聲傳塞上秋不妨驚客夢莫近最高樓

讀曲歌

門前雪三尺杲日不肯出留此與歡看知是無人跡

少室

少室橫西郭九面削芙蓉峰際落寒月城中聞曙鐘

文潞公墓

洛陽

抔土殘碑在猶傳宋太師輦南陵樹盡空對日斜

時

秋夕

拂石坐涼夜微風吹我衣山空秋月上樹影動巖扉

長葛九日

九日無風雨畝田未可耕登高不成賦祇有望鄉情

病起望西山

曉葉吹殘露秋窻隱薄寒西山真在眼猶作夢中看

夢月巖詩集卷十九

五

曉登寧嶺

初景凌高雪平林吹緒風馬嘶重嶺外人語亂雲中

憶山園

故園五畝地門外是青山盡日無來客山雲共往還

又

海棠初著雨惱殺是嫣紅歲歲花開候春愁旅夜中

孫家灣月夜看藕花

客心憐靜夜隨月看芙蓉未到花深處香風已滿裾

又

露下光初濕風微氣更清夜深漁艇宿閒殺水雲情

明港驛

水靜白沙虛危橋徑尺餘辛勤明港驛日暮始停車

武勝關冒雨

清響白雲間長歌萬仞山誰知天際客風雨入巖

夢月巖詩集卷十九

六

關

武昌署中望西山

目遠翠微窮亭虛萬象空寒溪有古寺應在亂山

中

首夏懷陳八行度

已近清和月南湖芳草多離情似湖水漸滿欲如

何

又

懷中有書札臨水更開看蘭渚香風發依稀是古

歡

又

一片瀟湘月函關度若飛故山松際落猶得照君衣

任二上成送子林臯言別

相送林臯上舟回手重攜中流見帆影斜日大江

西

題臨城後圃太湖石

孤峰高不偃衆竅細能分日暮松風入清音四野

聞

望息波亭

臨城

夢月巖詩集卷十九

七

息波亭上路水浸石隄寒薄暮登樓客蒼茫樹裏

看

望西山

西山當戶牖日夕幾回看片雲峰際出暮雨徧長

安

兩阻曹家峪

夢中聞溜響枕上覺涼生欲共山農語停車恐輟

耕

卧龍岡

寧鄉

青山橫郭外偃勢似蟠龍或有南陽客何年卧此

峰

虎頭山

虎頭山亦峻蒼翠總難名遙聽霧中語有人山上耕

南雩早夏

早夏風雩好孤雲帶數松松聲清可聽官至不妨農

沒狐臺

高臺不可望萬木隱寒山往日僧開徑青松白石間

夢月巖詩集卷十九

八

劉公洞

聞說仙人洞千年始一開白雲時出入逋客未曾來

柏窠山

碧落倚珠宮靈泉地肺通白雲高下斷松柏似懸空

二郎廟四松

四松遯窮荒霜皮裹石骨幽谷不聞聲清光露微月

芍藥曉開

小窻氣欲白何處遞香來昨日看紅蕊山童已報開

白

庾樓千里月皓皓水光間不及高秋日峨眉望雪山

赤

願爲勾漏令夜火識丹砂駐顏常似少種杏已成花

馬蘭

馬蘭生道左滿放紫茸花兒童任采掇莫種美人

夢月巖詩集卷十九

九

家

又

馬蘭謂松柏誰與待千古寧似媚東皇青紫榮如許

屏風山側二石室紀之二首

太虛無色象元氣吐空青萬古此虛宇何人開窻冥

又

蒼黑多奇色深寒難可息想見古初入此中無火食

黃花戍

昌平即黃花路

不見黃花戍心驚絕塞秋如何七校士萬里望幽州

塞下曲

夢到金微塞茫茫一片雲平沙十萬幕何部是夫君

子夜歌四首

東風初變柳萬物盡懷春可憐明鏡裏雙影不容人

二

夢月巖詩集卷十九

十

桑條明沃若光采似羅敷蠶飢知有候駐馬且須臾

三

低頭語風側菊花嘗喜開今年人遠戍莫遣素秋來

四

雪花大如掌歡從何所至不恨夜歸遲半臂著還未

再寄禮山

幾日不相見紅芳歇素秋慙勤問蘭室誰話夜窻

幽

又

清齋蕭寺裏時聽賣花聲臭味入城市不如山裏生

謝扶九書幘

半生不解書亦知愛筆札月中墮秋毫清光永不滅

陳健夫招看千葉杏花不果行却寄二首

仙杏當春發高廬入望新如何紅蕊色深避素衣

塵

夢月巖詩集卷十九

十一

又

沈郎何太瘦潦倒爲判花莫把春衣質輕寒入酒家

賦得實命不同三首

北阮曝錦衣南阮懸犢褌一時各自喜千載漫爭論

又

西子扁舟去東家仍效贖入宮拾象掃已是白頭人

又

衛青已尚主李廣未封侯尚餘猿臂在徒使射鵰
愁

渡泮水

泮水天邊落征夫日下來野煙千里合古渡一帆
開

大雨經回龍峽

石鑿回龍峽峰高飛鳥還楚天風雨內知過幾重
山

草間芙蓉

草際見芙蓉折來擎手中莫愁芳意歇霜質耐秋

夢月巖詩集卷十九

士

風木芙蓉一
名拒霜花

次露益州

十里明湖遠千塍綠野平不知城郭處雲裏聽雞
鳴

螺螄砦

江上螺螄砦浮雲未敢齊日斜帆自轉不與衆峰
低

方一峰爲子畫壁因書其左

人在白雲中山出青天上松際隱縣泉坐聞雲外
響

白塔鋪卽事

仲夏猶清冷單衣不可禁酒帘高處見煙火隔前
林

題西峰草堂圖

塔影浮空近山光入戶多西峰真咫尺難得此中
過

讀張卜臣近作卽景代東二首

閒居依草木首夏氣猶清何處聞高鳥風傳求友
聲

又

夢月巖詩集卷十九

士

友聲和且平晚風吹颿颿一氣入青林花香生滿
榻

長信草

長信宮中草無人亦自青春來盈玉璫猶有露華
零

阿嬌怨

珠簾朝景迅金屋夜聲多試問平陽館新聲定若
何

秋夜有懷沈方舟張書登田克五三詩人
煙暗莫山際月明秋院時瘦來同沈約不敢夜吟

詩

二

張子天人侶清如玉樹姿千秋無李白獨步更何疑

三

京兆田郎後堂堂更絕倫唐風如可采屬我素心

人田司馬晉人

附六言絕句

還家口占

歲暮他鄉愁寂還家梅蕊香生樹暗村煙不起樓

夢月巖詩集卷十九

古

虛山雪猶明

夢中作

丙辰夢中所得地名不知何屬

蓮子溪頭春水鵝兒湖口人家一帶垂楊碧草六

朝煙月生涯

夢月巖詩集卷十九

夢月巖詩集卷二十

新安呂履恒元素著

七言絕句

洛城聞笛

殘燈高館獨徘徊夜半城頭北斗迴隋苑月明三
百里笛聲何處忽飛來

汴河柳

汴水東流去不回春風猶向柳條催行人一望傷
春思莫上長堤漫折來

杏花山

抱璞子種杏處

夢月巖詩集卷二十

一

杏花山上杏花飛十里紅雲接翠微聞道葛仙勾
漏去丹成猶駕紫鸞歸

渭南二首

渭城楊柳漢時煙枝上寒鷗集暮天何處西風吹
畫角行人回首望秦川

又

一曲何戡久擅名千秋猶動旅人情慙慙更見秦
樓女絃管新翻薊北聲

灞橋

灞橋西望早秋寒楊柳毵毵折未殘平野連天山

色遠白雲還在舊長安

咸陽

何年秦鹿失咸陽書燼還生殿火光一帶秋煙寒
水外行人不道是阿房

兩河口前與雲曠別處

渙渙春流轉綠蘋扁舟從此各沾巾亂山青處秦
天盡不見江南愁殺人

懷張南士

繞朝一策贈臨岐馬首春山樹影移此日思君君
不見白蘋江上雁來時

夢月巖詩集卷二十

詠古三首

韓信臺前落日低白公城外子規啼春風日日吹
芳草不爲征人送馬蹄

又

白骨青燐入望悲定軍山下草離離髑髏萬級無
名姓擲獻轅門那得知

又

羌笛秦箏曲未調羞將營柳擬宮腰東風吹倦沙
場色無力重門鎖二喬

秦州詞

嘉陵江水向西流大散關南天正秋一夜猿啼楓
葉落征人十萬下秦州

棧中見月

萬壑千巖宿雨鳴空林落葉晚霜清誰知今夜山
深處立盡殘更看月明

石關

棧中

石關高勢與天通曲磴西行轉復東回首秦川天
外望不知身在亂雲中

新安道中送徐生同舍弟中行分韻得南
字

夢月巖詩集卷二十

三

沙村潦水落寒潭幾樹晴煙帶遠嵐客到臨岐無
一語仰看孤雁自歸南

洛陽雜詠十首

建春門外舊皇家避暑宮前響翠華四十年來人
不識春風吹徧野園花

二

元公遺廟暮秋時古木悲風向晚吹駐馬塵塗還
泣拜遺民新立尚書碑

先忠節罵賊死節處

三

召伯巡行有舊風欲尋遺蹟燧煙空那知南國甘

棠舍還望東周離黍宮

甘棠古根
廢於寇焚

四

武皇鑾輅去千秋嶽色蒼蒼御道留三柏將軍今
尚在當年李廣未封侯

五

漢陵春晚自生愁兒女新妝競此遊不見五雲松
際出日斜人散一孤邱

正月望日
里人遊此

六

鞏邑東來淨路塵子陵祠畔正芳春客星不與炎
灰滅一代流風賴故人

夢月巖詩集卷二十

四

七

河水金水凍晨裝太保殘碑指路傍千古孝情人
共說如何却喚晉王祥

八

不見潘郎擲果車還尋西宅問餘花春城日暮塵
飛處白馬紅裙入酒家

九

金谷園中萬馬嘶綠珠樓上數行啼可憐歌舞招
奴輩能使皇輿不再西

十

煙冷平泉憶舊莊園林爭重似門牆東都已改西
京破醒石依然夢贊皇

題傅公後書室

碧玉勾欄近綠苔崇蘭香動綺疏開坐看嵩嶽白
雲盡自有箕山明月來

孤墳二首

泉臺寂寂此爲家白石青苔舊路斜三尺孤墳殘
照裏春山開徧野棠花

又

淚滴空山濕斷雲清明煙火上新墳黃泉合在無

夢月巖詩集卷二十

五

聲處哭破蒼天總不聞

河北

游子宵征苦憶家洛陽翹首在天涯春殘河北銷
魂處一路風吹楊柳花

殷太師比干墓

碎首旋宮死即休林泉誰爲卜荒邱遺封忍頌周
王德還是商家土一杯

鷗園感舊

花落芳林藉錦茵重來韓重哭殘春東風曾與吹
環珮響出花間不見人

許由塚登封

青山頂上一孤邱俯視陶唐十二州偶使人間知
姓字遂教潁水沉清流

荆山

懷遠卽卞和采玉處有抱璞巖

玉蘊山輝自有期匹夫街壁罪何辭那知太璞元
來貴不在連城互易時

詠飛雉

麥隴青青振羽時兒童驚羨錦紛披幽棲原自多
文采不見高飛總不知

又

夢月巖詩集卷二十

六

泄泄雌雄各有期如臯博笑亦何爲君看淺草孤
飛影可憶商陵對泣時

讀史漫題

歌者平陽衛子夫天顏夜盼忽媚姝明朝群賀宮
門裏再拜何曾手一扶

甲寅奉母歸自漢中抵盤豆疾作後殺以

三月二日丁卯春復經其地適逢忌日愴

然有痛

秦山蜀水憶歸程十四年來旅夢驚日暮紅塵吹
血淚慈烏聲裏杜鵑聲

問鸛鵲樓蒲州

青錢欲盡典驕裘駐馬還尋鸛鵲樓一望平沙天
盡處斷山中湧大河流

詠白菊

藐姑仙子步霜晨玉佩瓊英無數新莫訝清秋少
顏色東籬原愛素心人

雨阻十里營

凌晨急雨蓄陂陀四野多風響灌河正是江南栽
稻候行人不敢怨滂沱

發雙澗

夢月巖詩集卷二十

七

山頭吐月四更殘水面生風六月寒夜半輕舟雙
澗發夢魂飛過幾峰巒

紅橋

綠柳紅欄水一方荷風吹入酒壚香莫教吹醒揚
州夢不得隨風到洛陽

玉勾斜

剪綵花間賜臂衣沉香火底奉恩輝春魂化作隋
宮燕還傍君王故壘飛

迷樓

今爲觀音閣雨後耕者往往金珠出焉

驚沙急雨出金虬白石青松士女游清磬一聲嚴

谷冷覺王宮是舊迷樓

秦淮

舊院春花落故邱新橋楊柳繫歸舟無情最是秦
淮水不識寒塘是御溝

毘陵

吳天雲散暮山頭林景高低出戍樓日落秋江悲
遠客毘陵城外一孤舟

惠山下松

石巖南畔見孤松風雨時鳴欲化龍不羨錫山花
萬樹春來先發最高峰

夢月巖詩集卷二十

八

千人石坐月

千人石上夜深時沽酒江樓酌與誰惟有秋山松
際月高懸清影照吟詩

千人石夜集詩

有序

已巳新秋僑居虎阜於十七夜初登千人
石上啜茗獨盡顧影行歌忽聞石畔高吟
使我林間側耳聆奇音於幽谷裂石穿雲
奏金律以清商驚秋落葉訊之則楊復菴
先生冢孫美東君也既成傾蓋之歡復慰
扶輪之願同游者十人互詢名字共脫形

骸於時松陰滿地明月在天載笑載言久

已青山移影一觴一詠不知白露沾衣劉

璉居水相鄰因而往酌延之隔籬有客應
爲息談顧以良會不常勝遊難再先投瓦

缶之音用博黃鍾之響率爾一言哀然五

首削氏錄而存之頗稱好事人生行吾樂
耳遑問其工所冀地北天南通應求於寤

寐登山臨水抒蒹葭之潮回云爾

良宵清梵遠依佈石上高吟冷翠微倦客自來林
下聽移時松露濕秋衣

夢月巖詩集卷二十

九

靈隱寺

山外聞鐘路不知石房煙火出林遲到門不敢登
高賦海日江潮舊有詩

發光

曉逐天光步石梯亂泉叢竹路猶迷北峰倒景西
湖裏回首錢塘日已低

西泠橋

西泠橋上最銷魂寒水秋山帶石痕柳岸停舟人
去後荷風吹雨又黃昏

桃葉渡

年年桃葉渡頭花開徧春風落水涯惟見桃花飛渡口不知桃葉是誰家

石頭城

石頭城下大江流萬古傷心蘆荻秋歸舟不敢重尋問恐說降旗在上頭

雨花臺

十里長干日落時蕭梁古寺草離離雨花臺迴休登望怕見臺城舊廢基

臺城

斷雲衰柳古城荒白馬青絲應壽陽多少江南亡

夢月巖詩集卷二十

十

國恨梁皇猶自歷年長

采蓮女

十五女兒初采蓮含羞如日帶朝煙輕舟蕩入花深處隔葉窺人不肯前

廣陵聞雁

廣陵霜夜雁聲歸月皎無雲星宿稀孤客乍聞燈影外起看庭院正南飛

重經龍門寺

石樓煙磴倚天開寒水聲中客再來深院疎鐘風過處刺桐花落禹王臺

漢宮詞

自照新妝百子池紅顏千古寄相思恐疑絕代皆虛飾不使黃金買畫師

漫題六首

夏諺商歌二代留仲尼刪定自成周文章絕際空前後初盛唐人異末流

二

白也飄然詩思高微詞托興似離騷三閭苗裔天才秀嶺南屈子可與青蓮代捉刀

三

夢月巖詩集卷二十

十一

秦風能大亦淒清白露蒼葭萬古情一自公安開

小苑今人不采舊菁英

秦風謂北地

四

佳卉名園森發盡餘芳小徑細還刪而今別有看花客獨上眉山頂上攀

五

漢魏遺音未易諧少陵長調絕優俳如何水部吟明月祇與唐初四子偕

信陽明月篇序意抑杜陵非是

六

漫興詩篇體自殊懷文抱質矩難踰從君跋扈江

湖裏曾見鯨魚鬚鬣無

贈王敬亭 用太白贈汪倫韻

王子攜樽送我行風吹門外馬嘶聲一杯更酌梅
花下雪裏寒香似爾情

寄舍弟

舊恨河梁蘇李歌新詩海嶠和羊何遙知對客高
吟處隴水聲中落葉多

歇鶴臺

緱山雲樹望中開古徑還留子晉臺聞道夜深笙
鶴度一聲飛過萬峰來

夢月巖詩集卷二十

十一

緱氏夜雨

馬首東來暗夕陽煙村草舍夜蒼蒼不知身在緱
山曲寒雨聲中夢故鄉

伊園曉涼分韻

三亭客子愛林扉日夕南園取醉歸昨夜白雲山
上宿曉風吹下濕征衣

飲武二智錫園兼悼乃公金子

林塘五月氣如秋十載琴樽憶舊遊倦客重來風
雨後高桐清淚爲君流

澗口夕望

澗口澄波浸白雲晚天新霽楚山分漁歌何處蘆
花滿隔岸西風送客聞

舟泊白湖鎮

日落沙汀飛鳥還輕舟盪漾水雲間松林黑處明
江火津吏徐迎出斷山

舟泊七磯岡

七磯岡頭停客舟三江渡口棹驚流一朝一暮頭
堪白不待蘆花飛素秋

登黃鵠山 武昌郡中

黃鵠山頭望楚城城中歌管雜松聲孤峰曉掛西

夢月巖詩集卷二十

十二

樓月還照長江萬里情

遠公橋小憩 橋在武昌寒溪寺側

惠遠橋邊坐夕陰解衣盤礴復行吟溪山雲月皆
相似不必廬峰頂上尋

暫止漢口許大潤生來自漢陽留別一首

大別山前日半輪漢陽城外水平津孤帆遙在江
樓望直到門前是故人

宿虞來東園感舊

黃花和露卧蒼苔三徑依然客再來猶似當年重
九醉石臺霜淨晚香開

寧鄉雜紀五首

城市山林此地兼
庭虛吏靜鳥鳴檐
一聲雲磬衙旋放
猶見松陰入曉簾

二

處處青松樹樹花
每辭車蓋到田家
偶逢饁餉因嘗旨
燕麥乾澆柳葉茶

三

老農寒夜語中男
雪滿山巖鹿飲潭
殢此明朝堂上獻
乃公厨饌少肥甘

四

夢月巖詩集卷二十

古

春晝長時季女飢
飛蓬如首幾絲衣
可憐荒歲桃花下
家室何人之子歸

前歲荒民多鬻女者

五

山田高下井難成
萬木林中鑿石耕
夜半虎來茅宇卧
兒童敲火聽牛鳴

清明後七日問柳

每到清明似麴塵
如今條葉未更新
寒風日夜吹南陌
二月山城不見春

春日懷浦大雲曠三首

燕山驛使報平安
曾寄梅花不忍看
今日懷君高

卧處滿庭香雪夢中寒

又

千里佳期命駕遲
春江花月賦新詩
那知絕塞相思苦
雪打寒窗獨卧時

又

西秦歸去幾經秋
東魯相逢未白頭
一夕春愁生兩鬢
却疑霜早怨并州

訪胡徵君季子適山翁要看牡丹於張村
不遇留題寄意二首

聞道花中此是王
祇今零落失天香
尚留別院司

夢月巖詩集卷二十

十五

花女白首空山對舊妝

又

天寶年間植玉蘭
沉香亭北數株殘
題詩欲寄清平調
只恐傷春不忍看

汾郡回復訪胡仍看花未返

再到巖扉問主人
花村猶自惜殘春
山童留我看松桂
石路雲深望不真

長信春詞

昭陽曉出翠華遲
御柳風開望見時
折得梨花還獨坐
玉窗潛誦白華詩

長信秋詞

碧梧聲墮玉階寒秋色偏宜靜處看却聽侍兒私語謬年前辭輦失君歡

文君

賣賦餘金酒漫酤憐君寒倚舊時爐曉窗攜手窺明鏡還似芙蓉臉際無

昭君

新妝貂錦出宮庭顧盼流光惜暫停自是玉顏憔悴久敢將圖畫怨丹青

桃葉

夢月巖詩集卷二十

六

桃葉渡江春思多與郎同唱渡江歌一聲風落無尋處花外遊人奈若何

黑岐廢村有復業者喜賦二首

數椽茅屋萬松間一帶新疇是故山慚媿鷄衣和淚說餘生今為使君還

又

山菌新鮮獻乃公草間長跪捧筠籠憐渠雨嶠霜林裏念我清齋孤署中

寄天竺敦甫兩弟

離石歸來依舊貧長安珠桂又經春妻孥此日知

何似莫製征衣寄遠人

寧鄉關

前代防邊重地今廢

寂寂春山花正開蒼蒼石壁滿生苔君看一帶黃雲裏曾駐防秋萬騎來

又

西北浮雲絕塞連於今古戍靜烽煙莫輕一片韓陵石還記中原戰伐年

野寺

天畔蒼崖偃暮花澗邊紅葉似明霞雲深徑絕逢僧引笑指山坳是我家

夢月巖詩集卷二十

七

首

將之京道經趙村未得展胡季子留別三隱君茅宇結前山石磴高寒不可攀傳語山童休掃徑恐驚猿鶴避塵顏

又

白雲高處絕紅塵冰雪巖中自在身不是桃花春水泛漁人難問武陵津

又

黯澹銷魂復此遊行年方壯髻先秋駐顏不用求丹藥祇買蓴鱸一葉舟

代鬻松樹子客答買者

屈節盤根已有心
野人生意藉青陰
朱門莫種閒花草
他日風霜恐不禁

又

總使爲龍未可期
好從巖谷長虬枝
伊家原是清寒物
偶值春風一轉移

河北春三首

河北春深花半開
河南花落滿蒼苔
三春車馬無休日
兩度花開遞看來

又

夢月巖詩集卷二十

六

春愁脉脉被花惱
春日遲遲宜柳眠
花柳於人無賴甚
長安爭奈看年年

又

京洛煌煌無限春
相逢盡是看花人
不知花樹開多少
飛去還同陌上塵

通州城南觀藕花三首

戊寅作

城南秋水浩無涯
欸乃輕舟日易斜
欲到孤亭最高處
香深無路出荷花

又

板橋搖動行有聲
石堤澄澈秋溪明
名園別有芙蓉

藻色妬殺寒塘並蒂生

是日遊女如雲

又

柳岸風吹夕照開
清波隱隱見樓臺
玉簫聞響不知處
却繞荷香煙際來

將至湯山次韻口占

清溪擬泛紫霞杯
班馬嘶風畏景催
温室不知行遠近
暮山青處雁聲回

白羊城

白羊城外月如弓
弓煞塞笳聲起夜
風聞道秋來霜雪苦
鐵衣獨卧夢闌中

夢月巖詩集卷二十

九

居庸關戍歌

萬仞山開一線天
年年斥堠過山前
登高一望腸堪斷
家在黃雲落日邊

又

塞馬秋高散谷川
羽林十萬盡歸田
曾過弱水流沙外
更到扶桑出日邊

贈李四牧癡二首

於今誰是濟川才
七載臨邛獨往迴
聞道花城千萬戶
使君初到是蒿萊

李嵩字蒲江不以家累自勵力稱貧爲民吉蓋萬厦

又

籬外有人應息談與牧癡寫止間一難閒中沽酒更相探醉來

獨語黃花側與爾經霜苦亦甘

蕭寺夢浦大雲曠三首

寒夜沉沉送客還清香縹緲接諸天夢回不見高人跡月在霜鐘曉寺前

又

聞君避地一家村白首相思感夢魂夜半分明語石徑疎松隔水見柴門

又

洞庭橘實知難寄鄧尉梅花似共探夢裏不知蕭

夢月巖詩集卷二十

辛

寺狹春山望盡大江南

問梅

小院牆東久種梅臘殘應有數枝開東風一夜吹春雪却上燕山客髻來

問竹

西園栽竹已成竿春筍初抽可薦盤忽憶十年池上飲翠陰初浸水光寒

寺寓除夕

僧定鐘殘欲嚮晨龍宮香燭鳳城春夜來方丈燈如月獨照長安逆旅人

喜許大潤生書至

漢陽一別五經秋霜落燕山白滿頭夜半書來人未起小窗寒雨夢孤舟

夢哭殤女墓

夢到荒村落日黃茫茫沙路獨徬徨天桃花落孤墳外老眼空山哭斷香

秋扇寄顧見南

新製齊紈韜且輕擎來秋月倍分明煩君珍重藏經笥不比春風汎愛情

書孟孝婦傳後

孝婦先父之舅母也先母述其節孝命履為之傳

夢月巖詩集卷二十

壬

青松白石一殘碑誰寫千秋絕妙辭曾記慈闈長太息滿山冰雪夜深時

感舊五首

少年游息幾人同高樹閒園似夢中忍見頽垣秋雨後草生深院費煙空

李師北園昔肄業其中

二

山柳青青類古松時來徙倚望遙峰高山猶是龍門峻不見當年杖屨蹤

三

昆弟相隨葬土泥幾人執紼送山溪年來重到橫

經處兩世相依並寡妻

師二子及長媳以疫歿浮葬其後師母與次媳相依

四

二三孤子未同居斷井沙填雨後渠猶記風前朱
果落群雛爭奉寫衣裾

師二子生數孫

五

便便腹笥已安棲夜叩柴關問甕釐此日尚艱謀
食計築場無力望空啼

子兄弟夜每不嫌數求師母作義策師以謀道不謀食命題

早至永定門

天涯鴻雁自南征古寺清霜滿北平忽憶故山松
響處雪消枝上落春聲

夢月巖詩集卷二十

圭

望西山有懷張星臣使君

西山宿雨湛朝暉遠目隨風入翠微遙識故人香
座冷緇塵不逐縣花飛

聞雁

清秋遙夜淨無雲月皎中庭過雁群何處高樓瑤
瑟靜一聲還向夢中聞

蘭江驛

澧州

古隸草色夕還碧野塘藕花朝自紅題詩自愛蘭
江驛敢爲騷人續楚風

同嘉升溪坐

日下青山天宇空與君溪畔坐松風不知明月生
衣上祇訝清光映水中

武陵

源水叢花孰問津碧山雲裏自芳春避秦不屬神
仙蹟自是羲皇以上人

代送遠

目送青驄過錦隄中門掩袂入空閨自憐不及行
塵速是處隨風傍馬蹄

答送遠

相送中門淚欲揮將書千里羨塵飛那知客夢隨

夢月巖詩集卷二十

圭

潮去不待春屛逐雁歸

龍泉橋觀瀑布

龍泉橋外馬牙關瀑布水聲中客往還昨夜新添巖
上雨曉來清響滿空山

辰溪

縣郭南

辰溪秋水碧於天一棹南來使客船崖上花香深
不見西風吹過柁樓前

文德關

鎮遠南舊名油榨關

鑿石爲梯萬仞餘高天仰睇一欹歔當年蜀道虛
稱險容得相如駟馬車

三板橋

普安州西南二十里有石梁曰三板水通
盤江湍飛響激駭馬驚人黔山皆濯濯滌
滌有麗無秀至此則綠野青松漫川彌谷
清猿黃麕引類傳聲景觀雲恬殊有勝致
普安西去石梁東路入松雲一氣中征客不知腸
斷處孤猿峽裏叫秋風

月夜懷京師諸君子

水靜山空望遠天五雲多處幾華筵那知一片長
安月還照孤蓬獨夜眠

夢月巖詩集卷二十

五

重經武勝關有感

當年款段入重關山木青青髻未斑投筆歸來霜
雪裏白頭却羨王門還

又

楚豫中分一線通霜高木落萬山空行雲不倩關
門鎖吹盡蘭臺一夜風

秋夜待友人不至

經月不逢清士飲籃輿相訪少城東燈花落盡砧
杵歇一樹秋陰叫晚蟲

詣張書登復詠近作

步履相求不厭頻行行曲巷總無塵西風忽向秋

林出金石聲傳抱膝人

九日健夫索酒後六日始克致之因東一
首

今日一樽裁寄去幾時三徑得重來長安多少緇
塵客誰向黃花笑口開

南鄰桃樹

南鄰桃樹影敲斜幾片飛來似錦霞前日花間沈
醉處小紅初放兩三花

紀夢

辛卯三月廿二夜夢神人授予白雲謠擊子岳而歌其聲
過雲子拜而聆之其辭曰白雲出岫何悠悠朝至帝鄉夕

夢月巖詩集卷二十

五

滄洲吾謂白雲何所
求終焉乘氣歸山即

夢有仙人箕踞坐長歌授我白雲謠一聲響徹丹
霄上萬仞青山欲動搖

十三山

廣寧

茅檐隱見十三山石骨穿雲帶雨斑今夜大凌河
畔月高高還掛數峰間

四月朔日出錦郡

紫金山下錦川流萬里風雲一望收今日輕裝東
就道柳陰疎處杏花稠

衆會寺

今將廢

青山寂寂勢孤騫
倒景苔階上斷垣
曾說當年車馬客
遠從雲外望高旛

飲維德堂因贈

白髮丹顏鶴氅衣
百年身事付漁磯
茅堂松徑無煙火
惟有閒雲到石扉

清流關見早梅

清流山上絕氛埃
正是滁陽春色來
二十五年重過此
白頭還見早梅開

九松山

九松山上起濤聲
石徑蒼蒼月影橫
夜半停車問前路
滿空寒翠一鐘鳴

夢月巖詩集卷二十

壬

前路滿空寒翠一鐘鳴

丁酉九日懷沈方舟

三徑黃花寂寞開
懷人依舊獨登臺
向南一望山無限
惟見長亭返照來

又

寤言獨寐思悠悠
愁眼看花不是秋
底怪蒹葭摧折後
更將寒影倚清流

望西山三首

清霜紅樹滿西山
秋色依然指顧間
我欲乘風奮飛去
高高雲際叩仙關

又

咫尺仙居未易逢
寒宵明月出芙蓉
清光一片盈懷袖
知在雲山第幾重

又

朝來冷翠入窻流
正是遙峰宿雨收
慙愧年年邀侶伴
並無一騎到林邱

漫興

雪積千山似玉京
燈前霜鬢倍分明
人間自有瓊田草
莫問升天白石生

戊戌除夕

夢月巖詩集卷二十

壬

悠悠除夕客愁生
耿耿繁星似火城
倚杖還來瞻北斗
萬山松雪入窻明

夢月巖詩集卷二十

夢月巖詩餘

新安呂履恒元素著

念奴嬌

對雪 和雲曠

六花飄處似殘梅冷絮漫空拋擲簾幙重重朝睡
起乍捲尚愁寒劇酒市收帘漁舟泊岸風靜渾無
力山林如畫晚鴉千點初集 卻喜良會今辰高
吟此室共作天涯客極目江東煙水際萬里同雲
一色玉宇生寒銀城砌凍斗酒隨朝夕南枝有意
早傳春到消息

夢月巖詩餘

一

題普救寺 蒲州

蒲東蕭寺真箇是萬古銷魂之地斷碣荒煙磨滅
盡一代貞元文字綠樹天涯紅塵古道去去人千
里山川依舊暗銷多少情淚 却想名士傾城才
難不偶幾許成佳配已矣微之誠薄倖始亂還成
終棄錦瑟淒涼玉環珍重此義同生死負心如是
枉稱千古才子

中秋感懷

綠煙滅盡東望處湧出一輪寒玉髣髴素娥寒翠
袖斜倚闌干幾曲丹樹光中金波影裏凝睇將人

矚似顰如怨欲言還自羞縮 試問渺渺天涯迢
迢海嶠頃刻能飛逐底事窮檐偏慘澹只照綺筵
華屋免自長生蟾應不沒好夢何由續再三不應
影移窻外修竹

題秣陵春傳奇

六朝如夢誰解道野老江頭歌哭海思雲愁還寄
托舊部霓裳法曲瑤水筵前翠微宮裏風世仙緣
卜非空非色箇中人自如玉 爭奈身作虛舟心
同明鏡形影交相逐劫火雖燒蓮性在不怕罡風
顛撲撥盡鴟絃撾殘羯鼓淚斷聲難續曲終人遠

夢月巖詩餘

二

數峰江上猶綠

浪淘沙

夏夕

斜日影窺園綠樹東偏波光搖破晚雲天籬外砧
聲驚夢起何處新蟬 村落好幽閒柳院柴關餘
風猶飈酒旗間樵牧前郊歸去也誰管青山

天仙子

憶夢

雪滿寒塘煙滿樹函關立馬聽雞度斷橋荒戍少
人行山無數日將暮征人揜袂休回顧 難可追

尋泉下路似曾相識魂來去依前思省不分明人
如霧情如露雲飛雨散知何處

鷓鴣天

青要山堂自述四闕

青要山中白日長主人朝夕自徜徉平明送月歸
松壑薄暮留雲宿草堂 桃竹杖芰荷裳等閒乘
興過平岡無端忽憶牛山語說與樵夫笑一場

又

青要山中鴻雁飛主人高卧閑柴扉偶題林葉霜
盈掬爲采秋英露濕衣 書讀罷客來稀一杯濁

夢月巖詩餘

三

酒對斜暉休將勲業看明鏡且較陰晴坐翠微

又

青要山頭煙霧重主人清興在初冬閒栽籬下留
秧菊倦倚巖前落子松 尋曲徑倚孤筇雪中時
露兩三峰歸來蓬蓽人如蜩還說江湖氣似龍

又

青要山峰峰最奇主人行樂四時宜倦游南北東
西路好詠風花雪月詞 今已矣欲何之蒼生未
必與吾期偶然覓得清新句自有厨邊老嫗知

滿江紅

漫興

碌碌浮生問人世百年有幾惟智者乘流遇坎時
行時止威鳳天邊舒羽翼神龍雲際藏頭尾算從
來困倒幾英雄無能耳 也不願拖青紫也不願
詒孫子但粗衣淡飯稱家而已朝望高峰紅日上
暮看流水青雲起縱今生暮景或飛騰寧爲此

祝英臺近

閨情

杏花天桃葉渡春色滿南浦記得年時舉酒對花
雨畫簾曉映清江同心攜手共凝望闌干憑處

夢月巖詩餘

四

爲何故竟把花下歸期經年又耽誤還上重樓悄
向晚風語怪他不解留人春時多住算只會送將
舟去

賀新郎

七夕

靈鵲傳聲早正新秋微雲疎雨絳河縹緲天上人
間同此夕別恨知爭多少但兒女流傳談笑暮暮
朝朝春夢短羨天長地久雙星照誰似此別離好
年年枉乞天孫巧問千金良宵一刻工夫怎討
鵲巧翻輸鳩計拙世事茫茫難料憑造化小兒顛

倒學弄七襄機杼盡奈目迷五色身將老聊一醉
散懷抱

虞美人

題畫水墨虞美人草

虞兮魂化原頭草遺恨知多少絳英和露韞東風
恰似夜深紅淚楚軍中丹青欲寫春風面不忍
傳哀怨故將雲水擬仙姿莫使漢宮粉黛妬蛾眉

沁園春

武昌端午

和許元方

柳外鳴蜩花間啼鴂又是端陽見虎符紛戴城中

夢月巖詩餘

五

兒女龍舟競渡江上帆檣地臘良辰天涯遺俗作
戲逢場總不妨拚永日朝遊荷渚暮浴蘭湯閒
堂共勸飛觴看檻外榴紅抵艷妝問一樽黃酒驅
邪何驗幾條綵索續命誰長艾積三年蒲尋九節
服藥求仙亦渺茫何須較田文門戶屈子詞章

應天長

秋思

玉繩星轉銀漢影斜流光暗中偷度清瘦三分徙
倚深更怕風露蘋煙俯梧月吐打疊起別離情緒
問西風送得秋來箇人何處好夢自來去長夜

還醒翻較不眠苦縱有歸期難記殷殷共伊訴裙
猶在痕可數也爭道漫無憑據悔當時恁地相關
被他輕覷

十二時

秋夕

晚煙開半窗涼月風露淒其如此漸著體輕衫堪
試總是多愁少睡草徑吟蛩蘆汀過雁任此時轟
起更漏遠敲枕還聞助我斷腸無限詩情難擬
驀地思當時一見便爾輸心合意不是有情東鄰
舊侶爭肯輕窺視覲面時轉惱相憐却在暗裏

夢月巖詩餘

六

天有心做成牽絆石上三生重會又作天涯浮雲
遊子強半辜鴛被只到今賺得流乾眼中清淚

滿路花

秋思

金風動地來玉塞遙天接夢回燈燼後魂驚怯清
霜滿院響墜梧桐葉曉窻忘盥櫛小婢相催菊花
笑指堪折征人何處萬里音塵絕關山應望見
秦樓月知他也自記憶言詞切爭共同儕說不願
封侯但歸恁地歡悅

鳳凰臺上憶吹簫

雨夜感懷

殘雨鐘聲曉風雞唱和衣支枕無眠念三千旦外
二十年前安坐南柯舊郡誰知是夢裏姻緣難消
受無情歲月有恨山川堪憐般般情緒更點點
啼痕寸寸腸牽望鳳樓明月鶴市寒煙縹渺三山
雲海誰願作寂寞神仙惟看取妝臺舊鏡夜夜還
圓

蝶戀花

綠陰

冉冉輕陰初著袂透戶穿簾几案旋生翠一隙斜

夢月巖詩餘

七

陽還照地風來金碧都搖碎遠影依稀村徑細
更帶山光一色天無際芳草王孫春去矣聞嘶何
處青驄繫

紅影

織錦天孫臨玉砌碎剪明霞亂擲晨光內欲把春
風嬌面繪近前生暈渾如醉何處高樓斜倚袂
素手相招過眼還成淚被浪空翻寒不睡妝成脉
脉愁相對

秋思

錦樹搖空霜徧野一片秋容誰向千山寫日落前

谿人去也丹崖寂寂寒聲打歲歲秋來人共者
宋玉何悲此意應非假覓句白雲黃葉下斷腸羸
得情瀟灑

春夜聞笛

良夜沉沉眠不得簾外風清月到中庭白風月無
邊春有色誰家弄笛高樓側新翠欲攀楊柳陌
落盡梅花何處香堪摘多少長安羈旅客一時回
首情蕭瑟

上元旅夜

寂寂雲房鐘鼓歇孤館疎燈也過元宵節自有寒
光生積雪長安萬戶同明月何處笙歌聲切切
乍逐東風入耳終難熱火樹銀花光未滅小窻夢
破雞聲咽

夢月巖詩餘

八

夢月巖詩餘



夢月巖詩集二十卷

浙江巡撫
採進本

國朝呂履恒撰履恒字元素號坦菴河南新安人康熙甲戌進士官至戶部侍郎此集乃雍正乙巳其姪續曾等校刊詩以體分未附詩餘二十四首前有凡例稱其詩或經歲一改或一月數改如洛陽秋思河上寓目詩之領聯嫌其調近七子輒加竄易金陵襍感之結句嫌其涉於怒罵亦復易之又稱

盛朝詩選載其秦中懷古詩洛陽秋思詩懷公毅詩字句皆有所竄亂今悉從原本云云或刊板時有所點定歟

冶古堂文集五卷

〔清〕呂履恆撰

安徽省圖書館藏清乾隆十五年呂憲曾刻本

附《四庫全書總目·冶古堂文集五卷》提要

叙

文章與政事相表裏者也不通於典謨風雅官禮
治化之書則雕鐫句字取青婉白其失也華而不
實依傍言詮拘牽樸遯其失也腐而無用二者交
譏其失一而已矣文之有實用者根於心研於理
綜核於事物近而能遠約而能廣微而能顯是故
其人之政事由文章出焉而其文章之傳於天下
後世也不後於政事吾師坦菴先生起家文章而
以政事顯其立朝大節當世士大夫能言之舊刻
詩文凡數種其藏於家未刻者三十餘卷諸嗣君
於先生沒後繕錄排纂郵函御龍命之序嗚呼御
龍何足以叙先生之文哉顧嘗竊聞先生之教矣
先生歷官卿貳每侍坐則言宰寧鄉時事曰爲政
莫先於親民民情得即宰天下視此矣宋制設六
曹於州縣至今踵而行之有以也又言讀西山大
學衍義不可不讀瓊山衍義補非補其缺所以發
其藏也不得其藏則疎於論事爲同甫一輩人所
笑即文章無能盡變又勿論涖民矣嗚呼此可以
窺先生緒論之所歸矣先生自幼博極羣書爲文
灑灑數千言立就尤耽於詩當未第時薄游南北

覽其風土交其人士一篇脫蒙和與辯證不憚往復丹黃點易錯出行間見者咸嘆通懷友善至於此極宜其詩文格律淹雅宏博每變益上而不知其收效非常占此矣昔者聖門分列四科各目所長非謂能文學者遂闕於政事也韓子謂沈潛乎訓義反覆乎句讀礱磨乎事業而發奮乎文章歐陽子謂學者一溺於文往往至棄百事不關於心以爲深戒知二子所得力即先生可知也先生藏稿甚多集中所存僅什之三四皆手自刪定舊刻小帙曰治古堂文集今仍其名夫集衆有而共成之莫如治然則先生之陶冶乎古人者不既多乎哉受業歛縣程御龍謹撰

叙

漢得讀吾師文久矣往諸生時讀吾師九河劉訓夫傳愛之以爲類古人所爲恨未多見也嗣聞吾師主滇試懸知必合已而果然自謂得縱觀著述而吾師所刊治古堂集又厘八九首癸巳入都來得日從吾師遊因請觀吾師著述之富乃手授寫本一冊退而卒讀約四十餘首且誦且錄饑渴之私蓋十年於此而小饜飫矣由是請觀全集計五冊約四倍於前漢捧攜入私第焚膏繼晷徹一夜竟讀之而又三復之可謂饜飫之極矣今夫人中有所好必思足乎其好如饑之甘食渴之甘飲飲食又各充乎其量之所極而後爲大快適也吾師之文吾好之一見而即饑渴之必盡求其文而饜飫之天下之大豈更無好吾師之文一見而即饜飫之必盡求其文而饜飫之者乎夫欲盡出其文盡天下饜飫之人而饜飫之則以不律傳寫爲艱必梓行之爲利而文未及行而吾師歿矣嗚呼人生立言爲三不朽之一即其人與其骨俱朽名固無恙彼富若貴並與其人俱盡如塵土者耳吾師雖不汲汲於身後名而表而章之其人具在則

豈非後起之責人子繼述之義與門弟子淵源之緒乎而行之海內久而論定讀其文想見其人則又天下之公義而非父子師弟一二人之私議矣漢猶記在都時吾師樂與漢言詩且及古文漢以所爲南軒家祠記請定吾師喜謂漢曰疏通質直是良文之文僕初閱意未大快及細繹脈絡既精且貫是知文之正者必不庸庸者必非正也世有好奇者曷告之以吾言嗣是論著輒衷吾師而文亦駁駁近古吾師歿漢之文遂不復進矣竊讀吾師遺文三致慨焉受業石屏張漢謹撰

治古堂文集卷首序

四

鑒定

長洲沈德潛確士

晉江陳萬策對初

大興王源崑繩

評選

淳安方榮如文翰

石屏張漢月槎

參閱

中牟冉觀祖永光

澤州陳廷敬說巖

治古堂文集卷首姓氏

五

桐城方苞靈臯

嵩縣屈必達鳳山

陽城田從典克五

偃師張燠曉生

汾陽胡庭季子

膠州宋雲會沛蒼

儀封周柴伯章

襄城李來章禮山

夏邑彭嘉屏青原

新安陳佩行度

寧鄉王文清九谿

永城李汝霖雨蒼

夏邑彭樹葵觀之

新安孟文恒貞甫

海寧陸宗楷鳧川

洛陽張雄圖勵山

封邱李承紱方來

錢塘沈用濟方舟

蘭州王綬誠亭

洛陽郭岱鎮青州

睢州吳元統肩虞	蘭陽王秉鑑澄波
洛陽袁良謀叔文	江華張立澍天淑
江華雷光地樹平	海寧楊鼎正心延
寶山沈步青桐君	江華蕭天祚誕生
華容白石燦西疇	舅氏王無愆季平
新安王夢麟瑞紱	江寧吳起昆宥函
建水田國珍徵士	江都許邈中允執
桐城張廷璐寶臣	江寧朱道新淨私
漢陽任蘭枝香谷	歙縣程御龍在田
長白尹繼善元長	長洲李錦綱文
治古堂文集卷首 姓氏	
桐城張廷琛桓臣	蘭陵渾源濟哲長
無錫陶正中未堂	高平趙鴻猷爾嘉
通海趙城巨輿	大興劉朝宗向若
門人凌燾約銘	宜興儲大文六雅
高郵夏之芳荔園	忻州周繼殷西侯
族人師濂守齋	胞兄賁恒素園
編校	
族弟先陟溯伊	從弟益恒時菴
胞弟謙恒天益	胞弟復恒敦甫
河甥楊方泰子健	洛甥董萬山石林

新甥李友悌義存	洛甥郭泳仲涵
孟壻李文柯書菴	津壻朱開泰寅菴
洛壻何兆湛幼菴	姪繼會緒會繼會
	姪承會光會統會
	姪耀會灋會綰會
	姪循會仰會奕會
	男憲會宣會守會
	姪祖高從高肅高
	孫公遷公澤公望
	孫公輔公路公溥
治古堂文集卷首 子	
	七
	孫公滋繼孫公詒
	姪會孫燕徵秩官
	會嗣文嗣正嗣穆
	會嗣靖嗣孝嗣渭
	會嗣晉嗣尚嗣端
	會末官象決三崇

治古堂文集總目

卷一

論八

表一

傳八

解一

記十七

卷二

序上四十六

卷三

序下二十二

說一

題跋六

文十二

卷四

誌銘二十二

誄辭九

卷五

墓表三

行狀五

治古堂文集卷目總目

八

書十八

像贊四

附刻

公牘五

以上五卷共計文一百九十二篇

治古堂文集卷目總目

九

治古堂文集題目

卷之一

論

教統論上

教統論下

信陵君論

蘭相如論

魯肅論

聖人不凝滯於物論

物役論

治古堂文集卷一 題目

寧鄉志風俗論

表

寧鄉沿革世表

傳

李舍人小傳

陳孝廉傳

龐貞文先生傳

中大夫劉公傳

張叔張先生傳

陳丹亭傳

孟考婦傳

叔祖母楚太君家傳

解

固窮解

記

青要山石鵲記

古褒城記

澄清亭記

重修養濟院記

質二爵記

治古堂文集卷一 題目

義鹿記

郭中丞祠堂記

重修寧鄉縣學記

重修新安縣學碑記

崔蓮翁先生畫像記

山居圖記

遊峴山記

大魚溪記

望水亭觀瀑記

陽城三鄉賢碑記

永熙寺茶亭碑記
青要山石鵲後記


治古堂文集卷下 題月

三

治古堂文集

教統論上

新安呂履



三代而上教統自天子出也上無異道下無異學
九黎苗民之惑衆誅竄並行絕地天通使天下回
心定志知鬼神不敢干天子之權是故教行而統
尊及周之衰穆王始有侈心言神怪者或托焉其
後老莊公孫鄒子之徒遞倡異說以亂天下此二
氏之權輿也自漢文好黃老明帝興浮屠歷唐宋
元明天下靡然從之雖有哲后賢臣而訖無至治
於是釋老儼然僭天子之教統參而爲三使夫王
公大人下逮愚夫婦之倫摩頂踵而依歸之是尊
有二上大不敬而至無等堯舜禹湯文武之所必
誅而不以聽者也且夫天地之道貞夫一者也帝
王之教統於一者也一則治三則亂敬敷之旨體
嚴而用寬二帝三王之所以作君作師也彼將曰
我且爲帝王師而君不加貴豈不悖哉庖犧氏之
所畫堯舜以來相傳之意孔子所爲祖述而憲章
者六經也彼且萬其書而抗之六經之上噫是果
何說也天子之教天命之儒者之道帝王傳之是

故帝王者天之宗子儒者嫡裔之惟肖者也二氏則庶孽之悖德不才竊其家財以亡焉者也嫡裔之肖者足以正之而無其柄則奉天之宗子以招徠之格則收恤之否則威之攻之庶幾或返其家而易其心若猶未也則又賴嫡裔之賢且貴者若虞夏殷周之盛皇夔伊傳周召之爲臣刑明而教立經正而民興二氏者復何能爲哉梁武宋徽諸君之明效可觀已意者其臣實甚楚王英首學浮屠被禍最烈崔浩崇道教而誅沙門不平也傷天地之和宜有陰翫非滅佛之報也唐之傳奕元字

冷古堂文集卷十論

五

木魯狎拜住等其獨立不懼者乎敬其君以敬天是謂帝臣不則大亂之道也雖然春秋之義責首惡而戒始旣漢唐氏之子孫其祖若父教之也使光武不信圖讖之文則榆櫨不入於洛陽貞觀不集聖教之書則佛骨不迎於法門興國無黃白術之問徽宗何由惑於靈素洪武勿遣高僧侍諸王靖難之兵何從而入金川嗚呼父遺子而臣師君無二法也天子君而君子民無二本也聖人在上知天地之愛民無使失性詔天下剃度者罪厥父母歸其徒於農伍以足兵食於是乎教立而道明

統出自天子而三代可復矣

敬敷五教崇官董之而典倫攸叙必歸功於帝德此教統於一尊之義也得呂服巨手人胡源窮委反覆推明可當千秋寶鑑

李誦齋

義正詞暢當與原道本論相爲表裏。天子之教一段本西銘說來方有源頭春秋之義一段爲作俑者頂門下針覆車之轍更可爲鑑皆是作者獨出手眼處

李禮山

歐公本論以正勝邪是固元氣夫子此論因病求源是責醫師二說相爲表裏而有良醫斯有

冷古堂文集卷一論

六

良藥則此論尤爲扼要矣

受業吳敬昆識

教統論下

惟聖人與天地準故仲尼傳帝王之道而教之統以一教也者因人之性而有事者也性命於天而生於心理與氣俱焉氣以生人理則其所以生者氣二而理一一乘二二妙於一孔子所謂相近太極所乘之機也孟子所謂性善陰陽本然之妙也是故教以復性性復而道明聖人所以參天而兩地臣無二君子無二父一本故也天之牖民樹畜王君公承以大夫師長等級分明而天子加焉子之事父廣愛而合敬諸父諸舅無超遺焉而後仁

冷古堂文集卷一論

七

民以及物是故理一而分殊孔孟既遠揚墨一變爲黃老再變爲佛氏說者謂道竊之儒釋竊之道不知皆世儒倒授之柄而自撤其閑衛也性惡之說既昧乎生人之大原而區爲三品且岐太極陰陽而異之至有謂聖人教人性非所先者嗚呼是何言與使教無事性必人無是性而後可也人而無性子何以父其父臣何以君其君泛泛然自軼於兩間之外而與其君親適相值也有是理耶道之竊儒自易而爲元是攘羊之類也釋之竊道自元而爲空是胠篋之盜也害未甚也惟儒名而墨

行者倒授之柄而張其勢彼始一無所顧忌譬之

魯招外盜其陪臣竊寶玉而亡或斬關焉是則大盜而已矣道流而下假傳符籙間或知所鄙釋職而上高談性命且甘與之昵是故佛之害尤甚於老老聃周史也孔子嘗問禮焉猶龍之嘆亦吾徒自爲壽張耳至於佛吾不知其有焉否也惜曰有之第可勝貪殘而教於其國惡能易天下哉聖人在上而教化行其徒可散其性可復也若夫學者亦定性以明道而已與子言孝慈悲非父也與臣言忠世尊非尊也理御氣則太極具善移惡則陰

冷古堂文集卷一論

八

陽和無聲無臭而萬物備何思何慮而五性平同者不泯而異者不偏主靜存誠以求夫所受之中日孜孜焉折衷於孔孟周程之說而若不足也其又遑及乎他也

教之在下者自孔子始其大旨只在明道諸弟子得其言而尋繹之所以有言心不言性言性不言心之書至孟子而並指以心性仁義此謨理家所共見者也第以之立論則謂之文矣文無氣則不暢氣不折則不靈盲左多多首只得一折字蘇韓大大段只得一氣字秦漢之文雖

腴而不及左者以其折之不靈也唐宋之文雖博而不及左者以其氣之過勝也今得名文快讀一過有蕪穢之氣而育左之腴折存焉此讀是文者亦當於行氣處用氣讀行折處用折讀庶得作者苦心 李叔齊

上篇責成君相此更直溯本源一氣卷舒所謂搏棘刺如搏絮也筆力之勁直逼古人 即愚庵

信陵君論 續唐荆川

昔孔子之作春秋也立法嚴而責人則恕嚴則有誅心之法所謂人臣無將將則誅焉者也恕則有原心之論所謂有道順命無道衡命者也以故善善長而惡惡短所善者益勸而所惡者亦得有辭焉以自解於天下後世信陵君之救趙却秦也其功罪不相掩然而功浮於罪其心有可原而無可誅者也唐荆川以誅心之例責其無王不能死諫又謂其救趙者獨以平原君故非為魏與六國信是說也則是三仁之論孔子祇得之於比干而失

之於箕微而春秋之義責在大夫凡有可以利國家安社稷者舉無可專矣能無失事機而遺其憂於君父乎哉且夫信陵非畏死而不能強諫者也安釐王嘗欲與秦共伐韓公子無忌以近秦之禍為王及覆危言之且曰入朝為臣不久夫韓非平原親戚比也無忌又何所為而犯顏強諫若此哉為魏故也今也秦圍邯鄲經歷三時趙危若累卵而魏有震鄰之憂平原君數遺魏王與信陵書賓客辯士說王萬端度終不能得之於王將以客赴秦軍死等死也信陵又何所畏而不以諫死耶今

有富人子聞鄰有盜將及我其父方寐而未覺起而逐之並扶其僕之不逐者是豈可以不告其父爲罪與魏王之畏秦而苟安猶寐也脫諛死而王卒不悟趙亡而魏且隨之此固公子之所熟計而決其無益者也於是乎用侯生之計矯殺晉鄙奪其軍以進而秦却而趙存矣夫豈不知矯殺之爲罪乎顧念却秦存趙而因以存魏之爲功大也是以身冒夫不韙而弗辭此孔子所謂觀過知仁者與吾觀春秋之法凡書救者皆善之惟救而書次則惡之以示貶晉鄙以嘆嗾宿將帥師次鄴趙

治古堂文集卷一論

十一

趙而不進而又借口王命坐昧閭外專制之義此固春秋之法所謂罪累上而必誅者也仁夫公子猶泣下而爲之惜耶吾嘗論信陵爲人蓋仁而智者也仁則不忍負國以坐視其危智則不必於死而期於濟事其忠也以才掩而其功終不以罪掩心有可原而無可誅者也朱子修綱目兩書公子不使絕於魏誠得春秋恕人之指也夫

理醇氣厚侃侃正論中復饒有餘度

梁質人

秦至春秋勢已強大而不能爲患於中原者以晉人之扼其吭耳三晉之分是周秦一大關節

故通鑑綱目之作皆從此始然三晉雖分而能互爲挾援大勢尚可支持此信陵却秦救趙之功所以浮於其罪乎是論眼界大持議確筆力老深得作通鑑與綱目之旨李季平

信陵救趙千古豪舉錄其功而原其罪是宣尼取管仲微旨至其筆力健拔尤爲有德有言之

徵受業吳啟昆識

治古堂文集卷一論

十一

蘭相如論續王元美

蘭相如之完璧論者多奇其功君子曰秦以城給趙趙以璧欺秦二國之相為讓也秦無足責而相如危甚與其璧出而終完則如其始之勿予而已矣其勿予之奈何璧也者趙之守器也璧假許田春秋譏之韓宣子求玉環子產弗與况乎國之守器子孫受自先君與諸侯之分自天子者等重也哉或曰秦王既設九賓齋而受璧勢將按圖以予城相如應以璧與之苟璧出而城弗予相如何難正辭以責其信嗚呼秦虎狼也委虎狼以肉而冀

治古堂文集卷十論

事

其勿攫得乎且無論秦不與城也假使秦陽按圖以授城而陰戒其甲兵以固守頗牧輩能一戰勝乎就令一勝而十五城各為其君守如安陵之五十里者秦尚不能得之於唐睢趙頗能得之於強秦耶又有危於此者幸秦疎於計耳倘多其偵邏視客之出入而為之備潛伺於隘而賊逸者舍人且不得懷以歸而璧已先入秦之內府斯時也相如進無辭於秦退無以謝其君身死無名而國隨以危矣然則璧出而終完何如其始之勿予也哉且所謂勿予者非徒勿予而已也秦以書取璧趙

則報以書而使相如往待命曰大國以十五城易璧甚善雖然是敝邑之守器也受之先王子孫弗敢易大國信子城乎城則秦先王之土地也其實不啻璧敝邑有亡不敢受城而棄璧恐怨恫我先王以重厥罪則大國實應且憎以心非寡人若大國以璧故而棄十五城秦先王亦恫於厥心將降割以殃敝邑敝邑以一器賈二罪亡無日矣不若各有其寶以勿威二國之先王夫大國實有利焉執事其圖之既以辭往又日戒頗牧輩治戎行以固吾圍秦雖暴其何以加於趙乎孰與夫既畏其威

治古堂文集卷十論

而

而復挑之怒也或又曰春秋尚辭命戰國專詐力君子大居正而相如之功固奇也予備論之以附責備賢者之義且戒夫人臣之乘危以幸其國者持論正而不迂一了百當真老謀沉筭也

梁質人

以守器守土立論自是大儒之言確有根柢諸家紛紛盡畫餅耳

李禮山

璧歸直僥倖耳究竟以初即不與為是前路濶翻不窮最能折得倒後復設為文告之詞守禦之備可云正大嚴密

劉仲旭

代相如處置從國策慎子不予東地來而以左

氏詞令行之能馭霸氣不數東坡作論手段也
斬方文

魯肅論

謀人國者誠知國體所重而圖之不以小利近功
阿人主之欲則可謂忠矣國體者國之所由立也
申大義以服人心則國勢日張而主臣俱榮豈見
小利者所能及哉春秋之大義在尊周齊桓假之
功爲五霸首三國之大義在復漢曹氏竊之遂雄
於天下吳蜀之大義在討賊魯肅知之故能成東
吳之大業而建國數十年或謂肅說權結昭烈以
拒操也借之荊州而撫輯壯繆以操尚存也假令
操亡昭烈爲天子吳能獨存乎是肅之謀國不若
呂蒙陸遜之忠也是不然有富人家中落遭敗子
強有力者據其產鄰人睨而憤之而異姓不可與
爭也必得其族之才智者輔以理之官而爲之質
然後義既伸而可與同其利操爲漢賊權勢不可
與並立旣得荊州必不利於吳吳不結昭烈與同
力拒操亦不能有荊州而獨當此必爭之地肅非
爲昭烈爲漢也非徒爲漢爲吳也實則爲吳而名
則拒操以復漢此其名正矣名正然後可以號招
羣力而與之立國以成犄角之勢非忠於謀國者
孰能出此且夫昭烈帝胄也信義素著於天下即

壯繆尚不肯負操而為之報効况共申大義之與
國暴使壯繆聲威既震操議遷都以免之時吳大
出兵淮南相為犄角則桓文之功可以立就而國
以永存豈區區以一荊州為得失乎其後昭烈伐
吳趙雲諫曰國賊曹操非孫權也今操子篡立當
因衆心早圖關中不應置魏復與吳戰噫蜀之於
吳且然而吳可知矣乃權徒見小利聽蒙遜之計
敗盟襲荊州蔑同仇以快強鄰至於山越不賓稱
臣降魏國體之辱莫甚焉惜也肅早卒耳使其尚
存肯令其主負不義於天下而有臣魏之辱哉周
瑜舉肅自代稱其忠烈臨事不苟陳壽亦謂其有
獨斷之明出衆人之表良有以也愚故曰魯肅知
國體者也

治古堂文集卷一 論

十七

立論俱有原委足為謀國者占千秋龜鑑不獨
子敬之肺腑如揭也。○當與吳次尾陸遜論參
看便知其佳 李禮山

獨具隻眼發出古人不言之隱而筆力勁悍闊
暢又足以達之堪與眉山父子為勦敵矣 王崑
入手提明大綱下忽作一辯中一段層層解脫
又一引證一反收明快極 法相生亦有

嶺斷雲連之妙 李季平

陳龍川之論呂子明已見此意推為漢以為
吳一層則前人尋味不及也不特雄桀老成十
倍加之 方文勒

治古堂文集卷一 論

十八

聖人不凝滯於物論

楚辭云聖人不凝滯於物而能與世推移夫聖人
之用未易爲學者言也昔者孔子獵較於魯驟乘
於衛栖栖於齊楚陳蔡之邦而冀其一遇非苟焉
而已固以爲吾有其大正者而其小不正者莫能
奪之且將閑其邪而返之正斯其不凝滯於物而
與世推移良有以也故曰無可無不可孟子曰大
人言不必信行不必果惟義所在儒者格物而精
義則樞機之發與時行焉否則必信必果猶不失
其爲士與子見南子見陽貨禮無不答也柳下惠

卷一

元

坐懷不亂或假設之言若曰克其操能如是也云
爾阮籍之於鄰女是果何禮耶晉之亂也以清談
非邪說詖行者誰職其咎溫嶠之於王敦狄仁傑
之事武氏庶幾見惡人而無咎與明道席上有妓
心中無之幾及乎聖人矣學者知程伯子之不易
能柳下之坐懷未可藉口南子陽貨非聖人則不
可見而溫秋之前事易所謂遇雨若濡者亦危之
之辭也庶曰以吾之不可學聖人之可乎若夫和
光同塵中無一定之守將妄希達權而不知其拂
經其窮也入於二氏之猖狂而得罪名教故精義

必自謹禮始

莊老對針 吳子亭

治古堂文集卷一

三

物役論

人之情苟有所嗜必爲物役欲富者役於財欲貴者役於勢而士獨役於文辭其情之專壹至於忘時日廢人事方壯而不爲世用垂老不能以家成且甘心焉又其甚者貪多務得於古博雅之物多方聚之不啻良賈之逐什一巧宦之據要津其於世俗庸愈乎夫惟聖人者役物而不役於物其在上也下不獨富不獨貴養天下以財任天下以官俾萬物各得其所而已不與焉若堯舜之治天下勲華相繼文章煥如也且夫六籍以來所稱材藝多

治古堂文集卷一論

廿

能者有如周公孔子與周公制禮樂繫易又作雅頌誓誥之冊孔子筆削游夏莫贊天下之文章莫有大焉然而周公未嘗不富貴孔子雖不得位其贊易也亦曰崇高莫大乎富貴富貴者聖人所以阜民而理物也於人何病之有今曲學抱一介之義馳思域外若將挽焉甚者轉相刺譏此如饒夫欲炙不得而竊訕坐實也彼豈知元公碩膚之遜仲尼浮雲之志哉亦云矯節而已是故學莫先於克己道莫大於忘物忘物則安靜能慮而有以應事深造自得而不急於立言綽綽然游藝有餘而

嗜好泊如也昔者程伯子於康節之數既不暇學而加一倍法乃自得之他日又曰已忘之矣夫極數知來學之至精者也猶若無所容心況其他乎謝上蔡愛一古硯遂屏去不復用其自克如此是皆善學聖人者也嗚呼文章之用聖人以之明道而學者以之喪志或甚於富貴之移人也是誠伊川所謂不幸也夫

予性拘執嗜文辭畧世務每至廢時失事作此自克自記

吾甚愛新吾先生勢利說真切到之言他人不

治古堂文集卷一論

廿

肯如此道只是自信不過耳此文可與互相發明吳子淳

克己忘物是作者本領可入宋儒語錄張郁麓

寧鄉志風俗論

論曰古云風俗興化移易故國奢示儉國儉示禮
唐魏之遺俗其庶幾乎予以己卯筮仕寧鄉值兵
凶之後流移者多撫字之不遑遑云教化哉越明
年歲稍熟乃於月吉讀法條約外敷暢厥旨通以
方言俾愚俗易曉此講約詩之所爲作也士嘗云
爲令約結靡所見奇夫移易風俗非以身先焉日
計而月餘則言教者易窮雖有奇策材力之譽將
安所施也史稱襄城令劉方安靜文吏是不爲赫
赫名者使非上之人寬其轡策無所拘閼方且以

治古堂文集卷一論

三

無奇獲咎惡所稱吏治烝烝者哉

雅淨有情致 王戎菴

寧鄉沿革世表

外史氏曰古者封國大者不過百里次七十五
里今大邑或數百里小者亦百里豈幅員廣袤國
以日闢與域中隸十五布政司視虞夏十二州加
廣其官即宋元行中書省之制幅輳並進而報政
於京師如網在綱如臂使指蓋一統若斯之盛也
予觀寧鄉沿革考其始建置與析并之所由未嘗
不致意焉夫寧之爲邑微矣然方隅四百里較古
大國猶多數圻三代而上屬冀并二州及晉趙分
國遐哉荒略已漢置離石縣治在石州即今之永

治古堂文集卷一表

苗

寧州寧鄉其區宇耳後周大象初始析置平糞離
石二縣隨省寧鄉入平糞金太和間改今名或屬
石州或屬太原路具在譜中可考而知也今與州
並隸汾郡矣自後周至宋中間數百年人物宦蹟
皆莫得而稽土宇之空名僅有存焉者世之閱人
不朽者誰與間嘗登高遠覽訪平糞之故城莫得
其處痛昔人陟嶽原啟山林以有斯宇也或慨然
稱願曰幸哉後人尸而祝之與疆宇俱永乎今皆
湮滅無聞悲夫故譜其世代繁以年總隸郡州
縣以次及疑者闕之第有其本末使後之覽者雖

百世如示誦掌焉

宦者視所治為傳舍何暇深求有心者必究其沿革興廢之所由以相其土宜隨其風俗而治之然後可以得志揆此則夫子之治寧鄉信善矣宜其尸祝至今也 受業吳敏昆識

治古堂文集卷一 表

五

李公入小傳

康熙三十有七年冬十月中書舍人李公方來卒於官二子方幼其同官薛君振公視含殮治狸首司君元亮相賓位既塗殯於邱厥弟承緯奔喪至述其行訃於卿士大夫履恒讀而悲之復記憶其生平晤對之語可以砥學勵行者次為小傳以傳焉

治古堂文集卷一 傳

共

傳曰李公承紱號拙菴方來其字也世居河南封邱父泰陽以明經入太學性純孝當事旌其門尤精醫遠近造請者雖至宴必親詣之母賈孺人多閻德公年十三即能書兼工繪事初應童子試知縣謝公深器之置第一其後試輒壓卷復受知於學使宮定山先生戊午舉於鄉已未成進士辛未授今職癸酉副孫太史子未典福建鄉試所拔悉名下士公於學無所不窺尤邃於詩所著若干卷未嘗示人嘗語予曰少陵百代宗工晚節始細詩豈易言哉吾少於杜集誦之皆能上口數年來更隱長安或降手為新體輒棄去不存幸生右文之世不能以鴻筆潤色治道顧靡曼其聲以悅時人耳目真風雅罪人也性恬退不慕榮利直廬之暇

即屏人手一卷吟聲達曙以故京師人士多就學者卒年五十有四配趙孺人陽武趙公錦帆之弟之女也錦帆故能詩世所稱江北七子之一公蓋多所折衷云昔劉楨終文學左思卒記室常建淪一尉今公亦官止省即文人無命自古然與初公使於閩以療霧中疾嘗謂不治得中醫逞進力疾入直遂日篤以死公卒之前月以詩招予餞時予甫除官公規以勤職愛民毋奔競毋縻縫嗚呼即公之志行可知矣

簡淨可法 王崑繩

治古堂文集卷一 傳

七

考其言以知其志行是一篇之骨讀此知敘述文字亦必有結構乃成非枝枝節節而爲之也

受業吳敬昆識

陳孝廉傳

昔者孔門四科首德行文學最後然回也有王佐才雍也可使臨民之二子者得聖人爲依歸而父孤於世道雖不行其行誼可考而知也後之學者溺於文辭鮮克立德若黃叔度茅季偉其人者不少概見其他孝弟廉謹鄉里稱善人斯亦可矣徒以無所設施不獲煥耀於世又其時無行誼可徵信者表見其文以詔來世以故湮滅無聞悲夫予讀江文通所爲袁友人傳其事至微渺然叔明實藉以傳因悲陳孝廉志行未就爲之傳以示故人

治古堂文集卷一 傳

六

子弟俾有所觀法焉孝廉名佩字行度河南新安人父榕號心齋以進士知馬邑縣忤當道去官游嵩陽與耿少詹善終身友教生徒佩生而凝靜逮其父兄時已能通經義爲文有法度隨父友教四方與之游者各有得也默識神通中虛外粹羣居未嘗先言及叩以經義史事成敗輒片言居要出入意表含納羣彙彌縫其闕失或習爲狎侮則不答久之其人自起敬視爲畏友矣與兄湛皆能讀父書湛尤稱敏才然沉潛不及佩湛以冢子持門戶不少挫於人人或忌之至於佩雖忌者亦爲心

折也已卯登賢書明年以疾卒四十有七卒之日謂其子嘉生敬生曰吾生平幸無大過脩短命也何悲乎第不孝不慈抱泉下恨無窮期耳僊先

佩卒母游孺人時年七十餘

外史氏曰新安蕞爾邑也然多君子吾所師事者曰裴蘆院陳心齋皆不愧前哲云予與孝廉交最久未嘗見其情容矜志一聞其疾言生平不爲詩值登高孝廉賦詩獨清遠有思理他日謂人曰呂子經有原本惜以辭賦掩蓋其志也心齋先生卒阮踰年有自山中來者云孝廉與兄僊食惟日一

治古堂文集卷十傳

元

蔬非謁母不入內其謹禮如此韓子若翼亦簡穆有器識人或以方孝廉則自以爲不及其黃叔度之流與克其道可與學顏氏嗚呼宇宙三不朽孰克兼之士固有勲業爛然辭若春華而植德無殊邈其視此輕重何如哉

傳事功易傳德行難以德行無可恢張且未易形容也此傳顯微闡幽可謂善言德行其風骨亦在漢晉之間

文業弟宗孟識

江文通袁友人傳以簡峭勝先生此傳以紆餘勝要其命意卓絕皆於無字句處傳其神采

業受

殷誠

昔馮具區贊茅鹿門云馬遷歐陽逸氣後先學者試平心論此文當何云耶

劉新菴

雅鍊有風度全以淡勝賓主離合之際亦佳

卷

今人作古文只貪熱鬧處說全是一副占便宜心腸誰肯向此等人費閒筆墨台又不獨服其文之佳而已

吳子淳

治古堂文集卷十傳

手

龐貞文先生傳

龐貞文先生克慎河間任邱人父招俊以尚書名家母曹氏生三子先生其仲也生平多大節始爲諸生時值崇禎壬午之難母氏殉節最烈先生痛不欲生既而曰是重死吾母也盡圖所以不死吾母者於是乃哀籲當路事得上聞列祀典性友愛兄弟將析居悉推膏腴田於伯季而自占其磽确者人以此多之好讀書家貧不能購日子錄萬言積久成帙以經學教授鄉里稱老宿云樂善喜施不責其報同邑井安人者故戶部劉正吾妻先生

治古堂文集卷一傳

世

之親戚諸母行也鼎革後貧且老先生時周之過必治具惟謹安人感而泣曰吾昔富貴時戚里受吾惠者多矣使皆如公吾何憂饑寒乎時有責學子束修者將質之官或告之曰此可令龐先生知否其人慚而止初先生之爲諸生也鄉有大璫聞其名以厚貲屬爲書記先生辭焉及崇禎癸未流賊將犯北京其渠帥有由固關入者士人多具名締稱順民以迎先生曰賊逆天犯上凡戴毛髮立天地間者當爲國復仇奈何順之獨不往嗚呼先生可謂善守其身矣當熹宗時天下未亂璫勢之

成率士大夫爲之吾聞諸耆舊云璫之初起懼士大夫議其後每奏牘入則惴惴然恐因稍稍餌之或染其指濡其首遂能兒子薦紳輩使返噬正直血肉狼籍北寺獄慘矣於是士氣奄奄若死灰敗絮然而盜賊因以起則又有忌功議撫以誤國是者若而人坐視翻城倒戈如秦越人之肥瘠以致跋扈之帥養寇自肥又何誅焉假令當時士大夫有見幾守正如先生者必能謹於禍始俾天下無事何至以鉤黨致寇覆人邦家乎先生學阮成九舉不第終不屑以他途進年八十有六以疾終長

治古堂文集卷一傳

世

子愷已未進士由庶吉士授戶部郎知建寧府以忤時去官世稱雪崖先生

已履恒曰予官京師鍾茂宰聖輿爲予言龐氏世居吾邱壽王臺側稱令族雪崖正道直行有父風以孝友施於政尤善爲詩予嘗讀之思一見其人不可得及觀貞文先生狀中多嫩行不勝書書其大節關治亂者俾後之君子論其世知所法守焉前路敘述錯落處處著勝後半幅如登泰岱至絕頂富有奇觀。璫禍流賊看做一串立論甚確真有關世教之文 宋嘉升

王伯安作高平一縣志而周秦治亂之迹燦若指掌先王作麗貞文傳而明末璫禍流寇之相因源流俱見可知健於文者未有不從大處起論而徒雕琢字句以爲工者也讀此可以悟行文之要領 李季平

中大夫劉公傳

中大夫劉公名梅字訓夫河間故城人也父檀池以德行祀於鄉公爲諸生時以才特聞母王氏失明公感之日求善藥夜必禱於久之無效公丙戌舉於鄉賓至樂作母色喜雙目炯炯能視遠矣嗣執親喪哀毀過禮塗殯葬祭悉如儀與伯兄積友愛尤篤性好施數周急族黨解紛排難無終訟者初河間歲凶所在人相食道路非結侶不敢行時族人有質成者公子身往爲之解其好義如此戊戌成進士例選理官以母遺命就廣平教授入爲國子助教課三舍生徒皆有法

上幸學

特賜袍服晉行人司正典試三楚所拔皆知名士歷工部員外戶部郎中晉三級

諸授中大夫所至皆有實政在戶曹則釐鹽法祛弊恤商人皆尸祝之及督學山西得人尤盛士至今稱九河劉夫子云晉參議分守江常鎮道祿賜之入益爲其兄置田宅順適其意饋遺惟恐不及若臬事多所平反撫蕭政出納以時

上南巡召而慰勞之 呼公可謂克顯

其親矣今夫一介之士立然諾不苟族黨頌其行
誼斯亦難矣况乎行道濟時聲施於邦國若中大
夫劉公者尤累世不易觀哉方公遵遺命為學博
士思仰寸祿以養其親而不得卒能立身行道所
建豎彰彰若此亦素所蓄積然也公嗜學博極羣
書尤研精經義所註四書繹註學者尚之卒年八
十有二子承家承啟皆能官有父風

呂履恒曰劉氏著姓也世有厚德子至金山江口
舟人為言公嘗捐金五百造救生船歲活不啻數
百人又置練湖田二百畝收其入以廩舟子歲時

治古堂文集卷一傳

五

修艤因睹風濤之險相與嘆息者久之吳侍御宣
臣公門下士也述公之居喪三日勺水不入口既
暮不食菜果三年不入內寢苦出如初喪遂中濕
跛其足其後逢忌日則飲泣終日雖乘禮之士猶
或難焉公殆孺慕終身哉

九河公立身立朝大節落落寫來言簡而意該
是古文作手○元素先生家世忠孝積學多聞
作文俱有法度清嚴肅穆之氣溢於楮墨間所
謂詞有根柢非過然為之者

史耕巖先生

以孝字作骨中間波瀾意度皆自此生臚次簡

括尤非左史不能

史慕淵

治古堂文集卷一傳

六

張叔張先生傳

予讀後漢書觀黃叔度茅季偉之爲人性行清淑師表人倫恂恂於鄉黨未嘗假權力攝尺寸之柄而潛德自達邦家識者以公輔器之是奚由哉行立而言從誠積而不可捨也近代若李中孚天生雪木三先生及王子山史皆以積學聞於當時稱三秦豪傑士及今觀叔張先生行事尤可述焉先生姓張氏諱省括號南梁陝西郃陽人世有淳德所居里曰仁義街父昌禧母雷氏生四子先生其叔也生有異質讀書日數行下默識不忘同學者

治古堂文集卷一傳

世

畏之曰子一披卷我輩誦日夕不逮也自是試輒冠其儕性純孝事父母先意承志父觀疾歷年餘未嘗緩衣帶夜則焚香告於天願代以身因嘗糞甘苦人比之庾黔婁云家素貧娶於董婦翁無子以田若干畝歸其女先生力却之曰謝微子何人哉吾豈可以數畝田喪志乎且使董氏業有之外姓不仁也其廉介如此當自擇塋域形家規之吉值伯兄紹載卒未卜宅先生即以其地葬之仲兄紹戩以孝廉知常熟縣先生左右之益有聲在治勾米尺帛皆有籍未嘗私入己季弟省度早世撫

其孤嫁其二女恩逾已子去邑七里曰白雲洞極巖泉之勝先生絃誦其中爲文必原本經史博涉精思志不求速化於書無所不窺間爲詩輒棄去於是富平李天生華陰王山史俱以宏辭徵天生官檢討山史辭去蓋屋李中孚嘗舉隱逸至京師辭以疾與雪木講學於家故論者謂關中多君子先生行誼相先後而聲聞無所依附獨藏修內省不求人知年四十始入庠又十有一年甲子舉於鄉授中書舍人至丁丑成進士已六十有四矣後三年卒於家祀鄉學同學者謂先生大器晚成天

治古堂文集卷一傳

六

或者慙遺之歷試諸艱以堅韌其材而大任之然卒齋志以沒惜哉

呂履恒曰予聞先生居鄉時盜竊其家物子弟請追之官先生不可曰吾不忍爲此恐蔓及無辜也仲子給事中書登與子同舉春官因悉其先人行誼質之吾師宋拙菴先生皆不虛宋與先生同鄉舉也又曰先生遊吳楚間所至佳山水必觴咏不忍去與人無城府然動止物則不以私瀆其門人學子未嘗見其涉跡市廛也傳曰威儀以定命其知之矣君子哉

骨格雋潔風神恬宕叙事典而核詳而瞻贊更
古峭直是西漢手筆 張柳麓

陳丹亭傳

陳丹亭名庭桂字資予江西臨川人大士先生之
從孫也高祖愚所祖石來皆以進士顯仕父天一
贈文林郎丹亭生有異質讀書一寓目即終身不
忘九歲善屬文日成數義贈公教之嚴嘗終歲不
使履戶外家故藏書康熙甲寅間從父避兵山中
猶日令蒼頭輩擔書以供誦讀常不克給亂後蕩
其業居貧不問生產或日夕忘食寢意甚得也父
歿與弟士千等友愛尤篤性端介不妄交遊自二
三素心人外嘗接席不交一語甲戌成進士己卯

知湖南之新寧縣縣古夫夷國也地臨五溪蠻號
為難治丹亭設方計以去奸民興學校緩催科寧
民賴之初邑多巨猾輒營私局聚其中謀起滅訟
獄持吏長短科歛以自肥餘以餌吏丹亭具牒上
官悉驅之改其局三棟為讀法所兼育孤幼聚學
徒焉寧民相慶曰吾邑故不寧寧之自君始乃今
然後稱新寧名矣時巡撫松伍趙公性嚴正湖南
六十有三縣多被覈獨廉丹亭治行數加紀錄至
是上其名列為五部主事嗟乎今之為吏者亦孔
棘矣簿書期會日督過之不暇而欲移易風俗革

薄而從厚誰復爲之故其能者務爲赫赫各善事
上官求速化去而廉謹者或怯懦視民間一切當
興除事概不敢置齒牙以故奸宄爲神叢而胥吏
且憑之以相恐幸而遇上官能執法不名一錢如
丹亭之於趙公亦云奇矣而又濟志以歿豈不哀
哉丹亭以己丑至京師明年卒於邸貧無以殮其
友李茹旻黃元鍾蕭大經三人者經紀其喪醵金
以歸葬因共誄之曰凡民之生莫不有死誰其碑
諸口而傳諸史或生榮而歿則已或厚實則無而
顯名終起有志者奚取焉爲此勿爲彼也嗚呼

治古堂文集卷一傳

四

丹亭古之君子出爲廉吏處爲貞士舍不克口衾
不掩體僕舉其棺友爲之誄天乎人乎誰使丹亭
而止於此蓋實錄也吁即其平生可知矣
呂履恒曰予與丹亭爲同門友己丑十二月共治
吾師宋于蕃先生之喪時大風寒甚丹亭衣敝絮
無裘正容色不少休日步詣喪所可十餘里弔者
咸嗟異之同年輩召飲食恒不往狀謂其多介少
通良然卒之夕以母謝太孺人未葬爲終天恨曰
亟語吾兒以畢我志勿以分累吾弟也因泣下已
而談笑如常論生死夢覺之說言皆有倫脊且誦

玉茗堂盧生劇數曲氣甚紆若一無所苦者其縣
解者耶予聞諸其三友云

以傑構表章苦節丹亭何幸而得此哉南床笑
傲之餘獨惓惓於坎壤終身之亡友此意足千
古矣吳韓仁

叙事夾議論即以議論爲叙事乃龍門最得意
筆也史記一書每取傳所未及之一事作贊以
映發全文讀此猶見古法劉仲旭

治古堂文集卷一傳

四

孟孝婦傳

孟孝婦者河南新安人孟雲浦先生女姪文學郭允清妻也允清爲諸生有名事母曾氏夫婦俱以孝行聞嘗冬夜食粥糜會執燭誤墮釜中欲以食豚豕允清俛取啖之輒盡允清卒益貧孝婦無子側室生子宗儀方襁褓孝婦日夜紡績供姑甘脆未嘗缺自饜羶羈或曰若年少何自苦孝婦慨然曰吾所以苟延旦夕者以養姑撫幼子也不然幾何不從良人於地下乎言已涕泣聞者義之曾性嚴孝婦承順顏色每先得其意無違值冬月苦寒

治古堂文集卷十傳

四

北俗類以土塹塹基爲棲空其中以取火氣孝婦不能傭工乃親運土塹位置悉當又以身試溫煖不致太煖手足皸瘃終不令姑見嘗有雞雞三四順適老人意偶爲里兒所傷即涕泣不能飯其天性純孝多此類初流寇之亂賊卒至其家曾令孝婦匿牀下自踞其上賊拽曾起以戈撞牀下復避煤穴中七日不食賊退家人以爲必死持香插往則如故人稱神異云曾年九十六頤養和順若中年人無疾而卒自允清歿時孝婦方二十餘至是年六十矣子宗儀長力作事母與其妻王氏亦以

孝聞孝婦年八十餘以壽終

呂履恒曰予先大母郭淑人爲曾太君中女嘗稱孝婦之賢以教子婦以故先儒人述孝婦之行甚悉予少從先父母歲時爲壽於太君家孝婦具飲食潔且豐太君怡然色笑不問也里婦有怨其姑性嚴奉肉醢而不食者孝婦曰老人胃弱食飲恒異人若和其滋味齊其水火以時而進之母固請毋緩需姑其吐之乎噫孝婦之事姑何如也

順叙追叙提掇映帶諸法皆從史遷得來李禮序孝婦如生使讀者隕涕而章法錯綜歸於自

治古堂文集卷十傳

四四

然有廬陵筆意王崑繩

用筆簡潔而叙事饒有生氣至文也李季平

夫子言思可則隻辭片語皆有關係如此篇母

固請毋緩需一段文字真孝養苦心承歡妙訣

可以補入內則受業吳啟昆識

叔祖母楚太君家傳

叔祖母楚太君天啟甲子舉人宜陽楚公瑤女也母呂氏以閭德稱女宗方娠時夫婦叶夢鳳集於廳事或棲榻上心知其祥也及生太君遂字曰鳳太君生有靜德寡言笑甫十齡即嫻女工善事厥父母婉婉無違楚公相攸者久之乃字先叔祖文學公諱維禔先太傅異母弟也有異才父兄愛之甚擇名德子為配故里人稱二姓為良姻云崇禎庚辰賊李自成既破宜陽遂逼河南府時先太傅以兵部尚書致政家居守府北城而公與叔祖贈

治古堂文集卷一傳

星

僉憲公諱維祐者率家衆守新安辛巳正月府城陷先太傅死之其後有土寇于姓者陷新安僉憲公與公亦相繼死賊僞侯曰劉宗敏聞太君賢且少將偏取之聲言事不諧必族呂氏家人咸怖甚恐太君死環守之曾祖母田太夫人密語太君曰汝夫伯仲皆以節死吾老人垂死矣人各有志時危何能復相顧因泣下太君再拜曰敬聞命矣因目其子若女曰以此累阿母而紿守者曰吾不死矣太夫人在忍貽禍耶飲食言動如常於是家人防稍疎遂自縊賊聞之感動呂氏得無恙

國朝順治十年建坊表太君子一即從父諱兆琚有厚德女一適王氏孫三人皆為博士弟子員初賊之破宜陽也太君之父楚公以力不能捍賊憂憤成疾卒母呂氏亦以罵賊不屈死稱一門節義云

呂履恒曰予初就外傳日聞先父母稱太君死節事輒歎歎不忍聽及長侍從父遷葬其親於邑城北竊見涕泗交頤哀慕如新喪時知至性異人矣以舊傳失實因憶先人所述次為家傳俟後之傳列女者或取徵焉

治古堂文集卷一傳

吳

前以司馬公兄弟之死引出太君之死後以太君父母之死映帶太君之死賓主離合之際至文存焉

王真經

讀此傳知節義忠孝萃於一門兩間正氣河嶽英靈至今耿耿而以一烈母連綴内外家之死節俱見則尤筆法之妙也

受業吳敬昆識

困窮解

歲在甲戌呂子既第筮仕有日窮於稱貸遂以憂貧致疾百為俱廢醫藥不給伏枕而嘆曰嗟乎窮固有命與司命者有神與是何與我之深也股我脂膏耗我神智羈我手足以快汝意昔先大父及我嚴君皆有令德以升在位至于小子於今三世矣然而織無贏於禦冬耕不足以供稅妻孥衣食於奔走昆弟離居以凶歲進退維谷動若狼狽窮者有神不宜若是是何與我之深也是夜夢一大厲其形瘦細身衣故衣言出浩氣端立而謂予曰

冷吉堂文集卷一解

四

吾司命之神也上帝使我稽萬民之命而時其窮通通其遇者窮其道通之通者遇乃窮蓋二者不獲兼遂也其終身逸樂富厚者當路無陂居津之要有錢神相之無所辱吾教唯倜儻非常之士於我是則而是倣焉昔者虞舜帝也吾窮之於歷山以成其孝文王王也吾窮之於美里以成其忠周公相也吾窮之以流言以成其詩書官禮孔孟師也吾窮之於魯衛陳蔡齊梁之邦以成其六經萬世之功若此仁聖賢人非我莫能成也莫能通也在春秋時吾嘗游洙泗間與顏氏子最善意相樂

也其次不以我為病者則有原生憲唯端木氏不是我足也貨殖是眩而仲氏絕我尤甚徵於愠見既而之楚復見絕於陶朱公下迨戰國遂隱不復見時有於陵子者欲假我以成名吾亦弗善也秦并天下吾從韓相良遊下邳之橋韓之諸王孫曰信者遇我於淮陰與之釣遂訂交焉其後之蜀蜀有卓氏程氏豐於居積命其僮僕日掃我跡吾亦心鄙之未嘗入其室乃去數年復之成都與文園令長卿依壁而棲吾成其名復與之妻其後三百餘年得父范氏史雲日食其釜之魚而拂其甌塵又

冷吉堂文集卷一解

四

二百餘年主韓吏部退之家中道有卻將與我為仇既而悔之吾乃復畱之數子者皆倜儻非常士也然而由我則固舍我則跽子自視孰與數子者而欲舍我而自立吾滋懼矣子其慮之且子之祖若父雖貴仕皆不我絕也而子將我是蔑其無乃忘先德而隳其矯節也乎子曰公之教我善矣抑世有小儒焉德弗知砥業罔加修細若蠅聲聞者見収超後勁居前牙世有巧官焉虛而往實而歸若操奇贏攜載無遺者彼豈與人異命哉何利鈍之不類也司命曰否非此之謂也夫君子以道為

汗隆小人任運為吉凶智不失時仁不計功亦各
 從其志也且夫天有晦冥日有薄蝕山有隕騫川
 有湮塞熒熒者然炎炎者滅涓涓者流滔滔者竭
 陰陽輟轉孰本孰末人於其中如秋毫之飄撒凝
 為大塊蕩為塵壒縣縣中存天倪乃發子洛人也
 獨不見夫金谷石氏乎當其競豪右驕賓客錦障
 連城赤脂塗壁擊碎珊瑚以矜帝室固一世之傑
 哉及其樂往哀來禍至福絕珠樓既墮香塵乃滅
 舞袖為灰梁音銷歇其於世修短何如也孰與簞
 食而瓢飲屨穿而踵決今吾子讀先聖之遺書續
 前人之素業志爾庭訓守其師說行將拯斯民之
 饑溺而登之衽席躋末俗於蕩平而易其危艱塗
 毋惑於兩岐力宜試乎百折即退老於山林亦道
 腴之可悅天實寥濶物無蘊結子自囿焉無乃不
 達今者之疾其調御實有所闕吾何疾之能為顧
 怨尤而未雪既不我嘉請從此絕子乃再拜稽首
 曰其少失學闇於至道沉於世俗之見而負先人
 之教微公子幾為天下笑矣且先師曰君子固窮
 窮無足異也願奉教於君子終身不貳
 崇聖道述祖德是作者大旨其文恢奇幽峭於

治古堂文集卷一解

兗

莊騷左史用宏而取多矣陳行度

用韻變化處人不及覺多從阿房赤壁二賦來
李方來

淵源於卜居漁父而出入於解嘲進學解諸作
 古趣紛披奇情絡繹不徒以文藻見長士崑繩

治古堂文集卷一解

季

青要山石鵑記

青要山者北邙之一支山經所謂帝之密都有黃花赤實者是也其東爲橫山以嶺首西南橫故諺稱橫山頭云其川長亘數十里至橫山則山環水曲蜿蜒四塞居民依山厓爲陶穴之固皆在東北其西有大溪源出澗池山谷間與澗水絕派緣西山之麓北流去東之橫山僅里許如披面也過溪不數武水劃山開若門闕然有樹可以棲影有石可以鳴琴泉流沙陂上清可以鑑輕儵時出秋水灌河時匯爲淵潭自縣厓而下淙然湔洶矣自是

治古堂文集卷一記

五

入谷盤曲幾半里有大石兀立如欹屋四據下可立五尺之臬上可坐數十人石上刻碁局莫知其始苔蘚積厚如墨如粉如瑟瑟非一狀又有泉當其唇鏗洪鏗豁若聞遠鐘其齧於石罅而灑於水髮間者靜聽久之復如筑如琴去數里乃不復聞木樺積溪中水沙蕩之歲久融結爲石鏡而出之枝葉之側理宛在也其大致如斯斯則青要爲北邙之要領橫山爲青要之結脈石鵑則橫山之奧宅也昔先太傅實生茲土夢月巖先祠在焉巖上叢栢茂蔚先太傅所植也下有陶室卽其誕處自

兵燹後邑無完宇家大人遂於茲卜居今長子二十三年矣予夙有泉石癖聞樵牧者說山鵑之勝心竊艷之顧佳日與良朋爰不相值壬子則於鄉舉將省親於漢中治所慨焉有登眺之意而外兄孟貞甫亦發興成之又以他事不果間二日復雨道澗不可行至重九前一日始如約乃攜同人數輩爲竟日遊辰而畢集過溪入谷旋憩且起徐行至石上坐談往昔復入鵑下寒氣侵人肌骨不可以久乃出而披灌莽登崇厓各題詩其上雖山水有清音復以絲竹佐之又伐鼓效吳歎卜番搗響

治古堂文集卷一記

五

達天表清風颯颯出叢薄間既而朱曦告夕萬象屢遷青紫金碧山乃多衆容回望谷口雲蓬蓬起蒼狗白衣成觸類之形溪聲喧靜如初而林巖潛黑曖曖遠村人不可辨矣諸同人曰此山帝之密都也與區區人間意天所矜惜者盍去諸乃各味所述而歸予爲之記

叙山水詳而有要結構全似酈柳又似晉宋人詩序

士崑綱

古褒城記

國初以重兵駐漢中其散軍獵於山路迷得微徑數里逕復絕行亂山中草木湮塞泉聲瀉瀉出叢薄間與猿狖答響軍旅其乃息馬以步約十餘里得一溪深可沒馬腹乃騎以涉過溪徑漸坦其土皆闢又數里得一闕若廢城然闕旁二古槐高可際雲其陰蔽數畝許槐下有石大礮徑丈餘軍行罷忘懼乃羈馬拂礮坐憫恍者久之忽有蓬首鰲面若山精者數輩從草間出逡巡不敢近睥睨遠視移時乃前問其處曰此古褒城也與外間絕吾儕

治古堂文集卷一記

吾

先世以荒逋累遁此今二百餘年絕無人知者子誰者導何乃得達軍告以故衆意拂然其一老者要於家具雞黍甚謹此中桑麻雞犬耕耨織作之具悉如外人獨無鹽代以鹵其俗男子不冠婦人椎髻不笄扶老字幼嬉如也軍心異之問其地廣袤數百里其居衆以萬室計何所統一曰吾鄉之少者皆聽治於其長其尤謹厚者衆長皆長之有弗率其長者之至則告之衆長之長或終不悅而秀害於衆者衆共棄之其父兄不聽爲仇至於甲慶宴會皆取給於中不以器用衆布無從得

錢盜賊虎噬數十年不一見聞吾儕相習而安不願出也予盍畱諸否亦勿洩於人信宿軍求去此中老幼悉送復出他途途多岐不可識別約五十里許告以前路衆乃去軍既出偏訪於人無知者鹽估聞之曰往有蓬首鰲面索載擔負粟布者不知何許人夜至乞易鹽將無是耶其後巡兵數跡之迄無所得呂子曰子至漢中有洋川晏生者爲予說如此其事頗與桃花源類子聞之是記元亮之寓言也有黃農虞夏之思焉故曰不知有漢茲所傳聞殆不虛以故記之俾司牧者知所以鳩

治古堂文集卷一記

吾

吾民無使去汝適樂郊乎暇日閱郡志及華陽國志未有所謂古褒城者或曰即古褒國也志失攷奇事奇文却以平易出之天然絕雕飾而見者爲之神往與桃花源記另是一種丰神王崑繩澹澹着筆文境高潔無比而其用意之深厚皆藏於字裏行間前後只用一二語點破令讀者自得之至文至文李季平

澄清亭記

予治鹿之八年修廢舉墜若睢陽精忠祠老子明道宮縣學鄉校以次就理乃作亭於明道宮之東隅顏曰澄清用志古人攬轡之義以爲往來輶軒駐節之所而時以公餘游息講藝飲射於其中亭乃三楹前後爲櫺扉左右啟牖使其疎達可以遠眺無蔽耳目爲橋於猶龍堤之側以通來徑亭後有阜因築而方之歲植柳於其上復爲橋以導阜使周折皆中規矩此其大致也若乃朝暉出夕月升林光沉影水天上下漁歌出叢蘆間與鐘磬互

治古堂文集卷一記

五

答茲亭之收勝亦云廣矣夫善爲居者因地善爲政者因民古之循吏奉天子法與民休息而已史稱曹參師蓋公得老氏術清靜寧一民歌思之及文景之世號稱極治皆有得於黃老固未可盡信要亦奉法順流行所無事舉大綱赦小過爲治去其太甚之意也雖然古有埋輪都亭而擊豺狼者其澄清天下之志又與此不類要以因時制宜靖共而好正直則動爲功靜爲福其義一也予聞古人有作皆可傳於後若豐樂喜雨諸記風流輝映與天壤俱敝予不敢附古人顧地之興廢有時而

托諸文辭者庶幾可久于安知後之官茲土者修廢舉墜不加愈於予耶姑誌其畧以知予志焉
以地近老子宮處處點綴生波最爲雅切而因地因民二語尤屬一篇警策

張曉生

治古堂文集卷一記

六

重修養濟院記

古之爲政者以養民爲先自孝友睦婣以至任卹之義無不相生相養者其在王制則鰥寡孤獨瘠聾跛躄者皆有常餼此後世養濟院所爲設也豫州居天下之中其民務本力農而鹿邑界毫宋間尤稱沃土其自乙丑奉

天子命知縣事待罪於茲凡九年矣常捐俸修常平倉以貯輸穀備荒歲乃求所謂養濟院者在城東僅存廢趾因鳩工庀材於農隙興作越時乃成不狹不溢如舊制而止因誌之曰嗟乎百里之任

治古堂文集卷一記

五

古天子以一邑生靈寄之有司者也農於我乎勸士於我乎教工商於我乎惠通矧鰥寡孤獨之窮而無告者哉有富人愛其子者擇僮僕而爲之傳則必爲之調其飲食節其玩好而時其勞佚然後可告無罪若其出入焉不問起居焉不省因之顛仆而號咷焉亦不知則此僕將何以復其主人縣令天子之僕也百姓人之子也孤老幼弱疲癯殘疾又其子之孤孽而顛連無告者也今縱未能豐其飲食給其玩好而快焉無不足於其心亦何至坐視其顛仆號咷而莫之省憂耶且

天子仁聖賜民田租於秦晉轉徙之民

勅所在官吏招集而還其鄉里而況在邑之民鰥寡孤獨而無告者乎爲臣子者宜何如勤職卹民以稱

上意肯也按舊志鹿邑孤老六人歲有常餼比歲大稔食於官者蓋無幾近者秦晉河洛皆旱且蝗鹿雖稍熟然有備斯無患用足修葺常平次及茲院而誌其大畧以告後之官茲土者

仁人之言藹如

張郁麓

從芻牧翻出僮僕意比喻彌近而彌切理

吳敏

治古堂文集卷一記

五

識

質二爵記

質爵何以記有重繫乎爵者不敢忘也初先大人舉進士自京師篋二爵歸非大宴會肅上賓不以出則沐而鬻之事已必手篋以入子方幼未請其故後娶於王氏先母以他杯繚而畀諸婢以合盃既成禮藏之十有三年妻沒比葬鬻奩具殆盡次及杯淚而毀之居嘗自恨以爲妻已矣如吾母手澤何是忘親也復娶於徐先公乃出前所藏二爵者以畀子因命之曰辛丑之役

天子所頒諸進士鈔也舊制人五金脫用之立盡

治古堂文集卷十一

五

爵而識焉不敢隱

君之賜也且圖可以久小子其善守之履謹受命及先父母卒歲大饑家之百器無不鬻者獨存二爵急則出質之積有年息且倍疑其直矣客有過子者曰盍毀諸饑饉以抹死化者寧汝靳耶弗聽曰姑毀之後以他金代予法然曰是先公之守器也

君親之恩在焉夫何敢且父藏而子質亦云褻矣矧其毀諸毀而代之金非故矣是忍死吾父而近於欺也夫何敢客曰不亦善乎昔趙氏藏父之訓

辭乃克嗣世有家者之鑒也蘭相如抵壁抗秦論者或非之不知守器所以守國也子其勉之可以教忠孝矣履再拜曰忠者不欺於冥冥孝者不待視聽於形聲故君子謹微勿之有悔毀親之枯槁以適已之急幾微不慎而大不敬積於此懼且戚矣區區守此者思補過也今吾子儼然教之以忠孝以先人之故而不我遺也其嘉子之賜後二年甲戌子得第亦爵其鈔金如先公故事乃既不及奉觴二人且并前之爵質之恨可知也因誌其辜以戒後人

治古堂文集卷十一

卒

三復此作中心怛怛終日不能自釋文之佳可知已 李禮山

孝思洋溢於楮墨非至性人孰能爲之而希音

古節居然左國文字 王崑繩

榮君之賜而有爵守親之器而有記教忠教孝

關係最鉅非祇小物克勤也 受業吳啟昆識

子家傳此四爵自先考宦遊後又屢質屢贖凡三四十一年逮子兄弟析箸議以此爵藏長房每歲時享祀分奠於先王父先考兩案以告此器之存也守曾於甲辰成進士又依故事增二爵

亦俾其子司之隨祭期呈長房同獻或應不致
毀褻茲編次遺文敢附記數言於末

男宣曾謹識

義鹿記

晉

凡野物之性類難馴也鸚鵡以索猿猴以條虎豹以桺獨獐鹿之屬蓄於園故詩人咏之真源使君家任菴先生於廳事前蓄一鹿既有年甲戌春以太孺人憂去官於毫則鹿在町疃之間矣日命小史飼秣之而時其游息焉予見而怪之以爲是固野物之難馴者蓋舍諸先生曰不然予之致是鹿也來自數百里其初固難馴也予順適其性不使人駭之習見而忘其機久之乃安于聽訟於庭鹿屏息以竢與人吏俱肅方予去真源奉先孺人之

輜車以適毫也凡私室之器用百不一問何有於鹿既夕舍將寢聞有呦呦而來者則鹿也明日遂隨至毫有自真源來者謂予曰方事之殷有欲繫鹿以歸者觸以角怒不可近代攝者升堂鹿旋於前三匝逸而出遂以此鹿豈其知義者耶予聞而嘆曰嗟乎是誠所謂義鹿也犬馬惟有力於人故禮有帷蓋之施然皆家蓄而易馴至如鹿者雖不若虎豹之猛噬亦鸚鵡猿猴類也在園攸伏詩人以爲靈況義者乎夫世之回心汙行朝食人之食而夕去之且反眼相噬者豈少哉聞義鹿之名亦

可以知魏矣抑聞之上好仁則下好義又曰信可以孚豚魚今使君之仁能孚鹿其於民於政可知也史稱趙清獻公入蜀以琴鶴自隨今先生去官亦止有一鹿又其言可以喻政故記而藏之不但旌鹿之義而已

序次頓挫皆極古宕 劉仲旭

郭中丞祠堂記

大中丞仙巖郭公立朝有聲所至多惠政民尸祝之而洛之人士尤懷公之德所謂鄉先生歿而可祀於社者也初公知河津縣禦巨寇保境息民以治最召至京師授兵部主事疏奏吏部銓序不平莊烈愍帝異之召對端門特授侍御史巡按山東以彈武陵相被逮旋命巡撫湖廣遭中傷復被逮而帝終直公移撫山西至孟縣則太原已失矣時閩逆陷洛陽郡民逸出者咸集河之南岸禁不得渡多蹂躪死者公力請豫撫弛其禁復捐貲賑之

活萬人今洛郡東郭有萬感碑云當啟禎之際天下多故士大夫各立門戶莫肯措意於國是其二三抗節之士因以慷慨起死為高而國益殄瘁或出而開府尤易為擠陷地使公當熹宗時不難正言危身與楊左爭烈幸逢願治之主可與有為矣又以忤要人連逮詔獄兩撫要地瀕死而不悔其性然也然卒免患以濟時豈非天哉會

國祚鼎新公巖棲十年徵召屢迫乃出為嶺南叅政戮猛虎抵噬死者命禁左道置妖人蔡通元於法粵人至今稱之旋乞休歸里嗚呼是亦可以知

公之志矣公諱景昌字麟生仙巖其號也父諱遵夏早卒母喬太淑人教公若嚴父公善事母以志養由戊辰進士歷官中外所在祀名宦而洛人之渡河得歸者其子若孫至今猶德公不忘聞公之將建祠也願斥其財以襄事或傭力焉於是公之季子雲際及其冢孫石淙聚族而議曰毋庸繫我先人之公田在歲時墓祭有餘也少鬻之可以集事而或以勤我里黨恐非先人意且是以不孝自彰也衆乃止雲際復與石淙各斥已田若干畝以充墓祭之飭子既仰公之德且欽二子之克安先

治古堂文集卷一記

室

靈以成其孝思也遂因其請而記之復爲歌俾有事者肄之以侑饌焉歌曰嵩岳巍巍今洛水泱泱其德山高兮其澤水長子若孫兮構茲堂德爲基兮才爲梁加丹雘兮色孔陽翬斯飛兮軒且翔大猷奕奕兮乃有文章本支顯顯兮百世其昌厥德在人兮沒世不忘

序明末一段鳴愴淋漓沈鬱頓挫不減昌黎子厚之誌 王崑繩

重修寧鄉縣學記

兩儀判而道統立三才合而儒術尊此至聖之教所以冠百王而師萬世也是故有廟祀以報功有學制以崇德自天子之辟廡以至於黨庠序罔不畫一而後世郡縣學校之設亦由行古之道也寧邑學宮遷徙廢興之蹟載在前志者詳矣會丙子丁丑間歲游饑士或廢其業食於他途西河文學之風希有存者履已卯至治謁夫子廟庭行就傾圯怒然者久之乃謂學博馬君曰教塞不行師儒之過也興廢不舉有司之責也吾與若務殫厥

治古堂文集卷二記

矣

心賴先師之靈功必訖於是擇諸生謹厚者張子三及郭子衛董厥役自夏徂秋告厥成功乃以牲牢行釋菜禮畢勞馬君二子於明倫堂而諭於衆曰天地之道貞夫一者也聖人之教統於一者也惡有所謂三哉老與佛非先王之道而刻之爲三則僭混而歸一則亂亂耶僭耶此吾道之衰而學官所由茂草也貫兩儀之謂道兼三才之謂儒道必有統儒必有宗二帝三王而下微孔子其誰與歸學者得統宗之地藏脩游息於其中方仰鑽之不暇遑他求與二氏之粗者無庸言其精者不過

竊孔門之緒論而緣飾之世儒不察或崇奉彼教
丹碧其宮而經典其書豈不惑哉且夫仁義性也
忠孝學也親生之君治之不有師教則知不致義
不精隱犯之間有非良知之可盡者蓋陸王之學
異於朱子吾嘗有明徵矣昔金谿門人多患心疾
或自髡爲僧而朱子之傳至金華四先生以及於
方希直正學明而大節立二百餘年來明效彰彰
已今吾與若坐此堂仰瞻考亭書扁豈但美倫矣
侈觀聽已哉必謹其儒名而墨行者然後知所往
而可致於道不然佛氏之徒如達摩者且謂修寺

治古堂文集卷一記

空

造像無功德也而吾與二三子其敢以此自爲功
乎抑聞之古者井田學校相爲表裏後世學校雖
設而士或無以自給故宜於經常之外縮取土地
之贏者以爲學田蓋王道先養而後教也予俗吏
也受任於茲四年矣賴諸君之力繕完宮牆而猶
未知養士之所出幸際休明

聖天子崇儒重道製訓飭士子文頌之學宮意甚
渥矣在廷諸臣必有所以謀教養之全者而非有
司之所及也

握定致知二字朱陸同異判然言下識見更在

曾王諸記之上 李禮山

顯斥吾道外之異端陰闢吾儒中之異端直接
孔孟嫡派不但爲程朱功臣覺從前學記無此
卓識 張內正

闢異端乃以崇正學然修其本以勝之又任隆
學校明人倫而養育之規尤在所先司風化之
責者宜知此 受業吳啟昆識

治古堂文集卷一記

六

重修新安縣學碑記

國家誕敷文德崇儒重道

幸闕里乃

頌天下學宮及先賢祠宇額額昭鉅典也於是山左張侯來令新安觀學宮廢圯銳意更新鳩工庀材始乙亥迄壬午春告成屬予爲記予惟王制與聖學相表裏者也天生烝民厥有恒性君治之師教之宜道一而風同矣或者謂沃土不材瘠土向義豈其性相遠哉地勢使然也新邑瘠土也幸二三前哲昌明絕學敦倫力行風教固殊焉往者歲

治古堂文集卷一

記

大祿學宮惟草宅鄉校家塾無誦絃之聲回思全盛時學校之隆真儒輩出若孟雲浦邱方山先忠節諸先生講學敦行之餘教僅有存者賴

聖天子在上轉移風會不數年復觀風教之盛此固鎬京辟廱之化與先師啟佑斯文之靈抑亦前哲流風餘思之未盡泯也蓋瘠土之民易以貧亦易以教若鄒魯之於文學其天性矣况馴致於聖賢之學以任重致遠者乎按學制前大成殿次明倫堂最後爲尊經閣邑學則有殿堂而無閣規制獨缺焉非所以扶進人材恢宏道藝也且夫經術

不精倫於何明舍窮理而談良知是不學而可以致道也未之前聞往年官斯土者亦嘗新學宮矣而於是閭閻未逮及我侯蒞政七年而廢者興墜者舉慕義者不惜材任工者展其力然後創所未備以副功令畫一之規豈非崇聖學遵王制之大者哉予故紀其風教之殊與侯之盡心於教事使學者知政教同原王制聖學之端委相因踐迹入室以遠繼夫前哲講學之緒庶克副

治古堂文集卷一

記

大者

以王制聖學立論而又切合新安情事景仰前哲興起後進然有關係

錢子先

崇聖學遵王制兩意互發首尾相貫而歸重經術取法先型尤屬一篇要領

受業吳啟昆識

崔蓮翁先生畫像記

博陵崔蓮翁先生畫像四頁首頁正衣冠皆高柳坐曲池欄側前有桃花灼灼初發蓋春風浴沂者即次則科頭垂釣茂林下放志無復拘束太白詩露頂灑松風意殆近之若乃荷裳蕙帶做騷人遺韻則觀書一圖也坐對秋蘭丹楓覆其上最後則寒梅紫雪童子熾鑪火酌酒以進有高士之風履以甲申冬拜觀於京邸因哲嗣青峙之請感先公之交誼遂記之先生與先公爲同年友尤相善憶已已夏子以先公命謁先生於維揚神姿若天人

治古堂文集卷一記

七

也明年先公捐館舍以道遠不克訃其後先生卒亦不相聞焉於茲十有五年始得此圖諦觀之形神無二恍如謁先生於維揚時先生一代才賢出其學施於有政其茂績必有史官書之海內之士無論知與不知莫不想見其爲人而獲在下風者炙餘光聞緒論尤思見老成之典型而無從也此圖殆不必先生自爲之而士或樂以此寄其仰止青峙因得藏焉以爲他日俟見愜聞計也蓋程子於家祭亦不廢影堂云諸公之味備矣子何能贊一辭顧念青峙之不忘其親而又若以子言爲可

重者子豈其人哉當先公方壯時子兄弟懵不知

事其後宦遊南北又不得寫生善手以爲今日孺慕之地子固青峙之罪人也尚何言與尚何言與

叙次議論相間而行其中結構嚴密而筆墨變化令人無處尋其痕跡此真脫胎龍門非八家以下所能髣髴也

黃崑璞

以面謁觀圖相印證以有圖無圖相激射風行水上自成文章乃天工非人巧也視王彥章張益州諸畫像記超乘而前矣

受業吳敬昆識

治古堂文集卷一記

七

山居圖記

予讀仲長公理樂志論知古今達人未有功成名遂而不知止者也伊尹歸政戒居成功周公復辟曰子明農他若疏廣不置田宅安石高卧東山彼聖與賢者豈故爲是放達哉序有代終盈不可久也吾獨怪公理所樂僅自奉之適而所謂志者固不可知豈孟氏之所尚而可以帥氣者耶抑超然高舉以保其真耶張子葭士名家子也家有涉園極山水勝致日侍尊甫臨亭先生游息其中而怡然養厥志及官京師復爲此圖以行予得觀焉其

治古堂文集卷一記

七

西則崇山峻嶺長松古藤間以春華中有流泉自山冢出折而下有童子置餅罍需滿北有山堂中設榻度書其上屋後叢篠若風憂有聲東爲居室婦人出食具授童子將供上則平田沙阪二牧豎吹笛牛背意甚得其衣深藍科頭草屨撫松盤桓則吾葭士也嘻是亦可以見其志矣吾聞長安士大夫類以官爲家若唐之兩都宋之二京一時園囿讌游之盛後世鮮及而二三賢哲終不忘退老桑梓之願所謂歸去磻溪夢裏山者時形之咏歌以寄其志是亦人情之大可見者顧葭士方年盛

致澤之業未畢獨惓惓於茲圖豈有慕乎急流勇退之風若錢宣靖之爲與范希文曰後天下而樂諸葛武侯曰澹泊以明志夫物之至澹泊者莫山水若也一邱一壑會心初不在遠豈必備物適已若仲長氏之爲哉或曰此公理假設之言也故曰使居有良田廣宅云爾夫圖亦假設之象爾然而君子之志尚焉故不可以無辯

疎秀古峭刻劃天然繪風繪影之才讀之如身入畫圖中令人名心都盡屈鳳山

少陵咏物諸什一草一木俱傳其性情繪其生

治古堂文集卷一記

七

趣有化工肖物之妙此記亦你如是觀張郁蘊隱居之樂以尚志與之議論最大澹泊莫若山水尤爲千古名言知此意也自不求備物矣吳敏

昆識

遊峴山記

峴山一名峴首在襄陽城南其首東向晉羊叔子杜元凱所嘗遊歷者也廬陵記之詳矣戊子夏子與樞部宋君奉

命使滇南至襄陽約爲峴山遊問道所由則土人不知所謂峴山者惟舉峴石寺以對因騎而出自郭南而西緣山阪上下漸入谷谷在叢篁中風泉互響盛暑如蕭辰出谷達寺少憩陟石磴數武至硯石石有題識苔厚隱其畫不可讀又南數武有洞泉乳懸滴凜人肌骨僧挹以烹茗殊清冽於是

治古堂文集卷十

記

坐石與洞之間左右兩囑之解衣磅礴不知返也時樞部以遊習池後至復遊延慶寺寺在峴石北道益險多綠厲石石滑懼顛乃砍竹以杖有泉出石穴中灑灑然以漱齒冽甚遂行萬竹中亭午乃至復少憩樞部復慨然曰茲非遊峴山遊寺耳且非峴首峴之背而已吾意所謂峴山者必高朗可望城郭江擲目前而山出足下今但拊山之背而忘其首之所向雖幽邃窈窕殊乏軒豁致是猶觀人而不於其面也第若此乎則羊叔子何爲惓惓情深慨思宇宙哉因問之僧僧曰山首在寺北東

上上有亭久廢道無不可往子與樞部躍而起披蔓草行二里許土就平望其亭巍然東向猶在蒼茫際也樞部甚少於子有濟勝具復鼓行而東子從之至廢亭則日告夕矣亭碑多仆無立者因就坐焉於是履山首東望城郭若蒼巖然漢水帶其北陂澤環之三面人烟蓬蓬中起羣峰拱青如兒孫繞膝下其自東而西似有舊道久湮塞不治爲潦水所噬缺者子因問樞部曰快哉此遊不可再矣夫難得者時易滅者名也以羊杜之赫赫峴首之昭昭而土人不能舉其名況其他乎吾與子乘茲時也爲茲遊也適吾意而已矣又遑問身後名哉樞部曰然因循舊徑而歸其山腹有甘泉亭不暇往矣

治古堂文集卷十

記

於記體中能發出議論寫出性情知於此正復不凡 宋嘉升

古蹟埋沒土人不能舉其名所在皆有惟有心者能循名以求其境耳然令非其名尚存過者又何由披尋古人所以汲汲於榮名爲寶也讀此記令人遠想慨然 受業吳敬此識

與會標舉感慨激昂有搖五岳而凌滄州之概

漢書

大魚溪記

古者有侯人掌道路迎送賓客傳所訥視塗具徒
賓至如歸者也後世則水有塘陸有驛而窮山阻
水在官道而不能悉巡者莫過於辰沅諸溪戊子
夏予奉

命使滇南經辰州諸溪俗所稱七十二道足不乾
者幸而曠無雨坦然過之不爲意迨六月廿有六
日抵沅州大雨厥明復雨又明日至澧洲雨終夕
達曙約亭午次鮎魚舖則肩輿罇漏所攜書篋半
沾濡矣因以所衣雨衣覆輿首而分伴之餘衣以

衣之遂騎以行問道中南來者僉曰諸溪皆漲大
魚舖溪尤險且濶而多大石公其止此勿復南南
且危於是輿夫及肩囊者皆色慄止予子曰汝
曹言是顧日無幾程有期踰期將奈何僉曰今姑
止詰旦以行予曰詰旦復雨溪益漲將奈何衆無
以應因急行十里至大魚舖則浩浩滔天矣視溪
上有橋橋北架二板欹側不平可尺餘其一板蠹
且朽登之格格有聲足不可並任稍南板惟一益
狹因叱肩者由橋馬者由溪莫之敢應乃強驛子
乏健者偵之道不敢由正復北登山出溪之東上

竟自東而西達南矣予遂騎以至山山壁立馬屢
不肯上策以登鞍溜於馬股下山始合及溪僅沒
馬足漸而腹而項而吻予馬稍次西西北深幾溺
幸其健怒張而東橫乃達則衣袴淋漓不可止於
是始有戒心焉先是與夫李姓者過浞洲一溪溪
之險不及是而漲亦未甚然已仆而僅免矧茲之
稽天吹地者能無懼哉予既南視肩囊索者猶未
渡而日者自京師以來所常役之輿夫四人者代
肩以過橋衆乃畢至吁予嘗歷西北諸水道有溺
者則土人導之或肩負人以行楚南則絕無此且

治古堂文集卷一記

元

水多大石不可識以臬惟木直甚廉橋易成耳而
令長若罔聞知村之人若秦越人之相視漠然不
動於中至以父母之身馮河而涉險危矣哉微王
程之故何以如是其急也故備記之以告夫後之
經斯地者倘不幸如予之怙恃俱失則宜效叱馭
之風而或有王陽其人者雖久待而愆期無所避
罪且冀夫官斯土者稍存夫侯人與成梁之意斯
又於法令外一義舉矣

其用意只首尾一露餘俱叙大魚溪之險要知
其叙得極險正是用意處也至其筆力峭折逼

是柳州諸記于君俞

畫之所不能繪者一一達之紙上乃知以文言
道世事猶其淺焉者也 宋嘉升

玉田邑西有彩亭橋橋圯矣石街衙立木中若
攢簇錙璖乾時擇然後可步兩三日以往水從
四山下輪之怒而與石戰則白波如山鯨鯢齧
擲轟隱數十里許行者車埋輪馬滅鼻蓋畏途
也康熙乙未余令豐潤值西師與戒屬邑買騾
馬以供餽饋而集之昌平州有期會余破雨親
督之行過其地則水方大如灤潁爲散數千錢

治古堂文集卷一記

今

於橋側居人使爲前馬復張左右翼推輓之僅
然後得度有騾卒後者偶一失足則已陷胸碎
首不知所屈矣其渡處頗狹不逮公所記大魚
溪三之一然且有向道者而險絕已如此故曰
以舊坊爲無用而壞之者必有水敗惜乎余無
文不能如公狀難狀之景復因事托諷使聞之
者足以戒也 還淳後學方榮如書大魚溪記後

望水亭觀瀑記

去鎮寧二十里有懸瀑焉其源莫究自黃桂戍北得石梁嵒巖高潔已有鳴湍急瀨飛素流淙淙瀉梁下抵戍食頃雲霏承宇以爲雨也出視之天氣清朗東曦向辰居人曰此瀑之飛沫耳嘗激數里如小雨餘霖因緣厓跡之瀑出山冢上匯爲小潭其色黝綠以石林掩抑莫見其底視望水亭猶在霞表巋然峙其南也竊意亭去瀑遠甚睇視良難及至曠若披面僅咫尺矣乃由山冢窮其底頂踵豁露俱在目前懸流千仞倒瀉直下雷轟電

治古堂文集卷一記

二

掣傾人視聽立而望之若三門然上有虛宇覆以晶簾輕明遠燭表裏洞達軒唇凹腹不外拓而中歛以故從天而下高空無閼日景方中變相爲琉璃五色冷翠幽光幻入泡影峭石逆之激越四射跳珠霏玉不可悉狀下注犀牛潭色與小潭相似而深不可極或云有靈物潛其中出則有光銀濤碧波互易呈奇其氣上騰非烟非霧綸川彌谷聚而益升時續紛穠郁若沃饒蒸餽力能更代陰陽吐納雲日其爲神異不可測也亭後多苦竹紅蕉間之目不暇給濕之西厓則有女貞檉梔之屬扶

踈高下枝幹畫然葉卷沃若並植而分榮增其氣勢矣厓東無樹石色上蒼下赭有洞孔望之深黑下有碑遠不可辨碑右上有雪映川霞四字其大準諸掌若就視當復什伯相傳爲名藩筆或然乃其將至復有幽芳異卉羅生左右霏紅炫綠隱翠約黃因風逞氣芳馥襲人自石梁而下凡三四里於是俯仰任放遊目四矚巖谷移瞬晦明屢變所存既往而來者方新乃思萬物之動靜原二儀之翕闢霍如心悲天海豈獨情移山水而已哉俄而羲和弭節叱馭將西僕夫展軔告行忍而舍旃出亭即荒荻蔽虧不復望見其處香色紛葩混焉歇絕又里許復有奇峰左出峽束兩厓中清瀨素湍隱隱東去

治古堂文集卷一記

三

非極奇幻之筆不能寫極奇幻之景輞川圖可以愈疾今讀此文可作卧遊令人神往錢謙人脫胎於水經註而不襲其皮毛此之謂深於古者

朱嘉升

每讀一過肌膚與之疏涼神情與之清冷

方文軒

陽城三鄉賢碑記 代澤州杜公

陽城田霖商先生侍郎田公與巡撫張公同日祀於鄉里人榮之屬予爲記予聞之傳曰前哲令德之人所以爲民表也又曰法施於民則祀之以勞定國以死勤事則祀之故古者鄉先生沒而祀於社今則列於學宮戟門之右與名宦並崇豈不以宇宙三不朽君子尚之或遭時建豎非常勲業爛焉不則著書傳後以其身仔肩斯道耀潛德之光皆典祀之所不遺而因以風示來茲與按表傳田先生諱雨時霖商其字也性剛正學邃於易嘗舉

治古堂文集卷二

全

全史興衰本皇極經世之指參驗其剝復之數以理學名於時闖逆之變邑人欲迎之以免禍先生力斥之邑人賴以全節賊至攜其子及從子以行從子孤而幼負於背因失其子幾遇害其後乃得之時有被中傷者死垂須臾先生抗言力救獲免其人終身不知先生亦不言也以諸生舉鄉飲賓年八十二卒贈文林郎廣東英德知縣仇太史滄柱表其墓侍郎公諱六善字兼三霖商之從子也順治丙戌進士由太康知縣擢戶部郎江南道監察御史復以列卿管刑戶二科給事中事在職敢

言所疏奏數十皆洞切時弊如罷捐資生員請復巡方舊制尤侃侃正論也歷官至戶部左侍郎博學能文年七十以致仕卒於家祀太康名宦韓宗伯慕廬爲之傳比之宋直臣田錫云張公諱泰交字公孚生有震雷繞舍龍起壁中之祥其先世多達者家中落幾廢學會祥符張君都甫知陽城奇其才授以胡氏春秋壬戌成進士初知雲南太和縣以治行授廣西道監察御史累官至刑部右侍郎巡撫浙江年五十有六卒於官

治古堂文集卷二

全

遠出訖不歸號泣無虛日及喪母益哀毀目皆皆裂以故弗良於視其純孝如此嗚呼三君子者生同里學同道而或見或潛以碩德相後先蓋接踵如一轍也里之人薰其德合辭請祀於鄉邑宰上其事報可於庚寅四月同奉主祀學宮之右是日也道左觀者數千人有歔歔欲絕者今夫人平居讀書觀前賢行事嘗慨然慕曰若而人吾所願學也及得志於時有官守言責矣或怯懦而不盡備員以全身其窮而在下者於六籍蔑如也甚且逃儒歸墨自托於輕世肆志之爲哀哉今觀三君子

之操行及所以達之邦家者昭昭已後之人聞其風而興起宜何如也且陽城堯都之南鄙也有陶唐氏之遺風令

國家定鼎燕京實古冀州之域道化之隆與唐虞一揆且與賢育才崇重典祀士生其時既親炙聖人之教又有老成人之典型以爲法守抑何幸耶攷陽城田氏得祀於鄉者三初有贈公諱世福者以訓導死難於宜城今復增其二張公孚之高祖叅政公諱昇伯祖太宰公諱慎言皆祀於鄉及公孚亦三矣嗚呼何其盛哉乃爲銘曰觚觶之精

治古堂文集卷一記

金

析城之靈是生哲人吾道以明約身厚志履仁蹈義其氣浩然塞乎天地司訓既沒司農繼之邦之司直惟家是師殫厥言責秘乃聲色斯謨斯猷我后之德孝子之門忠臣是求天生開府以襄聖猷生有殊勲沒有顯號祀社攸同用裨風教於戲三君聲聞九垓嘉惠來者於焉取裁

分叙極有條理合論極其貫串此文之精於法者
李季平

永熙寺茶亭碑記

蓋聞至治之世德洋恩普無一夫不獲其所即行旅之出其塗者皆有廬舍委積以供其困乏此先王之所以柔遠能邇而廣德施於天下者也當是時政教具舉家給人足風俗淳美民皆好行其德而樂善不倦嗚呼何其仁也迨至後世政教不修蔑先王之制道蕪旅困故有以王使過侯國而授館致餼之禮缺焉行李之往來又可知已

治古堂文集卷一記

金

地者西僧陳氏捐金落成爲龍象大觀者瀋陽張天輔也主寺施茶者今爲吼岩師而命寺之名則自舊尹蓮山廖公始公之尹瀋也政行而教明修廢舉墜飭舟師通利涉立義塚瘞骹骸政聲與前尹康侯王公等論者謂王以嚴廖以寬皆濟時之才而將軍松公調和文武兵戢而民安以故風厚俗美人人有君子長者之行於是冠蓋弭節多供頓於茲寺夏之薜冬之湯載渴載饑者胥望庇蔭而托足焉今夫君子之學莫要於求仁仁體事而無不在故一介之士設誠而致行之皆可緣分以

盡厥心與誌謂雍伯施漿以給道賜獲雙璧焉今
玉田縣其遺跡也抑或有徵與程子亦曰一命之
士苟存心利物於人必有所濟今之官茲土者自
將軍五部尹丞而下皆承

天子命有兵農禮樂之司者當其蒞此亭也見夫
耕夫饁婦之勤苦商賈行旅之重趼而任負將必
深念曰一夫不獲時予之咎其何以稱

上意旨使百爾君子是則是倣矣乎則所以修厥
政教俾遠至邇安而四方逃聽者無遐心焉亦必
有道矣若夫福田利益之說此達摩所謂有漏果

治古堂文集卷一記

全

無功德者尤儒者所不道也

文者載道之器爲文而不本於道憑他粉飾字
句都無是處此文提一仁字說入最有根柢李
蒼

青要山石陂後記

歲在康熙壬子既遊石陂青要之爲名山與東西
山所由名前記詳矣茲戊戌季秋朔八日復爲石
陂遊於時親友凋零谿谷非舊東西山之名如昨
也而實則異觀不能無今昔之感焉東山之栢蔚
茂倍往昔而西山大溪僅不絕如綫俗所謂古墳
柿葉二潭湮滅無迹泉出陂下者伏流入虛沙不
下注雖秋多雨百川日灌河而泉源久涸向之滙
爲高潭者淤爲平沙可坦步矣潭上有柘每經秋
紅鮮可食樵者亦砍去其猶可棲影者入谷之逕

治古堂文集卷一記

全

迤北有二木黃丹其葉尚烟烟照入石可鳴琴者
匠氏攻之復淨盡無餘石版外泐中乾其陂仍如
屋四據碁局如故亦攻鑿其東偏勢下覆不可入
矣予乃命尋源者濬之使出勢雖微亦涓涓達於
溪予將往觀焉而覃懷楊甥子健適至遂偕以行
是日也風日清肅浮雲往復翳陰於遠山追憶昔
遊蓋四十有六年矣月日復同而人風頓易樂往
悲來誰能遣此耶昔時同遊者九人奄忽殆盡其
存者予及家弟天益亦既老矣天益又官京師子
病危初起扶掖以登愴然有山陽之痛止酒聊歌

一二闌用當哭焉子健曰公何戚也昔羊叔子登峴山慨然以湮沒無聞爲悲從事鄒湛謂叔子名德宜與茲山並求今果然矣復何事沉石江漢待千秋萬世名哉予曰不然子以爲名可久茲山可常遊乎積歲月而爲世世盈爲渾運爲會會有元十二萬年之後天地且有終始而東山與西溪爲劫灰矣又况四十餘年之隙駒而寄蜉蝣於兩間者乎爲樂當及時何能待來茲靜者山動者水清音常在穹壤是吾與子之所公共而無待者也名云乎哉子健曰公之樂廣矣大矣盍亦言其實也

治古堂文集卷二

記

夫名者實之賓也無實奚名君子進德修業欲及時也其憂先人其樂後人吾自有所以不朽而不與天地爲成毀者在又何戚焉時從遊者子姓門人咸在遂命書之以前說者爲予自寬後說者爲若輩勉焉於是衆情奔悅既久而歸

前記有遊山之樂後記有感舊之悲一境而兩情頓殊筆能曲曲達出令人歌欲與歌泣欲與

泣受業張漢識

治古堂文集題目

卷之二

序上

古文六宗序

古文養正集序

東鄂人文序

輔仁集序

留都文萃全集序

雲南鄉試錄序

江南鄉試錄序

治古堂文集卷二 題目

寧鄉縣志序

趙城別紀序

景東賜說齋序

雲南戊子科齒錄序

袁太史世譜序

吳興東溪陸氏族譜序

王氏家譜序

吳旋公先生墨蹟後序

于清端公學書序

杲村詩序

靜菴詩序

攝山堂詩序

葉見初詩序

老莊詩序

李璞園詩序

青要集序

嚶鳴集序

講約直解詩序

王誠亭詩序

陳荀少先生詩序

治古堂文集卷三 題目

張慶餘詩序

張書登詩集序

東籬詩序

王雪巢詩序

勵文恪公紀恩詩序

汪涵齋先生詩集序

方一峯詩序

遺安堂詩集序

廖連山詩序

傅雪堂詩集序

香草詞序

中秋感懷序

花間稿序

洛神廟自序

重修寶雲寺序

河神廟募緣序

爲樊學博募義序

修寧鄉縣學序

重修陳乞寺序

治古堂文集卷三 題目

三

古文六宗序

王子崑繩論次周漢六家古文而傳之曰宗曰子
讀而序之曰大哉文乎原於天賦旂人而聚於其
所宗宗之爲言總也如網在綱有條理始終也是
故百川宗河海四岳宗崑崙學人宗賢賢宗聖聖
宗天天不言聖人繼其志而述之則文章可得而
聞也是故仲尼祖堯舜孟氏學孔子宗其道而文
在茲焉四教首文六經爲衆說郭大哉文乎經天
緯地沐日浴月登山觀海而後知游其門者難爲
言也亦云得其意而已六家者曰左曰孟曰莊曰

治古堂文集卷三

序上

四

騷曰國策曰馬自孟而外其言不必悉軌於道而
其致極文章之能事說者謂邱明親受業於孔子
依經而立傳變謹嚴爲浮誇由質而文不相悖也
鄒魯接跡厥有七篇處戰國而言仁義非策士所
知然國策之文春秋以後之史籍存焉若魯連王
斗顏觸諸人獨不得聖人爲依歸耳要亦一時之
傑也莊生屈氏皆楚之文人其文有發憤任達之
不同而兼具美善麗則恢奇如五嶽之表有峨眉
四瀆之週寰以裨海極域外之觀矣龍門史記自
附於孔子之春秋言雖大而非夸其文雋潔班范

不及也要之文以載道道以範文正言之不足而
寓言之非心知其意無以觀其會通綜其典要此
王子所爲獨觀其大而舉爲百家之宗也與或曰
文章之法自唐宋始備舍八家而宗周漢李北地
之所以見譏於震川也子曰不然八家者宗夫六
宗者也昌黎宗孟子廬陵宗史記眉山宗國策河
東臨川南豐皆原本經術而各自爲宗後世亦宗
之譬之祜主有百世不祧者有五世遞遷者因苗
裔而忘胙氏之始本支紊矣其何能祀詎知宗其
所宗者之不克收族耶詎知所宗者尚有所祖而

治古堂文集卷二

序上

五

爲胙氏之自來耶夫聖人吐辭爲經經則大矣文
亦非小技善學者由六宗而上溯六經以求聖人
之意可以修辭可以立誠技也進乎道矣此又王
子之志而有待夫學者之自得云

條貫井井卓議精識可以論文可以言道

屈鳳山

古文養正集序

人之少莫易乎其始入也始入以正弗納於邪則志定而業可居譬之鑿輪輻附轂而勒厯險不難而泥不滯也擬璫以爲器搏於手而傳諸火出冶而脉之形一成而不變也故才須學學須正也學於古乃有獲四子五經外古文尚已顧選者不一家或邪正雜陳華實兼采使深夜求幽室中者寐寐焉莫所適從英者任慧雄者負氣非所以廸幼志崇道誼也惟一軌於正不正者勿往參焉然後可以定志可以居業可以無書不讀而所見惟一

治古堂文集卷三序上

六

何也器成斯可受車堅則致遠也於是擇其質勝文辭少理多有裨名教者若干首以訓蒙士易曰蒙以養正聖功也文焉云乎哉

本經意而出以古雅似王臨川筆意 王或菴

東郭人文序

東郭人文者吾兄文敬先生觀風武昌試諸生與童子制義也今人一行作吏此事便廢即有行之者亦緣飾具文而止吾兄甫下車惟作人是急凡得卷三百餘命予較譬之拔其尤者若干篇俾予若弟藏之篋中以時觀覽知乃父兄雖仕猶惓惓於文學者若是况吾始學者乎蓋古君子樂道人善不啻口出實心焉好之今學者動言希古而或於人之嘉言懿行漫然不復加意甚者媿其不如而諱稱焉鄙哉斯人吾子弟中不願有此也然則

治古堂文集卷三序上

七

是錄也不惟其文而已國之風也家之教也抑又樂善之一端子若弟有好學深思者能無念老夫之嚶嚶而思以虛受人乎若夫南風之競審音者自知之無俟予之言

近裏著實儒者之文 宋雲會

輔仁集序

一物而三善聚焉者其制義乎以尊王制至隆也以崇聖學至正也以規心術至微也故制義天下之善物也非考古不知王制非通經不明聖學非窮理養氣不能定性而端心術三者備矣而又原本先民參之以時變然後能詣其極顧不難哉夫以天下之善物而爲之復艱鉅如此宜

國家以之取士而學者於此盡心也西河魏士文學之邦也子夏之遺教存焉其屬邑寧鄉古離石地雖蕞爾邑前朝科第接跡偉人多有自往歲饑

治古堂文集卷二序上

八

饑以來而風亦少衰矣余以己卯筮仕其地政務之餘日進章縫而討論之語以讀書養氣之非襲取也復取慶曆啟禎諸大家文口授指畫而告諸矩矱之不可易也如是者三年文風幾丕變矣乃彙集其觀風課士之文拔其尤者將授諸梓於是汾和之間業者日進而四方薦紳先生往往不憚下問及二三千弟與曩之及門者亦時相切劘子或見獵心喜偶而涉筆不忍遺忘都爲一集以示合志同方之義而顏曰輔仁蓋仁體事而無不在者也起於心成於學發於事業凡存誠而祛偽貴

王而賤霸皆是物也顧其道以知入以行至故會子謂以文會友可以輔仁而子夏亦謂博學篤志切問近思之事仁在其中蓋由是而之焉而後可力行以求至也往者會社盛行三吳江右勢若水火岌岌乎傷一體之誼而同室以操戈者是固與於不仁之甚者也今諸生學子由文以力行毋畏難於古母苟安於俗母伐異而黨同和順英華而出其所學以鳴

治古堂文集卷二序上

九

國家之盛其在斯乎抑嘗聞之昌黎廬陵古之以文鳴者也然或耻其得第文字而謝上蔡問科舉之利程子正辭闢之吾鄉陳心齋先生評文亦不言利鈍此又仁者先難後獲之旨也願竊比焉而與有志者共勉之

制義之敝敝於不學與學而徒爲浮薄茂以爲小技者皆其未深於制義之根柢者也先生特鄭重爲此純粹以精有功名教不小成乾夫序課士文教以取友輔仁不爲弋取科名計真是醇儒之言醇吏之治

朱雲會

留都文萃全集序

留都文萃者予爲奉天丞試士之作也歲辛卯予自西臺蒙

聖恩擢在此職劍兼學政甫下車觀風得文章若干首嗣是季有考月有課越明年壬辰春歲試兩郡彙而集之名曰萃萃聚也謂人文之所聚也天地翁而萬物生上下交而治道成舉行合而文教興是故觀其所聚而見人文之大全也我皇上堯仁舜智稽古右文光華復旦之治媲美唐虞而軼三代五十年來

治古堂文集卷二 序上

十

聖學日新無時不以教養爲務自有制科以來官人得士於斯爲盛惟茲留都實爲國家發祥之地風雨會和之區其土博厚其俗敦龐其民質直故其爲文也清而能淳秀而不佻加以官茲土者自尹若丞而下咸思仰承德意以淑儒效漸摩日久薰蒸丕變是以從龍之裔人才輩出即十學人士亦彬彬可觀有斐然成章之意竊思文教武功隨時異用皆帝王御世之權而移易風俗之大機也昔者周室盛時辟雍鐘鼓四方攸同因之重熙累洽遂卜年世之遠蓋自有印肇封

遷幽徂岐世有顯德歷王季至於文王壽考作人祚命聿新武王纘三后之緒配京作求垂拱而治有自來矣論者謂周治尚文較夏商爲明備不知周之先祖父公劉太王之世其尚忠賢也久矣使開創伊始遽以文是尚則一發而無餘成康以後又何所流極也哉孔子謂周監二代郁郁乎文哉蓋信而有徵云我

國家受天景命

列聖相傳肇基於興京洪惟

太祖高皇帝智勇天錫保世滋大規模宏遠矣

治古堂文集卷二 序上

十二

太宗文皇帝創制顯庸光大前烈立學校行釋奠禮美哉何文治之隆也欽惟

世祖章皇帝以聖神文武之姿奄有九州定鼎燕京導民養士皆可爲萬世法程幽岐豐鎬之盛遠過姬周而太和之在宇宙咸萃於

今上之勲華矣夫源之遠者其流必長根之茂者其發必盛易曰觀乎人文以化成天下恒之象曰聖人久於其道而天下化成十五國風以二南爲始基繇之九章推本受命之原立室家作廟社而必以疏附後先爲蹶生之助然則制義之文其即

古者言揚之典而學校之臣所由以人事君者乎
且言者心之聲文者行之表也士有才能而不遇
有司之過也時方卸隆而學不布聞亦士之耻也
用是拔其尤者授之剗剗俾海內人士知

聖天子之欽明文思化成有本而陪京之風會三
韓之才藪所以鍾聚於東北而發揚於天下者其
來有自蓋乾高坤厚之氣生長乎震然後巽齊於
東南而萬物兌悅焉則

國家萬年之景運於是乎徵而世有知言者亦將
於此覘人士之器識而決他日之所成就豈徒競

勝藝林取悅當世云爾哉

治古堂文集卷二序上

十三

經經緯史宏中肆外真明堂清廟之音傳雪堂
公劉太王之世久尚忠質此論前人未發行文
紆徐演漾原本深厚似南豐學西京手筆沈礪

雲南鄉試錄序

國家文德覃敷教四訖薄海內外周不同風歲
戊子值三載賓興之秋先期禮臣請主考官於朝
廷舊典也欽惟我

皇上右文稽古廣羅八紘野無遺賢矣猶謂人才
得失職在試官匪諸臣謂白乃心無以收儒效遂
於四月望日親試諸臣第其文義左右史載筆記
之藏於冊府二十有八日以臣履恒偕臣聚業典
雲南試事聞

治古堂文集卷二序上

十五

陋遭逢

聖世自甲戌通籍由知縣拔置西臺循分守職無
毫髮善狀

皇上不以臣卑鄙獲與九卿翰林科道之末

欽賜以

御製詩集俾固陋之臣得瞻光華復旦之盛今年

二月

頒賜人臣亦與焉既陶淑其心志復頤養其微

軀臣何人斯叨蒙

天惠如此其深感激晨夕不敢即安譬諸草木生

於陽和亦將向榮長遂寧忍枯落自外春暉耶在途三閱月始達滇省側聞

恩旨加額雲南鄉試五名洵曠典哉於時則有總督臣

貝和諾調和文武兵民咸輯監臨則巡撫臣

琛提調則有政使臣蔭樞監試則按察使臣聖猷

咸恪恭視事晨夜展力內外局鑰杜絕弊竇臣履

恒臣聚業率同考官同知臣沛愷知州臣珣知縣

臣銓臣成齡臣世豐臣會祚臣樞臣璋臣濂臣士

寅凡十人共誓於大神惟公惟明惟慎且勤或昧

其衷任其胸臆怠忽所事俾墜其家叢咎於躬子

治古堂文集卷十 序上 十四

若孫罔克嗣世誓畢遂進提督學政臣魏方泰所

拔士五千有奇鎖聞易錄而三試之既撤棘得士

五十人貢成均者九人臣等卽於是日拜

命就宴歌鹿鳴詩畢乃諭於多士曰爾亦知今日

之遇所自來乎是惟

聖天子在上加意遴才廣施額外二三賢臣克承

德意四十年來以安以養以教以育使吏無操切

民樂其業移易其風俗衣食租稅畱其有餘多士

因得肆力於學藏修游息以決一日之遇吾二臣

者安受其成何力之與有且六詔文風開自盛覽

其後代有聞人然而應運興起未有如今日之盛

者也昔者宋臣范仲淹自爲秀才時已存心天下

王曾無溫飽志不愧科名多士幸際清時登賢書

家修而拜獻始基之矣爾有志必報

君父生成之德勿岐於利達定志居業勿荒於嬉

勿介二三畫於半途行將讀中秘書或膺民社必

期移孝作忠克子克臣斯不負

聖主作人之意與多士求志行義之心語竟就館

謹錄諸士子文尤雅者二十篇恭呈

御覽臣履恒既颺言簡端於多士文不敢復爲揚

治古堂文集卷十 序上 十五

謂惟俟

聖鑒採擇惟時有事茲土者則提督臣偏圖糧儲

道臣陳延驛鹽道臣李茲永昌道臣陳俞侯鎮守

總兵官臣徐登甲臣張其蘊臣俞章言臣黃秉鉞

臣段騰龍臣郝偉臣吳坤例得備書

皇上御極之五十有二年恭逢

萬壽六旬大慶先期

特詔鄉會加科二月直省舉行鄉試遂以

臣
 雲名典江南試事聞

命祇懼不敢怠遑伏念臣履恒洛西腐儒經術淺

陋憶就家塾時臣父先臣兆琳授以孝經句讀於

移孝作忠之指諄諄提命三致意焉其後臣父官

西臺每有啟事輒蒙

溫旨臣以不肖下材復自外吏被

治平堂文集卷二 序上

六

召拔置西臺

欽賜以

御製詩集又

頒賜人蔭臣亦與焉在職七年碌碌無所報稱猥

蒙

殊恩內陞奉天府府丞通政使司右通政

特授今職竊思臣之事君猶子之事父雖在疎遠

猶凜咫尺不違之義而況密邇

禁近身被寵榮如臣履者其何以盡乃心以負荷

厥任於是星馳就道按期入闡時則有總督臣赫

壽安輯軍民人和吏肅監臨則巡撫

一心寅清夙夜提調則署布政使臣陳常叅議道

臣國禎監試則按察使臣詢掌印都司臣秉法咸

恪恭展力繕垣葺棘杜絕弊竇外內清嚴臣履恒

臣雲名率同考官知縣臣遐祿臣世泰臣泚臣天

錫臣	晉臣	錫炤臣	矩臣	國柱臣	勤宣臣	道臣	養民
----	----	-----	----	-----	-----	----	----

臣斯恭臣鰲臣鳳起臣嚴臣翰臣鑑臣龍御凡十

八人各書年齒共誓於明神務殫乃心以副

國恩潔乃志以對多士倘不公不慎匪敬匪誠惟

大神是究是殛明有三尺幽有六極殃及幼子童

治古堂文集卷二

十

孫俾無遺育未爲試官鑒戒誓畢乃進學臣胡潤

所拔士一萬二千有奇鎖闥而三試之中式者百

有三人貢成均者十有九人旣撤棘人士熙然咸

頌

聖天子壽考作人之盛即不售者亦同聲一辭祝

萬年無疆之休小臣敢在下風揚茲曠典是日也

例宴鹿鳴乃敢諭於衆曰爾多士遭逢

聖世進身伊始孝經不云乎始於事親中於事君

爾欲無忝所生耶必自今日始願處爲貞士出爲

良臣凡有近名之心即未忘乎利也其間相去無

多矣臣無以教多士即以先臣之教臣者告之又念先臣讀書垂老分校典試未嘗與焉臣以卑鄙猥蒙

聖眷自戊子至今六年之間滇南江左兩典試事皆先臣之有志而未逮者臣何人斯而當此重任雖以人事君之義未敢與知寧忍負庭訓而羞多士以辱

君命耶且夫學術純則人心正人心正斯風俗成我

皇上竄聰天授稽古右文契二帝之精一集百王

之大成

治古堂文集卷三

序上

十六

躬詣闕里釋奠先師孔子復表章宋儒朱子躋之十哲之列歷觀自古帝王學術之純莫有過焉者也然則

聖學之健行不息即

聖治之悠久無疆多士移孝作忠希賢希聖其亦知所適從也與語竟就館擇其文尤雅者二十篇

恭呈

御覽臣例得颺言簡端於茲錄既注評驚惟俟

聖鑒之採擇何敢詡詡焉自謂衡鑑之有當於萬

一乎哉維時有事茲土者則將軍臣鄂克遜總督

漕運臣即廷樞總督河道臣趙世顯安徽巡撫臣

梁世勲巡鹽臣李煦臣石芳杜鎮海將軍臣馬三

奇副都統臣達拜臣他拜臣周良相臣劉起芳提

督臣師懿德總兵官臣施而寬臣穆廷杖督理織

造臣曹顯權臣索柱臣森圖臣穆禮庫臣鄂爾

坤臣雅進泰臣張保臣法僧安徽布政使臣張聖

佐按察使臣楊宗義奉

命未至則江蘇布政使臣牟欽元按察使臣甘國

璧分猷則副使臣朱作鼎臣王英謀僉事臣鮑鈴

治古堂文集卷三

序上

元

臣劉廷機臣吳順奉

命未至則江安糧道臣王希舜贊襄則江寧知府

臣衛淇例得備書

寧鄉縣志序

古者王朝列國皆有史在晉則乘其名董狐其人
也後世郡邑志特史之一體耳然而史裁悉具焉
是故典制紀也沿革表也人物世家與列傳也其
藝文題咏尤足以規三長之才而兼備乎六義志
豈易言乎哉我

國家土宇孔厚

特命儒臣纂修一統志蔚然成書凡郡邑山川形
勝扼塞之處責在有司討論履恒承乏寧鄉睹舊
志殘缺狀大懼典章放失風教淪歟無以稱厥官

治古堂文集卷三

序上

十

守乃採輯舊聞訪之故老有易道人者西河耆舊
也佐以王生顯晉劉生佶王生純元相與考訂而
序錄之越明年成乃嘆曰甚哉志之通於史也昔
司馬子長負一代史才且世守其官猶必游歷天
下網羅遺文旁稽於長老然後成史記一書今之
長吏足未徧四境交不滿一邑而僅抱殘守缺於
前人之冊欲以信今而傳後不亦難乎攷寧之爲
邑昉於後周而叙次僅始於金之太和其典文故
事自元而前靡得而稽已數百年間豈無偉人佳
事與奇文之可傳者今皆湮滅無聞可勝道哉蓋

孔子嘆文獻之無徵孟子惡諸侯之去籍夫以至
聖大賢猶欲竊比於史氏之闕文况後人乎雖然
天子以百里之命付之有司土宇吾疆圉也人民
吾赤子也凡戶口之增損風俗之淳漓悉宜盡心
焉然則是書之修僅文義云爾哉往聞徐健菴在
史館閱天下郡邑志殆徧獨善崔後渠彰德府志
康對山武功縣志蓋作志若斯之難也予終不敢
謂斯編之爲成書而無待於後之君子已
歸重戶口風俗具見特識 李禮山

治古堂文集卷三

序上

廿

趙城別紀序

夫君子學古入官議事以制將以移易風俗行吾道以濟時而已道之大者在於綱常名教而其細至於日用云爲名物度數之間學者罔不盡心焉是故立誠於內有躬行之實操藝於外爲行遠之文於是乎化民成俗風流令行則而象之者信其說之有徵此君子所以言行相顧而發榮於樞機者與吾宗松若先生以進士高第知山西趙城縣於農田水利興教勸學一切教養大政悉衷諸道以爲治以故政舉人和百務俱新因以暇日參考

治古堂文集卷二 序上

廿二

遺聞周覽境內之勝旣得其詳乃爲趙城別紀一書書成有年矣哲嗣淄南將授諸梓屬予校而序之子讀漢史有文吏俗吏之稱俗吏矯飾外貌以苛爲明聞道則大笑之以爲是不能以家成者也至所稱文吏云者豈塗民耳目之謂謂其立綱陳紀好禮知樂而措諸政事之有條理也是遵何術哉由道而已道者所由以適於治之路也由之則至舍之則岐脂車秣馬瞻言千里不騁於通衢而之乎險陂之徑陰雨窘其前山石躓於後棄乃輔輪爾載將伯而呼助有不敗績壓覆者哉若夫由

其道者車不越軌馬不泛駕不倖名不計功循循於必至之程歲月以要之忽焉不自知其所極也回視詭遇者已瞠乎後矣則先生其人也且夫郡邑之有志是國史之遺也別紀者如漢書之有二紀晉書南北史而外有十六國春秋五代史之外有南唐書之類是也顧郡邑諸志盡善者寡惟崔後渠彰德府志康對山武功縣志見稱於世豈徒文辭云爾哉抑取其言之幾於道也初予知寧鄉修其邑志極意搜羅放失百不得一終於固陋自悔少而不學宜其老不聞道也尚敢與諸先正度

治古堂文集卷二 序上

廿三

長絮大於文字間乎今讀趙城別紀一書學成於稽古言本於躬行故其與廉舉孝立教之道也均利社弊敷政之道也多識博聞筆之於書以詔來者居業之道也一物而三善備非知道之君子孰能與於斯至其考據之精確文辭之可喜則觀者自得之子聞淄南之宰元城也與趙城之治後先同符可不謂克家承考者乎宜其恪遵先志守而勿失也是宜具書

低手遇此等題不過論及文章度數而已就中發出一段大議論來方見作家手段至於筆勢

之歷落關鎖之嚴密特先生餘事耳 李季平

治古堂文集卷二 序上

尚

景東賜說嵩序

古今志山水者始於禹貢次則應劭封禪儀記而鄭善長乃注水經柳子厚其支流也禹貢之外方按蔡傳潁川郡有嵩高山即嵩嶽之別名堯時目之至虞舜始稱嵩高云或曰嵩山太室黃帝時已有是名不自虞始虞之四廵不載中嶽詩大雅崧高維嶽說者以爲崧高即嵩高云爾景太僕東賜生長於嵩自少所遊歷凡嵩山所載悉覽而識之垂四十年乃著說嵩一書自禹貢外方以窮其源而析其流於諸書有所得即手劄之考諸古質諸

治古堂文集卷二 序上

五

今下至稗官野史旁及二氏之藏廩不廣聞而力究之其志可謂勤矣嵩高之所履北至於河南至於襄野東至於虎牢西至於華嶽方數千里固不支分派別詳其主客祖孫之脈幾幾乎窮兩戒而貫四維矣猶不敢自信而問序於予予居雖近嵩數往來未嘗一登陟讀其說若河漢之無極何足以知之而序之是猶居河濱者汲井以益孟津齊東野人以抔土增泰岱多見其不知量也顧於此亦有說焉昔王仲淹擬六經朱子非之謂其儼然自以爲聖人予讀王氏書誠有然者顧其擬論語

也不以爲論而命之以說若不致此於徐偉長者則其儼然爲聖人也或亦福如禍時與其弟子之所爲而仲淹未嘗有是心也且夫說之義亦安有窮哉無稽之言非聖之書足以驚世俗而君子弗取六經之所著諸儒之所述循循焉平易正直而其理峻極於天羣仰止不遑焉則夫善爲說辭者寧有他奇哉今觀說嵩之指於二八則辭而闢之或存而不論於經史則釐而定之必取其信而有徵其他說之可採亦擇其善而不沒其人蓋見大意於筆先而即事以取義使後之覽者有所折衷焉而不徒登臨之偶適而已東賜自謂非紀載之書信夫子老且病往往閉門却掃不敢論文字以固辭不獲命而序其大致如此若其文之婉鄭而軼柳觀者自得之予何言

原原本本實有一段正論闡發所謂其中有物

與泛作者不同 李季平

治古堂文集卷二 序上

共

雲南戊子科齒錄序

達道首君臣而終以朋友蓋尊卑定位即天屬不得而先焉何其重也顧麗澤講習然後資父以事君則朋友之取益宏多矣禮年長以倍則父事之十年以長則兄事之五年則肩隨之此長長之義也自漢舉孝廉科名日盛後世因有同年序齒之錄同年朋友也同舉於鄉而齒有少長鄉黨莫如齒是故同年必以齒序也戊子秋予奉

命典雲南試事事竣諸士子請謁見其彬彬有禮始以榜名序既而鴈行成列年相若者半不相若

治古堂文集卷二 序上

共

者或相倍矣明年己丑予至京師諸士子遂以齒錄來請序予因進而諭曰爾多士今者之尚齒也宜惟其言之云爾哉必其中有克讓之誠而言以足志以成久要不忘之義朋友之道宜爾也顧讓齒於鄉必讓善於朝事君之道不在斯乎自末世民澆朋友道薄訂交之日非不握手示肺腑也一旦時易勢殊枯菀改觀猶能念此一日否念之矣口惠而實不至其久要安在此其人以事親必不孝以事君必不忠何者薄於人倫而逝不古處也

今

聖人在上攸叙彝倫天下朋友咸如膠漆自不宜有此而予於多士有師友責善之道焉因不以頌而以規云

雋潔 屈鳳山

袁太史世譜序

古者建國立宗所以厚集邦本示民有統也公劉之詩曰君之宗之君貴治也宗親治也民尊其宗子若尊君然是故本厚風淳而邦國賴之周禮小史辨世系定昭穆小宗伯掌三族之別以辨親疎於是大宗小宗之法益詳大宗者諸侯別子之法以及小宗之初爲大夫者也乃百世不祧餘則皆五世遞遷者也記曰別子爲祖繼別爲宗繼稱爲小宗又曰親親故尊祖尊祖故敬宗收族此三代之所以隆也自秦廢典禮宗法始壞漢魏以還譜

牒遂興及隋唐更以門望相高至宋之廬陵眉山復本古小宗之法作爲族譜後之治譜學者尚焉然永叔生於漢東終老於穎未嘗一至廬陵東坡穎濱官遊四方卒葬於邨子孫未嘗歸蜀所謂尊祖敬宗收族者亦徒托之空言耳二公如此況其餘乎袁太史紫臣先生次其世譜自洪洞遷洛陽者曰思仁思讓兄弟各六子區爲東西十二門至六世祖斐爲東門之一支因以思仁爲始祖而其中葉缺畧莫由稽也於是太史愴焉念先澤之不一混而懼後世子孫之無徵姑綴輯自今疑者闕之

蓋其懷如此且夫一錄非所以爲不朽也文辭非所以爲睦姻也古之聖王去其鄉而後世轉徙不常三代世系職官掌而後世人自爲宗家自爲籍禮大夫不敢祖諸侯今世富人或耻其族姓之微攀援顯者以亂其統系古賢臣豚肩不掩澤及三族今食祿者豐於已而嗇於族也或多方以遠之君子於是嘆古今人不相及而族譜之作非徒然也按袁氏系出舜裔胡公之後爰諸生濤塗以王父字爲氏爰轅同又別爲袁春秋襄三年袁僑如會是也漢之益之安南齊之昂皆有名德顯爵爲世著姓而太史歷兵農二曹出爲廉使實袁氏之初爲大夫者也昨命既遠宜於是乎始而先生遜焉又抑然不敢遠引第推本入洛之所自近而可稽且兢兢於繼嗣之義念太封公克家之勤而纂述未遑可謂善承厥志親親而尊祖矣於以敬宗收族講孝友睦姻之誼則廬陵眉山之托諸空言者先生且見諸行事而足爲子孫法守士大夫之經程其又何憾之有抑予由是而知爲譜學焉與其誡也寧拘與其侈也寧狹與其僞也寧樸律之讀袁氏譜者其有取爾矣

原原本本經術之文譜法引用歐蘇即從歐蘇翻剔出一番議論來便覺手眼一新如大羣識建國立宗是治天下大要領後世治不古若者皆因宗法廢耳此文議論與唐應德華氏義田記所見畧同皆根柢深厚有關世道之文李季

吳興東溪陸氏族譜序

歸安陸麟度先生修其世譜成屬序於予予讀而善之曰信夫陸氏之亢厥宗也有以哉夫古之君子修身以正家於是乎尊祖敬宗而收族所以明王教也家人之象曰君子以言有物而行有恒其在九三家人嗃嗃則吉婦子嘻嘻終吝由是富家假廟終以上九之孚威而歸本於反身蓋樞機之發君子所以動天地也況家人乎是故先王以宗法屬民君子以萃渙爲義九族親睦克庇其本根而枝葉鮮陵癸衰微也是故家法立而王教明按譜陸氏系出齊宣王少子元侯通封平原陸鄉因以爲氏越漢三國吳晉代有聞人顯者至梁臨川王長史邱公徙吳興別爲東溪支者自明知瀘州震始也其源流大致如此及先生之高祖北川公官兵部侍郎歷有殊勲大父瞿劭公考愚溪公以令德特聞大母毛孺人妣朱張兩孺人俱稱女宗傳內教云先生以名進士知河南新安縣威愛兼克號純吏此其修身以教家爲何如也豈徒緣世祿爲不朽哉晚近世可慨已以手擊足足加首視如異體疾痛慘怛號呼一不聞忍哉至若宗疆比

治古堂文集卷二 序上

三

周羣侵凌孤弱希貴盛以爲繫援也又奚取焉其稍由禮者不私所有財貨菽粟婚嫁喪葬

有資斯云善矣若夫言坊行表端範於厥躬幼子童孫奉二人若嚴君期功緦疏屬仁合而義督之一二稂莠不畏長吏而畏宗子斯富而克教觀於其家而知王道之行也蓋古今無幾焉史稱張公藝族居范希文義田意皆有教令與不則利聚怨生爭奪且起矣家無法其能久乎先生之爲譜也詳本宗而畧分支遠而不誣近而不牾閭閻逸表節孝黜不類重祠祭祀文章也其義例謹嚴本譜

治古堂文集卷二 序上

三

經而通乎史見之自序者蓋詳茲不備書

音節段落直逼史公 沈方舟

宗法立而教化行乃王道之要此作發揮透徹筆尤古雅 受業周賓識

王氏家譜序

呂子讀王氏家譜而嘆曰甚哉忠孝能感人也曠世且爲之動色況同時乎自宗法廢而譜牒作薄俗但以門望相高不知譜牒爲重況際革命家破國亡邱壟就平遺文放失矣猶能苦思綴緝於灰燼之餘得千百之什一以詔後嗣可不謂難哉按譜王氏系出太原明初自無錫遷北平者曰沙頭王氏始祖諱玉以武功從成祖靖難死於行陣世襲錦衣衛指揮僉事其下三世失考九傳至中齋公復世其職中齋公性果毅尚氣節雖襲世爵獨

治古堂文集卷二 序上

苗

好學能文章值崇禎甲申闖逆陷京師公引佩刀自剄爲家人所格遂遜於荒配魏夫人率家人十七口投井中死初闖賊圍洛陽先太傅既致政隸守北城嘗夜縋家壯襲賊賊亂自相殺撤圍去會總兵官王紹禹貳於賊內變城破先太傅死之中齋公於甲申三月亦司徵巡北城假令以公督京營爲死守計二三勤王義旅薄京師背城借一天下事未可知何至萬雉俱糜明社爲墟乎予讀譜至此不禁涕泗橫集且恫然於洛城之往事也公初在職欲抗疏陳四大弊當事尼不行憂憤疽發

及巡荒著崇禎遺錄爲思陵表暴誣罔以正野史之謬故譜於興亡之際尤致意焉譜撰於公次子崑繩惻然以繼述克艱闕畧不備爲憾且謂詳於本生而畧於衆支夫別子爲祖繼別爲宗錦衣公崛起爲大夫禮得同別子而中齋公則百世之宗也其考據無徵或詳或畧誠有不得已者顧其義例謹嚴可爲譜牒之宗使讀者慨然有尊祖敬宗之思斯亦無憾於繼述矣又爲墓記尤悽愴謂老塋土夷木刊不可識別僅存祖塋而中齋公之新塋則與山陵雲物陟降上下祖塋薰蒿相望庶不負公忠孝之志也有旨哉有旨哉中齋公二子長潔次源潔字汲公以孝聞源積學能文章卽崑繩也與予善

治古堂文集卷二 序上

廿五

大序沈著光華發於至性而風神酷似龍門借

光多矣 王崑繩

提出忠孝作主持論有關名教堪與文信國陳氏族譜序並垂不朽 李季二

吳旋公先生墨蹟後序

吳舜玉先生與先府君爲同年友嗣君木欣仲子
壽錫復與子善因悉其大父旋公先生行事旋公
死戊寅之變後三年辛巳先忠節殉難於洛陽鳴
呼忠孝大節國史書之非家乘之所得私也家乘
之所書凡先人之栢棧書冊遺蹟罔不致其思成
之志而願肖焉此木欣伯仲所以彙集乃祖之遺
墨而鐫之石也初旋公先生爲諸生時有私於閩
人者欲薦之幕且以高第餽公正色拒之不與通
夫明社之墟宦官爲之也始於振繼以瑾至魏璠

治古堂文集卷二序上

共

而極矣使當時士大夫其自好有如公萬一者瑞
勢必不熾而楊左諸君子可以無死先正云仗節
死義之臣於犯顏敢諫中求之公能疾邪以故能
死義於是知三百年養士之報終未泯也至其書
法遒勁與其詩之麗以則皆存什一於焚燐掇拾
之餘而木欣伯仲之孝亦具見焉禮曰先祖有善
而弗傳不仁也其克免矣若先忠節生平著述先
府君既授梓而子兄弟不類徒讀先人書不克思
成惟肖敢不勉哉

忠孝爲本墨蹟其餘耳然而墨蹟主也當觀其

用筆之妙 王或書

治古堂文集卷二序上

廿七

于清端公學書序

昔孔子刪述六經晚尤嗜易韋編斷絕猶有假年之嘆蓋聖人之學如此及門諸賢不能徧觀而盡識也於是六籍各有專家而文學政事因以殊科逮至後世以經學名家者或失之愚或失之誣或失之煩與奢而圖書之秘流爲術數尤可怪也夫易者原本天道以修其人事者也先後天之旨變動周流體用具足非世儒能盡其蘊自濂溪太極圖出而後理氣象數萬殊歸於一本然而陳邵程朱猶不能無異同焉後之人欲從而折衷之蓋其

治古堂文集卷二 序上

文

難也石州于清端公于山先生學無所不窺尤邃於易既以經術達之政事彪炳天壤業有政書行世而先生之學世猶莫得而窺也於是及門邢子元任輯其遺書若干卷首河洛發微次河洛副書次讀書錄講學錄雜著統名曰學書明政事之所由出也蓋程子易傳專主義理而朱子謂易爲卜筮之書邵子則兼言數義各有取矣先生以皇極經世推無極太極之會又以陳希夷龍圖解與程傳朱義互相發明舉天地之大全以發後學之覆使諸儒異同折衷於一致而潔淨精微之旨出焉

其功可不謂鉅哉初先生令羅城嗣守黃州遭大投艱履險如夷其得於易者既深及爲制府聲施益爛焉遭逢

聖主之知以真理學許之非至誠居貞以事天之學事

君父孰能如此者乎履弱冠時聞先生名心私淑之已卯筮仕離石得侍先生冢孫臬憲公因讀其政書其後遊烏巖山先生讀書處也復得是書於邢子日夕誦之知先生政原於學蓋全體乎易者也禮曰古之君子論譔其先祖之美而明著之後

治古堂文集卷二 序上

文

世以此其身以重其國家是臬憲公梓其政書之志也繼此而學書並傳以嘉惠來者庶幾希聖有階而政學同原六經不托之空言矣

淳古清健似曾南豐學匡劉文字

田曉山

提出學易作主而于清端先生之學問政事原本自見由其於易學源流洞徹胸中故言之潔淨精微如此

張郁麓

杲村詩序

將爲宇宙不朽之業於波靡相尚時則必卓然自信其獨是不畏世俗非笑而後可以有立也然而衆咻一傳篤信不惑者百不得一焉况所傳者去我日遠而猶終身守其說咻者雖負天下之望而掉頭不顧焉則天下一人而已昔者孔子刪詩指歸遠矣尤莫詳於體製體製者性情之邪也比興之分端風雅之殊用區以別矣漢魏之古詩樂府唐之律絕宋之詞亦猶此志也自公安諸家才力不逮北地遂深嫉之若仇讐然至欲以詞爲詩豈

治古堂文集卷二

序上

早

不謬哉西江曾子青藜以詩名於世吾宗杲村先生與之友善故其爲詩也體麗以則用宏而多有青藜之風青藜既沒諸同人守其說者爲詩皆有法度而先生尤篤信之先生謂予曰我與曾子有青雲交不但論文字曾子之說詩也古非漢魏勿作律非初盛唐勿爲爲非杜不傳子才薄不能盡其意間雜世俗之爲詩者以爲詩詩以故不振子爲我序而刪之刪之盡則愛之至非子也誰我愛者予受而卒讀就其稍近中晚者概爲刊落因逸其半刪既畢伏而嘆曰某本願領失路之人無聞

於時而青藜子乃天下之賢豪也先生詩既原本於青藜子青藜子已死不可復作則宜求當世之大人先生者力爲品題奈何惓惓於窮居倦游之人而願得一言以相引重予雖不足以重先生而先生之特達相士不徇乎時名其於世俗爲何如也且其立志較然於世之譁焉相尚者概置不顧而更取其所攻擊者力爲扶翼以冀他日大雅君子之孤賞可不謂之有志者乎又粵海屈子晦菴天下士也詩與青藜齊名予嘗思見之積二十年而先生亦與之游宜其詩之卓犖不羣而猶深自歛抑守亡友疇昔一日之言而不忘淵源之所自自非聞道之士孰能若是子故序其詩而嘆其信友之誼尤可傳也

治古堂文集卷二

序上

四

提出體製兩字獨得詩之大旨而通篇浩氣空行絕無依傍尤見作家本領

張郁麓

靜菴詩序

自夫清籟叶於比竹黃鐘始以吹葭周京三百篇
義崇經籍漢氏十九首體別風謠言綺而高古聖
賢之發憤詞麗以則都人士之有章六代相沿三
唐遞降律絕歌行之異人鮮兼長初盛中晚之殊
調因屢變杜陵詩聖輒見詆以村夫供奉才仙或
致疑於細論蓋春華秋實均有萬丈光芒而高朗
沉潛難愜千人好尚况乎元明以後門戶攸分新
聲製自茶陵經秦灰而盡革嚴格倡於歷下易楚
語而衆咻始焉晉曠孤吹南風不競繼則殷涓疊

治古堂文集卷二 序上

四

素北里宜淫阡陌紛開公孫鞅之變法虎羊奚辨
棘子成之去文常熟列朝理亂真而滋甚雲間三
子力返正而未能譬之車馬王程未見海天徵外
山林僻壤罔聞朝市日中天地之大全豈醯雞所
能測春秋有代序匪螻蛄可以持欲審清明廣大
之音應在合璧聯珠之會惟我靜菴先生十三作
賦褚陶水碓之篇八歲成文任昉月儀之著弱齡
製錦時薰荀令名香小試烹鮮爭擬河陽花縣風
雲月露識傳贖而何嫌草木蟲魚搜鄭箋所未備
金堪擲地聲華不減興公玉可爲臺艷麗虛推徐

氏加以性情溫厚孝友睦姻念舊則戴笠乘車聽
和平於嚶鳥懷兄則月征日邁鳴惡難於脊今信
乎咀鮑含庾久矣凌顏轡謝顧淵明達道賞析出
之素心子建多才譏彈尤其夙好辱在陳雷之雅
宜深管鮑之交出其錦囊屬予藻芥雷霆白日走
精銳於八荒雨雪空山淨聰明於一旦琵琶恨江
月寧徒老嫗知音羌笛怨春風何待雙鬟解事不
圖爲樂君至於斯可與言詩僕謝不敏澧蘭采佩
思公子兮難言山木寒枝擁鄂君而未敢企音徽
於雁柱欲附同聲假擬議於龍賓聊存副墨云爾

治古堂文集卷二 序上

四

體麗以則用宏而多風骨在六朝以上

張栢麓

攝山堂詩序

予少讀櫟園先生詩每思古今才人雖遞相祖述要其定力卓然足以名當世而必傳於後者尤貴乎知變也自有聲詩以來風騷異製指歸攸同此正如天地之運終古不息而山川雲物之態往往以朝晦殊觀惟其日新故能永終不做文章之道以法行以神久當如是矣唐宋以前無論已勝國時西厓北地互主夏盟其後濟南竟陵雲間常熟輩遂分門戶迄於今各師其說莫相統一識者思得中聲以和之則五音之高下取叶於宮而各從

治古堂文集卷二 序上

四

其律於是櫟園氏出而海內才人胥範圍焉櫟園之為詩不名一家然其法無不出於少陵惟其神於法而善變故不能名其何者之出於何人也櫟園之季子曰龍客以辛未冬入洛訪汪公舟次於所泊舟次櫟園之高第也予因得交龍客且出其攝山堂詩屬予甲乙之予東周之鄙人也雖神交龍客有年顧於文無所知識敢辭龍客曰毋文之工曲因其所性以予之知知予安知予不知予之詩乎遂受而卒讀觀其撰體命意無一不與櫟園先生相肖傳少陵之神而不惟其貌是襲乃嘆曰

甚哉詩之善變也善變則通天地之所以加久而不已也此之謂夏聲夏大之至也此之謂中聲中四方之極也惟中故大大故善變而不窮先民曰詩者中聲之所止也吾於龍客觀止矣或曰子不嘗是何李而非諸家乎何言之互異也予曰不然夫善變者文不變者質當積重難返之日力矯而善之蓋古人亦有不得已焉者以云救時也嗚呼使隨州香山諸公必規規焉摹李杜之詩千百世後又焉識所謂隨州香山者哉今吾與龍客說詩非惡何李也惡夫竊何李者之遺其神而迹是求故正之以中聲以復清明廣大之舊將駸駸乎安驅而入少陵之室不隨齊梁後塵其為功又非特救時已也

治古堂文集卷二 序上

四

其氣疏以達 受業張漢識

葉見初詩序

物之獨居其至者弗可易也已方以矩圓以規範
圍天下以聖人聖人無不至者也其於修辭也亦
然經有六而詩居其一三百五篇先師所刪定以
立教者不惟其辭矣卽以其辭相金玉而章追琢
兼三代而質文之亦罔弗至焉自是而後楚之騷
漢魏之古樂府盛唐之律絕各有其至者也窮變
而通詩之統幾中絕北地濟南雲間知其至而扶
翼之遂用復振自公安竟陵虞山者出憚數子之
光燄而欲躋其所謂至者故其說曰野夫婦人各
有性情不獨學士大夫也兩宋金元蘓陸元好問
輩類有絕詣何遠不若李杜高岑王孟耶嗚呼謂
野夫婦人必無性情謂兩宋金元必無詩天下亦
安得盡學士大夫者而與之爲李杜高岑王孟乎
哉則又爲之說曰不唐不宋各抒其真而已是不
必規矩而爲方圓也悖益甚矣昔者王仲淹之續
經也取漢魏諸篇以附風雅頌之後朱子嘗非之
豈不以聖人刪定極至者爲不可尚與則夫以唐
之古較漢魏以宋元之律較初盛唐當亦有其不
可易者存耶葉子見初之爲詩也本性情而尚體

治古堂文集卷二 序上

四

要將詣其至以立教風世焉亦既窮厥源流矣間
或博觀宋元如杜陵漫興之作補北地之偏而預
防其末流以云救也與今之禰宋而祧漢唐者不
侔矣子恐承學之士未濬其源而挹注其流將有
毀北地諸公之壇坫而不知其所謂至者是亦葉
子之憂也故商其所以爲詩者如此或曰配前宋
於兩周而尊其詩律方希直之論也子何尤乎公
安虞山夫希直非學紫陽者乎紫陽學聖人而修
辭者也其言曰詩之宗李杜如學者之治本經其
謂李杜亦唐之詩之至者哉誠弗可易也已

治古堂文集卷二 序上

四

真得詩之體要以立言今之空谷足音也文亦
抑揚頓挫條達而不煩 王崑繩

老莊詩序

老莊之學程子論之悉矣然遺書稱引二子之言
非一又謂人性一者宜觀莊子蓋君子博觀而
節取與攘斥佛老之旨並行而不悖也豐亭先生
謝氏八閩異才也以經學老師爲武昌縣佐余接
之伯氏治所望其貌嗒焉靜穆叩其學淵乎莫測
其所底所謂善藏若虛盛德而若愚者耶因請業
得若干卷中有讀易六十四卦詩具有焦氏楊子
雲遺意其味頗卦云只此浩然堪不假漫傳黃老
養生箋予固知先生學原鄒魯不爲二氏者也居

治古堂文集卷二 序上

四

無何復以老莊竊取詩示余余受而卒讀乃嘆曰
思深哉豐亭氏之詩老莊也上下五千言固多韻
語若漆園詩禮發塚之辭與左氏所載諸謠歌同
一風致老莊何不可詩者顧豐亭氏之旨蓋託之
也史稱曹參師蓋公守畫一之法民以寧一及文
帝實太后尤尚黃老其時稱治至武皇重儒術表
章六經而天下多事衰哉耗矣是豈孔孟之六籍
反不若黃老之適治哉用之所趨異耳夫儒者讀
書貴得其意而見之行事非糟粕之具腐之而神
奇之也先生以長才未貴仕善刀而藏行將游刃

有餘地內聖外王之道其知所適久豈僅載其清
靜若齊相之爲哉象山謂六經註我先儒或非之
至若紫陽少年亦參昭昭靈竊禪又註參同契而
托之于鄒訢其以旁涉他家爲諱耶予故備論之
以俟世之知先生者不但奇文相賞已也

放開地步仍占得地步此之謂作家 方文輯

引程朱處正以程朱正老莊非援程朱入老莊
也須細參 宋雲會

治古堂文集卷二 序上

四

李璞園詩序

六經皆聖蘊而孔門之教莫先於詩詩也者所以
理性移情由人事而返天則使知通守固然後循
途以求止乎其所故曰興於詩而立於禮此志也
夫或曰餘事作詩人其說非與曰昌黎之說輒近
世之詩也非謂孔子之所刪定者也麗以則者本
乎道麗以淫者流於技流淖光景如優俳之爭妍
呈態於一時是唐殷璠所云蠹惑之聲矣君子奚
取焉李君璞園帥其兄禮山先生爲洛閩之學以
文行著於潁川自其先人恭靖公而後世有廉吏

治古堂文集卷二 序上

五

奇節而禮山復以治行聞兄弟皆與予友善璞園
因屬序其詩詩積有年矣於是復刪爲若干卷俯
而讀仰而嘆曰甚哉禮教之有資於詩也趨庭之
所聞與雅言之所先無異指矣他日又以二南之
爲爲伯魚訓豈不以教起於家必有不言而躬行
者而後能心知其意與昔王仲淹爲一代儒宗續
六經謹禮教其弟無功獨優游放曠於疏屬之間
彈琴賦詩以樂其志至於婚嫁慶弔之儀寂然不
與者有年噫無功亦何修而得此耶吾於是益多
仲淹之賢能勤其身而逸厥弟爲不可及也禮山

乎

治古堂文集卷二 序上

五

既以儒術治行負海內重望璞園益得肆力於學
詣極高深多聞游藝如東臯之嘯咏自適且將由
技而進乎道以上窺三百之旨今讀其懷兄咏古
諸篇於彝倫禮教之際三致意焉其視陟岡之瞻
望儋蓬豆而既翕洵曠世一揆也昔紫陽序黃子
厚之詩謂生平所曠闕有急於此者遂不復與子
厚相競於文字大賢之用心固如是也鄙陋如予
既不嫻於禮或間爲詩以自娛方將與璞園度長
絮大以鞭弭從事於中原而璞園之作復詣極若
此予亦氣索焉而望塵不及也又何予言之足重
乎

以禮教爲主此作詩者之身分即作序者之身
分也一往烟雲繚繞意態無窮

劉漢聞

青要集序

青要見山經所謂帝之密都有黃花赤實者其南
爲橫山先祠在焉家弟天益居之因名其集憶予
弱冠時天益方舞象勺嘗秋夕分韻有月遲羣宿
動天迥一峰孤之句爾時已目懾氣欬嘆後生之
可畏矣其後游息鄉校互治制舉業先大人每奇
天益謂子質鈍或箴揚在前斯辛矣庚午先公棄
不肖兄弟子以饑驅將遊梁宋間天益亦就食秦
隴臨歧泣然相戒曰斯邁斯征無忝所生因拈斯
義相與歎歎者久之其自隴寄子詩益秀發沉寂

治古堂文集卷二 序上

五

非所及也思先祖父以明德亮節達於家邦子若
孫不克志其大者遠者姑彋彋焉文辭是尚其不
類實甚尚敢鑿悅之相爲揚摧乎哉顧有可自解
者言心聲也氣志役也言以足志不違於心君子
尚之吾行老矣僅得一命天益亦屢頭春官度無
可自表異乃包匭其草具刪存若干首付剞劂氏
因念古人伯仲間並軌齊驅尚已其或地望相掩
弟何遽不如兄者亦所在多有班孟堅一代史才
仲升頡頏以奇功其文辭具在表奏皆有奇氣程
伯子吟風弄月正叔涵養以謹嚴蘓子瞻文如潮

湧子由以簡質勝之其人皆紹紹乎賦仙才非世
儒所及他若王維之有縉皇甫丹之有曾亦庶幾
焉杜少陵之弟曰豐占觀穎具見集中弟勸兄酬
之際之四人者緊豈漫無所述造今已不少概見
湮沒而不彰可勝嘆哉意古人授書以不律傳誦
爲艱抑或過於矜重不輕以示人是以後世無聞
焉耳今天益之詩方深造未已子不能量其所底
也即其所詣亦既章章矣吳江王虹友曰元素源
流七子機杼一新天益性靈獨運已具內穎鴻材
子於七子集固未遑周閱而氣體或近之至其與

治古堂文集卷二 序上

五

吾天益獨知之契也請質之海內詞人必有篤論
文體雋潔在歐柳之間而抑揚轉折沉鬱纏綿
更使人低徊無盡

張慶餘

此初刻於寧鄉序文後仲父門人張公越千范
公九池各編訂全集刊布於浙晉從姪肅高又
因前版散失重刊於長沙今與先父夢月巖集
季父清壑亭集並行字內幸無殘缺矣

男宣曾謹識

嬰鳴集序

自風雅以還代有作者詩之義備矣窮而變變而通淳之蓄之故而瀾之而濫觴之源不復可問於是各師所聞互相抵牾貴而賤絃斥格律爲浮華好丹非素指性靈爲枯寂斯皆未爲通論夫人代有殊性情不敝不肖平心易氣揆厥原本徒以一隅相壓未見其可矣予自舞象勺好爲諧聲辯字時取所謂詩歌者而嘗試焉窮居山村中與牧樵相屬和執與就正類贅者之無相俚俚手其何之用自悲已已而隨家大人任梁州獲與遠方人士

治古堂文集卷二 序上

五

遊郵筒贈答卷軸遂多暨疇曩親暱所作不忍湮沒風雨之餘取而刪錄之共爲若干首彙成一帙以自怡悅不敢告人竊以文章之道匪作者難知之維艱唐人選唐詩二百年間所稱錚錚差強人意者惟殷璠河嶽次山篋中耳餘子靡靡未可與京也近代濟南製格刊削過當竟陵存古矯激實多要其大體所存李意在崇雅鍾譚長於風其定力卓然非代議所及學者不能質劑之兩資其益而操戈以相向斯何異乎貴遊京洛目海嶽於外微少長山林厭朝市爲塵寰已則適矣安知天地

之大全也今茲所選大爲防焉雖體非一長而學各因其所近譬如丹翠異彩陶匏異器無非黼黻之章與昭格之音耳敢謂詩盡於此人盡其能哉蓋古君子文以會友多見而識嘉言好我而放軼之不復觀記豈曰能賢詩不云乎嬰其鳴矣求其友聲是爲集

論詩之源流正變切中後人之弊 王或菴

治古堂文集卷二 序上

五

講約直解詩序

今上建元之三十有七年冬臣履恒始通籍吏部
銓知寧鄉縣既引見

乾清宮門

特命科臣趙赴治所重民任也越明年己卯二月
至治地瘠歲儉民艱於食未遑教事於是大中丞
某公以東閣重臣出撫三晉不踰年衷肅民和化
行政舉乃頒所註

上諭十六條並解於郡縣俾以時為民講肄勿怠
乃職履乃得拜手竟讀尋繹者久之仰見

治古堂文集卷二

序上

吳

天語煌煌如綸如緯其解也指事類情援律示禁
勸戒昭明譬之聖經翼以賢傳大哉富哉小臣何
從復贊一辭惟於月吉讀法為邑人士口授心維
手舞足蹈而已雖然經傳之義良深矣不有恒言
聾聵者若罔聞知抑聞之府修事和勸以九歌俾
無斃也今

盛朝九功叙矣申甫為憲萬邦從風衢歌巷舞此
其時也用是義遵直解倣宋儒邵堯夫孝弟詩體
演為佳歌十六首加以音註使鄉校學子依永而
長言之庶幾下里巴人屬和者多漸以成風以俟

輔軒之採竊謂臣之事君如子事父下吏之於上
官猶弟子之於師也何者不當體厥心承其學而
僅誦述其言乎哉傳曰以身教者從以言教者訟
履不敏茫昧於政教於

聖主孝治天下親九族章百姓尚德緩刑之指未
敢與知即撫臣身先導民之路亦弗克步趨萬一
徒曉曉焉稱說是書抑末矣民其肯適從耶願生
逢堯舜臯若慶喜起賡歌小臣敢在下風寸草有
心能默而已乎漢臣賈誼曰移風易俗非俗吏之
所能為履俗吏也竊附木鐸巡道路之義云爾

治古堂文集卷二

序上

至

精思結構健筆揮洒張郁麓

以勸之九歌作證恰是題旨樸茂醇雅宏茂漢
京沈確士

王誠亭詩序

人之有言必與其人有肖也吉人之辭寡君子之文謹仁義之人其言約如也是故立言期不朽而知言可觀人經有立詩居其一非小技矣夫人幼而學長而通方幸服官議事莫不冀有所立或窮而在下志無所發抒皆不得已而有言亦言其心之所同然耳乃古人有實獲我心者遂不期而相肖非肖古人也自肖其心焉爾三百篇而後楚騷漢魏以至李唐尚已自宋元而明分鏢角逐北地獨得其宗及公安常熱氏出又排詆北地嗚呼言

冷古堂文集卷二序上

五

期中道而已道也而流於技技也而近於爭宜有志之士所不屑為與王誠亭先生與子同官相友善其人恂恂君子也聆其言如玉之溫而栗又通達治體見之行事予嘗讀其闢書心嚮往之初不知誠亭為詩也最後獲見其五臺諸作沉雄溫厚與世之悲涼促節者不類因思常熟與北地其人固不相肖宜其言若朽鑿而吞剝之譏有自來已夫四關之中周秦漢之故都在焉華嶽削成三峰傑立雲表涇渭澧滴諸水縈帶其間直西則吳嶽賀蘭黃河隴水遠接崑崙星宿之源蓋坤厚之始

基天府之與交也生其地者類皆魁梧倜儻其言慷慨直諒如車轄駟鐵蒼莖白露麗以則矣亦復清明而廣大是季札之所謂夏聲而北地之所祖也是故杜陵似秦風北地肖之誠亭又肖之豈他人是肖乎亦自肖乎其為人而古之人與其言不相違焉蓋積中而發非外鏢襲取也誠亭年方壯其所樹立未易量而詩復詣極若此窮而後工之說子未信之顧不敢必其詩為世俗所盡好而或可告無負於古人則言與其人之必相肖也可徵矣世有知誠亭之為人者自知其詩而觀其詩亦

冷古堂文集卷二序上

五

宜知其人必有以予為非阿好者

詩以發抒性靈取其真不取其肖惟自為其真者往往於古人不期其肖而自肖蓋非肖其人肖以天也篇中發揮獨到真是過來人語其論秦風一段煞有原委足見識力屈辱山論詩有確見不隨俗波靡自見本領用筆宕折神似廬陵而不襲其跡王或菴

陳荀少先生詩序

渡澤陳荀少先生詩若干卷得之衡湘間者居多杜少陵所謂湖南清絕地也集中若清田行諸篇至誠惻怛視元道州春陵行殆不是過其他所寄托悉稱是或曰沅芷澧蘭靈均所為思公子望美人也其遇可謂窮矣荀少以師相介弟早歲乘五馬中年官樞曹今且以監司使粵東豈曰不遇何其言之多感也予不謂然夫石渠天祿中所為珥筆史臣彬彬列著作之林者荀少何遠不若彼而領艱於一第望瀛洲真如仙境不可即耶且荀少

治古堂文集卷二 序上

李

負不羈之才既不第益為汗漫遊嘗攜幼子寄寓南陽悼亡懷鄉與安仁少陵有相似者當其令臨湘牧澧陽移守桂水治行咸稱第一既不得膺上選復遲迴蠻烟瘴雨中與稚苗雜處非人所堪以若所遇在他人為通在荀少則窮矣詩以窮而工信夫且夫詩者情也所以為詩者性也性生於心言以宣之於是乎可以感天地泣鬼神而窮者遂有以自達初予學為詩不克深造其後屢躓春官亦嘗攜幼子饑驅梁宋間乃稍稍進遂見知於今師相顧予才弱不逮荀少遠甚遇雖窮而詩不工

本荀少不我棄與言詩且使序之豈同病相憐與抑將獨為空谷音而樂其有繼也荀少詩原本忠老似杜陵其清孤自喜又似道州次亦不失為隨州香山子不敢阿所好也荀少行矣粵東山川香草較湖南尤極勝致凡島嶼蜃樓潮汐之觀皆可於按部時熟閱其情狀用以發揮性情而裨益夫風雅蓋有天幸而不可謂之窮也予終望塵不及矣

予嘗謂人各有窮人不一等窮亦不一類荀少本非窮者偏寫出一種窮來以見其詩所由工

治古堂文集卷二 序上

六

末復歸到不窮作收結紆徐曲折饒有廬陵筆意
張郁麓

張慶餘詩序

夢東張子與予相友善垂四十年雖間關南北書
疏時相聞也歲已卯張子客隴山盡刪其所爲詩
存什之一且將昇諸火既而郵書於予曰吾老矣
於斯道終無得知我惟子其無惜譏彈後世誰相
知者耶子讀而心悲卧病之餘序而藏之乃嘆曰
嗟乎詩之衰甚矣舉世宗蘓陸雜以金元詞語不
知有唐無論漢魏將以謝朝華啟夕秀豈謂是與
夫立言之難也不哀諸道而藝是固其緒餘幾何
況其所謂藝者亦非耶張子讀書破萬卷足跡徧

讀書堂文集卷二 序上

空

天下於古人經世傳後之指無所不究而詩特其
一斑且少負至性事母以孝聞人要不忘友蓋嘗
學而知道矣故其言原原本本爾雅深厚高者宗
少陵次亦不失爲王孟爲錢劉是能自力以進於
古而猶不自知其必傳於後也非知道者不及此
昔者應瑒和而不壯劉楨壯而不密意古人亦乏
兼才而造物固有靳其盡善之難也張子於
斯道蓋九折臂而成良醫終身焉是宜兼古人所
不及而與天壤爭勝也寧與彼朝菌較苑枯哉予
嘗論南北人詩限於風氣剛柔未叶厥中必也後

地氣以應天節元聲斯出張子庶幾焉其傳也夫
奚疑序次將成適有客攘其冊以去予今所親走
數百里追及之把以過日因念固陋如子尚知所
傾倒如此況天下後世不乏賞音者乎即其詩可
知矣

溫柔敦厚詩教也此集此序均得之

李文柯識

讀書堂文集卷二 序上

空

張書登詩集序

文章之道意與法俱者也師心而廢法或守法而失意二者蓋交譏云文章之有聲者曰詩詩自唐虞賡歌三百篇楚騷漢魏六朝四唐其法備矣自何李五子斷自初盛而不及中晚公安竟陵諸家遂別爲小宗昌黎謂李杜文章光燄萬丈朱晦翁云詩之宗李杜猶學者之治本經而說者因以李杜爲大家王孟諸公爲名家亦此志也夫杜陵之法密矣晦翁又云太白詩若無法度乃神明於法度之中蓋聖於詩者元微之賞右杜左李而朱子

治古堂文集卷二 序上

古

之論如此其亦未易軒輊也乎前明三百年間宗李杜者若而人雖互有得失而徐昌穀李獻吉其尤著者也北地而後秦之詩人多宗杜而吾友書登獨得力於供奉當其命意抽思含毫邈然慘澹經營之妙莫得而見也及其恃源而往一曲千里望洋而嘆者不測其歸宿而或者以河伯之見矜勝於海若則其非笑之也固宜今夫委百鈞於地衆人竭蹶而不勝一人談笑而舉之力餘於所重者也規矩繩墨具在已大匠傳之而拙工失之此豈無法者耶堂堂之陣正正之旗不可邀而擊也

有飛將軍者不拘部伍一麾而敵不可遏此又何法也蓋嘗論之兵以正合以奇勝詩以法合以意勝法秩於天而人是則之意匠於人而天若牖之法者爲意乎意者爲法乎動而相生莫知其始神而明之存乎其人先東萊曰聲轉機回虛徐容與至理自遇是可以思太白之詩而得其意即書登可知矣

文以意勝其法之變化幾不可測作者殆自言所得力耶

梁質人

如公孫大娘舞劍化境也

劉蓬閣

治古堂文集卷二 序上

五

東籬詩序

世嘗云詩人少達而多窮陶元亮餓驅乞食其尤較著也然士往往高其節而樂道焉若望塵不及鮮能步趨之者趙子价夫慕靖節之為人因自號東籬一時士大夫僉為詩以嘉其志而因及于子昔者亦嘗饑驅南北矣及為令東帶折腰數謁督郵不能如元亮之引去每誦采菊東籬之句未嘗不悠然神往身在塵埃望神仙中人何可得也今讀東籬諸詩又思古今人詎不相及有為者亦若是耳趙子志乎古必能軼乎今三代而下惟恐不好名况踐其實而有志者哉因序其詩而與之飲酒

治古堂文集卷二 序上

六

含吐情事往復不盡神似昌黎短調高荆襄

春山斌媚秋水渟泓文之雋雅似之張郁麓

王雪巢詩序

天地之氣東南為仁而西北為義其見於聲詩者則黃金子午之謠與白紵淥水不類是必有貞則焉以劑剛柔而歸中和然後可以稱風人而登大雅之堂昔者言游產於吳北學於鄒魯司馬遷生龍門而南浮江淮古之人不甘囿於一鄉而能馳域外之壯觀是故文質彬彬與聖哲為徒也子以己已七月客吳之虎阜得識王子雪巢於千人石上於時明月在天林影在地因風傳響忽有高吟自清光中出則雪巢與楊陳二君咏古也是夜遂

治古堂文集卷二 序上

六

劇談盡歡而罷其後十年子宰寧鄉雪巢自秦中棧詩寄子又十年庚寅相遇於京師於是雪巢棹漳澄之水登蘓門之山北至朔方而稅駕於燕將之七閩猶矍鑠自雄而子則髮種種矣乃出其詩屬子序之子何知詎能以言為雪巢重而誼有不克辭者因思古先王於十五國風正變雜陳皆可被宮商而叶琴瑟蓋範圍天地而折衷乎仁義亦安有南北之異尚哉自北地濟南公安竟陵雲間常熟諸子分道競勝而門戶之見生是故古以平志今以角材古以養心今以伐善宜大雅之士所

不屑爲也雪巢以太原名族學有淵源復殫精於
氍雅抑豪氣而摠渺思日新月異勢不至古人之
間與不止是其劑剛柔而歸中和無疑也予既羨
雪巢之壯遊又夙昔佩服其所作且感盛年之不
再而風氣之不足囿人也於是乎言

情致盡盡 弟謙恒識

勵文恪公紀恩詩序 代恩西夫子

興朝運際中天治隆乎三古爰有篤棗之臣自太
史迪卿貳若我勵公秉性淑均克當

帝心善始令終

皇眷不替惟四十有四年仲春

法駕閱河至天津追念前勲謂若臣謹慎著有勞
績迄無愆尤旣精白乃心以替筆紀言動乃貳司
冠下鮮寬民思厥文辭鮮克嗣音厥行詎世違多
有之惟是死生之采章弗加異數其何以勸我官
常俾龜勉無怠

特予易名用表殊尤以副朕志其諡曰文恪用彰
經緯嘉謨旌乃心之敬恭俾厥嗣式乃考勲懋哉
懋哉乃

咨中官將諭諭厥嗣侍講廷儀晨夜底家祇候

休命厥明

命都統武 卽中成格賚

御書至靜海時惟勵之里嗣以三爵莫厝所慰乃
靈爽二三臣鄰暨百執事咸用激勸拜手稽首曰
優哉

聖德粵稽唐虞明良喜起及商周一德一心紀宗

功式從茲祀罔數數攸聞典維曠哉於是縉紳耆
老以公德於厥里請祀於鄉刻其行事自朝訖野
罔有疚於厥躬悔於厥心郡邑行省達之大府僉
曰允哉禮法施於民以勞定國以死勤事咸有功
烈獲與茲典若而臣維

帝時舉簡在

皇心厥沒世有日

帝念茲在茲稽於衆羣言有攸同矧子任乃風教
之司上其事厥惟允哉某官蘭臺昔承乏史氏宜
具書揚厥美盛矧誼有淵源大節在三其何能恕

治言堂文集卷二 序上

七

爰繫之詩用告來哲靖共爾位某亦步亦趨惟仰
止不怠不敢知曰是有當於休光思曰庶希賢哉
其詩曰於皇

有清今之唐虞日月所出光被海隅維岳降神爰
生大夫大夫之德柔嘉豈弟協於

帝心秩之三事生有茂功沒有顯諡維茲邦典

帝命不易惟曠斯崇表厥殊異曰以其德匪以其
位又曰古有功烈載祀於社鄉先生歿乃從其亞
其在於今典常攸數圭組則獲罔及幽側

與朝簷之匪族不克於赫我公名副其實於萬斯

年永思無斁嗚呼榮哉

堯典舜典字清廟明堂詩惟其有之是以似之
劉仲旭

治言堂文集卷二 序上

七

汪涵齋先生詩集序

修辭之道必有其先焉者也。銅鼎後太羹金匱，後築基丹蘄後梓材先者，其質後者，其文是故誠積於中而言從之，性寂情感而聲律生焉。此詩教所由興也。顧人代既殊，好尚攸異，或曰古今勝語皆由道尋，或曰含毫邈然，終踰於率爾，是皆一隅之見而未原乎其先也。夫有周召而後有二南，有吉甫而後有崧高，蒸民有左徒，宋玉而後有離騷，與九辨雖盛衰不同，哀樂殊致，要其原本性情，立誠以修辭之指，則一也。汪涵齋先生以大雅之才，

治古堂文集卷二 序上

三

貳司徒掌邦教，其爲人也，和而貞，其所爲詩如其人，積之有年，都爲一集。少宗伯王公御史中丞，勞公序而傳之，而先生復下問於予。予庸流也，雖學爲詩，不知所從事，竊觀

國家鼎盛，喜起廢歌之風，上溯唐虞而軼三代，一時賢士大夫皆有卷阿之忠愛，崧高蒸民之協恭，所以爲詩者，既有自來，而先生復虛已受人，不遺易義。若此，是必府修事和，民生厚而德正，功叙可歌而邦教允諧矣。豈惟其詩也哉？卽讀其詩，熙熙乎其志廣也，颯颯乎其聲中也。觀其自序曰：某官

太史時畢力譯書給事黃門，尤專精於封事，不暇爲詩。惟皇華周道，登臨贈答之什，其一二其意若有欲然，不自足者於此見先生之大，而所以爲詩固有其先焉者存耶？蓋詩技也，所以爲詩者道也。人至於知道，則技斯後矣。楊子雲曰：大文彌樸，質有餘也。梁鍾嶸曰：文麗用寡，長卿也是皆究乎其先之指，與其中不足而外有餘，無寧行之百而言之一乎？予故推厥原本以告夫世之修辭者，必知所先務，而後可從事。若夫先生之詩，可以信今而傳後，則既備於二公之論矣。

治古堂文集卷二 序上

三

先生於詩學，然用苦功根柢既深，故道來親切，乃爾。
張郁堯

方一峯詩序

道無窮器有敝天運而地處人生其中皆道爲之神而形其器也器莫大於山川莫壽於金石山有時蹇隕川有時湮塞金石有時磨滅人之爲器也生年不滿百而能與天地爭壽者道可久也道以物躬斯立德以經世斯立功德無形而耀遠功應會而響震觚槩不律竹帛鐘鼎皆其器也奚以傳之傳之乎其言言之有聲者爲詩詩器也所以爲詩者道也時平則和亂則哀唐虞之賡歌和之至也夏之五子殷之麥秀斯哀也矣成周之盛太和

治古堂文集卷二

序上

詩

存宇宙風雅興焉其衰也則爲淫風爲變雅器不幾敝矣乎雖然古詩三千皆器也孔子刪之則有道存焉道有消長而不與器俱敝故淫風變雅皆可讀之以閑邪而論世也楚無風漢無騷唐無五言古詩豈古人之器後之人所不習乎何以雷鼗縣鼓之不至今存也王仲淹續經以曹劉之詩繼風雅後朱子非之謂其無民彝物則之訓矣雖然器無定形也道無息時也漢之大風秋風蘓李十

九首魏之曹氏晉之陶唐之李杜皆綱維斯道者也譬之制器稍變其模範而搏埴之而鈞陶之法

亦猶遵古之道也其下宋元氏之器則囂矣菁華既竭雖有挈瓶之智誰其假諸有明之北地論詩斷自初盛唐其氣深以閎其音醇以肆其爲言也高遠而不踰其則此延陵所謂夏聲者與虞山力爲排詆而新城獨右之有志者宜何去何從耶昭代之盛於今七十年時平而氣和詩人輩出廟堂則有王阮亭李天生毛大可山林則申鳧盟屈晦菴諸子而燕趙慷慨之士則有吾友方子一峯一峯行厚而氣沉懷抱利器不獲過其道往往遠遊以放其志經行關塞阨要古人戰守之處一一

治古堂文集卷二

序上

詩

想其成敗所由來其於宇內三不朽蓋有志矣而其詩之指歸則由北地而上溯少陵是能以漢唐爲器府以三百篇爲道源陶之以大治運之以虛舟游之乎無何有之卿而不屑屑於世俗之涉求流而入斷港也是誠可以不朽矣

正喻夾寫文氣浩瀚而飛動

劉仲旭

不必左袒李何七子而蒙叟倚據之失自見和平中正粹然儒者之言

沈端士

遺安堂詩集序

文章之肖乎古人者以神不以形形易倣神可久也孫子十三篇絕類繫辭史公合傳原本於二典鄭善長水經注出之禹貢劉子政諸疏繁稱博引則治平二傳之支流耳昌黎眉山俱學孟子蘊得其氣韓兼有其理韓斯大矣三百五篇而後漢魏六朝遞相祖述各自名家若陶元亮之澹泊淳古則七月遺風也唐之詩人李杜爲最自元微之之說出杜尤稱首宋明以來學杜者日衆何李尤著雖俊逸粗豪談者不一要之未易軒輊之數子者

治古堂文集卷二 序上

七

豈嘗拘文牽義規規焉循古人之迹而踐之哉其神足乎其中而形斯肖乎其外有莫知其所以然者王給事廉夫先生生平磊落多大節其爲詩也一以少陵爲宗忠厚悱惻如昔人所稱每飯不忘朝廷者居半至其感時書事於民生休戚之故脫腕乎致意焉先正云獻吉得杜之雄大復得杜之秀先生之詩似於秀分居多而命意瑰琦又未嘗不雄村夫子之謂吾知免矣顧俗尚波靡率祧唐而宗宋新城選唐賢杜亦不與先生獨心契於舉世不爲之時凡千六百餘首皆熟復而不厭是故

曠世相感若合符契至問其何者出杜之某篇則

又莫得而指名矣非得神而忘形必不能畢肖乎古人且使古人亦肖乎我如一人也然則先生之所詣居何等耶蓋嘗論之神者形而上者也天地恒久日月貞明而風雲露雷之起伏無端百果草木之甲拆不可意計顯仁藏用之妙其諸文章之陽施陰設而神乎無形者與先生著作可等身爲文宗韓吏部惜未多見不克表章成集與其詩並傳即其詩亦頗散失先生既卒嗣君安甫屬子序而梓之區爲四卷卷若干首後有君子心知而篤

治古堂文集卷二 序上

七

好焉自能揚挖其勝致云

博大精確中又極酣暢純是韓歐筆法沈方舟起一段源流井井結一段語尤清湛有關係必傳之作 受業張漢識

廖連山詩序

昔者聖門立教莫先於詩詩也者原於性分乎情播之於聲音足以感人心而致和平是故先乎禮而通於樂格天神降地祇儀鳳舞獸仰天下咸臻仁壽之域天鄙不作災害不生此唐虞三代之所以興隆也詩之義大矣哉今

天子建中和之極金聲土振歌南風而奏韶韶一時在廷臣工咸具大雅才彬彬郁郁以鳴一時之盛如廖連山先生其最著者先生早歲聞道忠孝根心蓋有先乎詩者不惟其詩惟其人也當耿逆

治古堂文集卷二 序上

六

之變迹跡山中逆黨物色之不得將大肆屠戮卒以計獲免其忠且智如此故其為詩也原本性情上規風雅將自得夫聖人立教之意而不苟為炳炳烺烺以悅人耳目夫崧高蒸民之什所以為大雅者其志可則而辭孔碩也若引而廣之曹劉中間彼民彝物則之訓巍巍乎橫亘於天壤而朱華綠池不敢與之度長而絮大此王仲淹之續詩所以見識於朱子也詩之義洵大矣哉若夫曹劉以下六朝三唐之所作雖驚才絕艷擅絕一時至繩以聖人之教則導欲增悲非所以平志也新聲逸

態非所以閑邪也其有合於溫柔敦厚者寡矣是故聖人之教人也道也而游於藝藝也而可以成其德此四始六義之指雅言所以稱首而非後世之詩人所能及與先生歷官少司農所在著績其哲嗣維庚與子同舉春官禮宜父事先生先生顧忘年下問若以為可與言者予既重先生之為人因究極其源流而論次其詩詩凡八草其山居草則迹跡山中之時也他如扈游諸草及孔廟等篇尤大雅不羣者其友人某既列序之予特揚推其大致云爾

治古堂文集卷二 序上

九

質樸深厚似紫陽學南豐之文 受業周賓識
學有本原言有根據吾師於詩教深矣 受業許 湖中識

傳雪堂詩集序

天之位置斯人者豈無意哉大者位之公孤次者卿貳下至百執事各有位置焉而獨不能位置夫士士無爵者也而蔚然居四民之首非公孤而尊非卿貳而貴豈人爵所得而羈哉或者天位之也是故公孤卿尹患無士品有士品則窮達無所加損而其人於是乎可傳士之窮者莫如詩人歐陽子謂詩以窮而工子謂工詩者必窮自古而然矣劉楨終於文學左思終於記室其明徵也詩人之不窮者如周文公召康公及尹吉甫皆公孤卿士

治雪堂文集卷二序上

今

也周公之才美於召尹則有流言之謗跋扈之艱東山零雨之詩召尹所未嘗歷也則周公之作於此益工者乃公之所以有窮乎詩之不工者能為人而不能爲天能爲天者澹然如水之溢於塘港然如芙蓉之始發而耀春陽是有化工焉非人之所能爲也然而小工則小窮大工則大窮天實爲之有必然者傳雪堂先生國士也其爲詩也以天勝有陳思左太冲李太白之遺風嘗爲副都御史緣事謫遼左子時爲府丞先生出其集屬子刪定之子乃大言詰先生曰若爲詩律如唐古如漢魏

乎不則予弗能觀先生曰予固爲唐不敢望漢魏子試觀之子受而卒讀其自良卿爲大令時詩亦謹嚴未放也關東以後你可以興可以觀矣其大者每飯不忘

朝廷怨艾引慝若無地可自寬者先生早歲即有天下已任之志故其爲卿貳也卓乎有可見之績及其罷也怡然以義命自安無幾微不平之意見於辭氣之間此其以士品爲詩品者宜何如卓絕也於是論次其詩七年乃再拜而序之曰詩之宗李杜尚已顧宗杜者多宗李者寡或易入於輕率

治雪堂文集卷二序上

今

任華輩且望塵不及況餘子乎宗李而不輕率者吾得一人焉曰張書登書登亦心折先生且曰先生嘗爲卿貳矣由是而晉公孤其分也顧公孤卿尹求一言之幾於道而不可得者先生獨得之則公孤卿尹之績與夫窮而工者之文章孰得孰失所爭不在一時也吾知天意之所厚矣予嘗和書登詩質之先生先生以爲不及噫即書登可知矣開手將主意捉定停滯包孕屢變而不離其宗唐應德文往往如此至其筆之跌宕紆徐與古爲化則又駸駸乎入震川之室矣李季平

香草詞序

自樂府失傳歌行繼作雖曰詞曰曲猶存律呂之名而爲偶爲排漸失宮商之意於是詞人蔚起才調雲興虹影空階唐主歌翻乎玉樹高樓膜色李侯調變於金閨綺麗綠情綴幽思於曉風殘月悲涼懷古發高唱於亂石驚濤清華不必同途今昔共稱絕調遞沿南宋優而柔之漸及前元淫以麗矣梅溪綠波而登岸竹山循逕以陟巔靡不放厥驚才騁其逸思繪聲則東山絲竹竟同山水之音鏤色則北里丹鉛遠遜牆施之態蓋變風之作不

治古堂文集卷三 序上

三

等反騷豈小道可觀有殊大雅哉晴山先生南國名彥東越世家三高士之芳踪水濯纓而無滓兩尚書之舊績毀曳復以有聲早歲能文養由基發楊命中壯年製錦陳孺子爲宰維均家本蘭亭續山陰之治譜宦遊葛邑紹穎郡之循聲探禹穴而問梅梁著書發憤瞻楚宮而懷蘭畹作賦登高顧於研年練紀之餘尤擅顧曲辨絃之技八斗才子漫成薄命新詞五柳高人亦著閒情一賦佳詞爰出香草命篇初日芙蓉秀擷夢花之筆秋江蘅杜馨傳紉佩之辭畱綺夢於青奴歌樓寄意抒豪情

治古堂文集卷三 序上

三

於紅友酒市藏名吳苑金風白紵吹殘鴟舞隋隄壁月紫檀撥盡鷓鴣絃久稱風月翰林雅騷鼓吹矣至若登山臨水歌甫出而過雲覽勝探奇興一酣而凌嶽岸花檣燕盡入吳叢寒柳城鴉咸收毫素江卽石畔高攀海日仙霞嚴子臺邊遙企耕雲釣月懷蕪武於雁塞雪滿鐵衣景崧於鶴樓花飛玉笛九宮雅調一卷妙辭雖青蓮之憶秦娥腸斷漢家陵闕赤壁之弔公瑾心傷楚國江山猶未足以擬厥深沉方其綿綯者也僕心懷掇拾質本童蒙思公子今未言深知宋玉望美人兮恐暮竊慕靈均佳句似陰何知無煩於揚榘素交附嵇呂寧有當於錯攻顧以公篋笥多珍散軼少見近得聶晉人曾道扶兩先生選樓高敞識不愧夫昭明百篇叢桂一枝倍顧小山輪蓋梅檀片屑已馨弱水宸區置之清塵當其覽曠達旨知忠愛之發端審音見情詞之有托豈僅繞繞令君之座三日猶芬采庶子之華百和爭烈云爾乎

中秋感懷序

於時秋也而居中焉披晨夜以平分知天地之歸
靜初零玉露披離野浦蒹葭未凜金風攬載中原
禾黍於是良朋三五按南村之素心斗酒十千卜
西園之良夜綠烟盡滅可問青天清光自多不斫
丹桂信物情之宜樂覺人氣與同清奈何僕本恨
人心縈愁物清輝玉臂已終石上之二生香霧雲
鬟漫作詞中之六憶筆螺久閣念非京兆新眉靈
兔初圓恨失溫家玉鏡新情在賢者不免此際正
吾輩所鍾況離澗三秋且吳楚千里遙想庾樓此
夜清嘯誰同空令謝賦當年高言獨綺鼓瑤琴而
變響吹玉笛以慘聲宋玉興悲蕭瑟登山臨水江
淹有恨淒涼蔓草平原有不隨金波以淚流聆玉
杵而心禱者乎歌成數闋秋思欲闌書付同人幽
懷俱往敢謂霓裳羽調競驚嘯於清虛巖縵首女
素娥憫猿聲之寂寞云爾

治世堂文集卷二

序上

金

花間葉序

花間葉者汾干漁史之傳奇也漁史於學無所不
窺尤兼善填詞其所作多可喜者以有所寄托也
夫詩樂之變至宋詞而元曲窮無復入矣顧學者
往往盡心焉聚精會神以遊無何有之鄉其亦有
樂於此與百種而外荆劉拜殺以言乎南北之調
則備矣餐花五種竹枝縹緲之音耳玉茗則大矣
或曰雖然九宮不可亂也或曰人籟比竹不若天
籟之以息相吹也吾何所折衷哉物莫能兩大牡
丹亭而後其灌隱主人之秣陵春乎詞人之賦麗
以淫君子奚取焉以有所寄托也是曲也九宮宗
籀卷而務頭之妙則體大而思精技至矣哉予少
不知學亦嘗以填詞寄意及長而懵然自念所曠
陶有急於此者遂不敢與海內詞人斤斤焉度長
而絮大矣漁史則先其大者遠昔而後及其小者
近者游藝之餘技斯精焉此劇以老陽制少陰且
柔之使來歸其於夫之既盛始之初生消長之際
三致意焉不但詭譎環奇托神仙幽怪而已漁史
飽乎哉為我觀今之人問世而絀懷古初其足供
詞場之歌思而嘻笑者或有存焉者乎亦行自念

治世堂文集卷三

序上

金

曰吾他日必爲人所歌思勿羊質而虎皮以蒙彼
嘻笑矣乎是未可知也漁史之技進乎道矣子將
崇酒徵歌而請益焉勿以鄙言之慙而金玉其音
也

洛神廟自序

有感則有言言則有聲聲有高下疾徐短長之節
於是乎有歌詩三百篇皆可被之管絃者是也漢
人樂府始有曲曲也者委曲以達其所感之情情
莫切於五倫夫婦其一也樂府之傳失矣宋詞元
曲或庶幾焉孰謂貞臣孝子之情有異於思婦勞
人者乎昔人云使人聞之增伉儷之重知此者可
與讀吾曲亦不必讀吾曲矣

重修寶雲寺序

嘗閱洛陽伽藍記未嘗不嘆全盛之代物力克而德施輕亦牧民者有道以陰驅之也夫竭男丁女壬之力以從事於福田利益之說此三代所未聞而東漢以還佛教之入人者深故天下靡然從風雖不必甚有益於民而民皆不召而自來寧俟夫政教發徵期會哉然非年穀順成人給家足則時絀而舉盈上之人宜有禁而一切補敝起墜之事亦弛焉而莫爲之倡以是知伽藍之興廢與政教通相因也新安之北城上接慕容山相傳爲慕容

治古堂文集卷三序上

公

垂駐軍之所故名有寺踞其坳曰寶雲後則鐵塔屹然而北矗前則澗水淙然而東注晨鐘暮鼓麗譙之聲相應答實斯邑之巨觀也當前朝之季先忠節嘗修葺之以爲守埤休息之所未幾流氛四作所在燬突向之金碧莊嚴三階七級所謂洛陽伽藍者盡淪於荒烟蔓草之中不可復識而况茲寺之藐焉者乎

皇清受命干戈戢而百度新休養生聚垂四十年而補敝起墜之事亦既多矣歲壬戌三韓主公來令新邑明年歲大稔於是寺僧通智慨然以重新

之任請命於公而次及於薦紳先生與善信之好施者且乞于一言以弁之予既以先人之故重違其請且知我公之政教觀成有日行將水火乎菽粟而施德也輕故列存所由以明一事之廢興實有相因而陰驅之者冀後之人聞之思所以畱有餘於民而不盡其力而民亦思守望之所關爲甚重而緩急不可以無備不待發徵期會而自來焉庶幾三代之治可復與若夫福田利益之說在通智自能言之非薦紳先生所宜及也

治古堂文集卷三序上

公

藍占政教之得失其識議不減古人至以接城守埤爲義尤正大不苟 李禮山

河神廟募緣序

昔先王慎制祀以爲國典凡爲民禦災捍患者皆祀之四瀆之有河古天子之所方望而禋祀者也魯人三望春秋譏之豈不以天地之元氣所鍾既厚則其神必靈故先王慎之不敢褻與河之有神也曰河伯曰馮夷若近世所稱金龍大王者其神尤靈或曰神爲宋末人隱居學道憫宋之亡賁志以沒遂爲神閱異世猶能助順王師卒成大功遂得勅封今職廟祀徧中州達於江淮前朝末葉有偃師黃翁者里巷忠信人也所居故瀕河一旦能言河道通塞無不奇中若神相之者估客舟行淤淺祈黃翁一言則利涉數百里或遙呼之亦輒應以故遠近神之亦稱大王云黃翁卒既久里人重其行誼尤神奇之私爲禱祠者所在多有新安匡口鎮居大河南岸一切陶器墜灰石炭之出皆由此而東居人之食其利者倍於土物也舊有金龍大王廟歲久傾圯李君秀植蓋嘗欲新之而以黃翁從祀焉未就而卒其嗣茂才公錦克承厥志因與道士馬服新爲簿以募四方之善信而問序於予予以神怪之事儒者所不道而制祀之設尤非

治古堂文集卷二 序上

九

里巷可意爲增益者昔孔明記黃牛廟所引黃龍佐禹開江事頗不經又漢史官亭湖神能爲分風說亦近誕顧爲民禦災捍患者民尸祝而神之亦食德思報之情所必然也嘗攷張子厚在禮院正龍女衣冠依其品秩程子以爲龍也不當衣人衣冠今所稱金龍大王及黃翁者固皆令德之人可爲民表者也至其神奇予亦嘗疑之獨重李君之善承先志與違禮而崇祀者不同日語也故書之以爲樂善者勸

治古堂文集卷二 序上

九

為樊學博募義序

蓋聞君子周人之急仁者通財於友行古之道易
今之俗此士夫夫之義而亦有司導民之責也學
博樊君以積學司教茲土講德勵業之績在人今
以老疾予告博士官固貧樊君尤厚於德而棄於
財其貧宜滋甚去家遼遠道里之資不給邑之弟
子員咸思餽焉而猶慮其道長而力短也屬子
首倡之子謂樊君之德厚則其交友也必誠知其
必有與也其於財也廉則必不盡人之歡知其必
有餘力以施當其可而適周其急故於其行也不

憚疏引以為倡首

治古堂文集卷二 序上

空

修寧鄉縣學序

古者地官之職兼司教養後世以教事歸宗伯師
儒始有專官於是為有司者惟簿書期會是問於
學校之政絕不相及矣雖然政教固同原也士當
束髮橫經學古而入官幸被一命不以文吏自期
待而曰學校之舉廢非我任也可乎哉子自己卯
筮仕離石謁夫子廟庭行就傾圯怒焉負疚懼無
以肅明禋收儒效因與邑人士謀所以梓材而丹
蘄之僉曰吾儕比罹災祲此羸者子遺耳力恐不
贍願以異日子重違其意乃日治官書清獄訟編

治古堂文集卷二 序上

空

戶籍以招流亡暇則進士子講藝於今三年民氣
少蘊士風庶幾丕變矣乃復諭於衆曰典祀弗恪
文教失宣有司之耻也學宮茂草佻達乎城闕亦
士之辱也父兄教不先子弟率弗謹慢上令弗與
樂事勸功民之無良也子以茲舉屬乃公事
乎請捐吾俸若薪以先之擇能事以督之工用告
成我則勞之股削自肥我則核之若作而弗應倡
而不和其咎安在且夫佛老之徒尚能新其觀宇
倡厥宗風爾章甫而綰掖者非孔子之徒乎奈何
出若輩下耶今緇黃者流持徑尺簿募爾百姓曰

此可種福田資慧命爾衆生必作大歡喜約口食
撤婦女瑱珥傾篋子之惟恐後不審汝曹昔者轉
死溝壑時亦有佛焉援手而救否耶今吾告爾曰
孔子功在萬世道尊於二氏爾或未之知也若曰
有書不讀子孫必愚爾克敬先聖崇其廟庭不於
其身後世必有達者其爲福田慧命也多矣此固
積善有慶理數之必然者非若緇黃無稽之言也
汝亦弗信矣乎抑聞之正誼不謀其利明道不計
其功士誠讀書希賢聖其事先師不啻君親也而
求所以不愧科名力行衆善者皆無所爲而爲矣

治古堂文集卷三

各

則前所云非所以勸士也

重修陳乞寺序

洛陽之西北有圖經寺焉建自唐咸通間至宋政
和六年學士王公肇元請勅改名陳乞歷元而明
稱功德勝地云昔者元機大師卓錫於茲新其殿
廡闢隙地爲禪院種竹蒔花映蔚原隰間益增勝
致師善韻學由華嚴經字母以證六書無譌謬者
兼通醫術起老弱沉痾甚衆予幼患癖疳師實活
我又以師耿介不受人酬謝先大夫乃命予爲之
徒執灑掃杖屨之役而以僧照繼代俗所謂替僧
者也譬若俗家往來特贈一僮僕其所以酬師者

治古堂文集卷三

各

亦微矣師既沒其徒稍稍四散寺田多爲強力者
所侵予再過之其地荒蕪則惟照繼在焉止宿
禪院中悲風靜夜古栢發發怒號凄不成寐迴思
曩者之盛杳然如隔世而予又無力可資助徒增
今昔之感而已嗣予宦遊內外守先人清白力益
不給今冬十月照繼率徒二人持其兄照見書重
趺走京師謀所以重新之將聚族而居不忘本也
夫二氏之有徒衆如四民之有子孫也傳其衣鉢
守其田廬若析薪弗克負荷作室弗克塗暨茨苾
芻亦耻之君子宜何如吾知孝子順孫必有慕照

見兄弟之克荷其先業而樂與有成不計夫福田利益之相償者況予之受恩有年與照繼輩有同堂之誼者哉予老矣迴念少小時先人百方活我不啻口含而身代者罔極如天終莫為之報矣即以師再造之德未能酬萬一向非予累世薄宦如優孟之所歌即為師營精舍立廣廈俾師之徒若孫世守焉以衍其宗風固情理所宜有不為過者而予既不逮此徒令照繼輩僕僕數千里仍歸而謀之鄉間遙知洛陽親友必且問而笑笑而憐之也適以重予之疚而已矣他日者命與莊嚴復唐宋之舊觀衆生作大歡喜而予以引年退老復至止焉將樂其盛而忘其衰並與繼見諸人究韻學醫術所傳流以推廣師之教育俾無涯際是尤善繼師之志也夫

止一修寺引耳娓娓於父子師友之際纏綿悱惻既非佞佛又非吝財而累世之情白忠厚亦俱隨筆帶出至於寫寺之盛衰已之老少滌洄繚繞更有無限烟波非俗手俗眼所及也于養滿幅仁孝之思藹然盎然所謂文無關係不肯浪費筆墨也命意布格高絕吳敬

治古堂文集題目

卷之三

序下

階三王公擢遷州牧序

贈胡長謀序

賀同年李文霞嗣君入邑庠序

賀劉敬生序

送李禮山令連山序

送陳曾起令荔浦序

賀李光祿序

治古堂文集卷三 題目

賀副都御史宋公序

送陸員外歸里序

送王苾遠去官序

賀田副憲序

壽汪翁序

吳隱君壽序

壽王郡伯序

澤州相公七袞壽序

蘓翁八袞壽序

簡行可六袞壽序

何子固六十壽序

壽鹿大中丞序

趙善長六袞壽序

姚夫人六袞壽序

呂孺人六袞壽序

吳太孺人壽序

賈恭人八袞壽序

高恭人八袞壽序

李太孺人八袞壽序

說

治古堂文集卷三 題目

風雪說

題跋

讀東坡詩集

讀劍南詩集

書黃山谷詩後

田曉山詩跋

讀顏贈君傳

讀趙應山先生傳

文

告城隍文

禱雨文

二次禱雨文

三次禱雨文

告山神文

祭張荔初文

祭李婁公先生文

祭王刺史瑤圃文

祭蔣尉文

公祭隴西宋夫子文

同鄉公祭賈太史文

治古堂文集卷三 題目

張南梁先生崇祀鄉賢文

三

階三王公擢遷州牧序

國家受天景命丕冒九有海隅出

石渠寶笈
續編
卷三

是載考績

命冢宰詔厥廢置馭以八柄維時守令有廉有能有祇順

德意夙夜肅將殊才異能俾以名

上聞膺茲榮寵甚盛典哉乃

咨撫臣爾式百僚勿拘牽於例苟具文書其有飾舉飾劾弗厭民心諫官拾遺是詢是糾無敢不實先之畿甸彰厥輝赫旁及三晉國之右輔秦豫楚

治古堂文集卷三 序下

四

越例以法舉可者否之出者入之官吏相與祇祇威威聆輿人之誦畢協幽隱懼不克稱

意旨維我新邑侯王公遂以實政在卓異列內外

大小臣工罔有異議

帝曰允哉

錫之章服乃

詔司銓畀之分陝之地庶不易民而治殫乃心懋乃功將大用爲天下勸公乃叱馭之所治新之人黃髮耆老幼子童孫無小無大攀其轍轅兩泣請畱既不可得乃與二三縉紳謀所以重公行因及

某某謹拜手賀曰休哉衣裳左笥馭富馭貴邦有

帝經上不惟予惟其難下不惟得惟其安難斯貴

貴斯勸勸則不怠安斯樂樂斯榮榮則不渝今於

天下民牧數千百人大省舉什之四中什之三小

什之一猶懼不實復參伍之拔其尤者可謂難矣

宜人以爲榮公曰不然吾懼得大州遠道孔艱行

李不克給奈何此邑之民既狎吾政一旦釋之去

吾不忍吾得牧陝邇我新邑民幸矣初陝人有獄

詞連其長郡守下其事公舉手重輕則陝人無生

理公與之平陝人無所害遂深德公聞將遷擬請

治古堂文集卷三 序下

五

於上願得公牧陝已而果得陝陝人大悅如獲慈

母云在昔周召東西分陝流風遺愛猶有存者周

公居東東人愛之比其還也東人歌之曰無以我

公歸使我心悲召公巡行舍甘棠下人因愛其樹

曰勿剪勿伐召伯所茇公居其地因其遺俗是教

是養俾進醇古異政偉績史將特書其在新政既

成矣例不必述述其大者公有令德又多男子用

允厥宗善有慶德載福時乃天道獨異者今之仕

宦羣羨通都公辭以資斧僉苦湫隘不我忍遺非

至廉且仁不宜有是是故備言之以成公志且風

後之官此者毋陋其民毋易其政安靜惟惻罔矯飾外貌此羸者民庶有瘳乎

贈胡長謀序

西江胡君長謀讀書力行抱濟物之性久之不遇客遊四方以醫術行其志非其道不往值窮困者辭其金且肱索以周之無吝色其醫人也先其本後其標標病者應手霍然本病者愈之乃已已則不復發故其言曰川流百脈天一之所生也土培百穀地十之所成也萬物生於天成於地滋長於水土而火以神明君之木金以仁義輔之則神王而氣完古所謂得其本萬事理與或曰以子之道施之於治民可乎胡君曰吾能醫人耳焉能醫國

雖然吾嘗聞之矣生民之本其水溝洫其土田疇出其什一以奉公上無損也間有曠溢一補助之而已霍然矣有善瘠其民者澍雨而涸溝洫穰歲而蕪田疇阿大夫所以烹也何利之與有其或求治之速朝夕下令曰耕讓畔行異路家孝友而族睦矧其於里黨也任卹彼蚩蚩者方將質田疇鬻溝洫以輸正供而副稱貸奚暇治此哉猶之業斯術者脈色之不察強弱之不問血氣榮衛之不理而斤斤焉畏寒之皴涕暑之汗蒸標之疾非不暫止一旦水失潤而腎絕火上炎而攻心暴發而不

可復療此庸者之殺人而不自知也又安所逃罪乎哉故曰政在養民仰事俯畜則從善也輕信然洛陽呂子聞其言而善之書以告司民命者

以醫道喻治道小中見大筆力奇峭自成一子
李雨

賀同年李文霞嗣君入邑庠序

予始游鄉校時歲在乙巳爾時先侍御尚未仕不肖爲侍御中年子齒最少雖德弗類顧不自知私自計年到二十時當拖青紫讀中秘書矣其後三試於鄉不售戊午始與文霞李君全舉於鄉予時尚未舉子文霞已有子三歲即令博士弟子員兩若君也乙丑予與文霞以計偕過於京師皆不第其後一遇於項城今年乙亥復遇於大梁於是予子憲曾就傳有年而兩若君已弱冠游邑庠矣其鄉之士大夫將申禮焉予觀左氏傳趙文子冠見

其父之僚友皆有辭以致美今讀其語大約規戒之意多而絕無後世諂諛之辭予雖未見兩若君以知文霞之深則意是父是子之必相肖也書曰父作室子丹纘父析薪子負荷以明孝也詩曰教誨爾子式穀似之以訓慈也子因而祝曰凡人取高第登顯仕何榮之有惟立身行道是資惟文霞始終勿弛義方之訓冀而子有立惟兩若善承乃公志務研精毋涸慢以光大厥家又祝曰壯盛智慧殊不再來兩若其惜分陰於是兩河士大夫聞者皆謂予言之非諛也請具書之子因念始游鄉

校時茲與雨若等顧自謂功名可立致孰意蹉跎
到今而祿養已後時矣尚何言之足重敢辭文霞
曰毋吾與若行且老矣吾子與而子庶幾有立他
日游處相值將徵言焉不可以無述予既不獲辭
命且以誌文霞之不好諛也

其情深其詞道質有其文絕無時艷 劉仲旭

賀劉敬生序

自古風教之成始於閨門以達於家邦由來久已
易家人之象曰女正位乎內男正位乎外詩首后
妃之德樛木下逮螽斯多男至於化行俗美江沱
小星之什頌德而知命是以二南之詩用之房中
以及於鄉黨邦國明風教之所由也三晉為唐虞
故都為汭鰲降之化存焉攷傳誌趙衰納叔隗生
盾文公復妻以趙姬生三子矣姬逆叔隗而已下
之以盾賢立為嫡嗣使三子下之此三晉之前事
婦德之有徵者至若西河魏土子夏遺教之邦二

南之風固未泯也自往歲饑饉以來俗化流失訟
牒之興多在婚姻居官者惟以期會不報是急至
於教化衰流俗失固無術以移易之是亦有司之
責也予以已卯筮仕離石得交敬生劉君君與弟
念生承生相友愛事尊人以孝聞敬生之配李安
人亦名家子也夙嫻內則鄉里稱為女宗敬生既
壯嘗被無子安人為之納妾連舉丈夫子二視如
己出人以為難邑之人士以敬生刑于爾室而安
人之克相以有後也既請予表其閭將復稱賀焉
是不可以無言予謂閭巷之事其有裨風教者即

不可輒得之有司或一二名德碩士書之槩觚亦
可因言以行遠顧君子樂與人爲善而聞焉而疑
疑焉而又格於例彼蚩蚩者復何所勸乎夫論王
化者以陰教爲先作史傳者必備載列女漢梁后
曰陽以博施爲德陰以不專爲義此則子姓之祚
成吉祥之事集矣自白華怨興而綠衣繼作時則
有谷風之悲有雅之嘆君子是以知王教之衰也
國家內教之隆並美二南以敬生之德復相之以
安人之賢且惠是宜采之風詩書之彤管使著事
者有紀焉閭巷之人聞之庶曰可以觀而興乎是

治古堂文集卷三

序下
十三

官茲土者之願也敬生仕進有日二丈夫子者今
皆就傅力學家聲將從此大也於是邑之人士咸
賦詩以賀曰教誨爾子式穀似之敬生以之樂只
君子福履綏之安人有焉又曰兄弟既翕和樂且
湛宜爾室家樂爾妻孥念生承生與二子者肄業
宜及之也故書

送李禮山令連山序

域中之饒嶺南爲最有珍禽奇木珠貝之產海舶
商賈四方之所走集其道路所由又有佳山水發
洩其羈懷以故仕其地者往往樂而忘其遠近年
以來饒樂不如昔蓋歆艷者衆物力亦少訕矣其
屬邑連山尤瘠於是襄城李禮山先生筮仕得連
山將祖道怡然如平昔同人知其不負所學也贈
言以重其行履乃諭於衆曰諸君子寵先生之行
亦知先生之志乎夫吏者役於民非役民者也食
人而不徒食於人也是故約己以厚民地之遠近

治古堂文集卷三

序下
十三

肥磽無所擇焉近世則不然需次於京師先期謁
能事吏許以賕約得善地吏爲識別其籌目眈而
手語之至再三屆期陰肘金寶以厭勝之適得善
地意揚揚見於顏面旁觀者爲嘖嘖稱羨不已否
則黥黥無人色歸邸則咨其歲入之贏幾何及物
產之可市而餽遺稱希有者至於民生休戚俗化
之淳澆及設施所宜後先未聞審問而熟復焉嘻
是可怪也已今先生待注都官不見主吏一人得
瘠地坦然不加欣戚於其心意亦賢矣雖然此未
足以見先生之志也先司寇有言曰女有四德貞

為先而貞不足以盡女職也更有百務廉為本而廉不足以盡吏治也蓋古之仕者政皆其學其風儀使人有所畏愛其教禁使人有所利賴其所弛張不失乎緩急次第而違道以干名非徒廉潔其身而已也自先生早歲即有志於正學又承恭靖肖雲兩先公之淵源神明而時宜之是將以養以教漸至於古之為治者必能早作夜思易其土之瘠而返之饒化其橫悍而使天鄙者仁壽是為學古入官之義若曰不貪為寶在世俗則賢矣於先生乎何有於其行規而申之冀政成而徵吾言焉

治古堂文集卷三序下

西

其亦先生之所樂聞與

先司寇諱坤字叔簡學者稱新吾先生有實政錄行世自記

探籌注官始於萬曆時孫冢宰丕揚當時以為最善不知流弊至於如此也文中描寫盡致主爵者宜知之謁選者尤宜念之高荆襄

送陳曾起令荔浦序

古者宦學皆有師禮所謂宦學事師者是也然宦由於學而弟子不必肖其師故孔子之徒文學與政事殊科若家語所稱子路治蒲孔子未見其政而三善之者不數數見蓋宰邑若斯之難也予以戊寅秋筮仕晉之離石最爾邑地瘠且貧加以饑饉民去其鄉然去千里開僅千里資糧靡屨不稱貸而給環視同選者或數千里且萬里焉或疾首感額矣時吾師隴西宋先生謂予曰毋憂貧毋鄙爾民晉豫之俗飲食嗜欲相習也彼數千里且萬

治古堂文集卷三序下

主

里者賴妻孥戒舟車以身入蠻烟瘴雨中視子何如子書紳以志惟日孜孜思所以承師訓而履職依者用能無惡於厥邑越三年

召至京師拜吾師於其邸寓於是同門士陳君曾起將赴荔浦矣荔浦為嶺表下邑其瘠且貧數倍離石且去京師幾萬里雖百其息以稱貸咸吝不予仕者得之無不疾首感額者曾起怡然如平日與其二三僕攜襆被將跨衛以行且問政於先生先生曰子行矣子何言履時侍側進而請益焉先生曰子知陳子之為人乎萃於親友於兄弟政既

施於其家好學深思早歲聞道名譽彰矣然其意
默然常有以自下者政又本諸其身向也出一言
若捫舌令也行萬里無難色何其慎且勇也夫易
心生則難之至矣退心生則能進者寡矣陳子
有是乎夫亦既知治矣予何言他日同人徵詩歌
以壯其行使子序之予固知會起之學似吾師也
其於從政何有昔者孔子說漆雕之未信政無易
者而虞詡以盤錯別利器政無難者會起之於宦
學吾師必有相悅以解者其謂因地而與時宜之
不在多言顧力行何如耳會起行矣敢書以爲左

治古堂文集卷三 序下

六

徵

提宦學事師作主恰是送同門友序那移他人
不得轉換照應處俱得古法

隴西夫子評

以已與陳兩兩映發譽中有規其文意質古則

力學家語

劉新菴

簡潔有法度

李季平

賀李光祿序

代澤州相公

國家建官分職爰立公孤承以卿士大夫凡位九
列者率稱崇秩爲天子貴近臣俾以次晉六卿儲
保傳之望任綦重已至光祿一卿周禮統於天官
冢宰凡庖膳所掌內饗外饗之所司別名物辨品
味奉膳薦羞以供王后世子及承祭養賓之事皆
隸焉又大宗伯之職以饗燕親賓客亦有分屬而
無專官自漢以來始別爲光祿勳歷代因之厥治
曰寺應劭曰寺嗣也理事者嗣續其中也官不嫌
備示有專也別於卿貳明其尊也以故任愈重而

治古堂文集卷三 序下

七

難其人故事膺是秩者率由臺諫夙望蒙擢游
歷爲之往往席未煖輒遷其秩頗視爲速化地優
游養望若無所事事者夫君子之於學也必其達
禮樂之情而嫻兵農之務然後材諸位而能其職
若備官未聞而汲汲焉更遷是亟非所以昭志業
懋猶爲也甲申秋東生李君擢斯任一時士大夫
咸額手焉

朝廷得人慶越明年底厥績二三君子謂東生之
不負所學以從政也因徵言於予以佐觴予與君
同里且有一日之契故其言宜質書曰唐虞建官

惟百夏商官倍周官三百六十而後世院寺之設復踵而增之其任之專也勿怠忽以荒政其統之尊也宜居寵而思危是爲周官涖政之義君所夙聞於師友者不旣然與且夫敬官孝也資父忠也君生於雲中文獻地前哲令德之蹟存焉而隴西門望尤著太尉君起家小司寇執法平允有聞當代君紹其家學舉進士歷省署擢戶兵部給事直聲聞天下其所建白

天子嘗改容嘉納歷歷見諸施行以是膺

主知屢示優擢遂有是命所謂兵農禮樂皆素所

治古堂文集卷三

序下

蓄積取諸其懷而有之非若晚近之仕居其官而昧其義者必且精白乃心以恪恭厥職凡名物度數之詳與夫先王制作之意益將究切洞達而知其所以然之故固不以秩遷之久近爲畸趨也今天子嚮用方始咨曰汝諧由是嘉乃茂績自秩宗晉冢宰子且避賢者路而明農於濩澤之野君其大庇民人而仔肩予所擔負焉其何異之有抑聞之書曰同寅協恭和衷哉劉子政曰衆賢和於朝則萬物和於野諸君子幸際太和之世推賢讓能庶官惟和矣亦將由光祿設官之說觀禮於賓

而益思靖共之義

自是典制文字且有相臣口吻師生分誼全車是昌黎摹尚書手法醇茂典則繇其經學深遠不比七子之貌秦漢也成乾夫

治古堂文集卷三

序下

賀副都御史宋公序 代澤州相公

皇帝建元之四十有六年冬以宗人府丞宋君爲副都御史朝野慶得人越明年同官咸和師師濟濟克舉其職於是侍御諸君子徵予言爲賀予觀古今名臣所由熙帝載承天寵者恒視乎其量量大者所受無窮天道之所以虧盈益謙也僣石之別於斗筭固也江河大矣然而有涯地振江河者也亦有所極惟天則無極故行合天道者天則錫之福猶之主臣同量而元首股肱爲一體也是故析主僣爵由卿士爲三公奕世載其休光史籍著

治古堂文集卷三 序下

辛

而不泯若漢之韋元成唐之李贊皇宋之范堯夫韓忠彥其人者皆克其家而忠於國炳耀當時流聲至今按周禮御史之職掌邦國都鄙萬民之治命以贊冢宰掌贊書授法令自漢而後始有御史大夫中丞之號即今之都御史與其副也遂別於六官自爲府署今與刑部大理號三法司居其職者或以擊斷毛擘爲能動傷大體夫令行於秋肅而望其長養萬物有是理乎御史府雖與秋官並列職在糾繩至於晉秩三公率皆中和貞固知國體通民情者爲之程伯淳所謂拾遺補闕不能撓

拾羣下短長者是也君爲相國文恪公賢嗣由刑部卽歷掖垣晉大鴻臚左通政僉都御史宗人丞歷有直聲異績而卒以中和爲治今且爲御史中丞人之仰望風采者僉曰此紹業之始基也斯無俟乎予言顧其可知者量耳行千里者庸車馬濟江河者任舟楫車攻馬良可致遠矣或輪轅飭而中箱狹則橐載無幾乘舳舻以游江湖謂其速於萬石之舟也中流鼓枻必沾濡其裝飄搖而不安何者其所受有限也君歟歷有年才具兼人乃自視歔然嘗曰吾在西曹時多所平反若可即安自

治古堂文集卷三 序下

壬

爲諫垣至今無可以自信者此其意念既深而量爲何如哉夫勞謙不伐臣之志也虛而不盈天之道也易大畜之上九曰何天之衢道大行也說者謂六五虛中尚賢以任剛健篤實之佐是以賢臣不家食而利涉大川以應乎天其志日新而道大

亨也今

聖天子崇重九列預儲公輔之望以君之量佇爲三公子將徵民譽之不虛而樂聞喜起廢歌之盛此人心之同然而天道不遠矣君從予遊最久因知其行誼引伸其說以志諸君子和衷之雅且告

夫後之官法司者

提一量字作主博引廣喻而不離其宗謀篇最
有法度○氣象爽潔風味醇厚溫然如玉瑩然
如珠 陳澤州夫子原評

古雅修潔神閒氣足放翁句云潔紆水抱中和
氣平遠山如蘊藉人差堪持贈 張郁麓

送陸員外歸里序

士君子處世宜何所遵守耶剛直者以才見傾闢
聳者亦以非才見棄木不材者壽雁不鳴者烹理
也數也庸詎知所極哉戶部江西司員外郎陸君
剛直士也與同司者議事同司者務嚴急君獨重
民命固爭以爲不可同司者怒詬君君白之堂上
堂上官皆直君同司者卒屈服一時僉稱君之賢
而因多同司者之善補過也會京察風聞言事者
過聽舉君與同司者名以應子爭之不得君與同
司者竟罷去後有悉其事者咸爲陸君惜風聞言

事者亦悔之遂以病告歸嗟乎窮達數也曲直理
也徇使君脂韋阿同司者意未必無過即幸免物
論獨不心恧而內疚乎君固能爲此不爲彼也嘗
曰吾以一官易數家之命所獲多矣其志行如此
昔者蘭相如先公義而後私憤卒能屈服廉頗用
強趙國前史以爲美談君所爭公義也而風聞者
以爲私古今人將毋同顧有幸不幸耳豈非天哉
龍門作史記不以成敗論人如李廣不侯歸之數
奇霍去病不致敗蓋有天幸於時命升沉之際三
致意焉有旨哉有旨哉或曰子罕言命於義云何

夫命者理與數俱焉人事實有闕而聽之鬼謀則理不足理不足則數爲政譬寸木如岑樓本末非齊也若人事無闕失而所遇有大謬不然者則理數均焉此莊生所謂無可奈何而安之若命者與則陸君是已陸君名家子性孝友臨財不苟得在職慷慨敢言事見知於尚書趙公與子交尤深嘗試奏疏賦詩俱稱

旨待、

詔南苑數日竟以病免君才如此詎以一官爲重輕者恐世俗不察猥與闖茸者同類而共笑之故

治古堂文集卷三序下

苗

於其行也序而述之以告後之君子有史識如龍門者

叙罷官不多作感慨語唯歸於數便有無限蘊藉受業馮觀識

送王夢遠去官序

古者取士於鄉以三物考其德藝論定後官用以爲卿士大夫及其退老於家則又使之坐於里門稽其子弟之出入而教督其不率者然則士大夫之進退皆關於其鄉人而冢宰因之以詔廢置於以一道德同風俗必由乎此故曰觀於鄉而知王道之易易也孔子謂獲上治民本乎順親信友故有清譽滿朝寧而不足以恆愚夫婦之心或則失位去國聆輿人之誦無聞於學士大夫之口則於其爲人概可知矣今

治古堂文集卷三序下

五

國家吏治烝烝庶官惟和

聖天子明目達聰無不燭之隱而卿大夫之罹於文法者往往吏議嚴而特原之是以人人自奮於功名而廷尉亦稱天下之平於是刑部侍郎王夢遠先生以一青去官將還雄縣同朝卿大夫咸惜之而其鄉紳士更欲一言以重其行予聞諸長老云前數十年間仕宦而歸里閭者或資財克物子弟華飾衣馬則輿論鄙之不與齒若以正去國儼從藍縷迎迓者不識里人則以爲笑談數年以來風俗亦少異矣今先生歷任清要其囊橐蕭然惟

圖史數卷然而其鄉人榮之亦猶行古之道也予嘗過雄縣觀先生之廬不蔽風雨問諸其鄉人僉云先生勤其職不遑內顧蓋自其先大父北愚公以忤魏璫去位屢躪於當道卒以分司殉難於楚其尊大人遂隱居不仕著書友教鄉里以孝友特聞家風清素所從來遠矣其見信於里黨如此先生中康熙乙丑進士去其大父天啟乙丑六十年矣性行坦直綽有祖風初官內閣中書博聞強志多識典章故事其爲河南道御史也正色敢言秉臺規以率十五道無不人人心服者歷階至副都

冷古堂文集卷三

序下

御史晉令職在官三年多所平反其去也父老手香而送者數千人有泣下者皆大獄所牽率而脫其羣梏者也於是鄉大夫惜之者曰先生事親孝與友信居官廉平義不苟合當世讀書目數行下終身不忘古所云六德六行六藝者殆兼有之所謂賢豪間者耶或曰刑部官難爲王新城曠代逸才亦以過誤去若先生之正直平允後來者尤難其人耳他日

天子思弼教之臣必特原其過而錄其功山林之樂奈何虛先生之盛年哉乃其鄉紳士不謂然錢

員外之詩曰窮達戀明主耕桑亦近郊古人措意忠厚如此雄去京師二百餘里實近郊也而先生之歸無幾微不平之色見於顏面績雖未究其設施亦畧見於世且鄉紳士之重先生也不以爵以其貴而能貧不以祿以其仁不爲富豈非三代之直道而燕趙多慷慨之士與予病且懦不能自附於議功議能之列尚何言之足重姑述一時之興情無間於朝野如此云

蘊藉深厚得立言之體而行文低徊宛轉令人尋味不盡

李季平

冷古堂文集卷三

序下

賀田副憲序

陽城地近堯都蓋多君子云先正如原襄敏公楊貞肅公勲業文章載在前史尚已近今則田司農兼三張中丞公乎器識深沉行誼敦篤得之風氣居多亦其所蓄積者良靜以厚也田曉山先生於司農爲羣從而中丞則其同學友也由戊辰進士知粵東英德縣以治行

召爲監察御史

天子嘉其稱職累遷清要遂晉爲左副都御史同人榮之徵予言爲頌予聞析城濩澤間多佳山水

治古堂文集卷三

序下

請爲諸君譬之山千雲極天峻矣然膚不戴土繁植滋榮非其任也水稽天浴日大矣然漩渦覆舟虛明含照非其能也是故水止者能鑑土厚者廣生先生德厚而性靜自其尊甫霖商先生以積學力行友教四方詩禮之訓聞之有素且出少宰仇滄柱先生門下師友淵源有自來矣按周官御史之職掌贊書而授法令漢有御史大夫御史中丞則今之總憲與其副是也居是職者領十五道御史以弼違匡善任恭重矣必也體道經德納已於正直然後知宜知權原本忠厚而行之以鎮定豈

徒慷慨激烈嘗試於一發以自鳴得意也哉初先生之令英德也養民息訟政教兼舉一若無事者

其在西臺多所獻納時州縣換符煩簡多假借先生具疏剴切言之自是遂著爲令而奔競者息又廷議京職遷臺垣者令堂官保任而行取知縣俱以主事用先生慮保任之易於樹恩而知縣行取之遂無期也繕疏昌言其畧謂知縣行取既不由督撫而京官保任則出之堂官是內外異法也且結納營求在所不免將見朝廷之諍臣皆卻院之黨援即有藉聚豐蔀之事誰與舉發乎疏入奏對

治古堂文集卷三

序下

移時

上爲之動容既出未嘗向人言其慎密如此上臨御日久於天下利弊鉅細無不洞悉言事者每難稱

肯先生疏一入輒見施行非積誠以動

聖聽孰能與於斯乎或謂先生以天下才居言路脫恢張喜事世無有當之者顧拾遺補闕與撥拾短長孰得孰失其辯之早矣以故平居若無所戚否而臨事則義形於色惟靜也故能成天下之務惟厚也故不肅而成不嚴而治坤之象曰君子以

厚德載物諸葛孔明曰才須學學須靜也因爲先生進一觴云

德厚而性靜是一篇骨子中間叙事議論皆發揮此句故行文有一氣貫注之妙 李雨蒼

壽汪翁序 代

吾歛之望曰黃山黃山之勝刻露而清秀蓋中州磅礴扶輿之氣於是焉極而更停蓄滌蕩峻其神骨以蘊結爲帝之密都嶽之與府以故高人逸士往往出焉或曰黃帝嘗登茲山問道於廣成子因以得名今其上有丹竈信耶非耶蓋世之言仙道長生久視之術者皆托之黃帝云汪翁叔奇歛之望族也其先世有隱德以節儉力行重於時翁生而挺秀德厚誼高有古君子之風子既成進士矣翁不色喜教督之益力曰是將寄百里命者不稽

古寧知愛民乎義方之訓近世士大夫家所希有也癸酉中秋前一日爲翁六袞令辰於禮宜爲壽予以官守不獲與登堂之祝遙企秋陽鮮霽桂有黃花翁衣白袷衣簪冠藤杖坐廳事中子婦及親族以次展拜行酒爲壽畢手黃庭一卷坐對天都峯際逸氣與之爭高與神仙中人喜可知也抑又聞古之言壽者箕曰好德孔子曰仁與長生久視之說殊不類解之者曰德福之基也君子好之斯永貞而孔固山靜象也仁者如之故壽其言蓋信而有徵焉子既以是壽翁復從而歌之曰黃山我

我今天都巖巖疏淪塵垢今若志潔而行廉下有
高廬兮納雲而吐秀中有人焉鴻漸兮龍潛狀貌
偉兮衣冠古歌金石兮樂賦畝壽且康兮善是處
軼人羣兮受天祐又歌曰山之松兮翁之容山之
石兮翁之質雲可悅兮與之方潔溪可涵兮用洗
心於密黃山之樂兮樂何如百世其昌兮來徐徐
安車將徵兮輪以蒲惟翁之德兮知予言之不虛
史公筆意與尋常壽言不類 王南漢

吳隱君壽序代

稽古久道化成之世聖人以大德臻上壽其朝必
有平格之臣耆艾作朋以保乂王家即逸而在下
者亦必有潛德之士高隱巖谷敦厚人倫以孝友
施於家政世可爲子孫法守此潛德之所基爲孔
厚也何者潛之爲言也確乎不拔利幽人之貞是
以堯舜之世有巢由而漢高不臣園綺亦各從其
志耳宋之仁宗享國最久號稱極治韓范司馬諸
公皆以耆德陟高位而康節先生獨蘊其內聖外
王之學高不仕之節蓋善體乎潛者也若雪之間
有隱君子焉曰吳韓堂先生其學全體乎易而善
於用潛性至孝蚤歲失恃事父克養厥志竭力而
不使之知田租之入嘗陰厚於兩弟厥弟久而始
悟亦固相讓焉處里巷犯而不校下至胥篋之輩
亦爲之隱其惡其生平隱德多類此配溫孺人相
國文忠公之猶子也遭家不造與先生偕隱食貧
事親不缺於供人稱女宗焉先生行高而文奇試
輒冠其儕數困於有司以食餼將貢太學慨然曰
吾既不得第安用三舍成名哉遂絕意仕進此其
潛德之尤著者與方今

聖道休隆禮耆德聘真隱以先生之重望蒲輪授
經固其所優為者夫潛則利見而貞固者能通無
位無民而非亢也大亨以正而無悔也不然康節
之學固未嘗見諸施用而程子以內聖外王許之
又何說焉先儒謂無欲故靜潛之義也靜則壽天
之道也惟先生以之先生有丈夫子二長君孝廉
峙青佳士也仲子庶常炳儀出吾門下將授外任
以祿養兼志養也於今季夏之吉為先生暨孺人
介壽而乞言於予因得揚摧其概若此所由與世
之言壽者異矣

治古堂文集卷三序

苗

以潛字作骨處處從周易語錄拔出妙義一篇
隱君子傳直可伯仲韓歐成乾夫
思極深氣極靜詞極謹嚴大雅不羣劉仰旭

壽王郡伯序代王遇五先生

予夙聞之師曰天地以生為德以仁為心是能資
生始而不窮君子體之有長人之道焉孔子之論
仁也曰靜而樂山之大者首岱岳蓋宇宙磅礴
扶輿之氣於是焉始而天之生意實資之是以蘊
為聖區名賢偉人往往多有如我郡伯王公者蓋
鍾其厚氣云公世有令德為名臣所在著績其學
本儒先不雜二氏言事母太恭人色養無違其於
仁孝之旨既有合矣其尹汾也先德教後刑罰絕
苞苴減供億以寬民力舉劾諸屬吏惟民氣舒促

治古堂文集卷三序下

五

是視以此吏肅而民懷良法美意難更僕數也郡
屬八寧鄉尤僻其俗固淳樂生而戴上意尤篤矣
今七月中旬日首為公肇錫辰邑之士介書於
予曰惟寧邑瘠且貧又罹以荒存者子遺耳微仁
者在上吾屬無今日是惟我令君奉郡伯意指以
咻噢之吾屬日戴兩暘而忘其自天地出也令君
為一一述之吾屬感而泣望郡而泥首其何以報
無已則藉一言以附稱觥之義敢固以請子既不
克辭乃嘆曰有是哉民之愛父母而忘其所自出
也人情乎世有蚤舉子者或不知所愛而若忽遺

之即知之而飲食衣著寒煖之節必不如爲祖父
母者之心悉而時勤也固宜有愛祖父母浮於所
生者此一本之旨仁之著也令君亦仁者也又得
我公之至仁爲之上官宜其宣德達情而寧民之
多幸也哉史稱范鄉侯何武所居無赫赫名及行
卻舉發無遺是非無名不爲名焉耳若晚近世所
稱赫赫名者以察察爲明子子爲義矯矯以爲廉
循聲著而民日蹙是皆與於不仁之甚者也且吾
聞之漢治尤重太守宣帝曰與我共治天下者其
惟良二千石乎今

治古堂文集卷三 序下

共

天子以如天之仁丕冒九有尤加意山右疾苦以
公之仁且才固宜膺治平第一如漢增秩賜金故
事使化溢四表仁覆無窮用佐萬年靈長之治以
是壽公是天地之大德而君子長人之道也孰謂
吾生有涯哉

以仁字立柱一絲不走百折未窮 惠西坪

澤州相公七袞壽序代

國家誕受祿命丕冒九有武功既茂文德聿修薄
海內外蒸蒸乎咸臻仁壽於是大師相護澤先生
年七袞矣歲丁亥長至前二日爲先生誕辰三晉
士大夫徵予言介壽以予侍中書有日或能窺德
量於萬一顧後進贊襄老成假以世俗之言進非
三晉士大夫意亦先生所不欲聞也則請以誠明
之說爲先生壽夫大人者出處皆有助於時蓋龍
德而正中者也是以言信行謹閑邪存誠善世而
不伐以上應九五之利見其在唐虞臯益陳謨亦

治古堂文集卷三 序下

共

越成周則有旦奭之誥所謂見龍在田天下文明
者也當其時勳華繼治太平在宇宙間蓋聖人久
於其道而天下化成矣是以宅百揆者歌功叙位
宰衡者著風雅厥風尚已其後蕭曹房杜始以相
業稱其文辭不概見或才有難兼亦時有所不暇
耶今

天子聖神文武建極於上歛五福以錫民久道化
成之盛婉唐虞而軼三代蓋喜起虞歌之時卷阿
矢音之會矣而先生以大儒躋政府厲其清明強
固之質贊襄左右子弟皆元凱門下多吉士盛德

大業篤實而輝光休休焉謨猷入告則將順於外
曰斯惟我

后之德用是張弛無迹不必響震影駭而潛移世
運於雍動熙洽之盛天下之想望風裁者第誦其
文章以庶幾得其雅志而已夫宇內三不朽立言
其一蓋言以明道則德之興也言以經世則功之
符也至德無形大功無名皆以言載而行之於是
乎發邇見遠以法天下而傳後世此在枕山棲谷
之士或有意於爲文而龍德之大人誠至明徵實
有所不得已焉然非世際光華禮明樂備且具什

治古堂文集卷三序下

三

伯倫類之材力斷斷乎不能造其極至以信今而
傳後也則先生一人而已三晉古冀州地唐虞之
舊都風氣龐厚是生偉人若唐之裴中立宋之司
馬君實皆以相業兼文章得先生而三焉或者見
先生駁歷有年行若少壯疑有頤養導引之術不
知大人之勞其心思以爲天下者固無所消其中
也蓋誠則無欲無欲則明明則動而可大靜而可
久地道無成而代天之無疆理固然也使古之大
人假其聰明才力以自利其身則伊周孔孟之爲
神仙也何有而臯益謨謀反出箕頽後耶令長至

之吉於卦爲復復而受之以泰於是乎天地交而
萬物通上下交而其志同也書曰天壽平格詩曰
三壽作朋三晉士大夫以是言頌先生先生之壽
無涯矣

渾浩流轉筆墨之痕俱化 張郁麓

治古堂文集卷三序下

光

蘇翁八表壽序

嘗讀史至陳太邱荀朗陵家世謂元愷濟美當不
是過因名荀里曰高陽而元季並稱二難一旦相
過從子爲其父御兄及弟旅進退其間稱觴爲壽
上感星精倚與盛哉非令德之符孰能與於斯乎
陳州舊隸潁川其風俗淳厚往往有積行之士鍾
氣而生如我蘇君者則其人也君生有厚德樂善
好施嘗建淮陽書院置義田以資來學復設之陳
州以嘉惠里黨遠近頌義聞於京師今戊子月正
爲君八表覽揆期咸思爲介壽舉其長公中書舍

治古堂文集卷三

序下

早

人綸掌復與子善因徵言焉子聞之水之積也厚
則負舟有力土廣厚斯載物而資生汙潢之中置
舟焉則膠培塿之上是生樸櫟不能蔭一牛爲其
無所容受也君之德有容斯能致諸福之物德克
受則天斯授之以可願又何疑焉夫東門宛邱之
墟其俗習歌舞好巫覡太姬化之耳然其間有隱
君子焉棲遯衡門洋洋樂饑是固弗囿於流俗而
獨立不懼者耶君既睦族黨施德於人捐券責數
千金遂高尚不仕爲逸園引流植援日與子若孫
嘯咏其中教以睦鄰任卹之義較之衡門隱者尤

稱嘉遜況潛穆世風使澆者反淳如潁川之人畏
爲陳仲弓所短此其厚德之符又何如也今

天子嘉惠海內養耆老舉上壽得君輩數十落落
焉參錯天下爲世俗矜式足以易鄙而爲仁佐守
令之不及其爲壽也僅頤養一身已哉若夫熊經

鳥伸之說予未之學亦君所不樂聞也

以厚德作主處處映發簡潔雋雅神氣逼古郁
麓

治古堂文集卷三

序下

四

簡行可六表壽序

五倫叙以人而命於天君臣朋友有過不遇焉父子之道天性也而自前事親者蓋寡夫婦以兩姓合不得與天親等惟兄弟則一氣而分形年齒相若故少長與共其於人倫有至樂存焉然而末俗澆風或致閭牆非賢士大夫推讓因心孰與移易風俗爲名教坊表與孝廉簡子重子戊子滇聞所拔士也世有令德以孝友醇謹稱重蚤失怙恃惟伯兄行可是依及其仲兄臨可有三謝之目而行可內行尤篤己丑春正月行可杖於鄉矣重因固請曰小子重非伯兄不生非兄善教之士亦無成當先父母之見背也重甫十齡弱而瘖兄於是乎未寒而衣我未饑而食我且述先德而訓以民生之在勤也就傳擇師友而督課之使日益也重幸舉於鄉兄以布衣老匪先生榮以華袞重無以見先人於地下因而泣下子感其意弗克以不文辭且以明予之知簡子不徒以文也昔者司馬溫公事其兄伯康如嚴父三姜共被世以爲美談以今觀行可兄弟古今寧不相及乎禮六十者指使謂子弟當安養之不親勞事也此風以春酒介眉壽

治古堂文集卷三

序下

四

而瓜壺苴茶以自食少長之節也行可於禮宜焉壽簡子於禮宜爲其兄壽第不知簡子之意將求無媿於族黨之稱而爲一鄉之善士耶抑將如君陳之施於有政而漸及於使命不辱者耶簡子勉乎哉詩有之兄弟既翕和樂且湛願簡子歌之以奉其兄觴使世之厚婁子薄兄弟者聞行可之風而知媿焉是大有裨於名教也予不文固不敢於人倫中貌言爲華矣

從兄弟以天合立論纏綿悱惻沁人心脾所謂文生於情也至其結構精嚴饒有南豐筆意

識恒

治古堂文集卷三

序下

四

何子固六十壽序

何子固先生與子爲世兄弟茲長於子歲乙酉子固年六十以歲事之未稔不暇爲壽閱四年庚寅嗣君扶鯨介書至謀所以佐觴者子惟古之君子得志於時必有可紀之績以竹帛傳不朽其矯首巖谷者視人世一切事皆所不屑爲名姓聽其湮滅而後世亦多傳之則又有介於通隱之間心山林跡朝市爲人解紛排患難而已無所與若魯連客趙而却秦軍陸賈以一言和平勃計安國家皆身處事外要成功如左契是故潛見之際士君子

治古堂文集卷三 序下

四

立身之所珍也洛陽爲周漢故都在宋則西京人才尤盛一時賢士大夫如文范富司馬諸公皆兼將相之資經文緯武而邵堯夫先生獨以布衣遨遊其間與聞國政往往有所裨益蓋康節之學全體乎潛而時乎見此尤稱龍德之正中於初之勿用亢之有悔不同日語矣子固少年負不羈之才天下事宜皆所優爲者乃承累葉貴盛之遺泊乎無所營事母太宜人不樂進取間與郡伯令君游視時政之宜民者力贊成之否則凡之人以是益多子固子固不屑也昌黎有言六十者十日與十

二子相配數窮而復之會也萬物之數剝於金復於水而致養乎坤坤之中土曰嵩高風雨陰陽之所會和也則洛之鎮矣夫土崇而爲臺階饒而爲山谿均土也或近而易狎或介而鮮通惟區爲畝畝溝澮斯養道備而君子象之以爲通隱者也洪範五事思曰睿疏云思通土也心屬火而思通於土相生之義也子固以明睿之才近康節之居讀其書樂其道以教厥子孫厥子孫服而習之益曉然於出處潛見之宜而不爲過中執一之行其所就未易量也年既六十有四得易之全數由此而

治古堂文集卷三 序下

四

期頤以至於無窮孰謂吾生也有涯哉扶鯨以是言侑觴乃公必踴然喜飲無算爵精於賓主雜合伏應之法而出以渾成有草蛇灰線之奇無拔劍張弩之態老手也太乙山房集中多錄壽序張芑山譏之惜未見此種耳

劉遂聞

與郡伯令君游此亦細事似承當不住前半篇文字却妙在子固不屑也五字一筆颺開於空際得其全相筆法高絕

李季平

壽鹿大中丞序

今上建元之四十有八年冬鹿蘭皋先生以少司馬出撫河南越二年辛卯歲成歲登吏肅而民懷值三月中旬為先生覽揆辰於是兩河人士請擇言為壽眾以屬予予謝不克為眾固以請且曰惟吾豫州厥土墳壚厥民質而愚弗良於蓋藏往年水溢梁宋間阡危特甚

天子乃弄南顧俾賢卿士為牧伯聞公被

命日即為吾儕請命既至發倉廩平糴民賴以不殆吾儕小人不知政事之弛張第食毛衣桑養老

治古堂文集卷三

序下

四

字幼不數數至縣庭幸雨暘時若耕耘絃誦以樂吾業故其時儼曰畢爾農功以待甘雨毋煩我大府其與人之頌曰河之埽民不擾隄之築子來屬郡大夫因以理甚無事吾聞諸長老云言者心之聲也文者行之表也掬土增岳挹水附海其與能幾何心則然矣予辭不獲命乃作而嘆曰甚哉道化之入人深也易曰聖人久於其道而天下化成書曰天壽平格蓋熙洽之世其君多歷年所而因以久任其臣生其時者食舊服疇沐膏澤而咏勤苦被潤澤而大豐美此唐虞三代所以稱到隆而

播奏之勞保釐之績所由傳也今

天子以勲華之治建極於上府修事和九疇時序一時臣工類多老成碩望宗功可紀五十年來德澤淪浹乎肌髓洵久道化成時也而先生以平格之佐由廟廊而任封疆第出其所學之緒餘而旋至立效一時人士咸驚喜若獲望外使更漸摩數年其善教之入人又何如耶吾聞之易傳曰咸速也恒久也澤山通氣而時雨作百昌遂何速如之雷風相薄而萬物亨穉者壯脆者堅何久如之今梁宋甫災而先生適至其初政之感人既如是矣

治古堂文集卷三

序下

四

則夫兩河人士所以望先生於他日者將久而愈奢也且吾豫近多賢撫設施亦累備矣先生因之補其偏而拯其弊舉安靜之吏馴嚮道之民不煩更化而佐

聖朝有道之長太和之在宇宙方悠遠而未艾也予故推本道化之指述兩河人士之語庶幾乎耕鑿作息順則而不知之意若夫崧岳生申彼人士自能言之無俟予之勸說

鹿公政績只於兩河人士口中傳出而不事鋪張贊揚已至後幅美其既往望其將來悠然不盡

是謂立言有體 宋浦荅

治古堂文集卷三 序下

四八

趙善長六袞壽序

歲丙申陽月爲善長趙先生六袞之辰先期其長子庶常城館於子家遂乞言焉而檢討謝子履厚張子漢復爲之介二子與城皆子戊子典試滇南所拔士也因共道先生之爲人性坦直不設城府嘗曰吾不能爲罔之生也博學好古誨人有方樂善規過與人無隱言曰吾不能爲人之損友也又曰先生性仁孝於父母兄弟間竭力以盡道其他行事多類此予聞之而嘆曰有是哉二子之善言德行也夫靜專動直是以大生焉天之道也人之

治古堂文集卷三 序下

四

生也直三益友以直稱首人之道也天人合而悠久無息吾生詎有涯哉或曰曲如鉤封公侯直如弦者反是是故沾塗力田不如逢年纂組繡文不如倚門世固有巧宦致通顯華士掇巍科顧所遭何如耳安論曲直哉是不然夫重陰積霾浹旬不開蔓草滋蒺焉中天杲日流金燦石窪田聚寶焉豈其力之克致哉亦會其時而已若夫松栢九光生於景山千有餘年爲棟孔安龍門之桐百尺無枝流泉嚙其根厲石砥其涯歷數百歲乃爲琴瑟資徽以黃金被以朱絲其遇於世未遲也昔者西

漢之汲黯北魏之高允皆以直節見重人主其窮而在下者若王彥方許子將輩或爲鄉里所憚或爲人倫秉鑑皆道亨身泰令名無窮蓋性之曲者遇亦曲不可以屬人目也性之直者遇乃直不願以智力獲也今

天子聖神御極舉直錯枉風化之隆型於宇內矣而先生以積學明經際會清時行將蒲輪授書備更老之選是亦事理之可知者豈特以杖鄉國教生徒而已哉初城以壁經冠其儕子奇其文與世俗不類撒棘後或告以先生之教子弟也屏絕一

治古堂文集卷三

序下

切時義惟六經儒先之言是尚有譏其謬誤者先生曰患不成一家言成則自有識者是非直而獲遇之明效耶先生之縣弧也以十月於卦爲坤萬物皆致養焉自是而復而泰其長養生成未易量也往聞吳駿公徐立齋兩先達其父皆諸生至二公乃魁天下仁人之昌後蓋信而有徵矣詩曰彼其之子邦之司直城也勉乎哉又曰靖共爾位正直是與二子其知之矣

直字作骨一意開闔到底而行文亦奇古峭拔字字錚鏘而不至傷氣所以爲佳李季平

廬山繇嶺而上盡爲金光嶧山積石相臨殆無土壤高秀清栗真足排唐宋綺縠秦漢矣受業儲大文識謹嚴古茂祝文中僅見受業張漢識

治古堂文集卷三

序下

姚夫人六袞壽序 代江州相公

初予與大中丞姚公同舉進士知其醇德亮節為時名卿自為給諫時已著直聲云及中丞捐館舍嗣君栗岡官山左叅議多善政次君攝源在翰林嗜學力行諸子皆克世其家尤幸中丞有子矣甲申之秋客有善於姚者謀所以壽中丞之配戴夫人因乞言於予予老且勦又侍直無暇敢辭客固以請曰詩咏小君禮兼內則古之誼也安有與人之父子交而畧其內行不一言以相引重者乎且夫今之為壽者不在德行而在主組此非所以壽

治古堂文集卷三 序下

五

姚母也所以壽姚母者但得行誼卓犖之士疏其懿徽筆之於槩觚亦榮於華袞矣况德望如公者耶予重違其請因思古今列女以一身兼父道母儀者僅若而人其在詩曰樂只君子福履綏之解之者曰履祿也綏安也德稱其福則安矣魯人之頌僖公也曰魯侯燕喜令妻壽母以令善之妻事壽考之母公喜可知也易家人大傳云父子兄弟兄弟夫夫婦婦而家道正正家而天下定此王化之端卿大夫之所以為民表也中丞敦歷中外流澤及於民夫人與有助焉至於九熊畫荻冀

爾子有立人或謂世祿之家宜無有難焉者不知夫人實以其身為荼為蓼而克俾其子以為齊也今南呂之月夫人年且六袞矣諸公子奉觴以拜家慶舞斑綵於象服之前可不謂榮焉而夫人之心深念良苦若為荼為蓼也者誰其知之昔歐陽文忠之母魏國夫人述崇公之訓以教文忠曰養不必豐要於孝利雖不得溥於物要其心之厚於仁吾不能教汝此汝父之志也今中丞之德尚存人心諸公子紹述仔肩仁孝於是乎在夫人述先德以貽子孫必樂其以志養而不徒以祿養也庶

治古堂文集卷三 序下

五

曰其繼序以鳩吾宗乎若有闕遺焉非先志矣然則福履而燕喜皆無足為夫人異惟保世克家貴而能勞若敬姜之教公父文伯者其事可則而其德為可久也予既嘉中丞父子之德又嘉客之言與世俗不類遂書以為壽云

筆力陡健轉折處由淺入深步步引人入勝

識

雅健沉雄是董江都劉更生一派 崔青峙

呂孺人六表壽序 代京江相公

海內言正學者在隆萬間有沙隨呂新吾先生子少時嘗讀其一二著述因思與其子孫遊以攷中原文獻歲辛丑與先生之曾孫仞千同舉春官始得悉觀其遺書以畢予志其後仞千出宰以治最擢工科給士中予觀其行事一本諸家學跬步不失所建白皆關天下大計每過從給事必布席設醴齊腴其圓方相與論古今治道因葦設施之所宜時召其三子以父執禮謁予旅進而退怡怡如也嘉薦出履門肅若無聲僮僕展其物悉合度子

治古堂文集卷三 序下

五

固知給事之配賢也越今乙酉給事既捐館舍仲子先陟至京師復來省予子威故人誼進而問焉伯若季奚業而食曰守先人敝廬恒為士惟是朝夕菽水奉堂上歡無尸褻勞也問遺書則剞劂者將蠹而齧副墨者先給事之手澤存焉未遑梓而新也母媼無恙耶已六表而杖矣某兄弟無令人不克顯揚以忝所生非大人先生贈言以錫之寵猶覲然人面哉因跪以請且告之期維嘉平月日吉時良將佐之觴夫六地成之數也十則河圖之數之得全者也冠坤之策於壽母為宜且重先陟

之能世其家學也自正學衰而士鮮立誠之志修辭者繁悅為工無不家郝鍾而人侯彭矣夷考其行宜其然乎予固與給事善習知孺人之賢又嘗承乏史館使言焉而無徵後有攷中原之文獻者其孰從而信之善乎任氏之教皇甫士安曰修身篤學自汝得之尹母之訓彥明曰以善養不以祿養今沙隨呂氏固世其祿矣而先陟兄弟克守其家學目存教而心入道其思所以立身而以善歸親者尤無違於慈母之拳拳所謂富貴吾所自有所不可及者慈孝之風百年未艾耳今

治古堂文集卷三 序下

五

聖天子以孝治天下凡在臣工無不遑將母之諭而友朋故舊悉得以致其情如成周之世歌鹿鳴伐木而繼以陟華甚盛典也此固先陟肄業之所及而予之所以壽孺人者亦庶幾修辭立誠之義云

壽人而本其家學之遠重人亦自重也氣韻幽秀如蘭蕙襲人已擅南豐之勝 劉新菴

吳太孺人壽序

嘗讀詩至既醉之八章曰釐爾女士從以孫子及魯人頌僖公以令妻壽母當純嘏之錫以爲人世吉祥可願之事未有踰於此者及觀吳氏家乘惟冉渠先生可以當之先生性至孝奉母許太孺人色養無違以名進士歷官粵西江左皆以治最聞蓋得之母訓居多而厥配沈孺人又賢且有內助云沈孺人者予同年友中書舍人子淳之母也既受封復以子貴稱太孺人初鼎革之際吳氏遭家不造齟齬者實繁有徒許太孺人蚤寡子未成立

治古堂文集卷三

序下

五

以一身措拄中外厚德隱忍儉以避難孺人實左右之及冉渠先生貴然後克復其宇以有朝夕饗殮用洗腆孝養厥母許太孺人年至九十三其後孺人之教子亦不少寬假子淳以積學力行重於時於今年長至之日孺人已九十有六矣因請子一言爲壽予以通家子審其孝德微吳請且將歌詩以侑觴敢以不文辭昔者周之盛時作豐追孝以身教天下猶曲體其臣下之隱而代之言若鹿鳴之什所云王事靡盬將母來諗且協和於兄弟朋友神聽和平矣而後答以松栢之茂日月之升

恒其笙詩則又繼以南陔白華蓋孝治若斯之隆也今世際太和

天子以孝治天下彝倫攸叙遠軼成周而子淳出入承明與二三僚友靖共正直今茲假歸壽母不愧詩人來諗之義可謂孝矣蓋陶母截髮畱賓而侃顯於晉尹母以善養不以祿養而焯爲大儒今子淳之事厥母無異於父之事厥太母也非世篤孝德有得於慈教之深曷克致此吾於是不多子淳之孝而多孺人之教孝有自來矣夫孝者爲仁之本而壽之丕基也吳氏之家訓久而不衰則吉祥可願之事不知其所紀極意稱觴之日子淳饗蓬豆率妻孥拜於堂下佇聞孺人移孝作忠之訓惜予不及親聆之也

治古堂文集卷三

序下

五

以孝字貫串三世煞有深情壽人之母而推及其太母尤是作者忠厚處劉仲旭

賈恭人八哀壽序

坤之象爲大輿與之任重致遠也以輪厥材維良厥質堅故險不磷而淖不濂輪雖敝材不失職謂之完吾聞諸考工云嘗以此相天下士願得二三弘毅彊立者相與仔肩斯道而不可得也今觀賈恭人家世竊有感焉恭人者錦衣千戶張公之女明威將軍南明之配也崇禎甲申之變錦衣公夫婦以世食明祿義不可逃閨門十一人殉焉時南明公家中衰遊學四方恭人事翁姑備嘗艱阻喜愠不形於色其後家稍起南明公推財諸昆弟惟

冷古堂文集卷三

下

均恭人實成之恭人之父母既闔室殉國難無嗣有弟元功者少出亡或曰尚存也恭人多方求之閱十有五年始得爲之分宅娶妻既有子矣世以此多恭人之孝友比之李文姬云丁亥三月下旬恭人年八哀矣嗣君比部即乞言以爲壽予既聞恭人之完行又惜其父母之忠烈而名字不傳也有不能已於言者或謂恭人以一身歷家國盛衰銅駝荆棘之感皆足以盡心而損神是不然夫松栢以經冬彌茂木葉在湍激中久而爲石世傳麻姑三見滄海爲田語若不經以恭人況之彼神仙

中人閱世固應爾也恭人家慶克問諸男以簪紱拜堂下吉祥可願之事於是乎無遺回思六十年前事有弘毅彊立之士所不能任者恭人以一身肩之非質堅材良何能歷夷險如一也坤之取象於大輿厥有旨哉

樹議高用筆老序次簡淨波瀾橫生自出機杼未嘗依傍古人者

王或菴

冷古堂文集卷三

下

高恭人八表壽序代京江相公

先正高文襄公仕明世宗穆宗朝稱賢相厥配張夫人實左右之及公去國江陵秉政夫人決危疑大計立剖如神公因服其智公無子夫人爲立嗣世祚賴以延至今新鄭人猶稱述不倦云中書舍人劉仲旭之母高恭人文襄之曾女孫也早歲適舍人父太守公孝於其姑克執婦道爲人賢且才相夫子歷典數郡皆有遠識以昭其治聲生六丈夫子舍人其仲也孫曾元若而人今嘉平之吉年八表矣舍人請曰某兄弟不類無以承堂上歡惟

治古堂文集卷三序下

李

是大人先生錫之鴻文榮於華袞是亦母氏之志也敢固以請予觀古今列女以一身歷婦職母儀者衆矣惟德惟才兼之良難夫蟠木離奇而爲萬乘器惟其材也然貞脆異質歲寒而莠者沾其與能幾何注水以爲沼則蘓荷以方潔爲柱焉則不勝其材弱也試與登景山陟徂徠新甫之巔厥骨巖石厥產松栢嶽岑嵌之霜雪是踐歷千有餘年而始成屹屹乎丸丸乎匠人顧之用在寢廟爲棟爲梁加之以礪礪文之以丹雘爰陳雞彝龍勺犧尊朱檠黃目於其中如跂如矢鳥鼠攸去風雨飄

搖而不圯又不知幾何年也茲其德其才匪惟五

石之孤難於絜長即楚南之冥靈五百歲爲春秋將奚施而可哉初恭人之歸守公也值明之末葉文襄家中落此霜霰始零百榮告瘁時也恭人惟布操作有桓少君之風嗣守公官尚書即加大郡星軺戒塗恭人決事閨中視同儕臧否每出於守公意計所不及雖辛憲英之料鄧鍾不是過也既而守公捐館恭人復以子貴可以即安矣然猶躬績職勞如敬姜之教文伯焉則是恭人之爲恭爲孝也者終其身而用齊厥子也禮曰松栢有心厥

治古堂文集卷三序下

李

德似之於以鳩厥家而詒孫謀其才恢恢乎有餘地矣此其享大年於無涯也蓋人定勝天者與舍人在省中克勤其官朝夕僕賃之資未嘗稱貸於外取給而已此恭人教之也語曰非此母不生此子信夫子既景文襄之烈又樂聞其後世之賢而壹教可風且冀舍人之益茂乃績以顯其親也於是乎言

壽序每苦無奇中一段似莊似騷則奇之又奇

矣 郭青州

神似昌黎歐蘇而下無此筆勢 劉則盛

雷文寶鼎綠沈紅暈壽世之文也

奇崛峭健孫可之之文也

李季平

李太孺人八袞壽序

通許李侯治許之三年丁酉夏其母王太孺人年八十矣邑人士介書於予徵言以爲壽子聞侯治許有廉辨聲邑人士戴之如衆母宜其敬所自出而頌禱無涯也嘗觀詩之頌魯僖也必推本壽母以崇其所從來且曰宜大夫庶士思深哉其言乎夫德輿也福其所載也輿不廣則所載者寡德不厚則所受可量又其甚者寤陰雨翰爾載矣宜乎否乎且夫親之愛其子也幼則教而習諸學長則望其材諸位及一行作吏或有不逞將母之諗善

養與祿養蓋兼矣韓昌黎謂歐陽詹舍其父母朝夕之養至於京師將有所得以爲父母榮厥父母之心亦然詹雖日離其側其志樂也至王荊公則謂祿與位庸夫鄙人之所待以爲榮者也賢者通弼於中而裸之以藝即無祿與位以爲父母壽父母之心亦喜無量斯二者皆宜也顧古今人或不相及則其所願者同不同未可知也太孺人爲文肅公元孫女今大學士顯菴公之姪明詩習禮不以貴盛驕人遠事祖姑孝謹無違而侯克承慈教有令問於厥邑又祿及其親迎養於所治惟其

德之宜於紳士宜於庶民是以邑人士愛而視之
天於是乎佑助之以兼遂其善養祿養之誠揆諸
親之愛其子與子之事其親之心兩無憾矣抑聞
之君子愛其人必及其人之親許人士德侯而祝
太孺人錫類之仁也君子以爲善頌禱侯不已是
祝而祝其母亦善則歸親恒言不稱老之意也君
子以爲知禮是交相宜者也子辱交於侯雖言之
無文亦宜有榮焉若夫世之爲壽者吾知之矣樂
謹於堂民咨於野雖飲酒若巨壑搞辭如春華錦
繡雕鏤以爲飾而受者未必宜也豈惟非太孺人

治古堂文集卷三 序下

六

之意抑亦我侯之所懼而邑人士所益稱也

章法細密氣度雍容讀之覺淳厚和平之意盈
溢紙上非涵養純粹者不能 李季平

風雪說

雨非風不集而風時能散雨功過猶相半雪之始
凝也風息雲同陰暄慘淡川原既皓騰疇乃盈一
遇疾風則剝畎畝以資谿壑雪之無取於風明其
今夫爲天子養民者吏也吏之上復有大吏又有
察大吏者其澤未及雪也而其疾不啻風其或剝
畎畝以資谿壑豈其罪哉勢使然也若乃雪以覆
之日以暄之覆漬而入暄明而和已而日脚下雪
膚堅雖有疾風無能爲已若是者天子與日同明
與天同功豈非唐虞之考績而三代之休風與或

治古堂文集卷三 說

七

曰吏不亟察則大不法小不廉嗚呼是將十羊九
牧羊瘠而牧者不知爲誰也悲夫

借客形主慨當以慷慨應在昌黎雜說之上 張郁

讀東坡詩集

曩閱袁中即集大半如釋子偈語所由與北地濟南者異矣顧其源出於子瞻子瞻醉佛老之糟粕而攻之尤專其言有一生死齊萬物之意蓋操觚率爾無意於詩者也然而風氣止此矣夫以子瞻之才而其所詣猶不能不限於風氣後之學者憚北地濟南之嚴而漫然思效之吾又安知其所底也哉

語有關係筆亦閒逸 受業張漢識

讀劍南詩集

李杜並稱矣太白指出風騷子美大雅材也安得無優劣放翁大本在耻和議而不忘中原與工部之忠愛同其語之酷肖者尤多積實而生華理固然也論詩者其審厥原本哉蘓陸亦并稱蘓不如陸蘓率易而陸艱苦若李杜然抑嘗攷之放翁與紫陽同時贈詩具載集中其學固有自矣子瞻與伊川亦同時而或不免門戶之見度量相越至遠也豈惟其詩也哉

持論甚正品評亦確 張郁麓

知放翁之心 沈確士

書黃山谷詩後

山谷詩其源亦出於杜但買櫝還珠耳梁昭明云卒無諷諫何足搖其筆端子美唐人之冠忠愛不忘君者也然其感時書事或少諷而多直况茹朽腐而吐神奇如宋人之學之者乎蘓黃並傳矣蘓風刺太露然比興之旨猶有存者黃則六義索矣其細已甚雖然有所以傳山谷者不必其詩也西風壯士淚多爲程顥滴其崇正如此視眉山之於伊川何如也

先抑後揚最有章法

張柳菴

治古堂文集卷三 題跋

六

田曉山詩跋

田曉山端公予畏友也向誦其制義有先正風規初不謂曉山能詩也值乙酉譙集怡園曉山爲二律冠絕同人得高岑遺法其他篇什亦稱是子爲之氣索顧曉山不欲以詩見知於世予強之始肯出數首付剞劂嘻世之擅名壇坫而不克自信者豈少哉若曉山者不必以詩傳而詩已詣極若此予故強而梓之使世之擅名壇坫者知所法而曉山之可法者究不僅以詩也夫

澹折多姿如洞庭水波而木葉下

王或菴

治古堂文集卷三 題跋

充

讀顏贈君傳

顏贈君君紹生平多大節值前明末葉父陷於賊君紹毅然請以身代賊義而釋之稱為孝子詎非至性異人哉迨世際清寧折節下士延納常若不及士之窮窘者亦委命恐後聲聞遠宋間不虛也晚節義方教子以萬石醇謹為則曰勿效乃公為也思深哉所由與伏波之誠異世同揆矣

全妙在教子數語便覺波瀾無限此作短篇之法也

王或菴
極似史遷高刺裏

冷古堂文集卷三

七

讀趙應山先生傳

予讀趙應山先生傳知天人相感之際固不誣也先生初為涪州學正州人苦水鹹汲城外道遠不易致一夕泮池中甘泉湧出味如醴州人往汲者咸嘆以為神及先生知應山威愛兼克如子產之稱惠人其將卒也應學之華表忽折其占為大人死先生以鄉舉資為下邑令疑非世之所謂大人者而筮者云云云大人者固以德不以位與昔漢鮑陋為敵所圍無水陋禱之神祇泉忽湧地中漈可用汲舉之以灑敵敵大驚退去唐回紇寇長安郭

冷古堂文集卷三

七

子儀與盟於便橋回紇喜曰吾此來也占曰遇大人而返若子儀者固有位之大人矣而回紇所心服者以其德也又何疑於先生先生大興人諱吉徵字君孚鶴山其號也以知應山故傳稱趙應山云

只舉二事該其生平言簡意遠有悠然不盡之妙

李季平

告城隍文

天生民而立君君爲民而置吏民生有休戚吏治有得失其間禦災捍患以彰善癉惡則惟神是賴神者天之吏而吏之天也天之愛民甚矣必不使吏安然肆志於民上以從其欲必且使神喻吏之衷以適於導民之路其或水旱災侵饑饉流離非神無靈實吏之不德以上干天和也未有吏治得而神樂與民爲難者也今自府若州縣悉命曰知使民之休戚若罔聞知是謂不職況神之聰明正直其知吏也更捷於吏之知民使吏矯誣其詞言卓魯而心盜跖神其信之乎職西洛鄙人少不學懵於吏事今筮仕茲土聞比歲不登惻然者久之

治古堂文集卷三

七

天子聖仁蠲租以寬民力歲且有秋是上天仁愛吾

君而神之不忍起遣斯民也爲吏者敢不肅將明威祇順德意今與神約不敢赫赫以爲名察察以爲智不敢朘民膏以謀榮階務平其心勤其職以教以養以勸以懲寓撫字於催科濟水濡以火烈如是者神宜見休俾雨暘時若年穀順成不則是

曠職以負

君也是矯誣以謾神而欺天也夫爲吏而負君謾神以欺天宜有大罰然後即神叢咎於我躬其何悔

兩京風骨 惠西坪

治古堂文集卷三

七

禱雨文

惟神代天司幽能禦災捍患故克享常祀縣令之民實神之民也今天久不雨旱禾恐不登民無食則匱神祀度神聰明正直不宜爲此否則某行負神明賈民怨以干天和則宜叢咎於某微民有咎若曰下民之孽不可移之令此又不然譬之子弟不率厥罰在父母未聞以父母之罪罪其孥也此數者某愚實不知神必知之幸蚤彰顯通請於上帝俾滂沱以蘓吾民某泥首待罪無所辭惟神裁之

治古堂文集卷三

文

父母之心仁人之言精誠切至詞簡意長風神骨力腐史之遺張郁養

二次禱雨文 辛巳五月

某聞天人一理也陰陽一氣也天以生爲心而人或自作之孽人仰天以生而天寧不聽其呼籲耶履於十一日具牒城隍祈請甘澤以蘓民困言寧民之苦請某之罪悉矣復於次日令士民郭衛等挹水於仙明山洞龍馭甫駐遂有密雲四布雨將霑旋止是神赫厥靈而罪某精禱之未至也夫平日無德於民以上干天怒旱既太甚又不能精禱以冀神聽於萬一罪皆宜罰祈神降災某躬無苦我民履實不惜已命以救民也且神乘氣往來倏忽可達九天霈澤於萬里何惜一請於帝轉禍爲祥豈亦如人世有司不敢輒報災稔懼干上官之怒而不安其位耶今

治古堂文集卷三

文

天子垂意山右清問疾苦而一時上官皆勤咨雨賜固未嘗有此履佐在下風且不惜已命以救民命神聰明正直而壹其體上帝好生之意以生我民更宜何如哉倘終不見聽履願與枯苗俱槁誓不忍獨生聲隨淚出言無倫脊惟神憐而聽之

三次禱雨文

職某日者雨具驟爲民禱雨微示響應終乏渥霖
某罪洵難逭哉虎死不擇音民將死矣官何能生
是以語多激烈唐突尊神神諒其心或不加罪即
加罪於某而降澤於民是神之靈也亦某之願也
其又奚辭復請者是月十七日里俗相傳爲神誕
期例有牲牲音樂某聞國有凶荒神祀殺禮今以
神之靈即不至成荒而父老子弟哀號於廟伶優
鼓歌於塲度亦神之所不樂聞也爲此冒請緩期
以雨足之日復如禮致享某又聞之周禮八蜡水
壩其一壩城也水隍也是神之靈屬地祇也今謬
以人神享之而知其誕期典祀爽矣且夫里俗相
沿時地各不同也神應不汲汲於是日今與神約
盡三日所得澍雨以蘓秋禾不然某願與民俱斃
而神亦將墮厥祀矣

治古堂文集卷三

文

神文

嗟寧之民皆饑饉兵戈之餘也向者霜旱叠災又
罹交山寇亂流亡顛危予遺僅存某受
天子命撫此民保之若赤子近者詢其疾苦聞有
狼噬之厄嗟我殘黎豈上帝不以好生爲心哉抑
神之無靈不能制獸也神受命於天如吏受命於
君今使殿最之際吏曰吾不能制若民君且許之
乎神之於天理亦宜然古有虎渡河者又有噬人
而自服罪者善政所感也某無善政不敢望古人
然體

治古堂文集卷三

文

天子視民如傷之意以令此境勢不得不與神爭
此民神而有靈必能爲令陰譴此獸以抵吾民命
勿使令選技能操毒矢盡殺之以殺神威抑神愛
厥獸如吾愛吾民緊豈無熊豕鹿獐克其養發俾
人物各安其所則神祀亦不墜不亦休乎我聞曰
古者迎貓迎虎以食田鼠及豕是猛獸之繁生凡
以利民未聞其相害也神獨不聞與夫率獸食人
宜神之所不忍而以神攝獸又靈威之不假諸人
者神應畏天而憫人矣

實有一段爲民真心所以說來愷切其詞嚴而

義正 張初菴

治古堂文集卷三

文

祭張荔初文

丁卯夾鐘月姻弟某聞我荔初親翁張君之喪至
自鍾離葬有日矣乃乘欸段走百里具不腆之奠
而哭之曰嗚呼何天不弔降此鞠凶使尊大人六
十之翁腸寸寸斷耶使我弱女幼而失母長復不
獲逮事舅姑耶天乎天乎謂積德者昌後君之世
德厚矣不宜有此且夫古之仁聖賢人修身信道
俯仰無所慚宜無不得於天而天偏靳而不予才
士讀書嗜古澹泊於世味初無所責望於天而天
亦從而摧折之或拂其志或艱其遇甚者則奪其

治古堂文集卷三

文

年蓋古今才人之得其所者亦寡矣至若鄉曲鄙
人蹈常習故造物不之忌往往享大至復富厚似
乎天之好生獨生衆人不欲生才人者天道固如
斯與君負性純明克孝且友處累葉貴盛之餘而
澹泊明志琴書詩酒之外無他嗜好與人交洞然
見肺腑此所謂有道仁人且才士也豈若彼衆庶
馮生無關重輕者乎且君幼而失恃哀毀骨立中
歲兩歌鼓益天之摧挫君也亦甚矣豈必天其歲
年如此而後快哉然則原積行之厚君不應死體
堂上之心君不忍死負不羈之才將爲世用君未

可以死摧於前宜伸於後君可以不死何彼蒼偏異於人人惜之天抑之天權之人疑之或者文章先賦之逼神惡也於是乎促其生而惟恐不克又若愛其才使修文於天上者天之意殆不可知獨不念其老親弱息痛絕於人間世也天亦忍矣哉嗚呼某與君三世交誼又重之以婚姻重君之德之才欲百其身以贖之而不可得哀可知矣雖然天能奪君之年不能薄君之行能蓄君之遇不能沒君之名君之不得於天者在一時而必得於天者在千古與百世冰霜而後有陽春燒薤之餘生

治古堂文集卷三

文

嘉穀意者天將大有造於令嗣而先爲是酷烈者與不然何奪吾荔初之速也此亦無可奈何而安之之說用釋尊大人西河之痛即君亦可以瞑然順受矣尚饗

極痛深悲無可置解姑作疑難搔首問天耳其文法委折絕類史公伯夷傳

李禮山

祭李婁公先生文

代

嗚呼先生既厭世矣斯世其誰宗耶吾黨其何從耶夙聞之先生曰天地之氣有清有淳稟其清者爲仁聖賢人得其淳者亦能鍾富厚福澤於其身抑二者之難兼惟自娛於斯文輕軒裳如脫屣等富貴於浮雲聖賢豈好爲迂濶哉道固有至腴者存也先生生而穎異博聞強記蚤歲下帷凝神壹志既登賢書挺邁儔類以董賈之雄才尚爾艱於一第於是點浮藻明精義究天人窮絕際探月窟之茫茫躡天根而洩洩驪龍之淵非深元豹之穴可至緊珠玉之既得斯筌蹄之可棄謂道存乎六經理一貫乎萬彙乃作彙解釋四子書祖述孔孟羽翼程朱大綱畢舉細目無疎既窮原以竟委要同歸於殊途將垂教乎來哲豈但發蒙於吾徒哉既而筮仕間關西蜀王尊叱馭文翁化俗琴鶴自隨佳興幽獨遂遷洱海王程孔艱五馬就道豈敢盤桓昆明碧水越嵩青山日晤對夫一卷用紬繹乎聖言范丹雖官而塵甑劉寵爲守以一錢味道之精薄世之緣君子之窮固宜然矣及其解組以歸樂我田園履道坦坦敦仁安土詩禮趨庭元季

治古堂文集卷三

文

當戶是父是子既罕觀於今難弟難兄符所聞於古生徒因之而日進教學羣沾其化兩伊洛之淵源河汾之朋侶不於是乎再觀與夫何蒼幹遽凋朱華云萎微言既遠吾道何依嗚呼悲哉先生年近伏生不可謂不壽爵至大夫不可謂不貴一門萬石不可謂不榮有子有孫不可謂無繼終沒之夕遺命孔治訃告遷寢口授子弟安坐言別談笑而逝非謹禮如曾子學易如邵氏能至是乎某等夙受生成恩並嚴慈既不能効築塲之義亦不忍爲招魂之辭惟是心喪銜哀治任咸集匍匐几筵哭奠踴躍守遺訓以始終策驚鈍以矢力挹江漢之澄波瞻秋旻之永日而已

相如昌黎之文 劉仲旭

治古堂文集卷三

三

祭王刺史瑤圖文

嗚呼哀哉某與公誼兼師友情若弟昆而分則寮屬也即歲時契濶猶不能不思況死生永訣之際乎先侍御與先師萊菴夫子爲同年友某戊午卿舉又出夫子門下公爲夫子冢子克世家學讀書自命稱三秦豪傑士然爾時尚未獲一晤對也歲壬申公由鎮原學博以循卓異等來令尉氏始晤公於廨署恨相見之晚公於學無所不窺而尤邃於詩與李天生先生名相後先某庸流也間亦從事吟咏雖有二三卷帙只自怡悅不敢告人公特

治古堂文集卷三

三

見許可擊案字余曰元素元素中州有若人哉惜不見吾天生鞭弭從事亦一勍敵也杯酒唱酬更談先世忠孝事因相期曰我輩當以古人自待毋效時賢其望某之厚如此甲戌某計偕北上公爲我治裝贈騎是年舉禮闈需次歸里復晤公於淩儀相得益歡後二年某之楚游公復以循卓知滁州雖間阻有時書疏猶數相聞也已卯余蒞仕離石公亦奉

簡命調石州相距五十里得以朝夕過從與聞政事不異尉氏淩儀時也嗚呼痛哉

朝廷方將大用公以爲柱石生民望其霖施即某與二三僚友方待其裁成以効一日之長而公遽捐賓客而不顧也嗚呼痛哉公秉質素厚修然八尺軀強健無疾以勞心勤政時作內熱多飲水遂患腫症終沒之夕猶慙慙念民艱不置無一言及於私非聞道不惑孰能若此嗚呼公可謂烈丈夫矣某學疎不嫻吏事嘗以憂多食少於去冬病幾危公慰藉特至慨然以其身後事自任某賴以少起今年公始病某數往問視公謂某曰計典之年更宜加慎勿憂貧貧可賀也足欲則可弔矣某亦

治古堂文集卷三

公

時時憂公病數進規言公悉納之公卒之前二日尚思與子語而予以公事他出不獲一訣恨也何如嗚呼痛哉公學成矣而艱於一第遇矣而不克竟其緒著述矣而書多未行世澤被州邑矣而不獲大彰施於天下此天地之有憾而世不能不爲公惜也若乃學古入官聽斷如神使世人驚嘆爲才子稱循良吏誦義者悲其難再聞風則觀感無窮視彼保期頤臻黃耆生無益於時死無聞於後者其修短爲何如也嗚呼白令以往子何得復聞嘉言以礪在官之節砥立身之志惟竭駑鈍勉力

前途無負公相期之意與公之子若弟相與有成久要不忘而已尚何言哉尚何言哉尚饗

治古堂文集卷三

金

祭蔣尉文

嗚呼君與子同銓京師見子於邸舍執禮惟謹至治三年克供厥職清慎如一日子甚賴之府憲亦稱君廉幹方將資君以佐予不逮孰謂君遽厭人間世耶君上有垂白之親下無襁褓之子一旦至此君其能目瞑乎旅櫬萬里卒難歸葬君之姪將暫殯之卧龍山中嗚呼晚松孤照夜壑悲風行道爲之傷心况子與君誼同左右手哉雖然生寄也死歸也君以死勤事得死所矣夫何憾過此以往君之姪謀所以歸君之婦謀所以養皆予之責也

治古堂文集卷三

六

予在治一日當爲君護其邱墓俾胥役剪荆棘毆狐兔勿慮寒食烟火魂號饑餒也君亦可以宴然長寢矣乎

既悲痛夫死者又經紀其後事幅短情長藹然仁者之言
張郁麓

公祭隴西宋夫子文
夫子諱朝南字子蕃成辰詞林官至左通政

嗚呼夫子棄我二三子矣二三子爲道悲則哭爲世悲則哭爲已悲則又哭而夫子不怛化也與道終始而所設施亦畧見於世也復何悲哉二三子嘗聞於夫子曰二氏以生死爲大事故違天以求長生儒者則事天立命而乘化以歸盡耳夫子爲隴西名族世有令德蚤歲成進士官庶常其制義根柢經術不涉時蹊以故見知於吉水崑山黃安諸先生目以國士其制行立教以忠孝廉節爲先清不忤物而和不失已道之大中至正者在茲

治古堂文集卷三

七

乎而今已矣不得炙其光輝聞其緒論矣是以悲也初夫子爲侍御巡視中城值除夕民有亡其贏者迫不及理乃間行至正陽門與父老及諸邇者相慰藉且曰新歲時和宜爲樂也忽訊及亡贏事羣以不知對一邇者色變曰年除矣不可詰也夫子勃然曰汝必知之惟汝乎是取詰且不得罪無敵詰且果得之其發好摘伏多此類然往往依於忠厚不極其情人是以畏而愛之由是聲譽日起遂由京畿道內陞同卿晉令職嗚呼使竟其所設施寧第如斯已乎惜哉夫子才濟於時而用不究

其本末斯世之不幸實吾儕之大不幸也能不悲哉能不悲哉夫子遭親喪哀毀而致敬附棺附身不令有悔友于兄弟睦族人教子弟嚴而有法夫子素無疾偶以榮衛失和漸至減食猶然衣冠危坐終日易簣之夕遺命以儉約速歸為幸且笑曰吾年踰五十不為天官至四品不為賤不饑不寒不為貧時其等侍疾命之歸曰汝等愛身自重吾不起矣何苦汝為言訖遂屬纊焉嗚呼夫子之視二三子猶之子也二三子何心敢不視師猶父乎此某等所以涕泗交集而為已悲也嗚呼已矣道

冷古堂文集卷三

一八

不可得而聞矣世不得被其澤矣官守匏繫不得扶輿以歸效築場之義矣自今以往惟有視師之子猶吾兄弟視師之兄弟猶吾諸父而已惟有自淑其身正其學術勤其官守以無負夙昔所聞而已嗚呼百年永訣四千里遠道秦山隴水肝腸斷絕言不能盡意惟有痛哭而已

同鄉公祭賈太史文

太史諱姓號亮陽河南某縣人

嗚呼始必有終者天之道也生必有死者人之命也自古聖賢誰能免此而先生獨未可以死也先生少負不羈之才讀書目數行下立就千言辭理深湛率常屈其儔事母太孺人色養無違與諸弟友愛篤至以故鄉里重其文而式其行戊子舉河南第一人闈書出人無不心折者癸巳成進士乙未授翰林院檢討先生之制行也外和而內嚴味道甘貧不輕假貸親舊知之或稍通金粟必力償而後已嗚呼悲哉昔人所謂顧即難衣食者其若

冷古堂文集卷三

一八

人耶嗚呼士行之不飭久矣方其衣青衿列庠序即干邑大夫奔走喘汗求由徑入室而不得至若先生之操行或笑以為迂而先生必硜硜然者蓋奉先君子之教而善養太孺人之志也向使先生少諧於世俗亦且不貧貧而無疾病得永其年以致通顯其定力卓然所設施必有可觀奈何稟命不融遽以一官終耶卒之日身無以為殮口無以為舍使太孺人聞之腸寸寸斷此先生之遺恨而目不能瞑者誠未可以死也而竟死矣負天下之異才而不獲竟其緒矣效古人之純學而不獲廣

其傳矣得氣之至清而乏其厚享世之大名而靳其實天實爲之謂之何哉先生有子聰穎有父風必能讀父書巍然見頭角而先生諸弟皆力行能文必其視兄子猶之子者以撫以育以教以成庶幾慰太孺人之心而安先生之靈於下泉乎某等誼切桑梓重先生之文行而悲先生之蚤世欲百其身以贖之司命而不能也故於其奠也辭不以文而以質聲不能平而能哀物不克映而情無飾焉先生有知或亦諒其誠而來格也耶

不事粧飾字字真樸動人當與韓公歐陽生哀

治古堂文集卷三

一

辭並傳末路規勉乃弟尤見忠厚之旨

受業馮觀識

張南梁先生崇祀鄉賢文

年月日內閣中書舍人張南梁先生既崇祀鄉賢其同里某某卜於是日奉主入祠而祀之曰先生既沒其道斯存惟其肩夫重遠而故佑我人羣養厥父母克敦大倫友于兄弟不私一身德可善俗易薄而爲淳言可明道祛僞以存真此其生順沒寧盡已及人之大概也若夫卓爾立身浩然養氣却桓少君之厚粧表梁伯鸞之高致忠厚存心澹泊明志掛患解紛懷仁抱義寬梁上之君子釋訟庭之乖戾里人畏彥方之直著於居鄉百姓聽

治古堂文集卷三

一

仇香之勸不必出仕其風規可得而言矣至其潛神默識體道窮年學顏志尹宗聖希賢卜築青山麓下讀書白雲洞中尊所聞而行所知極高明而道中庸遐方仰止負笈相從教誨不倦高朗有融熙熙然河汾之俗綽綽乎安定之風既追橫渠之芳躅亦步孟陽之高踪一撫鬚而韻就八叉手而辭工儼周爨與商鼎不必皺綠而皺紅明如月彩響若霜鐘咸曰四唐兩漢允哉古法今同此又游藝之餘緒何嘗刻意而專攻耶嗚呼先生逝矣吾誰與歸概觀生人之終始惟此身事之奔馳鑄銅

山於孫子貽金穴於來茲華屋既去邱山是依歌
梁塵滅舞榭烟飛民無可稱士不見思彼方謂千
秋之名業不如一日之怡嬉然其賢不肖可知也
即或窮經皓首混迹黌宮偶榮一第足報三冬亦
載沉而載浮誰立德而立功者哉先生少而性成
長而倫明如黔婁之事父嬖君實之愛兄善始令
終子貴孫榮人欽德里天錫佳城古稱卿先生沒
而可祀於社者惟先生當之而俎豆惟馨牲醴載
陳鐘鼓和平喬升於鼎神降於庭於惟永式我
後生

氣昌詞贈出之自然 王或菴

治古堂文集卷三

九

治古堂文集題目

卷之四

誌銘

裴蘆院先生誌銘

張霍南墓誌銘

毛鶴舫先生誌銘

參政王公暨兩恭人合葬誌銘

藍孺張公暨呂宜人合葬誌銘

鍾子文先生暨兩恭人合葬誌銘

從舅黃巖王公暨兩孺人合葬誌銘

治古堂文集卷四

一

從舅蔡江王公暨沈孺人合葬誌銘

上林令栗公暨傅孺人合葬誌銘

王虞來暨喬孺人合葬誌銘

王顯承先生暨孫恭人合葬誌銘

房師岳扶九先生暨三孺人合葬誌銘

董樸菴暨亡妹呂孺人合葬誌銘

從叔父文學公暨孟太君合葬誌銘

李霖公暨趙孺人合葬誌銘

李夫人誌銘

李孺人誌銘

石太君誌銘

韓宜人誌銘

喬恭人誌銘

李太宜人誌銘

汪孺人祔葬誌銘

誄辭

屈仁山先生誄

劉山蔚先生誄辭

王虞來誄辭

王槩齋先生誄

治古堂文集卷四 題目

家星石先生誄辭

程夫人誄辭

王太母誄辭

劉太史室黃孺人誄

李恭人誄辭

裴蘆院先生誌銘

治古堂文集卷四 裴蘆院先生誌銘

吾邑自孟雲浦先明德後蓋多君子而裴蘆院先生其一也。先生名華池，字山，以文無害下者得二人焉。曰邱方山，裴華池，於山以文無害爲掾吏，清節聞於後世。而華池亦終於文學，其爲人多忠孝大節，嘗率衆保聚拒賊，仁而有勇者也。又得哲嗣蘆院先生，顯揚其遺緒，學者得以稱述之不佞予少時嘗誌華池之墓於今二十有五年而蘆院卒於里門，易簀時謂其子虹曰：吾生平學不求名汝曹若不沒吾行事則莫若同邑呂子之知我深也。其訃而屬銘焉。嗚呼！先生往矣，其嘉言

治古堂文集卷四 裴蘆院先生誌銘

三

嫩行蓋不勝書書其大者以嘉惠來學俟諸史氏是後死者之責也。敢不承命先生諱袞字九章居蘆院里因以爲號。系出唐晉國公度後明初諱成者爲先生始祖。自聞喜遷河南之新安世有淳德六傳至高祖洲以德行賜儒官會祖光前諸生祖椿以孝友稱父翰芳字華池以諸生贈奉直大夫兵部員外郎祀於鄉。娶高氏生裴繼黃氏生裴先生自爲兒時動中儀則事父母定省不踰時出入跬步必告侍大母疾無間晝夜及長與弟褒友愛彌篤先生既遊庠序隨父館澠池得悉讀曹月川

集乃嘆曰一代真儒也弗是之學亦虛生耳明末避難山中躬汲爰以奉親愉婉承順猶日三復月川諸書心私淑之

國朝丁酉舉於鄉己亥成進士自是學日進然簡穆寡營人或易之初不謂先生能官也初授粵西貴縣知縣時逆藩倡亂道塞或沮其行先生曰甫爲人臣而即以趨避爲自全計謂所學何卒往抵粵東肇慶從總制議軍儲以圖恢復會粵西盡陷乃之吉安道中數遇賊秘其符以智得脫開府佟公雅重其節概代咨部得改授江南溧陽溧陽稱

治古堂文集卷四詩餘

四

劇邑難治豪黨繁有徒令至即啗以利因拔其短長不則市逋逃奸盜以中之鮮有解免者或爲先生難之先生曰昔人以盤錯別利器事無難顧力行何如耳既至吏果以千金進先生誓而却之將置諸法吏泥首膽落乃已因摘發邑中豪猾及漕弁之數爲奸利者剪其魁百姓安堵歲旱勸富室出粟或躬詣其家爲陳說利害人無不立應者復泣請於兩臺奏免額稅前後三萬餘金設糜全活者以億計其他善政率類此政成被

召命以丁太宜人艱歸讀禮時益潛心孝經日取

先明德所著義疏尋繹之欲集爲成書未就服闕授兵部督捕主事在官逋逃無株連者督儲通州卻餽遺漕運如期庚午貳江南典試得人爲盛晉武選司員外郎尋以足疾假歸在籍十餘年乃終時康熙四十三年九月十七日也距生年天啟壬戌得壽八十有三配韓宜人邑善人韓惟新女子男四虹岨嵯峻女一娶嫁具詳狀中孫七紹祖緝祖緒祖繹祖繩祖纘祖統祖曾孫七人凡三世彬彬文學稱其家兒也先生之學自慎獨而力行仁孝根心順達而不窮既私淑曹正夫月川尋其陸

治古堂文集卷四詩餘

五

緒復矩步於孟雲浦先明德之芳躅以儉君德以禮善俗喪致哀祭致誠履信撝謙恂恂若不能言然賦性剛介有一介不取之操以故有志必爲爲必成雖位不酬德其設施亦畧見於世矣其在兵曹也有故人以五百金越例求官先生曰子不忍自汙而忍汙故人乎求者慚而退同邑陳心齋先生以書勸講學先生辭曰某自度生平爲所不爲欲所不欲者多矣復何敢然嗚呼自聖言微而講義繁好名者咸奔走如鶩甚者恃其資力自托於坐忘頓悟騰口說而遠事情宜乎儒效日疎而謠

詠者衆也若先生所謂不言而躬行者乎韓孝廉君翼次其年譜謂先生爲真學術信夫子侍教先生久亦竊有志於學矣而志不強立遂獲落無成先生之屬予銘也繁豈重吾言俾知所謂學者在此不在彼耳卜於明年月日葬先生於方山祖阡而以韓宜人附

銘曰先生之德柔惠且直教起於家政施於國人櫛其華我落其實羣飲爾和罔不克溢惟恭則壽乃寧爾室山蘊百靈水鍾百脈以利其孫了世象厥德後有願學者視此銘石

治古室文集卷四 誌銘

六

起伏照應提頓之法無不浸淫於古而神遠情

絲是合昌黎廬陵爲一家者 劉新菴

此之謂善言德行 吳子淳

法律最精密氣味極疎宕 李季平

張霍南墓誌銘

康熙甲戌予與霍南張君同舉於禮部閱十年甲申予自山右

召入西臺霍南官中書舍人爾時諸同年聚京邸者幾三十人而胡春坊孟行顧編修書宣汪編修安公皆無恙每燕集則三人者爲之倡觴歌交錯或徙倚竹石間仰月披風霍南獨與予語不倦今年丙戌霍南病予不獲數往視俄而訃至行且歸葬矣其子再啟以狀來謁銘予與霍南誼至厚又有感於今昔盛衰之際其何能辭霍南諱續字禹

治古室文集卷四 誌銘

七

服世爲山西臨汾人籍襄陽曾祖春雷以隱德賜壽官祖崇祚贈儒林郎考淑寅明經贈徵仕郎前妣劉孺人妣翟孺人生二子霍南其長也霍南生而英異初屬文輒出驚人語父奇之使從學錫山瞿先生研精古義辛酉遂以經冠其儕甲戌成進士官中書舍人遷禮部祠祭司主事

勅授徵仕郎能勤其官性孝友事叔父母如所生人以爲難及病危其子至自里猶伏枕顧問叔父母不置又手掬向所落齒悉含之而逝嗚呼霍南其全歸矣霍南平昔爲人孤介少可多否向使其

職在司諫必能侃侃建白天下事於民生有所裨補不但祇承大祭蠲潔於壇墠醴齊之間而已也然孝友因心施於有政能事亦畧見矣雖使霍南得行其志為諫官宰相於一時或以直賈禍亦無恨顧於霍南何加損耶霍南既寡合獨與子善或以子非無益於霍南者憶燕集偶語猶昨日也而孟行安公相繼而隕書宣卒於使楚今又喪吾霍南予行且衰矣追維曩昔教戒霍南不負子子負霍南耳昔歐陽永叔誌張子野之墓述西京人物遊處之盛而致慨於賢豪之不常聚且不獲久存

治古堂文集卷四 誌銘

八

於斯世也嗚呼豈不悲哉霍南於丙戌十二月一日卒距生年順治丁酉得壽僅五十配章孺人子男二再啟廩生再薦生員過繼稱降服子女一幼孫三將卜葬於襄陽之祖阡

銘曰魂歸來今天之涯同人於野兮咸咨嗟爰入幽宮兮此為家山有脈兮水有涯累累如葛兮繇繇如瓜萬億斯年兮德音不瑕

情經文緯雲烟聯絲 方文朝

毛鶴舫先生誌銘

文學之與政事殊科久矣然吾考古之稱循良者非經術之士莫與焉毛鶴舫先生子父執也文名在天下而張石虹先生序其集獨表其政事謂蕭子顯撰成齊書世不傳其史才獨尚其筆札今先生以官不達世祇知其文學而政事闕焉此古今恨事也非表微而闡幽其孰能與於此先生卒於康熙四十七年戊子越今十年始克葬長君士儀以誌銘屬予子乃據狀徵實使後之傳循良者有所折衷云先生諱際可字會侯號鶴舫浙江遂安

治古堂文集卷四 誌銘

九

人明初希成公以下六世同居旌義門曾祖一瓚萬曆壬辰進士官吏部文選司郎中祖國章有孝行父之履性倜儻不羣以文奇困於有司封文林郎先生生有夙慧九歲能屬文丁酉舉於鄉戊戌成進士初授彰德府推官後改知城固縣又知祥符縣所至皆有異政其為理官也有盜犯房有才等十三人獄既成矣先生察其冤力請平反巡撫難之先生謂以一官易十三人命即干吏議不辭巡撫心折因具疏釋之又連奇才者殿斃曲姓獄者曲庇之先生庭訊時風雨大作因祝曰脫有冤

當折吾庭樹語未竟槐應聲而仆奇才遂伏辜其誠感如此癸卯克同考官所得皆知名士其在城固清欺隱絕箕歛驅虎患禱雨立應邑有渭水河立五門堰溉田五萬餘畝自明萬曆後湮塞六十九年矣先生設方計均力役四閱月而功成至今賴之祥符尤稱劇邑先生至則理甚無事其大政在禁兵之暴力言於將軍寘之法兵乃戢又力止朱仙鎮總行龍斷不行其他善政悉此類舉博學鴻辭不果用尋膺臬異行取

賜袍服後以他事去官士論惜之嗚呼士窮乃見

治古堂文集卷四 誌銘

十

風尚古有才堪王佐而屈於右文之世勇冠三軍而困於用武之時彼其人固不肯委蛇當世以干進取而當世亦竟置之乃若程明道大儒也其文章可繼六經而政事所傳亦止於扶溝上元二縣天若靳其設施者而又何疑於先生耶先生生明崇禎癸酉年七十六卒封奉直大夫所著安序堂文集等書行世元配姜氏封宜人鴻臚寺卿習孔孫女子二長士儀南安府同知次士儲冀州知州二子皆能官有父風女一適方引祺祺卒女墜樓吞金不死守節十年後卒絕粒十九日以殉事詳

節烈錄孫四覽輝咏吳士儀出向士儲出

銘曰其通也不竟其用其窮也益增其重山則靜水則動先生之德也與流峙者其後有文學而兼政事者亦知其書可讀而詩可誦乎

以文學政事並起意却重在獨表政事以毛公文名久著而政事未傳也故引張石虹序其集語一筆點破高超不羣末段又引程明道先生你叔繳明文學政事兩意襯得毛公聲價倍高雄渾古宕堪與唐宋諸大家並傳不朽

受業王
志通識

治古堂文集卷四 誌銘

十一

恭政王公暨兩恭人合葬誌銘 代家君

恭政公卒後三十年汪恭人告終越明年仲冬將於鞏南舊阡偕李恭人而合葬焉禮也其子之鳳千里致狀請予銘幽宮之石子與公親則妻屬又姻特也悼亡而懷舊感深矣忍遺其生平也與公嘗於平陽破賊立大功傳所謂以勞定國者他日史氏必從大書特書之例若乃德施於人沒世不忘所在祠祀聞古之人生而尸祝於官沒而可祀於社者其在斯乎其在斯乎誌曰王公無黨字大羣元配李恭人汪恭人其繼配也始祖成自晉之

治古堂文集卷四

誌銘

洪洞徙孟津七傳至幾乾幾乾生你你生本仁號梅園皆以文安公貴贈光祿大夫禮部尚書本仁生子五長即文安公諱鐸官禮部尚書贈太傅子妻父也配馬夫人生子四長即恭政公生有異質讀書一過成誦為文不屬草性至孝又好任俠重然諾里中有大猾人莫敢撓公方八歲輒義形於色曰官何懦耶某他日居官必先殪若輩梅園公奇之年十五補博士弟子員明年遂廩諸生時李恭人于歸矣李恭人者昨城學博養麟之女也性恬靜不好飾馬夫人愛之嘗曰持吾家者冢婦也

年十九以病終公乃聘汪恭人值庚辰歲大侵人相食公為粥以給之存活數千人又施糗以給貧不能靠者李自成破洛陽難民數十萬人奔渡河時北岸戒嚴民望洋號哭聲聞百里公遽詣軍門疾呼請濟遂乘巨艦至南岸數十萬人者遂獲濟今東郭有仁里祠云既而

皇清定鼎不次用人公以明經第一授山西平陽道副使時姜襄以太同叛土賊犯平陽守將范某夙嬰瘵疾昇牀詣公曰吾已矣不能事橐鞬封疆事一以累公公於是獨任之是日屬僚畢至倉皇

治古堂文集卷四

誌銘

失度僉曰事急矣奈何公徐曰賊烏合耳易與也逐出戰乘其不備大破之賊遁入西山公乃集戰士分汛堞為固守計俄而太原汾潞相繼告潰大吏皆出奔所在望風降有吏薛朝選者請貳於賊公叱而囚之衆志乃固方賊之初集也公夜則登埤晝則出戰每出輒與家人訣家人亦各以死誓及賊大至衆且四十餘萬圍城幾三十里治火礮穿窟穴造鉤援晝夜攻城金鼓震地矢石下如雨城中人戰慄不能食於是屬僚復進曰四郡六十邑皆陷而我以孤城當大敵食且盡援兵不至公

蓋蚤爲計公拔刃厲聲曰城存與存亡則俱亡張
睢陽何人也吾度大兵必且下太原搗彼巢穴然
後四布勦撫君等但俟之勿畏也未幾大兵果至
賊潰公追擊之生擒首領數人餘悉降惟浮山不
下將軍某欲屠之公力救得免又簡賊中子女悉
還其所親於是山右悉平初平陽之圍郡守徐公
嘗爲靈石令賊有靈石人者爲書射城上約降偵
者告變守將范遽以兵圍其第將阮之公急止之
曰事宜審處毋以造次遺悔今第見賊札未獲徐
報書安知非間諜計耶范然之後事平徐果不與

治古堂文集卷四

古

知其臨事不惑如此尋陞濟南道叅政將之官聞
文安公病乃馳歸侍疾文安公卒公以捍賊勞瘁
加以哀毀遂病以卒卒之前數日聚族於喪次謂
其弟太常公曰爾我幸有微祿足給饘粥凡先人
所遺願以給兩弟遂同爲券分給之嗚呼公可謂
資父事君矣夫人不幸值公家之難出萬死一生
之計以殉封疆斯亦難矣況全州覆沒獨以孤城
當大敵閱月之久氣盡力窮而卒能全其土以還
國家非烈丈夫孰能致此哉當前明辛巳洛郡不
守先太傅以致政大臣卒殉其難使當時守臣有

如公其人者天下事未可知予所爲誌公之事而
掩卷涕出也公卒時其子之鳳方在遺腹微汪恭
人保護其所生荼苦以鳩厥家公身後事幾危恭
人曾祖佐才官陝西鞏昌府同知父廷獻洛陽諸
生也性沉默不輕言笑事舅姑惟謹無所出撫一
子兩女如已出公生於年月日卒於年月日得壽
四十有二汪恭人以年月日生年月日卒李恭人
生卒詳舊誌之鳳丁巳舉人副室汪孺人出兩女
長適子子履恒次適諸生魏振祚副室張氏出孫
二默然俱幼太常公諱無咎官績別見兩弟謂中

治古堂文集卷四

五

書舍人無回今國子博士無愆也

銘曰天錫佳城在洛之陽墨食孔吉終古斯藏既
胥宇於此亦利其孫子我爲斯銘以告良史將大
書曰國之忠臣家之孝子

序次周詳摹寫生動而章法錯綜入古韓歐不
能遠過 王崑繩

通篇精神在叙平陽戰功而前以請濟難民引
起後以大司馬殉難感慨作收章法變化入妙
李季

藍孺張公暨呂宜人合葬誌銘

代張盛院先生

宇宙之大經曰忠曰孝而古今人克全者蓋寡以予所見聞若吾鄉呂明德先生可云無愧也先生少習伊洛之學立身行道一本於孝經卒能立大節以成不朽故流風餘韻後死者猶得與被其澤焉先生之館甥曰藍孺張公實從先生講學於洛社故能移孝作忠勇戰而敬官凡所聞於先生者悉設誠而致行之予嘗竊聞長者之遺風矣歲丁丑張公卒既久嗣君太乙以狀來謁銘且泣曰不孝非猶夫人之爲子也先大夫捐館舍不孝未及

治古堂文集卷四 誌銘

六

亂趨庭之訓無聞今既長始克葬不可以無述聞先大夫受學於外大父明德先生君與先生同里即以知先生者知先大夫先大夫且不朽敢稽首以請予感其意弗克辭於是按狀而誌之張氏裔出清河自漢以來世居同州元末有仲文者奉母遷河南之永寧八傳至公之祖論始顯由進士官至僉都御史巡撫四川父鼎延由進士歷官兵部右侍郎母廉氏累封夫人公諱瑄字伯淵號藍孺生有至性以忠孝大節自期兄義勇爲甫七歲即能理僮僕曲直祖父母有所分遺必取少推多與

弟妹中丞公深器之年十四以茂才異等食餼試輒第一呂明德先生妻以女公因從先生受學崇禎癸酉賊渡河窺永寧時中丞公自蜀歸命公捐金募兵出奇計殺賊或生擒之甲戌中丞公卒明年賊再至公率家衆張承芳等銜枚趨賊壘中伏芳等七人死之公以稍後免賊亦由是遁不敢窺永寧後五年庚辰冬賊復自南陽來破宜陽遂攻永寧公奉父司馬公守南城日具糗糒饗軍守禦備至賊撤南城圍不敢逼更攻其瑕城乃陷公被執至關中備嘗諸苦終不屈時賊已僭偽號設制

治古堂文集卷四 誌銘

十七

科鄉人陷賊中者或勸公求試公叱之曰吾讀聖賢書素明大義不能提三尺劍誅此賊豈效若輩辱身求活耶尋以計脫去其臨難不苟如此中丞公嘗平蜀寇既櫻勞疾復以捍永盡瘁而卒司馬公欲上書白父功哀毀不能文公代草曰臣父出定蠻方還捍鄉里戮力兵間至於僵仆惟主上念諸葛之渡瀘以勞定國憐子囊之成郢沒不忘君庶俾先臣死骨不朽書既上會用事者修舊劬以稱譽過實竟坐免官公告司馬公曰父爲親受謗子道全矣復何憾司馬公深韙之公既高才能文

〔章〕視科名如拾芥乃終不得志

國初遂以拔貢司李嚴州廉幹稱最聞讞書嘗至夜分執管不忍下多所平反御史大夫薦公治行

第一

賜袍服授戶部江南司主事監督德通倉政釐弊剔奸不畏疆禦復由湖廣司員外山西司郎中知宛州府事適母廉夫人卒奔喪歸哀毀過制尋丁外艱亦如之終喪復知淮安府所至多善政民皆德之去則攀轅涕泣云嗚呼公可謂勇戰敬官移孝作忠矣聞洛郡失守時明德先生以致政大臣

治古堂文集卷四

誌銘

守北城夜縋家衆殺賊賊不敢近與太守公父子同方永寧城陷公之不死也間不容髮然卒全身以歸爲

興朝循良吏則智以成仁與所聞於師友者蓋異事而同揆也某先君子亦嘗率鄉衆守若殺賊雖不敢自附於太守公父子亦竊聞明德先生之風而興起者彼故鎬授賊以君親爲市者獨何心耶公好施德不望報與人交無城府下至僮僕悉推赤心置之以故能得人死力雖生於世胄閒靜寡營泊如也嘗曰吾懼人以紕誇子相目是汙吾世

也元配呂宜人明德先生仲女事舅姑以孝聞公被陷關中以智脫歸宜人與有力焉先公卒以辛未冬十二月合葬祖塋禮也子一青藜字太乙厚德好學有父風

銘曰金門山高洛水流清是爲清河氏之佳城振振繩繩奕世有令名大啟爾宇爲國之棟有基無壞忠孝相成吾所知者天之經地之義民之行不問山之靈

治古堂文集卷四

誌銘

鍾子文先生賢兩恭人合葬誌銘

先侍御戊子舉於鄉出鍾子文先生門下嘗稱先生之賢教履兄弟志之不敢忘其後四十餘年始奉教於嗣君聖興聖興綽有父風敦廉節多才能文章以先生合葬誌銘委履履思先侍御之教誨又感聖興不徇名位而屬之鄙樸無文之小子遂受命不辭乃櫟括其狀誌其大者先生諱性樸子文其字元配黨恭人繼趙恭人長子賴壬子拔貢泗水教諭次賴乙丑拔貢廣西某縣知縣即聖興也俱趙恭人出女二孫男二聘娶詳狀中先世江

治古堂文集卷四 誌銘

辛

右吉水人明正統時始祖泉以武功世襲錦衣百戶遂隸大興籍父國相贈朝議大夫先生由進士任濟南推官與巡按御史力爭可否必平允乃已

被

召官禮部祠祭司主事歷贊諸大禮典試河南督學山左所得士如湯潛菴王阮亭田澍亭皆民譽也先生居官廉介督學時閱文不假幕客備兵曹濮間討平榆園大寇數千人歷官至江右兵備副使甫三月海寇悉平嗚呼士以盤錯別利器虞詡之在朝歌龔遂之於渤海豈嘗侈言經濟哉平日

志有所不為而一旦臨事毅然不知有身乃能建

非常以成大功何者誠積於中而不可掩也先生於學無所不窺制義宗王唐詩歌本李杜所著太平經國書及大觀等集行世世以為名士風流而不知其戎畧若此歷官數十年家無尺土猶以一園被謗不能免茲多口夫勵志絕人則負俗之累益深然而千秋萬世後富貴有權力者行就湮滅而若人皜然表出獨與日月爭光亦安能復從而遏抑之悲夫悲夫有志者可以興矣先生生於年月日卒於康熙甲辰十一月二十九日山左祀名

治古堂文集卷四 誌銘

壬

官將卜吉暨兩恭人合葬秣陵山新阡以歷官山左山人思之因畱葬焉黨恭人生卒別誌趙恭人生於天啟癸亥卒於康熙辛巳性不佞佛尤善教子命聖興師事漁洋山蘆兩先生狀謂以母兼父道信夫側室賈以苦節終恭人悼之若同父先生之葬也李少保徹菴既為之表履又何加焉姑舉其大畧若此

銘曰我生之初趨庭有聞先生之德允武允文孝於親剗股而辭旌敬其官潔已而忘身見阿堵物則蹴之於園窳人則畜之不責其報善則欲之不

愧於心行則篤之惟兩恭人克相夫子象服是宜
淑慎爾止百歲之藏牛眠龍起同穴孔安以利其
孫子

從舅黃巖王公暨兩孺人合葬誌銘

予讀晉書孝友傳於王氏得二人焉曰延曰祥皆
以名德致位通顯子孫累葉貴盛民到今稱道不
衰夫晉之士喜清談輕典禮若阮籍之聞喪痛飲
謝太傅菴功不廢絲竹當世亦譏之而延祥獨以
孝特聞孔子所稱慤慤君子者固在此不在彼瑯
琊之後莫盛於孟津至外大父文安公尤著于總
角時先孺人爲言文安公少賤居雙槐里時時詣
城中爲諸學子講義歸必攜寒具奉母率以爲常
父曰本仁祖作曾祖幾乾皆以公貴贈光祿大夫
禮部尚書文安之弟四人學憲公寵其叔也子二
長即從舅黃巖公諱無逸字知先號敏菴生有淳
德性至孝年十三爲諸生伏首窮經與弟金華守
無忝友愛特至垂老無間言妹適傅氏蚤寡公體
堂上心撫其孤拊以教以養卒爲博士官學憲公
歸自山左每有所分遺公配郭孺人必推多與妹
人以是益多公子嘗以歲時修禮外家見公奉觴
坐其齋也夔夔其樂也洩洩其饌必極珍異及
退視私室惟食草具而已蓋公性至儉衣裳數澣
濯必敝然後易雖乏財一介不妄取雖贏餘一

物不暴殄也惟竭力所事云爾予童稚時所見若此其後垂四十年孺慕如一日卒獲異徵焉庚戌學憲公病公侍疾五閱月未嘗歸寢比卒葬祭悉如禮事母楊宜人益謹嘗筮仕黃巖以念母氏不置或夢魘而啼遂去官歸久之宜人失明公禱於天願眇已目以代又多方延良醫皆曰精海已竭惟空青可徹三田蓋由精達氣由氣通神也適新安人金姓者采栢青要山中獲一石似鷺卵而輕蕩之有聲若瓶罌注水未盈鏗鏗然或曰此空青也公遂重購之刺石膚汁出如青色淺碧宜人將

治古堂文集卷四

誌銘

齒

寢公以濡其目有頃婢持火宜人忽躍起曰熒熒者其燭光耶自是眸炯炯能辨毫末時庚午十月既望也其後某夫人者禮求之其膏遂枯探出如撒灰其異如此邑令王公惟翰將以其事上聞公不可乃止會舉鄉飲禮以公爲大賓稱無媿焉公之歸自黃巖也日依子舍非公事不謁長吏構一園自適間及繪事涉筆皆有生趣尤慎所與里中云學憲公道廣公性峻良有以也性不嗜酒故雖老無疾年七十未嘗策杖偶病胃遂篤目將瞑猶呼母不去口嗚呼公可謂純孝矣公卒以康熙庚

辰距生年天啟甲子得壽七十有七初娶雷孺人善事舅姑明末寇氛方熾流離播遷未嘗違定省性好施或傾篋周人急尤婦人所難也蚤卒繼郭孺人賢與雷均子男七長琪雷孺人出年十五殤郭孺人泣曰吾恨不獲代兒死也其賢明如此別有誌特書次璐歲貢次瓚拔貢璟太學生珅瓚皆榮子員瑗幼女四孫十人卜於年月日合葬於下古村之新阡璐兄弟介書來乞銘復有後命曰君習吾家事狀所闕者將於此焉徵實也是以不煩當塗而勤執事予既不獲命遂誌而銘之

治古堂文集卷四

誌銘

廿五

銘曰德既邵兮神彌強未厭世兮思帝鄉有母期頤在北室孺子戲兮斑衣裳心欲畱兮少徬徨帝胡爲乎遣巫陽鶴書詔兮駭鸞翔爲鳧飛兮朝上蒼祈壽母兮永無疆載靈輶兮啟佳城叶千秋萬歲於斯藏青竹書之爛生光永世克孝同延祥序事莊重如黃巖公爲人室青一事生動可喜銘詞在諸銘之上 王崑繩
提一孝字作主章法之妙如貫珠而中間序異徵一事尤屬神來之筆 李李平

從舅蔡江王公暨沈孺人合葬誌銘

距邑城五里許崢嶸山之下驚濤而龍蟠者嗚呼是為從舅蔡江宰王公之墓舅氏於先孺人為從弟與先侍御尤相好予嘗歲時從母氏歸寧外家觀舅氏與沈孺人所以友愛姊氏之意不啻同父也蓋外大父文安公兄弟五人皆以孝友聞故其後嗣有遺教云舅氏視先父母齒最後兄事先侍御居恒以忠孝大節相砥其後遂以蔡江宰卒於王事傳所謂以死勤事者也庚申冬予兄弟葬先孺人畢謝賻弔者於洛陽遇楚白兄弟迎舅氏櫬

治古堂文集卷四

廿六

歸因相對哽咽曾幾何時而舅母沈孺人之訃至葬且有日矣楚白兄弟請銘嗚呼予忍不銘乎公諱無荒字曙靈號敬菴始祖成自晉洪洞徙居孟津雙槐里七傳至槐野公幾乾有隱德幾乾生作生本仁以文安公貴三世俱贈光祿大夫禮部尚書文安公之季弟中憲公鏌公之父也以徵辟隨征功知蘇州府再知太平均有惠政郡人祠祀之時

國家新造南民數不靖中憲公巡警宵旦無休時遂成疾卒於官公五歲通孝經論語十四補弟子

員襲伯父文安公座數奇連不得志益肆力於學尤嫻書畫事母馬恭人色養無違恭人小不憚必長跪請罪俟色霽始起其天性純孝多類此沈孺人年十四于歸亦善事姑馬恭人稱未亡人者二十有八年子若婦左右就養終身如一日馬恭人卒公既釋服筮仕浙之龍游於時耿逆倡亂府帖日夕下公序乃芻蕘糗糧佐以私財幾千金其後改授蜀之蔡江蔡江巖邑也道固險逆氛且未靖公慷慨就道將至訊偵者云賊已破涪陵據臨江矣從者膽落不敢進公竟達所治與奮武將軍楊

治古堂文集卷四

廿七

某深相結期以保境息民之匿巖谷者悉慰諭招出之日具牛酒饗士楊以是重公時城已蹂躪官舍在瓦礫中公露處風餐日夜不遑息遂成疾楊公兵駐北山賊遽至公力疾夜渡江援之賊退公還所治疾益急遂卒時康熙庚申閏八月十八日也初先侍御宰西鄉時亦以府帖供兵於漢中日坐溽濕中遂患足疾後母氏十年卒昔陶元亮為孟府君作傳因有風木寒泉之思予所以誌舅氏而益有懷於二人也公性仁厚慎交遊寡言笑御下尤寬中憲公側室張亦以節著公事之惟謹

預穿先塋爲旁室張後公卒葬悉如公志人稱其厚云其宰龍游也值兵燹後歲賦額不足有司例以他戶代償取盈而已公至而蠲租詔下民固爭於官欲盡返所長輸者上官難之公請以長輸抵新賦易其硃符大中丞稱善因檄他邑悉如武民咸賴之復爲均役法以通邑小昇夫七百名與官夫更番均任人衆役輕民稱便焉公將適綦江與沈孺人生訣訃至孺人誓以死從既而曰死易耳如此藐孤何因勉力襄葬事鬻產佐之必從其厚曰勿遺兒輩他日悔也次子婦登世遺息方二日

治古堂文集卷四

六

孺人身自撫之勞瘁倍至既長乃自慰曰吾於王氏三世可謂無負矣孺人先世爲覃懷望族父加顯前甲戌進士歷官西寧道叅議母宋恭人以賢聞公以年月日生計卒年得壽五十有二孺人以年月日生年月日卒卜於年月日合葬於崢嶸舊阡禮也子男二長珩即楚白次徵麇兄弟友愛有先世遺風云

銘曰大河之陽北邙之北終古之藏於焉同室世篤忠貞是父是子吾不知其他其大者如此子子孫孫載奮載起式穀似之益濟厥美後萬斯年有

視此銘者或徵之而備遺史乎

以篤摯之情出以簡淨之筆而迴環映帶筆致最佳 王崑繩

治古堂文集卷四

九

上林令栗公暨傳孺人合葬誌銘代

四岳始虞書而崧高獨見雅詩所謂維嶽峻極生甫及申者也予世居嵩陽嘗登高訪古求前哲令德之蹟又從少詹耿先生遊聆其緒論聞傳解元父子之驚才而誦其遺咏未嘗不嘆微靈之苞毓無盡時也公觀上林栗公行誼與其政績猥以蕪辭載之貞珉竊有厚幸焉栗公爲少詹年家子元配傳孺人即解元公作舟女許廉而師之女弟也公諱森上枝其字先世晉之陽城人始祖才徙居登封才生榮榮生表表生景新景新生範範生於

治古堂文集卷四 誌銘 三

禮爲諸生有名公之祖也公父穎宿辛卯舉人與太史傳知園先生齊名所著有穎園集行世公生而穎異年十五爲諸生食餼以歲貢教諭浙川遷廣西上林知縣多異政丁母憂去官公之初遷也以母老道遠固辭不就母勸促之乃行至是聞訃哀毀幾不欲生服闋後補知浙江分水縣終以祿不逮親存爲恨遂不就既歸日與同志放情山水間賦詩行酒凡墨浪棠峪荒烟蔓草中磨滅碑版手摹而心識靡不記睹焉嗚呼公才志未竟什一顧樂志巖泉訪古人之蹟必有異書未示人者予

方將輯所見聞網羅遺失爲嵩說一書而公已厭世不獲就正有道其不幸也夫狀稱公天性孝友以鮮兄弟事姊氏盡禮篤故舊周里黨燬不勝書傳孺人性溫厚雖生世閱蒸縞自甘泊如也事姑太孺人先意承志侍疾三閱月衣不解帶姑卒以積勞成疾遂不起公生於年月日卒於年月日孺人以順治甲申生康熙壬午卒子男二中寬娶傅氏中裕娶耿氏少詹公女孫也女二孫男一健中裕出於康熙己丑合葬於祖塋禮也

治古堂文集卷四 誌銘 廿一

政無陂學古有名生寄死歸於心則寧爰及厥配同宅佳城延之苗裔世爲國楨

借容形主有絃外餘音其筆之所至冷然善也
弟謙 恒識

王虞來暨喬孺人合葬誌銘

王孝廉虞來舅氏叅政公之遺腹子也生不識父稍長勝衣冠問母汪恭人及生母令汪孺人曰我父安在皆泣示以遺像輒拜跪哀慕如成人衆咸異之其異母長姊子之伉儷也賢而蚤世虞來與子相持哭終日不食飲體素豐執汪恭人喪遂羸杖而後起不出戶庭者三年李婁公先生稱其善居喪云虞來以康熙庚午三月六日卒距生年順治癸巳六月晦日年僅三十有二子方幼不能為狀及元配喬孺人卒始具狀來謁銘嗚呼虞來

治古堂文集卷四

世三

孝友性成宜書敦厚沉毅不言而躬行宜書思繩祖武力學孜孜不倦又宜書況子與虞來潘楊之睦歡愛如同父失今不傳則長逝者潛德懼湮其何敢辭命謹按王氏系出太原始祖成自洪洞遷孟津至大父文安公諱鐸由庶常歷官禮部尚書贈太傅誥贈三代如其官配馬夫人父無黨官平陽道副使以破江襄功擢山東布政司叅政當閩通陷洛陽嘗造舟渡難民數萬人里人至今祀之配李恭人繼汪恭人皆無出乃娶令汪孺人為副室公既壯嘗被無子夢神與語曰君在平陽於兵

戎中活多人理宜有嗣惜君不及見耳數日果疾作遂卒而汪孺人有娠時文安公方在殯將葬忽喪冢子舉族倉皇不知所出而公仲弟太常公無咎者乃匍匐日哭禱關壯繆廟願損己子以益兄嗣越明年虞來乃生人以爲誠感云虞來諱之鳳字友篁生有厚德至性既不逮事父其事兩母益謹自六齡就傳及娶喬孺人至丁巳舉於鄉其夫婦定省誠順無違時其爲人外若緘默中沉毅有謀太常公既沒門祚稍衰齟齬者貌爲旗幟開於庭虞來笑曰此山鬼伎倆也何畏耶乃出自中門

治古堂文集卷四

世三

曉以利害衆遂去里有娶婦貧將改適乃告以大義多方周之遂全其節子孫至今以家成及長男生虔告叅政公主前曰昔我父未見兒兒今且生子矣因兩泣不已嗚呼虞來生而孤終鮮兄弟微兩母幾無以自立脫使虞來才不逮先人彼齟齬者繁有徒懼覆巢矣何以承堂上歡使中外無間言耶虞來性好學於詩文書法力追其祖父尤喜先正格言手錄不倦使竟其志其所底豈易量哉然而各士大夫稱問學懷文抱質者必推虞來虞來嘗謂予曰我輩學如草露不可以曝日務培其

本根日加沃灌而可吁有言哉虞來素無疾偶歸
自伊闕一夕而卒自順治庚寅十一月十一日喬
孺人生至今丁亥五月七日卒時稱未亡人者十
八年壽五十有八矣父諱佑啟蕭縣知縣孺人嫻
女工通內則其父愛之甚嘗曰惜哉女子使爲男
不將大吾門耶虞來卒以今汪孺人老義不可殉
乃撫二子至於成立仲子舉孝廉孺人不色喜徐
曰此吾家故物也於今十五年復見之矣聞者哀
之子醇穀候選知縣逢穀乙酉科舉人需次中書
舍人女四卜於年月日合葬某

治古堂文集卷四

世四

銘曰吾聞君之卒也有一市人若見輿馬乘氣入
雲冉冉而上下夫材爲天篤而天不少假天乎天
乎何以勸夫善者又聞其佃徒入租鍾釜自寫概
量不足曰譬之鼠蝕於野歲或歉乎孺人脫簪珥
賑貧者宜偕老被佩胡乃孤寡天乎天乎何以警
夫貧者天不言不可問也命可祈不可信也子子
孫孫惟孝友是訓也

文氣如雲烟舒卷無定質而自成結構王或卷

叙次簡潔而有斷制張柳麓

離合斷續不可捉搦銘尤崛奇弇山稱震川所

謂繼韓歐陽者也然震川銘詞不古此固勝之
方文

治古堂文集卷四

世五

王黽承先生暨孫恭人合葬誌銘

廉吏不可爲其或然耶昔者黃霸卓茂皆由治郡
入爲三公臻老壽子孫襲門祚不衰今先生官止
於汾守於歸養後二年康熙乙酉卒里第其生也
以順治乙酉壽僅六十有一越二年葬有日矣將
以元配孫恭人附其孤以狀來謁銘曰此先大夫
志也先大夫雅知公公知先大夫其毋辭予既受
知於先生且耻世俗諛墓失實爰據所見聞救謬
而誌之先生姓王氏諱隆熙字龜承山東齊河人
父國楨順治壬辰進士母焦太恭人先生生而岐
嶷孫祚庭司馬見而奇之遂許字以女先生既孤
事母至孝司馬尤重之比遊庠序不得志於有司
乃由拔貢知湖廣興山縣遷淮安府同知駐徐州
領河務以異等

治古堂文集卷四 誌銘

其

賜蟒衣遂知山西汾州府迎養太恭人於汾居無
何太恭人先歸先生遂有去志汾多豪姓侵凌孤
弱達達交通守令門下比周爲援先生悉絕之一
郡帖然有訟獄刻期赴訊不爽晷嘗曰官司事但
裹蒸餅供一飽足矣安用錢爲待屬邑以誠信而
絕其私謁時履知寧鄉寧屏邑也先生既晰其疾

苦履每有所請輒報可嘗留語三夜分韻履曰外
論謂某如何履曰百廢具興但無赫赫名耳先生
笑曰固也吏以德爲本才次之若以察察爲明矯
矯爲廉瑣瑣爲恪勤及臨事若毛髮比則憊憊焉
避禍之或及而委罪於其下行既虧矣何才之有
古劉方何武輩必不忍爲此態也當吾在興山時
吳逆未盡殲轉餉孔棘羽檄日夕來督芻蕘皆計
日辦未嘗後時及夏逆爲亂人心大震予謂當不
日撲滅人稍定已而果然楚地山林險阻土苗錯
居不凌厲漢人則自相吞噬予捧檄單騎往諭以

治古堂文集卷四 誌銘

其

大義其豪悉就撫以天使禮賓我餽遺珍異盡却
之豪益懾服其後領河務庀木石無敢不堅所修
築至今無恙當是時甫離金華日與洪流爭尺寸
土惟恐貽太恭人憂今幸際治平仕至二千石得
旦夕歸侍晨昏於願足矣何暇與時輩爭名乎先
生之言若是初先生之令興山也振文教於軍旅
槍攘時士皆彬彬如齊魯文學矣其在淮徐絕苞
苴吏不敢賁綠爲奸料量用平又民田數百頃沒
於河先生力請除其賦其人至今猶尸祝云其守
汾郡也絕供億一切例先是晉頴織民女多陷樂

籍中先生多方資鬻者悉贖歸往例迎春用伎樂
千人糜費無算先生曰此非所以厚風俗也悉禁
之其他善政多此類在治三年教化大行

上幸五臺進之前勞問良久

賜御書示寵異尋

命督撫舉端方廉惠者守牧各一人大中丞以先
生名上行將膺不次擢先生顧念太恭人春秋高
力請終養大中丞數留之不能奪也後二年大恭
人卒先生哀毀踰節隨以疾捐館幼子保亦殯於
是孫恭人既卒十有八年矣狀謂恭人生順治甲

治古堂文集卷四 誌銘

世八

申幼嫻內則女誡孝經論語諸書工書法相夫子
事姑以孝聞善操家不以閭內事累先生以故得
肆力於學先生嘗謂諸子曰此吾家柱石也其勿
忘又云先生寬裕仁厚成人之美周人之急性儉
素不好音樂予侍教四載良然嗚呼先生位不酬
庸年不稱德天實爲之向使先生竟其志不難立
致三公與黃卓爭烈然與一日之養孰急或謂黃
霸既相功名衰於治郡時脫登歲獻世當不至以
鵠雀貽譏然則天之報施善人不徒以年矣然乎
否乎先生既無子以弟之子元慧元學爲後始克

葬太恭人暨先生女二孫一俱詳狀中

銘曰公爲子孝視無形而聽無聲公爲吏廉有源
源之澤而不爲赫赫名濟水之濱溥彼佳城爰及
同穴魄寢神興以利其孫子振振繩繩我爲此銘
用告後人師吾師之典型

以孝字爲經廉字爲緯逆提順叙綱目分明起
訖矯健全是得力史遷姓大羣識

前後俱老成中從王公口中序其生平一段局
陣變化得力昌黎王或巷

治古堂文集卷四 誌銘

世九

房師岳扶九先生暨三孺人合葬誌銘

吾師岳扶九先生卒後十有六年戊子小子履始克誌其墓而銘之嗚呼何其久也先生家故貧爲博士官罷去且不獲沒於先人之敝廬子若孫屏焉不克振遊其門者皆未達惟平原令耿惇經紀其喪而履以歲饑客真源不克弔其孤效心喪之義今尚覲然而爲之辭哉雖然失今不傳是再死吾師也夫何忍爰據其孫靖所述傳其一二焉先生諱拔倫扶九其字也始祖賓自棗強遷山東之鄒平遂爲鄒平人賓生復通復通生曾曾生朝朝

治古堂文集卷四 誌銘

四

生騰游騰游生孟儉先生祖也考一星亭奎五爲諸生以孝友聞妣韓氏前工科給事中庭苞之姑也有賢德遠識生七子先生其長奎五公卒韓教督諸子不急嘗曰爾輩不克自立不惟羞見爾父於地下亦非韓氏甥也先生生有厚德孝友肖其父遵母氏教與弟擢倫超倫讀書醴泉寺中風雨不輟以故兩弟皆列庠序而先生以食餽高等貢入辟廬登癸卯鄉舉其後貧滋甚乙巳除夕家無斗儲作歲窮文以自廣終不屑乞諸鄰也又八年壬子授益都教諭戊午以禮經應河南聘得士七

人小子履與焉已未陞成山衛教授值營弁齟齬諸生先生爲不平直之當路當路者深庇營弁遂陰中先生以他事去官癸酉十月二十八日未時卒於越時將之平遠之道中也距生年萬曆丙辰得壽七十有七配李孺人同邑諸生李會華女繼素孺人再繼胡孺人以康熙丙子十月合葬於祖阡禮也孔子曰衛人之附也離之魯人之附也合之善夫子一世珩諸生李孺人出孫一即靖也孫女四嗚呼其斯爲先生之生平與先生爲文謹嚴有法度性喜山水能飲酒嘗遊吳越三楚豫章間

治古堂文集卷四 誌銘

四

所與交皆當世知名士其將至平遠也世珩憂其衰欲代之往先生不可曰吾聞湖南清絕地猶未勝粵東吾老矣尚健幸一至焉失此復何時其高致如此初先生所取士七人者張允成郝輩俱先生卒其五人則楊履吉梁瑤海及小子履副薦陳錄皆次第筮仕惟耿給事惇已未先捷知廣東平遠縣時先生將過之有蒲邑武城之思焉因卒於道惇治其喪惟厚故詳書之昔者蘓穎濱爲廬陵作誌遲之三紀之後彼貴仕者之子孫詎不能朝寃寃而夕貞珉而爲之弟子者寧不具悉其師

之行誼忍稽緩若是哉蓋古者傳誌之作將徵信於來世非若晚近諛辭可以欺迫魂成者也以故事久而論益定嗚呼悲哉先生卒於癸酉之冬而履於乙酉之秋始獲讀其狀又三年始克誌而銘之雖才不逮古人而遲之又久有相類者吁其於師友今昔之感何如也

銘曰德可重才不究其用後之覽者能無慟乎今也式微其昌也有期匪地脈是爲惟天是祗哭寢有禮招魂有辭小子不述來者焉知之吾師乎吾師乎吾誰與歸乎

治古堂文集卷四 誌銘

四二

從師友今昔立意中間叙述其家貧官卑世微年遠迴環頓挫一往情深銘詞古致搖曳寸幅中有萬里之勢 朱嘉升

又絕似王荊公作家集孤腋以成表其不循一跡如此 方文輅

董樸菴暨七妹呂孺人合葬誌銘

洛陽有隱君子焉曰董樸菴其元配呂孺人子季妹也夫婦俱以孝友睦婣重於戚黨樸菴世家也性尚儉素強力自好不隨俗俯仰居城市泊然無所營非公事未嘗見郡縣官吾聞大隱居朝市君其真隱者耶逃名於酒烹厚而氣完謂宜享期頤壽乃遽厭世不我待悲夫令德之不永後死者之責也微其子之請亦將徵實而述之矣今不傳是忍死吾妹而忘我樸菴也縱長逝者不好名其若後之仰止者何按狀董氏世居洛陽始祖和明初

治古堂文集卷四 誌銘

四三

舉人和生汝豫知陝西膚施縣多惠政生四子其叔曰木君之曾祖也以孫貴贈通奉大夫有文名曾祖妣孟氏繼熊氏俱贈夫人祖翰戊午貢士累贈通奉大夫祖妣王氏累贈夫人繼葉氏累旌節贈亦如之父篤行順治丙戌進士授翰林院庶吉士累官都察院左副都御史與弟景行友愛如一人景行君本生父也母穆氏贈夫人喬氏贈恭人黃氏封夫人樸菴諱某字信賓初就外傳即厭薄時文喜讀左氏傳弱冠值逆藩之變因習騎射讀孫吳子書舉得其要領以恩廕需次國子監典

薄意夷然不屑也因自嘲曰白衣即性慷慨喜施
嘗立家塾聚族而肄業又捐已田若干頃以與族
之貧者兄卒教養諸猶子倍勤於所生歲歉族人
以田求貸予其直而反券有與姓者將磨其先塋
碑以售君君遽止之曰君子家雖貧不鬻祭器爾
我皆世家裔也夫何忍因厚給之戒勿動其他助
婚葬殮暴骸悉此類嗚呼富貴不期驕奢多財益
過固其所也世有守先業不廢墜罔一介苟取用
能無惡於族黨稱保家之主斯亦賢矣况節儉好
禮如樸菴者乎洛陽固周俗好貨殖遂什一之利

治古堂文集卷四

誌銘

四

甚且百其心計睥睨人田宅視其親族為溝中瘠
不一為援手且幸之若天假手授我者比比也聞
樸菴之風亦可以少變矣樸菴方壯時有大志嘗
與子杯酒盱衡古今論史中成敗往往出人意表
庚午嘗一至京師度稟性寡諧遂絕意仕進益以
酒自適子弟或諫之因笑曰我豈沉湎麴蘖者姑
以數升消壘塊而已間為詩有風人遺意或發揚
蹈厲一吐其不平尤愛陶詩慕其恬退昭明所謂
寄酒為逋者與適首夏與同人為龍門遊成竟日
歡醉甚明日遂卒於家時康熙己丑四月二十有

二日也距生年順治戊戌九月二十五日得壽五
十有二時予妹呂孺人無祿已十有八年矣孺人
生而婉順先父母特愛之年十六適樸菴事舅姑
如父母初樸菴以庚午至京師宵小輩輒肆齟齬
請張為幻聲勢且不測皆都憲公之施德有舊者
也時長男年方髫髻啼泣不知所為孺人以一
身擔拄中外形格而理遣之胥戕者卒無能為明
年辛未歲大歉孺人自食粗糲身先僕婢樸菴見
而太息乃曰吾家之內主此所以勸也孺人生於
順治己亥六月三十日卒於康熙壬申八月二十

治古堂文集卷四

誌銘

四

日繼配高孺人子男五長萬山廩膳生次萬戶需
次州同知次萬選增廣生俱呂孺人出次萬石側
室劉氏出次萬育高孺人出俱幼女三孫三圻坊
坟卜於明年庚寅四月合葬於城西祖塋之望朝
嶺禮也初樸菴同父三人孟嘉名季嘉賴君其仲
也兄既卒愛其弟尤至君瀕危嘉賴哀號輟食後
數日亦成疾而歿

銘曰聞君之喪親也率以家禮不為佛事其附棺
附身必備物而盡志非知禮者何能若是君之衣
冠甚古不為今式問所由來曰先大夫笥中物也

晚節自號逸民匪隱之名而蹈其實矣

叙次詳雅氣更樸茂篇中尋常語一經點染皆有景色惟澤於古者深也

李禮山

以孝友睦嫻爲經逃名於酒爲緯簡該古茂亦復沉鬱頓挫馬韓而下無此筆意

張緒亭

起伏照應無一筆泛設可謂細針密線矣然無限法力皆藏於參差歷落中渾然不見筆痕此又文家蛛絲馬跡之妙也

李學平

從叔父文學公暨孟太君合葬誌銘

達邑三里許慕容山之西土正黃叢栢茂植者嗚呼是爲從叔父文學公之墓初叔父與先世父刺史公從世父明經公及先侍御相友愛事曾王母田太淑人各極孝養而叔父以隱德不仕與元配孟太君尤終身無曠日云履逮事曾王母時叔父年既壯析居時往省焉及子令寧鄉復宦京師則叔父已漸衰而予亦非盛年矣戊子予至自滇順道省叔父於里門其貌雖矍神猶王也越明年訃至諸孤以狀請銘嗚呼履何忍辭乎謹按狀誌之

求所親書諱如左呂氏系出四岳歷唐宋世有名德明初始祖諱俊自洪洞遷河南之新安遂爲新安人六傳至履之高祖諱卿以孫貴贈戶部侍郎高祖母牛氏贈淑人旌節曾祖諱孔學封戶部侍郎以輸穀賑饑特封右都御史旌孝里諡曰仁孝曾祖母孟氏贈淑人田氏封太淑人仁孝公生三子長先祖忠節公歷官南京兵部尚書於崇禎辛巳死節於洛贈太傅具詳史傳生先世父刺史公先父侍御公次叔祖僉憲公生從伯父明經公三叔祖諱維祺字是孺號艮石爲諸生有名與僉憲

公俱以守城殉難於新安叔父之父也叔祖母楚氏旌節具載家傳中叔父諱兆琚字季玉生而至孝既不逮事厥父母惟大母田太淑人是依每侍側聞父母遭難死節狀輒涕泣終日不食及孟太君于歸泣而告之曰吾無祖母無以至今日孟太君謹誌之故夫婦俱以孝聞康熙丙午春田太淑人卒叔父哀慟如三年喪初叔父之葬其父母也年方亂以世亂不能得善地地卑濕居數歲乃克改葬壙啟土善崩柩沒於淖力不可猝舉叔父辨踊號泣日夜匍匐沮洳中手足皆皸瘃雖新喪毀

治古堂文集卷四 誌銘

哭

瘠不是過也時予在羣從間及遠近赴弔者咸感而泣下叔父有妹適王氏善病叔父與孟太君朝夕扶掖善藥餌調護之數十年無倦色性坦然不設城府下至田夫樵牧待之必以誠無情容矜志者嗚呼難矣夫宇內三不朽立德為先世固有勲名赫奕文可行遠而內省不免愧怍者其視此孰為優絀耶向使叔父得志於一時以孝友施於政事固所優為乃以文學遺佚終老如黃憲茅容輩模楷人倫風勵千古譬之處幽谷而傳響千仞較之升高而呼勢為難耳順治辛丑先侍御既成進

士每兄弟燕會必飲酒極歡叔父獨好靜時起立觀壁上格言手錄以歸心知而力行之孟太君卒叔父終身不再娶曰吾不忍忘其同事祖母也孟太君者理學雲浦先生女孫也事田太淑人常先意以承歡凡飲食起居不待頤指尤善操家豐儉悉如禮叔父生崇禎十年九月初一日卒康熙四十八年九月二十一日得壽七十有二孟太君生卒別誌子男三健恒益恒世恒俱歲貢生女一適諸生陳什孫六宏曾率曾健恒出揚曾表曾益恒出蔡曾起曾世恒出孫女四聘字俱詳狀中以年

治古堂文集卷四 誌銘

哭

月日合葬於祖塋之東六

銘曰嗚呼叔父敦仁安仁惟茲淳德世篤其祐後之君子遊我義府式厥孝慈彝倫攸叙澗水之西郁山之下叶有眠其牛有豎其馬叶山高水長於焉終古

以孝友提綱語無溢美而叔父身分自見此子姪為文言取實實所以不同於異姓也其間用議論則得力於古人弟謙而識

李霖功暨趙孺人合葬誌銘

歲己丑李子繩武以其本生父鄉飲賓霖功君狀來謁銘且泣曰小子繩武非猶夫人之爲人子也方繩武之生先君子即以小子後先世父於禮宜降服不克終三年喪惟是先君子之行誼在人心小子志之弗敢忘今將以母氏趙孺人合葬請以銘石辱先生筆予重違其請受之既有日今年癸巳繩武試禮部復跽而泣曰自先君子之沒二十一年於茲矣昔歐陽永叔爲其父崇公作隴岡阡表在既葬之六十年後乃曰非敢緩也蓋有待也今

治古堂文集卷四 誌銘

五

小子之無似縱待之異日恐無以顯揚我先人而愈重厥臯敢敦前請先生其無靳於小子子乃按狀而誌之李氏世籍山西太平縣明正統時有諱讓者以輸粟賑饑旌義是爲君八世祖曾祖廷哲祖汝泰世有隱德父藻爲諸生以俠烈聞生二子長樞次桔即霖功也與兄樞相友愛早歲入庠序尚節義解紛排難一時士大夫皆雅慕其爲人勤力問學遇文行兼善者使子弟負笈以從或延至家塾鄉鄰就學者悉供頓之俾卒業以故多所成就云兄樞早卒無嗣君恒戚之及繩武生君遂喜

曰吾兄有後矣甫五月即抱諸兄主前跽告承嗣哀動中外人嗚呼君可謂因心則友善推所爲者矣今夫人平居里巷讀書懷古處使黨族稱孝弟焉斯亦難矣至於推恩任卹義聲赫於遠近此非篤行君子樂善不近名者鮮不以任俠犯禁今觀君之所爲閭閻被其德而宗彊者不忌郡邑大夫皆樂與之遊豈非學問深謹體用有餘者乎君生於年月日卒於年月日得壽六十有三元配趙孺人諸生趙敬之女也狀稱嫺內則備四德其生卒別誌繼配吳孺人諸生吳士雋姊今稱永七人子

治古堂文集卷四 誌銘

五

二侄太學生繩武已卯舉人子門下士也女四俱趙孺人出孫一孫女一俱侄出

銘曰唐魏之風勤儉而失中必有好禮之士出焉濟之以豐乃爲人中雄兄弟既翕樂也融融其德在人其學在躬年雖中壽乎聲施於無窮子孫振振象賢而亢宗卜其幽宮馬鬣是封我爲茲銘以券夫世之爲善者必高朗而令終

梅美處皆有根據不愧作手 李季平

李夫人誌銘

臣觀前代名臣以孝友傳家者衆矣惟晉書以孝友專傳得聖人立教之旨云孔子稱孝友于兄弟施于有政士大夫之孝資於事父以事母事君忠順不失達之政事故能保世以滋大子蓋從念茲先生遊又誌其母夫人之墓知其信而有徵也夫人張氏某某女孟津李大司馬僖平公之繼配也僖平公性至孝事封公連霞先生色養無違厥弟三人終身相友愛夫人實佐成之方僖平公之病革也公之弟烏程令請所囑公曰夫人而謂烏程

治古堂文集卷四

五

曰吾仕宦無私積業素薄子弟無析居理吾願為張公藝耳以是遺汝曹與世俗孰多夫人流涕與烏程受命垂五十年至今其產未嘗析云封公之配曰于恭人早卒所遺三子皆幼有在襁褓者皆撫訓於夫人封公卒夫人視三叔益厚明季歲大侵斗米千錢人相食夫人脫簪珥易粟以賙族人用存活甚衆其後賊陷洛僖平公與夫人偕居河陽洛民率渡河避賊衛兵懼有為賊謀者盡拒之欲渡者咸奔號倉皇望北岸無由達夫人惻然白僖平公使援之公遂以百口為質保欲渡者於是

渡者甚衆全活數十萬人順治十二年乙未僖平公卒於京師夫人扶輿歸

諭祭諸典禮髮而襄之無缺失者夫人既受公之遺訓遂共爨食婦若如僉無違言居久之有以指衆請析居者時念茲方少夫人召而命之曰小子識之爾父屬纊時目我而謂三叔父以張公藝相期其意蓋在我也吾聞兄弟鬩牆其變生自婦人爾父既為張公藝吾獨不如公藝之妻乎吾一絲粒未嘗入私橐婦若如共見之今老矣誠欲爾曹恪守先訓為世世子孫法也念茲謹受命卒同若

治古堂文集卷四

五

變如故辛酉歲復侵夫人更市粟給族人其後貯所償於公所擇族中謹厚者司之俾以時歛散如義倉之制云初僖平公之叅政於浙也時方未靖有故人毛公女掠於軍公贖以百金畀夫人撫之如屬裏焉又擇公所首拔士周召厚其奩而妻之後周知秦之鳳縣毛女封孺人衛人為高義圖志其事他如從子瑄姑子馬舉皆給田宅為之娶或衣食終身焉嗚呼夫人可謂知禮矣禮稱孝友睦姻嬉戲百歲中不過數年及壯而受室豐端日生

無私蓄無私爭者百不得一焉况富且貴者乎世俗無論已至若士大夫讀書明大義知念我同父幸矣一室之外邈若殊俗子觀兩河世祿家若李氏之推恩順達遠邇有序豈數數見哉夫人生於年月日卒以年月日子二長宗沆文學前夫人于太君出早卒娶王氏殉節娘夫人出即念茲也由廕生官至貴州糧驛道所至有惠政女一適某以年月日故僖平之竈而合葬焉禮也

銘曰是惟夫人之幽宮以利其孫子傳之無窮

將孝友家風纏綿寫出不異讀萬石君崔山南

傳也王崑綱

治古堂文集卷四

五

李孺人誌銘

嗚呼予讀大理李公所為其配馬孺人狀而增偉麗之重也禮凡妻之喪夫自主之大理狀其妻之內行而傳諸家乘禮也吾觀春秋內外夫人之賢者其喪葬必大書特書且不一書凡以教善而風世不但著其人之美行而已大理之為茲狀亦猶古之志也狀曰孺人姓馬氏為南隆巨族世有隱德父之駿以積學貢於鄉生孺人幼而端慧通孝經內則諸書孝友勤儉事舅姑能得其權中遭逆藩之亂避難山中險阻顛沛之頃未嘗一時失定

治古堂文集卷四

五

省也嗣執翁喪大理適疾病孺人以一身襄葬祭總總無失禮者及姑卒亦如之大理有異母弟先益幼失其所生孺人以卹嫂兼慈母撫之成立此其大節也他若勸買妾以廣嗣續立同堂子以繼宗祧是尤知大義矣其始于歸也即以力學遠大勗乃夫子曰勿以小喜沾沾自足也初大理仕曹南以民悍政尚嚴孺人徐進曰得情勿喜獨未之聞耶既而令大治益匱乏孺人竊喜曰是不愧清白吏狀所謂為人所不能為者以此孺人以舅姑之喪積勞致疾其後得丈夫子曰經庚午舉於鄉

早夭孺人哀之甚以故病且劇於康熙丁丑卒於
大治署之內寢距生年順治壬辰得壽四十有六
子男二長即經次綺為公從弟先鼎子孺人取以
為嗣女四長次蚤殤三適某四字某未嫁殤嗚呼
斯孺人所由致疾而增劇與孺人之疾也雖瀕危
猶日具饋沐庖家事不倦不欲以所苦戚大理大
理所為椎心而盡傷也大理既葬孺人有年於今
春乙酉以狀請予銘且曰必子也知吾意者其勿
辭蓋大理父嶽齋先生與先公同登進士而予與
大理尤莫逆以故避之又久而不他屬意若以予

治古堂文集卷四 誌銘

五

言為不妄者予讀是狀而增感焉昔先室王孺人
亦善事舅姑雖不逮馬孺人之賢而事蹟頗相類
予既為之狀而幽宮之石猶缺焉其有歉於伉儷
之義多矣公尚以予言為足重耶又聞馬公愛其
女艱於相攸因與嶽齋公善意默屬大理欲觀其
志趣乃佯使持刺謁博士官大理擲之地曰此豈
某所執業乎馬公亦器之遂妻以女子聞諸蜀人
云

銘曰漢紀列女晉時孝友古人既作莫為之後有
卓女士李氏之婦生相莊窮可守死相憐貴不負

佳城斯藏為之子壽

文法筆力無一不與古俱化固不待言獨作馬
孺人誌銘而大理公之品格性情一并托出即
作者一段伉儷之誼亦觸手發露豈非文章神
妙處銘詞亦直追周秦而上 李禮山

治古堂文集卷四 誌銘

五

石太君誌銘

嗚呼是爲先外大父王文安公繼室舅氏榮谷先生生母石太君之墓憶先妣生平懿訓所以教履兄弟者多親承之外大父或聞之石太君其言太君節孝尤詳嘗謂不肖曰汝外祖讀書無晷刻輟寢必夜分或復起坐達旦吾母馬夫人卒諸母惟陳太君與石太君侍側聞汝外祖稱說古誼未嘗有倦容及疾病予歸寧汝方週歲保母抱以前汝外祖奇汝相因命之字曰庶幾繩乃祖之緒小子識之勿忘我先人教計文安公卒時於今五十餘

治古堂文集卷四 誌銘

五

年矣先妣見背已二十有五年而石太君卒將葬舅氏命履誌其墓因憶所聞於先妣者合之狀皆不虛遂再拜而誌之石太君系出金陵嗣由銜籍徙大同祖介官山海關建昌營守備家中落太君年十五于歸外大父時堂上具慶咸喜家婦之得賢佐也馬夫人尤視如手足云流寇之亂外大父避地南下經桃源馬夫人病且不起屬外大父以太君任內主太君泣且固辭曰夫人待我良厚誓死不敢素夫人家法其謙抑如此先妣曰當金陵不守太君背負四代神主及影圖出煙燼中外大

父感且泣曰微汝吾無以見先人於地下蓋此圖皆外大父手摹心追而思成惟肖者也以故敬禮之終身不但不名而已狀謂太君好善而不佞佛勿不知書從外大父問字遂涉獵經傳能誦古詩賦課子不少假狀所謂慈母而兼嚴父信哉初舅氏之繼仲父副使公也遭家多難齟齬者實繁有徒其出繼也非太君意以族父邑大夫之請義不克辭今讀所爲狀若深有恫乎其降服而不得盡禮於所生者蓋守禮之謹而致哀之誠可以教孝矣先妣又曰汝舅出繼時仲父家已如洗非太君

治古堂文集卷四 誌銘

五

躬紡績以餬其口無以至今日嗚呼此舅氏所爲椎心泣血而有餘恫也與太君性至慈先妣卒後數年每見履輒泣以故不敢數謁太君生於年月日卒於年月日得壽八十有三以年月日祔葬於文安公之墓側子二無枝幼殤次即吾舅無愆號榮谷以正一品蔭改國子監典簿陳太君先太君卒外大母桃源疾革時與聞石太君任內主之命者亦稱完節云

銘曰諸侯無二嫡於禮有繼室猶之攝也不敢干其名而沒其實須繁蠶繅用不替其職天子之三

公視諸侯有加秩矣其禮則一繼室之賢夫人賴焉不矜不伐弗敢代焉千百年後地脈通天瓜瓞絲絲世象其賢

正大簡潔無懈可擊 岳鳳山

文境蒼老不假一毫粧飾此文之最真最樸者其立言俱得體要非老於文律不能如此命筆

李季

繼室之名本左傳聲子其義蓋主於攝嫡非繼嫡也凡室事不可虛故嫡沒卽以媵繼而攝之銘詞數語至顯明乃閨者多以繼室爲繼嫡則

治古堂文集卷四 誌銘

卒

篇中生母手足不名及銘中言攝等義不無可疑而其實不相悖也按魯惠公之嫡曰孟子右媵仲子生桓公左媵聲子生隱公右尊而左卑公羊傳已主此義卽春秋天王之賔生及仲子而不及聲子雖其禮濫竊而聲子之繼室非繼嫡益昭然矣仲子雖僭稱夫人而考宮六羽與祔姑廟舞八佾之故事實降一等在仲子尊而猶降名曰夫人而猶降豈聲子之卑而攝者反可以爲繼嫡乎但以繼室爲攝者之通名則志中銘中所指述皆通徹無疑義矣 男宣曾謹識

韓宜人誌銘

韓樞部維藩之母馮宜人既卒之明年夏樞部以狀請銘曰予孤於世久矣惟二三賢士大夫襄子龜勉職業使出有友朋之樂入而無內顧憂終其身不以富貴利達動於中者皆吾母之教也吾母性嚴正雖親戚姻婭不妄通往來凡不肖所交遊必問其爲人與其所行事以故謹我游息罔不於正乙酉之秋不肖當補官以母老遠巡弗就母曰行也繼乃祖父自奮於黜庸以養吾志可也今已矣罪莫贖矣惟是銘行之石敢以累執事予讀其

治古堂文集卷四 誌銘

三

狀而哀之曰有是哉維藩之孝也維藩與屈樞部鳳山相友善鳳山嘗割股以奉母維藩在京卽聞母訃毀瘠幾滅性論者謂屈天資高明韓則沉潛屈昆季五人多聞達於時而韓終鮮兄弟故凡事鳳山兩人學同道仕同官其行誼皆予所信服者是以知宜人之內行特詳狀云宜人先世有舜漁者官副都御史巡撫延綏遂爲著姓考琬妣羅孺人年十五于歸端州大夫善事姑王太夫人夫人卒宜人晝哭夜績一循禮法閨門內外極嚴肅有度每旦盥櫛畢命子孫入以次起居卽趨出詣

外傳非疾病未嘗卧見其子孫也與其如何夫人
相得無間言撫從子從女如已出收卹遺孤賑饑
施醫藥所全不可勝計初吳逆之未靖也維藩
之伯父中丞公治兵岳州遣倂間道至里爲募兵
資宜人遽出千金助之曰韓氏世受

國恩子幼我寡不能効力行間願以此序糗糲嗚
呼宜人可謂知禮矣禮國事視家者也夫人情莫
不私貨財較錙銖爲子孫計而婦人尤甚編氓無
論已士大夫讀書稽古亦鮮能解免者若宜人
義可不謂難乎維藩在樞部勤其官所與游多直

冷古堂文集卷中

三

諒之士鳳山其一也語曰非此母不生此子信夫
宜人生於崇禎壬午卒於康熙癸巳壽七十有二
子一鎮官兵部司務即維藩也孫三大澄大濟大
溥以年月日附葬於大夫元配張宜人之次亦宜
人所夙命者

銘曰是爲宜人之幽宮天之所錫地之所鍾博厚
昭明流慶澤於無窮貽穀孫子俾移孝以作忠

提出助金一事發論行文無平鋪之患通體亦

最簡潔 李季平

喬恭人誌銘

予嘗聞喬恭人之賢徵諸吏部侍郎李東生先生
而益信先生之言曰三晉俗尚儉鮮克中禮今代
東禮之家稱喬母衛恭人云恭人荷氏人朝議大
夫提督江西學政晉溪公妻刑科給事中紀黃先
生之母也父紹芳順治丙戌進士官浙江巡海道
副使母潘恭人恭人以康熙五十四年乙未卒於
家得壽七十有四子男七人長雲名字紀黃丁丑
進士由四川太平知縣歷官至今職次雲閣三雲
載戊子舉人雲書蚤卒俱恭人出雲見雲瞻雲綬

冷古堂文集卷中

三

側室南氏出女一孫男九溥芬甲午舉人溥棠溥
棠俱庠生餘幼孫女八人今將以年月日附葬於
卹城東原禮也恭人生而達禮善事厥父母能讀
書知大義蚤歲歸學憲公不逮事舅姑終身戚之
其事祖舅挺生公祖姑張宜人也極養志之誠自
生事以至葬祭悉以禮挺生公遭逆賊李自成之
亂破其家以忠義發憤死張夫人矢志殉之尋亦
死初學憲公之失怙恃也甫二歲鞠於外大父家
及長得恭人之賢相其家以有成克肆力於學丁
未遂成進士時外祖斗如張公已沒恭人既以禮

佐其喪葬始分宅以居躬操家柄矣其相夫也必誠必敬操家不遺餘力祭先祖一準家禮其教諸子也嚴而有方以故紀黃能其官其諸弟皆有聞於其鄉恭人之病也學憲數延醫恭人止之曰人生有命醫何能為我婦人也雖老詎可令他人診視耶甲午學憲卒恭人疾益劇論諸子曰勿作佛事勿用戲樂惟禮是式勿惑於世俗異說其知禮如此嗚呼賢矣自佛氏之害中於人心士大夫靡然從之儒名而墨行者往往以放誕為清高資其塵談而神奇之目六經為朽腐雖以唐宋諸大儒力詆之猶不克勝至其輪迴果報之說婦人信之尤甚予嘗作教統二論深言三教之非是紀黃獨好之今讀恭人狀乃知其學有自來矣紀黃於癸巳偕予典江南試其秉心與予同而研精析理不啻什伯嘗為予言母恭人性敏力勤六十年無一朝晏起者雖疾病必盥櫛端坐無倦怠色巫媼尼師禁不入閨闈嬉戲詬詈之聲不聞於耳時俗妖冶之態不接於目家故貴盛恭人嘗衣澣濯躬縫紵以先諸婢先大夫稱其識大體焉予既嘆恭人之賢又多紀黃之能世其家以顯親也遂因其請

治古堂文集卷四

墓

而誌之

銘曰不知其母視其子其鄉先生之言復如此大夫之政傳諸史恭人之賢可媿矣宜其室家象服是韡有縣瓜瓞子孫載起養其志匪徒以祿顯其親有詒者穀維今之人鮮由禮者榮華其辭以為美也由君子觀之賑其齒也孰若恭人之子孫狀以實不以文肖所生得其真卯城之原勒貞珉水滌河兮山嶸峴鍾厥靈兮護明神安體魄兮萬斯年惟善有慶今知天道之在人

於秉禮中抽出不修佛事一節闡發局陣有出

治古堂文集卷四

室

沒變化之妙歐公序事多用此法 受業周賓謙

叙次參差入古銘詞雅潔亦復一字不可增損

受業趙城儼

通篇以禮字作主叙次神似龍門中幅議論正

大精醇堪與昌黎原道廬陵本論並傳不朽 受業

張廷璠識

李太宜人誌銘

先王制禮後之人有緣情而益者其母服乎禮父在為母杖期父沒乃得服三年後代父母俱服三年至於生母亦如之所以曲體人子之情使得緣分以自盡蓋禮之旨嚴而之和者也澤州大學士陳文貞公秉禮之家也其嗣堯凱甲戌與履同舉春官履因父事文貞公公之文學治道有廬陵之水之風間命履代草具輒嘆賞不置手叙其官爵以畀之履或賣文為活必請公秩爵公不我靳且艱然喜曰是清貧柱史也吾成若志不傷我惠以

治古堂文集卷四 誌銘

六

故堯凱與予交尤深康熙丙申十月晦日堯凱之生母李太宜人卒於里門堯凱受弔京邸越明年丁酉以書屬予誌其墓予既辱知於文貞公與堯凱誼如同父若母猶吾母也其何敢辭命謹按狀太宜人世居金陵父斯龍世襲錦衣衛指揮太宜人甫壯時即以孝女稱善女紅習內則孝經手不釋卷若經生然初文貞公官京師元配王夫人謝侍翁姑以太宜人隨邸太宜人歲時寄衣履必手自裁製如式二十餘年如一日其後患咯血蒙御賜珍藥疾少差嗣以文貞公及王夫人相繼卒

傷悼盡瘁遂不起疾革時命移厝城南舊第避正寢也狀所謂生平事無鉅細一秉乎禮危篤時猶識大體如此信哉初予與堯凱得第時堯凱年方少文貞公王夫人與李太宜人具慶一堂堯凱官庶常丁丑其同母弟禮叙亦官太史衣冠簪笏之盛觀禮於其家者與有榮焉時予父母俱見背需次五年知山右之寧鄉阻絕萬山中視堯凱兄弟如天上人每恨不早博一第以慰先父母心今讀堯凱兄弟之狀太宜人亦以官滯京邸不獲親視舍殮為恨則夫人子之情亦安有所極哉惟緣

治古堂文集卷四 誌銘

七

分以自盡庶幾貽吾親以安而孔子所謂生事葬祭悉以禮者是為大夫之孝而堯凱兄弟之所得為者也復何憾哉太宜人生於順治甲午至卒日得壽六十有三子二豫朋字堯凱由庶吉士歷官禮部儀制司員外郎壯履字禮叙候補編修孫六師儉名儉崇儉豫朋出傳始傳嫺傳闕壯履出孫女九以年月日葬某阡別誌者變文以起例明太宜人之賢宜特書且以遜文貞公與王夫人也銘曰渡澤之源其流浩浩爰有佳城體魄是保生而順金相而玉潤沒而寧鸞伏而龍行子孫繩繩

詒所生以令名善承考乎文貞後有知禮者視此
銘

通篇以禮字作骨章法真如貫珠後幅纏綿排
惻一氣膠粘不斷歐陽十學司馬子長而得其
神髓其筆妙不過如是 李季平

汪孺人祔葬誌銘

嗚呼悲哉予何忍誌孺人之墓也孺人爲舅氏參
政公副室與嫡汪恭人皆有苦節以終而孺人侍
巾櫛之日尤淺遭夫若子之喪以一身茹荼集蓼
者幾七十年壽八十有六始克俾厥孫成立上報
參政公弛厥擔負譬之貞松生於危巖土石不完
斧斤伐其巔流水啣其根孤根半生半死牧樵侵
以大卒能亭亭青立是斷是遷而成雲構無傾圯
焉非天下之至堅其孰能與於此予爲其館甥五
十餘年今病且老矣心傷往事涕且無從又何忍
誌其墓哉顧兩孫元伯元叔不他屬而屬予者以
予知其懿行爲悉且性不好諛也其狀曰孺人洛
陽人父可法事繼母以孝聞年十四于歸參政公
外王母馬夫人見之喜曰此婦有至性宜久享厚
德者事汪恭人惟謹崇禎辛巳李賊陷洛陽馬夫
人攜家南避家人爭匿金帛孺人曰吾焉用此以
賈禍耶獨取五世誥軸及田賦籍以行其知大體
如此

皇清鼎新參政公分巡平陽值姜襄之亂圍平陽
急參政公守且戰授絕勢危孺人躬爲煮蒜以啖

守者俾家壯夜絕而出間行請援援至與叅政公并力夾攻屢戰勝遂平之賊所係累子女悉訪所親收視其貧且死者施櫬及衣時文安公以祭告入秦汪恭人迎侍於里門悉孺人內助之力云未幾公擢山東叅政而文安公卒公以戰守勞瘁兼之哀毀未踰年竟以疾終時叅政公未舉子孺人方娠王氏大宗不絕者如綫叅政公弟太常公哭禱於關壯繆廟願損已子以延兄嗣及彌月果得男是爲孝廉公虞來而太常公次子墨卽乃殤初叅政公被無子夢神人曰公在平陽所活人不啻

治古堂文集卷四

卒

億萬宜有子惜公不及見卒如其徵云汪恭人既卒虞來以庚午捐館孺人痛幾絕既而悔之曰死易耳如此藐孤何遂忍死自強復以教子者教其孫及兩孫成長孺人顧而喜曰吾於汝家三世可謂無負矣嗚呼賢哉方叅政公之卒也孺人年始十九歷三十年而汪恭人卒未十年而虞來又卒又三十年而兩孫始壯世稱麻姑三見海水清淺其說近誕以孺人觀之其遭時之盛衰何啻滄桑世所傳者殆此類及其避亂也攜重籍以貽厥後與蕭相國入秦獨收圖籍何異嗚呼賢哉孺人遭

時孔艱少壯乃多疾及老而反健行不曳杖修於丁酉七月朔五日無疾而逝其生則崇禎八年七月十二日也子一之鳳丁巳舉人字虞來孫二醇殺需次知縣遙殺乙酉舉人卽元伯元叔也孫女四曾孫三曾孫女三以年月日附葬叅政公之墓銘曰是爲孺人之宅佳哉地脉厚哉厥德山崩劣石疏泐萬年孔固觀者生色曰是有心之松栢宜書列女冊

治古堂文集卷四

七

屈仁山先生詩

嗚呼古有厚德享大年長材躋貴仕者蓋理數攸
同而天人一致也若夫植節殊邈抱志孤貞彬彬
然文質之器渢渢乎風雅其才敦行誼於彝倫克
家惟肖矢寤歌於金石任道斯宏而或年不酬德
仕未量材遂使風流銷歇芳華掩抑非所以表末
俗式來茲矣仁山先生嵩洛碩士也稟性清剛負
姿完粹異不忤物同不失已正道直行則里人之
畏彥方也有美含章則學者之服叔度也樸而彌
華默以勝辯其大致然也至其孝友因心體用克

治古堂文集卷四 誄辭

七

濟有可得而述焉當前朝運際陽九炎銷火七王
父給事公以家國艱危忠義憤發母喪妻柩塗殯
殊方將乘宗慙之風卒嘔孔明之血擊楫無人隕
星堪悼先生時方舞勺言輒雪涕遂相嚴君克襄
大事星鉢水宿重趼椎心卒使牛眠克卜馬鬣成
封可謂孝矣既而止居舊里疆理先疇昆弟無尤
盡屬河東之鳳室家有範益榮田氏之荆乃集同
人式遵古訓爲文務去陳言韓退之安知非笑咏
歌取其會意王無功不事唱酬行高而蒿華無階
志潔而冰霜可挾所謂允矣君子永懷不忘者與

加以祛僞葆真畏榮樂志故舊不棄座有素心之
鄰鐘鼎何加目無炙手之談天爵自貴家人忘貧
斯有難焉者矣晚登賢書未竟大志抱影空廬嘸
神正斃渺矣人琴漠然山水卒年六十有九子男
四人皆有父風克承家學遺命稱家而葬式禮莫
愆衣衾豐於黔婁著述付之侯芭道則早聞學猶
未已同人悲窮泉之將啟懼潛德之失傳盱目而
衡潛焉出涕嗚呼哀哉昔者中郎議公叔之諡光
祿諡靖節之行前事之不忘後死者攸責也春秋
之義諸侯稱公大夫稱子三代而還王官比五等

治古堂文集卷四 誄辭

七

賢人例三事或循國典亦出學徒苟有當於徵實
均無忝於易名夫學克惟實無吝無驕不亦貞乎
言出爲章有倫有脊不亦文乎用是私諡曰子冠
以貞文庶足以闡幽光昭義問焉

諡曰稽古有訓清和殊軌曾是孤特而克備美異
以協同行斯不詭春煦秋肅四氣居體我之懷矣
淑人君子

其二曰達道任運仁心爲質太璞自完焉庸彫飾
學攻問研天苞迺植成是章相永言矜式
其三曰民有秉彝大倫其首國有令人範茲羣醜

永世克孝因心而世而遠萬彙咸朽維斯懿
德旨嘉子口先民有言可大則又

其四曰天地大文斯不可舒稱量而予器虛則儲
維是偏心才盡德孤孰恣於川有源斯疏既瘠爾
生惟道之腴攜歸於地尙鑰清都

其五曰嗚呼曷歸食有巨室百歲之後蹈者孰立
形返山川神融金石光靈熠煜長夜如日和氣淳
源永貞固植嗚呼哀哉

昔楊仲武名德雋才陶徵士清風高節潘安仁
顏光祿爲之作誄其品詰卓越文章典麗輝映

冷古堂文集卷四

誄

人間仁山孝友端醇聲稱溢於嵩洛元素侍御
諫其行誼闡發潛德詞旨俊逸人與文均堪不
朽誰謂古今人不相及哉李惕園

仁山先生道彌義標直逼古人蓋棺易名宜垂
來世郭林宗之碑中即自云無愧孟貞曜之諡
昌黎咸謂不阿文既有徵言必行遠信哉具美
允矣並傳白馬素車空悲范氏之夢矣雞絮酒
未遂江夏之行披讀輓章如覩先友神傳筆底
豈止虎賁肖形銘勒塚傍足爲馬鬣生色若夫
癖同陸羽卒無毀茶之篇興似少文時有臥遊

之趣雖無關於全體亦何妨於件排聊附紙餘
用資貂續○五誄古奧似鐘鼎銘詞昌黎臨川
後人不覩此奇特劉青黎
參元和以前體文品最貴誄詞亦復古雅沈確

冷古堂文集卷四

誄

劉山蔚先生誄辭

嗚呼大雅云亡予何自淑誰其矜式我多士而表正我民俗予既概觀乎往古與當世之達人孰有才而不彰孰有學而無聞將振拔乎汚塗亦跨騰乎風雲播顯名而獲厚實附鳳翼而攀龍鱗使聞者赴轡而川驚見者望景而星奔終則歸零落於山邱遺華屋與朱門絕聲施乎閭巷私囊索於子孫如斯而已矣若夫蚤歲聞道楚而不衰志尹學顏步矩行規將進窺乎性命不求工於文辭爲人倫之師表惟學者所依歸生順沒寧久而見思惟

治古堂文集卷四 誄辭

七

先生有焉先生爲人力行好學惟敦倫於孝友匪縈心於好爵雖世祿其家而志厚身薄雖巍科蚤掇而寧靜澹泊其筮仕也一琴一鶴其歸隱也一邱一壑愛篤於兄溫公之事伯康也義服乎鄉里人之畏彥方也其嘉言懿行潛德幽光邑之人知

師資而慰趨陪體牲既載絮酒既陳一言未訣傷哉斯人

亂曰先生之德兮守貞舍一先生之言兮謝華歆實先生存兮老而不衰先生沒兮壽之金石梁宋之間兮世有聞人離類絕倫兮先生無與羣日在中天兮月在水先生之心明明如此高山流水兮知音難千秋萬歲兮來者可俟

氣古詞雅今之作者罕有其匹 劉仲旭

治古堂文集卷四 誄辭

七

王虞來誄辭

嗚呼虞來其何歸自今以往吾孰與言曷自律而誰與賞奇斯吾疑豈稟命之不融抑天道乎無知將福慧之難兼而發英吐秀其宜遲耶君爲吾舅氏之元子先文安之冢孫惟先人累德以滋大用垂裕乎後昆蚤歲下帷役志典墳既蓄既博發爲雄文弱冠而鄉舉高大乎厥門謂宜掇杏林之一枝搏羊角而萬里登石渠官太史攀翼鱗攄首尾鐘鼎而祿是崇金石而功是紀源遠流長未見其止也胡爲齋志以沒不竟厥緒銳於發軔鈍於進

治古堂文集卷四 誄辭

六

取貌焉諸孤焚焚舊宇天乎天乎匪善局與靜言思之涕零如雨君也未生而父見背惟兩寡母是依獨身孤立伶仃可悲成童克孝色養無違其於兩姊也斥財之餘爲嫁之資厄匪擊悅惟厚是期君之天性孝友如斯惟聖有言仁者壽之今也不然予故疑天道之無知也履之母君之姑氏君之長姊又履之伉儷也慧而無祿賢而蚤世猶憶子之悼亡在丙辰之初歲爾時子與君執手推心仰天流涕會幾何時而吾母以卒外君姑亦繼逝子過而吊君在喪次哀毀骨立奄奄餘氣今吾兩人

之先人皆於我乎見棄承先人後而敦親戚之情者惟我兄弟矣慶弔相恤疾痛相呼文章相析行誼相扶君之率也上有今太孺人下有二孤母老子幼空堂寒廬盡哭則寡母哀夜啼則弱兒呱呱痛人生之若斯君豈能瞑目於黃壚向使君質本中人生而魯鈍於人無一長文辭不能訓將庸庸者多福碌碌者無憂或者三公之位可立致而百年已分乎然吾見夫世之生有異姿長際泰運終身逸樂而富厚者無盡也則吾所云福慧難齊而英發宜遲夫豈可盡信乎且吾聞之宇宙三不

治古堂文集卷四 誄辭

七

朽立德立言由乎人者也立功由乎天者也古之聖賢於斯三者以德爲先德莫大於孝弟是爲天地之本原惟積中而發外不得已而有言若逢時而際會斯建業於人寰君其有二而缺一亦可無憾於九泉况畱餘緒於子孫將裕後而光前實奕世乎載德可以當君之大年

亂曰采藻兮河濱穆將逝兮君之靈靈歸來兮升堂看菲菲兮芬馨刻咸集兮宗親執素紼兮戒行千秋萬歲兮此別君無言兮傷予情

感慨嗚咽讀之惻然動人 李季平

王樂齋先生誄

嗚呼兩間消息生則有死自古聖賢誰能免此惟
三不朽立德由已功則因時言以章理樂行憂違
與之終始嗚呼先生少若性成長而知學陳史橫
經天心陽復月窟陰盈植本窮源用達體明上規
史遷下至歐陽提要鉤元綜目挈綱手不停披口
不輟誦發爲文章鸞龍吐鳳才固其餘學如未及
維日孜孜窮年矻矻緬維太原瓜瓞實繁累葉甲
第羣仰高山先生得第乃在中年金聲擲地摘藻
挾天藹藹吉士遂司諫垣夜草封章朝達皂囊明
通國體論事尤詳嘉謨嘉猷入告不遑雖曰焚草
名則孔彰

治古堂文集卷四 誄辭

今

帝曰若臣獻納維良晉位列卿用勵官常及爲罔
卿羣僕咸正廷尉稱平矜恤民命爰副蘭臺霜嚴
栢勁解身觸邪屈軼指佞藉曰和同匪其本性乃
佐大農則壤攸定嗚呼先生一代偉人心知有國
智不謀身嗚呼先生作忠移孝過則歸已功何敢
耀無平不陂時乃天道雨露雷霆無非至教以茲
精白將復清要夫何幽憂以慝自引誓心日明流
涕霜隕若孤孺慕冀親惻隱離思日深成此疾疢

遺命不亂厚志薄躬衣衾布素馬鬣旋封自知者
英自勝者雄理數盈虛千古在胸嗚呼哀哉人亦
有言萬華咸腐何儉何豐終爲黃土白楊多風青
松若雨百歲斯藏有懷誰語人亦有言賢不但化
昭昭白日悠悠長夜如覺有寐若秋代夏義馭疾
奔孰能間暇嗚呼先生逝矣吾誰與歸惟老成人
庶其企而追維曩昔夢想容徽嗚呼哀哉終始之
道風所攸聞草薶於冬乃生於春克家報國厥有
後昆庶幾繩武慰乃幽魂采采江蘿難絮載陳九
原此別萬古心存

治古堂文集卷四 誄辭

八

哀輓之中妙能寫難言之隱如大羣識

家星石先生誄辭

維四岳之苗裔兮，胙姓氏以弓姜。溯礪溪以釣國兮，太師載啟夫周疆。丹書陳而謨謀兮，奚啻頌大鷹揚。賜四履於青齊兮，越百世其彌昌。哲人曠世而挺生兮，爰篤慶於先生。^叶儼少成其若性兮，乃積學而通六。既有嚴而祇敬兮，亦克類而孔明。^叶孰有善而不聞兮，孰有蘊而弗彰。彼媚澤與輝山兮，珠玉不終於深藏。矧先生之嘉德兮，稱國寶而永臧。爰教家以施政兮，惟孝友爲典常。羌試宰於下邑兮，晉蘭臺而亞卿。^叶矢精白於乃心兮，銘竹帛而有光。詎鐘鼎之足榮兮，要奕世以傳芳。志澹泊而寧靜兮，躬壽愷而第康。吾聞以死勤事兮，曰民譽與國良。惟生順而歿寧兮，夫何憾乎彼蒼。乃公卿及僚案兮，咸致誄而哀傷。國輟春而巷哭兮，好懿德而僉揚。矧葭莖之一氣兮，庇萬藟而延長。弔孤子於苦幽兮，勉饘粥而載嘗。憶執手而永訣兮，噬古處而勿忘。感弱植之匪材兮，勞造化之無方。謝朝華而啟秀兮，日孜孜其弗遑。望松栢而仰止兮，陵茗引而高張。景蘭荃之馥郁兮，葵雖微而向陽。思竭志以希賢兮，豈徒誦其文章。敦同姓之

治古堂文集卷四 誄辭

三

睦嫻兮予心敢異乎存亡

辭曰：先生生兮天儲其精，先生歿兮岳歸其神。處而學兮以史以經，出而仕兮爲德爲民。返其真兮乃休，吾身千秋萬世兮稱老成人。

復爲招魂之亂曰：魂歸來兮中庭，望青齊兮啟行維。哀麻兮在列，咸同姓兮宗盟。汜崇蘭兮光風，春浩漫兮春容。魂往即乎幽宮，哀吾人兮無窮於邑。侘傺兮吾去此，其誰從拾瓊珮於渭濱兮懷敬義於先公。

俯仰感慨屈騷之遺 張柳麓

治古堂文集卷四 誄辭

三

程夫人誄辭

嗚呼夫人以一身而兼婦德母儀之全者也教子相夫誼高節著生被翟褱之命沒垂令德之光書以彤管咏之清塵終始之義可以無憾矣夫古之稱婦德者曰郝曰鍾頌母儀者曰陶曰柳載在前史昭於後來夫人生自名家長聞女誡靜容淑德習禮明詩組紉織紵之事既嫻以工酒漿滄澁之勤惟孝且惠其于歸我父執大功先生也韓姑相攸右軍坦腹惟兩河之世家乃二程之苗裔聞難戒旦叶靜好於琴瑟鳴玉出房奏和平於鐘鼓屬

冷古堂文集卷四 誄辭

四

王師西下之時適君子立功之會賦樹萱以果日執銳方驅歌采綠於終朝報弓待狩惟我大功先生學擅孫吳勇兼顏牧金戈雪夜擒元濟於蔡州鐵馬秋風殲隗囂於隴右嘉茲茂績佇晉元戎妻以夫榮錫龍章之錦製我褱子佩加象栴與玉璫女宗作範婦道遠聞矣泊乎抽簪浴水吉甫燕來鎬之師捐館金門孔明罷出祁之計克修諸郎君咸振家聲式遵慈訓畱賓不必截髮勸讀亦用和九蘭臺著述孟堅姁美乎玉關新息勲名伏波將標夫銅柱諸孫皆蘭茁桂叢雲興星聚提戈取印

卜威烈於他年繞膝含飴娛庭闈於此日母儀之盛又何如耶履先大人義交八拜情協同聲始則若常何之識馬周共安危於花縣既而如高瓊之遇寇準決策畫於栢臺履也久困琴書浪遊梁宋猶子之誼缺然徒齎鏡具盥獻之心願若敢卜維牲爰從諸子後敬致誄焉

誄曰夫人之德柔惠且慈子子孫孫式穀似之婦順孔昭母儀可師靈爽何歸羣玉瑤池牲牷既載桂酒蘭飴驚車象服靈其來思

冷古堂文集卷四 誄辭

五

王太母誄辭代兄文敬

嗚呼太君葬有日矣生平淑德將於是乎傳子孫載之家乘鄉閭式爲女宗年至期頤後嗣咸成立克世其家生人可願之事亦既備矣太君生順而歿寧復何憾乎予觀前事若公父文伯之母教子勞逸仲尼稱之姜士游之妻龐氏善事其姑范史載之太君早歲于歸文學公舉案相莊事姑吳太君以孝聞及文學公卒太君和丸斷杼教諸子力學文行著一時仲子呂倩以壬子舉於鄉司教湖南人材多所成就有安定之遺風今將一行作吏

治古堂文集卷四 誄辭

全

行道以顯親焉太君以一身兼婦道母儀之範可不謂賢乎歲二月予授武昌令呂倩亦以博士官授河南之澠池去敝邑不及百里即擬草次郊迎咨訪楚鄉風俗及民所疾苦設施宜何先者遲之又久不至予亦徂暑邁征至所治乃知呂倩以太君卒君憂矣嗚呼悲哉夫人子承嚴慈之訓以有寸尺之階而祿不及親誠可痛也毛廬江捧檄而色喜豈重安陽令哉爲母故也予方幸呂倩之獲以祿養其母而自痛予二人之不及待也孰知呂倩之痛其親之不及待即在捧檄色喜之日乎雖

然呂倩固能爲志養不必以祿養也太君之得於天者不可謂不厚有德者不必有年而太君兼之即呂倩兄弟之所以事其母者亦可以無憾矣夫式賢者廬表其行誼以孚化一邑固有司之事也況予與呂倩所宜兄事者乎因以不腆之薦弔諸孤而致哀辭焉

辭曰魂歸來兮楚江之湄經堂入室兮忽然忽疑采采芳薌兮沅芷江離孝子思成兮几筵是依入而不言兮出亦不辭總總離合兮天路雲旌賓客具列兮疏其令儀萬有千秋兮式孝式慈

治古堂文集卷四 誄辭

全

劉太史室黃夫人誄

嗚呼天地之道健順爲德氣有始終理無消息稽古列女淑德作式以順承乾柔嘉維則猗與孺人習禮明詩班誠既嫺內則無違執其女紅效績惟時伊厥賢父爲姑相攸以德以才曰嬪於劉往事君子淑女好逑維彼夫子實天下士學貫六經淹洽百史鉤元提要抉其精髓三冬已足今聞日起文采不矜遑慕青紫曰子有母樂茲菽水孰其相予晨昏是依孝哉新婦先意聽視搔摩扶持與親一體而今而後無憂甘旨有呱者泣前室之子既

治古堂文集卷四 誄辭

六

獲賢母如屬於裏詎憂單寒孔樂咸喜夫子之家非富非貧量入爲出中饋有人賓筵則豐自奉適均儉爾邊豆兄弟以羣三黨九族令德咸聞夫子曰善可出而仕既登甲第乃官太史妻以夫貴袞珮可俟書來相勗勉事

天子勿顧爾家我之責矣夫何蒼天不我能嘉斫碎明珠委棄瓊花大造無情遑恤其他嗚呼哀哉荀倩神傷潘岳悼亡豈惟鍾情用惜其良望廬思人入室徬徨遺挂在壁光嚮茫茫夫子有母孰與扶將夫子有子衰麻成行匪哭其私令德不忘用

慰鼓盆式歌爲誄惟德惟賢謂之女士與風同流不隨化止先生奚悲孺人不死

治古堂文集卷四 誄辭

允

李恭人誄辭

維乙酉三月既望呂室李恭人之喪塗殯東山訃聞北邱奉倩乃傷安仁是悼情之所鍾賢者不免況夫思奉先之孝蘋藻誰將廣裕後之仁徽音難嗣者哉於是家大夫為位於庭加杖而哭二子作哲作肅擗踊弗寧哀號無數總總爾皇皇爾祖而俟夫哀經苦以繕其居廬已乃設帷帟具書帛徧訃同朝以次受弔期至禮成其宗人某某序以班者咸在列焉禮宜庀其不腆辭無解於少文乃進而唁於大夫曰恭人不死大夫勿哀夫禮以告虔

治古堂文集卷四 誄辭

李

儀以章物質文適均朝夕不懈輝庖執事思內主之賢薦紳先生增伉儷之重存者識人生之始終歿者歸巨室而寧順於是乎無憾於內外而可詒厥子孫且大夫嘗疏恭人之行矣少成若性內則克嫻事其姑堂上稱佳婦和其如閨中無間言正似續之統不紊厥宗推樛葛之恩能逮其下生非所生愛浮所生焉死非所生哀浮所生焉是則慈孝之相成和順而致祥者也雞鳴戒旦鶴署離居望點蒼而如石欲化溯昆明而誓井無瀾執喪則附棺附身代所天以無悔待賓則脫簪脫珥相乃

夫以有成感臥泣之時衣無加於輦翟憶賃春之日食不改夫鼎牲三肅貍封屢辭卹第齋無妨於太常書亦超夫京兆既先施爾族任卹睦嫻仍周急凡民方舟游泳是則倡隨之相助黽勉而同心者也夫何性不延命年不酬勤屢計鹽齏尤慮宦途空橐頓驚藥餌更傷子舍哀絃寸丹既竭閨中盡瘁於苴荼尺素方來天外蚤知其淹忽恭人之為德也厚矣恭人之食報也薄矣嗚呼女宗既失閨範宜傳師氏可徵抽彤管於此日史臣列傳書青竹於他年異日望廬以思其人入室而想所歷

治古堂文集卷四 誄辭

九

玉琴絕靜好之音象服渺山河之度形容斯在光響安存尤恐大夫之銜悲無已時也然恭人嘗禮瞿曇自能覺悟不生不滅是乃謂之解懸如寄如歸夫何有於怛化斯非儒者之雅言或冀達人之曠識者與復唁於二子曰凡喪敬為上瘠為下古者服以替明有父也中制俯而就示有終也滅性斯傷勝喪乃孝吾敢弔矣子其圖之於是大夫肅而立二子稽顙於次止其哭而聆夫誄焉其辭曰瑤池杳兮雲蔽其巔滄海遼兮風引其船之人之生兮壤則有泉之人之死兮德以為年月

繼日今光無偏生相莊兮死相憐百歲爲期兮幾
何而不延乘化歸盡兮終古謂之然
即叙次處寓章法古貌古心在諸儷體之上
荆高襄

治古堂文集卷四 雜辭

九二

治古堂文集題目

卷之五

墓表

王汲公先生墓表

張公葆孺墓表

贈檢討張公墓表

行狀

先室王氏狀

祖庶母節慈楊太君狀

先孺人狀

治古堂文集卷五 題目

先府君行狀

先兄素園先生行狀

書

復黃朋梅書

與友人書

與同年袁紫臣書

上韓慕廬學士書

再上韓慕廬學士書

寄吳街南先生書

再寄吳街南先生書

與同寅顏愚亭書

上座師徐大中丞書

上學憲汪文漪先生書

復胡子明書

復裴淵公書

答族舅王廉夫先生書

與王崑繩書

與張給事書

與山中親友書

復朱淨私書

冷古堂文集卷五 題目

二

復徐子文書

像贊

張北山像贊引

李穆菴像贊引

王先生像贊

題吳逸少小像

附公牘

寧鄉觀風約

季考約

奉天觀風關文

癸巳江南典試誓辭

癸巳江南典試告示

冷古堂文集卷五 題目

三

王汲公先生墓表

人倫之常非見名之地也。臯夔不以孝名，元凱不以悌名，非無名也。而名矣。龍比名忠，閔子名孝，王覽名悌，皆值人倫之變，為人臣子弟者之大不幸也。若夫躬行之士，循循焉率其故常而積誠乎於邦家，非至性淳德合乎大中者，不能故君子尤尚焉。王汲公先生名潔，字清盤，直隸大興人。父世德，號中齋，世襲錦衣衛指揮僉事。崇禎甲申之變，引佩刀自刎，家人格之遂避荒，不復出。配徐恭，人生潔繼魏殉難，率家人十七口投井死。再繼蕭，生源，潔性至孝，事蕭恭人如所生。母母亦不知潔之爲前子也，課惟嚴，戚媼欲間之，予之食而拊其背曰：「兒母非若母也。」日苦若弗恤，若何辜因泣下，潔艱然投箸起大哭，入呼母，母應聲墮，母驚問故，氣急不能語，且哭且訴曰：「某媼不仁，謂母非兒母，後母也。天乎！是何言大傷兒心。」母相持哭，媼聞之大慚，由是中外無間言。蕭恭人卒，潔哀毀幾滅性，寢苦由踰年，嘗於悲風落月時，撫棺嗚咽涕泫，泫交下，或夢中長號，覺忽哭，庭烏盡驚起啼啞，啞相和聞者哀之。先生自爲兒時不

治古堂文集卷五

墓表

五

好弄儼若成人。初入塾師授書，輒誦已復，請師曰：「姑俟明日對。」曰：「今日何爲師大奇之年？」十二補弟子員，試輒高等。及從梁鶴林先生遊，遂志正學，棄諸生不復試。鶴林先生者，名以樟，清苑人，崇禎庚辰進士，知河南太康縣，調商邱，爲人慷慨多大節，學兼體用以殺賊，著名不主撫議者也。明亡避地寶應，適中齋公南遊，先生兄弟因從學焉。先生事父先意承志，偶不怡必慙慙自訟，終日必愉悅，乃已。課弟源尤嚴，或子杖則泣曰：「吾敢忘母氏臨終語耶？」以母未葬，不議婚。河南巨室孟氏有女美而才，願厚資歸先生。先生力却之，年四十始娶。人比之阮宣子，云避難殊方，所志不獲就鬱鬱成疾，歲辛巳卒，年五十有五。配楊氏，先卒，無子，以弟源子兆符爲嗣。先生學本彝倫，孝友不愧古人，寧都魏叔子爲三恭人傳曰：「潔言聞人稱後母如刀刺心。」鶴林先生曰：「王生真古孝子，吾不忍譽其爲孝子，恐傷孝子之心也。」可謂推見至隱矣。著書不襲成說，嘗以書與春秋相接，而詩緯其間，著三經際考六十卷，學易經濟編論列史事，雜引易象以斷之。若韓詩外傳體，凡二十卷，消盤子集六卷，初明之

治古堂文集卷五

五

未亡也中齋公欲陳國家四大弊不果及京師陷
鶴林先生奔江南與閩部史公議守兩河以蔽江
淮亦尼不行兩公之忠義同遐荒以死同嗚呼是
父是子師友淵源之誼豈偶然哉宜其母子兄弟
間慈孝友愛之相成而幾微無憾非若祥覽值人
倫之大變不幸而有名者也源字崑繩爲人洞達
磊落有經世才忠孝大節無愧其父兄先是蕭恭
人旅殯高郵先生歿與楊孺人亦禁葬其旁中齋
公北歸卒於天津源卜葬京師羊房店之新阡乃
扶蕭恭人並先生夫婦柩還里丙戌三月戊寅合

治古堂文集卷五 墓表

六

葬中齋公與三恭人而耐葬先生夫婦於側以狀
請予表其墓予讀其狀嗚咽流涕數四不能成其
情詞惻惻動人蓋實錄也久之始按狀爲之表其
家世中齋公表特詳茲不載云

情文兼至動人惻隱 劉喬南先生

神似西京 張內正

以孝友作骨而歸宿在於正學故整整斜斜段
落變化入古細按其中條理正自井然一絲不
亂此必傳之作也 李季平

張公葆孺墓表

嗚呼此有清節士張公葆孺之墓也予嘗聞公之
行事不獲見其人其孫漢出吾門讀所爲公狀慨
然想見其生平未嘗不激昂奮發興起其志氣而
嘆士節之不可不砥也公諱良伍葆孺其字也又
字允侯號黃石其先蜀之巴縣人始祖均德爲元
明威將軍入滇家石屏州世有隱德曾祖汝橋舉
鄉飲大賓祖煜然歲貢生官訓導父一甲明崇禎
庚辰進士累官太僕少卿贈大理卿妣王淑人公
生而岐嶷篤學有志尚入郡庠食餼性善飲可一

治古堂文集卷五 墓表

七

石至醉則豪吟睥睨旁若無人教子若孫講讀遵
大理公家法不履公門士以此重之吳逆之變
健僞號開科趨仕者如鷺公避居山村中飭諸子
勿應試僞有司逼之力告養母不出後五年王淑
人卒論者高其節且服其先識云今夫平居談節
義章縫輩類能津津齒頰間或語及逆節輒裂皆
詆詈不使齒於人此非必盡僞亦天性然也一旦
時窮勢迫搖搖然視其身如懸旌惟風颺所左右
齷齪者無論已即一二自好者亦不克反衆獨立
皦然自拔於塵垢之表然則士之克以節見者鮮

矣至若分符守封疆爲天子死其職如顏魯公之使李希烈段太尉之擊朱泚前史亦難之況以天末儒生去京師萬里宦籍未通身家可念且際乎顛沛之頃者哉予所以表公之墓不禁三致意於士節之難全也公年四十應明經至七十恂恂如黃穉嘗以善退爲學志不欲上人若無有甚異者顧其於忠孝大節確乎有不拔之操而天亦若善佑之俾其兩全無遺憾非積善有餘慶者而能若是乎往聞吳逆變時甘忠果公文焜及馬文毅公雄鎮先後皆致命遂志至胡尚書兆龍初爲漢中

治古堂文集卷五

八

副使道聞難時匿其印於稻畦身爲酒家傭卒用自晦以全臣節斯亦奇矣易曰過涉滅頂不可咎也曾子稱臨大節而不可奪若忠果公三人者或以死事成仁或以匿身免亂事不必一轍然皆表暴於世荷

國家殊恩封馬鬣晉通顯可不謂榮焉若我張公一介砥節不求聞於當世世亦鮮知之顧使其名湮沒而不彰非後死者之責哉公生明天啟甲子卒康熙戊寅得年七十有五葬鄉飲公墓側卒後五年始授南寧訓導配許氏有淑德與公同穴子

五人德宿景宿吉宿台宿元宿女一孫十二人自景宿出者曰漢

萬壽科進士由翰林院庶吉士授檢討嘗爲予述公軼事乞表其墓且曰公承家五十年不替先德易簀時謂子孫曰吾乃今然後可見吾祖若父於地下矣其守身以事親如此嗚呼此其所以爲節士與

發潛德之幽光文亦光燄萬丈如紫氣在斗牛間使張茂先見之應識世有此文泐石在邱壠中也 田克五

治古堂文集卷五

九

提一節字爲主反覆發明眞足以警頑起懦可歌可泣至氣味之蒼雄議論之慷慨結構之謹嚴逼真一則韓文 受業趙城識

感慨淋漓音節悲壯存其文有關世教有補國史先大父得吾師以傳死不朽矣 受業張漢謹識

贈檢討張公墓表

辨士品者先觀其志志乎道德者功名不足動其
心志乎功名者富貴不足移其守其大較也自科
舉之學興而志乎道德者鮮矣即其所謂功名者
亦有異故程子謂其妨功奪志而謝上蔡問科舉
之利則正辭闕之謂學者當忘富貴利達之心賢
者之志概可見矣顧三代而後類多真儒非科舉
則莫由自達程子又云孔孟生今亦當應舉然則
科名何負於人哉顧自命居何等耳張公景宿字
映微號復萊雲南石屏州人祖諱一甲明崇禎庚

治古堂文集卷五 墓表

十

辰進士官至太僕少卿贈大理卿父諱良伍歲貢
生母許氏公生而韶秀篤行力學垂歲入邑庠食
餼於時稽古窮經根極理奧矩步於先民遂以制
舉業知名鄉郡凡六上秋試不售居常敦孝友飭
廉隅寡言笑不妄交遊於讀書課子外泊如也兼
工行楷書做米南宮法惟肖嗚呼公之志可謂勤
矣今學者自束髮受書即思策高足游天衢雲蒸
龍變排金門而上玉堂意氣揚揚志乃大得也至
問其所業一切皆務為柔韋習見語以冀主司之
易識而疾售之一旦於是平度置經史以為不利

於科名即有賢父兄亦不免乎時俗之見此其志
可知矣而又安論其器識之所成就與其建豎於
他日者奚若哉公惟所志者大故不苟為炳炳烺
烺以倖其名之速成而有司亦卒無知者信乎其
有命也夫公之將卒也囑其子曰吾幼習舉子業
工於學古而不工於逢時以故數困於有司不克
博一第以繼先緒今齋志以沒無悔也幸守吾所
業無更張焉世必有知音者又自度吾生平無大
過天必祚吾家小子勉之公卒後八年戊子漢舉
於鄉又五年癸巳成進士授檢討

治古堂文集卷五 墓表

十一

勅贈公如其官識者以為公積學之報云配孫氏
勅贈孺人舉人孫申之女善事舅姑處婦如能
和性聰慧當公課子時所授經書皆默識而心知
其意能為其子訓之公生順治丁亥卒康熙庚辰
得壽五十有四葬祖塋左崗孺人祔焉子二長即
漢也次英庠生女一適生員何其侯孫六人中熊
丁酉舉人餘庠生漢字月樵雲南所拔士
也性淳厚有志尚所學亦究經理與與世之柔韋
者不類既官檢討與同郡趙城共居第行業相切
劇每言及厥考軼事未嘗不流涕欲絕庶幾有志

於道德者耶夫爲善必發報而遲速有時公不於其身而於其子回思永訣時語若操左契豈真命可與期乎抑亦漢力學窮經守古而待時者之爲善承先志也城字亘與亦予所取經魁卷乙末進士官編修

科舉工於揣摩即人心汗下之一端篇中透發此意有關世教之文 李季平

讀前幅想見先嚴所志如有形聲後幅遂齋志以沒有終身之恨竟不能讀卒矣 受業張漢謹識

南寧公一表揚之高華有聲有光此表思致綿

治古堂文集卷五

主

渺音節蒼涼又按之沉實其剖判爲已爲人幾

微之介透快爽豁真是吾道干城 梁質人

先室王氏狀

先室王氏者予舅氏濟南道叅政諱無黨長女也幼失生母張氏撫於嫡母汪恭人年十七適予執婦道惟謹予母於妻爲姑姪憐愛尤至妻亦能善事母母素患病妻視湯藥羞澁滑左右就養凡有指使無怠不敢無禮於介婦處娣姒間數年無間言丁未予補弟子員妻舉一女已酉予試於鄉不利妻從舅姑之官西鄉西鄉故僻陋官舍諸器用不克具所居湫隘溽濕與蟲牙爭寢席子後至見而怪之妻殊怡然無恙色家大人偶以歲時修禮

治古堂文集卷五

行狀

於某公以官貧無所措舉家愀然相對妻遂出奩金謂予曰以此佐翁急予心遽之姑且試曰恭人

以愛女故念若婿貧無以具繁褻捐積蓄遺若若盡出之奈何非恭人意妻正色曰是何言與吾聞事舅姑如父母父有急子坐視之人情乎其達禮如此辛亥子東歸應科試遂廩諸生明年鄉試復被落妻又舉一女比還復勵以苦學力行勿墮其志予雖感其意而鬱鬱不得志因肆志於詩歌以自廣每與儕輩酒酣高歌歌已輒復哭六情振拔喜怒不以時而妻亦以生于多殤又感予失志因

願領不自理時相對太息然妻終和順常先予意
慰導之因徐曰應舉固須詞賦乎雖酣觴賦詩亦
達人之高致然經義尤先務也一廢不自振敗乃
身名非夫也子盍圖之予重感其言意漸平始俛
首就學予始弱冠時性好施嘗欲取妻財助友事
而難於言妻察其色心知之乃以畀予卒用濟友
矣甲寅家大人奉內召將啟行予與妻奉母自西
鄉歸里明年乙卯予又被黜予凡三試三黜妻慰
藉勉予益至方期撫壯圖進取乃丙辰三月二十
九日寅時妻遽告終距生時戊子八月初十日辰

治古堂文集卷五 行狀

齒

時得春秋二十有九嗚呼痛哉初妻有子曰三曾
玉雪可念妻尤鍾愛之後六月殤妻遂感鬱傷神
時時夢或在西鄉之二年甫舉一子三日而棄甲
寅冬連舉二女其一生二日棄一方時復殤丙辰
之元日復舉子舉家皆賀喜溢於常復八日又棄
妻氣噎不食無復哭泣而摧傷於中凡舉男三女
四惟存二女積痛成疾至於卒卒之前三日有女
使來諭疾訊所苦狀曰主病且劇盍延醫惟亟勿
後也妻泣下曰天命豈刀圭能活耶且吾姑素善
病乏財不能數延醫奈何以予故趨夫婿驚懼堂

上重戚老人意予斯語也人多不與聞妻沒後數
日女使始竊傳其語以誌慟不敢告予予知之益
增惋悼盡心痛哭不能已云蓋妻性默厚非疾痛
大苦不以言雖疾猶勉強起結束具饋沐若一無
所苦者以故家人不深知又以妻在蓐草氣自疏
彌月當差善而予方皇皇以母氏病爲憂亦以妻
特以殤子故戚於心不自聊賴慰喻之而已可勿
藥嗚呼孰知其竟至於死哉夫以妻之德天少假
之以存其嗣亦且不病病而能察所苦善醫藥以
護之將冀萬一於不死乃今竟死嗚呼天乎人乎

治古堂文集卷五 行狀

十五

實予之疚而已矣妻與予伉儷甚篤偶失語必
憊自訟數日不自怡共食於予予弗飽不忍飽也
妻雖循循退訥與人言無不知其意諸姑伯姊有
進而誨導者輒從容虛受不以貴家子驕人御臧
獲僕婢皆有法不假威督人自不敢犯性至樸衣
烏不敝盡不以易自結縞以來未嘗見其數修飾
也嗚呼賢矣方妻失生母時甫三歲閱二年而叅
政公捐館其鞠於恭人也寡女弱息難難備嘗蓋
十有二年而歸予又十有二年而早世孤苦食貧
如此而天死豈非天哉妻沒於丙辰之春而妻之

弟之鳳即以次年丁巳加科獲雋其明年予亦舉於鄉妻皆不及見也昔者柳下季死其妻致誅焉文辭瑰琦古今人競傳之彼婦人尚能誅其夫子雖不文忍沒妻之內行不以狀耶狀之無飾詞示可信而已矣他日子稍顯將請於先生長者鴻文以誌諸石於是乎徵焉嗚呼可不備與

字字真切無飾詞故淋漓動人安仁悼亡何以加焉 王崑繩

祖庶母節慈楊太君狀 同邑購崑生填諱

嗚呼賢哉太君是古列女節義慈孝之備德者也當先太傅殉洛難時太君無所出且年少非有既貴之嫌身後之望又非計窮無所復之也然而勵志絕人侍巾櫛之日淺而孀居荼苦者五十年撫子若孫三世德莫厚焉家大人曰是有功吾家者宜以庶母禮葬之履也汝爲之狀狀曰太君姓楊氏河南之澠池人其先世有隱德父四美母張氏太君生而謹厚既長習女工日勤不輕言笑事父母以孝聞年及笄先太傅禮娶爲側室奉先曾祖

母田太淑人及大母郭淑人惟謹處同儕無間言時家方貴盛郭淑人每有所分遺桂襦珮璫膏飾衆皆爭先取尤者太君獨後至性恬退尤不喜華飾荆布自給泊如也郭淑人善操家性至嚴衆膝稍失勤輒譴及衣制踰度動以義裁之太君獨以謹厚見信與人有責言不能自明淑人多直太君以見信故也先太傅有他妾某不善於太君太君不與面質退亦無後言後其人蚤夭死垂數十年卒不明其過人有代爲之憤者徐曰彼既死矣何足較其厚德如此崇禎歲辛巳賊李自成攻洛陽

先太傅隸守北城日夜登陴警於衆於是郭淑人及太君乃脫簪珥出奩篋日夜具牛酒饗殺賊者家壯益奮勇時棄虛夜縋城擊殺賊數十百人賊故不敢窺北城然太傅雖以死守度營將無固志必貳於賊乃遣家人北渡河未幾營將果開城降賊太傅死之太君從郭淑人避居懷縣得免復避亂竹峪寨又之江南凡數年乃止居於新安之袁家山山多巔石道險僅一蹇奉郭淑人太君與家人皆步從崎嶇轉徙升降山谷間遙望見煙火竟日乃得達既定居家益窘先世父及家君百計求

治古堂文集卷五 行狀

太

甘脆奉母家人皆饜粗糲山茹茶苴率一簞和以勺米毛刺流喉咽已輒淚出太君旦夕操作以身先僮婢終無愠色初先太傅之殉難也既葬歲頻饑郭淑人以太君方年少恐不任艱苦稍以意諷之則流涕不自勝歸自江南復諷之流涕如故然卒不言其志久之郭淑人卒太君悲哀過節終無去意而人乃知其志之堅也蓋太君爲人沉默寡言而立志較然喜怒不形是非殊惘惘故能始終一節與先淑人相守以生死而無間云洎

興朝戡亂安且治矣先世父與家君皆貴移居於

橫山之慈孝莊太君往來兩家各致養事之如母我兄弟男女弱而撫之長而襄其婚嫁者兩世十有八人而履恒少患癖瘕氣蒸於口人不可近太君手調藥敷齒牙終歲無倦容遂以生我李令伯所云非祖母無以至今日者履獨何心能無痛哉太君素健無疾山居時多食柿屑老而齒盡落不能食食多嘔卒以此殞命嗚呼悲哉太君生於萬曆四十七年十月十三日子時卒於康熙二十七年十二月初九日卯時得壽七十後二年冬卜葬於祖塋之西阡太君生一女早殤其嫡子監察御

治古堂文集卷五 行狀

九

史諱兆琳爲舉義服期即履恒父也嫡孫長葛教諭賁恒戊午舉人履恒廩生謙恒拔貢復恒率會孫繼曾等咸總麻裏事禮父妾有子者爲庶母衆子爲之服總麻今制服期太君少而節老而慈德厚矣履乃將父命請於嵩陽耿先生先生曰是禮以義起者其意良厚庸何傷又按先司寇新吾先生四禮疑曰凡妾之有節者無論少賤均宜耐葬葬且宜耐矣忍斬其服況太君之苦節以終老乎於是衆議乃定太君既老就養於履之私室愛履特至初病時戒家人勿以告延醫數止之念履貧

不置沒之夕猶流涕訣家人各囑以所切睦睦不忍釋已而氣漸微有若與先太傅答問者遂不復語太君既寡言即先太傅時事罕見稱述意生平苦節乃今然後得弛厥任負怡然見先祖於地下耶嗚呼痛哉履不才子也雖百其身無以報太君萬一況奉養多缺將順少誠負疚神明嗟何及矣所望仁人君子愛人以德贈之以言導之禮儀錫誄銘以光潛德履死且不朽云

序次點染極生動有致引禮處尤合體 王崑繩
行文須有一段真意從至性中流露出來讀之

治古堂文集卷五 行狀

二

方能感人此文不可及處只在一真字 李季平
楊德厚因以厚報之斯為公家厚德厚字是一篇之主 劉仲旭

直叙中又歷落有致能使生平懿行一一寫出却無一語蹈襲列女事跡是真孝子慈孫之言 梁質人

叙次極瑣細極真摯惻惻動人 沈稿士

庶母之總經傳俱未言有子與否至唐人加注為父有子妾至今沿之明初雖改總為杖期亦未更訂唐注之誤似此服從兄弟而起全與父

無與也竊思庶母為父側室故尊之為母而又以嫡母所厭故降而稱庶蓋其禮由父生而各從母降與所生子女何涉即傳稱名服尚未及其名所由來然實未嘗言其子之有無也即等而上之父為貴妾服總此傳亦未嘗言其子之有無也至唐人乃突加此文諒必由誤解士妾有子而為總之義因以士為士之子妾為父之妾乃有此注耳不思貴妾無子者父業服之而子不從服且並不予以母稱情也乎竊觀唐人議服皆規規於古制其一二更張者必詳加討

治古堂文集卷五 行狀

廿一

論獨此庶母之注未見集議突然而出故知其為誤解士妾有子之義使然也注解一誤千餘年不能復明良可浩嘆今既沿為令典自不敢以無子之父妾稱母制服而實於情於義有不忍恕者則先王父之為此誠義起也中年冉永光先生亦嘗言眾子之子當為祖庶母依次制服見祥禪考卷內亦可與耿嵩陽說互相發明但有子無子之分實千餘年疑竇未經論訂宣嘗於所著讀禮說詳辨其誤茲復敢附贅篇尾以存古禮之真又非徒為楊太君詡揚已耳○

又按雍正十年宣率族衆同閭邑士庶舉報大
君貞節請

旌表置主入節孝祠經田總制循例稟

題於次年八月三十日

命下禮部得如所請宣領帑建坊成又彙集公牘
若干紙附以此狀並稟質人所爲傳胡季子所
爲志銘彙爲一集顏曰

思綸旌節錄刊刻行世敢沐手並識於後男宣曾謹識

宣族兄元亮從學於中牟冉先生講求至純嘗
與宣共讀此文私語宣曰庶母之訓爲父有子

治古堂文集卷五行狀

廿三

妾相沿既久其有女者亦應同緣女子與丈夫
同稱子也有女而殤者亦應同緣生女時已易
名稱母不得以夭札中變也竊意太君之應稱
母制服即當以其殤女爲斷不必遽云義起未
知何如宣曾又識

先孺人狀

嗚呼先孺人之不獲養於不孝等也不孝等雖制
身斷骨其贖終天尚忍執筆述慈親之行哉先孺
人生閭閻之族膺象服之貴爲人子者雖鼎牲就
養會無加於萬一况荼苦劬勞且終身焉此不孝
兄弟所爲追念罔極拊心而泣血也苦由中舅氏
特致書百里以行狀訊且曰此子職也禮曰喪敬
爲上哀次之瘠爲下毀瘠滅性失慈親之德不傳
不敬莫大焉子其圖之不孝等將何辭之贅顧門內燕
孺人之壺德備矣不孝等將何辭之贅顧門內燕

治古堂文集卷五行狀

廿三

聞一二語言懿教存焉及生平所歷不忍遺忘輒
敢雪涕卒編以附諸家乘狀曰先孺人姓王氏家
世孟津禮部尚書贈太傅文安公諱鐸長女濟南
道叅政無黨太常寺卿無咎之妹內閣中書舍人
無回正一品官廕無愆姊也母馬氏累封一品夫
人先孺人生時外王父與諸舅皆未貴居孟津之
雙槐里累世以孝友聞馬夫人性端重教子女動
有禮法先孺人生而淑慎稍長遵母訓益恪饗衰
歲管左右服勞無方人稱性成焉年十六于歸家
大人執婦道無違時外王父已貴而先太傅忠節

公以大司馬致仕洛中兩家貴顯畧相當而皆好禮尚學行婚嫁之具一循禮不爲靡洛中士大夫皆宗之先祖母郭淑人操家尤嚴先伯母魯宜人爲婦人已諳姑性而先孺人以新婦事嚴姑益謹畏憚惟恐失雞鳴起盥櫛問堂上安視膳調甘滑以至燂湯請醕沐鞫余枕請寢向咸以身不假侍婢以故能得先淑人之懽始終無過謫其於先伯母魯宜人也坐起飲食必後之姑有指使分遣不敢視家婦魯宜人亦相友愛三十年無間言云當崇禎時寇變洛郡失守先忠節殉國難先伯父

治古堂文集卷五 行狀

古

暨家大人攜家百口渡河居懷孟數年會官民南避外家以其族行先孺人與家大人謀曰中原鼎沸非旦夕可待澄清貴家失勢亂世尤難處暫圖安息莫如南且又婚姻之故易爲毗依也家大人以爲然乃白先淑人舉家以南居無何先淑人思歸苦無資先孺人乃從外王父假資斧以北復至孟縣於是轉徙四方歷五年矣比歸食且盡諸用不給乃渡河以南僦居堤北頭竹峪石井間皆一至輒遷已而定居於新安北五十里之袁家山先孺人素羸弱且攜子女多人跋履山谷中險阻艱

難備嘗時生計益窘先伯父與家大人百方求梁肉奉祖母郭淑人而先孺人與伯母皆自餒糠粃粗糲罄口日夕不充腹先淑人痛國家之難鬱鬱不自聊遂不食以卒先孺人視舍殮惟謹哀麻哭泣無疏節先是舉家南避道中值外王母病頭瘍殆甚先孺人涕泣不食願以身代至桃源外王母卒先孺人哀毀踰常因而感疾至是益毀病不可任先孺人之從外王父以南而先歸也外王父蠟書家人以歲時周急女家而季外祖蘓州守諱鏞者乃遣蒼頭以百布歸先孺人不自私白家大人

治古堂文集卷五 行狀

五

悉致諸先伯父所會春荒易粟舉家仰給焉嗣值皇清定鼎海內清晏家大人登戊子賢書家稍起其明年己丑遂卜居於橫山慈孝莊慈孝莊者先太傅嶽降之地有夔月祠在焉數椽簡易僅蔽風雨先孺人食貧拮据率僕婦晝夜紡績仰諸子女衣食日不暇給初丙戌仲兄賁恒生甫數月先伯父已壯乏嗣先孺人與家大人議以兄承繼遂斷以大義遣保母襁褓以歸伯母既歸不復察呱啼問寒燠焉嗚呼此人情之所難而先孺人毅然行之既無德色亦絕無眷戀態宜乎伯母之喜極而

感感極而泣也其後庚寅先大兄升恒沒年十三於禮爲中殤先孺人尤深痛悼日夜泣遂病愛噎嗣後事藥裏者三十年實自此始是年不孝履恒生又十年己亥家大人撓南宮適先孺人在外家報者至諸舅從母互舉觴爲賀先孺人喜不溢容惟歸德先世而已初家大人年踰三十不第先孺人夢神謂已曰必四十一始登第以告家大人屈指其年不在辰戌丑未之期亦不以爲然會己亥加科家大人果得第其異如此又十餘年家大人筮仕西鄉先孺人攜家從之官歷棧道山川險遠車輿上下巖谷間良苦且危先孺人顧謂子婦曰爾祖昔奉使封峨嵋聞過棧道八百里衝瘴涉險遂病而歸今其險如此老不入川非虛語也因相與嗟嘆久之爾祖謂外王父文安公於時不孝履恒謙恒婦從行皆文安公女孫先孺人姪也西鄉土瘠而民貧官署諸用不克供先孺人至謂家人曰吾家數十口來官茲土雖勺水亦部民出也汝輩惟務節省勿多費居久之滇黔告警羽書旁午於道家大人以軍檄召給餉居郡卽數月不遑休沐先孺人日夜憂皇又以多病故遂思歸嘗謂不

治古堂文集卷五 行狀

其

等曰漢中用兵之地吾家攜百口進退維谷不可以久處於是攜家先歸其後家大人以行取繼至而漢沔旋已開復以故不及於亂人服其先識焉先孺人之歸也至閬鄉盤豆村以驚心疲遠道感痞瘧疾抵里彌劇不孝等侍湯藥兩月餘始愈然自是體益羸矣其在西鄉時已患脇痛右臂不仁後時時作家大人素涉醫以參芪補助之稍起而隨值不孝履恒復恒婦相繼沒以是感傷歷四年而疾益加己未冬先孺人患頭瘍痛楚特甚卽謂家人曰吾母及兄皆以是卒吾其不愈乎不孝等曲爲解慰延醫師診視垂三月甫差而又增他症不孝等復延醫先孺人猶以乏食爲辭及醫來仍數坐起永訣之朝尚抱幼孫嬉戲其夜復與女孫笑語頃之疾作乃謂不孝等曰吾年踰六十不爲天醫人非神仙奈天命何善事汝父吾無恨仍囑取某衣某衾爲槨遂於康熙十九年庚申三月初二日子時終於內寢距前萬曆四十八年庚申十一月十九日酉時先孺人生時壽六十有一時家大人在京卽不獲與訣先孺人卒後二十日而家君補授西臺先孺人不及見也嗚呼痛哉不孝

治古堂文集卷五 行狀

其

等爲狀至此血淚沾楮哽咽絕筆尚忍卒書哉先
 孺人子四以仲兄貴恒承先伯父嗣次不孝履恒
 戊午科舉人娶王氏叅政公女繼娶徐氏興德公
 叔雅女三不孝謙恒廩生娶王氏太常公女四不
 孝復恒廩生娶傅氏孝廉公而師女繼聘蕭氏平
 陽副使公應聘女女四長適諸生楊奕筠次適廩
 生李若紘三適諸生郭岱鎮四適廩生董嘉孚孫
 男三承會光會耀會俱幼俱不孝謙恒出孫女二
 俱不孝履恒出謹卜是年十二月十八日寅時葬
 於新安城東祖塋西穴嗚呼先孺人以孝慈溫恭
 之行處累葉貴盛之餘自世觀之莫不以爲榮且
 安矣然而終身瘡痍莫慰尸饔不孝等之罪尚容
 擢髮數耶謹追維曩昔塗血編次不敢畧亦不敢
 飾惟其實而已至若疾病時日醫藥先後終始之
 際人子所宜謹雖刳心爲之敢或遺哉先孺人性
 至儉衣常數綌猶綴緝不忍棄雖病尚力疾爲子
 女營婚嫁下至醢醢醢漿鹽豉雞鳧離孕咸心勞
 焉余家兩世仕宦皆有清節而不孝等庸人不能
 以家成以致先孺人劬勞如此先孺人雖貴常謙
 抑不以家世驕人姑姊妹長幼疏戚皆以等雖里

媼相見必與姁姁通語言道故舊御下尤寬減獲
 媵婢經年不聞怒詈鞭笞聲不孝等夙昔溫清時
 轉述先太傳家政遺事及外王父嗜學披書狀其
 所以望不孝兄弟者良厚前年不孝履恒薦於鄉
 先孺人不加喜惟諄諄以力行強學勿驕勿惰爲
 訓今旦暮間已成遺言自顧碌碌餘生有負懿訓
 多矣所望先生長者錫之鴻章慰遺恨於九原不
 孝等頂踵俱捐永矢勿諉矣謹狀
 直起直叙不畧不飾 張柳麓

先府君行狀

嗚呼 不孝 兄弟之見棄於先府君不能承先德以永斯祐也罪通於天死且莫贖矣尚何言哉尚何言哉先府君以純明之德承先太傅理學之傳忠孝性成友恭慈讓所以貽厥子孫者澤莫厚焉子若孫僅得中人亦可少自堅立 不孝 等奈何弗類既不克養志盡誠使先府君遂林泉之樂又不克祈天悔禍為先府君延期頤之壽靜言思之生不如死於先府君之德何忍述亦何能述耶述之是昭已臯也不述廢嚴君之令德不傳厥臯亦等 不

不孝等

手

孝等仰天泣血無可奈何謹述其實者按家乘呂氏系出宋文穆公後明初始祖 諱 俊自洪洞遷河南之新安遂家焉 諱 俊生 諱 獻 諱 鑑 諱 鑑生 諱 思聰 諱 思聰生 諱 元生 諱 景陽 諱 景陽生 諱 高祖 諱 鄉以孫貴贈戶部侍郎私諡敦懿高祖母牛氏旌節贈淑人先曾祖仁孝公 諱 孔學封戶部侍郎以輸穀賑饑特贈右御史旌孝曾祖母孟氏贈淑人田氏封太淑人孟淑人生先大父 諱 維祺由萬曆癸丑進士歷官南京兵部尚書贈太傅諡忠節學者稱明德先生所著孝經大全等

書行世先大母郭氏累封淑人生子二長先世父

化州知州 諱 兆璜次即府君也府君 諱 兆琳字叔

玉號敬芝生而穎異為學尤沉潛方就傳時動若

性成及長學益力登歲補弟子員食餼事先大父

母至孝色養無方從先太傅講學於明德堂能辨

析大義與先世父共質疑難其為文理勝於辭務

深求根柢以故力倍勤而不獲蚤售於時崇禎十

四年辛巳洛郡失守先太傅以罵賊不屈死既葬

先世父與府君奉大母郭淑人避亂河北復之江

南已而歸省墳墓流離轉徙者數年乃定居於新

不孝等

廿一

安縣北之袁家山甲申賊陷京師莊烈愍皇帝殉社稷牛淑人聞之啼泣不食卒先君哀毀骨立見者輒為感慟時遭大變門祚衰薄先世父與府君友愛倍篤府君事兄如嚴父同居三十年無間言至今厥產未析先世父善持家內治生外禦侮皆以身任之府君以故得肆力於學學日益進戊子由歲貢舉於鄉家稍起明年移居橫山之慈孝莊橫山者即山經所謂青要山也其始為先太傅母家孟淑人時歸寧感夢月之祥生先太傅今夢月祠在焉居甚湫隘先世父與府君不敢以為陋懷

先德也已亥捷禮闈辛丑成進士需次家居序次先忠節遺集甲辰梓於淮上以歸家居十年非公事不至邑邑中有期會邑令輒虛心延府君府君至計事僉以爲公新安故山邑經亂後舊籍盡失稅浮於地民多流亡府君毅然自邑令佟公希聖願爲民請命佟公賢者也遂留府君與會計里圖新舊盈虛之數嘗校讐至夜分累月乃定遂上其事則壤以平里人至今賴之初府君以歲薦謁選京師得下考例爲司訓意怏怏不自滿乃下帷發憤遂舉於鄉既舉數不第復就選司李會

治古堂文集卷五 行狀

世三

朝議舉人不得爲理官乃益刻勵下帷卒得第同學者服其有志云已酉策仕得漢中之西鄉西鄉僻壤也府君素仁厚至是益尚寬與民休息蒲鞭示辱而已居久之無赫赫名上官多易之會滇黔告警搖動川隴間大兵由漢中進發屯駐數十萬衆徵府君犒師府君適往西鄉故駐綠旗兵數千又益以郡中兵皆取給縣官縣東南魚渡壩即古定遠城也我兵所駐去賊壘不及一舍人民震驚旦夕不自保府君既與守將深相結期以保境息民死生不相貳又多方勸民同守時芻蕘供廩資

糧屏履諭以

朝廷威德吏民爲之感動又白上官以邑距郡幾三百里轉輸往來緩不及事請罷西鄉民供億縣官自和糴給軍從之乃遣能事吏和糴於鄉以給軍數十萬衆未嘗乏絕軍中有額外求輒以義折之或正辭白將軍將軍多直府君飭諸將吏將吏皆改容謝以故君守兵與八川八旗兵咸戢以和無不得其懽心者上官更相稱譽以爲廉且能於是將軍瓦公爾格經畧莫公樂交章薦府君府君居郡卽數月晝則給餉犒師夜與營轉徙卧山如

治古堂文集卷五 行狀

世三

中遂中濕卒以成疾初至郡賊勢甚亟人心不自固同官中有相對泣下者府君遽正色曰死生命也忠孝志也我輩致命遂志正在今日何泣耶泣者慚謝之會大兵由沔入蜀府君乃歸所治邑士民親見他邑之疲於奔命而吾四境若不知兵也更相驚異扶老攜幼迎府君道中終日且稱觴爲壽其他邑父老以府君之代言疾苦於上官也亦具牛酒郊迎於境上無何賊勢蔓延曾從者衆其良民逃匿巖谷求自全者或誣以保聚爲盜則勦洗無遺有府君力爲疏白賴以全活者不啻數千

人上官復以軍功治行交薦奉

召入京丙辰廉治行得上考庚申三月授福建道監察御史未幾巡視中城

陞見日

上咨首輔首輔具奏先太傅罵賊死節事及府君令西鄉治稱廉平與犒師給餉保境息民諸勤勞上曰此理學名臣後應是好官首輔對曰非好官撫臣安敢以行取塞責是年冬十一月上旬因星變白氛召集九卿營事科道會議各抒所見府君議曰天垂象以仁愛人君君保民以仰承天意以

治古堂文集卷五

行狀

世

天下計之惟川餉最艱而秦省爲天下根本尤當軫恤關中距蜀二千里率數鍾而致一石所謂千里饋糧士有饑色也蜀中米價尚平可遣大臣特往督餉和糴法莫便焉更望蚤復全蜀發帑金以濟轉運如是則士得宿飽民可息肩民安而天道可轉發矣

上嘉納之旋命川陝督臣隨征調度云又疏奏歲旱民饑請

諭內外臣工實心修省以迓天和內具陳清沉獄足兵食戢暴掠嚴私派省土木五事尋

勅內外大小臣工益洗心滌慮實圖修省焉由是聖眷日隆尋掌浙江道

特命巡視京通八倉先是京通倉例有御史巡視後罷之至是復設

上謂府君素廉謹故特膺

簡命於是益勵厥操務滌積弊稱

上意旨特參倉蠹陳大天王等悉正厥辜車子數千人歡聲載道持辦香爲府君尸祝甲子順天鄉試府君克內監試官故收卷惟謹乙丑春三月以足疾乞休先是府君在漢中中濕成足疾在朝趨

治古堂文集卷五

世

走不便都御史以實奏

上曰何傷伊巡城掌道巡倉俱廉謹稱朕意其畱供職及府君乞休

上仍不聽輔臣爲固請乃

予假遂於是年孟夏歸里其在西臺也不名一錢凡事持大體不爲苛察嘗曰使臣拾遺補闕則可掇拾羣下短長則不能程子之言是也在籍五年歲庚午三月以病胃寢疾三閱月告終於慈孝莊舊居之正寢嗚呼痛哉府君生萬曆四十七年己未十月十一日辰時卒康熙二十九年六月二十

七日戌時得壽七十有二元配

勅封孺人先母王氏禮部尚書文安公諱鐸女子

男四不孝履恒戊午科舉人娶王氏濟南道叅政

舅氏無黨女繼徐氏德興縣知縣叔雅女繼王氏

前兵部尚書襄毅公邦瑞七世孫女不孝謙恒廩

生娶王氏太常寺卿舅氏無咎女不孝復恒拔貢

生娶傅氏舉人而師女繼蕭氏平陽道副使應聘

女不孝等兄責恒已出繼先世父嗣現任長葛教

諭娶常氏賴縣知縣景星女女四長適諸生楊奕

筠次適廩生李若紘三適辛酉副榜郭岱鎮四適

治古堂文集卷五 行狀 其

國子監典簿董嘉孚孫五承會諸生娶王氏丹陽

縣知縣用六女光會諸生娶王氏內閣中書無回

孫女耀會聘孟氏理學雲浦先生元孫女俱不孝

謙恒出憲會幼未聘不孝履恒出法會幼不孝復

恒出孫女六五履恒出一復恒出兄責恒生子五

另詳先世父狀中謹卜是年十二月二十八日與

先孺人合葬於新城東祖塋之次府君一生孝

友成於家清節著於朝仁風被於里不孝等即克

肖曾無補於萬一况頽情不克自立使先人之緒

有作而無述也尚覩然人而哉府君性仁厚為治

清寬及臨事毅然敢為有僧假為尼為里民所覺

府君立斃之人稱快焉御下多以情恕其有忤於

鄉里故舊雖小過必懲生平喜施濟戚里有急力

為營助或稱貸以益之與新洛諸名士集敬社以

進德砥行相期不但論文字社中諸名士先後成

名者甚眾其為學不尚涉獵讀書務求精熟立談

時可誦數萬言其官京師也又輯先高祖母旌節

錄及曾祖都憲公孝義各帙與先太傳忠節錄都

為一集頌曰節孝忠義集嘗為不孝兄弟稱說期

以懷先德繩祖武也所著制義文廟崇祀攷西鄉

治古堂文集卷五 行狀 其

誌過錄疾呼草期碑世用不喜為詞賦不孝等碌

碌餘生亦既抱子曾不克少遵庭訓長懷愧恨而

已府君性至樸不治家人生產其室廬車馬衣服

不異寒素自鄉舉至蒞仕告歸四十年如一日易

簣之夕含殮外無長物每述司馬公格言謂積金

積書不若積德也吾雖德薄他日論定時當不愧

先人清白使若兄弟得稱清白吏子孫所貽不已

多乎嗚呼痛哉府君之教不孝兄弟者至矣不孝

等追維曩訓警欬如存匍匐苦由中畧誌梗概不

能什存一二仰冀先生長者同官故舊勿以履兄

弟之不肖是棄惟先府君之誼是念錫以鴻文用
光貞珉族九原可作千載不朽少贖不孝等終天
罔極之辜焚奠鮮民雖死猶生矣

子孫表揚先人以不沒其實爲佳此狀以德字
作主滴滴歸源妙在無一語矯飾當與龍岡所
表俱傳

緜恒夫

盧序之文與他體不同固以樸實周詳爲貴

繩

先兄素園先生行狀

附符劉逢開填諱

嗚呼吾兄不少慙畱以待弟之歸老舊山重叙天
倫樂事而竟棄予如遺也先父母生子同懷者五
人大兄中殤兄次當爲長生數月繼先世父奉直
公嗣稍長從父宦遊四方吾兄弟聚散不常憶少
時遊處曠若異世其後予隨兄至武昌治所居一
年北歸兄送之江干泣而別前年戊子予歸自滇
南順道省兄於漢口則兄已邁疾而予亦就衰矣
相見泣尤哀信宿而去嗚呼孰謂江樓一別遂成
永訣耶顧念兄生平慷慨多大志而予以疎慵成

性常思馬少游鄉里稱善人之言心竊好之雖遭
清時仕宦年齒相若而志趣相越遠甚社陵所謂
賢者兄而愚者弟也何能述兄之行以詔吾子孫
顧從子緒曾等方在哀毀不能爲文辭恐久而遺
忘湮沒其行誼罪難逭矣因放淚而述之如左呂
氏系出四岳歷唐宋世有名德明初始祖諱俊自
洪洞遷河南之新安遂爲新安人六傳至高祖諱
卿以孫貴贈戶部侍郎高祖母牛氏贈淑人旌節
曾祖諱孔學封戶部侍郎以輸穀賑饑特贈右都
御史旌孝曾祖母孟氏贈淑人田氏封太淑人祖

維祺萬曆癸丑進士歷官南京兵部尚書論忠節贈太傅學者稱明德先生祖母郭氏封淑人忠節公生二子先世父諱兆璜崇禎乙未拔貢歷官廣東化州知州兄之嗣父也世母魯氏贈宜人先父諱兆琳順治辛丑進士歷官監察御史先母王孺人兄諱貴恒字文啟素園其號也生而偉異性倜儻不羈年十四能作大字及楷書行草十七入庠序又三年食餽善騎射御生力馬每於三冬積雪中著狐裘挾弓矢射伏兔飛雉縱猱鹿麋以歸命僮僕熾炭炙牲以享賓客酒後耳熱縱談今古

治古堂文集卷五

行狀

四

事出入經史百家意豁如也康熙甲寅三逆藩之變兄益肆力韜鈴有乘長風破巨浪之志以先世父歸老不敢離遂中止其後三逆藩伏誅天下清寧壬戌以明經教諭長葛與諸生講道論德歷日夕不倦嘗謂其匱乏或稱貸以繼之卒無難色間至絕炊水沸於釜中始假米於外安之如常凡十有四年遷知湖廣武昌縣事在治日以讀法彌盜賑饑緩征杜干謁振孤弱禁傳著隱富移貧是務以故邑之八鄉民無強弱異等者初湖北有前明楚藩征穀田例折銀科最重又匠役故絕者有代

催曰納班銀民害之兄請於總督郭公公稱善具疏入告遂得減全楚穀折之半悉除匠班銀均歸之正供民力以紓武邑賓興久廢兄捐資復之城久圯前令請於上官議經費數千金不果行兄至治周閱計之估直八百金首捐其半紳士捐輸且倍之乃厚其直以雇役大暑烈日中躬督之閱三月畢事復以所餘金葺文廟及公廨民未嘗費一錢在治十二年歲有紀錄需次將遷矣會歲歉穀貴所在多亂民睨富室毀瓦屋羣訐巡撫堂上戟手而語由郡城而黃梅而武昌遂以此解任尋有

治古堂文集卷五

行狀

四

士民數千人持公論訟訐者其畧以爲令在治有年上官不聞其過小民未嘗告訐今以亂民數十人去我慈母公論之謂何於是總督郭公會新撫陳公合疏辨其枉部議趨之庚寅春奉俞旨復其官置亂民余壽兒等於法兄於是年夏五月抵里先是嫂常孺人既以病久卒於武昌郡邸而兄亦漸衰有洩瀉之疾其第四子續曾年既壯篤學淳厚兄尤愛之使奉母柩至家隨以疾卒家人隱之兄至是始知疾增劇遂於庚寅六月初十七日卯時卒於止寢距生年順治丙戌九月初

三日亥時得壽六十有五嗚呼兄既抱壯志不克就其爲文汪洋自恣不拘繩尺先侍御公亟稱之每甲乙會藝多優兄而絀履然數困於有司以邑宰終老命也慷慨好施德之者多感而涕泣然而好直言面責人過或怨之亦不恤也兄既不第爲園於村西顏之曰素因以爲號焉日與同人談藝飲酒於其中間爲詩有奇致亦不求工或作畫摹舊本皆肖其意配常孺人江西贛縣知縣景星女候選教諭肇吉姊也有厚德于歸時不逮事姑魯宜人事本生姑王孺人至孝先吾兄卒別有狀于男六長繼曾監生蚤卒娶丁氏丁酉舉人汝達女繼娶杜氏庠生兆樟女次緒曾歲貢生娶王氏德安通判澤溢女孫歲貢生端女次綸曾蚤天次繼曾增廣生娶王氏女舅濟南叅政無黨女孫丁已舉人之鳳女次統曾增廣生娶郭氏遵義知府友龍女孫太學生衡鎮女次綰曾娶王氏從舅金華知府無忝女孫涉縣教諭猷女繼聘張氏丙寅拔貢搏女女五長適傅元珏蚤天次適于錫洛陽庠生郭澄三適于錫洛陽庠生董萬山四適孟津庠生王寅五適洛陽庠生袁昌謨孫六祖高業儒希

高庠生俱緒曾出行高繼曾出從高繼曾出顯高緒曾出耀高統曾出孫女三長字郭勁緒曾出次字于甥孫郭汝楫三未字俱統曾出卜於康熙五十年九月十六日合葬於縣東祖塋禮也嗚呼兄素子若弟不顧矣緬求昔歡渺焉難再吾兄弟以垂老之年不克圖數載暇日居曰里講友恭之誼爲里人觀聽天各一方撫膺椎心痛也何如尚忍執筆紀其懿行耶昔程正叔爲伯淳狀言質而理括雖大賢之風非世儒所敢望亦足徵古人兄弟之誼不委之子孫矣所望大人先生錫之銘誅以光九原履兄弟世世子孫感且不朽

復黃朋梅書

頃辱賜書兼惠佳文反覆一再讀何其文之米之絢然而謙抑過甚乎僕庸流也於學實無所窺足下見盲者而問途焉有不爲世所笑乎顧盲者不自謂不知而以其意告問者循乎其途而得之而盲者從之是爲盲者導也夫純錦有絲纈而良材餘寸朽謂不足以累其全則可矣而謂去其纈斷其朽不益增二者之重斯亦不愛純錦與良材矣無鹽綦縞自飾朝出乎里門西子粗服亂頭而過之必蒙其嗤何者自忘其醜而過求人之美也雖然

治古堂文集卷五

留

天下之美無止境也子建八斗才嘗云好人譏彈譏彈者才未必美於子建而古今益以是多子建之才則僕於是下觀其深矣

風格似鄴臺尺牘

浦雲曠

正序不過三四言即繼以喻一喻不已而再而三又一引證而正意不過一語便結此先秦法也近代何人解此

王崑繩

與友人書

倦途休駕古寺清齋觀安仁珠玉之姿如親蘭臭接元龍湖海之氣頓啟蓬心鄙態欲消幸臨水可酌高談轉思知隔籬有人快何如之觀云止矣攜來佳集坐對晨窓光芒疑吐驪珠犀利如割虹劍加以春秋方富征邁何窮酉藏發丁年求名山之果位金丹出火汞超寰海以飛昇絕地通天爲仙作聖恐未足以量其所至也某學徒末技生實鈍根藝久困於丹黃業未分乎白黑蟲吟蠅聒多亦奚爲免駛鳥馳老且將至筆花久謝嘆心力之欲

治古堂文集卷五

留

衰竿竹重栽知工程之難計乃辱問盲之雅因來獻拙不辭幸與二三朋輩共相推敵勿惜顏面素心樂與賞晰君擬淵明後世誰復譏彈我悲子建敢望把攜同冰雪惟期點竄以雲烟嚴若霜晨細如砥石斯尤相成之至而受益良多矣適得山締佐以詩箋倘不遐棄得藉涵容製以爲衣即同袍得近光澤攜之在握斯顏面可挹清芬楚游的在何時旋音詳示拙稿擬於夏杪遣力取還幸勿托郵恐滋沉閣

與同年袁紫臣書

足下少年讀中秘書壯盛爲方面使人生功名似此亦復何憾憶同鄉舉時僕齒尚後足下二歲今以奔走衣食髮已種種雖嘆老嗟卑君之不爲然視足下榮瘁何如也日者聞足下當守平陽郡私心自喜以爲桑梓密邇可時親色笑聆緒論聞學吏事不圖銓注復遷西粵也雖然臣子一身遠近惟君父所使況熊幡虎節寵臨舞干格苗之地不鄙夷其民而咻噢之經術康濟正在此口應不計地之肥磽與民之頑樸矣錦旋有日本擬躬往修

治古堂文集卷五

四六

賀以申間濶緣家兄楚行限迫僕亦隨往無暇得至金墉聊寄贈言用深耿耿此後楚粵便鴻音問可達會聞足下文學吏治風流遠裔訪銅鼓之舊蹟彌藤峽之伏奸一張一弛易鄙爲仁且有佳文字寄我如柳州袁家渴諸作也僕夙聞庾元規南樓在今武昌縣治此行當親訪之或得句亦當郵簡就正但雕蟲小技無裨世用杜陵云詞賦工無益良然老將至矣修名不立且闕於時務亦欲觀庠從政機宜寬猛酌劑之義俾少易其文事膏肓加以長途鞭策庶幾鉛刀勉試一割知已如足下

當明以教我也啟行的於何時倘在霜凜瘴收之前百惟珍重

首段欣幸中已有相規之意以下不擇遠地是一意移易風俗是一意自己策勵又是一意妙在段段與袁相陪說情厚而詞深肯嚴而義正不但規摩鄰臺書牘也

陳行度

治古堂文集卷五

四七

上韓慕廬學士事

某聞之上有附青雲而聲施後世者果何以哉禮士賢雉以其有文采也士先器識而後文藝顧言以足志而文者行之表也言立而不詭於道君子有取焉此其所由贊以自達與又聞三代而下士惟恐不好名士而甘爲三代下人乎哉邈世無悶惟聖者能之若夫始學之士如中夜有求於幽室非有導之明者則貿貿然終無所見是故好之亦有道焉莊生曰名者實之賓此名之不必好者孔子曰君子疾沒世而名不稱此好之惟恐不甚者

治古堂文集卷五

四

也某年十六習舉子業間取馬班韓歐之文讀而好之竊意凡爲制義亦當如是矣及求之世爲制義者殊不概見壬子得閣下閣書曰此真是矣時同學者咸怪不敢逼視某獨丹黃而甲乙焉先大人見而異之曰小子能讀若文耶高山流水之音善聆之將自得慎勿相詫明年閣下元墨出益醇而肆某亦嗜好之不置俯而讀仰而思凡傳稿若干篇悉能上口作而嘆曰世固有昌黎廬陵其人也安有讀書好名之士而不是之學姑多矣其言以阿世者乎於是誦閣下文者徧海內而嘉魚臨

川諸稿復並行矣耳食者剽竊傳會蒙羊質以虎皮輒黜於有司旋束而皮置之而其於大文誦之將終身焉而不能襲其一字何者顰不可效也其後七年計偕北上懷刺欲投者數矣自顧奔鄙無文名不出於閭巷不敢以姓字臺大人先生視聽是以行行且止又十七年甲戌試春官見收禮宜見先達長者會閣下予告在籍某懷欲請謁而無由也於時年四十矣行念鄙陋沒世志士之大慟且世有昌黎廬陵其人而不獲一望見顏色聆其緒論誠私心耻之蓋蘊結於中者二十有七年於

治古堂文集卷五

四

今年夏始敢踵門以制義三十首爲贄因本坊宋子蕃先生以陳左右竊謂閣下今之韓歐也昔者昌黎廬陵亦嘗以其生平所爲文謁其時之先達而賈閭仙曾子固輩又以二公推挽而知名況某之幽陋無聞者乎閣下試於退食之暇一覽某之文或有一言之幾於道題之弁端榮踰華表使其得歸而詫於同學者曰今之韓歐以賈曾目我我自知不類而顧已得此况賢於某者乎學者聞而慕之其誰不爭自磨厲以待取名而定價焉然則振末流之士風開來學於奕世功在閣下而謀實

親炙之者也夫人而負此名也於身其亦足好乎
否耶家貧不能具書人崔丘結寫不工恐滋罪戾
惟閣下裁察焉

以文爲經以名爲緯紆徐委備有餘情焉自是
韓蘇諸家上書之體 王或菴

再上韓慕廬學士書

某以心奉教閣下二十餘年矣戊寅需次京師始
通刺閣下之門隨錄所爲制義若干首上書自達
冀得片言以華袞我也然閣下日侍從無暇不應
以小技干冒尊嚴語曰家有敝帚享之千金不自
知其量也方書之將上也故友中書舍人李方來
在坐顧謂某曰子以韓公爲何如人也某愕然曰
君奚此之問韓公今之大人而才賢者也曰固也
大人則無暇省覽末藝才且賢則子之文不足當
其意也且南北之異轍久矣盍歸休乎必不得所

請某曰不然大人而才賢者豈徒自有餘而已必
將扶獎羣才以誨人之不及也是惟無暇觀觀則
必不我遺且南北之異轍者門戶之見才相埒名
相軋也今子辱在泥塗而韓公在霄漢之上地望
至遠何門戶之有君不聞昔者太倉之與濟南乎
之二人者以詞賦雄長中原才相埒名相軋也然
太倉每心折濟南望若峨嵋天半才賢之用心固
如此矣况經義者道之華聖言之緒餘也以天下
之才賢攬聖言之緒餘其虛懷吐握又當何如者
予必得所請君姑俟之既而果不獲命乃出春明

門之離石所治阻絕萬山中貧不自振不克一通
縹紆扞拳拳之懷病且日深猶日取大集熟復之
因嘆曰已矣予無復望韓公矣其文固無一肖者
豈惟予不相肖而已即世之老生讀書數十年規
而摹之亦無一相似者予之不得所請誠如李君
言雖然望未絕也昔李太白上書荊州謂荊州爲
文章之司命一經品題便作佳士夫太白天下才
方其未聞達也猶不能不借以爲引重如此今某
於太白無能爲役而閣下令望實百倍荊州是即
晨夕掃門猶恐不能自通況區區末藝輒敢請益

治古堂文集卷五

五

乎哉若夫器範乎道藝進於德則尤難言矣王介
甫三至茂叔之門不獲望見因忿然曰不可退而
求之六經耶予嘗恨介甫之拘而負茂叔不屑之
教誨也使爲介甫者鋤其虛憍之氣必獲望見而
後已則其所就當不止以文名後世又何至以經
術禍宋哉某既不能求之六經又不甘以介甫自
畫而望閣下如今之茂叔必得所請以決所學之
是非因復呈制義若干首倘終無可採即閣下明
棄之無恨不則舉世譽之終不敢自信焉且閣下
嘗序李太史渭湄之文矣渭湄北方學者亦雋才

也某雖不敢望渭湄而閣下既不存南北之見必
有以幸教之不使絕望而歸也

渾灝流轉似昌黎諸書

顧愚亭

是學者請益之文與昌黎明允心事不同以故
不亢不諂真粹然儒者之言

陶艾圃

鋒銑甚利妙以婉折出之詞令妙品較前篇更
勝王崑繩

治古堂文集卷五

五

寄吳街南先生書

某寓書晴巖先生足下曩者僑寓維揚獲一瞻道
範謬以四律爲先生贈行猥蒙見藻遂著虛聲此
邦人士日相過從深懼名實不副以貽知己羞因
作計適歸巖居多暇惟日奉大集盟手莊誦雖河
伯望海不能窺其涯涘然竊以意推之則知其源
本洙泗溯流閭洛而摩娑於經傳莊騷龍門昌黎
之間下至震川山陰不足當高明一盼也噫觀止
矣僕何能贊一辭耶顧管窺蠡測不無一二疑義
願請益於先生者非敢騰口說致爭辯亦欲各言

治古堂文集卷五

五

爾志更冀聞所未聞也集中首辯教次正王論執
中書及諡祀典禮葬惑諸辯其於衛道維風內聖
外王之旨則備矣即一名一物亦具論世知人格
物之全理而觸緒出之莫不切日用而關彝倫如
此著書信乎孟韓之功不在禹下而先生宜同有
千古也復何疑哉僕所微疑者中庸論仁一書其
言體大而思精第以仁貫問政大旨竊恐未安何
者仁天地之心也誠天地之理也心不可見而理
可與知猶夫春氣之周於四時者其幾微而土德
之寄旺於四季者其用昭昭也今不主誠而主仁

於三達德殊亦未備恐千古不能無異議也又謂
苟有合於孔子不妨齟齬於朱子竊意孔子天也
朱子則升天之階捨階而升天將能乎王仲淹云
君子之文謹而典在高明獨造創復原不必盡襲
前人成說第恐末學者聞之不無處下窺高之思
望先生於意言之表稍節而謹之則末學幸甚鄭
司農焚餘草書後謂無稅請差專官自先忠節始
履按先集及年譜崇禎五年四月先臣有請罷無
稅疏內陳三義一歸併工司一勅行有司包稅一
則並罷進稅包稅而以楚之借餉及南庾鑄息增

治古堂文集卷五

五

稅之存餘者每歲補足二萬之額肯不果行夫先
忠節與鄭公任事月日相後先也必不至頓異若
此脫既請之而旋疏罷之是以右矛擊左盾也不
大謬乎或大集別有所據僕則未知不則先生之
文必傳於後者也後世信先生或者疑先人如信
先集則亦疑先生疑先人未必忍等論於桑孔而
疑先生則必以大文爲失考矣先生既力爲鄭公
白而忍不一白我先人乎佇俟德音明以教我文
之右於詩固已而亦有所請者古六經互爲其用
故易傳叶韻書載喜起五子之歌禮升堂聲揚入

戶視下之類亦幼學之聲詩也春秋左氏紀歌繇之辭尤多而樂則詩之聲也是故太史採之太師肄焉子所雅言詩居其首道顧不大哉漢魏雖無風雅而樂府古詩遺意猶存至六朝競為靡蔓而詩品日下矣是非無詩也無詩人也且斯二者古今才人鮮能兼善與其兩營而不精不如因才而致一之為專也今文如先生自不必以餘事作詩人而一二才俊之士或能由三唐兩漢楚騷以漸窺夫三百之古原溫厚以立言寄微文以風世是亦真詩人非餘事矣若晚近為詩者厭漢唐為陳

治古堂文集卷五

五

迹而規規焉奉蘓陸以為鼻祖詞曲其調花鳥其情而其指則吾不知也風雅云乎哉猶之不善為文者聲聲牙步蹶躓舍八家而為史漢史漢云乎哉是故文之失或躡等而上詩之失愈波流而下上者躁下者靡也失均而品亦或殊與先生謂舉世皆詩人僕正謂舉世無詩人也詩且無人矣而況於文乎竊附區區欲發先生言表之意云爾實未嘗相左也凡此鄙議敢謂愚者一得嘵嘵致辯乎亦以贊頌易竭請益無窮昔孔明王佐才求違覆於參署子建文人也亦好譏彈况明道立教之

文而不發一問難之端使舉世雷同以諛先生先生又奚所取哉憶拜別時接手教命持所集歸與北方學者論之使知其學術僕歸而質之同志嗜者亦寡蓋北學墨守程朱而文多雜以講錄故罕有知先生者僕非能知之特好之耳倘天假之緣身事粗了尚思千里命駕獲旬月侍側與聞至論之極庶不虛此生耳所呈先祖庶母狀欲冒昧請誌則縞紵未通禮不宜躁瀆又先府君舊誌亦未滿意容別日錄狀以請知先生特重節義且素以表微闡幽為心或者不我靳而為人子孫者之欲

治古堂文集卷五

五

顯其先誠得高文以傳不朽一言不啻華表也報宜有日矣後頓首

辯論之文明晰不繁有典有則純乎大家

張慶

淳意發為高文清言緯以奇調千變萬化而究

不離本宗其於論道談文尤確有定見○元素

於街南集手不停披傾慕至極而復能折衷析

疑如此尤不愧直諒之風

陳行度

書足以盡言言足以盡意直而不亢婉而不阿

周詳懇至修辭之能事畢矣

胡季子

再寄吳街南先生書

客歲一槭托金陵黃際飛郵寄不審得達否此書寄後其稿稍露於世汾陽胡季子爲傳青主門人亦一耆舊也隨有書與僕辯析仁誠之旨復於知天知人別有創解兼以所著易疑命僕轉寄夫學術之異同古而然矣自游夏不能無本末之辨況朱陸乎然僕竊觀朱子解經各有攸當即二程不及也如程子謂下焉者爲五霸而朱子以孔子當之此即上章有德無位不敢作禮樂之意以經解經片言居要矣今胡意謂知人即下五達道之屬

治古堂文集卷五

五

乎人道者知天即下三達德之屬乎天德者竊意道原於天而率於性固人之命乎天者德備於性而修於身亦自天而之人皆天人兼焉者也以達道屬人可矣以達德屬天是有生安而不必有學利困勉也即三近之說亦贅矣聖人循循善誘寧有是哉且本節故字文意原以繼上而非以起下知人以事親即知所往而後力行以求至之說也若云事親無借於知人是良知可用格致爲煩聖門穎悟莫如顏子次則端木氏亦無事博文而自能約禮文章不先而竟聞性道矣此下九經之序

以尊賢冠親親之上義又何居僕所爲以朱子爲升天之階而不及周程三子者亦竊比孟子夷尹之未可班孔子也云爾夙昔鄙見如是未遑裁復季子先以質之先生至於詩文之義僕所見者風格之升降而胡更推本其大原技也進乎道矣尚敢噴有煩言乎哉僕於近人集每不終卷惟先生之文與毛大可之詩好之不置正以先生之有功程朱而得聖學博約之序也論執中書正王其一斑耳千里問訊嘉遯自肥某再拜

治古堂文集卷五

五

與顧愚亭書

大集在塵案閱已三匝未敢輒加點澆語云醫者無與乎文章之觀僕有無見也即有詎有當於足下雖然斯文之秘信今而傳後者也當吾世而無與折衷後世誰相知者僕生平讀書取友自命不敢後於古人足下之文今之古人也而間有不相似者必欲問塗於盲僕不敏請以董狐南史之直筆從事

婉而勁彼我身分俱在不言之表 王誠亭

上座師徐大中丞書

日者倅來蒙賜書獎藉復不敏敢不益慎乃職仰副明教萬一兩河行旅至下邑者具道吏肅民懷禮教聿興人咸勸善蒸蒸然慕義而強仁復承下風何從贊一詞但當亦步亦趨奉為軌則恭頌聖天子得良翰以佐萬年之治著事者特書有人異膏飲和食德為桑梓欣幸哉履聞之善人民之表也制祀國之典也先侍御生平淳德清節克孝於家惠及於里正色立於朝里人士所謂鄉先生沒而可祀於社者此其宜也久欲請之臺司旋以

履兄弟不克顯揚而未俗獲是典者或不在口碑而在腰組且未有賢府主振幽發潛不以榮利如吾夫子者事以故中止履十年來內疚於心食寢不安几席自顧不肖軀負天慚地不如死之久矣前年病瀕危百無所恨獨向子若弟諄諄說此既而吾師來牧中土竊意先人潛德會當發露然終不敢繕書以請者知吾夫子之無私謁也適家書至事竟舉行如夙所願望捧讀所判牒義昭陽秋榮踰華袞齋之先筵感泣欲絕者久之已而喜不能寐以為自今百歲後可以見先人於地下矣昔

者南豐師廬陵嘗銘誌其先人曾致書謝之以爲
非蓄道德而能文章者其人固足重而益以重其
先人雖得請不如其已履不才子也何敢望南豐
而吾師固今之廬陵也且南豐以先人之故第獲
一言相引重若於其師不啻君親戴之而難名天
地之大德況乎煌煌祀典人子欲重其親雖百其
身之所致而不可以倖獲者不知履於吾夫子又
當何如耶謹錄先君行實敬達幕府使輿論有徵
咸知我夫子衡鑑公懸固非以爲人子者之言是
聽而凡爲人子孫者之欲重其先必非請托之所

治古堂文集卷五

空

能得惟實副其名者不請而自予之其誰不勉於
爲善以副在上之意指將於表率風教之盛心當
益彰明較著也至若修儀申謝及一切凡俗感激
之言並不敢陳於霜威之下矣

沉實簡要深得南豐筆意

張慶餘

仁孝之思與風化之旨俱能以抑揚旁觀發揮
無遺覺父子師生之身分悉出矣

李牧癡

上學憲汪文漪先生書

某聞天下之文章聚於東山鄒魯之於文學其天
性也經術有傳矣他若昔之濟南今之新城以大
雅之才意不可乎一世皆某之所服膺而願學者
也況起衰八代力崇正學如先生者哉某學乏師
傳經術淺陋一行作吏此事便廢於文字不宜言
亦何能言顧生平癖嗜有不能釋然者嘗怪世之
小夫見北地濟南之光猷目懾氣歎妄生訛議謂
藝苑卮言乃舛州蚤年所著爲干鱗所誤此如援
朱歸陸者造爲晚年論定之說回憶首尾以疑誤

治古堂文集卷五

空

後人耳夫南北分標黨同伐異自古而然所賴大
人先生示風雅之宗爲後學標準耳以故不揣冒
昧妄錄夙昔所爲詩若干首又所梓詩文三冊以
工價不給中輟並呈清覽倘言不大謬可以問世
當徐圖竣工至於制義一道發理藹明王制尤非
小技亦有好事者持拙稿投梓俟梓出再呈伏念
道在斯文求則得之雖地望淵絕心之精微不靳
其相師也況世途多岐得正路者或寡矣周行在
前又以地望淵絕不敢請業是負絕也且夫詩辭
同道之末流也士幸生休明之世不能簪筆直廬

揚抱治平今已驅馳下世官隨分盡職與編氓
同甘苦乃欲嘆老嗟卑弟少義命自安豈不悖乎
但咫尺憲轅又迫歲暮情利不獲親炙光霽與聞
緒論此中不能無快悅耳謹抒下悃伏候至教

復胡子明書

自接手報以尊公先生之訃相聞兼以禮俗異同
下問不遺芻蕘知足下事親以道於終始之際無
之有悔矣聞命以來且感且悼世務牽纏遷延至
今始克遣倅至汾一復來指並訊卜葬何日或安
厝舊阡新宅諒易簣時必有治命至云性不昏亂
此在二氏以爲難而不足爲先生異何者生寄死
歸是解脫之謂生順沒寧非解脫之謂謂一息存
而志未弛則定性自能不動也所望仁人孝子思
孔曾之懿則却瞿曇之幻說敬以致哀禮以善俗

使唐魏遺風彬彬而進於鄒魯而愚俗惑亂者知
其無益於吾親而且暴悖乎聖人之教庶幾悔罪
而回心焉此前哲令德之所以爲民表也善繼先
人之志不在斯與昔中卽議朱穆之諡伊川治邵
子之喪僕豈其人哉雖然敢以臆告夫禮者有本
有文合乎古而戾於俗君子不懼也或其無害於
義者從之可耳凡吉事尚文凶事尚質故曰禮無
容言不文喪事欲其總總爾又曰凡喪敬爲上哀
次之則又非悻然去文第爲孺子泣而已也先司
寇新吾先生酌禮俗之宜所著四禮疑四禮翼二

書表文質而通時變尤讀禮者之要領也幸覆視之何如小詩達情耳恐不足以銘有道誅徵士也雖絮不腆敢借口不以貨財爲禮哉銜悲率復言不盡意

論禮之質文言有根據情自纏綿弟復恒識
尺幅中本源自深 吳子淳

復裴淵公書

京塵困頓中接年伯先生訃音爲吾道深慟不但猶子之情自哭其私已也昨以世累匆促未遑作札慰問至誌銘重委尤非塵心所能抽緒諒遽使傳語已達鄙衷矣近始乘閒勉就研席脫稿請正可同君翼商確倘義有未安不妨往復夫碑誌之作與史傳相表裏近世第錄本狀茫無要領至以一人之身衆善俱足使觀者並其一二實蹟亦不之信則死者之失傳皆作者之罪也先生學本忠孝所性自足而宦蹟復赫奕如此則學與政均有關世教而作者不得從畧是以損之又損而二者仍並峙焉二者既詳則世系不得不畧然近世詳列姻族亦無取義但夸其盛貴耳或稍潤之無妨要之與狀有別又文各有體傳誌之與講錄較然已雖開示來學不厭詳說然非其體也嘗讀伊川所著明道狀簡括明肅有德者之言固宜爾也銘先生者豈徒文字云爾哉吾邑淳風未散遺緒在人後來者如君翼之簡穆行度之寧靜皆可上承先生之緒而行度長逝令人氣索久欲爲之作傳尚無暇時然志必爲之竊謂四時有德行漢人黃

叔度足以當之行度今之叔度也何必措之事業
乃傳若人哉廬次哀毀不宜多有所請因欲達之
君翼共析疑義耳百惟節哀從禮不盡所懷

所言一一皆碑誌之科律吾欲取而鐫于申之
方文

答族舅王廉夫先生書

二月廿五日接來札雖期許踰量而挹其文采何
巨麗而有則也夫文章之難古而然矣漢魏而後
六朝四唐中如陶謝李杜復有幾人某質至鈍幼
不知學於古人詩文未見萬一然宗唐耻宋鄙性
則然竊於明之何李所願學焉近代王阮亭李天
生一二人耳至大集向止得九日數作而西莊佳
什今始獲善本於塵埃遇神仙中人不情移海
上者耶吾師乎吾師乎堅守所學敬聞命矣更俟
讀本定後或能贊一辭再為請益向日所呈亦欲

先生一為區分俾不迷所往則幸甚某嘗謂人生
有二憾甫知為子而親不及待甫知讀書而歲不
我與二者所憾大小不同其實失學終身能無忝
所生乎夫學不但詩文即詩文亦非小技又有讀
書甚富而運化維艱位置未當者天之生才固有
限制與雲間謂浚川七律如武人坐禪惟濟南此
體第一某頗然其言質之高明以為何如昨大弟
來匆匆一飯特在親戚不我遐棄若即中終日岑
寂如閑小年間有過者不克治具亦不敢與論詩
恐彼此一是非互相牴牾悟則少見多怪之誚交受

之矣餘不悉

恍如接談而詩學源流作者本領具見於尺幅
中矣 張內正

治古堂文集卷五

辛

與王崑繩書

曩承命以令兄先生狀使某表其墓且慙且懼又不敢辭辭之是不獲與於善人君子之林也妄爲之恐盛德之難名而朽腐與神奇不類用是數月不能脫稿既而思之稱人之善不本其父兄師友無稽之言也鷓林先生與中齋公之傳具在取材無窮以先生之文應先生之命又何加焉昔班祿漢書多因史公舊文畧爲脩飾論者謂扶風之密不若龍門之疎良然蘓子瞻表忠觀碑原本趙清獻疏而繼之以銘深得班氏遺法僕何人斯敢望古作者而足下之文則今之龍門也東鄰女見夷光而效顰非不自知欲肖其美也拙工遊班輸之門遽操其斤斧豈曰能之將以手語問業耳僕之庸妄將無同惟先生明教幸甚

謙光至矣而身分自高非真有得於古人不能也 王或菴

治古堂文集卷五

七

與張給事書

太史公傳儒林難於信陵游俠諸篇以學術未易
揚詡也然於坦迤中有紆徐往復之致斯為奇耳
後人逐事臚列畧無斷制錄家狀可矣又焉用傳
僕才不逮今人而心竊慕古人於伯父大人傳受
命有日不敢率爾操觚近閱東漢文似得踪響因
揚榷其概有珙無醇匪但才有限由學未靜也若
夫濶色之則存乎孝子仁人之用心矣

侃侃正論而有從容揖遜之態風雅之遺也

張內正

與山中親友書

越阡度陌互為主客望衡對宇過相沃醕少壯間
井間悠悠過之不知其樂也久櫻世網忽焉老至
兼此夜漫漫方寸萬端思之如疚在躬視襖襖耕
鑿者如桃花源水不可即矣世或忻榮厭寂意存
纓帶人各有心固不同惟我知己諒茲素心耳
他日素松白石間要言猶在必不予棄

頗近六朝矣而氣味究在六朝之上

張內正

柳州小札言盡而意不盡此最得之

沈礪士

復朱淨私書

某白淨私足下撒棘後八日得來書知吾子不以被落爲恨且欲相師何其禮恭而意厚也僕聞之君子屈於不知已而信於知己僕司文柄不能信吾子使吾子屈於僕不知而不愠難矣君子人與至欲執禮相師僕竊以爲過既而晤艾子空羣及武岡陳刺史俞云吾子見鄙陋之文辭聞其性之迂濶實欣慕焉而欲效其所爲非如世俗毗依爲繫援也僕感且愧乃嘆曰有是哉子不足以知淨私而淨私乃知乎乎雖不敢當其禮而用益堅其

治古堂文集卷五

七

迂濶之性龜勉焉以冀文辭之有進則僕且得所師非好爲人師者比於是重違吾子之厚意而忘其過當之禮吾子學本六經宗師乎紫陽其所著皆有古人遺意非苟作者僕盲且瘡方將於吾子乎問塗而行焉以求所底吾子顧問塗於盲而從蹇者行乎哉今有富人適遠道饑且疲止野人之家野人以爲寵也腆其具勸其孥修潔而進之富人者食之而甘歸而勅其庖易其所習爲者而效野人之爲始而甘再而淡三則厭之矣一旦飯御廩之粟嘗大庖之滋味知天下之美畢萃於是也

將茫然自失其爲富而益悔其鄉也甘野人之食吾子之欲師僕得毋類是若夫紫陽之學本性道而爲文章集諸儒之大成不啻大庖與御廩也以吾子之才加以所學之富於是乎優而柔之厭而厭之將自得而逢其原雖有好學深思百倍於僕者尚不暇相師况野人之食尚煩修潔而進耶前人論紫陽者僞矣僕亦云孔子天也朱子則升天之階合階而升天將能乎夫人之質有高明沉潛之異自游夏已然不但紫陽與象山也而世之高明者或是陸而非朱由其說以爲可頓悟而捷得焉如其然宜莫如孔子孔子生知矣不必好古敏求上達不必下學約禮不必博文四教之目不應以文稱首而多聞多見皆虛語矣豈其然乎豈其然乎吾子嘗曰文選出而六經亡世說行而士大夫無實學其志定而識卓沉潛之意有過人者僕則有說於此夫楊馬好綺麗鄧何尚清談患固然矣然宋之王安石明之李贄輩以聖言飾其邪說甚且悍然廢聖人之經而不顧其罪不較浮於嵇阮乎紫陽之古詩多出於文選而世說中亦有正論可採者子謂學如紫陽不始讀文選才如子瞻

治古堂文集卷五

七

亦不宜薄文選何也所見者大則細不遺所尚者
虛則其實亦不至也且夫窮經將以致用也經之
有術知之固難行之尤不易吾子年方壯盛其所
詣已如此使由是而之焉日孳孳而不已則其所
見者益大所與遊者日益廣凡所爲載道之器即
其所以適道者也不且有餘師哉雖然天下之大
如僕者固不可勝數若吾子之沉潛則希矣借曰
有之後來者尚俾之知所依歸勿使其栖栖焉止
野人之家而甘其食是亦吾子之所深願也夫所
著暫畱行笈俟前路詳爲賞析注定再報某白

治古堂文集卷五

七

叙次處筆力蒼健結構處法律精密頓挫處神
色秀整非數十年寢食於歐會之文而得其秘
鑰不能造此境李季平

熟於史漢八家之法故於條理井然中無不操
縱如意其筆之夭矯盤屈處尤與韓子爲近若
工部論書法所謂瘦硬通神者也朱子爲升天
之階語極精粹爲儒先所未發至不概攢文選
世說尤見通人達識喬仲容

復徐子文書

兩接來教未遑裁答緣索述者在舍促促無寸晷
之暇得竭鄙意以復左右今請畧而言之某少不
知學長而無述於古文辭盲無所見然心竊好之
以爲文者載道之器六經以道爲文而事寓焉諸
史以事爲文而言之合於道者亦間有之至於諸
子之書矯枉過正然其立言之意未嘗不求合乎
道也若夫後之爲詩古文者道也而流於技技也
而近於爭彼此一是非而門戶分焉有道之士固
如是乎哉來指以拙文標新領異祖述歐陽得其

治古堂文集卷五

七

神理將無嘉與過當耶然不敢不一復焉夫文以
明道道之傳也以精一尚已即以文言之言必雅
馴務去其陳非天下之至精乎用志不分乃凝其
神非天下之至一乎是故道莫著於文文莫貴於
潔太史公而後廬陵爲近之然六一集中絕佳者
蓋亦有數他若本論三篇去原道遠甚某於文未
嘗專祖歐陽而或有相肖者亦不自知其所由來
矣且夫新生於故異出於同何也道在則然也七
曜經天而朝暉夕陰變化無窮者天道也五土有
恒而卉華木實殊色別味者地道也若夫人之爲

道五官百骸生而皆具而頰上三毛增之惟肖者
形一而神則殊也是故非故無以爲新非同無以
辯異載籍有權輿理義有同然耳至所論盧太守
文抑揚悉當尊體更望靜攝爲道自愛意言不悉
某頓首

張北山像讚引

江南張子北山名伯受學於關中李中孚先生道
既通南歸以庚午夏過予求先集且曰吾無意於
斯世矣當歸隱太湖築室於七十二峯間藏諸先
正遺書誦讀之以淑其身吾將老焉子因進具愧
辭粗糲張子曰治求來見民食草根木皮殆盡吾
與子安坐而盤餐食且不下咽何辭耶時方憂旱
故張子言之惻然也日晡止宿出畫像示予子視
其圓貌張子惟肖科頭坐松下磐石山水環之既
重其好學復聆其仁言遂從而讚之

曰蒼蒼者松耶矯矯者龍耶邈而嘉者其跡勝而
肥者其容耶彼何世民其虞夏而黃農耶何泥蟠
於深淵而偃蹇乎千仞之峯何不流膏而助仙鼎
爲霖以慰三農噫我知之矣歲寒不凋者不可辱
以封南陽有人高卧乎吾廬是供高山耶龍從流
水耶淙淙涉大江耶采芙蓉遠莫致之耶褰吾裳
以相從

李穆菴像讚引

穆菴先生嘗令虞城遷耀州刺史俱以善政廉於
上官予聞之耿吏部云穆菴悃悃無華政尚安靜
可謂文吏矣予居遠恨未識其人今得因李訢齋
拜觀其行樂偉然中立四字無涯不倩竹石林壑
爲映帶俯仰之間意甚閒適也先生其有得於學
與

讚曰乾父坤母吾亭亭而中處太空蒼蒼四野茫
茫誰者與偕莫之頗頽中而不倚強而不息如此
人乎可以遺世而獨立

治古堂文集卷五 像讚

分

空中樓閣 姪大羣識

王先生像讚

皎皎者鶴青青者柏有一丈夫任天而自得葛巾
野服草生足側厚者地堅者石流者水峙者山四
野蒼蒼中自閒其人在高山流水之間

語不多意有餘 宋嘉升

是寫生妙手 高荆襄

治古堂文集卷五 像讚

八

題吳逸少小像

昔聞庾子山暮年名滿兮江關今見吳逸少年方
壯兮德劭仲華三十兮功成名立君當四十兮隱
於磐石道有隆汙兮古今人詎不相及亦既抱子
兮將紆青而拖紫大器晚成兮或清時之可俟松
竹爲心兮雲水爲神素節其秋兮冲氣爲春彼高
人兮山中之人兮

寧鄉觀風約

周廷三物之興惟德攸重孔門四教之設以文居
先蓋道因藝傳和順積斯英華發故士爲民望品
行優則科第榮寧鄉古隸冀州漢疆離石國稱三
晉景叔向之風流郡屬西河慕子夏之文學地靈
人傑蔚起名賢俗厚風淳挺生異質黃河黑嶺襟
帶地絡之雄鳳翼龍岡苞毓人文之秀甲第則有
曹京兆王尚書之忠孝相傳功勳則有陳昭毅龐
涇陽之政績並茂他若高真定之教諸子羣仰清
風劉海右之通六經咸推正學指不勝屈才竟非

難惟前事之可師期後來者居上多士氣拔山川
之秀生逢文獻之邦屹屹窮年孜孜學古螢窓雪
案知足用於三冬寸晷風簷何難試以七藝菁宿
則十年養氣守關閩濂洛之薪傳少俊則一試先
鳴慶曆成弘之規製皆懷奇而思獻寧有玉而
不沽至若韜畧專家孫吳餘教歷究古人之意經
有七書聿觀君子之爭射頒九矢既能發揚葉而
百中得矍相真傳亦欲掇桂林之一枝據鷹揚高
座惟

國家兩途並重斯職司一體均優某腐愧稱儒俗

應作吏治聲虛著深慚曳復之聲家學徒傳遠謝
紹衣之學猥以采芹早歲釋褐中年數偕計吏以
往來備嘗此中之甘苦調習斯浮華宜節莫務時
名格整恐平衍奇敢誣先輩清在骨則勁但思
弱句非清理勝為醇豈是常談即理雖淺嘗無
幾幸矣糠粃先惟方寸自知欲然瓦礫獲售猥
蒙推於兩相但曰清白家風敢邀盼於

九重自効詞章事羞子儉腹未賸石渠天祿之
書竹我虛心違作種樹鳴琴之致念經術可以佐
治兄事有人冀文風由此日新吏情堪慰豈曰仕

治古堂文集卷五 附公牘 合

優而學聊云聽廣則聰擇於某月日蠲備茶蔬肅
談藝術樞花然火欣看火尾將燒萱草舍金會見
金泥早報各抒平生所得務盡一日之長經以肯
而緯以詞言以足志揚之明而抑之奧文乃達情
或含毫邈然矢經營於慘澹或操觚率爾倏宣著
其精華或百折生奇似波屬雲興之狀或片言居
要如淵停嶽峙之形某暫委簿書躬親丹旆寅朝
旭日披萬丈之光芒丙夜明膏靜寸心而晤對振
朝華而擷夕秀精益求精輝山玉而媚川珠寶應
共寶彬彬章掖既在優崇矯矯韜鈴亦須獎勵策

標時務識桑梓之誼相關論摘新題想某曰之章
久厭王孝先不求溫飽方能不愧科名范文正自
做秀才便已存心天下期克副此素志實厚望於
諸生

弘麗之中有流逸之致 張郁麗

治古堂文集卷五 附公牘

全

季考約于午春

士爲民表講藝乃讀法之宗文居行先會友實輔
仁之藉故仕優則學官不廢讀書而道明斯行
決策將求濟世寧邑山川秀拔人物淳龐既已清
白相傳仰大司農之經濟亦且丹鉛並著景檢討
公之文章不佞涖任以來月課時行風氣日上人
懷盈尺之璧可易連城力握徑寸之珠堪輝數乘
今者春和已屆秋試有期歲干在壬啟金水聰明
之運年支惟午正驛驅馳驟之時百中何難一鳴
可待約於某日季考微言發四子見孔曾思孟之
薪傳大義闡六經披虞夏商周之竹素范文正存
心天下予愧未能王孝先不愧科名爾應有志所
宜樂羣敬業豈可玩日愒時

治古堂文集卷五 附公牘

六

奉天觀風闢文

爲觀風事照得古來取士行舉繼以言揚今日掄
才業精乃能德進制義所由來久矣經學之發揮
尚焉惟茲七邑二州三韓兩郡乃
國家豐鎬發祥之舊地而

朝廷膠庠養士之典區也滄海朝宗廣哉地維之
厚白山毓秀巍然天作之高哲彥挺生人文蔚起
華表山人之博洽既著金朝耶律楚材之淹通尤
傳元代及夫勝國更產奇英年少性成若陳宗之
穎悟節堅行卓如張鉞之端方志既悉登事難枚

舉况乎

治古堂文集卷五 附公牘

七

聖天子作人於上弘菁莪棧樸之風加以名公卿
接跡於前播禮樂詩書之教從龍之佐久奏武功
吐鳳之才聿光文治本堂丹黃爲業清白居心素
餐柏府者七年謬典棘闈於前歲今復恭承
簡命蒞止名邦官以學政爲名思殫其實職在衡
文則逸樂此何勞念當年雪案螢窗備嘗甘苦知
是日海濤鵬運佇待飛騰應於賓餞之未與預卜
英雄之入穀歲行在卯正兔毫映月之秋春捷逢
辰即龍德見田之候爲此闕本府治中云云除海

城各邑及錦府所屬另行發題解送不欲調考煩
勞外所有奉天府學滿洲漢軍生童有志上進者
定於本月某日黎明登集府學明倫堂內聽候出
題課藝角勝爭奇或耆宿老成臨坐已能穿榻或
少年英俊足跡久不窺園倚馬成篇敏捷如雲飛
泉湧射鵲命中深沉則月窟天心鉢傳於瞿薛王
唐正而不庸者為最法變乎故願慶曆奇而不誕
者必佳窺全豹之斑願蒸山霧然神魚之尾將躍
河門鳴必驚人足誠諸生學古有獲之風志文堪
定價勿負本堂憐才無已之苦心須至關者

癸巳江南典試警辭

蓋聞三物興賢為

聖朝之大典十年乃字實貞士之恒心況當

萬壽昌期恭奉

九重申命

天真有赫具如雷如電之聰明夜豈無知集十目
十手之指視敢不矢臣心以似水業兢兢凜凜功
令之如綸煌煌赫赫者乎履等家傳清白業肄丹
黃素案雲憲憶昔年讀書講藝天衢虎榜幸此日
典試掄才家大夫詩禮庭聞守身事親寧甘行殆

喬先太傅孝忠世濟省躬慎獨惟恐辱先 呂雖作
吏有年而窮經如昨學術淺陋固不免蠡杯測海
之譏負荷弘艱更常抱蚊力負山之愧但以秉心
不忒矢志無欺萬里滇南猶凜咫尺天威之懼履
恒典試雲南 千峯蜀徼每懷長安日近之心 雲名

分校蜀闈

矧茲婁水東西人多俊彥且大江南北

地接京師世傳陶董之火薪家授王瞿之衣鉢鵬
搏風濤思依日月之光豹變龍驤快觀風雲之會
移桂枝於春令月斧尤新開杏苑於秋風榜花依
舊誰不錦成七義急磨厲以需時尚肯白曳三場

甘黃緣以玩法者哉履等倘不公不慎匪敬匪誠
或因故舊深交會無鐵面或受富貴重賂頓改冰
心忍使奎璧之光星昏而斗暗惟教金銀之氣夜
出而朝潛玉滯荆山徒隕卞和之淚劍埋豐獄難
逢雷煥之求雖李薦之高文自成五色而方干之
及第誰待孤魂按之輿情有碑在口返諸幽獨無
地容身方寸何存徒負肉尸而行走幾希安在乃
藏禽獸之肺肝非特有道者弗爲抑且無良者亦
耻矣所患悠悠半世六籍功疎碌碌庸人八田識
闇描頭繪角好葉公之似龍排爪撐牙賞季良之

治古堂文集卷五

附公牘

卒

畫虎魯人售贗鼎亦蛙綠而紋紅燕石藏賈家非
輝山與媚澤如斯偽體詎是真才風簷之鑒別不
精則鬼奪其魄雲路之澄清有志斯

天牖厥衷敢誓無私用昭有鑒爲此齋戒沐浴告

之

天地神明 履恒雲名 自被

命之朝及入塲之日中途半夜若交半句私言隔

歲冬春倘受一行密札伏祈

神力蚤示明威俾明代斧鉞之誅幽受磨春之獄

殃子孫於來世未絕書香鬻妻妾於通衢長爲樂

籍是乃甘包羞以遺臭自作孽而難逃者也或鑒
履等素性無私丹誠俱瀝亦祈明開心竅暗撤眼
紗勿使擲地金聲聞者褒如克耳須令燭天寶氣
望之朗若盈懷更願內外簾官咸齋心而滌慮遐
邇人士皆觀行於聽言敢謂桃李春風以公器而
竊私門之譽庶幾梧桐朝日因文運而徵國祚之
昌共諒愚心以襄盛典謹誓

治古堂文集卷五

附公牘

九

癸巳江南典試告示

爲關防弊竇以核真才表正士風以光大典事照得三年應舉乃取士之常期

萬壽加科實

聖朝之特典爲主司者自宜矢公矢慎竭盡丹誠爲士子者亦當愛身愛家各安義命無如淳風易變岐路轉多既不能爲鳳爲麟乃竟至如鬼如蜮間有埋文字於空號者有托師友爲提刀者至於卷帙摺懷猶笨伯也更有伏鎗手於各所者有粉代筆爲老軍者加以出入買鐵非神棍乎如是等

治古堂文集卷五

附公牘

三

弊罄紙難書若夫詩禮名家文章巨擘行無由徑類守正之澹臺足不窺園效下帷之董子梅花春信功蚤迫於黃槐桂子秋香音旋捷於紅杏此則規行矩步瓜李遠嫌自能令采韜光杯弓絕影雖尚綱而恐著亦無聞而不韋者也幸逢監臨提調監試諸公皆理學儒宗名臣賢裔同考各官自能知其品行擇其才賢外廉諸弊自能防於未然懲於已覺風清棘苑誠多士得志之秋弊絕秋闈信奸徒斂跡之日也至於主司之稱職即在取士之人曰公曰明詎難備美惟誠惟敬敢不盡心剖

腹而藏珠身軀可惜割鼻以食口而日何存自當告節流芳豈忍甘心還臭但思東南才藪文無美而不臻西北腐儒言有餘而懼盡敢謂鄧林材木悉入郢斤滄海珊瑚俱收錢網乎惟是朝存三畏夜凜四知殫以忠行恕之誠念以人事君之義欺慊在已毀譽由人除另具誓辭徧張孔道外理合再行曉諭明列規條爲此示仰貢監生員吏民人等知悉各宜悔心勿徒華面四肢遺體誰非父母生成一日成名俱是

治古堂文集卷五

附公牘

三

榮何辱倘猶慙不畏死積習成風或因奸棍勾通或聽匪人撻戲或放榜之後輿論不平或請謁之時應答失措本館冰心有素鐵面無私勢必再試經書以核真偽內有筆跡迥別文字全荒者一面發審本官究根窮底一面會同兩院合疏題參共知文行須真佇見身名俱敗從此當澄清雲路總教鯢化鵬搏砥柱天衢悉使龍驤豹變斷不隱忍含垢瞻顧徇情昧一日之血心喪千秋之身分也爾等慎勿以身試法急宜猛省回頭須至告示者

後叙

永城李君季平自京邸以新安呂坦菴先生治古堂文集郵示且致公之意以索序裴逡巡謝不敏季平復走兄子惺督益力廼書其後曰文章之道無日不昭宣流行於今古之間而不能不有盛衰真偽之辨蓋人之心形於言而言之精者爲文或言矣而不文或文矣而復不能以垂後行遠當其時非不蔚然炳然足以譁世而獵名也及乎日久論定而求其卓爾不羣可以使文章之統宗於是乎不墜者或代無其人或代不數人如漢之賈董

治古堂文集卷末 後序

司馬劉向班固唐之韓李柳州宋之歐陽蘇曾王氏輩上下千百年間寥寥焉已耳而猶或不能盡免於後世之訾議何其難也豈此寥寥諸子之外其爲言者皆不能工與抑亦識有未至造有未邃言之雖工猶不足尚與蓋文者載道之器所以旁推交暢乎經傳子史之間詞而達於理諧於事者也故夫爲文而苟欲力追古之作者與爲之徒必當沉浸乎六藝周孔之道摩厲乎忠孝廉節之行不勦竊以飾貌不激詭以立異不逞怪以誣實其取於心注於手無非濂洛關閩之蘊真析之也精

養之也克彌於中而彪於外皆是物也不言則已言則旨遠而用宏大之可以用天下國家小之亦可以爲天下國家用矣昌黎韓子惟有見於仁義之人其言藹如故能約六經之旨以爲文閭中肆外而振起八代之衰也若使識不及此而徒負其橫空兀畧陳言之務去者以自矜詡於邱明子長之間是亦魏晉齊梁之異貌而同體者耳烏足以迴狂瀾而障百川哉至其原道之以愛爲仁述大學而遺格致與歐陽子之論性而以爲非學者所急斯則其造道而未至之蔽也竊以爲如二子者

治古堂文集卷末 後序

而使之生今之世必不敢以雄博鴻駿之才傲然崛強乎洛閩之上惟其生於程朱之前不得見其廣大精微之至論故其言未嘗不知本於六經而猶或不粹有如此耳昔宋景濂嘗論六經之道而以爲賈董司馬昌黎廬陵僅得其皮膚骨骼而至其心髓則必歸之周程張朱五夫子夫景濂爲有明文章之冠而其言如此則可知爲文而不本於六經與雖假六經以爲緣飾而不極於程朱之理解者皆瑣言支詞而無與於大雅之林者也坦菴先生家河南少陵之詩昌黎之文皆其鄉之前修

及有宋二程出而其地遂爲理學之源當明嘉萬之季王學多流於禪新安雲浦孟先生與太傅忠節公獨以無欲慎獨平實簡易力障龍溪近溪之頹波而三之醇如巍然泰華砥柱矣先生胚胎家學繼序發皇文章勲業著昭代其於古今文字之源流派別信能釐偽存真者也故讀其文如春雲晴豁頃刻萬變而卷舒自如其測其迹象徐而味其旨則在於樹吾道之防而塞異學之萌篤人紀扶風教殆左史其詞而洛閩其理者耶聞先生退食之暇日必熟復經書一二章則其所以心領神會得於千載之上者豈徒文字之工而已哉柴雖無與於斯文竊有以知先生之學衷於道其言進於古河洛文獻之統將於此不墜也遂舉其芻蕘之見以附之且以質季平云儀封周棐頓首謹

治古堂文集卷末後序

三

跋

家大人文集初刻八九首於晉之寧鄉時康熙壬午孟冬也是年甫生子弟守會追戊子典試雲南又刻使滇三記合前刻尚不及什之一子兄憲會於是年登賢書請繕全集付梓家大人弗許常自攜以刪訂不少寬假及己亥夏棄予兄弟僅散存草具五冊未經編次宣兄弟於苦志之次日捧先人手澤供几筵慟定時輒加編校凡詩集時義傳奇並古文若干卷於小群日各手鈔一過存原本與遺衣存一篋值祭期分陳左右子舊句所云別

治古堂文集卷末跋

四

無宗器但陳書者蓋指此計讀禮三年中凡手錄先人集各五六部呈當代名人賞析時義先經黃際飛仇滄柱兩先生評選二百餘首僅梓行黃本仇本初散佚在外於先大人易簀前一歲始得於都城市人之手今彙成一帙與所撰洛神廟傳奇當續謀問世詩集二千餘首丙辰丁巳間守會持奉沈確士先生刪存千五百五十九首詩餘附後隨授梓於崑山文集本亦經沈與王或菴先生選定未及梓行予兄嘗同張侍御月槎編校再四又晉江陳先生與漳安方文翰都篇加評騭先大人

之及門吳宥函儲六雅憚哲長批讚尤多方靈臯
 先生亦嘗讀而序之藏待他日授其子始費什顧
 謂宣兄弟曰勿急取恐爲他求序文者口實故弗
 敢再請今予兄若弟皆先後即世宣獨抱茲遺編
 行且老矣不授梓以行世更安待耶用於簿書之
 餘逐加讐校凡諸家所評贊討論擇其義尤長者
 從之帙既就又寄質張侍御指以爲然然後敢鐫
 板時在乾隆庚午之春集凡五卷體十有六文一
 百九十二篇不肖男宣曾伊蔚氏謹識於江華官
 署之九思樓

治古堂文集卷五

五

治古堂文集五卷

浙江巡撫
採進本

國朝呂履恒撰是集爲履恒歿後淳安方棨如及其

門人石屏張漢所選定凡一百九十二篇每篇各

有評語如制義之式

雪鴻堂文集四卷

〔清〕李鍾璧撰

北京大學圖書館藏清康熙五十七年刻雪

鴻堂全集本

附《四庫全書總目·雪鴻堂文

集四卷》提要

序

宇宙有自然之文惟善學者為能出其心之所蘊而自
之於形聲之外絳雲之卷舒澄瀾之往復起落
末之間而極之為慶為霽為淪為連為奇峯為奔馬為
複若重樓為曳如疋練倏忽變現而不知其所止此則
所謂自然之文非可以有意摹倣而得也通江李鹿巖
先生世以經術起家學博而才雄自其歌鹿鳴而來京
師跡所游歷幾半天下中有所觸輒于詩文發之十年
之間遠宦粵西鳴琴之暇即游翰墨近者優游泉石以
書史自娛雖家無僦石晏如也嘗哀其生平所著合為
如千卷以質世之有志斯文者余讀之見其奇偉俊拔
不假彫飾而逶迤曲折波致橫生因歎所謂宇宙自然
之文其在斯乎先生生長蜀都得江山之秀氣蜀故多
才自漢司馬相如王褒揚雄以文章顯迨有宋蘇氏出
而詩文之學遂為海內一大宗近世為蘇氏之學者甚
衆而終弗之逮何哉襲其貌而遺其神故也夫以蘇氏
之詩與文取古人之體製一一按之未必合也而其神
理無不合也故能不依傍不沿襲卓然自為一家之言
今以先生之所著參之蘇氏意豈有異乎夫所謂著書
者明乎理達乎辭焉斯止矣至於神理奔赴迴環往復
不盡不休往往往有人所欲言而難言者信手落筆縱之
橫之無不如意此古人所不能傳之我者造父之御馬

輪扁之斲輪病僕丈人之承蜩率是道也故余謂子瞻
既善學古人而先生又善學子瞻所謂離之則雙美合
之則兩傷彼知美顰而不知所以美者徒驚駭其鄰人
而已耳余少時嘗有志古人之學慨焉未逮釋褐以來
恭逢 寵命承乏 直廬自惟謏陋不敢輕言著述然
披卷開帙往往見古人用心之所在適先生之令弟芝
麓先生其文其行為同館所推挹相從過問因得以見
先生詩文之大全當其振筆疾書直寫胸臆川嶽為之
動搖禽魚為之飛舞即作者亦不自知其所至也顧語
芝麓先生君家雙璧不知誰為爭長千百載後將以稱
二蘇者稱二李與二江之雙流並雄於靈閣玉壘獨詩

李鴻章集卷序

二

文云爾哉康熙丁酉春日年家眷弟海寧陳邦彥拜撰

序

原夫賡歌有作聲韻斯興風雅而還源流遂別鄴中才
子振逸響於前型江左詞人繼芳塵於後躅洎乎唐宋
大放厥詞亦閱元明載沿前轍大約練氣者以飛騰變
化為宗尚辭者以綺麗繁華為貴鋪陳終始或排比極
于千言較論短長或推敲艱於一字雖揚鑣分道取徑
不同而抗志抒懷其揆則一世伯鹿嵐先生家在通江
根蟠仙李井絡岷山之秀磅礴蘊奇青蓮昌谷之風延
長復振夫其枕經藉史含英咀華文逼歐曾理宗灋洛
固已三秋瑞露灑而愈鮮萬頃澄瀾酌而不竭就中詩
學迥絕時流溯厥本原殆難名狀夫永言本以見志而

李鴻章集卷序

一

大小一隨其人賦物即以陶情而悲懼恒視所遇惟長
吟永嘆皆我心所不容無斯感物造端感斯文所宜自
有苟其假笑啼於異體必至隔面目於同堂以公少稟
異資長流文譽里名通德家有傳經太夫子以名宿萃
廉出膺民社下車伊始盡室而行公以西征作賦之年
當東郡趨庭之日鶴鳴子和風流豈減蕪門兄唱弟酬
歡好寧殊謝氏天倫之樂古昔所希亡何網值虛懸沙
迹影射欲上書而無路惟刺血以自明雖風靜波恬雲
開天霽而分馳南北嘗登王粲之樓僑寓東西長寄伯
通之廬此公詩之一變也僻生西蜀流覽中原既登賢
能之書即擅馬揚之譽黃金臺畔多士盡為之傾心白

玉堂中羣公亦因而推轂公緣情裁製壯甚湧泉即席成章疾適義手士衡賦就張華歎其才多公幹詩成魏文稱爲妙絕此公詩之又一變也中年筮仕遠率炎方民既猛獍雜居地亦山原相半敦以禮讓人恥盜牛阜以殷康里無吠犬時則吾太史夫子既捷禮闈旋登翰苑梧向陽而轉茂揀連萼而增芳公寓物寫心援毫誌喜雲山七千里望春草而憶惠連旦晚十二時對寒燈而思同叔此又公詩之一變也秩滿當遷囊空如舊方含香之已逼遽解綬而言歸松菊猶存頗倣陶潛之高致田廬何在惟餘吳隱之清風公則累足衙門絕轅城市田家酒熟率爾相邀漁父歌終悠然屬和吟風弄月

雪鴻堂文集卷序 燕喜堂

二

顧宇宙其若浮折芟燔枯對親朋而自足此公詩之又一變也爰是徘徊曩昔俯仰生平悵歲月之已多懼篇章之易逸并爲全部合成鉅觀體備古今集分甲乙鏗鐘憂石羣籟由此宣焉導河溯江真源於斯備矣夫良金所以致用然必需鎔鑄而成形美錦所以報章然必藉剪裁而適體古之作者恒必由之大約以氣骨爲良金以辭華爲美錦性情以爲鎔鑄智慧以爲剪裁故疾徐甘苦應乎心脩短穠纖合其度以今名手各自成家喜初盛者排中晚爲變風祖漢魏者薄齊梁爲纖調其或矯枉過正則又流遁失中非有一定之成規執息兩家之聚訟不知詩人有作凡以抒寫性靈倘其感出無

聊不過流連景物若乃性靈無動于中景物罔觸于外巧啞餘于先哲襲牙慧於冷編或無題而先有詩或無詩而先有句譬市簫村鼓按之于律呂則不和碎錦斷縑用之於冠裳則弗稱止供當場之笑難免大雅之訕反覆此編激昂起舞昔公明持論文采葩流康樂賦詩與會標舉撫茲佳什如接清談言盡格成非因言而立格調成音赴非假調以諧音崛強而不戾于和斷彫而復歸于朴當其縱心獨往已極解牛游刃之能即或取則前人亦有得魚忘筌之用仁愛忠孝緣是而生月露風雲可以不作世有覽者請以是觀惜曰不然各從所好康熙丁酉春日年通家耆世姪查雲標謹序

雪鴻堂文集卷序 燕喜堂

三

序

學有其近有世近有地近故孟子近孔子宋玉近屈原
鄒魯固其地之近者楚蜀則亦其近者故相如之賦近
騷揚雄之賦近相如且夫楚澤之蘭若江漢之芙蓉雖
紛葩庶草有以近之者皆被其芳而君子之學或世近
或地近則其風亦必有所被況辭賦之學尤得風人之
旨宜其所被者遠而近之者更何如乎蜀之學自漢唐
而至于宋或世近或世遠而究賦不遠乎騷詩不遠乎
賦而矩度乎大雅音響乎王風唯子昂太白之詩有近
之雖極盛而至于蘇而盛之反也則為敝矣夫天造之
形完于理人為之器密于智渾成之形餘于厚傾覆之

雲鴻堂集李序 燕喜堂

器過于盈草木之變衰者傷于榮文章極光燄之長者
每短于盡而蘇氏之文章其亦太盡者乎世伯李元修
先生所著有燕喜堂集其詩與文雖未極蘇之盛然亦
不為其敝譬峽有束也山有岨也固不為其嵯峨而浩
蕩也亦不為其蕪與濫也曲而波行其直散而谷歲其
幽注而不激往而不盡其行文之氣殆近于歐曾者哉
夫文之行也固主于氣而氣之純駁則因乎時氣之剛
柔燥濕則主于地所以學雖有世近有地近然世近不
如地近以世有異而地不殊也故孔孟不殊于魯屈宋
不殊于楚相如子雲王褒譙周陳壽子昂太白蘇軾之
屬皆不殊于蜀康熙戊戌秋仲年通家眷世姪安溪李

鍾儔頓首拜撰

雲鴻堂集李序 燕喜堂

序

蜀中有李君鹿巖者其自序詩大旨云詩貴于思又貴于思之自得而不貴襲如蜀之詩人襲蘇而凡序蜀人之詩者亦多蘇之是襲皆不思者也李君之言如此故其為詩與文皆有奇思且夫萬物不相襲而相用日不襲月而月用日之明江不襲湖而湖用江以洩與梁不襲車馬而車馬用輿梁以濟醪襲水水襲則不醇銅襲金金襲則不精推之五霸襲三王楊墨襲孔孟鄉愿襲道德皆以襲其外而不思其內襲其淺而不思其深而學日亡况乎詩者思也而不思則何有于詩哉李君之學既貴于思故其為詩與文皆思其所自得而不思夫

雲壑文集卷序

燕喜堂

人之所得其詩若干卷多挾發泉源之音搜剔幽遠之闕而丘壑崇深精入穎出故能推陷其蹈襲之弊而開拓其哀樂之懷嘗謂風人之旨雖多言愁然各有其愁而不相襲而屈宋則善愁者也然宋雖屈學而不屈襲李杜雖建安江左學而不建安江左襲故屈宋不相襲李杜名相參是不相襲則相參相襲則相役此亦視其思力之強弱而決也夫強相參弱相役苟徒襲而不思焉則亦自賊夫學矣李君曾為縣于平南以其詩被于絃歌教民有善政然不善媚計典以病罷之讀集中所上宰執諸書間亦論及其事亦可慨也而即其書以論其文亦非其外襲者也不屑腴于唐宋而秋實于韓歐

然皆能自立其根之淺深不為其枝碩茂如倉庾實菽粟父老足肉帛亦農家之本富也若壟斷于市利篡取其奇贏亦襲取其富者而已康熙戊戌春仲古歙宋和拜撰

雲壑文集卷序

燕喜堂

二

序

古人有和韻無次韻韻至於疊尤非古人所尚蓋情事不侔境遇各別而拘拘于數言之中未免辭不達意重複牽強古人亦憚其難而不爲也若其因景造句以意遣辭不出數言中而變化出入左右遶原絕無牽強束縛之態此又後人之能事而古人所遜謝弗遑矣同年鹿嵐李君丁丑下第後館於內城有送別上海鄔克非長句二章予嘗次其韻自後鹿嵐與予每有唱酬輒疊前韻翻新意以相歡笑各至十數首無何鹿嵐居憂旋里予碌碌紅塵與會索莫竟不復置意而鹿嵐讀禮之暇感物興懷輒仍疊前韻多至百餘首未已且其造句

雪鴻堂文集序 燕喜堂

一

遣辭愈變愈工如泰華嵩衡同一山而各標靈異江淮河漢同一水而別行波瀾嗚呼可謂難矣今鹿嵐試于春官復鬱鬱不得志以返更三年後吾知鹿嵐錦囊所得未可量也而予困頓京華氣衰志惰其愧惡當何如哉鹽亭年弟陳書御蘭氏拜題

雪鴻堂文集目錄

通江李鍾壁鹿嵐著

卷一

序

序王廷颺四書解

重修土主李公祠序

詩集自序

送鄔元非序

代泌今祈雨文

卷二

尺牘

與雷泌陽

與邵格非

上劉崇溪給事書

上許時菴夫子

雪鴻堂文集目錄 燕喜堂

一

上陳韋菴父臺

寄雪原弟

寄雪原弟

寄陳御簡

寄御簡

寄楊愛遠

寄羅西溪年伯

寄王懋公太府

候許時菴夫子

寄陳韋菴邑侯

呈某太府

又

與陳敷相

示兩弟書

與方位齋內翰

上樊崑來學憲

上戒心原父母

寄雪原弟書

又

卷三

古體詩

追和陶靖節桃花源詩韻

館內城步吳天章韻呈陳內翰

送弟雪原司鐸仁懷 偶感三首

丁丑下第鄔克非慰以詩次韻奉酬

都門送某學憲

行路難

白雨

古怨辭

近體詩

壬戌暮春登銅山五首 趙泊口早發

甲子初歸與薛子浚偕行入市

翠鳥

偶感

雲鶴集目錄

燕喜堂

二

乙亥客閩城張曲山年伯垂示詩步韻

展上已後一日寄園雅集見杏樹數綠一枝猶艷

同人限韻四章

寄園雅集限韻集桃花源記得二十首

辛巳五月晦又庚弟嘗麥大雨如注座間誦鄉前

輩張招遠驟雨詩步韻

送邑侯許千長量移開州

和蕭東谷年兄韻二首 又二首

又二首

黃汾阻風

書懷

厂上人約同返蜀既而

不果家大人步曾文恪馬卒詩韻示意有和以

答因亦學步

王氏園亭

金陵登重樓

內兄王靖公別十四年

矣兵戈之後不遠數千里迎我於江南為發狂

喜時癸亥十二月廿四日也

歸來

山居

石鐘山和碣上韻

同學劉遜庸過訪

辟山春望和陸胥仲明府韻

和外舅王昭武先生手澤桂花韻

和外舅梳頭石韻

亡妾墓前小立

丁卯春從家大人追和陸劍南朝飢示于詩韻

已巳春邑侯王公招邑中諸友登辟山有詠擬和

雲鶴集目錄

燕喜堂

三

四首

無力買馬成價而賒其

直然不堪乘騎徒費芻秣一日牧人以墜巖報

邑侯王公禱雨得雨步韻

癸酉冬重過涇陽步辟間韻

呈汀州太府方位齋庶常

庚子南隆謁戴鶴浦夫子因從游靈雲巖步碣上

韻四首

步高觀一世兄靈雲巖韻

步高觀一世兄玉臺觀韻

已巳冬從家大人步于瞻先生雪詩韻

當湖曹徵之先生仰止久矣來令凡江壬申冬杪

以憲課就正因留卒歲除夕招飲步韻

癸酉元日微之先生垂示詩過承獎藉率爾步韻

辛未遇張子謙年兄於句曲扇頭有淮上即席韻

步和

乙亥長至後一日過梓

潼學博陰維九年兄挽留再三誌別二首

步陰維九年兄齋中韻 閩城北郭秋感二首

和許叔樵入都詩韻 誦李推官出門無至友

動即到君家之句因咏呈陳內翰

許叔樵投以詩步韻奉答

送同年王敬修任平陸

戊寅客房山和友人秋興韻

書陽堂文集卷四

四

和友人寄韻四首

仍前韻寄友人

破被

自課

校書

壽陳章菴明府

代

別陳明府章菴

山居

果城偕御簡年兄夜坐

同人徵咏為遂寧安子謙

前題代

甲申冬客果城和內翰

陳御簡年兄韻四首

都門謁宋東垣年伯不遇

甲子冬自吳歸外父王昭武先生以詩來慰步其

韻得四首

悼亡

戊辰下第簡同年陳御簡聯捷步詹非池年兄韻

戊辰仲夏都門聞楚警諸同人擇期就道子與御

簡遲後因呈

壬辰春正劉生以詩呈和其韻三首

和王生詩三首

燕臺秋日岳南邨世兄

以夜話有感步韻詩見示因亦屬和五首

之平南西溪羅年伯以詩送步和以答

志感疊果城和御簡韻二首

官餘

燕臺秋日呈陳心逸七首

甲申冬客果城送別御簡年兄步其韻

書陽堂文集卷五

五

客滯

除夕

懷御簡

友人見訪二首

即事

應酬

寫意

卷四

疊韻詩九十一首

序

序王廷颺四書解

吾人之所學者何也曰古人也古人之所著者文也文之所以著者行也文不載行則虛華不根君子之所恥也夫鴻才纖識各言其意境所造其于大道均有所發明而君子猶或恥之況其規仿帖括弋獲聲譽者乎乃世之言學者不然其所謂學文而已矣其所謂文規仿帖括弋獲聲譽而已矣彼其文之成也傳之儔人則榮名起賞于主司則顯達遂無惑乎世之重言之也顧嘗

雪鴻堂文集卷一 燕喜堂文

思之讀聖賢書而承其遺教者猶嗣高曾之裔而傳其遺體也傳高曾之遺體者未即酷肖高曾亦當彷彿高曾之萬一承聖賢之遺教者未即具體聖賢亦當彷彿聖賢之萬一誠欲拔越俗學而學古人必自四書索解始已既索涵泳身體力行童而習之白首而未究其端緒者此物此志也吾友王廷颺十年潛心一旦默契冥合古人若親承秘密鄉人之學者多宗師之丁丑公車與吾相晤於燕邸為人樸實渾簡不知雕飾其言語必根抵先儒未嘗馳說騁臆又時時發其心得令人意永非徒依口學舌而已其識之過人豈可以尋常計耶守正則知不駁雜旁通則識不顯因此俗學之津梁而尤

為吾鄉人之藥石也往者吾鄉前輩以雄放自喜揮霍排擊以為事天下後世亦多尊而信之矣後來繼起者聞其風而悅之目不覩程朱之全書而敢于訾議成說標榜異旨或相與爭衡或欲駕之而上其於鄉前輩則所謂得其贖而亡其美者也其于諸先儒則所謂螳螂怒臂以當車轍河濱之人捧土而塞孟津者也故吾樂聞廷颺之說亟推其解而進之也戊寅吾與同客房山數言教學者之法度皆不苟喜其所見略同但吾第能言之而廷颺則見諸著作者也既乃出其所著四書解以相示囑為之序吾讀而珍之知廷颺以之訓其家將來漸迄于此間廷及于州里率吾鄉有造之士精其識

雪鴻堂文集卷一 燕喜堂文

二

以學古人之文學其文以進古人之行蒙養聖功一以貫之吾且翹首跂足而望之矣

重修土主李公祠序代

甲戌之春余來通江縣視事於一切神祠凡祀典所載悉以禮舉行而其稱號之異於他處者則有土主之神詢之皆先代從事茲土而有功德于民社者也故春秋從祀鄉賢名宦之列而於縣署之北獨李公有特建祠焉按邑志公在唐僖宗時為洋州刺史以平寇功封開國侯食邑始寧郡蓋縣在唐為始寧郡為公食邑因家焉而於治中特建祠宇以崇報功德云今邑孝廉李鹿嵐昆季其苗裔也顧余於志不能無疑者公以功進爵

膺封且領食邑其事亦顯燦矣而史闕不書何歟豈是時乘輿播遷其珥筆於行在者紀載率多荒略歟嘗攷史全蜀當唐僖宗世固多事矣僖宗改元三乾符元年南詔寇西川陷黎州入叩咻關中和元年西川黃頭作亂二年蜀中群盜應阡能官軍與戰大敗光啟二年利州刺史王建襲閬州拒之公之策勲當不越此而具在矣是公之功德且及全蜀不但保障此一邑也民生艱難危苦莫甚於寇盜往往奸宄竊發近者迫搶攘遠者疲輸輓婦孺老弱竄伏於荆榛局脊於巖穴狼顧脅息以苟延一旦之命為幸傷如何已而公身其事以忠國者愛民遂能削平禍亂使蜀民安土樂業是公之功德

嘉慶堂文集卷一 樂善堂文

三

宜全蜀之尸祝而俎豆之亦不當僅此一邑也鹿巖嘗為余言邑極多李姓而惟祀土王公者為一宗故其在邑四境凡係公後者皆各立祠宇以合同宗而列他族余聞仁者必有後於公而益信焉全蜀值勝國末葉罹兵火最酷今其土著者強半為秦人而占籍者也况自唐迄今世歷五朝其為播遷流移者當不可億計而公之有後於此土者綿綿延延引而勿替且其為衣冠之倫後先相望則當年之功德必實有不可磨滅者矣余嘗欽公遺徽欲新公廟貌以志高山景行之意而殘邑掣肘土木動衆之事尤難輕舉今壬午春有量移開州之信時過公祠而初志耿耿未已適有釋子道明持短

疏千余以芝坪北麓有公祠欲新之正與余意相起發而深喜初志之得藉以償也道明所修雖非畧北之祠而其為李公則一也又其左則文昌祠附焉其右則痘疹祠附焉又皆司命降福於斯民者也其並祠也亦宜

詩集自序

詩之為言思也其端發于性情其理通乎音律本乎思以詠之故曰詩言志又曰民勞則思又曰窮愁易工而史遷亦言詩三百篇大抵皆古人發憤之所為作也其人意有所鬱結而不得通其志也余生平多思思而鮮所就故因其與會所至隨手塗抹長短得失視其一時思致漫自發揮其有當于性情與否叶于音律與否則

嘉慶堂文集卷一 樂善堂文

四

所不計也昔人謂子瞻詞品少不入格而子瞻他日之言亦云作詩必此詩定知非詩人若自下注脚也者要其風度豪上晚駉俊逸睥睨一時自命千古者祇自據所欲言代響于三十不律而借五七長短四始五聲以通其思而已余嘗謂子瞻之詩皆其文而太白之文即其詩久而愈信其然也自宋元以來吾蜀人士凡以詩歌古文名家者人人子瞻自待而四方博奇好古之士手其編欲為傳之者其譽之亦曰如子瞻云爾夫人各有思思不同則言者異矣言之者異而沾沾以今人之言乞靈于泉下之人而分其光澤亦不思之甚也有志之士思言所欲言即寫景繪情而各抱一情即各具一

景不妨自我作古獨成一家言然其高自位置不屑與
時人較工拙則得矣而謬與古人論輩行爭聲價豈其
心之所敢安者耶先王父存蓼先生以古學訓後進里
社中學舉子業者靡然從之戚友如向聖鹿馬龍吟屈
騷左王紫芝郭虛涵諸先生皆名碩宗匠瑜亮一時會
明末之變先王父為獻賊所獲賊首知其名為釋其縛
稱李先生且顧謂左右曰秀才讀書多毋得繫盤所著
文集若干卷曰雪鴻堂集兵戈反側擾攘久之亦視為
無用物不知投擲何處惜哉其不表見于世也異特于
戚友處得所鈔入秦詩十餘首因手錄攜歸三復之餘
令人改容起敬蓋其軼落江漢之間倉皇反覆幽憂歎

息之聲颯然動人魂魄真三百篇之遺也而家君子錫
徵先生克紹家學當年追隨杖履晨月夕之下多所
講究即顛沛流離委瑣蒙袂亦時侍王父左右未嘗間
筆墨之事也後值承平兩就公車所行路不下數萬里
所交游幾半天下其往來贈答之章轉托應付之作與
夫感時吊古之篇所蓄最富而此數年之前簿書旁午
不獲較定成書以問世嗣遭口語被當世斥逐又不得
親几硯杆開心銳志于身退之名以畢讀書願訖今萍
托蕪江投閒擲散雖無期會之煩免吹毛之索而生計
不聊八口嗷嗷有不肖男子三人于行笈敝簾中檢輯
舊稿訂次成編已半付梓人而工費無資亦復中止不

知此書告竣當在何年月日也此其為之而不及傳與
傳之而尚有待其嗜好當有倍也其取資當什百也其
心思所注不可泯沒者非世俗依口學舌之所能彷彿
也而欲山川發其潛德巖阿啟其幽光以庶幾稍有得
當于世尚其艱焉况其謫劣者乎竊生二十五年矣自
就傳時即辭蜀而東踰巴嶺渡秦棧過嵩華河洛極于
海岱之閒居十年而浮于江之南者三四年自謂義眉
三巴青城玉壘以及濯錦嘉陵諸勝依稀夢想十不能
憶一二當不復有蜀人風味無論學問文章不敢拜于
瞻下風即其青衣江瑞草橋今不且相去萬里耶胡顏
之厚而存此打油纏口之語濫列為集不其費紙筆耗

日月作士林話柄乎然余固多思之人也余之集固非
以珍吾詩也人生百年思亦何限但過而輒忘殊可惜
耳假之韻語在在收拾則絲粗識文字之年以至耄耋
惟天所授者其思皆可譜而指也詩之來久矣今天下
以詩名家者有人其論詩之法度為甚嚴余不知微有
當焉否也然余固存余之思者也

送鄔克非序

予束髮受書即有志於當世之士及長而游行天下方
輿之內足跡過半取友未嘗不廣擇交未嘗不嚴蓋以
予之頑鈍將有藉於蓬麻之助於所事不敢不慎故予
雖愚不肖而所友則皆勝已者也往者一再游大江之

南所至高人良士頗不鄙遺往往折節成契豈由其夙
願之誠歟何其償之若券也然予之於友取之固甚廣
而擇之則甚嚴丁丑春正來至燕京舍館甫定趨晤吾
友陳御簡內翰寒溫數語即舉案頭詩箋相示皆一時
知交投贈者余於其中深取克非作謂其清新俊逸奄
有庾鮑而開爽洞達想見其人固已中心藏之矣越數
日再過御簡而克非適踵至相見如平生歡克非所言
皆余意所欲出余有所言克非亦不甚逆於心余竊善
御簡之能知人而又喜余之能識御簡以友其所知也
無何余試於春闈場屋之文既以空疎荒唐迷其途之
所以達於主司者退而摩索囊中其空疎荒唐更甚遂

迷其途之所以返於鄉里者逡巡徙倚寄食於師友之
間事與心違居不彌月而二毛生焉克非知余意有不
能釋然者殷勤調護甚密破寂爲歡排愁成趣未幾而
余之意氣鬱者以舒鬚髮白者以黑是克非之有助於
余也余何能忘之也嗟乎克非亦不得其志之人也聞
子來京師三年矣度向者未與余遇一歲之間其開顏
而笑者當亦無幾時即克非之鬚髮意氣亦皆可想而
知是余於克非亦未嘗不爲之破其寂排其愁也然則
克非意中其亦將悠然長有余者也余友王敬修令平
陸聞克非有經世之學禮延之幕中克非挾策行矣余
自揣謏劣何能贈一辭其不能默默而已者惟是克非

行而余留余於此間頗少一破寂排愁之友予恐意氣
之舒者復以鬱而鬚髮之黑者復以白也克非其必有
以示予也

代泌令祈雨文

維年月日具官云云伏惟郡邑之吏宜惠心平政爲斯
民祈年祈穀者也而其邑之神則默贊造化順四序準
氣候使雨暘咸若以無貽民穡事厲者也然治邑有吏
司邑有神而吏不敢與神分理其民惟率民以聽命于
神則吏之權輕神之權重權輕則有所不能權重則無
所不可也明矣今 天子勵精圖治澤及荒裔海隅樂
業厥民皆占豐年而泌邑逼近京師僅三千里之內反

不獲神祐享利五風十雨致旱魃爲虐如悞如焚神其
疾視斯民就斃耶或因不肖之吏苛歛煩刑戾天地好
生至意則孽有自作謹有攸歸神若赫然震怒將使此
邑稻蟹不遺種山枯川竭以示警懼意本爲民而民之
顛沛更甚則神造助吏爲虐耳庸獨責吏罪且泌民更
拙于謀生自田里外別無所藉往年稍稱豐稔米粟騰
集猶自正賦難供羽檄交馳民倉卒急公不惜以十當
一冀免一旦訖完官已無復餘粒今復亢旱二麥難登
三秋失望蒿日傷心莫此爲甚職蒞任以來茹藥飲水
神所目電每期清白終始仰膺神眷又自分未吏微忱
或不足卹而泌之民固皆上帝所生成 聖天子所矜

惻也我 天子春秋鼎盛天授神武仁義有加焉祗席
黎首剪除奸兇闢越豫章百粵三川滇黔之間向之騷
騷蠢動者皆次第削平大難永定古所頌綏萬邦屢豐
年今其節矣 九重色喜謂吾民可食舊德服先疇滿
簞滿車如持左券爰下 丹詔覃敷無疆五兵四寶現
在遣官致祭無非廣滋天和延召神庥為元元請命若
必邑苦于祝融不獲聊生恐非所以昭平明之治無乃
實傷子惠之心今職率邑之士民禱雨于神已各洗心
滌慮創舊圖新約旬日之內定當大霽甘霖為泌民甦
命不然其以不職招愆有繇司牧而神亦未能獨辭其
咎也職從泌民起見自知無所逃罪惟神裁之

雪鴻堂文集卷二 燕喜堂文

九

雪鴻堂文集卷二

通江李鍾壁鹿嵐甫著

尺牘

與雷泌陽

去冬遠道貴治得蒙存卹及至德安荒涼之狀無復可
加幸年伯所惠猶足自供食用船脚之費已去其半至
家而追償欠逋一哄無餘此德安去人朱賢所目睹非
有誑言於長者也今歲往榆關省候家嚴發年伯寄札
望遲延已至深秋杳無踪跡豈前札所云乃手頭應筆
之語過後遂不復記憶耶但家君羈身天末為期已不

雪鴻堂文集卷二 燕喜堂文

甚遠不審將來面會日年伯何以自解耳且姪輩年來
所以東西奔走歲無寧日而家人啼饑號寒之不免者
率皆有所由致也世有處艱難困苦之地險阻患難之
備嘗而其故由於親黨未有能恬然安之不生怨尤者
也念自數年以來家嚴於年伯昆玉無一事敢相負好
心好報自古訓之况今值顛沛更宜加意提挈併其家
而庇焉母令讓吾人交道之盡薄也篤姻誼而重年好
修世交而厚親情端在此日縱費拮据義不容於辭謝
矣明春姪輩進京部試方得假道泌陽滿擬一晤而述
窘狀一切貲費似欲出自年伯想前書不欲讓人獨為
君子之語必不謹托之空言也時因便羽敢布鄙詞更

希海涵不盡

與邵格非

春間再晤泌陽旬日內倉卒言別蒙高雅賜以手書爲弟先容於劉怡菴先生處惓惓懇懇真知已骨肉感所難盡者也今歲自家抵中州以入都一切之費望之雷舍親適值奏銷諸事羽檄總無虛日而舍親亦以贖賁太歎乃以弟事而托計偕囑令復之徐電發代爲照拂此亦仁者贈人以言之意耳不意抵都後非若前日之所料謂當事者具有靳心即年翁之札亦恐以空函啟尊者之疑遂閣置令不得達固疑家君素稱怡菴爲人敦年誼崇古道意氣落落有古豪傑風弟雖未獲識面

雪鴻堂文集卷二 燕喜堂文

二

然心實向往之而所聞者何今昔互異若是豈所云一貴一賤交情乃見者耶後數日得其說於徐氏家人口中方知爲計偕小人之腹測君子之心矣仍以原書封上夢則未免以小人之心腹測君子之心矣仍以原書封上雖於事無補然終不敢沒年翁盛意且以見不致浮沉之意云爾人生斯世心知最難若所云肝膽如雲意氣如雪不以貨取不因勢附者當此之時惟弟與老兄耳馬首東西臨岐悵望倘聚星不難或把臂有日也因風附候不盡

上劉崇溪給事書

自入都來奔忙萬狀世事盡屬茫然客子途窮書生氣

短日在不破愁城中形影相吊此情何以堪耶時接老先生溫語頓減塵煩萬斛而外議洵洵不禁人頭目眩暈手足顫震殊不自己也昨見東撫彈章命下旨意亦但按紙談兵嚴勅該部施行此正路溫舒所云奏當之成雖阜陶聽之猶以爲死有餘辜者也當事者一遇州縣被劾情節奉行推勘便爲奇貨可居故遇者吹毛索斑衆口騰沸然其所以張皇震動者直欲招搖暮夜之請非真能推見至隱足昭我

雪鴻堂文集卷二 燕喜堂文

三

宿有暇乃敢以書塵左右黃縣殺人一案在縣本報姦殺固自有確據而爲姦矣及糧廳改報盜殺宜又必有確據而後爲盜雖若疑獄實易推求夫縣審爲姦則當詢其行姦月日及謀殺情故同謀幾人執何克器有一不具則其爲誣指姦情可無問也廳審爲盜則當詢其明火執仗與否四隣驚覺與否及失去財物與否或巡捕官役訪有踪跡防汎兵丁獲有真據有一不具則其爲捏報盜情又可無論也今槩不詳核懸空伸廳案而屈縣案其說已難服天下矣又直將縣官處分而殺人之賊竟置不問如曰殺人者即縣官云爾也處一縣官而殺人之賊不究可也則是其所謂盜者明明設此烏

有之辭為牢籠縣官之羅網既入其筌而所云盜者有無遂不論也而其奸已不攻自破矣彼誠欲信其諱盜之說當務得其為盜之人其人既得則縣案之為諱盜奚容辭焉彼則謂人諱盜而彼又自謂無盜之可獲庸可據乎夫以全無已鼻之盜案而易鑿然有憑之姦案朦朧混蔽橫加媒孽祇緣爾室有金遂使大廷無法欺幽獨以欺朝廷而鬼神且覲其室矣近者京師地震皇上詔內外臣工求直言方正禪補時政今黃民有身被慘死而命不見償者縣令亟為伸雪而上官復以賄故見駁身家俱擯之不測以快其志如此大獄未見推原黑海沉寃誰與申訴則今天下諸郡縣可例也上干

蕭書堂文

四

天和未有甚于此者矣夫知縣一官本不足惜兼家君素性骨鯁未合時宜欲避嫌引退以謝呼牛馬者久矣不意青天白日之下魑魅為隣玉石莫辨搆此烈禍亦大可哀也已老先生位列言路心在觸奸他時揚言天子以副求言至意則此可為左券也

上許時菴夫子

謹稟老夫子台座前壁以昨歲四月中旬抵任平南于夏季間即報見會試題名錄舍弟鍾義叨與世兄同譜不勝慶幸於時敬修一函欲附便羽走上以申懼怖之私而不可得遂固封為一閣置案頭月餘久之而遂罷聞嘗久違道範遐思光儀竊恐此衷鑒諒之難直以為

渾忘雨露漫負栽培大有恕遺之意毫無繫戀之情者矣茲者藉舍弟家人來京謹以數行代面叩所忸怩不安者惟是於萬里之遠便鴻如是之難而得之廼鼎馳一空函其為慚慙寧復可以言盡迺受職來此實有前緣聊一言之以發老夫子一粲何如往時先子疾革呼賤兄弟至席前命之曰汝輩讀書若得從館選一途尚矣若必起身守令而能不染指於火耗是汝等能成吾志者也賤兄弟於時拜而受命訖及昨歲簽掣粵西之平南甫抵任而見署前有立碑垂戒者詢之則前此彭蕭兩撫軍爭以清高相尚遂將前此地方規例一切革除此其立石示禁者也始悟先子之言早有前定者矣

蕭書堂文

五

遂堅持如守提命茲雖萬里空函絲毫無獻而至於貪私之行污穢之名內之辱庭訓外之玷師門則天地臨之鬼神鑒之雖明目張膽自信於稠人廣衆之中而可以不愧者也乃非特如此而已也憶曩時有受事壽陽者三年而即內擢問其所由則老夫子念在門牆從中為之引手也茲且叩天望幸北向引領妄冀老夫子廣大造之弘仁溥及門之化育將必使壽陽平南先後同視賢不肖齊觀而親疎無二致此固僻之萬幸而未必不於老夫子多一美善者也茲者秉筆之頃而本府臨署盤倉字畫未得端楷并祈有恕臨楮無任報顏戰栗之至

上陳韋巷父臺

頃者旬訇詣臺瞻望顏色知為精明仁厚之主殘邑之幸也既而賜食款洽甚深如對重門洞啟悉見我心曲之懇快何可言治弟素不善飲不禁忽爾傾倒能頻而且出亦不醉尤不可解聞者以為詫異蓋公瑾醇醪叔度千頃老父臺兼之矣以仙鄉為理學與區文章淵藪其間所出偉人自是夔絕而窮鄉下里之士聞見咫尺親異人如讀異書矣敝邑事簡不足當鉅刃之小割則官有餘閒可知擬持生平所著就正筆削而又自揣鄙謬不敢恃其愚而忘其醜躊躇前却何能自己老父臺初政理不當以瑣事上瀆但此為前許父臺所引端而

寄雪原弟

六

未竟者而又不宜久閣率爾斗膽出此承諭以原文登簿不敢方命其實此種手筆當使人不知出于誰手乃為良策而以聞於父臺不敢隱避以涉于欺所最不安者以此座高明大方之目自蹈于狂妄而不省事耳要之不得不以此文呈覽猶之不得不以此事上瀆也如曲諒而寬恕之則幸矣署衙仍前者一則承命一則不敢代大匠斲之故非不記上焉者雖善無徵註謂時王以前義也謹自狀其罪以謝

寄雪原弟

人生念先世之崇替子孫之賢愚則承家引後惟日兢兢自不能已豈待他人之勸督不然者雖勸督之復何

益矣茲與葉冠帶小題文三冊吾弟擇其明白曉暢者與之讀多則百首少則五六十首亦得異日吾將延名士人教之

寄雪原弟

兩年簿書滿腔鄙陋不但伸紙不能措詞亦且舉筆不能成字而所最不能忘懷者惟是平昔于制舉藝一道頗延時日將近肯綮奈之何疎遠高明未獲真正嫡傳故其他榮幸歉然者尚可以命數苟安惟是此間參學未忍糊塗放手賢弟承先人之蔭幸廁文章之林而身處聲氣之交必多得性命之友愚兄欲假此因緣盡平昔所學步者敬就海內諸大方一為論定而但以手本呈賤名以稟帖獻拙課幸而卒業猶云屈此伸彼如其揮之門外則他年靜息寒隱思舊事定是追悔無由多生愧赧也吾弟其參酌而寄我一音焉

寄陳御簡

論詩之法古不一家其言亦各有主持弟濡首時文中無暇深考而專信之而鄙意所持以去取者第以論文之法從事以為詩文本一道直用音律與不用音律異耳况漢以前詩其所為音律與近世作家所奉守者了不干涉而其詩獨高妙絕頂者非其音律勝特其文實勝耳且即時下八股文字苟要其至則抑揚頓挫音韻天成令讀者唱嘆擊節與按譜填成者無異此何故歟

以論文法論詩未知于古人有合否即係今日破天荒之語倘亦塞夫之所掩耳而通人之所賞心未可知也

寄御簡

往歲都門同寓約同徵收吾鄉先輩詩歸搜敝篋所存不過數種而藏書之家不多得亦無從借鈔他惟足跡所至得之耳目聞見者輒隨以筆墨所得稍夥未便郵寄以請論定外有疑難未決者願與御簡商之竊意此舉若專爲前輩網羅放失則可若其業有全集行世者勢不能盡收入選而隨意拈取掛一漏萬無論遺珠之恨固所不免甚者或至捨瑜而取瑕不且令作者胡廬地下乎昔朱子選楚詞後語人不數首要皆于其人之

集海堂文集卷三 燕喜堂文

八

全集若干篇中較定銖兩辨別黑白而後分去取焉故能使讀者取于此而遠足也如昭明太子撰文選而于屈子之作自離騷卜居漁父之外九歌去其五九章去其八識者猶或譏之何者蓋選者之識必踞作者之上如登高而視大小遠近一目瞭然者乃爲至也其次猶取夫學力相敵者如孟堅之用史記南豐之改後山是也今人之識萬萬不逮古人而欲去取古人之全書吾知其難矣御簡澄懷靜慮遠養卓識其所著作已入古人之堂與至于論斷古人又必其胸有成竹者也璧于此舉樂觀其成而願爲執鞭謹陳鄙陋幸明教之

寄楊愛遠

往年賤兄弟同來貴治殊混清暇而遙瞻鄉井極目關塞又似天涯氣聚別有深情分袂南北均阻魚雁遙聞福祉不勝欣慰也竊以老年兄長材利器不拘方域彈丸小邑奚足當其游刃前自貴治反途中與舍弟言昔者趙有賢大夫人或伺之入其堂無人堂焉者入其門無人門焉者迄今數千載後光明俊偉之度如在簡冊乃今之慶老至入其門竟無門焉入其堂竟無堂焉其賢當加于趙大夫一等相與發榮雖然不如是將不見老年長兄之無所不可則天之所以顯異能著茂績者實假此彈丸小邑表章而旌揚之也烏臺栢瑣指日可俟前輩踵武後進指南舍此有道殆將誰屬茲者弟以需次將及待候都門瞻望弗及曷禁神馳微物將忱統惟鑒茹不既

集海堂文集卷三 燕喜堂文

九

寄羅西溪年伯

恭候老年伯福安姪于五月廿五日掣得廣西潯州府平南縣路遠雖遠缺尚中平親友關切者頗爲姪不憚于此然姪聞君子素位而行不願其外且吾輩人必欲得一美缺意將何爲所可幸者聞此處上臺皆儒雅盛德遇下有禮而此邑地僻而事簡與賤性最宜不但天之酌其才而用之而亦陰賜以疎懶之福多予以書史之暇也況邑雖小不減其爲南面而且歲食俸錢較前此鄉教讀生涯相去必當有間豈可不自揣量而當寒

美夏值暑思冬以重昧上蒼曲全苦心哉王翊宋房租
尚欠祈老年伯爲姪解釋其憾日來僕僕無一正經事
而甚不得閒未能端啓聊即此漫及之匆匆裁奏所言
不悉

寄王懋公太府

往者旌節出鄧門時治某從一二同人後伏謁道左仰
觀行色繼而接溫語親德容留戀幾不欲別依依此情
如昨日也敝鄉荒殘久待撫循而蒞治諸上官皆仁厚
福澤之至此殆天以挽回培植之權寄之也遙企老公
祖下車來覃敷新政美不勝書山國黎獻胥登春臺治
某在數千里外不禁與敝鄉人同其忭舞也茲者以樗

雲漢堂文集

卷三

十

樗庸材勉入仕路于五月內得廣西平南縣缺雖目前
頗苦其道遠費重都下稱貸爲難然聞其地僻而事簡
又各上臺皆儒雅盛德待下以禮實爲書生之厚幸此
一節則藉福履於老公祖者也今有使人回籍治某緣
之寄家信遂憶前別時承諭以附寄家報特向府前叩
詢得從內傳諭云數日前已有使人寄去矣兼蒙賜名
帖致賀時六月初十日事也如果有使人寄來家報可
以信其之非虛言矣肅裁蕪函統惟崇照

候許時菴夫子

往年客房山時曾有短奏以敝縣前賢之失載於一統
志者爲請隨蒙賜手諭云表章前賢吾輩責也俟商總

裁酌入至於此札存之簡間什襲寶藏也嗣後因家事
端人至京復條列數人事蹟以請昨歲出都叩辭又蒙
面諭再行開列維時行色匆匆不暇旁及他人謹以敝
先人之在唐宋代者呈覽恐老夫子公務煩劇易即遺
忘茲復條列如左誠以舊志闕遺千載恨事而奉

勅纂修又千載盛典即得儲言於老夫子左右亦非
偶然是不避煩瑣至再至三以庶幾得當而猶恐老
夫子欲試其意之誠否姑俟其再請也而應其求則在
辟苟以爲不敢瀆而在老夫子且以爲請未堅將屢陳
而終於不就等於功虧一簣之譏也竊意老夫子名位
之尊承德音而望餘光者固已滿天下乃於數輩達官

雲漢堂文集

卷三

十一

貴人旅進旅退之外而別有草茅樸鄙之士走致一函
於萬里之遙非計爵秩之崇卑非較資俸之深淺而敬
與商確古今景仰名德未必不如青梁饜飫之久而忽
御以冰桃雪藕遂爾坐致清涼者當亦老夫子所樂聞
也且不但此也老夫子以當世儒宗當宗伯要地凡係
聲名文物者皆宜整頓而張弛之與昔日閑戶讀書所
感慨發憤者盡數乘時而力爲之以無負天下後世之
望則辟因一人之私請而頡推類以及其餘者又如此
也心邇途遙縮地無術望見顏色未卜何時茲因小壻
來京之便肅修蕪稟以候興居

寄陳韋菴已侯

治弟生平有一事私竊自詡謂有天幸者蓋以里巷樸
邀之人無片善寸長之著聞而嘗辱四方名賢之知若
其在邑大夫者前則三楚王公後則八閩陳公也方王
公蒞敝邑時治弟年纔十一歲憶是年值童子試先君
謁選入郡臨發以敝鄉路險而稚子不堪登涉誠勿隨
衆人行公則委曲招致且曰乃翁誠其勿往府非勿至
縣也遂爾承命就試時值冬月公命移暖閣爐置我案
下及食分羹飯食我呈卷即展閱評語多溫美故加
圈點若其稱許能文者然及對紳士極口贊賞若其力
爲之延譽者然黃口孺子粗識之無而邀大人先生之
獎藉若此至今幾四十年中心榮感如其在昨日事也

雲漢堂文集卷三

燕喜堂文

七

邇來聞見殊昔事多意外遂令人入山惟恐不深何意
老父臺以大雅儒宗爲政茲土非有親戚之先容非有
故舊之請託甫入境名字即辱清問下車以後進人致
意勤勤懇懇若憐其飢渴而迫欲飲食之者然得邑主
如此雖欲堅爲山中閉戶人其能安乎迨登堂晉謁初
覲面無異其有平生歡者治弟素不勝杯勺至是引滿
浮白行所無事又席終絕無酒意左右皆驚愕相顧前
呈小詩已供噴飯矣至今傳述者猶不服此事蓋以其
在治弟者飲可強而不醉不可強其在父臺者能令人
飲而不能令人不醉茲固莫解其所由然是亦一奇也
兩三年來治弟城市之跡非密於前而心合情投外若

疏而內實親老父臺請靜息審此豈治弟謬爲虛詞浮
說假托相知之言乎治弟行矣極日斜陽回首青山時
有犬馬戀舊之私倘聚首不難未令承教當自有日也
家事一切治弟亦無庸哢哢致懇者矣本縣童生向某
治弟以其舊家衰謝欲解困乏之囊援例以成就之未
知何如但此子未經縣考聞父臺有決不續名之旨妄
意禮豈爲我輩設想父臺不惜爲治弟一破例也使治
弟先不能於父臺前爲破例之請又何望於學臺前爲
援例之請乎父臺閱此當一笑而許諾矣

呈某太府

呈列春
秋登載

頃接憲札恭誦再四深幸草野之情得蒙俯納不勝中

雲漢堂文集卷三

燕喜堂文

七

情悅豫忭舞連朝也竊念此書自來荒案三十餘年鍾
壁從前凡遠近游歷輒攜持與俱亦間與顯達周旋攀
談漫及然不聞有留神注意垂問親切如憲臺老大人
者一聞狂言即馳明訓傾如川之盛意弘若谷之淵懷
此在卑微者不過爲區區之榮幸而在前修者實大爲
隱隱之契緣曠而觀之則凡係學術道藝其爲升沉顯
晦固各自有其時也古語云苟非其人道不虛行不其
信耶鍾壁從此拜封稟函之後惟有矻矻功竣行期效
著將在憲臺者偶一抒其經營壽世之方而在江都者
時再展其精神福世之略將來奉行良法其食德者固
在齊民而頒發新書其拜賜者且徧屬吏矣鈔本呈覽

業已詳細較勘并無遺失至其卷末跋語殘闕原本已是如此雖審其文氣已常觀筆但失作者王名爲可惜耳亦並啓明統希崇照

又

六月初三日之夜家人自東省回得接老大人憲臺所賜秘笈比卽爲之束躬遙謝次乃盥手敬陳先人座前以見寵幸之至再次乃拂案燃膏逐函省視則憲臺之表章力勤著作功苦有非下里之士所能仰贊一詞者矣惟是自揣愚劣幸際昇平而謬以簿書糊口勉就鞭策羈身雖度量再三固以無罪爲幸然而食人之食衣人之衣此訓亦聞之素矣固見今所在旱潦四布流逸

書卷集卷三 燕喜堂文

古

數日之前已曾恭修蕪稟遙候崇禧因而漫及風懷一節希爲鑒允蓋竊願搜取前賢之術廣布而海行之而叱隸渺見妄以此幾調燮之萬一則所謂自比於蠶負山而蟻抗鼎者也雖其說宗祈禱議者將謂其舍人事而事鬼神而天人相與之際事本杳冥毛詩所謂祈年方社者想卽此類也若其不可信聖人亦何爲此筆而著其名于經乎惟是董江都爲老大人梓里乃緣此因得觀所賜之籍而始知此亦事幾之偶合者耳若以爲鍾壁之心期莫慰而且鍾壁之隱衷亦莫白矣蓋士生秦漢而後凡迹介疑似之間其以僞冒真者既多而其真而陷僞者亦不少心迹之辨先儒所爲孜孜而留意

者也倘鍾壁與老大人叨有風緣獲承共濟而令江都之術廣布於時使其偶見災沴之處卽如法斡旋之將來國無賑貸而野有桑田官免捐施而人樂豐稔此固不必爲陞課增戶之庸庸而亦不必爲減徵免調之碌碌者矣茲因恭謝賜書遂忘分徑陳如左惟鑒不宣

與陳數相

昔年謁選時得瞻老寅伯太先生丰儀因叨與老寅長兄同官之誼過從最爲綢繆繼覩老寅長兄之溫雅誠懇深人景仰早知世德家風迥出儕輩也奈何草野無似尸素來此既作依人學步只得隨人俯仰雖境壤相接而趨叩無懸撫衷內省殊爲悵惘兩次郡城公會瞻

書卷集卷三 燕喜堂文

五

拜之暇輒爲敘述老寅伯禮接之勤至再至三蓋用以著感銘之忱於左右真或於家報中一爲傳述也茲者弟以康居安食之人而計章以病報罷想在知己應代爲扼腕弟幼年讀史記閱子貢問原憲何病而答以是貧非病伏案久之竊疑端木之聰明何乃誤貧爲病昨因計章之云而始悟貧病互混非自今始已推而論之向使子貢爲藩司原憲爲縣令雖平昔號稱聰明過人而此時利令智昏之餘尚能別原憲之是貧非病而不以入計章乎又使原憲爲藩司子貢爲縣令則貨殖之人定有逢時妙技而頃令其爲原憲者易其素守始而貪昧繼而隱忍視阿堵不啻若性命且將借以著培植

賢良之勝績為博希世逢時之先資斷不至以病勒子
貢休退者矣分手在即晤面為難聊寄鄙情以一笑作
別云臨楮依切無任馳溯

示兩弟書

大人以骨鯁遭上官之忌又內外俱乏引援遂致覆盆
之厄我兄弟奔走東西見面日少真可痛悼每思人生
少年如扶桑之日必有和風慶雲相與渲染鼓盪而出
景象倍加眩麗若遇颶風狂雨漂搖半晌旭光直如遇
隙殊可惋惜也近狀蕭條無足相為告語者上念雙親
焦勞中夜如溺如焚下憐妻孥拮据時時涕泗交頤呻
吟不絕豈生來貧骨苦胎斷難擺脫耶抑盛衰豐悴理

雲集堂文

共

無定格耶又自念涼德無能延禧而修身乃可免難今
雖值此摧殘災生無妄然須降心自安不得強生尤怨
識見不令虧損德性積片苦衷仰祈神鑒彌世磨鈍造
物終有深心善會此旨奉持勿數禍請之後必有興者
華晚者謝遲尺屈者大伸此理殊可自信自慰昔之大
丈夫遭逢不偶輒貶節辱身浮游自得略不芥蒂於心
今茲落魄猶足以方此嘗見履豐席厚之子不有饑寒
之迫不習執掌之勞不經人世危仄逼迫之途天固以
此厚之亦正以禁錮之拳養之使其速敗成就兩間之
廢物從來謂純粹無人者豈云薄之無亦謂高山峻原
不生草木松栢之地其土不肥耳今天或欲我等進一

格也而或愁眉蹙額垂首喪氣則其品量之卑瑣齷齪
亦槩可見矣古人論士先觀其器識此等時地正器識
立跟脚處也可不勉哉語又有之讀萬卷書尤須行萬
里路往時安居無所事事賢父師督課有加然僅以齒
芥滅裂牽補塞責年來奔走不息郵舍為家孔席墨突
當不異是矣如以讀書論誠不省萬卷為何等語若以
行路論之萬里其何足言乎異日獲有寧宇祇須補此
讀書一段工夫使與行路相稱耳余又謂人生斯世平
平者亦無時人耳苟逢一二橫逆無比之人與遭一二
坎坷難耐之事定能助人學問長人智慧平日藉父兄
師友之嚴憚切磋前言往行之觀摩而討論者正欲陶
鑄此身蓄之有用一旦臨事特有區處不似新出山人
一晌手忙脚亂終鮮有濟也然亦僅歷其常未會其變
況空言實事必有間矣譬如梨園子弟各肄脚本其聲
容動作非不有自傳也其悲歡離合非不習其顛末也
其生旦外末之稱名姓字其中節之關會趨避非不日
講究也一至登場演劇而全部傳奇乃有初終作止之
觀矣豈止得其句調過節而已哉詩曰而日斯邁我月
斯征彼兄弟相戒免難而猶以邁征是易此真造次顛
沛不遑之學相與成就必有大馬者矣若能有志於是
乎吾咏小宛而思古人實獲我心也

與方位齋內翰

雲集堂文

十七

達教伊邇殊深懇切不審榮行之期定在何日也尊駕過蕪湖日黃公壚在河山非邈老先生肯尋茅寓話別否雖年來東西南北頗領佳趣久擬以壯遊畢生平願而家事繁擾未得脫然作無事人近承貴老師照拂一枝可栖半菽無虞雖長安非久留之鄉而藉喬欵翼茲爲遠所矣士人讀書井里成則有青紫之榮不成猶自有田廬之可托惟萍寄江湖之客坐冷齋而待煖守懸磬以蒙塵滿案殘書皆爲悶具亦甚蕭然無徒已故雖有高世之節過人之行計不得不與世浮沉隨時俯仰曳裾于王公大人之前庶幾其有豐獲焉然此風一開而頑鈍無耻之徒攘攘然踵相繼矣富貴之人且將奴

雲臺文集卷三 燕喜堂文

七

隸而加之矣夫其自待也甚卑而其人亦復賤之如是直受之而不辭宜也若乃稍稍頌讀頗知自愛時爲尺蠖之屈而非書傭也非清客也王公大人之有識者必善所以處此矣譬今年赴部試束裝擇吉已有日矣而老先生以太夫人服闋起用似此行正不可無此諸風霜耐馳驅之僕夫也竊見近世人物各各毛遂自處而譬亦未能免俗聊復效尤老先生見此定是哂狂生顏厚矣家君數作想已閱完幸付來俾可省往返至囑

上樊崑來學憲

譬曩年候選都門曾藉梓里之誼得隨答問之列叨陪侍從之班嗣後聯捷道範并郵函踈闊然晉謁之忱遠

切萬里疏濶之罪時屢五中也昨歲夏間接舍弟邸報盛稱老先生高誼極力扶持譬爲之望光叩謝也茲者承乏來此一載有餘諸凡執掌口不能悉回思瞻几真在雲霄即云從衆以謀衣食而身之所被尚屬昔時將堅確以守吾法而世法有所不可將和同以依世法而吾道有所不可也老先生以讀書之深識爲涉世之通方知必有可以鵬飛可以蠖屈自必有惟其所遇而處之咸善者甚欽一聆大訓以糊行路之口而覲光無由惟有舉首遐天以申企慕之思耳久欲辭歸而去家將及萬里非可以持鉢向人門也

上戎心原父母

雲臺文集卷三 燕喜堂文

七

老父臺久客情景當亦不甚相遠乃必召晚而賜之食則以愛憐之無已也兼以天氣炎暑甚勞酬對晚心固感德而實踟躕不安且又置晚坐于甲科之上力辭不許真覺汗流浹背也茲者暫出都門不敢面辭恐煩起居造候仇老師尚留中未出幕友事不及奉詢續呈舊課一本係入都來從新手錄者俗冗蜩集如此而忙裏偷閒惟恐當面錯過則求教誠切且蒙允許但恐嫌其汚目委置座隅耳特懇老父臺面時便中爲晚言之微同年宋襄陵爲言仇老師以晚道遠而費重孜孜留意言之不啻再三今使晚所呈舊業俱蒙改正則晚目前空囊不足計也且前月一選以太康輝縣爲美缺雖謂

晚掣得太康輝縣可也外呈送舍弟之仁懷詩一首以
博一哂至于頽革火耗一言時下評此言者有三議焉
曰愚曰迂曰違心其最刻毒而不可當者莫過於以爲
違心也附呈先大人傳一冊欽老父臺閱此而鑒晚前
所言者實有其由非明知人不肯信而孟浪爲此盛德
之言欲以欺不可欺之人也然第觀時之爲此三評而
知其不可行也在迂而違心者不免以生薑結于樹上
若在愚者則亦將恍然而悟矣尚無人許其爲此言豈
有人許其爲此行哉然此語使議其違心者聞之又以
爲此人急作轉口而開然一笑矣昨者坐間談及廟堂
碑虞書與肉桂兩事而其後則有商南公承領虞書去
訖將來肉桂不至晚無解于不信虞書不至但當問之
商南公也雖平南之肉桂商南之虞書遠近或當有問
然使責平南以虞書其遠矣當十倍商南哉梧州太守
處更望吹噓一二草奏時正值移居几案皆失其故不
能莊書殊非上達尊者之體然雖恃愛過深亦爲時匆
遽也即此亦見造次必於是非真學者不能惟老父臺
鑒而宥之不悉

雪鴻堂文集卷三

手

雪鴻堂文集卷三

通江李鍾壁鹿嵐甫著

古體詩

追和陶靖節桃花源詩韻

漁人入桃源在晉太元世於中逢老翁言自秦時逝往
者處人間閱世厭興廢靈境由選擇攜家乃長憇候曆
準月令習勤從樹藝追呼老不聞春秋無租稅虎豹趾
交錯往來無噬吠童叟胥淳風裘葛依時製大有美第
宅荒邈不可詣世亂免兵革時災絕天厲托此別一天
優游以卒歲靜觀紅塵中營擾勞智慧秘此勿與通永
隔仙凡界外間儒生說傳會多同異聞者疑其語所見
爲之蔽祥麟與威鳳往往遊方外守雖與守黑石隱吾
神契

雪鴻堂文集卷三

一

館內城步吳天章韻呈陳內翰

草木競華實猶恐負雨露偉此七尺軀徒爾忘建樹迴
思十載餘埋沒悔章句對人慙枵腹豈堪一再悟作客
困京華裹足不能去俯仰一浩歎咄嗟此行路舟楫無
美惡風便遂同渡不材等樗木用拙同大瓠淹蹇意緒
劣言笑無情趣欲行不可行欲住如何住披我遊笈書
不減逢親故移時與盤桓最見關切處吾鄰二三子落
落風塵聚斗室坐誼然愁容懽懽若慰戲言隔日瘧往來
不妨數未接館時御簡約余口過齋中共慰日來瘧頓

已未免瞿然顧世宙亦云濶盡屬感慨寓浮游波上下
智術慙鷗鷺不可以已乎胡爲陷沉痾嘯歌抒胸臆糾
結如織履莫言罄曲折梗槩且難具煩君揚馬手爲擬
遂初賦

送弟雪原司鐸仁懷

沾秋風露涼隴頭梗稻香鬱此同胞情送子別山梁憶
昔從先君遠宦去東黃稍遂弘矢志督學戒面墻舊業
遵先緒幸不即遺忘厥後丁家難生計頗撙與子俱
少壯嶽嶽名懷方仗劍走燕趙意氣甚激昂殊不爲顛
沛汲汲且皇皇風雨尋名山好句入詩囊奇書捐重貲
爭先發其藏朗誦而高吟聲韻響琳瑯沽來一瓢酒醉

寒窗集卷三 燕喜堂詩

二

後話荒唐數挾綈縻排闥叫天閭未幾能出險保家
歸里坊與子夔一經後先舉於鄉仕路值壅塞需次如
望洋子既飽藜藿吾亦厭糟糠進退隨吾道升沉任彼
蒼今子司鐸去我意復徬徨先王選造士尚不許工商
鄭重而矜持此意何其長自非士冠冕肯畀以膠庠立
國重師儒在笥珍衣裳學校人才地而以書生當曾劣
昔人語報國僅文章駑鈍即可竭厚責恐難償委吏與
乘田祿仕以爲常此則非其倫焉可不求詳檢身奉往
哲先爲生徒倡心正類自辨意誠容乃莊譬彼蓄嘉禾
寧復長莠稂風聲所樹立品望隆圭璋表正影隨直挑
李應成行列殿玉笋班趨闕環珮鏘此其發軔地豈非

斯道光慎勿謂微官枳棘棲鳳凰

偶感三首

幼從事筆札長不慣犁鋤坐此田舍翁數斛常我侶賦
材匪豫章自顧頗非樗向來叨雨露條幹亦扶疎斧斤
繼牛羊枳棘且不如山徑蹊步間茅塞更崎嶇我感昌
黎詩情行復拋書

書生本布素乍來服綺紈儉樸不復爲靡麗日殷殷無
米要成炊借貸事多端緩急未向人先成兩頰丹靨需
畢其辭可能止面汗低徊念身世俯仰成浩歎我感工
部詩還留一錢看

寒窗集卷三 燕喜堂詩

三

後多格言涉獵亦曾觀秉彝人所同亦思用自完况非
死生繫禮義何敢干方鑿而圓枘心頗知其難知難未
肯退許久兩眉攢

丁丑下第鄔克非慰以詩次韻奉酬

久矣黃金重非此交不深以故市交惟其面而交何曾
謀其心昨夜風清兼月白會聚吳客及蜀客坐對傾談
意推奇如讀典墳探丘索此時失意似含愁何當嚶鳴
肯我求多時問世無合者任彼萍水長悠悠與君成契
有前數邂逅逆旅巧相遇念我金盡剩敝裘最以新詩
將尺素自分寒劣誰能收東塗西抹懶做尤萬物榮衰
相倚伏聲名幻結水中漚感君實鑒別有真知君意氣

可托身願與共勵歲寒約茫茫世宙尚有人

都門送某學憲

蜀水錦江山鬱壘汪洋峭削罕倫比曾發奇秀鍾前賢
揚馬陳蘇數輩起無何兵燹經層疊遠使文獻荒莫紀
黃茅白葦損人意久為大方之所鄙豈繫山水頓無靈
昔日何盛今如此物極必復事之常端待其人振衰靡
頃聞大賢持文衡翹首觀望心怦怦沂公世胄代有名
機雲淵韶每並生詩賦詞壇樹赤幟理學巨匠推宗盟
以公憑軾遍三巴小子有造德有成前茅一一列賢書
公門桃李交輝榮從此化蜀擬鄒魯文翁舊澤可重賡
嗟于投世屢參差寄食京華深可悲遲之一歲歸桑梓

雲陽文集卷之四

四

行路難

躬承教澤尚有時遙知駟馬乘春去眉山草木發華滋
行路難不必吳越與秦燕即此出門三五里磨牙費舌
多連遼龍山之支散花顛羊腸却曲行者顛上有老鷹
利嘴之惡石下有蝎毒惡水之澄淵又有風埡孟婆吹
衣撩人而欲仙散花頂老鷹嘴風埡三伏遭之重綿猶
單窪口閉息攢眉聳肩其得度者如對大敵而登先又
有長坂蔓草荒烟蹄趾交錯虎豹豺獮乃有居人髭鬚
鬚髮揚未之學得其真傳遠邇同稱一毛不損苟其得
已鮮有造焉其或冬雪撲面夏雨傾盆偶叩其門如謁
古仙科頭跣足心甚不然甘辭諛之乃許客便鑽火於

燈汲水於泉如此而可尚有風緣有時高卧非疾非眠

呼之不出婦子喃喃有似乎取瑟而歌以動孺悲之深
慙若夫雞犬俱寂兒童不諳几仄席塵門扃戶拴竈猶
熱而火掩燈未灺而香殘有似乎技宅飛昇之劉安有
時戶外投足驅犢飲健聞人音語驚禽駭猿然無聲
忽如雌蟬環堵歛跡屈蟻井蛸鬚髯乎寒魚之潛壑而
消息之茫然至其趨事力作農末務兼芸不輟耜污不
舍鋤匠不廢斤斲不息鐫縫不停針苦不離橡略無瞻
顧手忙心閒拱立雖恭略不寒暄殆有慕於太古之不
相往來而尚追乎無懷與葛天以為水土風氣之使然
而何迴殊乎嶺後與山前

雲陽文集卷之五

五

白雨

鄉人呼暴
雨渴白雨

夏日山居多奇創白雨乘風魄力壯虎嘯猿啼與俱之
草木拜起如騰唱雷電頻交疑崩裂坐視平嘯興波浪
我看犢鼻向田中聊與山農相揖讓嘗笑山農徒口腹
原來遠謀虧卿相

古怨辭

缺月可似薄情夫一年強半是生疎缺月可似薄命奴
滿望何時心空虛圓月可似薄情夫三五二八時有乎
圓月可似薄命奴佳節若除元宵中秋更逢無

近體詩

壬戌暮春登銅山五首

危峯矗天際，陟彼似覺蹻。徑曲山彌遠，林深雪始殘。雲
開千嶂曉，雨過暮春寒。指點烟塵處，參差若彈丸。
雖無濟勝具，乘興未愁難。霧過青衫濕，風來白眼酸。山
蹊惟鳥道，澗樹盡龍蟠。踞頂興長嘯，清芬雜蕙蘭。
嶠奇登絕巘，今已入雲端。目眩無平楚，心驚有斷闌。未
能多應接，誰得盡盤桓。迴越塵寰處，春深尚覺寒。
迤邐入山久，行經數十盤。懸梯通絕壁，瀑布掛飛巖。據
樹防蹉屐，分花恐碍冠。勝遊難作記，峯壑盡奇觀。
歷盡紆迴道，纔能上絕巔。浮雲自來去，舞鶴任蹁跹。羽
士徵前夢，同人憶宿緣。徑含殘照遠，遊思尚悠然。

趙泊口早發

雲漢堂文集卷三 蘇詩堂詩

六

蒼莽連平野，星光望裏收。邨荒烟密護，湖澗水潛流。露
浥青山翠，寒侵碧水秋。魚鷹驚馬策，遊子意悠悠。

甲子初歸與薛子浚偕行入市

十載飄蓬客，還從舊好遊。疲京策駕寒，高下過林丘。天
道悲芻狗，人情歎沐猴。嚶嚶喬木鳥，出谷友聲求。

翠鳥

媚媚集林表，翩翩旋復飛。顧瞻怡水石，眷戀惜毛衣。處
谷時防險，遷喬更審幾。忘機雖盛德，素節願無違。

偶感

偃仰觀華穀，升沉看彩霞。微時從逐鹿，開國得封侯。寒
暑天行備，炎涼人事周。犧樽與溝斷，命定那須求。

乙亥客閭城張曲山年伯垂示詩步韻

夙好從先子，趨瞻溯本源。人知蓬壁近，誰憶繡衣尊。茅
蓋灌園室，荆編學圃門。高踪時在望，引我欲攀援。
偶來謁先達，道故若窮源。品望朝臣重，輩行父執尊。閭
豪忘薦圃，稚子候柴門。甘悉山公久，於今獲引援。
先君同志友，一見語淵源。居擅煙霞勝，人推齒德尊。竹
蹊隱野墅，花徑繞蓬門。但有登堂客，漁樵亦與援。
疑是武陵渡，桃花泛水源。數椽圍竹石，一榻劇琴尊。架
敞風開帙，庭閒鶴看門。徘徊不忍去，願止若爲援。

展上已後一日寄園雅集見杏樹數株一枝猶

艷同人限韻四章

雲漢堂文集卷三 蘇詩堂詩

中

旬餘修禊過名花，見一枝紅綠分肥瘦。榮衰占疾遲叢
條，多染黛獨餘尚凝脂。料此幽香細輕狂，蝶未知。

藏縮爭消息，留餘教晚開。人因遲勝集，花亦載奇來。冶

艷添詩料，芳姿佐酒杯。榮華如有待，良會早爲媒。

主人愛雅集，物色致偏多。微賦從吾好，開軒恣客過。東

皇留藻麗，春老聞紅羅。靜聽流鶯語，堪爲宛轉歌。

休作孤芳看，春闌佳麗添。羣芳聯綠譜，片蕊綴紅尖。選

勝春光暮，分題韻字纖。解將微笑意，伸指一同拈。

寄園雅集限韻集桃花源記得二十首

避世即良地，山林有太初。田開曠土外，屋向夾津餘。步
岸纔聞犬，尋溪復見魚。行行皆異境，所往得欣如。

無復近人境隨皆花草芳窮源知水道曠陌見山光池
外還栽竹田餘並種桑此為極樂地出入盡相忘
山林是處有未若此為怡曠境從人往隨緣便所之數
窮守初服世亂識先時路豁人迷隔何知步武隨
辭秦避亂去曠絕不相聞郡邑家山隔桑田異論紛驚
逢漁者問並得道人欣行樂無終極其餘未足云
迷陽紛去路停足未前行聞語池魚避見人邨犬驚鮮
花垂美樹亂草茁芳英世守桑田業咸知樂太平
水源極所至步岸遂停船路豁行忘遠林通境異仙溪
山自開闢花草盡芳鮮此地有餘樂衣桑復種田
亂延中土作此地未為秦步武迷前境見聞異昔人往
來並不數答問還相親尋得山林路元通世外津
夾岸垂花竹步行尋所終繞緣溪路入遂得古林通樂
道欣隨境忘言欲守中一元何有極往復嘆無窮
人緣種世外驚絕有高論田舍開家業山林避世邨所
歎得至道其樂欲忘言迷境忽通豁還從見大源
曠山人境絕何處得聞雞岸狹行忘遠林開路欲迷隨
緣花共竹避世子同妻不復論秦漢知魚樂此溪
避秦之亂極攜家桃源口曠境從中開異人得未有欣
進一日緣為具數行酒向往道人言朗然識所守
溪山纔入來路狹通行步遠岸夾桃津近花垂果樹知
交絕外緣著作見家數邨酒極怡人還餘高論具

山下陌交紛鮮知尋路向高言驚世聞美行異時尚忽
得水源豁中逢人境曠隔時去處迷大地元無相
良言足遠垂高識尚行美守道無逢時避人若處子何
緣曠世間率不得聞此盡是向迷津欲前隔一水
窮源逢道人果屬良緣至曠絕無從尋續紛不悉誌為
驚路徑幽所歎溪山異得語足開迷還欣向往遂
若木太陽垂扶桑初出日林花夾水開山雞自相率處
處境皆曠行行路未悉還往果相忘所守其如一
種子著其中曠焉時自遣窮源悉異境出世垂高見若
守此迷津遂終隔一間何如太初人大道樂其便
曠餘大地間處世鮮知足田舍無高人溪山何所屬時
尋開落花數向去來路未見日中雞行為黃犬捕
知見避高人語言無處著屋餘尋竹陰樹下步花落平
亂悉不開窮通咸自若桑田既及時盡日還交作
無窮大地間高下雜焉處欲作驚人言鮮聞出世語今
知數往還未若無相與隨向得欣怡山花若美女
辛巳五月晦又庾弟嘗麥大雨如注座間誦鄉
前輩張招遠驟雨詩步韻
滴瀝響虛甌涼颼已透櫺灑塵奔列缺破塊動山靈雲
合四睡黑天開一面青神功已收歛危坐始為寧
傾盆聽走甌濕霧暗侵櫺覆載真難測施生信有靈苔
添垣址綠禾倍隴頭青吾素困枯槁當斯亦自寧

氣勢薄高鏡微珠飛瓦橋霑濡知大造呼吸見真靈巖
瀑簾垂白山眉黛抹青三襲霓望者夜臥始安寧
簷前忽建瓴聲響震牕櫺平野滋千頃九空挾百靈耕
憐奴脚赤苗愛隴頭青儕俗爲生計應知婦子寧

蕭灑落庭鏡飄風忽透櫺陶甃品物真宰鑄生靈蛙
噪耳嫌聒山明眼快青能爲此大澤乃使萬方寧

天河挽注鏡如瀑掛前櫺陽德方舒澤化工正顯靈池
添荷葉綠蛙洗菜莖青魁去悵焚息王心亦載寧

如注瀉高鏡淙淙倒瀾櫺化工能造物水德自通靈溪
漲藏苔碧池平失漾青庭楹歌噦噦此際信攸寧

大澤走簷鏡斜飛直射櫺雄決兩陣放翁語赫戲集羣

雲竹長參天綠柳搖拂地青低徊思廣厦食息正安寧

送邑侯許千長量移開州

殘邑猶繁劇公從事獨賢循良功令重報最考成先諾
水懷慈父澶淵慶二天春風攬別緒情話憶年年

和蕭東谷年兄韻二首

與偕不自失柳下故由由那識鄉人意方懷直道憂罷
彈豪士缺已敝客卿衰猶喜開岑寂濁醪三兩甌

不舒天外眼那識人中龍自有千秋業何須尺土封風
塵增老面憔悴減豐容大夢無從覺誰爲清夜鐘

又步韻二首

坐困尋塗輟疎狂且自由窮途忘寂寞好友致綢繆供

客慙粗具進人笑敝裘居遊處處足詩卷與茶甌
與彼爲飛蟻無寧作蟄龍戲場真鬼國書社等侯封吾
此中自量卿數輩可容猛然發深省如熟寐聞鐘

又二首

逆旅年年帶甘辛亦自由良朋慰飢渴情話結綢繆旅
食辭兼味寒衣賴敝裘茗香可獻客淨洗白磁甌

門風元禮峻造席號登龍但願荊州識不希萬戶封勞
生鄙碌碌安享笑庸庸坐井談元化何殊莛叩鐘

黃汾阻風

繁纓灘頭幾晦明歸心日夜盡愁生舟行未慣江南客
潮至如聞海上聲雀起平林飛木葉鐘敲午夜動江城

倚桅蕩漾占風色遠浦危磯浪未平

書懷

讀書心定絕將迎不取繁多只取精事業升沉從轉軸
文章高下任持衡甘從飄泊同王粲恥說風流似長卿

濁酒一杯談世事胸中五嶽未能平

丁上人約同返蜀既而不果家大人步魯文恪
馬卒詩韻示意有和以答因亦學步

愛歷風塵學健兒曰歸心已似星馳因憐羈旅情循我
忽欲離羣知爲誰方外浮踪隨去住客中卜築幾移推

溪山是處能招隱直索憑君自信疑

王氏園亭

出郭紆迴小徑通柴門閉處繞幽叢青浮竹塢朝凝碧
丹灑楓林晚映紅好客料難逢仲舉詢奇何必定揚雄
因憐勝地情無限歸路徘徊月已弓

金陵登重樓

金陵數過皆匆遽似有官符火急催泛宅浮家身似葉
暮霜蒙露志如灰天邊鴻雁書難寄路上烽烟客未回
漂泊也同王粲跡登樓聊自一啣盃

內兄王靖公別十四年矣兵戈之後不遠數千
里迎我於江南爲發狂喜時癸亥十二月廿
四日也

歲暮驚逢萬里關相看互憶舊時顏只愁湖海沉消息

雲鴻堂文集卷三 燕喜堂詩

七

何意風塵見往還久欲從人歸楚峽今君爲我問吳山

瞿唐浪靜堪回潮攜手同歸十畝間

故人來自碧雲端剪燭東軒續舊歡彷彿如從海上遇

猜疑真在夢中看十年戎馬塵千劫廿載光陰指一彈

首荷一盤勞遠役明朝掃地設雞壇

歸來

十五年前萬里遊歸來并乏敝貂裘井疆去住如麋鹿
人世因緣任馬牛惟俗難醫深可恨若貧非病又何求
詩筒茗碗曾相約辦副關心取次酬

山居

茅舍清幽竟日閑小牕臨澗聽潺湲生龍活虎文章變

流水行雲心事閒蔬食菜羹安久約浮詞濫說動頻刪
既娛耳矣還娛目溪畔時時飛白鷗

石鐘山和碣上韻

直上孤危蒼翠峯隨人踪跡履和筇難尋仙侶開雲洞
且與同遊叩石鐘縹緲如將三島即蜿蜒似與六龍逢
舉頭天外舒雙眼四面雲山數百重
別去匡廬見此峯登臨不屑事山筇行來木末荒涼寺
傳到山腰遠近鐘拂拭殘碑真蹟留摩娑遺句古人達
洪波巨浸如杯勺身在雲霄最上重

同學劉遜庸過訪

五千里別嘆遙程况是滄桑一變更廿載參辰徒念切

雲鴻堂文集卷三 燕喜堂詩

七

十年戎馬更心驚只愁分臂殊歧路豈意相違在此生

多少劬勞辛苦話引端具舉未分明

薛山春望和陸胥仲明府韻

絕巘高凌天可捫登臨賞眺據清樽遙瞻平楚評雲物
俯視荒城似野村春入郊原皆有迹花深丘壑總無痕
感時劇飲遲歸興負手黃昏進郭門

和外舅王昭武先生手澤桂花韻

月窟靈芽藉手栽年年秋到映樨開叢條承露昭先澤
高幹凌霜顯異材錯節盤根增氣魄天香國色費疑猜
三槐門第交輝久豈賦劉安招隱來

和外舅梳頭石韻

深山艷質整容光應只合爲淺淡粧櫛批空餘清夜月
髮鬢同化舊時霜儀圖梳掠臨臺畔彷彿鉛華棄路旁
應是巫山神女伴令人倚石想荒唐

亡妾墓前小立

我已扁舟返蜀川飄零猶自愧年年攤書向夜嘆蜨
把酒臨風聽杜鵑想去朱顏悲骨冷到來青塚說泥乾
人生古說如行客偶值萍蓬暫作緣

丁卯春從家大人追和陸劍南朝飢示子詩韻
犁鋤不習治園茨何怪豐年亦忍飢廣廣國中誰買賦
滔滔天下幾名詩曉人靜對無饒舌俗子交談枉費辭
變態風雲思議到固當此事屬男兒

雲臺集卷三 燕堂詩

十四

日食山薇與水茨吾聞有道恥言飢古之達士皆能困
昔者窮人盡善詩澗步高脫無近語飛行絕迹豈危辭
井中笑作談天讖渺見何須說小兒

未能耕穫致梁茨只解觀洋咏樂飢野蔬烹芼來好味
枯腸搜索得新詩獨彈高調鳴千古不假時人贊一辭
弄水看雲消永日何須果腹羨庸兒

力闢山田學剪茨謂當耕稼可無飢桑林未應商王禱
蒼葭頌歌季女詩督僕扶犁多偶語相約去倩隣終畝鮮

甘辭從吾所好耽恬靜笑訕由他輕薄兒

山滿蒹葭水滿茨亦炊亦爨未爲飢典謨不作富翁語
風雅每存貧士詩世未知名飽可愧人如聞道餓何辭

千秋自命還宜審放下心頭這個兒

和四首
已巳春邑侯王公招邑中諸友登驛山有詠擬

欣從仙令訪巖棲附葛攀藤有舊梯初步已驚臨木末
到來遂覺與天齊仰探星斗襟懷曠四顧雲山意象迷
去郭不踰方里地往還剛自日平西

仙才首唱最高樓步韻如將天可梯愧巴人難和鄂
羣推楚語尚能齊敢云勝友稱成契願就南車爲指迷
吏治休暇饒雅興留將盛事付川西

絕壁危巢有鵲棲攀援似設上天梯高卑夷險途非一
上下溫寒氣不齊鹿豕往來歸趾錯烟雲出沒暮朝迷

雲臺集卷三 燕堂詩

十五

此間疑有沉淪客高臥流烏東沒西

山國窮簷久失棲欲登祗席恨無梯建邦大小如曹鄴
至道後先視魯齊極好安居勤習業嚴懲游手警沉迷
宵衣久已勞當宁遍種桑麻西復西

無力買馬成價而賒其直然不堪乘騎徒費芻

秣一日牧人以墜巖報

報來小駟墮山隈失足還因筋力衰未任馳驅自敗矣
若當乘駕其危哉敵惟有說聞尼父買骨無人信郭隗
此事牧人無罪耳但教牽犢小心回

邑侯王公禱雨得雨步韻

神君步禱能回天一雨山農得穩眠三日滂沱下若注

四郊禾黍上如竿歡騰祝頌盈花縣喜溢詩歌綴錦箋
應是琴堂多休暇南風古操試鳴絃

癸酉冬重過涇陽步辟間韻

東郡趨庭曾過此於今二十有三年風塵面目久非矣
涇渭渾清尚宛然往事徘徊總莫述新來意緒轉生憐
升沉欲問無人識願遇君平為執鞭

呈汀州太府方位齋庶常

昔年漂泊敝雙裾有幸曾親問字廬榮世雄文真卓犖
入官雋骨復蕭疎邇來能軾二千石猶是蔡光中秘書
愧我如蓬無定跡又從海上候興居

唐午南隆謁戴鶴浦夫子因從游靈雲巖步碣

靈雲集卷三 燕喜堂詩

上韻四首

世傳仙異盡幽微到此如親太液池浩劫幻塵多指點
神洲入眼等拳泥偶來冰署問奇字便去靈巖探古詩
裂石現形如我遇願遲歸去與圍棋

江頭巖洞敞層霄出郭縈紆一逕遙石刻移情貪對面
闕文含意倦勾腰隨身帶有鈔詩筆坐石頻飛劇飲瓢
只恨瓜皮舊蹟宵終留疑案未能消

閒從勝友訪仙居度石穿林興有餘洞口飛蓬笑徵逐
巖間古木証空虛荷修天壤長存葉豈讀人間無用書
兩腋清風來謾謾塵心未淨更何如

靈區原不在山高偏引遊人意興豪坐臥碑前三復讀

推敲紙上一揮毫百年觀變同雲物萬事看輕等羽毛
感慨躊躇心眼別非將麗藻開時髦

步高觀一世兄靈雲巖韻

曠境依稀似夢遊躊躇眺望最高頭神馳滄海揚塵日
目對丹楓落葉秋欲叩天關因竚立思開靈鎖為遲留
羽衣道士如驚避清唳橫江去遠洲

步高觀一世兄玉臺觀韻

不近塵寰半點埃孤峯聳出望崔嵬江流曲折環雲洞
山勢紆迴抱玉臺地僻已堪消宿物與濃正不減新醅
山靈也似催詩客紅葉為箋風送來

己巳冬從家大人步子瞻先生雪詩韻

靈雲集卷三 燕喜堂詩

十七

初落霏霏勢極纖縱橫成陣遂森嚴沾衣璀璨人如玉
入口冰涼味異鹽落落清安填露井層層素片垛高簷
風因倣冷寒侵骨兩手迴環捏指尖

地出鹹硝號馬牙此從天降動盈車喜風旋舞如霏玉
欺日飛揚似放花攪亂柳絲疑樹樹飄穿瓦縫應家家
寒腮呵凍思題句染紙無多筆已叉

當湖曹微之先生仰止久矣來令几江壬申冬

抄以應課就正因留卒歲除夕招飲步韻

我來山道正寒森立雪深叨惠德音高下論文皆講學
寒溫話舊即傳心專城試宰看游刃退食攤書尚苦吟
重感談經稱契合挽留卒歲勸頻斟

癸酉元日微之先生垂示詩過承獎藉率爾步

韻

當今名士曹夫子再見起衰八代師槃鑰苦非真面目
塔鈴幸不隔累愚漫從幾次淺深悟會及三隅左右宜
如此春風久坐者百千說項使人知

韻步和

主人徵賦勒金卮未預龍山意已移客寄江南權賣卜
身違硯北久無詩文章入古非時好風雅當前是我師
憶昔淮安多壯士為之擲筆起長歎

乙亥長至後一日遇梓潼學博陰維九年兄挽

雲漢堂文集卷三 燕喜堂詩

大

留再三誌別二首

茫茫世宙欲何之幸遇同人話路歧舊業寄存皆隱約
新經印可盡離奇天寒意煖春回早日短情長夜話遲
紙帳布衾留信宿多應別後倍相思

我緣世法為君友君善文章實我師午夜牕前新議論
三生石上舊心知聯牀入夢魂疑別擁被挑燈睡興遲
落月屋梁饒雅趣只愁明日聽歌驪

步陰維九年兄齋中韻

居平坎壈甚連年覆雨翻雲盡兩間卻曲當前幾喪我
康莊行後總憑天靜中遣悶尋碁局忙裏偷閒上釣船
屈僵喫虧吾所慣誰云此老受人憐

誓日指天總不真中間疑鬼復疑神戈矛滿腹初難識
胡越同舟暫假親得失與其為塞上行吟何若做江濱
淺深厲揭非容易擬向過來人問津

蘭城北郭秋感二首

不比憂思王粲樓恰如遊說敵貂裘肝衡此世難青眼
落拓行年易白頭匣裏寶光猶短氣囊中物色祇增羞
夜來伏枕渾無寐炯炯明星映素秋
漫上江城百尺樓西風健羨鸕鷀裘讀書識字難開口
得意忘言但點頭拙為身謀雖可歎工於避世亦堪羞
誰知獨醒生悲處多在蟲吟葉落秋

和許叔雄入都詩韻

雲漢堂文集卷三 燕喜堂詩

九

此生豈合只徒鋪自笑空勞似守株多有餓窮不大任
少無增益只凡夫我方蠱鼠安天命人遂馬牛任意呼
英傑消磨總異昔舌存猶是舊時吾
已銷傲骨偕流俗未泯雄心羨壯夫夢裏指揮酬夙志
醉中吟嘯發狂呼刻舟不必能求劍得免何須用守株
漁父章弦真可佩推移於物獲全吾

呈陳內翰

心中時見碩人邁散步已來安樂窩聞熟姓名通最速
主勤應接喜無訶聆言學廣而聞博坐對心平與氣和
莫怪君疑門限鐵我先屐齒較人多

許叔雄投以詩步韻奉答

露重月明秋已分，燕臺留滯罕同羣。
鐘鳴宮禁數殘漏，日落鄉關望暮雲。
作客心勞無好句，令人意足有鴻文。
方疑造物私窮我，不謂當前更有君。

送同年王敬修任平陸

南川才子綰銅符，讀律讀書兩事俱。
今處囊中看脫穎，後來闕下見飛鳧。
安排鞭策乘時駕，展布猷為應世需。
遙想政成應上考，共知經濟屬吾徒。

戊寅客房山和友人秋興韻

雁陣斜排度暮林，遠邨處處急衣砧。
生疎書後柑題穎，章蘊州柑詩書後飲題三百韻。
辜負難邊菊覆陰，久客情懷多慘淡。
高

金湯堂詩

壬

秋氣象更寒森，故園遙憶驚楓葉。
幾處丹砂萬里心，遠眺浮烟籠樹林。
隨風斷續聽敲砧，海天纔上初絃月。
寒露已沾未夕陰，紅蓼綠蘋多慘淡。
蒼松翠栢復蕭森，聯翩歸雁聲和切。
那識羈人望裏心。

和友人寄韻四首

龍鍾短袖不支風，况味何堪與我同。
具眼未逢坐井底，俗人誰卹處囊中。
君宜分席衙前輩，孰敢當場號兩雄。
俯仰升沉盡若此，那勝搔首問天公。

羨君舉止大家風，不與時人步履同。
寄到推敲燈下句，想來吟嘯月中聲。
揮毫灑脫詞鋒駿，落紙淋漓筆陣雄。
持向棘闈誰可敵，何難射策似先公。
彭公已亥進士

幾度長歌誦大風，思鄉情事略相同。
客遊湖海飄零日，家望雲山縹緲中。
與世浮沉難越俗，隨人俯仰豈能雄。
感君意氣狠相取，攸好原來自有公。

相期原是太初風，豈必時人盡與同。
但望烟雲生閣上，莫疑蕉鹿出簞中。
老琴伴臥情偏韻，長鋏隨行意自雄。
物外浮游無不適，超然猶得遇蘇公。

仍前韻寄友人

少日嘗聞長者風，言羞勦襲忌雷同。
但須範我馳驅內，不必猶人胸臆中。
正以古文推子美，何曾奇字詘揚雄。
千秋名業蒸堪許，庸計有司公不公。

破被

金湯堂詩

壬

漫道晨霜夜雪時，自沾秋夢已淒其。
翻身謾謾涼廳入，蒙首徐徐冷氣吹。
蟬風間從絮面得，紉縫難向幅邊施。
將余高臥擬袁子，伸縮頻仍總未宜。

自課

學人相對鄙空疎，博雅當前媿弗如。
如此去流光驚歲月，向來浪擲惜居諸。
未須映讀家無燭，不必借鈔自有書。
數葉分章聊自課，如農治畔墾新畬。

校書

刺有青綢可滿車，相承世業別無餘。
金經玉簡從稱秘，錦軸牙籤頗見儲。
在昔少年學弄筆，期於晚歲著成書。
么膺帖括久迷溺，忍使琅函飽蠹魚。

壽陳韋菴明府

大椿奇歷接蒼穹，徧看羣英莫與同。儘說聲名通帝座，誰知骨相帶仙風。庭開碧草池光綠，杯引明霞酒暈紅。酌罷踰堂聊藉手，閭閻祝頌正無窮。

代

下賤因叨意氣投，年來食德報無由。獨操班管為華祝，共引長庚似太丘。萬姓歡呼大父母，百城南面古諸侯。暇時進挹汪洋度，真坐元龍百尺樓。

別陳韋菴明府

居平飲量虧蕉葉，每待清談酒易傾。旃屢開誠詢土俗，草茅率臆對公卿。放懷真覺千杯少，高論何妨四座驚。

雲漢堂文集卷三

燕喜堂詩

三

退自琴堂成獨嘯，耳根猶聽玉瑱瑤。

山居

我愛山居事事幽，尊榮不必世間求。閒身天地為徒侶，漫興詩篇做唱酬。餘力栽花并種竹，暇時尋壑與經丘。門前剩有千頭橘，即不封君亦素侯。

果城偕御簡年兄夜坐

燈光搖曳致清幽，歷數從前話昔游。詩稿共攤尋舊句，酒醅漫酌解新愁。同心偶聚雙青眼，異地重逢兩白頭。音問久疎成契濶，又於客寄結綢繆。

同人徵咏為遂寧安子謙

聞今談士說荆州，亟欲識韓恨末由。非逐時人阿所好，

實從循吏拔其尤。庭閑衙散惟馴鶴，賦減刑清可狎鷗。羣傲緇衣遙唱和，改為改作意何休。

前題代

祝頌諠騰道路邊，口碑處處說青天。柔能異政田間述，封蔭新綸日下傳。盛代旬宣資世胄，殘疆保障藉名賢。知多讓論為辰告，應得垂紳列御前。

甲申冬客果城和內翰陳御簡年兄韻四首

冷堂兀坐興蕭疎，短日寒光逼歲除。簡出深居因服藥，閑門謝客為鈔書。鳥如有意為飛集，雲本無心任卷舒。盱目鄉關成極望，萬山遙見有吾廬。

客途勝事總生疎，冷淡蘼蘼歲月除。病減按方親合藥，

雲漢堂文集卷三

燕喜堂詩

三

閒多對本借鈔書，夢中感憤心懷壯。醉後狂歌氣悶舒，却笑從前非木偶。終年抱膝守空廬，荒徑虛堂過從疎。也無問字到庭除，蒼茫手植園中樹。

冷落封題櫃裏書，蔽畝松陰隨地展。出牆蕉葉向天舒，此時臘盡梅花發。多得春風滿敝廬，祖餞親朋戚與疎。多情為我望遷除，去來可任千鍾祿。

行任難忘一卷書，好把閒愁隨意解。莫將幽憤向人舒，功名當遂初終願。老臥谿山舊草廬，都門謁宋東垣年伯不遇。

人世何多愛一毛，繭絲誰復為綈袍。青年避地家無定，白眼看人意轉驕。直謂故人堪寄託，誰憐逐客太蕭條。

燕臺病骨仍雄健，好把牢騷付濁醪。

甲子冬自吳歸，外父王昭武先生以詩來慰步。

其韻得四首

滿船歸興似登仙，近日清癯意懶然。煮石無方慚菽水，點金乏術仰榆錢。林深葉盡開新圃，客去庭閒課舊篇。賴有王喬風度好，往還詩句結忘年。

歸來欲賦夢遊仙，往事徘徊思惘然。但得谿山今有主，何妨囊橐久無錢。竹林茶灶皆先澤，石壁泥垣有舊篇。人世升沉休感慨，高軒佳句已當年。

地絕蕭塵是亦仙，勞勞深悔事徒然。徜徉米袖惟三石，羞澁囊囊剩一錢。閑戶深談偕密友，閑函朗誦對奇篇。

雲地室集卷三

燕喜堂詩

五

幸無物累滋華髮，不事燒丹學引年。

室遠煙霞豈異仙，神姿冰雪想當然。量虧蕉葉能乾酒，典盡青衫強贈錢。簪俗集方書萬帙，逐貧賈勇賦千篇。新來又結剡溪約，戴訪從茲不計年。

悼亡

河梁暮色草股殷，望去隴頭又幾灣。不盡心情淹素憤，無期言笑見雲鬟。青山蜀道惟魂寄，白鶴吳江有夢還。短髮頻搔多蟻蝨，嗟無大藥駐朱顏。

戊辰下第簡同年陳御簡聯捷步，詹非池年兄。

韻

長安並轡欲名齊，君則先鞍我故栖。管鮑舊曾稱伯仲，

參辰今各隔東西。奪標真是來儀鳳，顧我猶同失羽雞。此日臨岐思古道，須知酒轍望雲霓。

戊辰仲夏都門聞楚警，諸同人擇期就道，子與御簡遲後因呈。

共事文場弟與兄，周旋數月熟平生。君因僕病猶停轡，我則空囊未返旌。諸事尚多嫌草草，兩人已各惜惺惺。不堪羈旅警風鶴，向夜秋歔對短檠。

壬辰春正劉生以詩呈和其韻三首

貪進方知魏識幾，高朋恕我咏緇衣。方員漫自粧綢帽，升降何知做鳳儀。莫恐巢由節易改，端愁賁育力難施。此中默會好誰語，往返塔前運步遲。

雲地室集卷三

燕喜堂詩

五

誰設八門入陣迷，強隨名下欲爭齊。每思午夜聽傳柝，何似三春看曉堤。遠憶有生稱合志，近從數載恨分攜。幾回夢覺從長算，計日偕吟遠故棲。

高人雅跡寄遙岑，知屬閑門靜息深。比歲擇交逢地主，待時養望俟天民。同儕相信無多子，異日不忘有寸心。要是此中真契合，不因徵召下楓宸。

和王生詩三首

上自混濛色界分，幾番掃刷幾番塵。貪心虎怒人堪嚼，饒口鵝張象可忝。衆過午風駭，暴雨誰曾晚照看祥雲。一般濡染非情怯，當信英雄自有真。

獨踏連年鬢髮蒼，報頰朔望叫升堂。癡心也自圖遲發，

穩算何如辦早裝不慮微明稽庶姓只愁大昧眩三光
既叨知厚仍過望幸示蠢愚趨便方

謬期楚語尚能齊不道賓人困粵西混帳膚詞難措筆
隔層藝語強粘題攢心欲睹來儀鳳側耳徒聞報曉雞
也是一般琴入弄只慚弱調愧前徽

燕臺秋日岳南邨世兄以夜話有感步韻詩見

示因亦屬和五首

何嗟世事嘆炎涼善舞原須讓袖長易向通人談肺腑
難逢知己訴衷腸客途倍喜逢同里氣聚渾忘值異鄉
若不往來恣笑謔閒愁萬斛未能量

薊門秋到陣風涼不寐偏嫌夜漏長磨切半生三折股

書堂文集卷三 燕喜堂詩

三

躊躇一日九迴腸勉將別調爲同調強把他鄉作故鄉

底事勞勞與鼠雞嗚呼旦好思量

熱爐共對獨清涼妄謂于茲有寸長但是雲霄爲意氣

莫非鐵石作心腸能無貶已隨流俗自必偉人出士鄉

屈子一蛇吞象語笑他貪得不知量

天公莫定是溫涼人但逢時短亦長儘有康莊聘驥足

不無御曲困羊腸謾誇榮仕推京國實說樂郊數故鄉

豈待徑荒松菊老督郵激發始思量

炳燭居停夜坐涼津津道故引情長往來皆爲憐同志

笑語無嫌有別腸未諳點金能化石如何去國不懷鄉

客中索寞勤過訪此後離思未易量

之平南西溪羅年伯以詩送步和以荅

漫從時下逐浮名敢謂言游試武城手眼未能如老吏
心腸仍要是書生政成自借催科力衙罷人聞誦讀聲
願得攜家歸里日也將琴鶴著風清

志感疊果城和御簡韻三首

買飯租房生計疎縱持籌算昧承除離家混跡如持鉢
對友清談勝讀書筆陣煙雲隨意足詞壇鼓吹放懷舒
鄰家指說新來戶每日歌聲出敝廬

道情既密俗情疎閒悶閒愁盡埽除無事且偕同志友
及時好著等身書九淵赤甲恣游泳六翮清風任展舒
千古蒼勤惟衛武他人此事直蘧廬

書堂文集卷三 燕喜堂詩

毛

閑叅林木翫扶疎嫩葉生新舊已除須識畫前原有易

試觀刪後豈無書幾人博物推東里千載醇儒數仲舒

古往今來皆過客故知天地等蘧廬

官餘

自攻讀書無所得差甘澹泊似儒門願將布素守平昔
免把輕肥慣子孫里社追呼皆赤子庭前匍匐盡僵魂
聞聲見色堪垂涕誰得偷閒問酒罇

燕臺秋日呈陳心逸七首

看君落筆訝仙才及對清談胸臆開不是往來多綺里
得非門戶近蓬萊居停泛泛幽懷合旅思匆匆別緒催
此後相思何所寄平南遙致荔枝來

曾傍譙周觀象宅欲修陳壽著書臺幾年布置徒間架
一旦商咨得剪裁已幸素懷徐可償其如別緒繁相催
生平長物無堪語兩字中和寄後來

與君親追談心處舊是燕昭結客臺妙論縱橫翻舌底
新詩灑落自心裁生平共勵青雲志此日同憐白髮催
有約須為言可復何時快接報書來

前賢居不擇華屋有幾讀書能建臺共讓研窮抒獨契
爭推纂輯具心裁表章本係吾儕事鈔錄寧須別見催
須放精神勤點檢勿留遺憾與將來

曾到燕臺十六次此迴方算到燕臺兼金自許良工鍛
美錦還須學者裁日月悠悠長我待道途碌碌把人催

雲鴻堂集卷三

燕喜堂詩

天

擬將疇昔塗鴉技傾篋通呈論定來

蜀水吳山隔萬里不期重會到金臺口頭數語窺眼底
心上多端見準裁長夏渾忘炎暑退清秋頓覺緒風催
萍蓬已足許奇遇季諾還須重後來

京國原為名利地逢君猶上讀書臺移贈華篇捐夙賞
攜投新製罷常裁勿勿旅次良朋合役役塵鞅俗事催
舊業收藏盈敝篋將遲就正可容來

甲申冬客果城送別御簡年兄步其韻

孤城聚首緣偏巧數日談心契正微已慣俗之為冷煖
何知世所謂輕肥素風尚不及雞黍野蔬盡多供蒨薇
但矢初終無水火何須衣帶有絳韋薄綿絮被聊同覆

短焰寒爐好共圍旅舍濁醪常間斷居停青興暫無違
聽聞風雨數晨夕願望雲山供指揮梅曲多時聞笛吹
驪歌忽爾應琴徽一輪明月隨吾住兩袖清風送子歸
計算日程由古驛安排裘馬趁晴暉在堂日月三冬暮
周道馳驅四牡駢以客為家良未是不家仍客也還非
余暫留果即簡辭歸明春我怯風雲盛今歲君當雨雪
霏徒有片心隨客夢恨無雙翅傍君飛

客帶

典衣入臘儘橫摺那是寬懷借酒卮額設十文朝夕費
粥饘從事許便宜

除夕

雲鴻堂集卷三

燕喜堂詩

天

數年奔走過強壯兩髻婆娑逼歲除中夜皇皇猶弗及
所嗟一篋更無餘

懷御簡

十載論心契最微綢繆繾綣總無違知君多是金蘭友
入座清談又屬誰

忽見梅花綴滿枝別君此日憶年時遙當下直操琴罷
尋向簷前賞玉姿

友人見訪二首

長夏山居何所事簡編靜對只揮汗聞君枉顧彈冠出
願卜平原十日歡

走力相邀未即安因謀諸婦媿盤餐年來貧病無親戚

欲致高人_一大是難

應酬

放下殘編對野僧
欲前欲却懶逢迎
塵封敝席聊數座
活火清泉帶讀烹

寫意

兩道絲飛知我髻
一張紙薄識人情
寒暄一晌何爲者
閉戶高吟遶室行

雪鴻堂文集卷三
燕喜堂詩

手

雪鴻堂文集卷四

通江李鍾璧鹿巖甫著

疊韻詩

康熙丁丑余在都門於同年陳御簡齋中見松陵鄔克非稍涉談論頗見契合後漸面熟亦幾忘形矣及別余既序而送之又爲詩二章御簡見之三和余韻以贈克非克非既去余在都門御簡與余凡有酬答率仍前韻後余以母艱歸服既除時追前事每有所作亦輒仍前韻暇日類而存之別錄爲帙云

別鄔克非

雪鴻堂文集卷四
燕喜堂

彌年過從情殊密一段殷勤意頗真忽訝同羣分去住行看兩地各風塵君爲湖海水雲客我亦東西南北人眼底鬚眉詳記記夢中把握好頻頻旅况蕭條夜話親各將舊事說翻新魂銷歲月催頭白氣短英雄到骨貧悵有良朋無盛會傷多岐路屬勞人金臺易水悲歌地別向西風倍慘神

別御簡云往塾館因過舍弟雪原寓見留次日

御簡入直見余東家滿洲中翰詢未赴館因疊前

韻詩來訊和答

生平語句無虛語偶爾參差話不真自惜勞勞形若槁奚爲僕僕面蒙塵揖辭共譁金蘭友趨晤同懷明發人因是日來虛馬悵致煩清慮寄詩頻

久緣忠信得相親一語游移詫異新尋我弟兄舒我悶
防吾潦倒念吾貧而多為恤煩良友靡日不思荷故人
幸弗棄遺勤筆札相君高誼過留神

東家自直所持御簡疊前韻詩再訊和答

莫疑塾館無消息有弟牽情意自真淡遠同邀天際月
殷勤為掃榻閒塵且留夜坐纏綿語遂滯居停信宿人
甚事凌晨還遽別到門叮囑往來頻

同胞兄弟自天親況在窮途契濶新傳道授經豈我事
儲書受直只吾貧聊沽濁酒悲遊子不顧素餐惱主人
近日襟懷頗不惡瑤篇一讀一精神

御簡又寄疊前韻詩和答

書齋集卷四 燕喜堂

二

俗儒學道無憑據極力陶鎔那便真總是不成清淨土
奚能少脫面容塵十年獻賦堪投筆兩歲辭家最動人
幸是君官猶未達得緣故舊往來頻
屢投詩句見情親高誦千迴韻倍新幸識名賢之與處
焉知濁世所為貧經心滲澹徒陳迹過眼繁華又別人
誤矣一身爭造物空勞碌碌做精神

又接御簡疊詩韻和答

尚有狷狂能近道一經雕鑿已非真紅爐易煖肝腸鉄
白水難澆面孔塵鄉曲無多心上友天涯有數眼前人
感君官况仍寒素重我連年下榻頻
執鞭奉履久相親見面聞聲快若新歷說蘓秦猶未遇

多情范叔儼然貧十年共邸聯牀友萬轉懷鄉獨宿人
捧讀高吟如玉屑化工肖物得其神

至御簡齋中又以疊前韻見示和答

尋思離合十年事始信良朋自有真高曠等閑世外眼
空明如拂世間塵胸中有物慙吾子指屈無名不若人
猥與緒談常永夜更端反覆不嫌頻

邇來相近日相親久敬渾如識面新我以慵歸悲道遠
君因重義忘官貧詩文剴切錄時俗意氣昂藏羨古人
最是兩踪窮達異要從清澹見丰神

塾館仍前韻寄御簡

書齋集卷五 燕喜堂

三

橫渠曾微卓比座孰敢談經自認真况是硯池拙丈草
不徒書面撲微塵徜徉時日聊存我漫浪年華誤別人
衾影負慙惟此事每當寢食意頻頻
行住都於章句親却非溫故欲知新資他隔壁冬烘語
教我空囊刮底貧謂彼專心將自得使之繼志屬何人
世間經傳尋常有没分鑽研會入神

自房山歸未得入都別御簡仍前韻擬寄

惜別臨歧常語爾吾言奚以見情真嘗期妙會符雙舛
每到微參隔一塵旅舍得君為密友客途重我是鄉人
辭歸故國五千里縱有郵筒未可頻
與君促膝一年親今別更餘懷抱新經幾歲時違勝餞
作何消遣度長貧重逢還憶清宵月對坐驚看萬里人

我欲繞筵掀袖舞清商未奏已傷神

再仍前韻擬寄

古語丈夫無別淚當知別淚自情真六時向夜皆通夢
萬里論心不隔塵屈指幾多天下士點頭只此眼前人
算來一事今先定饒有詩題爲我頻

向後素居衾影親離羣初換話頭新要占聚首須占夢
儒說相思不說貧此際周旋無別個他時揖讓即前人
速遊擬賦離騷體助筆恢奇殆有神

仍前韻擬寄御簡

君期別後三年會我謂如言恐未真道路紛紜繁亂緒
關山重疊隔飛塵君官京國同僧况我客長途困旅人

李鴻章書

燕喜堂

四

我日思君君夢我尚愁相值夢難頻

同譜天涯兄弟親正當分別眉頻新詩增疊韻應稱富
興索離情不爲貧客子登程猶卓馬僕夫盼道屢催人
何時坐兩挑燈話細數雲山一狹神

仍前韻擬寄御簡

京華蜀道五千里滋味嘗來苦最真兩月程途經冷熱
二時茶飯帶泥塵三年熟識金蘭契一旦分看去住人
嘗憶郵筒將可達燈花鵲噪恁頻頻

狂談謔浪過相親釀作離愁異樣新但有詩書終是貴
尚留泉石未爲貧當前勉舉玉中酒別後難忘眼底人
乘醉庶幾分別易驪歌莫唱恐傷神

懷御簡仍前韻

幽居兀坐生閒想每羨君詩善寫真好句屢投如擲玉
卮辭擬效似揚塵雋標久已推文虎深致固當屬雅人
何日相從永朝夕要觀匠斷會須頻

彭年筆墨外無親向後頻驚歲月新體病詩情偏不病
官貧文字未嘗貧慵矜客氣脩庸行要著奇書作正人
率爾念君成七字如圖影者冀傳神

幽居仍前韻

蕭然環堵無來往晨夕談心書最真戶外蹊間多藉草
堂前席上久封塵世情絮語難容耳雅意忘言嬾對人
只有簾前開尺寶春時還許燕來頻

李鴻章書

燕喜堂

五

說與幽居最可親每年春到物華新谿山稠疊已云樂
紅紫鮮妍豈謂貧花笑鶯歌能適意茶香酒熟足娛人
牕前綠滿同生意底事能教不爽神

書懷仍前韻

最苦閒心無著處對書使得性情真敢期筆下千篇錦
要去胸間萬斛塵易把詼諧酬俗物難持議論向通人
諸經且異他文字耐極研窮不厭頻

從來蘊藏世無親爲欠衣冠出色新辨受萬鍾豈是拙
敬持千字未爲貧菜根原不讓公等厚祿何須羨故人
解釋此身問東縛深山兀坐自精神

書懷仍前韻

世間爭道龍神物半是葉公不好真固要胸中有萬卷
方能下筆絕纖塵若將童子雕蟲手想作明堂劍履人
買續還珠羞計左爲之慨嘆幾回頻
與古爲徒道氣親典墳靜對致幽新雖無黃石爲招隱
尚有青山可樂貧斯世空虛如許濶此間寥落有何人
若其風雨龍蛇集故屬筆端變化神

懷御簡仍前韻

攀援游歷登臨久許見廬山面目真藉玉樹枝雕太璞
掬蓄微露浣微塵現璋卓犖超時輩俊逸清新掩古人
盡日思君時有句封題顧望海鴻頻

客居寥落悵無親屢寄瑤篇珎琢新我以骨清法不富
君因詩妙例當貧情深意遠微高作境苦心恬見雅人
看似無能惟習靜偏從筆墨弄精神

懷御簡仍前韻

嗜好趨操渾絕俗文章道義俱從真久遠燈火書生蠹
莫繼厨烟斃落塵健筆力追南宋字高吟突過晚唐人
虛懷猶自勤精進染翰臨池不厭頻
有幸從游風雅親每瞻佳句愛清新時資藥力能扶病
日爲詩忙不救貧正作典型堪訓世妙兼風雅不循人
嘗叨幾次陪高座似浴清溪快爽神

懷御簡仍前韻

久宦京華仍寂寞時從琴酒樂天真胸中白日燭幽隱

座上清風掃土塵即謂我無有道識固知君是非常人
每能拈韻成奇構寄我開顏學句頻

氣聚渾如骨肉親每邀談論日知新只將學富爲身富
不顧官貧念友貧君自樂交天下士我尤激賞箇中人
夜來着句疑思處覩定青燈欲出神

擬寄御簡仍前韻

終日營營何所就久緣外物損天真欲君洞悉此中苦
看我娑婆兩鬢塵壯志已闌猶傲俗初心未遂不如人
此生豈得便徒爾靜念能無感慨頻

日月惟知書史親忽看古鏡二毛新正疑何故形容慙
莫怪粧添景致貧漫信青雲能待我誰知白髮陡欺人

賈生年少學雖卓前席原來助有神

懷御簡仍前韻

仕宦渾無肉食氣遺經欲探聖傳真讀書解悟空千古
落紙淋漓絕點塵月下絮談尊有酒燈前高論座無人
向來齷齪尋章句多得疑闕叩問頻

云何數見只情親愛共君談知見新熱眼看他嘗鄙富
冷曹好客固宜貧蜀鄉秋月聯吟客燕市春花共醉人
活虎生龍形筆墨偶然遊戲亦通神

甲申冬客果城御簡年兄繼至舍館定矣屈辱

同寓歡然移就漫仍前韻

瑩肯來遊誠風志移居相就感情真忙脩短刺半行字

輕拂長纓數點塵千古半駭多我輩百年強健屬何人
聊沽濁酒消寒夜再說從前聚散頻

好友屢從客裡親萍蓬幾局幾回新廿年九會看將老
十載一官照舊貧獨怪目中簪紱士盡悲胞下苦寒人
惟君靜者其天定雅淡冲和具遠神

赴澤別陳韋菴明府仍前韻

談心握手感晴窗每飯不忘情事真久拚埋頭從伏櫪
今將分袂走隨塵逐名趨利隨流俗行道修身媿古人
努力前途報知已多應此意日來頻

偶然投分豈相親况是鳬飛敝邑新恕我迂疎由質直
原其嫻散為清貧每疑當世無知已深服君侯能相人

北壯驪黃存別賞九方具眼信通神

偶感仍前韻

焚香靜息我何事敬守遺經懼失真不道往來無俗物
且誇居處絕罽塵柴門細逕僅容我小圃低柯欲碍人
拈韻成詩聊遣意幾回封寄唱酬頻

妙理因閒體認親吟風弄月句翻新隨綠林外禽魚樂
無碍山中詩酒貧何處牽纏能着我此間意緒已過人
浩歌慷慨舒幽憤不禁悲涼泣鬼神

偶感仍前韻

世路悠悠營所得爭趨蕉鹿以為真胸中頓起千重壘
面上徒增幾地塵盡說古今稱數子不知書冊誤多人

聞來一二徵陳跡塞馬由他得失頻

韶光荏苒別雙親頭上霜華對鏡新書罷心雄傷少賤
酒闌耳熱任長貧小天因坐井中語高論當聞世外人
惆悵十年岐路裡東西奔走枉勞神

大雪節御簡寄喜雪詩疊前韻和答

多時厭見趨炎態對此性情似較真雄襟日高明晃目
天街風過淨無塵立深門外懷先輩臥穩山中羨雅人
酒量知君蕉葉減今宵傾酌亦須頻

布被蒙頭睡覺親牕前或報郢題新白頭借此無形老
赤膊逢茲方見貧陡鏢尖峯娛坐客平鋪廣陌困行人
紅爐一點非容易機候到時自爾神

疊韻再和雪詩

寒區久幻炎中相一夜東風另寫真凍合玉樓迷廣野
鋪開銀界絕纖塵掃除擁篲猶餘惜剗貯烹茶最可人
自是陽春徧地有好乘佳興唱酬頻

豪吟詩客遇題親喜見霏霏韻脚新玉屑擬聞天上語
銀沙思度世間貧飛揚雖不成佳士清白猶將况雅人
顧我敝袍猶作質司寒幸為減威神

疊前韻和雪詩

凍合神州全是玉也能幻得一時真要翻濁世臻清白
不惜清姿墮土塵嬌養豪門羔酒客打磨陋巷牛衣人
三盃出戶徘徊久好向前村極目頻

羣動多於煥氣親六花飛處忽驚新紅鑪有酒堪行樂
墨突無烟怎度貧忍凍難爲垂釣客衝寒耐作採梅人
因思挾纈懷軍士語轉鴻鈞匹化神

疊前韻和雪詩

紅鑪一點號炎勝與羽鈞金失故真蔽野霎時飛碎玉
燔原頃刻過烟塵非無斗帳高眠客或少扁舟乘興人
欲傲清吟廣郢曲何當佳句得來頻
撲窓輕片耳中親起視天街瑞色新久暎朱欄目欲奪
暫揮銀屑帝因貧平鋪堦砌已娛意一覽江天更快人
大地粉牌誰揮翰巨靈舒臂展精神

疊前韻和雪詩

花片飛空兩作質擬鹽比絮總非真天街璀璨渾鋪玉
九陌晶瑩絕點塵戲投象形隨孺子苦吟肖物費詩人
頗饒訪戴剡溪意夜起呼船興發頻
重絲頓與肌膚親入夜夢寒得句新厚集金臺非戀富
均鋪茅舍不嫌貧商量灞水吟詩客領略梁園奏賦人
更喜清標辟蜂蝶梅增品格倍精神

疊韻和雪詩

朔天飛舞如花片大地冥迷頓失真
日照猶遲解釋雄風吹不起灰塵
尊中綠酒勤供客
憇外紅梅笑向人
好似情深依我處
試觀疎落入簷頻
瑞色入簷映日親
諸山盡見白頭新
淺深雖則殊原隰

厚薄何曾別富貧
劃印可娛曳杖老
飄颻更切倚門人
衝寒走向臯亭望
著句當如詠絮神

疊韻和雪詩

潔淨精微光宇縣
悠然吾亦見天真
胸襟清白交相映
眼界空明快絕塵
景似水晶宮內景
人如羣玉山頭人
驚飛咫尺渾無迹
前却汀洲極目頻
光明逼射眼眸親
碧檻朱欄照映新
羔酒豪門徒耀富
牛衣烈士未傷貧
花開六出疑冰樹
唾落九天想玉人
若使晴當三五夕
能教月色長精神

疊韻和雪詩

同雲幻變滂沱象
較雨聲輕質倍真
暫作九街堅白玉
永消三尺軟紅塵
呵凍鈔題燈下詠
畫及覓句爐邊人
開門巷陌無行跡
遠寺冷然清磬頻
銀沙玉屑入眸親
造化偏能煅煉新
與日爭威奇矣富
爲霜助虐傷哉貧
不思羔酒酣歌客
却羨牛衣困臥人
憶昔趨庭聞格語
此時晨讀最精神

懷御簡仍前韻

京國多時同臥起
可稱寤寐共其真
百般舊話翻新話
幾次風塵沒土塵
長夜獨吟饒遠想
一燈孤對別無人
調琴此際耽幽賞
應誦問闌入弄頻
一樣同羣異操親
鬚眉見解悉驚新
五車廣蓄君藏富
萬卷假觀我濟貧
盈耳鑽心無俗韻
殊途合轍有時人

兩家困遇成亨境當謝從中作合神

舊袍仍前韻

素樸也微學問力莫圖粧扮掩吾真伎求害志心狗物
榮悴忌情意出塵若衣敝袍而動色便披文繡亦猶人
紛華未淡胸無主所守能無得失頻

冬來敗絮自相親稍用改爲便一新苟得心齋顏氏樂
何妨肘見魯參貧緼袍也只隨時令文繡何須耀俗人
閉戶楮冠歌自若清歌商頌等精神

疊前韻

世間便宜無他法但看吃虧皆認真須使肩休承重擔
母爲眼不受輕塵罔分黑白觀平等莫置是非道好人

香齋集卷四 燕喜堂

十三

縱有戈矛爲隱伏不辭雲面往來頻

山居兀坐有誰親春弄芳姿花柳新賦賣千金休羨富
書藏萬卷未嫌貧敢云天地爲徒侶聊與鶯花作主人
剩有空閒翻帖括深微奧衍悉傳神

疊前韻

何術遷延彌歲月優游泮渙以全真辛勤半世勞筋骨
奔走窮年困土塵訥口談翰辦士髭鬚鬢髮勝勞人
熱腸磨頓成冰冷幾次青山入夢頻

能從澹泊見情親須得幾回會悟新上聖不傳簞食樂
大丹難藥俸錢貧試觀秦漢以還士何似羲皇而上人
奔走強顏誠鹿鹿到頭拈据枉勞神

疊前韻

幽僻數椽饒勝槩好憑靜息葆其真希微聖域能觀化
妙絕仙區不近塵伏案攤書無別事談心著句有何人
愚生擅此誠多幸每日齋心點念頻

斷簡殘編日日親此中滋味異常新僕妾向學能識字
婦子知天不怨貧風送山歌聽牧豎樹遮溪曲看行人
高低遠近淺深悟可想當年對聖神

疊前韻

想到途窮多逼窄脾寒難借酒淘真自甘白髮從灰燼
誰惜蒼頭抗土塵摸稜只就聊存我溫飽原來竟悞人
越此回頭已不早還堪差路幾回頻

香齋集卷四 燕喜堂

十三

帳冷衾寒夢未親幾回伏枕悟頭新青山自古能招隱
白髮從來只戀貧理熟詩書傳後輩吟成騷賦嗣前人
有時撰得飛來語半似此仙半入神

寄御簡仍前韻

世間聲氣徒形迹惟我從君誼果真重愛襟懷無俗物
深欽標致出羣塵心清漢上忌機叟手筆山陰作記人
久抱幽懷思寄託日來憶念幾回頻

別雖疎濶會彌親別會情形幾次新顧我慵書豈欲富
如君祿仕依然貧只當閑話達知己未可強顏向俗人
坐語夜寒星月轉醪醑淺酌爲和神

丁丑下第呈御簡仍前韻

鹿鳴叨賦已非望謬把南宮路認真不揣白茅貪泥露
焉知青眼畏粘塵高才捷足宜先我弱調庸詞怎動人
雖多解慰勞知已然疑惆悵日來頻

幾隔絳紗未許親每來送舊與觀新也思整理毛禾健
只恐生成骨相貧未或終為門外漢可知得是此中人
希君指示從違路免使營營徒枉神

疊前首韻

候候候寒分兩雪兩般色象孰為真固疑雨是沾泥土
亦謂雪為清白塵可使謝公無熱客能教柳下絕裸人
天公只自嚴時冷那顧寒窓數息頻

普天物色皆成象隔夜嚴寒頓失真白鳥一羣能滅影

書齋集卷五 燕喜堂

五

青山巖座似蒙塵多從華屋誇銀瓦少向茅廬念玉人
為恐春來成久潤故乘風便到門頻

平原彌望皆銀色便覺迷離看未真何術微霏變珠玉
奚方大寶作灰塵紅爐自應恣豪客赤足還當屬異人
怯手寒牕理舊葉牙關不律幾回頻

竟日孤吟饒興趣偶然對酒一淘真君雖妙悟無堅壁
我亦微參止隔塵鶴自骨清非富相龍如詩好亦窮人
幾回高唱爭酬答定屬誰家得句頻

其事寒原負寄目好將幽潔況吾真漫誇素屋堆珠玉
獨惜清姿墮土塵不規筵留脫帽客方知世有無衣人
悞疑空際鋪銀屑舞鶴也從顧戀頻

我為牢愁無解釋時掀書卷以娛真一般清韻宜梅月
萬種繁華若土塵不從世界徵仙境那向凡區索解人
數語沉吟神會遠澄心冥目往迴頻

幾番愛我投珠玉未敢微颺意自真鮮有精思成錦繡
多將舊句接灰塵漁韻謬附吟詩客譽面叨陪作賦人
記得深情喜我至只嫌疎濶不嫌頻

疊前次韻

苦吟爐火久相親入夜夢寒異樣新莫為被穿偶羨富
便須肘露穩安貧臨風得句無多子呵凍題詩有幾人
好運清思學弄筆一般詠絮也傳神

埋頭帖括幾回親熟運還須參悟新有識每嗤徒富貴

書齋集卷五 燕喜堂

五

無才豈復媿清貧青燈黃卷為恒業雞黍鷄衣是故人
色界疑團今渙釋不須丹術會通神

幽居閉戶亦何親韻響琳瑯齒頰新日習披吟渾忘倦
久安粗惡不嫌貧知無拜將封侯分穩作澆花灌菜人
也是一般同寢息安閑獨得守元神

交絕惟餘筆墨親拈題疊韻喜吟新能從吾好何非樂
若與天爭只是貧試看從來天下士總然不出箇中人
徘徊今昔流連久悟真冥參會入神

憶丁丑聞後鍾義依棲師門楚黃朱谷家兄為海

寧許時菴太夫子所留與同年陳御簡先生韓壽
人往還最密時松陵郭生下榻陳寓此金臺疊韻

唱和詩所由作也家兄自戊辰後三躋春闈興致殊減每叩陳寓陳先生體羸善病蕭然一室但家兄至輒懽然徹夜略不言疲蓋三五日不會者少矣已爲家兄營館內城去陳寓至十餘里家兄月必一再謁陳先生鍾義每往省見案頭唱酬諸詩題雖新而韻則仍舊鍾義素不知詩加以意緒紛紜家兄雖慰令微軀僅一再爲之便如嚼蠟不可強也明年家兄移館房山鍾義先歸臨別家兄出其唱和詩稿視前僅稍增耳嗣是丁先慈艱家兄亦倉皇言歸苦塊餘生無心筆墨而鍾義躬親鋤犁謀生是力迨癸未秋鍾義司鐸仁懷暫假回通

雲漢書集卷四

七

移取妻孥值家兄亦移居果城遂同買舟出渠水時積雨連月濁浪排山洄洑潰溢驚心駭目雖兩舟相望而語不聞聲勿勿別石佛場淒然相向益無暇探行笈索唱和詩矣乙酉夏家兄選授粵西平南令丙戌春鍾義方計偕入都而家兄早於歲前旋蜀是夏鍾義蒙

恩館選遂天各一方音書歲難再達壬辰冬家兄又移疾歸里兩家境况多離苦憂畏舊夢回頭亦神魂驚悸縱尺素可通鍾義安敢追憶疇昔形諸楮墨耶甲午歲杪兒子昱昌北來持家兄詩文三冊且書云幸爲我祈名碩序之鍾義受之而未遑展

讀丙申歲暮從容檢閱有金臺集一冊則自丁丑至癸巳凡感物興懷又追疊前韻以寫其牢落抑鬱之致蓋十餘年來所類而成者非徒曩日唱和也覺昔年公車落魄之狀萍流蓬轉之踪關河契濶晦明風雨之情宛然在目其步韻疊韻已成如千篇其或僅成前篇與僅成後篇又或標題懸韻雖曠日窮年尚未足以描寫此八九字之義蘊也若而其傳神繪景立意遣辭又必空前軼後吐棄一切務爲高古奇險之句直登宋人壺奧而後已焉其音清以越其氣靜以穆其味淡以遠其思纏綿往復而不肯苟焉以卒業噫其取徑過窄而用

雲漢書集卷四

七

心良苦矣哉今陳先生久修文天上鄔生不知去住何方家兄恒抱膝吟哦追懷不置交情可云篤矣然退居山林即善自調攝猶恐夙感櫻情清我靜境乃務取廿年前愁慘不可經之陳迹限爲局促不可移動之韻脚創爲一字不肯猶人之語句盡入以吾生參差不能齊之境遇刻劃於重見復出之題目廣之以什伯千萬不可窮詰之篇章舊作未就新題日增此何異藥師經之十二大願可耳聞而必不可目遇者乎凡家兄所視爲至樂皆衆人所目爲至苦而不可略嘗者而乃甘之將終身天懷之過人遠矣夫郎官美仕也家兄每么磨

視之此八九字者虛韻也家兄和仲命依之其者
詩也實有味旨於郎官者在歟得微有敝精神而
輕養生者歟鍾鼎雖不知詩而喜讀詩輒手錄之
完璧於前雜附其殘篇於後而概刪其未成律者
非不惜遺珠也蓋美景良辰易開懷抱淒風冷雨
善啓愁思雅不欲多存不可耐之迹增老人感慨
云爾時康熙丙申涂月望前愚弟鍾鼎百拜謹跋



雪鴻堂文集四卷

山東巡撫
採進本

國朝李鍾璧撰鍾璧號鹿嵐通江人檢討蕃之子也

康熙丙子舉人官平南縣知縣考古來集部之名

往往相複然無一家之中共一集名者惟呂本中

呂祖謙俱稱東萊集然祖謙集加太史字以別之

見文獻通考又洪巖虎及其子希文皆名軒渠集然希

文集加續字以別之非竟相同鍾璧之父蓄有雪

鴻堂集已著錄而鍾璧此集仍以雪鴻堂爲名父

子竟無所別亦未有之規例也其詩皆信筆揮灑

於聲律多未能諧疊韻詩九十一首尤多累句自

序謂隨手塗抹長短得失在所不計諒矣其文亦

惟意所如如與陳敷相書引原憲貧也非病之語

至以聖賢爲戲更軼乎規矩之外矣

賦清草堂詩鈔六卷

〔清〕張棠撰

復旦大學圖書館藏清乾隆張卿雲刻本

附《四庫全書總目·殘本賦清

草堂詩鈔六卷》提要

序

雍正庚戌之冬，僕在廬山，訪之上人老矣。廬山詩人，皆盧月川訪之上人。老矣，而猶能詩。僕大蟲稍稍避去，而感稱張太僕吟樵先生之詩，出其所刻完玉堂卷中，有太僕梅花和韻八首，緣情體物，句雅字新，信乎其言也。歸而質諸吾師官允黃公，公以為然。自是懷之於心，思欲得其全而觀之。未久而太僕旋歸道山，上人亦化去，而余役奔走四方，此願未遂。今年夏，獲病潭東，先生之伯子，栖靜將校刊先生之詩，過序此故後。

生末學宿昔之

曰先生之

少也生於鼎族

兄周寒谿太史弟

長史庶常瑩，窓雪硯切磋為詩文，辛酉省其親，少司馬始遊京師，丙子舉於鄉，同舉焦南浦、徵君益相勉於學，其間隨計需次往來南北，所交皆名流，魁士詩酒朋讌，名益起，久之以選人為尚書郎，出守桂林，聰明強力，不廢吟咏，諸使方倚其才，而先生以太夫太年高乞養歸，雖居林泉，不忘公家，曾一請助餉於邊，繼請分浚吳淞水利。

天子嘉之，即家拜太僕少卿，自此遂不出閭，或放

舟吳越為山澤之遊晚耽禪悅與上人交寔久完
云堂詩即先生之所刻而陸香林繆雪莊諸老輩
尤先生之素心晨夕時相唱和者也先生之詩浸
淫卷軸留連山水描摹景物善寫情事其於古體
尤長五言削去凡近思力追於古人其擬江文通
雜體三十首可見也其近體五律音節諧而比偶
工才情富而風骨秀七律以下希踪隨州劍南之
間要其自得之趣有出人意表者非可以尋常蹊
徑求也蓋先生之詩少資燕澤之益中得江山之
助晚有悟於宗門背觸之旨是宜上人與先師當

賦清華堂詩

日咸愛誦之而可以問世而傳後也烏嚀自庚戌
至今三十年余始得盡觀先生之詩而伯子又能
收拾校讐刻之以傳使海內盡得見之而余之無
似亦獲挂名於卷中不可謂不幸所惜者月川之
墓草久宿不得促膝挑鐙共證而老人欣賞之非
誣斯為可憾也已

乾隆己卯初秋同里後學沈大成撰

原序

余壯齡時好為聲韻之學父師見之輒呵禁弗令
為恐其妨舉業也辛酉秋見嶺南闈因東裝入都
侍家大人於燕邸溯大江渡黃河過泰山而尋易
水車塵馮跡之下旅店篝燈懷鄉志慨也則有詩
及抵京師仰 國闕之壯麗瞻 帝闕之尊嚴島
有瓊華池名太液入其中而油然而興忠愛之心則
有詩花晨月夕攬勝西山或聯騎於郊原或流觴
於泉上登高而賦觸景而吟也則又有詩自酉之
冬迄亥之秋得詩凡若干首然不過摭寫胸中之

賦清華堂詩

所得未能進而摹古何敢出以示人甲子秋復遭
按劍歸則日從事於制義揣摩其所未至猶恐未
獲有當其又何以詩為雖然余非能詩者然詩之
義竊嘗聞之昔王陽明先生謂三百篇大約皆雅
頌之詩如鄭衛之風淫靡失德必皆夫子所刪今
所載者恐屬漢儒採輯之以成數而余不謂然如
謂鄭衛不當入三百篇則詩之詞但當言善以垂
勸不當言惡以垂戒夫子何以言詩可興矣必言
復可觀也易之言曰見金夫不有躬又曰虎視眈
眈其欲逐逐書之言曰三風十愆又曰崇飲酒酒

從來聖人之立教以垂世也法與戒不可偏廢易書且然詩何獨不然也余非能詩而竊有得乎詩之義者在此他日儻能謝去舉子業以肆力於是當必有更進於是者則是冊也匪敢謂鼓吹詞壇亦藉以求大君子之教云

康熙丁卯莫春三日雲間張崇自題

私書樓詩稿

原序二

自桂林後水道歸故鄉所歷巨浸大率以江名粵之所屬則曰陽朔江曰灘江曰湘江由湘入楚則曰汨羅江曰桃花江曰羅浮江長沙府曰岷江曰蘭

賦清菴堂詩鈔原序

二

江岳州府曰清江曰蜀江荊州府曰漢江襄陽府而洞庭

湖為最大亦曰巴江瀟湘蒸澧沅漸淑辰酉之水皆入焉禹貢所謂九江孔殷也由洞庭並漢口而

入吳則曰贛江章江仙槎江廬江雲亭江恩江吉安府

潯陽江九江府橫江魯明江太平府楊子江以至於

我松之三江為程六千五百餘里為時一百三十

餘日蓬窓水檻野岸孤汀抽帆起柁守風候潮之

際烟波綿邈行李蕭然間弄筆墨以自娛而所過

名勝之地往往垂興為詩以寫之既歸題其帙曰

江上吟云

康熙五十二年癸巳夏四月吟窓崇題

江上吟

賦清菴堂詩鈔原序

三

賦清草堂詩鈔總目

卷第一

五言古詩七十首

卷第二

七言古詩三十九首

卷第三

五言律詩八十六首

五言長律二首

卷第四

七言律詩九十三首

賦清草堂詩鈔總目

卷第五

七言律詩八十六首

卷第六

五言絕句一十三首

七言絕句八十三首

賦三首附

賦清草堂詩鈔總目終

賦清草堂詩鈔卷第一目錄

五言古詩

我愛簷簷竹

詠史二首

宿廣泉寺

癸亥清明游萬柳堂

甲子清明重游萬柳堂

擬江文通雜體詩三十首

有懷

過東園廢址有感

賦清草堂詩鈔卷二目

送吳別駕本仁歸東昌

歲暮感懷

孝烈篇為唐孝子賦

遊七星巖棲霞洞

風洞納涼

得替後偶讀香山詩因拈解印出公府句

遂效其體作詩四首

鏡石

洞庭湖

余江行既久目拈雨晴寒暖四字為韻各

寓其景

石鐘山

過彭澤欲訪淵明舊里

對酒四首

遊韜光用少陵寫懷韻

又倒押前韻

紫藤用香山韻

白牡丹用香山韻

牡丹

和奚掌謨投贈韻

賦清草堂詩鈔卷一

二

脫雪同謝羣作

婁邑趙少尹索詩戲贈

仁壽峰

白羽扇

擬陶歸田園居

賦清草堂詩鈔卷第一目錄終

賦清草堂詩鈔卷第一

雲間張 棠吟樵

五言古詩

我愛簣簣竹

我愛簣簣竹 檀欒照斐几 披拂春風前 常以比君子
今來長安城 林間獨無此 草木亦有知 何弗慕
帝里虛中自 能通直節還 如矢削跡遠 市廛孤踪
謝桃李 豈似江南橘 至北變為枳 籜龍尚易移 曷
為不遠徙 相愛不相見 相思可知矣

咏史二首

賦清草堂詩鈔卷一

一

刪書卜秦興 讀史決秦喪 何以知其然 詐力非所
尚 當時號始皇 功德誼無兩 銷兵鑄金人 築城為
保障 制郡三十六 一統無背向 焚書絕智謀 坑儒
弭訕謗 自謂傳子孫 萬世終難量 詎知肇漢炎 乃
在一亭長

漢時有老人 自言得靈餌 海上見安期 瞬息千萬
里 朝躡蓬萊青 暮挹瑤池紫 丹藥成黃金 吞之能
益齒 天子信為然 親始作憲祀 恩寵日以加 時臣
曾莫比 將期拔宅昇 富貴同敝屣 居久老人病 老
人病竟死

宿廣泉寺

我來陟西山盤折非一境言循退谷亭沙磧成幽
徑北指向廣泉登眺吟風冷廢寺剩古松荒臺留
石磴怒雨忽然來風急還喧聽相逢是吳僧相對
話禪定乞火去煨芋汲泉忙煮茗願言棲此間日
夕聞清磬

癸亥清明遊萬柳堂即事

三月春將莫京洛滿車塵辭家逾一載衰草復如
茵俄逢禁煙節挈伴遊城闌四顧重雲合淒然細
雨繁載酒登高邱支筇入閑園雜花縈乳燕曲水
漾遊鱗徘徊日漸西時聞野哭喧一抔荒土紙
錢白楊寒回首高曾冢松楸隱遙天顧影徒惻惻
累歎成短篇

甲子清明重遊萬柳堂

憶昔清明日來遊萬柳堂陰雲俄四合觸緒心茫
茫轉盼歲復換客久倍神傷攜朋重憩此欲飲不
盡觴去年同骨肉今日天一方去年偕朋好今日
遙相望去歲同家叔及友
人來此今各南歸陰晴不可料聚散總難
量自悲還自慰相逢半故鄉齊名惟伯始獨秀有
中郎興來胸益曠醉後形俱忘試看百年內人事

等滄桑後之視今日誰行誰復截

擬江文通雜體詩三十首

忽忽歲云暮遊子憐寂寥寒雲積曠野朔風鳴枯
條今日握手近明日千里遙千里異鄉縣欲見心
搖搖嶺梅經雨落塞草逐霜凋不若作浮萍隨風
任飄飄別古離

嘉會難再得歡樂殊莫追遊子懷遠道仰視夜何
其西風吹我裳繁星正參差請為清商曲泠泠一
何悲明發在戰場相見未有期攜此一樽酒餞我
以路岐對酒不能御延佇空涕洟努力事戎行萬

賦清草堂詩鈔卷一

三

里勿相忘李都尉
從軍

紉扇本潔素娟娟似月圓畫為神妃圖持此奉明
君當妾新製時合歡近君身常恐悲風發秋飈傷
我神夜起視河漢怕見參與辰班婕妤
詠扇

垂輦恣行遊蕭瑟秋風涼清宵會嘉客華鐙照夜
光丹霞冒長坂珍木森芳塘潛魚躍清池好鳥鳴
高岡飛蓋如浮雲良朋方縱橫玉壺泛美酒朱絃
發清商人生一如寄孰保百年長及時快志意歡
樂詎可忘魏文帝
游宴

高臺望落日驚風起北林繁霜侵玉除木葉下重

陰我友欲何之慷慨結征襟置酒在山陽去馬有
悲音賓飲不盡觴微言贈同心清時既易失嘉會
何以任努力輔皇佐竭忠神所鑑叶切奈何即長
塗抗手發哀吟玉體幸自愛感別方自今陳思王贈友
湛湛澗溪水冷冷蘋藻寒采之薦宗廟用以登玉
幣小臣信頑魯僂倪事濡翰簿書既紛紜奇葩自
斑斕詠托聖明思盡瘁西掖垣芙蓉發深禁菡萏
含清源靈鳥宿水禽仁獸遊西園覽物修令德勉
哉臣職難劉文學感遇

憶昔避世亂驅車出帝京靖函遍荆棘涇渭濁濁

賦清草堂詩鈔卷一

四

清狐狸馳貪關飛鳥下彤廷悵望二十載天下無
交兵君王禮賢士四海致升平小臣為具官金貂
服朱纓鞠躬矢盡瘁輸力竭忠貞愧無鉛刀用為
報素餐誠微畫匪臣力庶幾歌德聲王侍中懷德

九州不足步托志在丹邱凌空振六翮遊目歷遐
陬東眺扶桑景西瞻弱水流雲城薦瓊石神妃進
霓裳遠俗貴如識哲人務研求守一悟至理葆光
任夷猶順神復養性與道共沈浮至哉老莊理稊
稗與蟻螻富貴俾心亂嗜欲俾人愁人生不滿百
胡為千歲憂嵇中散言志

東陵學種瓜首陽采薇薇豈不樂繁華素志各有
歸世路太行險磬折使心悲何如遊南麓草木皆
曰依春秋非我有寵祿未可期守此蘭皋隱宵隨
青鳥飛俯仰事初服榮名不足欺阮步兵咏懷

秋夜守空帷明月入簾櫳君子去萬里玉臺起悲
風渥露沾碧草靈雨濕寒楓蘭膏誰與共寶鏡誰
為容伏枕傷憔悴重衾覆牀空不遇遠別日安知
此離衷區區莫與語惆悵托征鴻張司空雜情

之子歸泉臺相思幽明隔翰墨猶若新琴瑟猶在
壁入幃想淑儷音容遇騶騶轉盼蕙姿遠撫今如

賦清草堂詩鈔卷一

五

有失游魚無比目栖鳥喪其匹俯仰感物悲戚戚
終難畢駕言登遠山松楸轉蕭瑟浮雲委大幽終
古閱日月揮淚灑墟墓紆軫思如結潘黃門述哀

烈皇延髦士儲后重羣賢嗟予辭密親游宦赴洛
川劍佩遵銅輦纓簪偕後先恩澤被微軀羈旅情
自辜明發思故塚拱木淩寒煙油雲翳遠岫孤獸
騁高巔肆目不可及歸來在何年撫几不能寐願
影空自憐仰瞻飛鳥度銷魂正黯黯陸平原蜀宮
長嘯念古人磊落得我心金張珥漢貂許史貫華
簪功名滿青史今昔幾公卿誰知當未遇英雄苦

飄零遊學主父偃骨月常相傾相如歸成都壁立

困蓬衡出門靡所聘宅條倍傷神何如嚴子陵高

蹈得其真濯足桐江水振衣脫埃塵左記室

曜靈久匿景漂雲旦暮行石燕度重淵商羊舞空

庭有滄雨不息膚寸六合盈決之伏泉湧牆牖水

衣生原疇僵良苗蠶蠶鼯鳴余性耽栖隱讀書

慕先型才拙謝謀祿退志托躬耕傷哉歲將宴百

感中不平張黃門

吳天降禍亂晉室煮類網四海如鼎沸羣兇方縱

橫咨余才荅弱負荷謝匡襄秣馬赴國事慷慨離

賦清草堂詩鈔卷一

六

故鄉雖無赤松秘報仇希子房功名猶未立鬚髮

已成霜四顧空城內落日黯無光英藻飄中澤毒

卉盈道旁帶甲不忍寐聞雞起徬徨劉太尉

三台高朗曜五岳遠嗟哉巨材資大厦異德振顛

波伊謫實陋宗報主我則那豫讓甘辱身程嬰觸

禍羅魯連却秦軍詞令良足多馮驩復齊相寧僅

彈鐵歌弱質同素絲名實殊太過銜恩方努力志

氣敢蹉跎三復統指咏戚戚淚滄沱靈郎中

振衣青溪山千仞自鬱桓中有幽栖士靜悟揮清

絃彤雲生梁棟白日出松顛借問何人居云是赤

松仙安期進五石洪崖相比肩酌我玉溜食錫我

龜鶴年王孫趨富貴八珍羅其前蜉蝣向夕隕薜

華隨日湮何如登蓬瀛來往視桑田郭和農

詰旦出東城白日何杲杲層雲忽靈霽浦水浩橫

潦遠睇極蕭條悵悵傷懷抱握手悲空谷振翩凌

風矯靜觀晦明理伸縮隨蒼昊得失遞乘除吉凶

相紛擾達人悟自然察識貴其早萬物同變化形

骸安可保殤子足為壽彭聃亦為夭邈然返太素

何必矜綺皓物我澹無機忘懷狎鷗鳥人生攫百

憂何如念高蹈孫馮翔

賦清草堂詩鈔卷一

七

我愛陵陽子餐霞任盤礴遁迹超物外娛情恣揮

霍凌波摘水碧陟山探幽壑朱霞暎雲牖丹葩曜

飛閣石室曲櫺清遐音遠城郭海鶴高摩空何由

陷繒繳千古黃石翁餌術同欣托許微君

晨遊恣遐矚秋日氣蕭森理化各有準風景凄前

林爽籟鳴哀壑嚴霜被清潄松栢植貞標弱卉自

不任哲匠振徽風養素寄道心拂衣謝塵勞逸思

散秋陰求仁予夙志祛惑愜幽襟落拓得我真散

髮紆高吟殷東陽

愁彼蟋蟀詠悵此蕪葭歌伊人道遠隔迤邐隱崇

阿呀呀探石洞紆拙指澄河黃花菜蕨凝蒼煙帶
薜蘿沙鵝依斷壁文鱗戲碧波覽勝憶舊歡歲月
常蹉跎寒裳涉蘭沚眺望彼美過愆期徒從倚遲
暮復如何

謝侯射
遊覽

守拙棲田園稼穡為我務種豆在南山結茅遠道
路林鳥鳴交交冉冉三徑暮晨興理南畝日入治
西圃穉子朝飯牛山妻夜織布既無車馬喧亦無
賓朋顧四體縱云疲與物常無忤千載沮溺翁樂
此無他慕

陶徵君
田居

剖竹守滄海駕言歷車轍富春覽清江靈境問禹
穴危厓吐奇秀岑峯轉峻絕乳竇常滴瀝金潭復

賦清草堂詩鈔卷一

八

瀲灩白雲媚孤嶼綠篠丹井澈淺瀨水潺潺野曠
淨沙汭築觀在層基葺宇臨高垓飛室燦明霞疏
甍陵白雪暮聽猿啼哀朝挹芳蓀列丹邱訪仙踪
圖牀半磨滅達人貴處順俯仰自怡悅

謝臨川
遊山

紫極真皇居瑤光正丹宮啓宇列辰漢卜揆度天
工蘭橈曜卿日桂棟含春風琛賁九垓會書軌萬
國同茂晨起行蓋鳳輦降九重廣讌曲沼列瓊丹
步欄通金壘酌芳醴玉軫響絲桐有酒復飽德于
胥頌篤恭風雲霽泰熙歲月饒和豐自憐汧牒賤

皇波覲鴈鴻

顏特進
侍宴

仲春暉景暮歸鳥鳴哀音薄寒來千里凄風動離
心云何手足情去我如逝陰豈無寒裳志遐潯隔
水深水深不可接河漢自瀾瀾白蘋起文藻鉤帶
成連理忽焉荆棘生間此枕與李路遠實悲傷悲
傷思沒齒沒齒亦何思詰兄別恨多憶昔同聯袂
墳簫聲諧和比翼居蓬戶分飛去山阿賜我金石
言念我以坎軻坎軻何足辭去去不復道山川令
人悲歲月令人老朝馬睇層雲望關徒心悄夕馬
對明月慈親以為保言念及慈親涕泪沾羅裳一

賦清草堂詩鈔卷一

九

朝辭故里言笑非所詳立馬重踟躕心期安可忘
鴈行忽分散相思在異鄉

謝法曹
贈別

迢迢明月照湛湛白露滋寤寐掩門巷清風令我
悲鵲雞栖古幹寒蛩響前墀抱疴理瑤瑟鍊藥坐
重帷石鼎既難問金膏未可期惆悵年華逝曷以
淡所思

王微君
養疾

汾邑嚴明祀芝壇嚴重宵祀雍陋漢典戒鳳比周
郊九域敷春霽萬象洽熙朝玉輿懸珠網金駟駕
星軺營衛沓五雲旌旂引百寮履計視都俗陳詩
聽耽謠驩呼驚嵩岳恩勤被芻蕘人文陵典謨康

爵進瓊瑤小臣深服義賡歌帝澤饒素太尉

肅於泊郊外雲裝恣遨遊蒼煙迷遠岫碧水聯芳

洲樹蕭石洞隱曲徑風颭縣野碧月迴層岑白

露流鴈影橫清漢猿音發離愁解散覓丹泉臨流

翫游鯢容裔遠危機葆光任夷猶謝光祿

朝上天山遊暮向鴈門宿孟冬嚴殺氣高原騁馳

逐雙隼懸犀渠盧弓插彫服軍士卧冰霜戰馬飽

鯨粟沙磧夜燐寒刁斗清風肅捐軀報明主矢力

陳微畫生縛左賢采用以靖王國白羽定疆場功

成參虎竹儒生守一經咄咄徒仰屋龍參軍

賦清草堂詩鈔卷一

夜起視河漢秋風重徘徊相思在天末伊人殊未

來白鷺在酸坂黃熊走荒臺蘅草托幽襟碧渚絕

塵埃鴈飛已寥濶尺素為徒裁鸞響鮮知音瑤琴

聲正哀朗月千里度因之寄愁懷休上人

有懷

懷抱憶高人高人栖邱樊迢迢莫愁河寂寂謝公

墩草堂列圖書車駕息衡門生平國士遇疇昔知

已恩駕言千里別離亭去高軒聚散愁無定死生

詎可言我欲往從之秦淮水潺湲

過東園廢址有感

一日亦有悲一日亦有歡悲歡無定期榮華詎百

年昔時公侯宅甲第冷荆煙昔時蓬華門珠玉羅

綺苑故冢多疊疊寒池何潏潏中有雙華表枯藤

長自纏顧之心惻惻悄然為停鞭人生貴娛樂滄

桑今古然

送吳別駕奉仁歸東昌

去冬駕四牡旌旆指皇畿相見猶未幾驛歌促

路隅君昔治鉅鹿政成及瓜期到家誇畫錦車騎

生光輝重溫姜氏被對舞老萊衣悵然忽言別送

送點臨歧仰眺翁山高駭聲共崔巍俯睇漳流深

賦清草堂詩鈔卷一

歲暮感懷

咄咄歲將莫行行安所之流水忽以逝白日亦云

馳養痾理素琴哀怨托朱絲微軀敢自愛逐世與

性違達人能兩忘無住亦無移睇彼山中叟永保

歲寒期

孝烈篇為唐孝子賦

親亡子亦亡事異理非常於孝固為烈於情實堪

傷咄嗟唐孝子年少工文章竇序推祭酒數奇猶

蟻歲災秋應科試厥考遊帝鄉子歸抱尸哭欲死

殉親凶剜肉肉盡裂泣血沾裳沈河氣垂絕投
縲身半僵蹄呼五百日求死心彷徨鬼神愁欲泣
天地黯無光春秋九兩易殉死曾弗忘慈母及愛
弟最屠難久防乙丑上元後自經棺之傍冥生傳
其事至行宜表彰我聞古死孝史冊言寂詳申生
飯壽輩百世斷人腸剖肝暨刳股千祺齒還芳或
因救父難不避蹈火湯或因痛父切一病入膏肓
偉哉唐孝子既死姓氏香我無爵宗筆作詩諡冠
裳

遊七星巖棲霞洞

賦清草堂詩鈔卷一

三

福地始踞脉仙境始會靈靈與脉相併端之巖七
星星星各競秀重重矗翠屏中有竅靈者洞以棲
霞名其深四五里徑折踏峻嶒春日虞積水夏日
駭層冰秋冬內方燥可以信足行是時閏九月天
氣正淒清拄杖歷危磴上凭而下承初逾龍門隘
翼然見一亭解衣此憩坐野菊紛秋英自茲束炬
入窈黑望冥冥火光久散亂點點流飛螢若明還
若滅風自巖隙生磊磊積怪石摩頂還摸棱或開
如蓮花婀娜插銅瓶或燦如靈芝輪囷包光晶或
如天柱立或如金莖擎或如虎如豹或如佛如僧

將翔復將舞時縱亦時橫取狀不一肖肖形非一
稱墮賞方未已水聲鳴冷冷俯漱乃深淵涓涓成
渟渟棄杖亟攀援側身難獨停長歎呼同侶手顫
足伶行既過稍坦夷心定神初醒有壁卓玉笋瑩
瑩天削成有石展穹帳森森蔽衛兵上有千年乳
高懸滴脂凝下有百尺藤結根蟠蚪形應接苦不
暇欲住心怦怦我行火將盡惟餘三兩燈急趨正
驚訝忽覺光熒熒白若輕雲吐膚寸氣初騰又若
新月出黯淡開空明俗名東方曉奇景觀未曾探
尋至盡處乃是日光乘從此出洞口豁然天漏青

賦清草堂詩鈔卷一

三

山之花灼灼山鳥亦嚶嚶宛入天台峰巨脉何藏
馨又疑桃源村雞犬聞無聲低徊不忍去白雲忽
若扇須臾入山寺老僧叉手迎僧言遊樂否周覽
恐不脉洞中復有洞人跡多未經南至衡霍頂西
極崑崙溟劃開一線天別有巨靈撐言之甚鑿鑿
沈思我勿墮靈壑果有之此言實難憑拂衣且歸
來滿樹寒蟬鳴

風洞納涼

嶺外苦炎熱七月暑方熾竹閣稍清陰松軒延爽
氣散步至山前小憩巖洞內習習涼風生披襟殊

快意心目豁然開煩囂此堪避携榼挈賓朋飛觴
屏鼓吹俄焉油雲合甘雨立霽霽亟起索青氍毹
寒良可愛陰晴與涼溫變幻隨時異何為塵壤間
日夕驚名利曷若此身閑逍遙祛物累有山任一
登有酒恣一醉若活七十年便是真富貴

得替後偶讀香山詩目拈解印出公府句
遂效其體作詩四首

解印出公府悄然多悲思爾俸既不薄爾年亦未
衰何故忽思去去之猶恐遲有言地非宜桂林地
亦宜有言位或卑太守位不卑何故忽思去去此
將奚為誰言俸不薄筋力亦已疲誰言年未衰面
目亦已顰睮彼高堂上行將七十期富貴人所願
親年我所知

賦清草堂詩鈔卷一

五

解印出公府道旁駕雙騶紛紛吏若民再請須吏
留我來涖此郡忽忽已二周甘棠無餘蔭陰雨少
網縲一旦舍之去中心誠可羞我今為爾計聽我
一言投為吏毋使貪使貪多招尤為民毋使詐使
詐多遺憂吏勤以自保民勤以自籌良工善為箕
良治善為裘各各修職業永詒子孫謀

解印出公府驅車北郭門郡僚時畢至欲別還遊

巡憶昔方共事談笑共朝暮今日忽分手涕零各
沾襟聚散各有數悲歡豈無因所居非一地所共
非一人前者何以來今者何以分若非今日悲焉
知聚者欣有琴彈一曲有酒飲一尊所貴宜努力
離別何足云我今從此去落日在前邨

解印出公府行行四望間自問何所戀戀此水與
山有山皆辟立嶙嶙矗且攢有水皆逶迤泠泠清
且寒晨起落蒼翠既晚聽潺湲登臨常不暇微嫌
身在官此身雖閑散猶未得盤桓今朝立馬看相
對空茫然我鄉亦有山不如此噴坑我鄉亦有水
不如此淪連山水應笑人身關心未開

賦清草堂詩鈔卷一

五

鏡石

有石委嚴阿摩挲不盈尺黝黑光無涯厥字曰鏡
石土人為予言此石甚奇特昔曾有賈人攜之適
京國意欲貢明廷一夕闇無色從茲遭擯棄退卧
祁陽側至今沃以水猶可照几席余聞斯人言不
覺三嘆息荆山有良璞抱久人仍識豐城有寶劍
干霄氣莫抑凡物皆有時此石獨湮阨韜光以自
藏庶無人世責

洞庭湖

勢吞七澤雄名擅五湖舊沈影浴雙丸浮空倒萬
岫巖冬歸舟經正值苦寒候宿霧藏魚龍積雲混
宇宙斯須雪橫飛遠近風狂吼舟師不敢寢顛浪
三夜晝雪霽風頓息曉起刺舟走須覺客懷開恍
如已夙疾拍甕出新篇堆前滿觴豆雜坐無行次
喧呼羣射覆頽然醉者誰乞身桂林守

余江行既久因拈雨晴寒暖四字為韻各

寫其景

朝覺春江雨蕭蕭聽至暮俄看山起雲復訝波連
霧點淡隱前村迷離失遠樹萍開水氣深花落輕

賦清草堂詩鈔卷一

六

陰護斷岸瀉流泉層巒飛瀑布點滴下平蕪鳴咽

征人路

朝覺春江晴烟消浪不生千山浮疊翠萬頃漾空
明沙暖遊魚出帆開飛鳥驚綠增新柳嫩碧添細
苔平矮屋松如畫孤舟葉似萍江城風景好霽色
引雙旌

朝覺春江寒應憐客影單柳拖殘雪白梅帶晚風
酸坐覺青衫薄凭看白浪寬荒邨禽語寂遠渚鴈
聲乾撥火灰無熱擁衾夢亦難畫船時醉倚淡日
下闌干

朝覺春江暖波平鷗不散開窓曉色明入坐東風
緩微微岸芷香稍稍林花綰惟添睡思濃莫解吟
情懶卯酒及時嘗春衣須早澣融融氣味殊到處
陽和滿

石鐘山

昔讀東坡記石鐘何鏗鏗今來泛彭蠡水涸春寒
生乘興一攀躋寂然不聞聲乃悟萬物理難與造
化爭秋來蟲唧唧春至鳥嚶嚶各以氣相感非時
則不鳴我心亦如石緘默以自榮待看湖水漲相
擊始砢砢

賦清草堂詩鈔卷一

七

過彭澤欲訪淵明舊里

春江行緩緩春風吹煦煦蓬窓了無事閑吟聊自
娛古詩讀未竟恰至江城隅江城有栗里云此陶
公間公生晉宋間弗為榮利驅連徵竟不赴高卧
南山廬昔嘗仰高風今來過舊墟欲訪邈難即臨
風空自吁三徑菊存否五株柳在無重吟歸去來
悠然意趣殊

對酒四首

對酒看南山形清味自真人生多憂慮所患在有
身何如常把酒及此年華新東籬聊獨酌清風期

故人

故人來未來徘徊視河漢與我苟無營與世亦何
患提壺且自傾花落浮雲散坐看赤日奔由來白
雨間

獨酌已陶陶山童起淪茗人皆知予醉無人能獨
醒蠻觸曾幾時蜉蝣等幻境有酒應再傾顛然造
酩酊

身不在窮達相依齒與脣時不在盈缺相看秋復
春南山曾不遠乃與客為隣知止勿復進終當傷
吾神

賦清草堂詩鈔卷一

六

遊韜光用少陵寫懷韻

韜光隱巖阿岑寂遠塵俗下上二三里登臨忘拘
束拾級固云疲賞心亦自足何必效伯與登山徒
一哭古人重遊覽往往夜秉燭始知有榮枯而乃
招寵辱小憩濯流泉療饑脫香粟古樓云已頽舊
址移深谷石橋今尚存萬竹抽新綠放眼落江湖
憑闌影忘獨下山山雨來石徑何盤曲薄暮坐空
亭歌聲和樵牧

又倒押前韻

西北有高隅往還任樵牧結廬在此間何異武夷

曲林開鳥亂飛徑窄僧歸獨一覽衆峯秀平堤延
遠綠古來幾變遷高岸為深谷常詠桂子詩香飄
落金粟既絕塵世喧亦不驚寵辱數年復到此歲
月如轉燭莫非梁父吟莫效窮途哭白石堪漱齒
清泉聊濯足朝踏翠微山無拘更無束暮返白雲
廬不僧亦不俗

紫藤用香山韻

薔薇刺可憎葡萄葉殊疎惟有紫藤花垂蔭一畝
餘屈根盤潛虬行幹拖紫朱春來得生意一株萌
數株翠蓋四條達流蘓滿空虛披襟愜幽想清風

賦清草堂詩鈔卷一

九

常穆如天地亦大矣孰者非我徒詎為萍可薦詎
為茅可誅借此一畝蔭可以蔽千夫浮雲不必掃
叢棘不必除結廬於其下無異羲皇初乃知及早
計歸田為良圖古人懼桑榆我獨守東隅

白牡丹用香山韻

一株木芍藥費我小經營自昔豔姚魏於今垂嘉
名惟爾獨含素晚晚無聲對此發長嘆繞欄空
自行忽忽微風起開簾散幽馨白雲墮清晝皓月
沈空庭如何錦繡叢閃閃寒光明如何富貴軀珊
珊仙骨生抱此冰雪姿難與繁華爭朝來頻顧惜

不異持玳瑁塵世多皮相孤芳每見輕物理已如此
悵然傷我情名花及好景二者果難并紛紛黃
與紫隨春成落英

牡丹

穀雨春將盡終朝雨不開庭前木芍藥憔悴偃高
臺迎風歌翠葉泥露濕蒼苔花繁不可數朵朵若
相偎中有一秀枝獨立如玫瑰仙妃呈舞態詞客
費吟才雜珮珊珊下濃香習習來賦質本殊異焉
能涵凡村乘時自榮落何待雪霜摧對花感物理
酌酒流綠醅

賦清華堂詩鈔卷一

十

和奚掌謨投贈韵

雕蟲雖小技并借亦感恩所貴友素心何嫌尋遠
村敢云蔽泥水祇欲祛塵喧風雅吾輩重科名當
代尊譬看秋月皎還拂春風温自有針南指徒勞
駕北轅江河千里瀉日月雙丸奔所造無限極難
憑目睫論喜心因見獵得意還忘言空谷蘭仍發
深源珠自存嗜學紬載籍端委必窮源閣筆每經
歲迹虛恒杜門禮疎應似傲性慵寧勝煩清濟流
多伏黃河恒濁渾講習卦逢兌得朋占利坤從此
數晨夕相邀到荒園虛窓夜翦燭斗室閑開樽秋

老碧梧落春深紅藥翻豐城識光氣真源溯崑崙
供奉風自古昌黎道可原讀君投贈句從此淪靈
根

臘雪同謝羣作

三年不見雪見雪不在臘今年得見雪却在臘之
八浙浙復瑟瑟玉屑碎如刮一圻封園松寒雲冒
遠剎兩年頻苦旱岸水農勞劫貓虎不效靈蟲賊
伏難察幸此天降康萬物乙然茁勿嗟雨霏霏勿
歌泥滑滑為我告田夫食苗者俱殺

婁邑趙少尹索詩戲贈

賦清華堂詩鈔卷一

主

燕薊有才人自號東籬子昔者在南宮公卿咸倒
屣君曾為南宮司訓茸城今作吏不以短簿耻日
手詩一編其意宗栗里采菊寄幽貞引杯流魂礪
一朝見索詩為之捉筆起伊余賦歸來不肖折腰
耳今君抱高志何為猶戀此一官何足貴五斗亦
無幾何時拂衣去五湖弄煙水

仁壽峯

寶氣不終闕靈光久必舒小山忽傾頽銘識委榛
蕪苔蘚樂洗剔精瑩比璫璣有字尚可辨彷彿具
形模有辭尚可讀古奧追黃初厥峰曰仁壽其言

頗近諛人或謂余瑞余謝不敢居豐城埋神劍滄
海遺明珠此石歷霜雪紀年二百餘一朝忽披露
得見山人書會當濯清泉移之置座隅夏木感翁
鬱春花競榮數屈指自今始閱世更何如作詩紀
其事庶與石公俱

白羽扇

素扇却炎暉容光如月皎朝携翠袖低夕拂羅帷
香歛翼聚秋雲繳翻悲春鳥霜彫桐葉舒雪掩梨
花小揮塵影同清開簾明借曉能令幽韵生漸覺
塵勞少鶴胎美脩脩鴻毛嘆藐藐久持心自疑輒
棄愁多悄雅好正及時閑情豈厭巧涼風生腕中
煩暑散林杪却傲羽化仙抗懷出物表孤眠蕉夢
回四顧松陰繞

擬陶歸田園居

萬物各有托孤雲還空山世態何紛紛流光復年
年翔鳥每出樹遊魚仍沈淵望鄉一搔首及早歸
農田脩篁翳幽石坐卧北窓間春華嗟已半夏麥
忽盈前曲徑飛朝雨方塘含暮烟流泉激巖頂清
風鳴松巔展翰偶賦詩聊以答安閑好景豈易得
對之宜陶然

賦清草堂詩鈔卷一

三

賦清草堂詩鈔卷第一終

賦清草堂詩鈔卷一

三

男卿雲
景星恭校

賦清草堂詩鈔卷第二目錄

七言古詩

進酒歌

西鹿城歌

威鳳篇送史貽信之任鳳陽

贈楊山立

九峯烟雨歌

擬唐人長安元夕篇

送史雪山之任西鄉

寄遠曲

賦清草堂詩鈔卷二目

明妃怨

新婚行贈錢廣和

題畫竹

七夕篇

訪菊贈陶處士

冬日吟

夜泛青溪聞鑿冰聲

過青溪友人留飲

暨陽才子歌贈惠沛蒼進士

東歸阻風

蒲溪行

寄懷弟長史

吳本仁入覲歸東昌王素公索詩為賦并

山歌

寄懷莊社如無示同學諸子

節烈歌為南母李太君賦

黃河行送魯使君之淮揚憲副任

堂前雙柏歌

別竹

戴石嘆

賦清草堂詩鈔卷二目

夜泊巴河雨中聞角聲

江上夜聞鷓鴣

西湖紀遊用太白聽鶯歌韵二首

送春用香山韵

銅鼓歌用昌黎石鼓歌韵同樓齊雲作

又一首用東坡石鼓韵

次韵和繆雪莊牡丹

次韵和雪莊芍藥

衛程九已三載其子懷堂請會葬於洙

水之濱因之吳不與執紼為賦長歌以

代一勸

白頭吟月張文昌韵

姑蘓懷古

賦清草堂詩鈔卷第二目錄終

賦清草堂詩鈔卷第二目錄終

三

賦清草堂詩鈔卷第二

雲間張 棠吟樵

七言古詩

進酒歌

拔劍倚柱欲起舞悲歌無端擊瓦甌激竹且停吹
哀絃且罷鼓顙雲不流日欲午舉杯進酒姑莫逝
聽我此際歌且謠才豈必雕龍擅譽豈必靈蛇高
胸羅五車及二酉何如放浪乾坤稱人豪君不見
少年負才誇赤汗著書揮翰稱秦漢短褐篝燈意
惘然望吟四壁供長嘆請君若苗硯并擲班生筆
莫遣兒童笑迂僻安得酒徒對飲歌烏烏箕踞傲
睨旁若無人生無奈隙駒何操觚撚髭何為乎

西鹿城歌

崑山之地號古婁漢唐晉宋歷千秋天監為邑同
信義梁天監年置開皇復置隸蘇州後廢至隋開
機雲祠荒礎花碧剩有馬鞍一片石園亭幾廢復
幾興吳淞如帶還如織滄海桑田幾變更只今邨
落多城名墪落以城澄湖不見巴王廟舊誌猶稱
西鹿城西鹿城何代始後枕山前臨水城隅西北
留遺址由來此地近金閭傳是吳王泰鹿場白泉

青草依然在霞角魔斑事眇茫極目平原雲鬣馳
雕窓繡柱俄驚改豐碑憑弔一將軍千古英雄俱
草萊憶昔此邦全盛日文章節義多奔奔公卿事
業著鼎鐘處士聲名走縑帛田間婦子話桑麻沽
酒相娛樂事賒樵子牧夫熙草澤魚莊蟹舍連蕪
葭嘗考輿圖輒自疑吁嗟世人常好奇仲宣登樓
非一兩昭明讀書徧有之按圖尋跡不足信百年
孰辨是耶非地靈往往由人傑但期不朽人為百
世師我來暇日尋快友挈伴登山同命酒策杖行
吟西鹿城撫今弔古頻回首

賦清草堂詩鈔卷二

二

威鳳篇送史貽信之任鳳陽

威鳳振苞彩豈宵戀卑棲名駒騁逸足一日千里
俱從來抱才當少壯高視濶步走天衢咄哉吾友
史貽信襟期磊落真我徒趨庭昔美佳公子捧檄
今稱縣大夫我欲贈君詩君還戒我諛謂我勿為
刀環折柳之詞重相慰謂我勿為鳴琴製錦之譽
重相誣但言兩人交情足千古或出或處心原孚
我聞此言更搔首知君此去民其蘓自古心事光
明者豐功偉業垂良模淮南之郡塗山國漆園故
里應未蕪他日訪君種花處攜尊燒燭共歌呼

贈楊立山

咄咄楊子負奇才相携長嘯在塵埃自春徂秋數
往來閑敲橋局泛香醅話到鄉關首重回廿年同
里卧蒿萊我讀書兮城西齋君息羽子浦南隈何
當作客厯崔嵬長安市上跨龍媒每憐市駿心未
灰聞君捧檄懷輶開試看曳裾歸鄒枚塵土盈面
雪盈腮衆人一官展素裁雕龍繡虎何為哉請與
走易水之涯還與上黃金之臺結交奇士訪我儕
談論古今綴我懷豈肯隨行效駑駘咄咄楊子負
奇才與君放浪出形骸

賦清草堂詩鈔卷三

三

九峯烟雨歌

五茸城北羣山繞九疊芙蓉似拳小遙看突兀起
平蕪近睇參差復窈窕曲水縈如襟帶圍森森列
翠濃於眉陰晴頃刻忽萬狀為烟為雨是耶非東
西兩余綿數里中多怪石奇無比歎息徵君空盜
名筆花墨霧銷沈矣西來折入細林山間道仙踪
劇可攀豈是閑雲生石洞故教嵐氣遮塵寰陸寶
山今夷平陸玉屏秀立還如沐機雲南北遙相對
未了山光青到麓崑阜何當有小名鳳毛舒得插
天形千山劍氣知何處空有風雷霄漢橫開窓抱

膝一凝睇乍吞乍吐多奇象探微墨妙豈能圖平
子賦成迴莫狀我生未嘗著漁蓑側身懷古竟如
何秋水蕪葭人自遠蓊絲鱸膾入秋多人世滄桑
不勝數名山今昔常如許安得重攜謝朓驚人句
踏遍九峯弄烟雨

擬唐人長安元夕篇

離離滄海月澹澹照城闕車馬接長衢烟花盈紫
陌紫陌長衢此夕行金波光燦入承明人間火樹
開新節天上春星散帝京帝京佳麗供憑眺王侯
甲第相照耀丹樓繡幌闌繁華錦殿雲房藏窈窕

賦清草堂詩鈔卷二

四

良夜春風縹緲來三條九陌重徘徊羅幃拂拂珠
屏啓水閣沈沈金鎖開金鎖珠屏當五夜更看複
道絕塵埃翡翠樓成鳩鵲觀雕甍醉舞鳳皇臺此
時天子乘鸞輅翠華指處紛烟霧東閣門前綬騎
迎西市街頭金吾度綬騎金吾鎧仗新敲鈺伐鼓
暗芳塵盈階細草回龍騎夾道柔荑展繡輪歸來
璇室笙歌轉蘭寢枌房承歡燕百和香籠長樂宮
九華燈照昭陽殿昭陽殿裏貯青娥傾國傾城粉
黛多銀箏初奏霓裳曲玉管徐調白紵歌玉河橋
水清如許往來車馬如雲處朱鬣紫駟十二衢玕

衣朱履三千戶行遊此地倍堪憐士女香車起暮
烟北里佳人玳瑁飾西園公子珊瑚鞭當時戚里
綺筵列蘭肴桂醕芬芳發金壘翠釜不暫停象筋
瑤盃光彩徹呼盧投轄對東風鼙鼓龍簫響碧空
十部龜茲調錦瑟兩行回鶻起歌鐘別有少年遊
俠客結交往往稱莫逆片言自可擲千金報怨還
須輕七尺酒酣直上寶釵樓壯氣雄心貫斗牛朱
邱曾誇錦綉韞青樓欲典鸛鷺裘草畦竹塢晴光
散躍馬鳴珂自相見繁榮名花拂御溝垂垂弱柳
迷春甸御溝春甸一盤桓萬里星河淡玉鑾沁水
園中香陣起西安門外暮雲寒誰家吹笛歌楊柳
何人挾彈金臺走處處爭看許史車人人共結金
張綬遠近喧傳樂太平古今盡付尊中酒千燈列
騎暗黃塵今夕清光淡遠村還憶漢王祠太乙蓬
萊佳氣望銷魂

送史雪山之任西鄉

昔讀先生文我髮猶未燥今接先生談我懷欲傾
倒名著賢書三十年嵩華伊洛入雲烟治安有策
十一上蘭臺蓬觀徒茫然先生勉就選人錄介符
三輔為良牧種花地接斗箕城製錦人來子午谷

賦清草堂詩鈔卷二

五

愧余峰泖一書生半載萍踪客 帝京班荆相遇
塵沙陌忘分還申車笠盟盤桓未久旋相別樽酒
離情腸轉結試看赤日火雲中應有清流拂車轍

寄遠曲

去年為君綰雙結今年為君歌離別臨行密密縫
征衣淚痕點點皆成血思君欲折珊瑚鞭思君空
寫桃花箋朔風吹鴈鴈南還相思相見是何年

明妃怨

漢家天子和親日保障河山倚國色朝聞中使競
傳呼賤妾難辭婚異域異域長征別至尊願盼君

賦清草堂詩鈔卷二

六

王欲斷冤離鞍玉勒馳龍塞紅粉青娥出鴈門鴈
門龍塞千回轉金微漸近長安遠天山日落角聲
寒蒲海風高旗半卷日落風高暗玉闕黃昏明月
照刀環穹廬毳帳連天起野火殘烟獵騎還邊寒
應醉酖酥汁裘蓋重重寒起逼一曲悲笳魂欲飛
幾行紅淚羅衣濕當年身入漢宮時瑤臺綺閣春
風吹翼鼓龍簫催月落蘭肴樹酒訴盃遲轉盼誰
知事已非妻妾不是舊宮闈萬里沙場妾薄命三
春花鳥長相思長相思在漢闕何年重聽長樂鐘
何年重看昭陽月目斷鴈南翔銜書詣帝閭為言

我王社稷同磐石弱質何妨竄大荒

新婚行贈錢虞和

良夜寒風飄繡戶誰家宅第喧歌舞趙瑟秦箏莫
暫停霞綃霧縠應無數戚里爭看綺席新時逢桃
李艷陽春博山射月浮烟篆玉笋蘭陵醉錦茵誰
誰吉日奏宮商預唱將離曲正長筆花夢繞芙蓉
帳墨霧晴籠豈惹香風流之子真儒雅畫眉自昔
稱瀟灑同心燭照夜如何應有雞鳴誥誡者

題畫竹

文與可管夫人古來寫竹筆有神誰歟潑墨能圖

賦清草堂詩鈔卷二

七

此干霄拂霧刃耶真邵平之子孰幽僻憑將一幅
抽千尺狂來意欲呼七賢晉人往矣猶堪匹君不
見長安市上車馬屯却羨此君遯跡辰漫搖湘水
琅玕影掃却軟紅十丈塵

七夕篇

七月七日金甌起碧天秋淨如澄水西苑池亭靄
暮烟北山臺榭臨江汜江汜深林幽恨多閑聽玉
漏夜如何瑟瑟涼颼吹岸柳滾滾白露飛池荷此
時銀河度清淺此時牛女情何限烏鵲橋成雲欲
停青鸞駕起風如翦兩星遙望隔年情繡轂霞軒

此夕行貝闕丹旌迎玉珮金庭蘭燦遲蕊珩庭中
羅列香羹食藹絲菱角陳盤側落葉飄風下井幹
三五佳人長歎息翡翠粧成出畫簾博山鑪熟香
盤盤寶鼎犀文成五色金閨麝月含輕煙天上星
移良夜會人間兒女階前拜明月家家穿繡鍼蟄
蛛絲上羅裙帶西樓思婦悵閨空願乞天孫雲錦
工續慙鴉青歌彩鳳襦衣鳴綠繡盤龍遊人此夜
行如織珠勒銀鞍盈紫陌騷人半醉習家池詞客
常留揚子宅宦憐征客淚續紛斷磧黃沙對夕曛
琵琶夜泣營中月簾櫳聲寒隴上雲挈伴登臨相

賦清草堂詩鈔卷二

八

訪菊贈陶處士

欲騁秋懷去訪菊閒求一莖勝紫玉冒雨無辭策
杖尋傳說陶家花滿屋結伴東籬下我來菊已殘
滿堂賓客罷憑闌君忽前致辭謂我勿太息由來
異卉無人識亭亭異種傲雪霜天地凍合老文章
爭妍開豔一時盡高人往往慎行藏吾聞此言痛
千古知爾裁花心獨苦為耽泉石卧邱園畏入風

塵去州府祇棄陶令多子孫遁跡招隱城西門張
目視君母乃是雅致風流今尚存

冬日吟

嚴冬臘月氣蕭索陰霾慘淡雲漠漠朔風刮天枯
楊摧馬毛蜩結冰欲落須臾霰霽蔽青天雪花掌
大下簷前沙磧皚皚千里閑澤堅車轂走寒川鹿
麋寒聚西山脊饑鳥啄泥悲局蹐閉門戶外地凍
裂三徑荒原絕人跡君不見長安富家具盤飧擁
爐浮白驅嚴寒又不見東鄰老翁僵卧小兒啼口
噤面黑傷無衣吁嗟貴賤從來有何須眉皺常八

賦清草堂詩鈔卷二

九

九丈夫自具歲寒心仰天看雪傾大斗

夜泛青溪聞鑿冰聲

桅竿旗動吹北風漁舟隱隱夜燈紅為愛兼程貪
夜發欸乃聲徹馮夷宮醉夢重重殊未已一夕扁
舟行百里俄聞爭觸鑿冰行枕畔流漸來水底或
若蒼崖崩或若戈矛格或怒若風呼或震若雷號
或湧若奔濤或聚若驅磧或若裂縐帛或若飛浙
漈驚斷曉夢夢不安披裘起坐倚篷看舟子荷蓑
霜雪裏報道青溪城脚船頭起

過青溪友人留飲

舟入青溪城言訪故人宅停橈還叩門相逢忘主
客我來薄暮登華堂巨羅金屈爛齊光願盼綺筵
羹芍藥摩娑玉鞘拂干將相携論文談轉劇爭奈
落日依山脚王粲思歸倦倚樓陳蕃好事空懸榻
暨陽才子歌贈惠沛蒼進士

暨陽才子惠沛蒼胸羅玉尺間夜光文章黃綰同
璀璨氣誼青雲共激昂尊府先生詞賦伯名題鴈
塔遭逢厄未盡經綸屬後賢少年還射天門策壬
戌相携燕市塵齊盟狎主性情真兄成國士無雙
譽弟畜騷壇幾十人一別三秋頻慨慷鴻南北
賦清章堂詩鈔卷三 十
稀來往薄技仍逢按劍歸高名已上黃金榜君才
定自木天收何事偏從峯泖遊不向乙年依鳳沼
故遲辰歲作龍頭嗟予鍵戶經時矣聞道高軒俄
責止湯誇同調叶墳簾况復通門踰孔李神交何
在數經過欲寄相思口自哦不負生平能有幾願
隨鞭鐙竟如何

東歸阻風

狂風三泖老蛟怒石尤撼檣濤鬣擣顛驚人霄
起粟起看僮僕面如土扁舟興盡擬歸來風浪何
當惱客懷瓦飛鳥叫聲啞啞鎮日蒙頭酒停把君

不見昨日来計細林山放舟如馬水潺湲從來世
上風波不可測翻雲覆雨須臾間

蒲溪行

候鷹夜叫烏鴉啼梧枝脫盡楓葉稀臘月平原氣
蕭索朔風吹褐轉淒淒有美名姓曲水通相思此
際還相逢湘簾片月出枯樹古寺寒烟催暮鐘愁
眉時感話離情別時起柁舟還停霜天月下須臾
立為君聊作蒲溪行

寄懷弟長史

昔人相知稱知心結交不須結黃金丈夫意氣常
磊落豈肯與世共浮沈爾我少小同學史臨風每
懷昔年事思君一日腸九迴作客三秋書半紙當
時讀書居南樓夜深風雨淩滄洲驚馬伏櫪非所
願兩人相對時啾啾君欲歌我起舞揚眉吐氣論
今古君罷舞我停歌一唱三歎涕滂沱光陰俯仰
成駒隙側身天地何寥廓窮達休將短氣存是非
且把浮雲薄胃懷落落過前人朝夕聚首任天真
一自白門遭按劍黯然揮手向神京別後茫茫隔
江水攜囊躑躅風塵裏日落孤鴻沙磧黃雲迎匹
馬關山紫君不見長安游俠詩結束挾彈城南相

馳逐又不見洛陽年少泣羸滕金盡裘敝卧寒水
從來富貴不可恃世人耳目偏彼此雙龍豈肯委
泥沙佇看石頭城下秋風起

吳本仁入覲歸東昌王素公索詩為賦

山歌

治平第一推吳公昔羨河南今充東佐郡才猷同
五馬十年姻婭憶高風去冬輯瑞來燕市踏雪衝
霜千里駛曾陳民困動宵衣却羨才高煩卧理送
公歸去治聊城春日遲遲駕旆旌折柳慙慙有王
粲歌驪纒纒愧張衡今年讀書小阮屋他時欲訪

賦清草堂詩鈔卷二

三

弇山麓我來匹馬向江南君擁鋒車還薊北

寄懷莊社如無示同學諸子

君歸別我去東裝駕小舫計程四十日便溯吳江
濤挂帆之日看秋鵬聞君到家殘冬月問君何事
獨遲遲似念交情舟不發故園松菊今正佳聚首
應知作客非賓朋共暢琴樽興兄弟還吟棠棣詩
更羨同堂多意氣花朝月夜欣聯袂傳子懸河共
論文指野廬姜生逸足追騏驎指青萬淵明才思實空
羣指穎翁叔笙歌饒曠致指漢其餘諸子人中英
憑陵藝苑推千城九峯峩峩水瀾瀾君也挾策主

齊盟今君讀書大江北願我霸跡燕山麓明年拭
目駕公車重向長安醉醺醺

節母歌為南母李太君賦

嗚呼殺身成仁奇男子古來幾得傳青史况復求
之巾幗中千秋烈烈猶蒼齒汝南有母李夫人冰
霜為骨玉為神鳳樓山下赤眉聚壘破巢傾獨潔
身嗟哉不幸為賊執罵賊不止微定力碧血常隨
鬼火紅貞魂還傍愁雲黑時當兵燹闕旌揚傲節
空如日月光鳳子麟孫登臨仕九重千里錫封
章我聞膏劍奪刀不受辱古今彤管稱芳躅霜天

賦清草堂詩鈔卷二

三

月下賦長歌愧殺男兒偏負國

黃河行送魯使君之淮揚憲副任

黃河之水出龍門劃地稽天勢若奔魯公鍾靈在
雲漢淵源既濬澤流渾來守葦城已十載雙旌拂
拂雲霓綵執法還將漕弊清施饘再活窮民餒斑
斑循績不牒推教養尤深士女思里跡神君為大
父塾稱郡伯作嚴師憶昔文翁能化蜀扶風書院
真堪續憶昔侯霸人攀轅截鏡留鞭三泖曲久依
樾蔭誼難忘東嶽欣承盼睇光聞道高遷持使節
襜帷遙指入山陽朝廷首重河渠力特倚鴻才

肩臣職他日河濱紀異勲應同泖水歌明德

堂前雙栢歌

桂林堂前有雙栢東西竦立無差殊亭亭直上如
華蓋當軒滴露凝綺疏精靈磅礴不可狀云是歷
年八百餘時當陽舒發濃翠枝交葉覆清風徐時
當窮陰淩冰雪根蟠幹挺寒雲徂有時日漏影忝
差綠陰滿地雲平鋪有時雨灑聲漸瀝幽泉鳴咽
歎流珠陰晴寒燠無窮極霜枝不改青青初我來
其下一抱膝仰對忽忽生躊躇但徠新甫明堂用
官衙淪落將何居君不見八桂名堂桂已無滄桑
變司徒款歎又不見赤蘭亭畔松千株火燒斧斫
淪泥塗如今零落莫生嫌較之松桂猶勝夫一朝
天子採梁棟大木雙雙誰舍諸

別竹

郡樓東隅多隙地有竹當軒落青翠數竿斜掩數
株槐垂綠參差覆薜荔退衙歇枕暫偷閑蕭蕭時
引清風至從旁叉手動高吟偶或褰裳鼓長喟朝
朝暮暮共盤桓不覺年華已過二余今別爾歸去
來黯黯此際詎無意憶自庚寅初到時一官萬里
原如寄青青常抱歲寒心直節恐為世所棄焉知

賦清草堂詩鈔卷二

五

物理無榮枯未必人情泯同異倘使他年重過此
此君慈鬱依然未

戴石嘆

嗟哉怪石歲月深其高數尺勢千尋松蘿為衣雲
為影小齋屹立青森森主人退息北窓北槐花霏
霏松謖謖終朝坐對久生憐惜乎不置五湖側五
湖之石亦玲瓏彷彿想象難與同欲呼百夫輦入
舟挽之不動非人功主人問石石不語當日如何
移入署幾曾四品目其間會遣五丁昇之去石雖
不言心已知清泉白石恒相期使君但飲離江水

賦清草堂詩鈔卷二

五

學人戴石亦何為

夜泊巴河雨中聞角聲

蜀人遷客愁家多觸景傷心可奈何況值他鄉連
夜雨中哀角蓬窓過一吹再吹聲漸急江流滾
滾寒雲濕頻教遊子淚沾衣能令嫠婦挑燈泣角
聲音調本秦聲良匠多年絲畫成但可霜天鳴隴
坂那堪春夜落江城我聞角聲心轉感兩年頻走
湘江曲今來河上一停舟打窓風雨常相續風雨
淒淒思不禁巴山巴水兩沈沈鷓鴣啼罷哀猿嘯
難勝嗚嗚此夜心

江上夜聞鷓鴣

雲山蒼蒼水瀾瀾朝朝暮暮鷓鴣啼鷓鴣啼時客
夢醒聲聲喚促行人歸我今歸去來江上爾何徹
夜頻相催一聲兩聲腸欲斷三聲四聲淚暗垂黃
陵廟裏花零落青草湖邊雨慘淒烟波渺渺行不
得還客傷心那得知

西湖紀遊用太白聽鶯歌韻二首

西湖女兒開百草年年盡道春光好湖南北西
峰青山光面面錢唐城紅樓翠閣雕雙楹朝飛黃
鳥喈喈鳴遊人無奈蕩春情是時正逢寒食後湖

賦清草堂詩鈔卷二

去

邊上冢多哭聲鄂王志欲恢西京于公試手海宇
清只存抔土添客感不如歸去踏花行歸來高卧
北窓側夢中猶是打流鶯流鶯打起啼更切好似
仙人吹鳳笙

藕堤白堤遍芳草雜沓遊人及春好我來堤上踏
青青水色雲光罨一城酒樓簾卷鉤絡楹龍頭蕩
槳啞啞鳴腸斷六槁花柳情腸斷不堪重歎息林
家老鷓鴣悄無聲自昔繁華作帝京於今跡跡多淒
清放船且向湖南去繞岸還從湖北行初過曲院
尋花港又到蘇堤去聽鶯山月上時人盡散空亭

獨坐夜吹笙

送春用香山韵

暮地送春春已闌有人獨立傷遲暮荼蘼花開鶯
乳啼長繩難挽雙輪住九十韶華能幾時怨風怨
雨頻驚願朝來紫陌試單衫亂點楊花不知數我
欲從之喚奈何幾番躑躅花前步南浦烟波不可
尋夕陽芳草迷歸路去年三月送春時無端舍我
堂堂去倏忽經年又別春日後相思寄何處君不
見望春門外春可憐碧水迢迢浮綠樹又不見洛
陽城中千種花年年花發春如故

賦清草堂詩鈔卷三

去

銅鼓歌用昌黎石鼓歌韵同樓齊雲作

為君欲作平蠻記聽我先歌銅鼓歌繁報遺孽聚
唯谷井蛙不識天如何銜刀入市逞兇悍官兵旁
觀韜金戈聖朝大化格鳥獸頑石未可施雕磨
銅鼓流傳自東漢紫姜紅紇爭搜羅千牛百牛易
一鼓僭稱都老來我我削桐作槌試叩擊其音鏗
輅臧陵阿螺旋蟻聚難究詰椎牛誓衆誰譴呵邇
來一千六百載斯風積漸成遷訛由來鼓式差近
古綠斑紅暈蔽蚪蚪或於邊角鑄蟲豸六蛤跳躍
隨靈輿或於兩旁雜花草雙環翠碧凝纖柯連錢

通體作腰束脫手化去騰龍按名曰坐墩頗不俗
范相風流憶委蛇聞道狸獠沿俗拔釵插鼓走
嬌娥缺徒羅曼競馳逐踰若渴馬奔江沱焚燒廬
舍掠男婦鼠輩輒敢干天和憑妖託鬼作鬼語奉
之不異奉金科云是伏波征南時所瘞何為鑄呈
馬式詩功多云是武侯行軍時所製何為久埋溪
谷等銅駝銅鼓嶺頭曾信宿鼓鑼灘畔亦經過當
時此鼓落何處牧童搗破牛角磋三月五月毒霧
起書生拔劍陵深波不然鎮蠻反為蠻所恃令人
慨歎古人用意之偏頗大抵鑄此將以震懾蠻俗

賦清草堂詩鈔卷二

六

知非他君若升朝至高位豈肯唯諾同煢煢今看
磊落紀戰績如撫銅柱頻摩挲拜手歸功裴相國
謂陳幕府清晏供高哦安得移置延芳沔上風擊
鼓驚駕鵝從此蠻陬俱喪膽更須拓地視朝那嗟
余曾作桂林守寸籌莫展徒輒輒且喜蠻烟一朝
淨黃茅江底通關河君不見金山沙沱方假息立
功萬里無蹉跎

又一首用東坡石鼓韻

皇帝五十六年月在丑深思厚澤漸童叟慕義梯
航萬國朝天聲沙漠么魔立蠢爾南山有廖獍烈

掠西江八十口鐘然擊鼓聚妖氛精夫前引缺徒
後鳴哈寧知鳥擊三盪崖豈識桐聲九律書桐鼓
鳥擊九日風滾鼙吟動地來竹樓燒盡餘枯柳賢
侯慷慨飛軍書片檄光芒動星斗中丞下令揚琯
戈無使旁人掣其肘書生胸次展龍韜誓為良苗
鋤惡莠前瞻新息是吾師後揖韓雍為吾友用兵
貴少不須多擒賊廟如探鵲穀深潭躍出鼓團團
中空腰束旁鐫蚪木棉樹下舞蠻童桄榔杖底扶
黃者丹衣環繞競睂眦犬性來馴供拍喉憶昔征
蠻建武中幾輩封侯邀錫占山開烟瘴墮飛鳥獻

賦清草堂詩鈔卷二

九

馘歌詩付矇眊羽干罷舞奏膚功銅柱高撐屹穹
嶼永和朝議重征租尚書獨奏存忠厚處置乖方
怨叛生史冊煌煌書某某尚書謂虞翻男兒信手
立奇勲歸功上宰吾何有風霆雨露要均施長使
編氓辟械杻無復顛狂若廉蠻山例紛紛到雞狗
山例蠻讀君銅鼓西篇歌飄颻欲與韓蘓偶感今
語我懷古獨愴然南望滄瀛一搔首銜環四耳貢皇家
峇臘都曇莫輕剖銜環四耳景德元年泉州貢銅
鼓式各天朝仁覆大於天官吏清廉無橫取把麻持棒
名鼓各安生一鐘清酒湔瑕垢把麻持棒諸
桂海虞衡志一鐘清酒

秦昭王時典
夷人盟詞
永作清時版籍民先疇舊業千年守
土人伐石起祠堂名與伏波同不朽凱歌齊唱鼓
聲長泰階平兮聖人壽

次韻和繆雪莊牡丹

九十韶光餘幾許那堪日日愁風雨藥欄一夜春
陰老數朶如拳莫嫌小此花名系花王花猶想當
年京雒家淺黃深紫今難見遂令下品占繁華花
色溶溶艷几席無限臉波橫四溫主人滿酌客不
辭盡道今宵費吟筆白日西頽月到門酒闌人散
去如雲東後繆生還睇立對花微笑欲何云聞君
曾作平原客繡口錦心忝無匹新詩投我好風來
清商引籟聲瑟瑟天生才子不易得我家大阮每
憐惜招來枉自空相憶君才大用薄雕蟲會看九
萬搏秋風

次韻和雪莊芍藥

谷水之西一畝園鑿池疊石環短垣置身常作濠
濮想快意欲讀逍遙篇朝雨已過柳帶烟雪蓬高
卷屋架船牡丹開殘芍藥放翻堦委砌春無邊醉
頭有酒椰兒尊嘆息同心有幾人風光如此不知
惜眼前負却芳菲春白雲在天清流出渚倚檻魚

賦清草堂詩鈔卷二

三

潛窺梁燕語客既言歡有所思我今不樂將誰與
木為牀藤作枕人生何必盡衣錦須知聚散亦有
時且教促膝窓前飲可憐素艷拂香梢可憐綺錯
銜芳苞餅未罄時花未謝何妨十日醉村醪

衛程九已三載其子懷堂請會葬於洙

水之濱因之吳不與執紼為賦長歌以

代一慟

寒風如刀雲如灰素旗搖搖日西頽一生一死交
情見幽顯異路心悲哉吾友懷才負奇氣受性剛
直人所忌百家諸子覽不遺晚年更挾青烏秘自

賦清草堂詩鈔卷二

圭

交良友忽十年揭來為我營雙阡把酒西窓花似
錦論詩南浦月初弦容易韶光如逝水故交散落
餘無幾相逢相對每歎歎君曰吾生當未死何期
霜露一朝零寡妻弱子哭伶仃吾病驚聞為起立
淒然風雪何泠泠三年轉眼成奄忽身後蕭然無
長物葛絨猶自閑空齋青山何處可埋骨薄田數
畝洙水濱卜既叶吾何遠巡買山起隴乃我事拙
樵編籬屬所親歲踰金羊月在鼠靈輒宿戒返其
宇縱然寶劍挂空枝不負徐君夙心許家傷踪跡
滯吳閭不得憑棺奠酒漿遙灑臨風數行淚一杯

終古草茫茫

白頭吟用張文昌韵

就我匣中琴一彈復再吟吟成紫燕雙雙語似把
深心託豪素良人一出杳無期門前盡繞相思樹
妾獨思君君不知可能還記少年時春花秋月依
然在棄置誰憐非所宜朝卷湘簾持寶鏡啼容低
掩蛾眉影悲風團扇共淒其歡娛自惜終難定成
功易退義御返白頭吟罷哀雲滿

姑蘓懷古

平江路繞楓江水綺閣紅樓半空倚畫船清吹闌

賦清草堂詩鈔卷二

圭

芳晨夾道香風連十里惆悵繁華莫與比傳是夫
差歌舞地走馬坡前爛錦袍館娃宮裏堆金翠吳
王大笑西施醉共擘蓮房剝蓮子當時行樂惡忠
言歡娛不管陽烏隊羣臣默默只歎歡伴若不聞
聊復爾可憐越兵江上來芙蓉帳裏君王睡西施
已去夫差死蛾眉坐奪英雄氣金井梧桐卷暮烟
寒鴉陣陣啼殘壘到今難洗角東恥寶劍三千竟
何恃遂令曠士臨高臺即景傷心悲廢址嗟余買
棹來中吳紅稠綠暗嬌姑蘓周遭水石依然在雨
夜驚濤瀉露珠更望城南喧九衢衆山重叠片雲

孤誰插芙蓉七十二雲影山光滿五湖湖中佳處
入虛無今明蓬閣仙人都萬頃波光眇難極平明
日出思紅蕖撫今懷古低徊久暫擬為漁竿在手
朝朝放艇暮始還歎乃聲中一杯酒那須兀兀嘆
沈淪虎邱三月多遊人

男 卿雲
景星 恭校

賦清草堂詩鈔卷第二終

賦清草堂詩鈔卷二

圭

賦清草堂詩鈔卷第三目錄

五言律詩

廣陵驛

宿寶應縣

沂城曉發

青駝寺

卧佛寺

戒壇示文山上人

贈馬臨園

步大人慈源寺贈僧韻二首

賦清草堂詩鈔卷第三目錄

寄懷長史二首

喜晤杜藻觀二首

送周譽凡孝廉南歸二首

聞鴈

臘梅

中秋夜雨

送家賓門伯還南四首

關山月

金陵

元武湖

臨春閣

勞勞亭

十廟

卞壺墓

景陽樓

柘葉渡

方正學祠

邀笛步

白門

秋思

賦清草堂詩鈔卷三目錄

聞笛

石門曉發

南湖夜泊

泰望山

保州塔

吳山

放鶴亭

靈隱寺

九里松

重陽後九日宴友人齋

聽松山房

懷友三首

喜晤故人

別梅花

將至靈川雨中作

宿靈川與徐令話別

興安里民請樹去思碑口占謝之

全州民出送作此論之得二首

洞庭雪泊

江行遇風

賦清草堂詩鈔卷三目

雨宿池陽

舟至京江口占誌喜

煙草

艾虎

蒲劍

健人符

長命縷

秧針

麥浪

蚊雷

蛙鼓

蚓笛

蝶拍

鶯黃

螢火

鰲鶴

茄牛

茶槍

蘆筆

荷珠

賦清草堂詩鈔卷三目

燭淚

魚梭

燕翦

又和謝羣贈趙少尹

九日橫雲山二首

燕巢

五言長律

芍藥和香山韻

棋局消長夏

賦清草堂詩鈔卷第三目錄終

賦清草堂詩鈔卷第三

雲間張 棠吟樵

五言律詩

廣陵驛

路出邦溝上茫茫任所之暮雲昏若夢秋雨細於
絲廢館殘螢冷荒原落鴈遲廣陵南望處從此費
相思

宿寶應縣

安平城下宿矯首日西徂暫憩青帘店難尋白馬
湖人家千樹隱襟被一身孤欲識關山遠飛鴻入

賦清草堂詩鈔卷三

畫圖

沂城曉發

晨起東行裝秋深曉更涼霜迷楊柳岸月墮薜蘿
牆策蹇吟偏細聞雞恨獨長琅邪傳望郡憑弔意
蒼茫

青駝寺

廢寺指青駝西風匹馬過村荒行跡少山近莫烟
多怨別裁江賦乘時感魯戈勞勞渾不厭未許歎
蹉跎

卧佛寺

古樹拔千尺香臺絕點塵猶留卧佛寺傳是覺王
身如夢知心諦無言轉法輪由來尊象教可化憐
非真

戒壇示文山上人

偶遊人海客喜遇戒壇僧說法師雖搜戰詩我尚
能山蟠千歲樹臺繞十方燈欲問旃檀相天花散
未曾

贈馬臨園

為友東陵侯因知馬少游幽尋同攬勝久客共悲
秋聯騎登金埒開筵倒玉甌忘形到爾我矯掌話

賦清草堂詩鈔卷三

滄洲

步大人慈源寺贈僧韻二首

招尋方外友才于過慈源名冠燕山寺池同金谷
園月明咒食鉢風動落花橋見說禪心寂相攜欲
避喧

卷幔看揮塵攜泉漫煮茶翻經雲出岫說法雨成
花瓢笠真無繫鄉關遠尚賒登樓一晚眺烟火望
中斜

寄懷長史二首

屈指經年別難忘總角交何心羈北地有夢到西

郊燭向虛窓翦詩從靜夜敲聞君愁坎壈待學子雲嘲

南望鄉關遠憑闌歎索居一燈遊子淚千里故人書秋老萼絲滑風高木葉疎何時重聚首樽酒話吾廬

喜晤杜藻觀二首

三年成一晤握手重踟躕別久渾疑夢情深却類疎秋高殘葉落夜靜小窓虛話到鄉關處挑燈淚滿裾

我亦愁羈旅何當遇故知風塵猶在面囊篋已多

賦清草堂詩鈔卷三

詩璞憶磨礪友材須匠石師相看還對飲不覺動歸思

送周譽凡孝廉南歸二首

宿慕周公瑾論交似飲醇賦成梁苑雪裘帶薊門塵逸興思登嶽鄉心寄采萼遙知歸故國春色滿江濱

君向江南去我留燕市中交遊一載內意氣百年同酒盡長河月鞭搖細柳風離亭判袂後珍重尺書通

聞鴈

客裏偏聞鴈歸思淚滿襟不知高下影聊作短長吟去畏朔風勁來愁暮雨侵遙憐相和者惟有搗衣砧

臘梅

猶是梅花種殘冬獨可親衣黃宜學道緘素似懷人花以素心為貴別具羅浮質何須庾嶺新自憐不得意相對欲為隣

中秋夜雨

見說秋將半何當風雨并檐聲連復斷鐙影暗還明木落燕山冷更深旅柝驚常儀去何處偏動遠

賦清草堂詩鈔卷三

人情

送家賓門伯還南四首

京洛多知己論交見素心醉餘情話密客久旅懷深聯騎探山水談詩質古今相攜塵陌上日夕共長吟

忽見秋風起中宵動客思長河隨月湧孤鴈度雲遲囊溢琴書散愁深草木知盧溝折柳處那忍唱離詞

遊子嗟行役由來去路難沙飛雲漠漠帆亂水漫漫弔古殘碑冷懷人莫雨寒征途應極目為我望

長安

到日開三徑棲遲好半年看花朝命酒留客夜烹
鮮屋繞穿籬竹溪流負郭田相期仍北首鵬鶚厲
高天

關山月

關山萬里月長此照征鞍鹿塞清輝苦龍河夜色
殘風吹羌笛怨霜落鐵衣寒腸斷橫戈者思鄉不
忍看

金陵

蒼涼存故壘樓閣大江東雨暗三春樹雲埋六代

賦清草堂詩鈔卷三

五

宮烟波笛步冷歌舞石城空遙憶前塵遠瓊臺想
像中

元武湖

城北來尋勝猶存元武湖萬間藏玉冊一昔失金
符月出樓臺靜霜寒鴈驚呼滄桑興客感漁唱出
深蘆

臨春閣

傳聞陳後主高閣貯芳菲玉檻芙蓉冷雕闌紫燕
飛花前歌寶瑟帳外舞珠衣惟剩胭脂井蕭條冷
夕暉

勞勞亭

勞勞行役者送別此離亭望遠層雲白相思疊嶂
青寒星隨去馬春雨上孤舫空谷鳴禽急悽清不
忍聽

十廟

雞鳴連十廟當日會千官劍佩傳呼聲鼓鐘風雨
寒遠烟含樹暗濕燐入廊殘精爽歸何所虛無江
上巖

卞壺墓

驅車來古墓抔土至今存碧化千年血雲歸六代

賦清草堂詩鈔卷三

六

魂江潮無岸湧海氣接天昏矯首高原上空餘鴈
影翻

景陽樓

久歎寒鐘寂徒傳有景陽到今荒故址當日促晨
粧春鳥嬌歌換烟蕪繡帶長繁華易銷歇憑弔為
神傷

桃葉渡

秦淮桃葉渡千古擅風流窈窕珠簾月淒涼玉笛
秋尚餘紅粉艷不盡白雲愁春水年年長斜陽客
送眸

方正學祠

正學英靈在荒祠古木疎千年存俎豆斜日下邱墟
高棟蠅蛸網荒碑蟲蘚書我來一展拜拭淚重踟躕

邀笛步

子敬維舟後年年冷晚霞桓伊曾弄笛江上落梅花
夕照開丹嶂寒濤走白沙秦淮留滯客愁思滿天涯

白門

白門傳六代陳蹟至今留塵海三千劫鶯花十二

賦清草堂詩鈔卷三

七

樓天連鵲鵲迴人與鳳皇遊寂寂惟芳草吟蛩起
莫愁

秋思

秋思晚蕭森空閨思更深君今征遠塞妾獨聽寒砧
樓閣連霜冷關山繞地陰關干役倚徧清淚欲沾襟

聞笛

萬里邊城路三更羌笛音長風吹不斷偏動故鄉心
月落天山黑雲過隴水深封侯難預計離思泪沾襟

石門曉發

鐘動曉雲飛雞鳴露未晞愁心懸驛路鄉淚濕征衣
水涸舟行澀天寒人語微路傍擾擾者未肯息漁磯

南湖夜泊

漁榔動清聽一棹泊南湖客意秋蕭索嵐光暮有
無寒城落木迴高閣白雲孤愛此娟娟景銀燭淨不殊

秦望山

秦皇望海處此地五雲飛絕磴松杉立懸崖薜荔

賦清草堂詩鈔卷三

八

圍潮吞江岸瀾鴈渡海門稀縹緲紅霞影猶疑鳳
輦歸

保叔塔

一塔穿雲表凭高俯夕烟平湖孤月動遠寺暮山
連樹庑樓臺出簷前星漢懸相傳山下路帝子駕樓船

吳山

獨上吳山望濛濛欲雨天魚龍蔽海霧鴻鴈墮江
烟寺亂齊梁址碑傳晉宋年當時吳越界歷歷曲闌前

放鶴亭

昔聞林處士放鶴此空亭封禪無遺草湖山冷畫
屏暮鐘來遠寺寒鴈起前汀千載留陳迹烟蘿激
眼青

靈隱寺

漸入深山去前登古法堂萬松蒼靄合一澗碧流
長士女喧香市鐘魚送夕陽皈依原夙志頓使俗
緣忘

九里松

瘦筇九里路絕壁西峰高尚有殘松在無嫌翠影

賦清草堂詩鈔卷三 九

韜積陰昏夜色急雨助秋濤欲訪南宗秘何辭躡
屐勞

重陽後九日宴友人齋

後九添吟興黃花扶醉睂霜飛山閣冷月浸枳籬
寒虫事啜蕉鹿生涯耽考槃相逢皆勝引今日復
追歡

聽松山房

我輩閑偏甚禪房挈伴遊青山謝客興黃葉漢宮
秋篩米人雖往鳴鐘悟可求濯纓吾素志門外即
江流

懷友三首

作客君須醉相思我獨哀已經三月別不見一書
來征路烟波遠離懷風雨催歸期未可計悵望欲
登臺

相逢才幾日忽復悵離羣路遠迷青嶂帆飛入白
雲詩從鄴下詠曲向郢中聞見說文園病加餐正
憶君

不見同心友淒其霜露零論詩聽暮雨把酒對寒
星野草荒梧館幽花上碕亭故人雲樹外相望畫
冥冥

賦清草堂詩鈔卷三 十

喜晤故人

六年成一會相見復相憐世事成今昔生涯幾變
遷文章吾道繫歲月客心懸此日逢君話遲回不
忍旋

別梅花

老梅撐鐵幹春早已先開官閣供清玩閑窓絕點
埃燈前憐瘦影月下踏蒼苔芳訊何時到應從嶺
上來

將至靈川雨中作

靈川川亦靈綠淨抱孤城雨壓寒氈冷風驚敗葉

鳴客囊多藥物征路少吟情策馬按荒署關山第一程

宿靈川與徐令話別

話別今宵裏新愁損舊容圍爐紅炭活小瓊綠醅
濃羨爾鳴琴理慙予載鶴從相期分袂後有夢落
吳淞時徐志

興安里民請樹去思碑口占謝之

父老遠相送同聲請樹碑甘棠無舊蔭江柳有殘
枝在郡真何補歸山馬足思留將一片石借我好
題詩

賦清草堂詩鈔卷三

十一

全州民出送作此諭之得二首

湘山青不斷湘水碧堪思自愧才偏拙目之去不
遲余自七月受代至十一月方歸欲留知不可相送又奚為此際

黯然意淒淒征路岐

傳語都人士使君去有詞經年無一得衰髯已千
絲春雨朝耕好秋鐙夜作宜瀟湘千萬里南望結
長思

洞庭雪泊

皓色眇無際湖天一望同寒深雲夢澤人在蕊珠
宮萬里平沙淡三湘夜月空可憐擁絮客把酒願

飛鴻

江行遇風

向夜狂風散烟波浩眇間乳雲飛似馬疊浪大於
山過鴈聲偏急歸舟夢未還客程猶在渚何日到
鄉關

雨宿池陽

夜雨孤蓬語寒烟暗暮林如何江上客獨宿池陽
潯梅向杏山落春從秋浦深杏山秋浦皆池州地名拋鐙不
成寐輾轉故園心

舟至京江口占志喜

賦清草堂詩鈔卷三

十二

乘潮入京口此去近鄉關不覺春將半方知身是
閑柳絲連草綠花片點衣斑屈指經過處重重多
險艱

烟草

何處相思草烘乾卯色天寒宜消飯後亦可助尊
前竹葉偏輸醉露芽還待煎碧筒聊借引呼吸任
高眠

艾虎

於菟成自艾抖擻出珠林縛綵形雖似張牙風不
禁威逾符作佩巧與繡同心雄向釵頭踞飛蠅亦

避擒

蒲劍

菖蒲擎似劍，彈缺不須銛。
挂壁香分艾，抽芒影拂簾。
化龍節九蛻，斫地葉孤拈。
堪與青萍伍，浮光綠暗添。

健人符

驅鷹策勦多，輕綃簇素娥。
泥金方作脉，繡字點如螺。
盡種忘憂草，齊聽既醉歌。
天行人亦健，那許病魔過。

長命縷

賦清草堂詩鈔卷三

三

相傳五色絲，續命少人知。
一縷盤金索，雙絢纏五肌。
符懸兵辟日，綠結鷹銷時。
願進昌陽酒，長年祝更宜。

秧針

南畦布嘉種，青翠滿芳郊。
出水芒含刺，抽芽穎拂苞。
補衣無處引，垂釣不勝敲。
欲擬如雲望，甘霖早拂稍。

麥浪

四月麥秋至，黃雲卷地回。
東風起灩澦，西隴自喧虺。
不信高低湧，還疑前後催。
兩岐應有慶，無復聽

鴻哀

蚊雷

擾擾何為者，如雷鬧客軒。
啞膚驚不已，聒耳意何存。
白鳥團成市，黃昏暗觸門。
生憎雖小物，羣聚亦為喧。

蛙鼓

六鐃科斗化，通體篆成文。
有怒將誰訴，為私焉足云。
何當置兩部，或可驚一軍。
惱恨清池側，終宵聒耳聞。

蚓笛

賦清草堂詩鈔卷三

五

有聲出蚓竅，流響入華軒。
高唱誰能和，清吟不避喧。
落梅滿稿壤，折柳傍牆根。
斷續纔聽罷，蜿蜒曲水園。

蝶拍

蛺蝶芳園裏，成團更作圍。
深深穿獨見，栩栩逐雙飛。
墮粉憐香片，因風憶舞衣。
不勞頻入夢，吾老已忘機。

鶯簧

曉鶯啼不住，柳外喚新晴。
禁苑初調管，維山好聽笙。
巧言千百轉，弄舌兩三聲。
無限叮嚀意，春風惜

別情

螢火

腐草為螢火，燐燐度石矸。
無煙囊可貯，不熱手能降。
著壁光餘幾，映池星有雙。
清宵愁不寐，留影照軒窓。

鰲鶴

誰拆魚頭骨，裝成子鶴形。
乘軒空在望，遺蛻有餘腥。
夢向揚州跨，歸尋華表停。
兒童常戲把，縛綵繫疎櫺。

茄牛

就蒂為雙角，筌蹄獨宛然。
桃林焉用放，芳草自長眠。
何必煩耕牧，常將傍研田。
種茄得良法，見戲當牛亭。

茶槍

蒙山碩渚下，翠甲滿平岡。
穀雨驚雷後，一旗卷綠槍。
草魁方脫穎，仙掌盡舒芒。
茗戰頻相較，攜鎗候沸湯。

蘆筆

彩筆將誰寄，蘆花蕭瑟時。
斷葭頻畫地，折葦獨臨池。
審向松脂借，書尋柿葉持。
懷人秋水曲，采采欲

題詩

荷珠

荷葉擎如蓋，娟娟滴露鮮。
翠盤承不定，金縷貫難穿。
雨壓驚還散，風歌盪即圓。
采蓮歌暫歇，愁怕舞衣澣。

燭淚

燒燭莫嫌短，春寒淚易傾。
含膏流閃閃，垂焰閣盈盈。
灰盡心偏熱，痕深珠不成。
香閨空有恨，相對涕交橫。

魚梭

紫荇交如織，層波皺若鱗。
魚遊春水濶，不覺往來頻。
只恐化龍去，終教濯錦新。
支機一片石，池上永沈淪。

燕翦

玉翼雙飛處，呢喃私語聞。
天花誰翦破，春色竟平分。
涎尾還勞拂，誅茅敢惜勤。
落紅盈綺陌，裁盡不知紛。

又和謝羣贈趙少尹

我愛東籬子，行踪亦擬陶。
緣貧分斗祿，乘興引香醪。
曾傳譽簡書，敢憚勞朝朝。
持手版，不礙漉

巾高

我愛東籬子黃花香滿城素心共來往傲骨見生平恬澹詩人志幽貞隱者名柴桑有舊里可許即歸耕

九日橫雲山二首

靜裏觀羣動嶺頭足白雲井梧風瑟瑟庭桂月紛紛懷古悲陳迹登高憶故羣屋東有田父白髮問殷勤

一山屬二主煙景各收奇此地饒幽趣鄰園更曠怡戶穿別院竹牆絡隔林枝老乏黃花興銜杯偶

賦清草堂詩鈔卷三

七

得詩先少宰義莊左近即王大司農橫雲山莊

燕巢

湘簾畫卷後紫燕巧為巢庭畔堪潛語棋聲不避敲羞依鶯結偶恥與鴈為交共羨栖身穩常窺月在稍

五言長律

芍藥和香山韻

中書留故事小謝有新詩獨詠堦翻句因看花坼時芳心傾日早嬌萼殿春遲種蒔無行次品題有等差瓊樓抽縷細寶髻亞雲歌乳燕零銜片遊蜂

喧統絲朝酣醒未足午睡夢難支無奈將離恨伊其持贈為仙人擎露掌聖女駐靈旗和鼎調瓊液請纓絕絳綬玉盤相掩映金帶自紆垂白訝一叢粉紅驚千點脂曲闌聊伴我幽園欲貽誰東武傳高會南禪恐後期珊瑚懸朵朵纓絡綰枝枝楚艷由來媚清宵更可知野見孟東

棋局消長夏

靜坐蠲煩暑同儕術擅奇高卑須後覺成敗豈前知次第恒專志爭先自有時攻堅虞縱敵慮戰畏潛移避俗虛齋好忘憂仙館宜雅仍探化理爭六

賦清草堂詩鈔卷三

六

快英安三伏蒸將退終朝扇可遺心存寧妄動官止若嫌遲保腹應防遠謀遑預立基奮雄長似傲尚智更何欺算勝還張目消愁得展眉局終看鯨子搖筆湯哦詩

賦清草堂詩鈔卷第三終

男 卿雲
景星 恭校

賦清草堂詩鈔卷第四目錄

七言律詩

長安旅懷十首

送袁去浣南歸

夜感

旅懷二首

懷長史弟二首

宿淨德寺

題洪光寺

咏琉璃瓶中金魚和韻

賦清草堂詩鈔卷四目

送鄭樊補應高西白年丈聘遊滇二首

送程天石南歸二首

送莊社如南歸

沈東田先生分韻送社如得笙字

再送社如櫟括南華經意

甲子秋應試都下次見詒韻

寄傅駕飛

寄懷高方立二首

寄谷杜藻觀四首

送王素公南歸二首

送金星槎遊滇南

和星槎留別韻

遊祖家園二首

遠游十五首

登龍華浮屠絕頂二首

古意二首

月夜同友人話釣臺遺跡

艷曲

楊柳

無題

賦清草堂詩鈔卷四目

近游十五首

偶見

于忠肅祠

癸亥元日

新泰驛和壁間韻

泰安道中

商林遇雪

渡楊子江

遊中頂次韻

寄友人客江右二首

訪友

宿南邨

過二陸讀書處二首

賦清草堂詩鈔卷第四目錄終

賦清草堂詩鈔卷四目

三

賦清草堂詩鈔卷第四

雲間張 棠吟樵

七言律詩

長安旅懷十首

九點峯高望裏賒不堪久客滯京華常傾數斗驅
愁酒已負三春照眼花來往衣冠紛陌晨昏車
馬走黃沙臨風遥睇東南路腸斷吳淞是我家
重慶堂前樂事真誰知南北隔風塵大翁白髮應
無恙王母朱顏好自珍衣錦難忘衣彩日讀書還
憶聚書人興來自愧才偏拙宵逐浮雲負此身

賦清草堂詩鈔卷四

一

長對高堂日影遲一官幾載客京師嚴君鵠立寅
清日慈母雞鳴誥誥誠時水土未宜頻采藥箕裘欲
繼愛搞詞故園不少尊鱸興多恐臺門莫可辭
燕山鴈影過層城愧我天倫少弟兄閨閣有人原
自秀池塘得句共誰賡野棠蕭瑟天涯夢堤柳凋
殘故國情三復棣華空灑淚尺書目斷暮雲生
風沙千里畫氤氳回首深閨悵夕曛桃李窓前應
念我蘼蕪月下正思君菱花開鏡知頻照獸炭圍
爐獨自焚遙憶相依王父母好從白髮問殷勤
去年秋半汝初生我便擔囊向北征自喜占熊諧

吉夢難忘繡襦啼聲含飴歡笑家公樂保赤叮
嚀慈母情料得歸時三歲矣可能學步過庭行
憐余蹤跡滯長安想像交遊握手難別後鶯花愁
裏過寄來書札夜深看山中作賦青松老江上懷
人白水寒聞道故鄉知己在幾時觴詠共盤桓
抱膝當年歎索居閉門深處近何如縹緲每念懸
蛛網卷帙應憐飽蠹魚把酒何人頻讀史焚香此
夜憶藏書洽聞空有張華志恨不攜來駕短車
久思戢影傍田園客裏懷鄉漬淚痕春暮花飛揚
子宅秋深雨暗德公門隔溪犬吠來開客統屋雞

賦清草堂詩鈔卷四

二

鳴入夢魂記得江村憑野望數家煙火近黃昏
吟成刻燭影縹緲有夢隨風夜度吳四代欣看千
里聚三年還訝一身孤賓朋來往人猶舊松菊盛
桓徑未蕪却怪匡牀眠乍穩轆轤車響每驚吾

送索去浣南歸

相攜梧館賦驪歌折柳庭前奈晚何半載風塵愁
裏過連宵秋雨客中多蒼茫樹色人同遠剝落碑
文手自摩今日送君君欲去黯然別淚灑關河

夜感

襟被經年滯北平閑中觸緒客心驚一春聽雨羈

人淚三月飛花故國情雲淨懸知山色改風和應
見曙光迎今宵預覺鄉心起况復鄰雞喔喔鳴

旅懷二首

薊門又是脫綿天獨上高臺思悄然往事沈吟時
十二故園歸思路三千晚看日隱西山樹晚對雲
連北闕煙終識季鷹歸去穩秋風還憶木蘭船
我生澤國遜宜肥記得持竿坐釣磯泖水舟移紅
雨暮機山簾卷翠煙微懷人欲共三秋老笑我還
同一鴈飛腸斷蘆溝橋畔柳朝來相送幾人歸

懷長文弟二首

賦清草堂詩鈔卷四

三

夕陽衰草獨徘徊此日蜀樓易水隈秋雨欲催黃
葉落朔風長卷黑沙來思家剩我憐多病作賦何
人鮮愛才遙憶故園兄弟在魚書強自為君裁
鄉關風景歎睽違無限離情似我稀半載人愁千
里別數行書就寸心歸燕臺競銜驂驢價澤國還
看鴻鴈飛終日思君不得見向南煙樹轉依依

宿淨德寺

揮鞭匹馬過河涯投宿禪房路半斜暮雨滴殘蛸
蛸夢秋蟲吟冷薜蘿花鐘沈古寺聲將寂葉落空
山景自賒此日倦遊還小憩林間汲水試新茶

題洪光寺

寺旁即明景泰帝陵
英宗以親王禮葬此

金輿石馬半淪亡尚有鐘聲出上方
野色蒼茫飛落葉碑文磨滅對斜陽
參差相影階前濕斷續蛩吟殿角涼
此日登高思往事觀河波匿指滄桑

咏琉璃瓶中金魚和韻

潛鱗未許托江河萍藻微茫波有無
潑刺聲疑來貝闕浮沈影似濯冰壺
龍門地小身難躍鮫室光明迹不污
彈指碎瓶如破壁宵將憔悴索魚枯

送鄭樊補應高西白年丈聘遊滇二首

送君六月向炎天萬里長征倚一鞭
早識龍泉牛

賦清草堂詩鈔卷四

四

斗氣遠飛金馬碧雞前携節不淺探
奇興得句應添記勝篇此去莫辭程萬里
相如踪跡為遊傳歌驪不作別離悲
賓主皆賢况故知一代論詩高仲武
四方結友鄭當時亂餘禮樂應初復
徵外文章定更奇他日相逢燕市裏
重携樽酒話滇池

送程天石南歸二首

燕臺握手話相思惜別偏逢歲暮時
意氣如君今日少離愁似我幾人知
月明五夜孤鴻冷雲暗千山匹馬遲
遙憶故鄉歸未得教人腸斷不成詩
強賦驪歌愧未工看君裘馬去恁恁
策名已上三

銓籍息羽還思半卧宮故國鶯花殘
夢裏客途山水彩毫中別時若念同
遊者應有魚書尺一通

送莊社如南歸

薊門脫葉滿征衣相送臨歧悵夕暉
剛是一年同作客難堪九月竟言歸
機山黃菊知將老泖水鱸魚料正肥
同學弟兄今兩地不隨寒鴈共南飛

沈東田先生分韵送社如得笙字

京洛人傳莊子名暮秋送遠不勝情
故園松菊懸歸夢驛路山川記客程
贈別我應忘布鼓當筵君欲賦瓶笙
劉安仲越東坡陽望簫聲餘察之出於雙瓶中自作瓶笙詩來朝無

賦清草堂詩鈔卷四

五

限相思緒盡付車輪轉轆聲

再送社如槩括南華經意

不須折柳送莊周即把南華咏別愁
息羽故園同六月搏風霄漢待三秋
君因閱世知蕉鹿我自從人喚馬牛
聚散何常如昔夢逍遙欲共九峯遊

甲子秋應試都下次見詒韵

三載恍如過隙陰重逢送旅每相尋
禮疎還畧賓朋迹情重何分爾我心
鷹羽隨風南復北鱸魚入饌昔非今
懷鄉憶舊憑誰語讀罷新詩感倍深

寄傅駕飛

懷人江上綠陰濃故國音書路幾重念我隻身棲
燕塞思君五夜渡吳淞招尋琴酌堪觴咏潦倒風
塵少過從還憶去年分手處歌驪愁聽夕陽鐘

寄懷高方立二首

每從薊北望南天兩地相思孰與傳噉鴈聲孤
館靜空濛山色暮雲連我愁羈旅寧多賦君擅才
名有大篇記得酸風攜別袂扶光如駛忽三年
別後魂銷賦索居漫勞投贈比璫璵數技新寄湘
筠管一篋還驚北海書屈指離懷看芍藥開絨香
氣散芙蓉秋來遊子尋歸棹共醉東籬菊尚舒

賦清草堂詩鈔卷四

六

寄荅杜蕙觀四首

茸城分袂幾春秋擬向長安話別愁乍喜我今遊
易水誰知君復到乾侯江邊魚鴈空來往天上參
商感去留不是懷才逢坎壈故人豈肯便依劉
少年作客竟何之別後鄉心我獨知襟上數行思
舊淚篋中幾首悼亡詩梅花開後朝吹笛菊影深
時夜泛卮料得官齋閑對月清光應與夢俱馳
瑤華頻寄思依依讀罷懷人靜掩扉夢裏共聯遊
子騎愁來獨戀故山薇流鶯帶月啼花縣匹馬嘶
風走帝畿遙想舊時同折柳幾回搔首望君歸

君今憔悴歎無家鎮日相思路轉賒千里多情懷
杜牧百年博物愧張華探奇獨著登山屐望遠思
乘泛斗槎同客金臺分兩地何時重訪故園花

送王素公南歸二首

延陵客館漫操觚伴我三餘興不孤曉起曾經同
拂硯夜分尚記共圍爐向知寄跡疎還密若箇忘
形爾與吾聞道秋來歸計決丹楓如錦送征途
豈無南望憶鄉情作客京華七載更鳥語細聽歸
去好藥名曾記不留行攜筇去踏黃山翠泛艇閑
吟浙水清他日相逢峯泖曲琴尊還續故人盟

賦清草堂詩鈔卷四

七

送金星槎遊滇南

此行又復歷間關萬里長征惜別頗憑我尚持黃
菊酒送君遠到碧雞山亂離初定人應少瘴霧難
消路更艱料得歸期三載後遊滇有記不須刪

和星槎留別韻

重過燕市別衡廬酬唱陽關迴莫如把手忻逢七
月盡聞聲神往十年餘爾遊湖海踪無定我憶田
園夢未疎一卷香光經義好時以董文敏文見詒摩挲珍似
讀奇書

遊祖家園二首

行吟郊野去偏遲攬勝寧同白日馳曲檻閑眠人
中酒空亭小坐客論詩幾行疊石留紅雨一帶垂
楊覆碧池到此恍疑脩禊地江南煙景足相思
為愛名園澄景鮮醉餘携手夕陽前絮飛如雨穿
深柳蛙聒常喧近水田聞道三春花似錦難忘六
月藕如船陳蕃若許尋高士一榻能容孺子眠

遠游十五首

居庸天險壯神京萬國車書入此城塞外龍沙通
北極雲中鳳詔出西清蘆溝橋畔看歸騎明月樓
頭問趙生矯首燕臺霄漢裏年年長祝泰階平

賦清草堂詩鈔卷四

八

石城形勝帝圖雄雙闕三山六代同白鷺洲前虛
夜月烏衣巷口起秋風凋殘宮柳金溝斷寂寞牙
籤玉殿空鍾蔣蒼然空在望冷猿淒鴈暮雲中
臨安宮闕入雲霄鳳輦龍舟此日遙楓葉三秋秦
望樹錦帆八月浙江潮芳堤楊柳清霜冷碧渚芙
蓉白露消知是當年歌舞地玉津園畔草蕭蕭
翼軫星辰鄂渚回迢迢江漢繞蘭臺黃陵月冷湘
妃怨雲夢天低神女來作賦欄衡愁入世悲秋宋
玉惜多才重華一去無消息風雨蒼梧夜夜哀
車箱箭栝鬱巒岼華岳風雲立馬看複道阿房三

賦清草堂詩鈔卷四

九

月火金縢玉露五更寒鯨魚鱗甲昆池動熊耳丹
青嶺樹殘腸斷臨洮吹角成新霜料得滿雕鞍
巫峽雲寒白帝城錦江玉壘望中平天開鳥道蠶
叢遠水落瞿塘滄溟橫神女廟前荒月色岑公巖
上墮猿聲三巴劍閣千山遠父老空傳司馬名
大梁風雨暗高臺北眺黃河萬里來伊闕山連嵩
少出潼關水向澗瀍迴傷貧欲老夷門客作賦應
多免苑才為憶信陵公子去麗譙吹角夜猶哀
壺關上賞在汾陽環抱桑乾接大荒三晉東連沙
塞黑兩河西繞暮雲黃望京樓上霜初落廣武城
頭鴈幾行晉國向傳戎馬地即今干羽靖遐方
憶昔明堂駐六龍岱宗風雨暗齊封云亭曉闢天
門嶺碧海晴搖日觀峯丹篆歟泥葢漢簡青霜白
露濕秦封千秋禪草陵雲筆猶有相如扈駕從
洪都山勢俯江流吳楚平分擁上游木落佳廬丹
嶂迴鴈橫彭蠡碧天秋南州一榻高風遠北斗雙
龍紫氣浮幾度登高懷往事蕭蕭荒蕪滿汀洲
越王臺榭鬱嵯峨我百粵風沙萬里過陸賈使歸通
貢獻尉陀臣服保山河三洲海濶波濤壯五嶺雲
連瘴癘多千載獨留銅柱在樓船下瀨竟如何

象郡迢迢岐嶺西蒼梧木落鷓鴣啼荔漿椰酒
人醉寶玉明珠漢使攜石燕山前風雨急橫槎江
上斗牛低黃雲萬里城南驛果下成羣征馬嘶
昆明池水繞南天萬里煙生熨熨田金馬碧雞來
使節石城鐵柱鎮星躔武鄉祠廟荒郊外博望
名大夏前自定益州長入貢年年蒟醬致樓船
南望無諸瘴霧中蒼茫閩海舊稱雄壺公日月
樓繞天姥丹砂石鼎空雲近武夷迷曲徑劍成歐
冶憶神工幔亭仙席今何所便欲披襟曳晚風
當年乘傳下牂牁道入盤江深箐多地接中原
備

賦清草堂詩鈔卷四

十

漢法人仍舊習起騷歌五溪風雨連烏撒六洞雲
山點翠螺今日天南漸 聖化羣蠻作息偃兵戈
登龍華浮屠絕頂二首

古塔層層通碧漢丹梯裊裊入雲封水連東極天
垂盡樹擁西山嶂幾重寂歷沙汀飛白鷺參差宮
殿鎖黃龍懷人欲訪蕪葭外無限煙波不可從
野客登高愁思寬層臺不畏北風寒平臨日月千
村曉遠抱江湖萬里盤絕壑疎鐘林外出珠宮寶
鐸樹中看闕河極目浮雲眇未許興歌行路難

古意二首

之子風流不自持珊珊環珮步聲遲微醒尊畔紅
霞色小立花前白雪姿臨鏡顰眉餘別恨背鐙紫
手話相思夜來一曲情何限腸斷三更月落時
畫舸輕移傍水涯盈盈小妹正芳華鴛鴦自結同
心帶蛺蝶相憐並蒂花為寄遠書親翰墨偶翻新
譜試琵琶懸知也盼蕭郎約曉夢蟲聲透碧紗

月夜同友人話釣臺遺跡

爾話嚴陵昔日看數峯縹緲暮雲寒一星影落三
江水百尺臺高七里灘弔古青山徒嘆息懷人皓
月此磨桓何時共聽桐溪雨細訪遺踪弄碧湍

賦清草堂詩鈔卷四

十一

艷曲

水晶簾外見鸞凰珠館沈沈夜未央翠帳酒闌春
夢短蛾眉歌罷淚痕長方塘花發芙蓉色曲檻風
翻芍藥香贏得相思添悵望挑鐙應斷九迴腸

楊柳

東風搖曳畫橋西楊柳青青繞碧溪灞岸條長靈
雨暗御溝絮落曉煙低三春少婦愁香閣二月征
人送大堤多少離情攀折去斷魂不忍聽鶯啼

無題

斗帳紅珠一昔同燒殘金鴨暗香通珠簾深映笑

蓉艷瓊液狂浮琥珀紅不盡相思懸暮雨難堪容
意隔春風階前綠遍蘼蕪草玉珮虛無想像中

近游十五首

遁跡江皋靜掩扉條風漸暖試輕衣三春烟雨桃
花落十里川原燕子飛息影幾回驚蟻屈逃名何
必定漁磯江東處處堪乘興泛宅浮家計未非
我來還對六朝松為愛山光策短筇白下鶯啼仍
噫噫秦淮花落已重重懷人腸斷雲亭驛學道心
懸句曲峯風雨幾番春易莫長干春晚墮寒鐘
胥江綠淨水滌洄我為遊春鼓棹來正是乘蘭逢

賦清草堂詩鈔卷四

三

上已猶聞按樂沸蘓臺貞娘墓畔繁花落短簿祠
前夜月哀寂愛赤闌橋北去一枝柳栗任徘徊
嗚咽猶聞卷暮潮昔時宮闕上雲霄雷塘抔土黃
腸朽隋苑荒煙翠輦遙月底即今空望斷春來何
處不魂銷惟餘送客蕪城路攀盡青青柳萬條
浮雲縹緲晉陵城遠翠平湖入望明十里旗亭楓
葉老五湖烟艇木蘭輕延陵祠冷寒蛩語玉女潭
空過鴈聲夜半笛中聞折柳江關搖落不勝情
木落淮南客思孤百年陵谷指中都塗山玉帛寒
煙沒譙邑桐宮秋草蕪殘壘夕陽飛野蝶荒林風

雨泣樓烏自從兵後成磽瘠此地年年庚癸呼
百子山高極目中水流蕩滴繞城東棠梨春著南
湖雨薜荔寒生皖口風萬里滄江愁日暮幾人白
眼哭途窮大觀臺下千帆度依約雲端雙堠紅
宛陵詩境白雲間豚處無辭數往還盤馬月明春
穀陌卷簾花發敬亭山地多文物溪藤滑時際升
平戍角閑擬訪琴高降鯉去紅泉長聽水潺潺
南望思登秋浦樓江山清迤古池州虎林城郭王
孫怨玉鏡池潭帝子愁歷歷鶯催紅雨落雙雙燕
掠碧溪流行歌且盡深杯酒穩挂江帆客漫遊

賦清草堂詩鈔卷四

三

采石山高入碧霄昔人乘月泛蘭橈離亭柳暗朱
絃寂荻港花明玉勒驕懷古風煙餘戰壘側身天
地對江潮東南此處由來險窳歷高原落阜鷗
天都積翠入寥陽始信峯頭松萬行軒后丹砂存
想象浮邱仙袂接蒼茫蓮花含蕊高華嶽缸筍如
林隄石梁三十六峯蓬島近白雲鋪海欲褰裳
霍山斜抱萬峰青武帝南巡紀翠屏古洞烟霞沈
玉簡荒郊雲雨暗金庭蛟龍窟遠朝迷漫鐘鼓聲
沈夜杳冥已喜百年消戰壘何須潸淚向新亭
一樽寒雨對沈冥渦口城邊泛客舫天近江淮春

水白地連吳楚曉風青圖書二月桃花塢絃管三
更木末亭是處淹留多樂事幾回搔首歎飄零
匹馬彭城春日過少年意氣未蹉跎楚王兵甲江
淮盡漢室英雄豐沛多臺古尚傳戲馬迹碑殘曾
讀大風歌誰人更奏雍門曲千載傷心奈若何

偶見

茵茵湖邊紫燕飛斷腸人唱采蓮歸朱簾靜鎖青
絲腕紅粉新粧白紵衣花雨橫塘情脈脈菱歌別
緒思依依當年尚憶吹簫客惆悵三更月滿磯

于忠肅祠

英宗昔日御龍飛曾石操兵事頃非一自忠勲存
社稷至今肝鬲儼裳衣穹碑寂莫埋荒草古柏參
差冷夕暉痛哭英雄何處去萬年精爽此憑依

癸亥元日

天際遙頒鳳紀年燕臺對酒喜陶然千門競帖宜
春字四表同歌芳樹篇伏櫛毛生慙捧檄渡江祖
逖憶先鞭試看帝里風光好淑氣先應到海邊

新泰驛和壁間韻

忽驚飛葉下重疊雨暗前途薄暮寒客路難忘千
里別征人暫借一枝安荒村濁酒挑燈飲野寺殘
碑躡屐看觸目皆堪供作賦吟成叉手不知難

泰安道中

遙見巖城雉堞盤無邊景色萬重山潞河澗繞奔
流急膚寸雲興暮雨還漢簡虛無藏洞裏秦松偃
塞立巖間停車未遂登臨志秦岱何年試一攀

商林遇雪

同雲羃羃商林道冒雪衝寒一襖輕野樹蒼茫迷

賦清草堂詩鈔卷四

五

賦清草堂詩鈔卷四

五

古驛酒旗搖颺近孤城馬頭風急同鎰利河面水
橫似練明到此不堪回首處故園迢遞起離情

渡楊子江

江水潺湲記昔遊烟波日夕向東流晴雲曉入金
山寺沙鳥遙飛瓜步洲一帶蘼葭兩岸出半天風
雨片帆收追思往事空惆悵眼底青山接石頭

遊中頂

雨後尋芳草木熏到來古剎自氤氲珠宮光動棋
翻日寶鼎香凝篆結雲太史揮毫題衆母沈鐸堂
綽楔為天
下母四字土人擊鼓拜元君同遊不少雕龍客賦

就新詩捻不羣

寄友人容江右二首

初夏行旌入豫章
謁來霜露滿河梁
離魂一札通千里
別恨三秋寄數行
莫更登高愁故國
却憐對酒值重陽
去年此日旗亭淚
斷鴈城西落照黃
陵苔露濕
九秋天憶別
征蓬又一年
紫蟹黃花銀燭院
青山紅樹木蘭船
懷人湖海詩多少
弔古風塵酒十千
日暮憑高勞悵望
歸帆無數沒江烟

訪友

寤寐相思復幾回
攜筇訪友此重来
繞城榆柳寒烟沒
隱几圖書寶氣開
四海青雲誰孔李
百年白社憶宗雷
故人示我黃河賦
鋪采摛文見爾才

宿南村

歲暮招尋冰雪天
偶來信宿草堂前
已知高士懸陳榻
不借山陰訪戴船
村酒擎杯消永夜
霜聲斫膽列瓊筵
更闌月落雞三喔
報道愁人莫醉眠

過二陸讀書處二首

籍甚雲間二俊名
今來弔古不勝情
當時遺迹存山水
千古高文有弟兄
雲陣縱橫留筆陣
松聲鏜鏜和書聲
瑕瑜不掩崑岡玉
青史於今有定評

傳聞二陸讀書堂
矯首斜陽蹟已荒
往事空言人洛雉
才何不賦浮湘鶴
歸華表頻凝睇
犬吠深林幾斷腸
碧水青山容我在
登臨還欲問行藏

男卿雲
景星恭校

賦清草堂詩鈔卷第四終

賦清草堂詩鈔卷四

七

賦清草堂詩鈔卷第五目錄

七言律詩

上元陪陳中丞仙巖遊宴

三月三日獨遊棲霞寺二首

虞山廟

榴花盛開獨酌偶成

環碧堂竹

重九前一日登獨秀山

題石

問舟

賦清草堂詩鈔卷五目

夜泊長沙感賦

湘潭易舟作

望衡山

壬辰除夕泊洞庭湖

癸巳元日

立春日題晴川閣

岳陽樓

元夜過黃州

潯陽樓二首

曉過東流縣

安慶張使君與予兄弟也時方抱病潦倒

欲歸曰賦長句相慰

江梅盛放目憶桂署梅花

江上花朝

螺磯

秦淮憶舊

雲林諸僧以詩見投各依韻答之

贈借山和尚二首

登興聖寺塔

西湖懷古和借山韻六首

賦清草堂詩鈔卷五目

再和岳忠武墳韻二首

贈別諦暉和尚

白牡丹

聽雪簷紅白牡丹二首

繡毬花

巢燕

新篁

燈煤二首

依韻答沈台臣二首

佘山恭奉

御錫嘉名蘭笋敬賦四首

次韵和借山梅花八首

辛丑除夕感懷

老梅

永懷閣黎靜室被焚求余廣為募造余不

應含愠而起曰以曉之

駕湖夜泊聞笛

贈諦暉和尚二首

甲辰除夕

乙巳仲春夜坐有感

賦清草堂詩鈔卷五

哭衛程九同學

次韻王西亭給諫八十生朝有感六首

菊影和雲岡韵二首

復次雲岡韵二首

倒叶前韵和雲岡

春感和謝羣韵

白牡丹和陸香林韵

賦清草堂詩鈔卷第五目錄終

賦清草堂詩鈔卷第五

雲間張 棠吟樵

七言律詩

上元陪陳中丞仙巖遊宴

良辰勝地一追陪為愛春光晚未回旌旆移時山

色改香烟浮處鶴聲來泉隨歌管兩行沸星雜花

燈萬點開仙境不須尋往迹會看坐擁謫仙才

三月三日獨遊棲霞寺二首

上巳春晴嘆索居招提獨訪意何如愛看垂柳臨

風舞欲乞行雲向嶺鋤此日光陰為我有從前歲

賦清草堂詩鈔卷五

月覺生虛曲江修禊闌車馬何似棲霞好結廬

竟日磐桓日漸西棲霞原是待霞棲落花啼鳥春

將盡脩竹蟠松徑自低官待拋時歸未得身偷閑

處酒頻攜遠公若在應須笑慙向江州問虎溪

虞山廟

虞山古廟傍山隅夾道松陰暎綠蕪涕淚二妃留

血竹謳歌萬世向蒼梧瘴深越嶠連今昔雨暗湘

江在有無彌望空林人寂寂時聞春鳥喚提壺

榴花盛開獨酌偶成

憑軒獨自對尊壘坐看榴花爛漫開照眼流霞明

似綺繞枝驚焰赤如堆葉濃綠借風前柳子結酸
分雨後梅蕊落玫瑰良可愛當年絕域遠移來

環碧堂竹

環碧堂前竹萬竿斜枝低拂繞闌干風吹蕭寺吟
聲細月照清池碎影寒直節不隨人宛轉虛心還
解自團團寂寂烟雨迷離候渾作瀟湘半幅看

重九前一日登獨秀山

獨秀峰高楓樹歟一山孤聳衆山遙白楊影出三
江岸紫笛聲沈萬里橋有客懷鄉憑鴈足何人載
酒到山腰明朝怕有風兼雨今日先來破寂寥

賦清草堂詩鈔卷五

二

題石

何年采自洞庭隈瘦質玲瓏四面開菡萏孤擎高
似掌雲烟半濕翠於苔清風兩袖可携去怪石一
拳難載回佇立牆東看不厭朝霞冉冉欲飛來

問舟

問舟何日到鄉關泊處偏多行處艱酒載數餅堪
遣興詩吟深夜亦消閑常逢甚雨狂風候况是高
瀧急浪聞看盡粵山歸未得蕭蕭雙鬢漸成斑

夜泊長沙感賦

初寒天氣余猶薄尚遠鄉城夢自遲南楚瘴烟仍

未息長沙卑濕竟如斯荒城府廕還重到倦客夷
猶有所思屈賈當年哀怨地欲辜杜若酌芳卮

湘潭易舟作

行到湘潭湘水盡洞庭潏潏望中分烟籠寒樹山
藏翠浪拍遙天路入雲深翦燭花宵正永滿浮栢
葉客同醺蘭舟新換抽帆速誰識離江舊使君

望衡山

瀟湘流統一山迴江路遙迤勢壯我地接衡陽秋
鴈落天連巴峽夜猿哀長杉古柏巖頭出碧瓦朱
櫺雲際開三楚頻年書大有泛舟隣道去還來

賦清草堂詩鈔卷五

三

壬辰除夕泊洞庭湖

推蓬抱膝意躊躇又是今宵歲逼除五十一嗟
已過六千零路半猶虛一壺濁酒消殘夜幾樹寒
梅發故廬喜得洞庭春信早岸容破臘柳將舒

癸巳元日

起舵巴邱喧榜人年光荏苒物華新乍晴曉雪迷
離境纔脫朝衫自在身遠宦蹉跎成老大異鄉迢
遞憶交親從今歸去安漁釣沚上桃花正及春

立春日題晴川閣

晴川閣上一徘徊江霧江雲向客開對岸樓傳黃

鶴古半江洲截白沙迴武昌城郭深深見夏口帆
檣片片來才見春回花已發東風處處放細梅

岳陽樓

回憶當年建此樓已將名勝占千秋滿湘春水連
天遠江漢洪波匝地流過眼山川增感慙凭欄風
月足淹留榜人亦解登臨興白石灘頭自泊舟

元夜過黃州

春江落日過黃州向晚微風送客舟不夜有城空
照眼如規皎月恰當頭歸帆無暇登樓詠宿鳥依
然繞樹愁客路渾忘燈節至寒星漁火滿汀洲

賦清草堂詩鈔卷五

四

潯陽樓二首

潯陽樓倚大江邊一望茫茫思悄然湓水寒潮生
極浦廬山晴翠入遙天高樓此夕誰同醉好句千
年今尚仙兩岸子規啼不斷豈知東下是歸船
竟日登臨懷抱開那堪急景坐相催帆從青草春
先到地近黃梅雨已來掠影亂飛沙際鳥暗香遠
送嶺頭梅倚欄拍點江南路忘却天涯身未回

曉過東流縣

浪打船頭霧乍收獨眠纔起過東流曉天月墮猶
餘白江露春寒半似秋斷鴈叫殘帆影亂跳魚驚

破櫓聲愁今朝已入江南境猶覺鄉心擾未休

安慶張使君與予兄弟也時方抱病潦倒

欲歸曰賦長句相慰

三載別來愁兩地相逢且盡一家歡案頭本草留
心檢嶺上浮雲任意看養靜自如禪坐好放歌莫
唱路行難曉江到處梅爭放樹樹須知耐歲寒

江梅盛放回憶桂署梅花

去冬嶺外梅花早予臨行署中梅花已開今日江頭梅影雙
想是美人惜離別故隨春色到鄉邦江頭樹樹斜
臨水嶺外枝枝空倚窓梅正開時人已去尋思昔

賦清草堂詩鈔卷五

五

夢別銀缸

江上花朝

二月十二江上客蘭橈容與水雲中惟餘楊柳拂
頭綠不見芳菲刺眼紅幾日春陰添旅悶數番風
信卷花空五茸桃李開將遍歸去鄉園興不窮

蠟磯

獨立危磯聽子規千年遺恨此江湄一從白帝攀
騁日便是青山埋玉時過客登臨悲往事村巫奔
走寨荒祠到今吳蜀皆陳迹月落猿啼有所思

秦淮憶舊

傍水家家掩竹扉秦淮昔夢記依稀十年不到山
如舊萬里行來人半非桃葉渡頭春寂寂烏衣巷
口燕飛尋思往事空惆悵獨立花前感落暉

雲林諸僧以詩見投各依韵卷之

今年非復去年春越水吳山處處親靜裏細參言
外意動時可憶夢中身維摩示病原非病善言
貧豈是貧直上高峰惟一徑宵容餘地任逡巡
支遁高風捲不羣宗門才子向來聞閑中與客談
明月方外有師投碧雲舊地到時春已莫新詩讀
罷夜中分相思不覺心相許相見空教思更殷

賦清草堂詩鈔卷五

六

僧在白雲山下住人向白雲徑裏行三竺由來多
勝地五峯自古擅嘉名沿堤潭影涵松影赴壑泉
聲雜雨聲我欲從之擠一醉白雲深處話偏清
雲林雲氣繞烟霞幾日磐桓興未賒有客欲嘗春
甕酒老僧笑指碧桃花清泉傍石洎洎出翠竹過
簾暗暗加山月禪燈兩相照與師同坐喫杯茶
蒼松白石兩留情眼看浮雲出岫輕有夢初醒方
有覺無書不讀証無生空中色相飄花雨話裏機
鋒歷旆旌四載重來惟一笑源頭活水待誰烹

贈借山和尚二首

化城庵外雨霏微垂柳人家燈火稀滿岸冷風投
冷寺一聲清磬引清機詩從合處浮雲掃禪到圓
時宿鳥飛翦燭損忘深夜坐西窓酌酒兩依依
結廬何必在山岑此地偏居支道林廚下有鐺曾
折脚墻頭無竹不虛心半生已被青袍悞今日相
從碧澗深讀罷新詩且歸去明朝花發再來尋

登興聖寺塔

直上浮圖瞰碧空水邨烟郭畫濛濛髻鬟九點沒
寒雨鈴鐸一聲驚冥鴻列子御風差可擬仙人躋
鶴將無同不愁拾級來登晚咫尺雲霄入望中

賦清草堂詩鈔卷五

七

西湖懷古和借山韵六首

湖上曾吟白傅吟句留到處自情深西峯相對多
名剎一塔中懸出古林雨過禪房春煮茗風來樵
徑晝披襟鳥窠師去空遺址流水斜陽閱古今

寺禪

千年血染一杯痕松栢蕭森拱廟門明聖湖中流
碧波杜鵑聲裏泣忠魂班師未久黃塵動報國無
由白日昏嘆息英靈銷不得驚風獵獵卷蓬根

武貢

復辟君臣一旦空尋思舊事立廊東中原有主排

羣議當日何人論上功碑卧斜陽橫蘇碧墓臨古
道護墻紅園凌白露秋雲遠弓劍年年肝蠻通忠

肅

舉世盡知林處士絲吾弔古一徘徊身將隱矣名
猶在詩欲仙乎天付來山色水光同絕調梅妻鶴
子共胚胎先生堪與淵明伍千古高風豈但才林

墓士

雲林原是舊祇林入寺惟聞鐘磬音紆折泉流清
復冷玲瓏山色靜還深萬竿竹翠窓前落六翮雲
蹤雪後尋禪寂不嫌人雜沓也來扶杖一登臨雲

寺禪

賦清草堂詩鈔卷五

八

蘓隄垂柳白隄烟點綴河山兩謫仙未入驛公春
夢裏已同香老醉吟前畫船載酒爭題咏清夜聽
歌雜管絃千載名賢留好景六橋風月尚依然白

隄二

再和岳忠武墳韻二首

鄂王墓道掩苔痕山腳為墻石作根今日共知尋
正氣當年誰與賦招魂越江潮急秋尤怒古柏陰
深晝亦昏廟食年年簫鼓闌靈旗風雨繞重門
淮北猶留戰血痕此身不料葬山根中興未遂孤

臣志和議終埋二帝魂殺氣至今沈地慘陣雲當
日蔽天昏殘碁半局悲南宋鐵爛神姦跪墓門

贈別諦暉和尚

四年不到雲林寺此叟依然老更愁百歲算來還
欠六兩人相對不須三白雲蒼狗憑他司竹杖芒
屨任我探明日別師山下去石頭路滑向來諳

白牡丹

錦棚日午殿餘春膚雪香凝態自真常寫天容托
豪素不隨凡艷闌芳新玉山醉倒一枝秀金鳳詩
成數朶勻堪笑劉家詩勝賞也邀賓客醉花晨

賦清草堂詩鈔卷五

九

聽雪蓬紅白牡丹二首

兩株濃艷覆雕闌淺白深紅取次看雪客雙飛棲
絳樹紅雲一朵在銀繁衆香國裏誇奇賞興慶池
頭憶舊歡若比尹邢皆獨立錦帷初卷玉珊珊
誰云腰紫佩銀魚綠筆新詩入夢虛種植未詳花
藥譜國香欲寫鳳箋書脂深纖手春先在露泥承
盤玉不如爭向華堂移一本那知水次是仙居

繡毬花

垂枝老幹翠相交刺玉為毬綴樹梢依箔春蠶絲
就繭鳴皋野鶴子先巢輕團柳絮粘香滾碎簇梨

花如雪拋常與牡丹春比艷不教蝶夢受風敲

巢燕

惱亂東風怨不勝辛勤歲歲此相仍舊痕莫惜新
銜補小築還須大厦憑窠愛紅襟最向箔休探熬
壘夜然鐙春酣幾許勞勞意養得新雛引未能

新篁

嶰谷雲重不可尋夾池篋竹漸成林冰霜初歷貞
心苦風雨頻侵勁節深窓下拂牀堪倚枕溪邊掃
石待橫琴此君向挾陵雲勢鳳食龍吟豈自今

燈煤二首

賦清草堂詩鈔卷五

十

乍訝翦聲初落拍忽驚飛處綠於螺玉蟲瑣碎粘
珠箔金粟飄零散墨蛾香燼茶毘僧有幾麝塵掃
聚淚無多下簾只怕春風惡狼籍殘膏可奈何
燒殘紅炬化春灰孤館凝寒燭不回刺燭急催吟
破暈敲棋驚落夜成堆畫廊忽暗雲光變書幌新
挑霧陣開拂貯更教著龍麝松烟藜火盡詩才

依韵荅沈台臣二首

新詩投我比商瞿堪嘆迂疎一懶夫逢時早知意
在酒生男差喜習於孤願空伯樂昂千里不讓徐
卿引二雛脫粟君家想自有敢持布被待公無

久別還看老健身吟來詩句更清新舊交星散應
無幾大雅風流剩此人頭白幸逢情自切心知相
聚話偏親尊前莫憶當年事屈指於今四十春

余山恭奉

御錫嘉名蘭笋敬賦四首

天章下賁使星俱柳綠花紅春色敷瞻肅百寮如
鵠立歡騰萬姓盡山呼擎來寶袂雲霞裹捧出瑤
函錦繡鋪為愛幽篁茁空谷新題蘭笋表林隅
萬竿飛翠兩峰橫出土猶如繭栗撐束置春檠詩
入貢仰看

賦清草堂詩鈔卷五

十一

御筆賜嘉名焜煌金扁昭雲漢府寔珠宮統旆旌
從此山輝增氣象茁芽盈把日華明
山稱蘭笋雅相宜彷彿含香抱籜時玉迸峻嶒穿
澗石金搖瑣碎落江籬甘鮮有味堪烹煮芳潔餘
芬擬贈遺日誦幽詩勤盱食野人土物
聖人知

晚菰早韭寧全美菰首蒿牙未足多揮翰錫
名兩奇絕握蘭煮笋獨調和搜羅香草為芳佩坐
致清芬滿翠窠負日食芹咸願獻無涯
帝德譜詩歌

次韵和借山梅花八首

欲賦梅花思不窮，微吟有放酒杯空。神清似見瑤臺畔，骨瘦偏宜水屋中。淡墨寫來多蘊藉，素心悟後更玲瓏。松枝舊有歲寒約，供向山齋也自工。名繇羅浮上界仙，早春先發綺疏前。煙籠竹外枝枝潔，雪暎樓邊朵朵圓。處士風流堪自命，美人愁思倩伊傳。五花晝散天機活，信手拈來都是禪。初番風催寒又溫，垂垂漸喜發江邨。波涵香韵和雲冷，雪蘊精神破月昏。含殿夢回新點額，長門晝掩暗銷魂。可知空谷芳菲在，得與幽蘭共晤言。

賦清草堂詩鈔卷五

三

虬蟠鐵屈見何曾，側出橫欹勢欲騰。蛛散子遺爭比鳳，蟾推輪起碎雕冰。獨調鹽鼎為賢相，百衲雲衣有定僧。却恠晏家栽異種，紅羅亭上一時興。漠漠苔痕春意新，鉛華洗盡出凡塵。濡毫難寄相思字，隔帳應憐少睡人。忽訝霏霏光似玉，更看黕黕密於鱗。夜深永對清如許，頓覺繁華負此身。勁節離奇孰可干，皎然獨立自禁寒。籬遮茅屋真堪畫，路曲溪橋盡往觀。檀板金樽酬逸品，暗香疎影占詩壇。碧雲佳句如冰雪，靜裏咀吟擬廢餐。

有暗香疎影
屬陳言之句

師惜

丰姿明淨照窓紗，高傍山亭近水涯。唱罷後庭憐玉樹，彈餘長缺佛霜花。雨肥蓓蕾紫初褪，露浥條枚綠已芽。漫訝廣平能作賦，何如冰雪詠劉叉。濛濛一望入珠林，三徑逶迤接隴陰。莫向塵中尋樂地，當於物外見閑心。莎汀日暮誰邀笛，簾幕風清合理琴。寄語詩家須刮目，梅花千古有知音。

辛丑除夕感懷

是月廿三日
余六十生辰

壬寅新曆重頭起，花甲周輪已過旬。陷溺人心惟利欲，飽嘗世味獨酸辛。青燈不了疎狂性，白髮先驚見在身。歎息年光流水去，紙窓風雪暗傷神。

賦清草堂詩鈔卷五

三

盡說今宵不茹葷，樹花栢子獻來勤。一生尋枉六尺枉，百歲三分幾二分。競尚新聲非古樂，那堪覆手作翻雲。呼兒守歲寒無賴，撥盡爐灰面已醺。

老梅

老幹離奇野水濱，傍松倚竹見精神。春來還是大寒節，窓外先開小朵勻。冷淡幽香清到極，橫斜疎影句皆陳。折枝莫作尋常嗅，太極圖中一點真。

永懷閣黎靜室被焚求余廣為募造，余不應。含愠而起，目以曉之。

不道慈修真焚却，諸般色相盡空花。殃魚未必非

天意曲突無從應自嗟萬水萬山皆逆旅一瓢一鉢是生涯勸師暫息熱時燭中有靈源不用賒

駕湖夜泊聞笛

丹檠高樓杳柘陰笛聲嘹唳出重尋反商下徵非凡調注耳收精豈散音見馬季長賦煙雨樓頭沈片月鴛鴦湖畔浴雙禽夜闌曲罷餘哀怨起坐推篷思不禁

贈諦暉和尚二首

與師又是兩年別今日相看眼倍明對面任人呼不死掉頭已是證無生蒲團常結跏趺坐錫杖空

賦清草堂詩鈔卷五 五

隨乞食行山北山南俱踏遍朝來楊柳放初晴雲林方丈三十載九十六翁豈偶然曉日照偏於高嶺春風寒不到清泉大千世界空拳握垂老心情儉歲寒食近時須禁火僧厨久已爨無烟

甲辰除夕

浮雲變幻莫猜疑且把花枝對酒卮膝下兒頑嗟已若牀頭金盡畏人知性多落拓皆回懶事到艱難豈預期好待向平婚嫁畢閑閑十卦可棲遲

乙巳仲春夜坐有感

清宵無寐莫寒幃靜裏遙知漏滴稀風習未除私

自笑時宜不合頗多違茶鐺響沸爐煙細篆鼎灰凝火力微往事拋開憑一枕浮雲野馬總無依

哭衛程九同學

春明相對共清吟今日相思何處尋開卷不能逢益友揮絃難與覓知音生前半為功名誤身後猶存道義深記否昔言猶在耳特營窀穸慰君心

次韵王西亭給諫八十生朝有感六首

曠代才名驚海內平生風節更堪懷自高崖岸門非峻難合時宜道不乖百歲光陰春尚待九峯嘯咏興無涯懸孤此日偏逢巧天與奇姿邁等儕

賦清草堂詩鈔卷五 五

每聽老鳳發清吟八十年中閱歷深廿載葵傾惟向日一經庭訓勝遺金門無剝啄身常逸筆有精靈思勿禁從此青溪為隱地不聞姓氏到於今往事閑題百感生當年意氣任遊行諫垣月紙白公請縣治雲琴宓子鳴愛戀青山聊引疾歸來良璧早完名即今洛社多耆舊扶杖欣觀大化成王麀清談好共論學窮根柢掃陳言銀鬚雪髯推先達錦樹丹楓繪舊園朝岫雲興看突兀晚潮風急聽潺湲榮華墮落尋常事且自優游過曉昏小山招隱月如弓金粟黃時香滿叢規尺謹嚴推

大匠詩文典雅式宗工還同後進從先進不學陶
翁即放翁此日耆英應入會老人星見慶無窮
斗室迢然不履艱淪漪池水可漚管乞身老矣猶
親慕琢句夸乎為我刪鶴立清癯知成削蝸藏輟
側見寬閑南山有什人爭頌對酒高吟一破顏

菊影和雲岡韵二首

數本秋英共一隅看花老眼竟模糊誰移筵上連
枝燭來照籬東半幅圖高下自分濃與淡淺深互
觀有如無偶然會得宗門旨能所相忘態不殊
對菊吟秋獨向隅可憐花影捻模糊采英未必能

賦清草堂詩鈔卷五 末

盈把送酒何妨入此圖遠意自來多澹泊高情合
得住虛無夜闌重到東軒下月色花光望不殊

復次雲岡韵二首

湯移銀燭照花叢瘦節清姿隱者風燈施有時沈
夜月秋深何處聽寒蟲碎金欲漏紗窓隙淡墨猶
渲素壁中把酒自憐還自惜好將踪跡問天工
戴來名種首芳叢花吐清芬葉倚風照壁豈同移
草木挑鐙常伴注魚蟲迎將素女行雲裏搗盡元
霜明月中似此幽懷誰領畧一枝一影賦難工

倒叶前韵和雲岡

冷落西風氣味殊簾籠掩映看時無醉餘陶令重
陽酒題就司空采菊圖絳蠟高烧和影亂雪藤為
絰倩香糊那知飲散詩成後尚有清光照坐隅
菊放秋容點綴工偶裁數種瓦磁中碎瓊無意縈
珠箔殘燭何心吐玉蟲自繞籬邊曾泥露忽移牆
角乍驚風餐英果有延年益面壁猶能摘幾叢

春感和謝羣韵

浮雲冉冉碧巖前漫擬乘槎到日邊百歲光陰能
有幾半生踪跡付天然朝橫屏障障惟看晝夜點琉
璃且坐禪濯濯池荷新出水雨聲過處綠皆圓

賦清草堂詩鈔卷五 七

白牡丹和陸香林韵

不隨春色闌繁紅雲借衣裳雪作叢粉面似臨明
鏡裏冰心猶在玉壺中素交屈指今餘幾白首看
花誰與同莫嘆韶光如去水何嫌踪跡類飄蓬

賦清草堂詩鈔卷第五 終

男卿雲
景星恭校

賦清草堂詩鈔卷第六目錄

五言絕句

曉鶯

申江候潮二首

蘓堤春曉

柳浪聞鶯

花港觀魚

曲院荷風

斷橋殘雪

雷峯夕照

南屏晚鐘

三潭印月

兩峯插雲

平湖秋月

七言絕句

從軍行五首

塞下曲四首

錄別五首

過機山懷二陸

旅思

賦清草堂詩鈔卷六目

一

小兒撲螢圖

對酒

遣懷

有感

送江上翁歸青溪二首

哭外父方融吳公四首

送傅鹿野南歸四首

種竹南窓三首

粵江春行十絕句

武昌

賦清草堂詩鈔卷六目

二

西湖竹枝詞八首

狹光二首

和謝羣梅花十首

題程九歲寒行樂圖四首

西湖寒食

二月十七日禮大悲懺夜坐有感

丁未初夏偕雲岡雙柑遊支硎山和雲岡

韻五首

陸香林自粵東歸為風雨所阻不得即晤

詩以招之

采桑詞二首

無題二首

賦附

三泖秋濤賦

秋蘭賦

吳淞江賦

賦清草堂詩鈔卷第六目錄終

賦清草堂詩鈔卷六

三

賦清草堂詩鈔卷第六

雲間張 棠吟樵

五言絕句

曉鶯

花發香風遠鶯啼小院春好音不忍聽愁殺玉樓人

申江候潮二首

春申江上水遠自海門來為憶春申去風濤夜夜哀

芳草徧江干王孫知何處長風挾潮生落日催潮

賦清草堂詩鈔卷六

十

去

蘓堤春曉

偶踏蘓公堤長林鳴衆鳥春來桃柳知寂寂湖天晚

柳浪聞鶯

堤上柳初眠深深拂畫舫流鶯莫亂啼驚起三尺浪

花港觀魚

萬物閑自得潛魚出聽講獨立曲闌邊日落船歸港

曲院風荷

亭亭立月中風生香更郁夜靜可垂涼欄杆凭幾曲

斷橋殘雪

霽後看湖山湖山翠屏列誰行過斷橋雙屐印香雪

雷峯夕照

日落衆山暝披襟發長嘯當頭一塔圓回光獨返照

南屏晚鐘

我愛南屏山秋光滿雙眼一僧荷擔回近寺寒鐘晚

三潭印月

清光映寒潭石壩立遠近空水天三者於此可相印

兩峯插雲

兩峯高出雲峯高雲常合何年雙芙蓉移向湖天插

平湖秋月

西湖如鏡平湖廣不可越萬頃淨琉璃茫茫水與

月

七言絕句

從軍行五首

平原突騎擁雕鞍萬里風沙馬上看瀚海雲連旗影亂陰山雪積角聲寒

大羽琕弓射獵回前軍吹角上龍堆無邊白草平沙沒一片黃雲遠磧來

愁關雪淨草蕭蕭烽火沙場戰骨高日落天山歸部曲將軍玉帳醉葡萄

大漠雲開黑水流夕陽歸騎入邊樓何人夜唱涼州曲明月西風動地秋

二十從軍出塞寒相思萬里憶長安戎裝鏡裏頭先白寶劍腰間血未乾

塞下曲四首

甯策聲殘冷戰袍陰溝關外月初高蠻姬毳帳嬌歌罷醉卧三更雪滿刀

金鉦鐵騎捲成行百隊貔貅乍卸裝夜半征人眠不得白登臺下月如霜

沙漠秋高鷹幾羣陰山萬里落孤雲橐駝歸去吹蘆管沙磧黃昏不忍聞

雲連絕塞斷鴻回日暮龍沙落葉催一曲伊涼腸
欲斷西風已到李陵臺

錄別五首

百里孤城暮色寒碧天鴻鴈落江干最憐別後關
山月一片清光兩地看

大江北去客途長千里關河總異鄉欲上高臺更
南望連天風雨鴈微茫

秋來匹馬向京華雨雨風風驛路花莫怪當時容
易別夢中何夜不歸家

吳山吳水寄相思今日淒其異昔時三載飄零無
定跡臨岐未許問歸期

賦清草堂詩鈔卷本

四

登樓莫自嘆離居傳語加餐數寄書夜半申江春
水上乘潮正好倩雙魚

過機山懷二陸

九峯落日鎮堪哀二陸文章安在哉絕壁猶聞孤
鶴唳平蕪何處讀書臺

旅思

薊北城中夜搗衣三秋木葉雨中稀相思頻向高
原望願逐江南一鴈飛

小兒撲螢圖

輕搖團扇意何如撲得流鶯笑語初為報然藜天
祿客幾人讀盡五車書

對酒

留髩送客靜聞鶯翦燭雄譚盡百觴安得酩酊千
日醉長將狂藥洗愁腸

遣懷

欲吞北斗吸南箕無數離懷付酒卮別後三春花
落盡醉來一枕夢相思

有感

亂氣芒鉞北斗邊南樓搔首問青天豐城識得雙
龍劍空佩腰間二十年

賦清草堂詩鈔卷本

五

送江上翁歸青溪二首

白鹿山人興不羣五湖秋色欲隨君迢迢百里青
溪路一片征帆入暮雲

落日滄江轉翠微依依殘柳送翁歸相看難盡深
杯酒心折霜天一鴈飛

哭外父方融吳公四首

落葉殘花委故枝敗荷零藻冷寒池最憐一枕南
柯夢醒在沈舟破釜時

空庭獨立重徘徊賓客俄看次第來遙憶今宵明

月上淒涼仍照讀書堂

浦南兩舍曉雲封望拜淒然淚滿胸窵窵千年終
不曉白楊風咽一聲鐘

老彭殤子終成空回憶前遊宛夢中收拾遺文慚
李漢蘭臺聽鼓亦飄蓬

送傅鹿野南歸四首

折殘津柳對尊壘馬首南行首重回杯酒未乾詩
百首幾人得似出群才

散髮高歌薄一官齊盟狎主捧珠槃莫言編紵長
安少多少名流著意看

賦清草堂詩鈔卷六

六

高談落魄混漁樵二十年来興更饒一諾如山君
不負披裘五月憶貧交
扁舟曲曲潞河深千里相思託遠音歸去故園春
正好梅花香裏可橫琴

種竹南窓三首

敢說風流繼七賢新栽翠竹草堂前他年看取干
霄上縹緲青鸞飛刺天

嶺外山重秋寂寥郡齋閑對影蕭蕭雲來清照談
經席月上香浮貯酒瓢

開窓綠滿晝陰陰不為風吟即雨吟偶釋簿書來

一聽悠然天籟勝鳴琴

粵江春行十絕句

春江何事駕雙旌琴鶴相隨共此行屈指去來三
十日好風時挂一帆清

鄉心曲曲似江流流盡江聲聽也愁不見有人來
粵嶠可容我夢到南州

荒煙蔓草難經目竹瓦茅椽有幾家那得繪成圖
一幅共將民隱達京華

樛櫨亦知安作息墟塘誰識往來衝太平歌咏真
難事五十年來休養功

賦清草堂詩鈔卷六

七

蠲租詔下一官閒勞碌灘頭任往還大半詢諮
民疾苦茲行端不為看山

此地當年起戰爭鼓鉦峽底尚餘聲蒼茫一望憑
闌裏無限關山引客情

愧乏清新作賦才粵山窈窕芙蓉開微吟數過推
篷起江上峯青不斷來

遍歷郵亭忘記名萬山曲折一孤城額籌九郡寬
閑地說與農家併力耕

千年往跡費追尋古剎穹碑隱樹林尚有漢高遺
廟在大風吹起故鄉心

男兒誰作可憐蟲阮籍陳狂豈是窮好把山川收
拾盡何愁歸去一囊空

武昌

征帆早挂計非疎解組歸來喜遂初聞說武昌魚
飯美尊鄉滋味更何如

西湖竹枝詞八首

明聖湖邊山似眉來遊最好是春時六橋裏外人
如蟻買酒搖船唱竹枝

盤龍小髻鬢堆鴉烏帕蒙頭賽碧紗爭向湖心亭
上立遠看疑是一團花

賦清草堂詩卷本

落花風起滿湖頭薄薄春衫無那愁草長鶯啼三

月暮不勝清冷過於秋

白雲山下一僧逢拍點前行出亂松嘆息六橋花

柳盡寂寥山寺數聲鐘

老梅半死尚擎雲處士千年有古墳盡向西陵吊

蘓小可憐杯酒不流君

細柳如煙酒幔青冷風斜雨晝冥冥憑闌獨咏王

維句兩岸雲山列畫屏

湖南初地禮莊嚴儒理宗風本自蕪勘破源頭心

有會圓蒲月冷客開簾

習習春風入客衣春光如許百花飛望中行殿層
層見夢到春明願已違

硯光二首

百尺懸崖上石臺登臨不憚再三來長松高竹通
山徑一路白雲濕翠苔

日落山頭月半竿晚鴉飛盡兩峯寒眼前風景眇
無極橫豎高低一例看

和謝群梅花十首

料峭春風薄暮吹亭亭仙骨雪霜姿飄來一點寒
香細不逐東皇舞柳枝風前

賦清草堂詩卷本

九

六花飛後梅初放屑玉雕冰望不真兩欲爭春春

尚早寒梅得雪更精神雪後

牆外稀疎三兩株濛濛煙雨濕花須江妃寂寞聊

相慰故用珍珠掩淚珠雨中

離奇天矯睽庭隅瘦影清光在有無一種幽情誰

會得黃昏獨立影模糊月下

修竹幾竿翠影搖老梅一樹韻偏饒可堪小徑孤

吟處幽籟寒香夜寂寥倚竹

小窓靜對寫黃庭三尺朱欄列畫屏簷外枯槎花

又發橫枝斜勢入疎櫺橫窓

茫茫一片白雲遮，繞屋穿籬樹樹花。日薄江皋無客至，丰標只合野人家。江村

山中高士好樓居，素質天然玉不如。草閣夜寒吟未穩，惜花早起立踟躕。山閣

路約橋邊水拍陂，南枝高倚北枝垂。數聲漁笛出煙浦，恰似山陰返棹時。溪橋

每從驛使送行人，冰雪容儀玉作身。詩興自憑東閣寄，肯隨仙荔踏紅塵。館驛

題程九歲寒行樂圖四首

兩株松與六株梅，橫膝攤書坐石臺。已覺梅花清

賦清草堂詩鈔卷六

十

似雪更看松影綠，綠苔

疊疊為山曲曲欄，一肩斜轡壓吟寒。先生欲作三

友傳，徑裏須添竹數竿。

雙眸翦水慙危襟，要結跼跌識此心。手把異書劉

讀羅箇中誰與話，丁壬

嶙峋傲骨自清癯，不合時宜懶步趨。滿擬一腔冰

雪意，與君寫入歲寒圖。

西湖寒食

細雨如塵野水湄，紙錢高挂白楊枝。誰家松柏西

陵下，麥飯一盂拜墓時。

雙槳湖心入畫屏，小桃新柳滿前汀。禁煙時節煙偏起，撩亂漁莊萬縷青。

二月十七日禮大悲懺夜坐有感

風聲瑟瑟雨聲懸，有客思親夜不眠。香板已敲僧盡起，一燈殘焰佛幢前。

丁未初夏偕雲岡雙柑遊支硎山和雲岡

韻五首

扶杖登山劇可憐，山頭趺坐羨飛仙。雲岡少余一歲登山如飛

泉聲千尺瀉潺潺，一線奔流亂石間。記得春時曾

賦清草堂詩鈔卷六

十一

憩此傾城士女遊，山

春光雖去尚疑春，綠樹陰陰入夏新。山色不殊情

已改，可知非復舊遊人。

雲樹蒼蒼斜日明，同來弔古有深情。長松離立數

行翠，吹下半天風雨聲。

老來濟勝費商量，恨不攜筇徧道場。即事成題相

倡和，也應喚作兩詩狂。

支硎歸路月初銜，曲徑深林景不凡。便上小舟同

一醉，橫塘風利好抽帆。

陸香林自粵東歸為風雨所阻不得即晤

詩以招之

檢點行囊只有詩蕭蕭黃葉暮秋時到家棣萼多
無恙玉樹堦前墮一枝

濕雲黯黯雨濛濛望裏東山路不通契濶經年今
乍返生憎連日石尤風

雙鳩鳴屋曉雲開活火烹茶潑綠醅靜寄齋頭堪
下榻安排琴酌待君來

采茶詞二首

堤上女兒采新茶臨風裊裊如春花采得新茶背
人立偷看雙燕下平沙

賦清草堂詩鈔卷六

三

三月江南歌采茶采茶女子貌如花却憐春色飄
零盡點點花飛入淺沙

無題二首

絲柳三眠芳草薰春來陌上每思君夜來幾陳紗
窓雨滴盡相思君不聞

儂家還隔在長川一日腸迴抵萬千願作溪頭比
翼鳥隨波同泛五湖煙

賦附

三泖秋濤賦

翳東南之澤國兮問孰濁以孰清感歲序之變遷

兮歎為谷以為陵既攬勝以托興兮復撫時而涕
零庭樹撼以灑落兮勁風戾而吹屏蟬嘒嘒以寒
吟子鴈飄飄而南征天高晃朗兮日淡晶瑩朝看
離鴻之影兮夕聽蟋蟀之鳴於是駕棠舟鼓蘭棹
散秋思以遨遊發幽思以搜討於山則有機雲鳳
翼于秦崑余小橫之奇於水則有龍潭薛澱青溪
申浦之渺洞有白龍之沈澗谷有華亭之窈窕豁
曠思於雙眸惟泖水之清潦其名圓泖也形如璧
月影類刀環泖水洋洋既澄且灣其名大泖也空
疑雲歛濶似天浮泖水浩浩一碧橫秋其名長泖

賦清草堂詩鈔卷六

三

也渟猶拖帶瀉若霞瓶泖水泛泛還不留行當夫
心星西逝白帝停輪爰召河伯爰詔水神爾其駕
輕風滌纖塵樹靈樞於水面布魚麗於湖濬於時
鬣宮浪湧蛟室濤奔洶洶融融汨汨法法既翻風
而噴雨復沃日而蕩雲豈幼節之提輕兵驅強敵
慷慨激烈憤氣決臆挾矢操弓紛紛藉藉至今欲
洩餘恨於荆川故振雄風於潮汐豈士衡之工詞
翰富篇章文瀾久沛墨瀋猶香不聞鶴唳天地昏
黃至今欲露夜光於元圃故濬陸海於詞場又豈
吳及靜海人宋惠民澤流雷漬注壑盈川滾滾皆

攀轅之淚又豈思復錢惟善字思復浙詩就筆添
烟蘿崩山湮谷層層皆奪錦之波其漾日而紅直
可點綴夫丹楓其滿月而白不啻歛翻夫銀宅雖
有木華之巨製未足擬以星辰日月之詞雖有郭
璞之雄才未足達其二冬九派之思而寄雄心於
濡翰聊授簡以摘辭庶其垂秋濤兮邇海若扶秋
風兮振南池

秋蘭賦

時維秋矣花蔭玉池或生林而窈窕或紉佩而參
差或產謝庭而滋秀或投燕夢而徵辭空谷結幽
人之契撫琴興王者之思既臨流兮影入浪復從
風兮香拂衣爾乃丹穎子縹蒂綠葉兮紫莖賦美
質兮同琬琰之靈珎吐清華兮呈烟霞之奇文遠
風霜兮擬漆園之隱淪謝桃李兮等巢父之全真
邇嘉卉之休德實鑒予心之芳芬客有告余者曰
微獨物也人亦猶此請抽子之妍詞用以授夫如
蘭之子

吳淞江賦

維吳淞之蕩漾兮實綿亘而逶迤眇龍江而特出
兮並葦澱而稱奇由具區之發源兮寔申浦之分

支豈獨三吳之巨勝兮實為江南蓄洩之所憑依
若乃春花乍明秋芳微逗山翠遙連湖波生皺朱
霞乍烝綠陰方晝泛一葦以徜徉展清尊及芳酌
林颺生衣而徐漱堤鳥依枝而曲奏既心曠而神
怡兮挹秀色於襟袖至於朝焉而雨夕焉而風觸
孤憤於片席駕逸氣於長虹乍昏乍黑既橫且縱
撥撥風颺洶洶融融愁霖振長平之屋瓦商飈舞
泰山之高松或隨波而上下兮不禁愴恍於空濛
其對月也灝兮若空泓兮若浮既與壁以同圓偕
明鏡而相侔其凝雲也混混荒荒洪洪泱泱比渾
溟之無象與穹壤以翕張環帶紆徐纏綿溶滲輕
橈乍試布帆遙曳觀羣鷗之相逐對游絲之無際
西連崑崙北接膠城青溪為其帶滬邑作其屏其
卉木則有梅源竹園異乎瑞芝之九葩嘉穠之一
莖其禽鳥則有飛鳬浴鷺異乎祥鳥之朝噪神雞
之夜鳴其物產則有白魚紫蟹不必羨黑棗於靈
岐慕素蓮於崑陵其古跡則有赤烏之碑滄瀆之
壘不必矜紫貝以為闕誇白玉以為京自滄桑之
屢遷撫陵谷以興慨歷百禩而莫挾其源履大陸
而莫窮其界 朝廷憂水旱之未宜令修濬以罔

懈糜十萬之金錢計千年之永賴蹟在二江潮同
九派潮疏淪之奇勛願勤修乎勿壞

賦清草堂詩鈔卷第六終

賦清草堂詩鈔卷第六終

男卿雲
景星恭校

殘本賦清草堂詩鈔六卷

江蘇巡撫
採進本

國朝張棠撰棠字吟樵華亭人康熙丙子舉人官至
桂林府知府告歸後加銜爲太僕寺少卿是編原
分五集曰白雲吟曰一肩吟曰獨宜吟曰江上吟
最後所作曰雪篷吟今存者惟江上吟及雪篷吟
餘俱散佚其詩欲以風調勝而骨幹未遒

湛園未定稿六卷

〔清〕姜宸英撰

福建省圖書館藏清康熙二老閣刻本

附《四庫全書總目·湛園未定

稿六卷》提要

湛園未定稿序

桐城錢澄之談

辛亥春予客武塘有以文字一冊匿其姓氏見示者予曰此歐陽子所謂古文也武塘好爲俳體儻句安從得此此殆學韓子之學而幾入宋人之室者也已知爲姜子西銘作與相見歡甚自是日過從談飲極旅中朋樽聚首之樂明年予入都門未幾姜子亦至其秋徐太史原一邀同官數子與姜子及子爲西山之遊姜子所至題咏都遍時予年六十有二姜子猶強仕時也別去十六年子飢困日甚姜子業入史局

湛園未定稿

錢序

與蔡修戊辰春再入都門過其邸舍意思淹抑其困殆不減予今年復相聚玉峰則予年八十而姜子之齒已屆予向時西山同遊之期矣歲月飄忽人生能得幾聚散哉姜子爲人質直任性或不合時宜而於王公貴人亦率其自然不爲少變此其所以可重也於是予將別姜子而西姜子亦東還矣臨行出其湛園未定稿屬予序之予覽其編次則昔時武塘所見之篇有僅存者而後之所作視前則益有異矣姜子與予論書必取法鍾王其臨摹晉唐諸家既已入神近復旁涉宋元以書至米趙而始盡鍾王之變於論

文亦然謂韓子文起八代之衰而惟陳言之務去彼所謂陳言者詞也而所欲明者理也理至宋元而益明而說始益暢孔子曰辭達而已矣學韓子而不極諸宋元未可謂善學韓者也予於是益信吾向者之一見其文而即嘆爲學韓而得宋之說爲不謬矣夫姜子必由韓子而浸淫於宋元亦猶其書法本諸鍾王熟而後可以爲米趙也而今之言詩者於唐人音律氣韻一切未之前聞而昧昧然欲黜唐而尊宋此尚足與言詩哉予於文不知是唐是宋惟直聽吾中之所見盡其所欲言以詞達而止予蓋惡夫世之規撫沿襲而不能自出一語之爲可哂也不知於姜子之議其有合焉否耶然姜子學書得執筆之法心手疲勞至於眩暈欲絕臨摹攻苦寢食俱廢蓋至今而始成可謂得之難矣則其窮源審流以有是文也亦豈易哉予不善書試一效姜子執筆不移刻腕指欲墮輒棄去以是書不就然則予之不能劇心鉢腎以爲姜子之文亦猶是書也審矣

湛園未定藁序

長洲韓 炎韻

余識西溟先生三十餘年矣固未能盡知海內之賢豪默數所及見以爲不可及無如先生者而所如之窮窮且久久益自彊益不營亦無如先生蓋三十年間人事之變化多矣姑勿論貴遊子弟挾其聲勢氣力弋取功名意滿以去卽窮老失志羈孤伶條不平之士屢躓久困塲屋中晚乃終得一當以不負其豪於平生者比比也而先生乃獨如故夫窮亦何病然至斯極矣先生負氣自高不肯浮湛俛仰豈亦有嫉

湛園未定藁

韓序

而擠之者與迺輒相左如此可異也方徵博學鴻儒時廷臣得舉所知余亟欲以先生薦院長葉文敏公約同署名會公宣入禁中待之兩月及余獨呈吏部已不及期矣睢州湯先生後主試浙中歎息語同事暗中好模索勿誤失姜君竟亦不能得也自是之後每榜發諸公無不以失先生爲恨至乃名微聖主之知而冥冥之中卒或尼之與夫誦南山之句傲

逆旅之中者其不遇更奇而深足悲也然先生一一以介意益肆力於詩古文辭挾其高潔軼塵之骨而出入斟酌於古大家一句字之未安不輕出也久

之自定其古文若干首猶名之曰未定稿問序於余
余竊謂夫恃才睥睨意輕一切者多也衙官北面大
兒老兵詎長風流徒資僂薄丁敬禮有云後世誰相
知定吾文者王文憲嘗出所作屬任彥昇改定曰後
世誰知子定吾文文章於道未爲不尊知之寸心俟
諸來者豈易言定乎先生蓋孤詣入微而用心益細
也其意直追古作者上下惟恐有豪釐缺漏未滿之
處其取精可謂奢而亦已貪矣造物之所予不能兩
有而於才名尤靳焉成此虧彼其窮故宜即使遇亦
未必不窮古之取上第爲朝官而以文章自名者其
堪圖未定藁

韓序

二

顛頓狼狽豈少哉嗟夫窮達何足言正悔不讀書耳
如先生者足以樂而忘老矣

湛園未定藁序

無錫秦松齡撰

余友慈谿姜子西溟負耿介之氣潔直自將與世寡
偶獨好觀古人書每比次其行事而論其是非成敗
得失必準諸理辭盡而意沛若有餘其他所爲文字
俱不苟隨人高下近世作者未有能或過之者也西
溟少精舉子業屢蹶有司愈不喜說隨弋獲前年已
有以其名上聞者會格於例旋報罷故余嘗謂西溟
嗜古近癖而不能與時文定其榮辱之數名達

九重而不能與流輩爭其一日之遇西溟聞之殊不

湛園未定藁

秦序

以介懷也日就余言古今文字有一定之的雖銖毫
分寸不可踰越若學者則務與年俱進與時俱變耳
終其身無得止法也以是益發憤欲盡屏人事并力
以從事此道會奉有纂修之命治裝北上哀其前
後著爲一集而中所芟汰者不下十之三四集成將
挈之以行余視其才力雄富而一規於法擬古作者
分量恢恢有餘地然猶自署爲未定藁印其志可知
矣

湛園未定藁目錄

卷之一

論

春秋四大國論上

春秋四大國論下

楚子文

楚子玉

續范增論

秦始皇

蘇秦

湛園未定藁

目錄

黃老

周亞夫

蕭望之

荀氏八龍

梁將王景仁

二氏論

擬藁

明史刑法志總論擬藁

大清一統志江防總論擬藁一

大清一統志海防總論擬藁

日本朝貢始末 海防志擬藁

卷之二

序上

五七言詩選序

唐賢三昧集序

晉執政譜序

目下舊聞序

尊聞集序

騰笑集序

夏子詩序

湛園未定藁

目錄

餞別詩序

贈行詩序

吳虞升詩序

陳君詩序

一研齋詩序

文選類鈔序

張子制義序

賀歸娶詩序

廣陵倡和詩序

陳其年湖海樓詩序

友棠詩刻小序

王給諫詩序

櫻桃軒集序

劉子詩文集序

嚴蓀友詩序

過嶺詩集序

黃子自譜序

十峰詩刻序

健松齋詩序

無題集韻詩序

湛園朱定彙

目錄

三

高舍人蔬香集序

奇零草序

鄒君針炙書序

志壑堂集序

詩義刻序

願息齋詩序

初荅閣詩序

松溪詩序

誥贈中憲大夫沈公崇祀鄉賢詩序

州泉積善錄序

周子詩序

陳六謙之任安邑詩序

韓子集序

奕譜序

李蒼存詩序

卷之三

序下

贈翁祭酒遷少詹事序

贈汪檢討出使琉球序

贈王少詹使祀南海神廟序

湛園朱定彙

目錄

四

賀崑山徐公入閣序

贈李編修出守臨江序

別葉編修序

送陳紫馭遊永康序

送徐道積序

送馮子序

送王子序

贈董君序

送鄭庶常請假歸省序

送王白民隱君南歸序

贈永樂寺僧序

壽序

誥封都憲陳太公壽讌序

誥封都憲陳太公八十榮壽序

代壬戌進士

送申學使赴任過里爲茅太夫人壽序

冢宰陳公五十壽序

贈定海薛五玉五十壽序

送姚子南歸爲其母夫人壽序

顏母朱太宜人壽讌序

徐母李孺人壽序

湛園未定集

目錄

五

宋僉憲壽序

贈董子爲其母夫人壽序

大司寇徐健菴先生壽讌序

馮君壽序

王母申太君壽序

卷之四

記

劉孝子尋親記

蘭溪重脩尊經閣記

狄梁公廟記

重脩嘉善縣署記

惠山秦園記

雲起樓記

持敬堂記

萼園記

拙閒堂藏硯記

五園圖記

十二硯齋記

小有堂記

汪春坊讀書圖記

湛園未定集

目錄

六

思硯齋記

停舟書屋記

貞靖祠雙松記

書啓

與友人書

投張閣學書

寄葉學士書

與鄧叅政書

與萬充宗書

與馮元公書

投所知詩啓

卷之五

題跋 書後 辨 說 論 議 贊 記

臨鍾太傅四表跋後

題潛溪集謝臯羽傳後

困學記題辭

題南齊旌表華孝子小像 詩附

題程君卷後

題傳經堂贈言

歸太僕未刻葉題辭

湛園未定藁

目錄

七

碧山堂關酒詩跋

唐刻石蘭亭三種記後

求志軒集題辭

題蔣君長短句

書儒林傳

書左雄察舉議

書嵇叔夜傳

書郭元振傳

書史記衛霍傳

書張耒丙吉論

書王倫傳後

書春秋列國指掌圖

書呂氏春秋

讀孔子世家

釋奠必有合辨

辨吳氏論不喪出母

鼻亭辨

姚明山學士擬傳辨誣

辨戴記三條

友說贈計子甫草

湛園未定藁

目錄

八

程處士篆刻說

菊隱說

錢黃兩家合葬說

論詩樂

與子姪論讀書

論毛詩王風

嚴父配天儀

漢壽亭侯像贊 并序

方先生像贊

記周孝廉兩世改葬事

雜著各條

碑文

京口義渡贍產碑文

傳

謝工部傳

新城王方伯傳

董公傳

李節母丘太孺人傳

家傳

先叅議贈太僕公傳略

湛園朱定藁

目錄

九

先太常公傳略

賦

帝城積雪賦

玉河春柳賦

卷之六

墓誌銘 墓表碣 行狀 碑陰

文學邵君墓誌銘

前御史何公合葬墓誌銘

江南布政使司叅議前戶部侍郎櫟園周公

墓誌銘

掌京畿道事監察御史任公墓誌銘

文學馮君墓誌銘

太學生謝君墓誌銘

贈工部營繕清吏司主事張公墓誌銘

周節婦墓誌銘

戶科掌印給事中黃湄王公墓表

旌表節烈湯母趙恭人墓表

贈奉直大夫張君墓表

文學李君墓碣 明經李君墓誌銘

封文林郎翰林院編修沈公行狀

湛園朱定藁

目錄

十

光祿卿龔公墓碑陰

誄

故徽州知府前工部郎中復齋秦公誄

文

數賊文

祭文

祭慎詒馮公文

祭大學士徐公文

祭凌氏姊文

祭濂兒文

湛園未定藁

論

春秋四大國論上

春秋之大國四內則齊晉外則秦楚齊晉至春秋之末俱相繼亡而秦楚延世又數百年及楚亡而秦卒得天下其故何歟語有之木再實者其根必傷則齊晉之謂也齊自太公表東海以來其勢固日趨於強矣及於桓公之霸率率同盟南征北伐兵車之會三而乘車之會六一匡天下九合諸侯天子致胙命無下拜蠻貊君長冠帶之國無不東面而朝於齊其自

湛園未定藁

卷一

論

謂與三代受命之君無以異可謂盛哉桓公死晉文繼霸子孫之主盟中夏者累世諸侯以國之大小歲受貢賦庭實充溢於公府貨賄交賂於私室天王召會而卽至侯伯見執而罪已是時天下靡然不復知有天子矣夫始之有霸以尊天子也至其後乃奪天子之勢而自予焉而天下不敢以爲專然人臣而擅天子之勢此豈可以爲常者哉齊桓公沒歷世不振至康公而國篡於田氏晉用六卿亦移其祚非齊晉之國至是而始亡也其始之脅制諸侯討貳舍服所以耀吾軍實以奔走讐伏乎天下而恣睢以享天下

之奉者其力固疲而氣固已竭矣一旦大權既去蹶然顛仆何足怪哉若夫秦楚則不然春秋莊九年書荆敗蔡師楚僻在扈至此始通中國二十年伐鄭始稱楚僖十九年始得與諸侯同盟於齊方其未與中國接也楚特蜩蟻疆於江漢之間耳王室之所不臣擯之而中國之諸侯非類畜之者也及其得志爭盟中夏征車四出則楚之禍四連於晉南結於吳平昭之間羣臣奔命不暇而國之幾亡者再矣然其所以宜亡而不亡者何也吳滅於前而晉分於後也自三晉之分力不足以支秦楚則楚之危者以安而秦之弱

湛園未定藁

卷一

論

者以強故晉之存亡此秦楚安危強弱之繫而春秋之一大變革也由是觀之楚之延世之久長者以其爲中國後起也楚雖後起而猶幾不免於亡者以其威太盛也故盛者必衰強者必折自然之理也秦國尤僻小雜於西戎穆康之世與晉構釁見於春秋至于他國所用兵者鮮矣傳稱穆公并國十二開地千里其所攻取大抵皆在戎翟之界方是時泗上之諸侯奉盤敦歃血而爭長者歟然於壇坫之上喜而朝怒而叛者紛紜於晉楚之境其視秦若不甚可畏也秦亦漠然無所與擁峭函之固迴翔熟視而不敢以

爭一日之雄左氏曰秦穆之不得爲盟主宜也不知盟主非秦之所欲也秦唯不自爲盟主故能蓄積其氣勢徐以待諸侯之衰而乘其弊歷于孝公之初辟土益廣然河山以東強國六猶以扈翟遇之損而不得與盟會則夫秦之所以終強而六國之所以或微或滅者其必以此矣或曰吳越之興亦後矣而驟滅何也曰吳越之君純用扈禮而無法度紀綱以維之此如水潦之暴漲何足與持久哉秦不妄慕乎中國之盛寧自棄於僻陋以俟時而後用之故齊晉與六國亡而秦不亡秦又不純以扈翟自處而法度紀綱

淮園未定業

卷一

秦

秩然有以維繫其上下故雖其後起之強大如吳越者皆以驟盛而滅而秦不與之俱滅且此非獨於秦楚然也詩曰縣縣瓜瓞昔周之中世嘗微矣不窟失官窺於戎翟之間歷夏商千餘年天下幾不知有周矣公劉遷豳稍稍生聚與其人執豕于牢舉匏尊而酌之此其自視與天下何如者然太王一出岐山之陽猘犴械走昆夷勃然起翦商之志不數傳而得天下是何始之微而終之盛耶不知使夏商之世而周卽能強大如桓文時則其後且覆亡之不暇何暇以天下爲哉故曰其微也斯其所以爲盛者也然武王

既得天下散馬放牛櫜弓矢包干戈以示弗用使天下若仍不知有周者而後民安之而始皇日嚮嚮焉出師強胡加誅勁越窮兵黷武以外市其強大之形強大之勢震於外而危亡之機成於內矣則亦異乎其始之所以立國者矣

淮園未定業

卷一

秦

春秋四大國論下

齊晉秦楚歷世之修短吾既已言其故矣然此猶論其大勢也非其所以受病之處夫人之稟命於天壽夭不同然其將歿也必有其所以受病之處知其病而消弭之於早則病者可起歿者可生不知其病而預爲消弭之則亦已矣晉之六卿齊之田氏此其受病之處也國之有強臣如身之有痞疾齊晉之君不知消弭而聽其塊然於胸膈之間方其未發手持足行耳目便利視之猶人也及其既發而塊然者已不可復圖矣秦楚之君之治其病也唯不待其既發而

范園未定案

卷一

春秋三

圖之故其治患也不勞及其患去而國之元氣亦以愈固蓋權臣之竊其國也類非一世之所能爲也其積之有漸故其治之有因且其初非必皆國之小人也彼陳敬仲趙文子之徒豈逆知其子孫之有是事哉勢之所趨極重而不返則雖有賢明之君忠正之臣常不能保其後之不爲亂夫秦楚之君之善治其病也亦揣其勢之所必趨而逆折之無使之至於不可反斯已矣楚之有令尹也此大權之所萃也令尹之佐有大司馬左右司馬政出于令尹而兵柄則分掌之司馬子木爲相薦掩爲司馬使具賦數甲兵既

成以授之子木故曰司馬者令尹之偏王之四體也

昔者子元圃椒俱嘗爲難於國中矣發不旋踵身被禽滅其時之家臣宗老不聞有擁甲以觀變者兵柄不屬故也令尹之權既分而其制國也尤有法分國爲縣縣設公以處之內有變則入而靖亂於內而強臣不得縱恣以爲內之大患子元伐鄭還處公官而申公鬬般殺之白公稱兵而葉公諸梁自蔡入而討之是也外有患則卽發其縣之賦以征討子境外救都之役申公子儀息公子邊以申息之師戍商密繞角之役公子申公子成以申息之師救蔡陰地之役

范園未定案

卷一

春秋三

司馬販起豐析之衆以臨上雒是也齊晉大夫之有采地以封殖其私家故曲沃據而欒盈叛邯鄲入而荀寅叛晉陽修而趙鞅叛狼丘封而雍廩叛而楚則不惟使之不可叛而反能因其力以外備諸侯而內制其強臣齊晉之衰以家之有藏甲而楚以令尹之權欲舉國而唯吾用之而且有所牽制而不可動其制使然也楚令尹之權既分其制國也有法而其因事杜害也尤有漸昔者子南爲宰其士觀起無祿而有馬數十乘康王聞之車裂觀起尸子南于朝薳子馮繼之所寵者有馬八乘聞申叔豫之言謂之生夙

而骨肉夫宰臣之寵士而使之有馬自常情視之非甚大罪也然楚之君臣涕泣相告若危亾之立至而誅殛隨之則其慮患也不亦密乎秦公子鉞出奔于晉有車八百乘謂晉大夫曰若能少此吾何以得見乃知秦與楚同一意也公子鉞親景公弟終景公之身不敢以返國則人臣而富者是秦楚之所深仇也其後秦昭王一聞遊士之言逐穰侯華陽君之屬而出之境若去毒螫夫秦之日夜思芟鋤強臣而欲已其病者如此其至也故封建之不得不廢亦其勢然也秦之祖宗固欲廢之矣且此豈獨秦之意使秦不

漢圖未定業

卷一

許敬五

楚子文論

大臣之患不在于強直果遂任怨生事而在于儒懦迂緩名爲阻藉而其實持祿苟容之人漢之初用申屠嘉周亞夫可謂慤矣而天下卒以治至于元成之際任匡衡張禹孔光之徒以爲相卒至釀成衰亂大盜乘之遂以移國蓋持祿苟容者嘗選懷避事其禍陰中于國家而言者欲舉之則無過可指任事之人日夜揣摩利害以身當其難能使一國之紀綱風俗翕然振動而不可散然及其計左事敗而其罪常至于可殺夫與其用一可殺之臣罪歸舉者則孰若姑

漢圖未定業

卷一

楚子文

取一切無所短長之人而進之利可分功而謗亦不及于已歷觀自古國家之委靡潰敗浸淫而不悟者有不以此也夫左氏傳楚令尹子文使得臣爲令尹蘧呂臣曰子如國何曰吾以靖國也夫有大功而無貴仕其人能靖者與有幾余讀之而歎曰嗟乎子文之言失矣夫令尹楚相也相之任所以統攝百官贊理弘化非其人莫得居之而豈賞功之職哉及子玉死蘧呂臣實爲令尹左氏曰未已而已不在民蓋惜子玉之亾而信子文之非失舉也然後歎子文之心非左氏其孰知之也當是時齊晉迭強楚威幾頓

矣子文唯以奉已碌碌者之不足以託國以支齊晉而制諸侯之勢而子玉剛愎又非執政之器然而一時之人才寔無出其右者則以權舉之可也特其暴貴任事慮不足以服衆故因其伐陳取焦夷而還而授之以政而託之以功賞所以厭衆人之心而明呂臣之不足以深言也其後又使之治兵于蔿俾得斬斷于國中以重其權而國人始曉然于子文之意矣蔿賈者姦人也其言曰子玉剛而無禮不可以治兵過三百乘不能以入矣夫子文能知越椒之狼子野心于始生之時豈不能知子玉于執政之日必待稚

灌園未定藁

卷一

楚子二

子而後決哉蓋剛而無禮子文之所知也子文以爲剛而無禮者之不足以易庸庸者之禍深也故寧棄其短而用之子玉之死晉侯聞之而喜可知也故當時之知子玉者子文與晉侯也向使成王于此能如秦之用孟明晉之用荀林父俾之復位脩政息民以待其隙并力而再舉則晉楚勝負或未可定當城濮之收績也左師旣潰而子玉猶能力收其卒全軍于奔北之餘安在三百乘之不能以入哉傳記鬬般爲令尹蔿賈譖而殺之乘機以取司馬其處心積慮欲阻撓有功之臣而奪之位者非一日矣故子玉憤憤

于一戰願以間執讒慝之口蓋謂蔿賈也然則子玉之敗亦蔿賈有以激之也已嗚呼自古人才之難得也用一人而人得而撓之則功不可以成子產之得有爲於鄭也以子皮力持於上而後強族不偪子玉之不終天也即使子文聽間者之言而廢子玉不用楚固不至于大敗然第取碌碌率已如呂臣者而委之社稷之事將百姓何望哉才臣之取敗其禍在一時庸臣得志而潛潰其國家其禍乃見于數世之後漢匡衡張禹孔光之徒是已大臣之用心固不可以目前之成敗論也

灌園未定藁

卷一

楚子三

楚子玉論

澹臺滅明濟河中流有蛟挾舟求璧滅明斬蛟投其璧於河君子之於人也不可以威故怵不可以利故誘遇異物怪類而可以威怵利誘焉則亦不足爲君子矣楚子玉爲瓊弁玉纓與晉將戰於城濮夢河神求之不與榮季諫不聽戰竟敗時人以爲歸咎而左氏傳之是何諫者之愚而左氏之好怪也子玉之敗以剛而無禮不由河神使子玉與順以處已廣益以集國事雖不與河瓊弁玉纓何害若猶是剛而無禮者拂衆犯難衆實怨之於河神奚有焉榮季之諫當

湛園未定藁

卷一

楚子

謂其不徇衆不班師不當咎其不與河瓊弁玉纓也水有四瀆王者以禮秩祀之次於五嶽享王者之祀蒞晉之境許人土地威福自擅不忠罔人以利以貪其所愛不廉挾私敗成殘民以逞不仁不忠不廉不仁是謂淫祀子玉違淫祀者不聞其以違諫子玉不與河瓊弁玉纓可不謂之守正乎守正而見譏爲善者滋懼矣晉文公聞子玉歿而後喜可知也曰莫予毒也已夫子玉晉文之所懼也豈能縮惡爲河神下哉楚昭王有疾卜河爲祟大夫請祭諸郊王曰不穀雖不德河非所僂罪也卒不祭而歿孔子曰知蓋

君子不言禍福而禍福之來有適與其事相值者好事者遂從而實之嗚呼其亦昧於道也甚矣

湛園未定藁

卷一

楚子

續范增論

夏商之季其君無道而湯武誅之以臣弑君而不謂之篡取其天下而居之而不謂之貪何哉其故在於順人心而已夫天立君以爲天下也彼斬刈其民惟恐不勝而吾出死力以除之以救民於水火之中則亦安然以爲爾之君已矣二世之惡浮於桀紂關東之師正於湯武於此之時而有能顯暴其罪於天下奮不顧危如夏商之季之所以誅其君而弔其民者雖爲之君可也惜乎項氏有取天下之資而范增以其計誤之也方項梁與羽謀殺會稽守西嚮渡江以難圖未定繫

卷一

會諸侯之師約共亡秦非有所稟命而行也以項氏之世將聞於天下非如他之所謂暴受大名不祥者也當此豪傑並起智略輻輳之際角帝而帝角王而王風起塵涌以爭勝於鋒鏑之下者何可勝數增也以七十之布衣與羽相遇抵掌而談當世之務不乘此時導羽以收拾人心延攬謀士急伸大義於天下而特勸之以扶立義帝提牧豎之手加之十數強悍諸侯之上增以爲非此不足以制秦之命乎夫無故而奉一無功之匹夫甘心以爲之臣而不辭雖聖賢有所不能增以羽爲終能臣事之乎增之心不過

謂藉其虛聲可以速致天下耳不知懷王以變說客死楚人特憐之而非有德於天下也使天下樂秦願爲之死雖百義帝何益不然秦之當亡誰不知之天下方皇皇焉欲得吾以君之而又何有乎無功之匹夫取其昏庸殘孽相率而爲之下乎且增亦未聞天下之大義也夫既一日而爲我之君矣則其勢不可以復臣非勢不可理不安也彼范增者徒目擊夫廣勝之事詐稱扶蘇足以鼓動天下之視聽而不顧其後之將有所不安夫即使其後之幸而獲成也亦不過如莽操懿懿之故事名爲揖遜而其實足以詬厲於天下及其不成則相尋於廣勝之餘轍而已嗚呼此山林草竊之見赤眉王郎之所以踵死而不悟者孰謂好奇計者而竟出於此耶議者曰羽之失在先赴關中而急救趙俾沛公得因之以取天下是殆不然羽之救趙義帝之命也羽安得而違之乎帝之約曰先入關者王之顧獨遣沛公而令羽救趙以後約絕之使不得終王關中此其見弑之由也蓋權有所制則其勢自有所不得伸而其計將有所變顧其使羽負惡名於天下者增也若夫沛公既轉戰以及中矣此樊噲所謂勞苦而功高者而增也於羽之

焚燒咸陽誅戮子嬰天下成敗之關孰大於此乃卒
不聞一言以爭而惓惓於擊殺沛公爲事一沛公可
殺諸侯之謀士如雲秦民之思漢日甚增能悉制之
無一反耶亦可謂愚而拙於計矣夫沛公義帝之所
適也苟可以成項王之事者增猶將不顧其不義而
欲殺之何有於卿子冠軍議者謂殺卿子冠軍者是
弑義帝之漸也不知此亦增之謀也增之去羽不於
羽弑義帝之時而於羽受漢間之日羽之疑增亦不
於義帝弑之前而於漢間既行之後然則義帝之
死增亦與有力焉況增之資漢以名也非一日矣彼

漢圖未定策

卷一

增

義帝者亦幸而見弑於楚以死耳使其不死以及於
漢之將王漢將安所處乎度終臣事之不能也計無
過封爲大國名爲不臣拱手揖讓以代之君其去九
江之利刃一間耳而稿素以從天下卒使漢之得委
罪於楚者增之謀實爲之也或曰漢王長者必不爲
此豈不昧人情之重孰如父子方羽之與漢王臨
廣武而軍而置太公於鼎上也其危不容以毫髮而
漢王且從容而謂分我以杯羹夫其親之不恤而何
有於君哉吾故曰增之資漢以名也夫楚得增而亡
漢用子房終以獲濟亦其謀之有善有不善也初楚

國漢榮陽或勸漢王立六國後撓楚權賴子房諫以
止卒消諸侯牽制之患者子房之力也其後光武用
掣於更始耿弇諸將勸之早絕而河北之功成明太
祖初設韓林兒座劉基獨罵不拜曰此豎兒安足奉
太祖從之而金陵之鼎建彼數臣者豈樂導其主以
寡恩哉蓋誠有見於帝王光明磊落之業慮爲可居
之功而不屑爲山林草竊之計以微倖於一時之便
故烈光於前世名炳於竹帛唐高祖不知此義起兵
太原以誅楊廣湯武之業也其事本順而終於代王
之禪致唐祚不得正其始此則謀臣劉文靜輩不學

漢圖未定策

卷一

增

之過爲可惜也項羽殘暴失人心無終得天下之理
要之范增者所謂無謀之甚者也考增事羽終始無
可稱述唯勸立楚後與日謀殺沛公而已而其計皆
不足以有成增不去羽亦必亡增之不得爲人傑明
矣

秦始皇論

人之所由存者神明也其亡者神明去也斯則形骸之不能爲人存亡也審矣彼秦始皇之求神於海上以爲仙人不死之藥可立就而安期羨門之屬可招手致也吾怪其求之如此其至然竟隕沙丘爲世無神仙不死者夫其治徒驪山上具天文下銅三泉罄百萬家養生送死之具以照狐兔於泉下則可謂至愚者矣夫吾骨已朽矣而此纍纍者獨何爲哉蓋彼方以塊然能飲食之軀爲可以致長生後天地者故湊居宮中極土木之麗美人鐘鼓之奉如雉之護尾

甚固未定稿

卷一

雀之守翠不知其有水不濡而火不熱者在也斯盧生徐市之徒得因而市其利趙高胡亥之謀已成於外螻蟻已思穴其臟腹腎胃而猶以形骸爲性命之所寓也因循不悟以至於死然猶且戀之徒滿藏而瘞焉不謂之大惑與老氏曰吾之所患以吾有身若君子後其身而身存愛其所患內其所外指路人以爲之手足誠又惑之惑也故神明之於形骸也祭祀之於芻狗也存則將其用去則委諸地而已漢文帝終身節儉遺詔薄葬史傳其嗜黃老家言此始皇之不得爲黃老歟

此予二十歲前作前幅數行稍學魏晉人語以其不類聊刪而存之

甚固未定稿

卷二

蘇秦

蘇秦張儀皆天下之辨士也然秦嘗自謂才不如儀是時秦方說趙王相約從親以擅有關東之政而使儀得用於六國則其寵移矣故召辱儀庭下又陰資之使西入秦然後秦肘腋之患始去當此之時儀方感恩之不暇又何暇顧墮其術中則不得不反而爲吾之用故亦曰吾不及蘇君明矣以此知兩君者其平時皆以才相慕又相軋也戰國之士多奇變而其術非從卽橫故皆不可以並立於諸侯之國麗涓之於孫子心害其能必欲計除之故反爲其所殺如秦

港圖未定稿

卷一

蘇秦

者可謂工於用妬者也然自儀入秦而六國之患日滋終於破從解約暴秦過惡爲天下笑非儀負秦面說士之常態也則孰與久要以成其業哉

黃老論

漢自曹參爲齊相奉蓋公治道貴清靜而民自定其後相漢遂遵其術以治天下一時上下化之及於再世文帝爲天子竇太后爲天下母一切所以爲治無不本于黃老極其效至於移風易俗民氣素朴海內刑措而不奮汲黯直不疑司馬談田叔王生樂鉅公劉辟疆父子之徒所以修身齊家治官蒞民者非黃老無法也蓋漢當秦焚書之後詩書放失其一時之人心志平日蕩焉無所寄而黃老之教不言而躬行縉紳先生之所以口傳而心授者所在皆是則乘其

港圖未定稿

卷一

黃老

隙而用之以施於極亂思治之後故其致理之盛幾及於古淳悶之化余攷班氏書爲黃帝書者幾家爲老子書者幾家大抵皆出於漢初人所爲所謂莊周者備道書之一家而已太史公書雖老莊中韓並傳不聞有以莊子配老氏者古今人表僅次周於第六等中下之刻則當時之所尚可知矣蓋老子之教以虛無爲本以因循爲用而其旨卒歸於治天下莊子者徒樂爲猖狂恣肆無涯涘之說以自放其意而已觀其人雖有聖人者出將不爲用也而魏晉間之樂縱誕者必曰老莊習其猖狂自恣無涯涘之說欲舉

之以移易夫天下則天下幾何其不亂且亾矣而老氏之弊豈至是哉漢武帝表章六經羣書輩出黃老之教漸微然儒者曲學阿世文士浮薄無用在朝之臣僅有一董仲舒能明王道而不能用漢治亦愈衰於前豈孔子之教不如老氏哉老氏得其傳孔子之教失其傳故也自孟子歿後數百年而得一董子又千餘年而後宋之諸大儒出焉發明理學體用微顯之要然後世始曉然知儒者之學內足以治其身心外足以開物成務以致乎天下國家之用而卒不知所以用也則孔子之道之得傳于世其亦難矣

周亞夫論

通鑑不載劇孟事故明其意

劇孟特一博徒之雄耳吳楚七國反周亞夫至雒陽得孟喜曰吾以爲諸侯已得劇孟孟今無動吾據榮陽榮陽以東無足憂已恃之隱若一敵國此言詐也戰國時齊田單與燕戰自言天與我神師求之軍中有一小卒妄言我乃是單即東嚮事之以令於軍中敵人聞之皆以爲燕得神師也此兵家所謂詭道也亞夫提孤軍入梁郊七國連橫之師正銳當此之時天下洶洶向背未有所定然其衆烏合易搖也而劇孟方以任俠聞天下故誇七國以劇孟而疑天下以七國之無能爲所以亂其謀而解其勢嗟夫亞夫雖倔彊人其用兵頗多奇計能制敵所不及料故卒能困吳敗楚飢其軍而叛散之走吳王而斬之東越豈彼博徒者之足係其輕重哉方七國之兵起也在漢則有若鄧都尉料敵之神在吳則有若鄒枚見機之早臨敵決勝則張韓弓高灌夫樂布任安之輩或在梁軍或蒞漢將莫不併智協力以成大功而劇孟碌碌其間漢賞亦不及異時亞夫上功之餘亦不聞有所薦揚也其不足爲輕重明矣故愚以爲亞夫之喜

得劇孟也是齊奉小卒之智也

湛園未定藁

卷一

望

蕭望之論

班固曰望之堂堂折而不撓近古以來社稷之臣子
謂望之守常而不知變知嫉小人而不能容君子社
稷之臣不如是也始望之與史高同受宣帝遺詔輔
政而高者帝之肺附之親也昔魏相謀去霍氏之權
因平恩侯許伯奏封事復因許伯白去尚書副封以
防壅蔽是時霍氏雖切齒於相而終不能加之害者
以許伯之爲主於內也史高雖與恭顯相表裏然爲
腹心之疾者恭顯也恭顯去則史高者一參養之具
臣耳何足患哉爲望之計莫若姑舍史氏而無與之

湛園未定藁

卷一

望

爭且與之周旋其間設疑而多爲之間則其黨可離
而恭顯可逐也不知出此乃欲一舉而並去之夫與
人同受顧命於先帝未聞其有大罪極惡輔政未幾
而其所排擠者乃在肘腋之間此自常情視之亦必
以爲疏離骨肉專權擅勢也二語用望之獄詞况元帝問主
戢卒之使恭顯得見德於史氏而藉之口實者望之
也望之可謂不知大計矣且恭顯之宜去不當在元
帝而在宣帝之世宣帝任用法律寵二人以爲中書
令樞機之重歸於宦豎昔蓋寬饒嘗知以此爲患矣
以其地疎而言訐故終於不納望之爲宣帝敬信大

臣則當也陳履霜之戒請還中書之選更置士人罷
二人而去之宣帝明主必能見聽不聽則以去就爭
之可也既不能防患於未萌之先而徒欲強制於橫
決之後固且不可况宣帝以法律任恭顯而望之先
以法律佐宣帝則豈唯不能去之抑且教之使用也
何以言之嘗考宣帝之世無罪臣之被殺者四而獄
成於望之之手者有二焉始附魏相則劾趙廣漢後
去左馮翊惡韓延壽之聲名出已上因劾韓延壽二
獄詞之上史皆云天子惡之惡之云者史臣之微辭
也蓋其文致之巧有以深中其忌矣夫其果於用恭

湛園未定稿

卷一

望之三

顯而不疑者以此哉吾觀望之量狹而妬前以霍光
輕已則謀霍氏以丙吉居已右則短丙吉馮奉世斬
莎車王大功也而止其封爵張敞舊交也元帝欲大
用之則沮之使抑鬱以歿夫張敞與廣漢延壽奉世
之數臣者皆疆幹忠正有力之人也望之縱不能前
去恭顯使其能保全善類陰留之以待嗣主之用則
危疑之際必有所濟計已大失至於顛仄乃反恃一
儉邪譏調之鄭朋而寄之耳目焉欲以是除君側之
惡豈不悖哉大臣當國如望之之所遇不可勝數欲
治小人則當先散其黨欲小人不爲害則莫若內植

其君子之交既不能用小人以外披其腹心又不能
樹君子之交以自固其氣勢反使小人得以乘機抵
隙於其間終至禍發身歿害貽國家未可謂之不幸
也

湛園未定稿

卷一

望之三

荀氏八龍論

東漢風俗重節義而有過於好名之弊故其毀譽多失實如荀氏八龍俗人之稱也而至今以爲美談故余不得不論之當時天下憤嫉宦官士大夫形迹一涉交關終身不齒而荀陳其尤也然陳寔弔張讓後儒議之是矣史稱讓感寔故於黨錮之獄多所全有夫君子之有行以制義也義所不在雖死不可易今不論其往弔之合義與否而但以多所全有爲寔功使諸君子者不同絕宦官清議不立風節不樹豈唯免忠將富貴可立致然其如義何哉以枉道苟免者

羣綱未定彙

卷一

荀氏

爲是則清心疾惡而禍及於親戚故舊者皆非與此虧義害道之甚者也荀緄畏憚宦官至娶中常侍唐衡女爲子或婦此中人以下稍知廉耻者所不爲其見斥公論宜也而史則曰以或少有才名故得免於讖議古今失身喪檢豈盡無才者間有以才高增毀者矣不聞才可掩惡也所以然者以荀陳名盛不敢議故也荀氏之最著者曰爽爽與蔡邕同受徵董卓生爲三公匡正無聞沒後乃傳其與王允同謀誅卓蓋邕以無後故身名立毀荀氏之名望重於天下故雖死而猶以美名附之列女傳載爽給嫁陰氏女

懷刃自誓 令傳婢執奪其刃扶抱載之至陰氏女

閨門自縊歟此事可謂喪心一女且不欲聽其完節豈肯出身除逆爲烈丈夫之舉哉八龍中六人無所表見此二人者名位最顯顧其所就若此余攷荀氏一門無忠於漢者悅爲侍中依違曹氏克位而已攸或皆操謀主爲漢大害逮於顓臾之奸邪至於亡魏而亂晉甚矣然其初所以致名若此之盛者以李膺故也膺師友荀淑爽異時以得御李君爲幸致書貶損自同所天當時膺名重天下故爽之名出而天下信之荀淑沒在膺前或歟在建安十七年年僅五十

羣綱未定彙

卷一

荀氏

梁將王景仁論

王景仁嘗爲楊行密將而救兗州斬朱全忠子友寧于陳全忠自鄆州還攻望見景仁拊膺歎曰使吾得此人爲將天下不足平也後景仁以楊渥之攻奔吳越全忠遣人召之因問道歸梁全忠者唐季之羣盜耳然頗能用其術籠罩衆餘得其歡心以景仁之屠殺其子而不怨反寵任之以爲大將可謂有英雄之風矣卒能制羣雄遂其逆謀非偶然也昔者田橫烹鄭商之兄食其不忍與商北肩而事高帝吾獨怪景仁者親戮其君之子蒙耻而立乎其朝於是乎喪

梁將王景仁論

卷一

三

其善惡之心盡矣且彼亦未審於利害之熟也何以明之夫將以氣爲主氣以心爲主氣之餒焉而欲其將之無怯不可得也心之不安焉而欲其氣之無餒亦不可得也考景仁自淮南歸梁之後終其身僅兩將兵一爲北面招討使帥梁精兵救趙與周德威戰大敗于柘鄉橫尸數千里一攻廬壽軍戰於霍山復敗走遂以亡梁視其爲王師範力戰青州時召諸將飲酒飲已復戰左右勸盼氣益強敵彼全忠者方且從高望見之而動容太息而曰料其後之摧折若此哉此無他殺其子而食其父之脰其心有所不安焉

則其氣之餒而不振無所往而不蹟焉宜也昔廉頗嘗爲趙將矣已乃避讒之楚戰輒不利曰我思用趙人頗非宿怨于楚也一爲趙則利一爲楚則不利夫亦其氣餒而不振之故耶又況於蒙面事仇廉耻道喪而欲其立功晚蓋難矣此禮所謂債軍之將亡國之大夫而孔子以爲不可與于毀相之射者也五代之際其人才本不足論吾悲夫世之功名之士苟且祿位自託于射鈎斬祛之遇而不知其卒無所成也孟子曰枉尋直尺而利亦可爲與今則尺亦不可直徒枉而已矣然且相率而爲之者何其不知悔也故

梁將王景仁論

卷一

三

因景仁之事表而出之爲世大戒

二氏論

朱子謂佛氏之書其徒採取老莊之言爲之其後道家既失其傳反竊取佛氏經教之最膚淺者爲道譬如巨室子弟亡失其先世所遺珍寶乃從其人竊得破釜甕之器誇之以爲已有由是言之佛與老雖異而其言初不異也其說精矣然自東漢至宋未有分佛與老爲兩人者也袁宏漢記西域天竺國有佛道焉其教以修善惡心爲主不殺生專務清淨其精者爲沙門沙門漢言息也蓋息意去欲而歸於無爲此佛教初入中國之言也而所謂清淨無爲者則老

莊園未定業

卷一

三

氏之說矣東漢楚王英傳晚節更喜黃老學爲浮屠齋戒祭祀桓帝立黃老浮屠祠於宮中言黃老卽曰浮屠者明其爲教本一也至襄楷上書桓帝始言老子入居秋爲浮屠道經亦云老子入關之天竺托生維衛國王夫人晉顧歡居夏論亦云又于闐西五百里有比摩寺云是老子化胡成佛處其言固怪誕然惜東漢人時佛教流傳中國尚未久其言當必可徵孔子思行先王之道於東居老子悲周衰去之西域爲浮屠亦其類也而或者執所聞見以爲難信吾意老子出關之後其去留存沒當不至寂然無考使其

一無所傳述既以屏棄老死長爲戎羌之鬼矣則孰與其以往下終也而自崎嶇於流沙萬里之外此何爲者太史公書言老子卽老萊子年百六十歲又云二百餘歲又疑爲太史儋夫老子一人耳一以爲李耳一以爲老萊子一以爲太史儋當其在中國時已難定其蹤跡如此則去之西域一變而爲浮屠亦理之無足疑者也孔子曰龍吾不知其所變化此爲深知老子者至其徒始髡而自私其教曰吾佛也彼老之徒方瞽然不能復名其師之說然後二氏之黨始判然其不可一矣予謂今之爲老之學者譬之老氏

莊園未定業

卷一

三

之嫡子也爲佛之學者譬之老氏之庶子也嫡失其世守而丐貸於庶子之家則今之道家之謂矣然而其本固一也尤可異者若今之儒家者流剽取釋氏虛無幻妄之言一舉而附之孔子講解傳習流淖蔓延是真所謂竊人之餘以爲己寶而不知愧者也然而道家之惑以其先世之失傳耳至吾孔子之教五經六藝之文燦如日星之垂列江河之流衍蔽之而愈明淆之而愈清一舉正之斯昭昭然白黑分而邪正別矣是其實固未嘗一日亡也舍其家千金之璧而羨人之瓦缶釜甕以爲美然且不惜穿穴而求得

之若今之儒者是二氏之徒之所竊笑者矣

湛園未定稿

卷一

五

湛園未定稿卷一

擬論

明史刑法志總論擬稿

自漢秦弊歷代刑典更革不一迄隋開皇間始博議群臣立有定制其最善者更五刑之條設三奏之令而唐世因之高祖命裴寂等撰律令本前代法故爲書而一準乎禮以爲出入禮之所棄律之所收也故唐律爲萬世法程其後放軼於五代之際至宋始採用之然其時所重者勅而已律所不載者則聽之於勅故其法時遷時重終宋之世無一定之律也金

湛園未定稿

卷一

明史一

元以來類因事立法及其積久而網維蕩然明興太祖詔定律令丞相李善長等上言歷代之律皆以漢九章爲宗至唐始集其成今制宜悉遵唐舊帝從其言凡更律者三至三十年始申畫一之制其所以斟酌變通而損益之者至纖至悉子孫守之群臣有稍議更革卽坐以變亂祖制之罪至嚴也而後稍陵戾矣大約律法之漸失者其弊始於人不知律人不知律遂以律之不足以盡情僞之變也於是因律起例因例生例例滋而弊愈無窮自此以往一定於弘治再申嘉靖三酌議於萬曆不清其本而徒爲此紛

紘此如揚湯止沸勢不灼爛不止故舞文之吏從而汨亂之其端不可究詰如加死重也不引律而反引例矣梟示尤重也律無斬例則梟矣以此爲弁於國中徒使高皇帝之約束不信於後世是有司之過也昔太祖定律特設講讀律令一條使內外風憲官考校有司之不能講解通曉者以差罰笞降級百工技藝諸色人等有能熟讀講解者得免罪一次永樂十年命進士詣法司理刑獄正統前監生教官諸項考選御史者皆令各衙門問刑半年而後試之職成化四年以辦事進士丘俊等與見任官一體會書問刑

湛園未定稿

卷一

明史三

又以刑部尚書董方言擇進士楊茂元等三十人於刑部問刑主事缺卽選補之弘治間馬文升爲吏部亦上言請勅法司堂上官督令所屬官外三司督令斷事理問并各府推官人置律一卷朝夕講讀不時按治考校庶使人精法律獄無冤氣時旨雖勅行具文而已由此奸吏愾法妄立人罪或希上官意指或伺人主喜怒隨意比附鍛鍊周內卽如天順間欲誣于謙王文之迎立外藩不得則曰有其意而已而于王棄市矣弘治間以妖言坐斬劉樂矣嘉靖間以詐傳親王令旨殺楊繼盛矣以言大臣德政坐馮恩以

子罵父律坐海瑞矣執法如此欲天下之無冤死得乎至如律有取自上裁及特旨斷罪臨時處治者謂罪在八議不得擅自勾問與一切疑獄罪名難定及律無正文者設非謂天子可任情生殺之也其後元惡大憝案如山積而旨從中則任其免脫矣或本無死理而片紙付獄百口莫辨若世廟之於李默創爲臣罵君例加等坐尤不經之甚者而所司不聞執奏此弊自英憲以後無代無之祖宗三尺法非天子矣人之乎蓋法者所以制刑之輕重者也人者所以用法者也而君人者尤所以用人以共守祖宗

湛園未定稿

卷一

明史三

之法者也然而法果可以獨任哉書曰明於五刑以弼五教期於予治言刑以輔德而用則教可作而治可興也及觀太祖之設施則亦有不盡然者其自謂當元綱廢弛之餘務苛急以繩其群下乃大召天下耆民禮之以歸使得縛其有司之貪殘若勢豪致之闕下所過阻者處以極刑讞實則厚賞其民而抵所縛者以法於是挑筋剝指足斷手刑臙髡首鈞腸之刑而名各府州縣衛所廨左廟曰皮場吏文賂至六十金者引至場梟首取其皮以待後任者設之於坐以示警造清淮樓令校尉下瞰城中所見民吹

彈蹴鞠樗蒲六博亡作業者輒捕至樓中水飲之久之群相枕籍死二十三年以京民爲逆不尸在京之民廢及一半遷於化外者亦一半太祖謂廢爲殺也其他徙邊實都墾田築城自贖及株連死者不可勝數當其時朝野惴惴朝臣至以楊染衣帛早訣妻子入直或佯狂避職猶不得免其操切如此然亦時時有所矜貸既爲三誥示天下而犯者不止一日讀老子書民不畏死奈何以死懼之慨然與歎以徒刑之無益也遂悉罷極刑令議獄一從寬厚又著祖訓首言法外用刑此吾一時權宜非守成之君所宜用以

甚圖未定稿

卷一

明史四

後子孫爲皇帝止守律與六誥不許用照刺刑剗鬬割之刑臣下有敢奏此刑者文武羣臣卽時劾奏凌遲處死豈非仁者之用心哉迹其所爲疑於慘刻寡恩而卒能享國長久海內晏如者以其忠厚垂訓爲子孫後世之取法者有此具也竊按明律比前世加峻復本大誥意創設上言大臣德政及姦黨暗邀人心交結近侍諸條姦黨條凡姦邪進讒言左使教人者斬若犯罪律該處死其大臣小官巧言諛免暗邀人心者亦斬蓋所以尊君卑臣而防患於未然故其後亦終無權姦專制之患及其弊也士大夫朝簪綬而暮繫囚者有之他或建言觸逆立時予杖司寇

不具爰書廷評不暇獄以御史臺不及彈奏撈掠所加血肉糜爛上避殺諫之名下有屠身之慘至於堂廉亡等士氣不立而廉耻道喪其所由來者有漸要之詔獄之設爲禍尤鉅行之二百餘年雖有哲后曾莫知變馴至亡國悲夫故綜其大畧著之篇而以厥衛終之厥無列傳故備列其姓名使有所考

甚圖未定稿

卷一

明史五

江防總論擬葉大清一統志

岷江會衆川之流出岷而後滔滔東下然其勢猶未極盛也至過江陵則漢江統西北之水而趨鄂渚洞庭合西南之水而出岳陽又經黃蘗而向潯陽則彭蠡會饒徽賴袁諸方數千里之水以南出湖口東北納淮南之衆流泄宣潤之陂澤所受天下水幾十之四五自九江以下兩岸南北涯涘無際汊港縱橫故小則漁徒鹽戶出沒藏姦大則巨盜之揚帆鼓棹挾風濤而負固者不可誰何也明制用都御史設操江署於應天府之新江口上起九江府之南湖汛下至

港圖未定葉

卷一

江防一

南直圖山三江會口一千五百餘里以時分班操練水師又設南北兩巡撫兼理兵務操臣任江中撫臣督率互爲策應而兩御史巡閱之於是取民間之少壯充弓兵巡司保伍聯結制姦人無所得出入洲渚港浦步步設備營柵相望櫛比而鱗密矣本朝鼎初設操江駐池州改駐安慶康熙元年始議撤巡江兩御史裁操江而以其職并轄之於總督都御史規制稍變焉臣謹按古之有事於江者未有不因江之利者也易曰王公設險以守其國夫長江固天下之至險也而亦有國者之所恃以爲守也徒知其

害而不知其利因用之以取勝豈謂乎一時勢者哉

然而有南北之分勢有荆業之大者一統之全勢所謂南北之分勢若孫吳東晉五代及後唐南宋是也時則以金陵爲居重以上流爲控扼以全蜀爲根柢蓋自京口而至秣陵是爲長江之險自武昌而至江陵是爲荆湖之險守長江者以兩淮守荆湖者以襄漢南宋李綱論守備之宜請於淮東西及荆襄置三大帥屯重兵以臨之分遣偏裨進守支郡上連下接自爲防守其說偉矣南唐罷漢淮把淺之戍周師得以深入楊行密與朱溫亟戰於淮上溫不敢渡江

港圖未定葉

卷一

江防二

而楊氏遂能以淮南一隅與中原抗此則淮江相爲唇齒之效也晉羊祜據襄陽險要開建五城給吳人罷守石城杜預得以收江陵之捷晉陶侃取襄陽命桓宣守之而趙人不得越漢沔以取荆此則襄陽與荆湖相與唇齒之效也然而根柢尤在於蜀者江之所從出也我不得蜀則長江之險與敵共之矣晉之滅吳隋之平陳元之盛宋皆先取蜀而後舉兵隨之其已事也獨典午南渡未嘗得蜀而得宴安江表數十年無西顧之憂者以蜀之未與中原通也苻堅既克漢中復平蜀密令人預備於蜀將以入寇於

時蜀漢之軍順流而下幽冀之衆至於彭城使其不輕身先進徐以待東西萬里之師水陸俱下以壓區區之江左豈有幸哉故蜀固而後襄漢得爲荆湖之藩蔽荆湖守而後兩淮得爲金陵之門戶此偏安之勢然也宋之取江南也所出之道一荆此沿江而下之師也晉之取吳也所出之道六涂中江西武昌而夏口江陵益州而公江之道五隋之取陳也所出之道八六合襄陽永安江陵鄆春而公江之道四元之取宋也所出之道二淮而公江之道一則上流之勝勢斷可識矣獨明太祖起兵淮甸日決勝於吳楚之間其始由和州渡采石取集慶尋取京口以斷張士誠絕江之路既而陳友諒襲太平犯龍江不與之爭於境內乃溯流直上而西躋之於鄱陽進兵武昌而東南大定矣此所謂因江之利而善用之以取勝者開創之盛業帝王之極功也至於承平已久風波恬息持籌長筭之士無所得騁其間其視長江衣帶固漁人舟子之所以泳游而兀狎之者也然而備又不可以不預也昔吳紀涉之劉魏主曰江自西陵以至江都七千五百里疆界雖遠而險要必爭之地不過數處猶人身七尺之軀靡不受患其護風寒者亦數處耳彼所謂數處者

不過西陵荊州九江采石京口迤江諸險要而已此特就其國言之也若夫有天下者則其風寒之所當護者又有大於此者焉試以明事徵之正德間劉齊之寇沂流上至九江又下南京往來者三如入無人之境然其始亂則近畿也其末也賊張獻忠由黃州圍風鎮飛渡武昌陷省會全楚魚爛同時群盜豕突池和廬鳳悉經焚掠烽火照於江南然皆自秦豫來也如是病有所從起患有所必備雖七千五百里之外孰非吾一體之所常護者乎而況卽此七千五百里中水陸之路斜以支港傍蹊曲徑觸處成險雖節節分營而於各營之中又自有其護風寒者其規模宜廣其布置宜密故吾爲防者必合天下之全勢而計之務使遠邇聲息真若一體之相周流聯屬而不至有一旦猝然不可救之患而已此在一隅偏安者苦於掣肘而若有所不及爲今舉天下之大唯吾所欲爲之而不致有猝然不可救之患者非萬世一時哉故曰有一統之全勢者此也我朝撥亂之餘功令一新所遣將軍都統以下星列棋布於荊州江寧京口諸重鎮奇兵游兵巡江諸營或守禦非常或往來探哨千里之遙應若呼吸隔江南北若運指臂以

故比年以來滇黔兩廣外暨九真日南珠璣孔翠異香文犀屬甌實帙之貢浮江而入河者若過於枕席之上巴蜀之名材荆楚秔稻連檣接艦而輸於天府散給吳越者若取諸左腋之下可不謂盛烈哉然而芟蕪萌芽墜塞罅漏圖大於其細制近於其遠吾之法一定而天下之變日出而不窮其不得以太平無事而忽之也明矣臣謹按明制江防與唐宋經略微有不同者嘉靖以後懲於倭患江防與海防相爲表裏也江自京口金焦起下與海接爲第一重門戶外汜於廖角嘴營南沙南北相對則爲入江第二重門港閘未定業

卷一 海防

戶也江南以及通泰之呂四塲掘港諸處與海相通者在在皆所經畫凡以防江卽以防海此其所以視前代加重而我皇上於今海氛旣靖之後猶不能無加意於門戶之守者明主之意周乎天下誠非前代帝王所能及也舊明操江臣洪朝選故有江防要覽諸書後吳時來作江防考王篆繼緝之本朝順治間操臣李日茺具有成書皆略載當時見行事例而已不及有所証明臣今紀自明世以及本朝設官各訊要害參伍古今備志沿革而於大江源委亦詳著於篇

海防總論擬纂 大清一統志

國家混一區宇聲教覃被汜於無垠唯是東南縮波而州者千餘里一二狂孽弄兵島嶼烽烟時接吳越間至不得安枕而寢

皇帝御宇之十八載神謀潛運削平反側從疆吏請以次用兵於臺灣樓船直指繫組待命厥角稽首恐後遂畧定其地

天子乃按輿圖置一府三縣設之官府綏戢之易鱗介爲衣裳於是依島之國爲我邊界海隅日出而不率俾皇哉振古無前之偉烈雖詩書所載何以加茲先

港閘未定業

卷一 海防

是海寇鄭成功盤踞金門廈門間尋奪臺灣居之遊舫入犯飄忽南北軍吏苦於奔命康熙初廷議以爲徙民內地寇無所掠食勢將自困遂悉徙粵閩江浙山東鎮戍之在界外者賊計果絀降者接踵二年立定界椿連歲遣官巡閱邊海諸郡縣八年有詔稍展界縱民得採捕近海十三年成功子經乘閩叛游居漳泉王師收閩寇遁疆臣再脩邊備而海壇金廈復置戍兵矣十九年六月福建督撫臣議處投誠之衆奏請給還民界外田地以無主者俾之耕種且曰方今海外要地已設提督總兵大臣鎮守是官兵

在外而投誠在內計可萬全無慮 詔許之閩界始稍稍開復二十三年五月克臺灣十月兵部議請各省開界得

旨江南浙江福建廣東沿海田地可給民耕種諸要地防守事宜其擇大臣往視焉乃以工部侍郎金世鑑都御史呀思哈往江南浙江吏部侍郎杜臻內閣學士石柱往福建廣東

上面諭遣之許以便宜設防守事竣奏聞世鑑等往會督撫巡視遂盡復所棄地與民各就地險易撥置戍兵疏上報可自是沿海內徙衛所巡司墩臺烽堠寨

淮園未定藁

卷一

海防二

堡開隘皆改設於外畧如明初之制民內有耕桑之樂外有魚鹽之資商舶交於四省遍於占城暹羅真臘滿刺加浣泥荷蘭呂宋日本蘇祿琉球諸國乃設椎開四於廣東舉門福建漳州府浙江寧波府江南雲臺山置吏以蒞便泉貨流通則奸萌自息此上策也而諸番緩耳雕脚之倫貫領橫褭之衆莫不累譯款貢叩關蒲伏請命下吏凡藏山隱谷方物環寶可效之珍畢至闕下軫積於內府於是 恩貸之詔日下德澤汪濊耄倪歡喜見太平可謂極一時之盛然而帑帑接於內地則盜賊生心互市通於外國

則狡焉思逞此前代已事始未嘗不警誠而後稍弛防患輒中之宜

皇上之倦倦南顧慮此至重也始明太祖吳元年用浙江行省平章李文忠言調兵戍海鹽海寧各州縣洪武二年命叅政朱亮祖副平章廖永忠取廣東遂命亮祖鎮守建置衛所七年詔以靖海侯吳楨爲總兵都督僉事於顯嗣之領江陰廣洋橫海水軍四衛舟師出海巡哨所統京衛及太倉杭州溫台明福建漳泉廣東潮州諸衛官軍悉聽節制事權專而責亦綦重矣十七年起信國公湯和於家使巡視浙江福建

淮園未定藁

卷一

海防三

沿海城池和至浙則建議北起乍浦南汜浦門紫廻二千里設九衛築五十九城及諸所巡司民丁四調一爲戍兵是年江夏侯周德興亦築福建海上十六城置巡司四十有五按籍練民兵十餘萬戍並海衛二十七年勅都督僉事商嵩巡視兩浙城陬簡閱軍士又命魏國公徐輝祖安陸侯吳傑練兵海上時廣東都指揮同知花茂上言請徙廣屬逃蠻戶爲兵增設依山礮石等二十四衛所城池於要害山口海汊立堡撥軍戍守詔從之而命傑董其役故閩廣江浙一切海上阨阨城壘傑德興和所建設爲多蓋是

時中國數被倭二年寇山東並海郡縣又寇淮安三年寇山東遂轉掠浙閩自後南北並受其患太祖深憂之先後設衛所屯軍所轄於衛衛轄於都司而總屬之五府其卒伍之設每百戶所旗軍一百一十有二千戶所一千一百二十衛列五所及衛鎮撫軍凡五千五百有奇各衛屯田軍率十分其七守城三屯種屯軍一人賦田二十畝而官征其什之一軍屯錯列分戍而守自粵抵遼延袤八千五百餘里烽火相望而並海以南迤邐倭故其戰守備尤密云廣東瀕海之府八共六府分爲三路東路惠潮接壤閩疆商

海防

卷一

海防

船通番所必經也左挈惠潮右連高雷廉而爲中路者廣州倭寇衝突莫甚於東路而中路次之西路高雷廉又次之高雷廉西洋貢道之所從入也守廣者以三路爲扼要福建設水寨五在漳州曰銅山泉州曰浯嶼興化曰南日山福州曰小埕福寧州曰烽火門皆控制於海中浙江立沈家門水寨兩浙衛所戰艦協哨南哨至玉環烏沙北哨至馬蹟洋山而歸重於舟山定海江南之邊海在蘇松有海塘而無海口其要在陸金山衛爲之衝蘇州之沿海多港口者各設水兵堵禦而崇明爲賊所必經地故兩處皆設

重兵鎮之至狼福山與圖山三江相呼應又爲南北海防第一門戶江北之戰水陸兼用登萊三營連絡曰登州曰文登曰即墨其外島嶼環抱迤邐以及遼陽而金復海蓋旅順各衛星羅棋布足嚴守望此其大凡也卽咸弘後迄嘉靖初倭警寢息者五十餘年邊備廢弛衛所屯田并兼豪右軍戶亡耗不復勾補水寨移於海港整堡棄爲荆榛哨船毀壞不修而奸民逸囚漁人蜑戶咸伺隙思篡勾引山賊失職之貢使嘯聚稱王騷然蠢動一旦鋒突四起武夫喪氣抱首鼠竄賊無亡矢折刃之劍蹂躪徧於江南城野蕭

海防

卷一

海防

條自骨填路矣然後謀臣猛將分道出鎮增兵設屯人人扼腕而談戰守起壬子至癸亥首尾十餘年中國始得安息此浸失祖制之故也善乎總制胡宗憲之言曰夫謂之海防者則必宜防之於海儗江防者必防之於江國初每衛各造大青及風尖八槳等船百餘隻更番出洋哨守海外諸島皆有烽臺可泊後弛其令列船港次浙東於定海浙西於乍浦蘇州於吳淞江及劉家河夫乍浦灘塗淺闊無所避風吳淞江口及劉家河出海紆迴又非防海要地故議欲分番乍浦之船以守海上洋山蘇松之船以守馬蹟定

海之船以守大猷則三山鼎峙哨守相聯可扼來寇而又其外陳錢諸島久爲賊衝三路之要宜以總兵屯泊其地每於風汛時協軍巡哨使不得越島深入則內地可以安堵總兵俞大猷亦曰倭自彼入寇遇正東風經茶山入江以犯直隸則江內正兵之船可以禦之遇東北風必由下八山陳錢清水馬蹟蒲舉丁興長途衝山楊山普陀馬墓等舉經過然後北犯金陵西南犯浙江請於浙江共設樓船若船數百隻分伏諸島往來巡探攻捕名之曰遊兵而遠邇之於大洋之外議者多是之或謂海樓經月必有颶風

海國未定業

卷一

海防六

嶼崖複礁廉厲倖劔戟不可下旋癸丑俞大猷圍王直於馬蹟蛟龍驚砲起幾至覆沒師旋城逸乙卯秋浙直會兵大衛殿前邀賊歸路暴風雨大作飄舟以萬計是邀擊海上之難也蓋倭從南來豈行夜止依山棲宿始至必泊陳錢次馬蹟次大衛次殿前洋山若驛俾然可逆數知也然海波無際賊視知諸山有備東西南北何所不適嘗聞海中長年云避颶風者舍山泊泛大洋多得全逆知死地不避寇知豈出其下哉故必依此四山嚴會哨應援之令潛師伺敵發無不中此等設官屯駐顯示之標者利害相去懸甚

右通政唐順之疏曰臣竊觀崇明諸沙舟山諸山各相連絡是造物者特設此險以迂賊入寇之路設吳淞江定海港口國家設縣置衛者以此而沈家門分哨之制至今可考今宜於春汛時用兵備數員懸駐崇明舟山而總兵以下分海面南北會哨晝夜揚帆環轉不絕其遠哨必至馬蹟而止副使譚綸甚善其說而謂陳錢馬蹟諸山在內海之外止可出哨不能設守蓋海戰之弊有四萬里風濤不可端倪白日陰霾咫尺難辨一也官有常汛使賊預知趨避二也孤懸島中難於聲援三也將士利於無人掩功諱敗四

海國未定業

卷一

海防七

也昔江夏侯五水寨舊址設在大洋後人以應援不便移其三於海岸致寇無門庭之限議者謂宜復如舊制或謂復之不便而信國經營浙海棄下八山不守謹置汛於沈家門人卒便之非江夏之先見不逮信國浙閩之勢異故也然賊自五島開洋諸山曠遠蕭條無居人得採捕小民嚮導以來近岸常無覺者自嘉靖乙卯後禦洋之法立哨探嚴緊官得預備則藩籬之守其法終不可廢故必哨賊於遠洋而不常厭居擊賊於內洋而不使近岸斯策之最善而當時之議亦卒未有能易此者也初日本之犯中國山東

寧海成山諸衛散彼其毒及嘉靖之亂首犯福建以及浙直而延蔓於淮揚獨山東竟未嘗被兵何也非明起南方大兵所聚北地置戍猶少故寇時躡入然東南猶不免焉迨防守既密南北少事承平日久士卒生長南方風土脆弱兼之衛所軍部衆不多兵力散渙而瀛渤之間風氣堅悍如故寇來獲少所失亡多所以日夕垂涎江南北或比壤一日而破數縣或千里同時而殘諸郡其時召客兵募土著徵調煩苦民力大竭必待督撫重臣前後彈壓而後定 本朝創業微都指揮千百戶之兵而樂統於將軍提督

又寇道自浙入廣之始也時謝琰以會稽守督五郡軍事率徐州文武戍海浦今自龔山而東至開風石堰鳴鶴松浦蟹浦定海皆其地劉裕戍句章吳國內史袁崧築泥竇壘後裕與盧循相持潯陽潛遣水軍從海道襲其番禺則其戰守皆在吳越之間史記恩曾一走郁洲今臨朐縣東北有郁洲山而未嘗逸出爲民害然則防海之亟於江南舊矣顧其制不槩見考宋時嘗於明州招寶山抵陳錢壁下置十二水鋪以瞭望聲息然宋終始未嘗罹倭患也至有明之世建置詳矣謹大明自洪武以來所設官立軍以防海外海港海岸事宜各省會哨海界及日本朝貢入寇互市始末然後備列

今制別爲篇如左嗚呼強弱因乎時也盛衰本乎治也明太祖不勤遠畧來則撫之貳則絕之選將練兵修備日如寇至故不庭之國再世來王後人反是卒以召亂今

皇上端拱穆清之上闔昧幽阻罔弗耀以光明以故天威所震陸警水慄猶數諭邊吏慎固封守毋敢邀功生事疆場之臣亦朝夕討訓以稱上德意今坐享太平視所經畧若織悉過計一旦有事

舉而措之成法具在始知創制者之用意深遠不可
測量而以遺萬世子孫之久安長治者豈其微哉臣
所撰次依海道所經自廣東西路始福建浙江江南
登萊天津衛遼陽以次及之又括海南北所經各省
郡縣自爲一卷其沿海山沙寇踪入犯分合日本與
地皆有圖

日本貢市入寇始末擬彙大清一統志

自漢武帝滅朝鮮倭驛使始通者三十許國至建武
二年奉貢朝賀使人自稱大夫倭國之極南界也倭
皆近帶方種類百餘種安帝永初元年復入貢魏時
朝獻者一入貢者二至晉前後貢使以六至隋開皇
三年遣使詣闕大業時亦一至唐興貢獻益數天寶
十二年以新羅道梗始改貢道由明州其後使者仍
由新羅攷宋端拱元年倭僧大周然遣弟子表謝有
日望落日而西行十萬里之波濤難盡倭開洋至寧
波纔五日耳不得云十萬里此由新羅之徵也至乾
道九年始附明州綱首以方物貢及元至元八年則
復隨高麗使入朝自此元數招諭之不報遂至兩用
兵其地一航不返而貢使亦絕矣蓋自漢魏至元二
千餘年間倭未嘗一窺中國至元末方張竊據旁海
郡縣敗後豪傑多逸出航海明洪武初元稍稍因緣
寇竊議者謂使是時中國滑爲邊備而聽其自去來
於海上不問一如宋元以前時亦不至爲大患乃二
年遣同知趙秩賜璽書盛誇以天子威德且責其自
擅不臣其王初欲殺秩繼而復禮秩遣僧隨之入貢
然使未至而寇掠溫州矣是年有詔浙江福建造海

舟防倭秋遣行人楊載齋書往五年遣僧祖闡往倭亦屢貢寇不常其貢也或無表文詔旨詰責其使至付三邊安插亦隨謝隨寇十三年始詔絕日本之貢以僧如瑤來獻巨燭中藏火藥具與故丞相胡惟庸有謀故因發如瑤雲南守禦而著爲祖訓絕其往來以其僻在一隅不足以興兵致討云於是起信國於鳳陽出江夏於閩嶠設城建堡冠蓋交於海上終太祖世不復言貢事矣永樂二年命太監鄭和從兵下西洋日本先納款獻犯邊倭二十餘人卽命治以其國之法縛置甌中蒸死帝嘉其誠遣通政使趙居任

鞮圖未定稿

卷一

日本二

厚賜之又給勅令百道令十年一貢每貢毋過二百人船毋過二隻限其貢物若人船逾數夾帶刀鎗並以寇論尋命都御史俞士吉錫王印綬敕封爲日本王詔名其國之鎮山曰壽安鎮國山上親製文勒石賜之然倭入寇益不悛九年寇盤石十年寇松門金鄉平陽十年寇王家山島都督劉江破之於望海埭自是不敢窺遼東而侵掠浙江益甚蓋西洋之役雖號爲伸威海外而華人炫於外國珍寶瑰麗倭使來中國奸闖出入主客相糾以故寇盜滋起而倭貢道自此一由寧波久之益習知其島嶼曲折則吳越之

間蠢然騷動固其宜也蓋倭之得以爲患我中國一由於明高帝之通使再成於成祖之許貢而成祖以好大喜功之心置高皇之約束於不用其禍延及於數傳之後塗毒生靈幾半天下亦云慘矣當洪武時以貢舶之來衆設三市舶司於福建廣東浙江聽與民間交易而官收其利廣以西洋福以琉球浙以日本然獨日本之使號爲難御其來也往往包藏禍心變起不測成化初忽至寧波守臣以聞鄧人尙書楊守陳貽言上客力言不可以爲倭賊僻在海島其俗狙詐狠貪洪武間嘗來而不恪朝廷既正其罪絕不

鞮圖未定稿

卷一

日本三

與通著之爲訓至永樂初復許貢於是往來數數知我中國之虛實山川之險易時載其方物戎器出沒海道而窺伺我得聞則張其戎器而肆侵陵不得聞則陳其方物而朝貢侵陵則掠民財朝貢則叨國賜間有得不得而利無不得其計之狡如是至宣德末來不得聞乃復稱貢而朝廷不知詔至京師燕賞豐渥稱載而歸則已中其計矣正統中來而得聞乃入挑渚犯大嵩燔倉庾焚廬舍賊殺蒸庶積骸流血如陵谷縛嬰兒於柱汙之沸湯視其啼號以爲笑樂剖孕婦之腹賭決男女以飲酒荒淫穢惡至不忍言

吾民之少壯與其粟帛席捲而歸巢穴城野蕭條過者隕涕於是朝廷下備倭之詔命重師守要地增城堡謹斥堠大修戰艦合浙東諸衛之軍分番防備而兵威振於海表肆七八年邊氓安堵茲者復來窺伺我軍懷宿憤幸其自來送死皆瞑目彌刀欲寢食其皮肉彼不得間乃復稱貢而當事復從其請以達於朝是將復中其計矣今朝廷未納其貢而吾郡先罹其害芟民稼穡爲之舍館沒民膏腴爲之飲食勞民筋力爲之役使防衛晝號而夕呼十徵而九歛雞犬不得寧焉而彼且縱肆無道強市物貨調諱婦女

津園未定稿

卷一

日本

詔瑞不之制藩憲不之問郡縣莫敢誰何民既譁然驚懼矣若復詔至京師則所過之民其有不譁然如吾郡者乎矧山東郡縣當河決歲凶之餘其民已不堪命益不可使之譁然也且其所貢刀扇之屬非時所急價不滿千而所爲糜國用蠹民生而過厚之者一則欲得其向化之心一則欲彌其侵邊之患也今其殺計如前則非向化明矣受其貢亦侵不受其貢亦侵無可疑者昔西旅貢獒召公猶致戒於君越裳獻白雉周公猶謙讓不敢受漢通康居劉賓隋通高昌伊吾皆不免乎君子之議况倭乃我讐敵而於構

毀之餘敢復逞其狙詐以嘗我其罪不勝誅矣况可與之通乎然名爲效貢既入我境而遂誅之亦不可竊以爲宜降明詔數其不恭之罪示以不殺之仁歸其貢物而驅之出境中命海道帥臣益嚴守備俟其復來則草薶而禽獮之仰無噍類若是則姦謀沮息威信並行東南數千里得安枕矣守陳言不用至嘉靖二年而有宗設之事故事番貢至閱貨宴席並以至時先後爲序時倭主源義植失權諸道爭貢大內藝興遣宗設細川高遣僧瑞佐及宋素卿先後至寧波素卿潛僞市舶太監寶鼎以萬計因令先閱瑞佐

津園未定稿

卷一

日本

貨宴又令坐宗設上宗設怒於坐間起與瑞佐相忿殺太監以素卿故助瑞佐兵殺都指揮劉錦大掠旁海鄉鎮素卿下獄論死宗設瑞佐皆釋還給事中夏言奏禍起於市舶禮部遂請罷市舶司市舶既廢番舶無所容乃之南灣互市期四月終至去以五月不論貨之盡與不盡也於是商黨構煽私市益盛不可止會有佛郎機船載貨泊浯嶼漳泉人爭往貿易總督都御史朱統獲通販者九十餘人悉斬之一切貨賄不得潛爲出入內地商販因負貨不償積逋至千萬金豪家貴官爲之擁護利倭亟返輒以危言撼官

府令出兵驅之去而蜚語中統使得罪死倭商人恨不肯歸徜徉海上未幾而變作矣時主事唐樞建議以為宜復互市曰市通則寇轉而為商市禁則商轉而為寇通政唐順之曰船之為利也譬如礦然封閉礦洞驅逐礦徒是為上策度不能閉則國收其利權而操之自上是為中策不閉不收利孔洩漏以資奸萌曠聚其間斯無策矣今海賊據浯嶼南嶼諸島公然番船之利而中土百姓交通接濟殺之而不能止則利權之在也宜備考國朝設立市船之意毋洩利孔使奸人得乘其便又疏請許貢以為朝廷能止其

船圖未定稿

卷一

日本六

入貢之路不能止其入寇之路尚書鄭曉論之曰洪武初設市船司於太倉名黃渡市船司尋以近京師改設於福建浙江廣東七年又罷復設所以通華裔之情遷有無之貨收征稅之利減戍守之費又以禁海賈而抑奸商也當倭亂之時因夏言疏罷市船而不知所當罷者市船內臣非市船也若必欲繩以舊制十年一貢之期而後許之彼國服飾器用多資於中國有不吝一日缺者安能坐待十年一貢之期而限以三船所載之數哉宣德後復改限三船彼既不容不資於我而利重之處人自趨之以禁民之交通難矣此皆

言市船之必不可罷也然猶未揆其本末而論之夫浙江市船專為日本而設其來時許帶方物官設牙儉與民貿易謂之互市是有貢船即有互市非人貢即不許其互市明矣貢之期以十年則必十年一至而後可謂之貢今止言市船當開不論其是期非期是貢非貢是釐貢與互市為二也將不必俟貢而常可以互市矣此政前日之所以召亂者也可乎哉且貢船者王法之所許市船之所司也海商者王法之所不許非市船之所得司者也日本原無商船所謂商船乃西洋貢使載貨至廣東之私舉官稅而市之

海圖未定稿

卷一

日本七

民既而欲避抽稅省陸運閩人導之改泊海倉月港浙人又導之改泊雙嶼每歲以六月來望冬而去嘉靖三年歲凶雙嶼貨擁而日本貢使適至海商遂販貨於倭倩其兵以自防官司禁之弗得西洋船仍回私嶼東洋船徧布海岸而向之商船悉變而為寇船矣然倭人有貧有富富者與福人潛通改聚南海亂後尚然雖驅之寇不欲也此無待於市船之開而其互市未嘗不通者也貧者飄掠為生每歲入犯雖令其互市彼固無貨也亦不欲也故不知者謂倭患之起由市船之罷而其實不然夫貢者其國主之所遣

有定期有金葉勘合表文爲驗使其來也以時其驗也無偽中國未嘗不許也貢未嘗不許則市舶未嘗不通何開之有使其來無定時驗無左証乃假入貢之名爲入寇之計雖欲許得乎貢不可許市舶獨可得而開哉自嘉靖末年海患既平貢使亦絕以至於今不聞其國之服食器用有缺而必取資於中國也亦不聞倭之日爲患於中國如前也三者之言猶未盡矣雖然有貢則商舶宜禁貢絕則商舶者適所以爲中國利也未見其害也初自宋素卿初亂之後十八年金子老李光頭始作難勾西番掠浙閩至二十二年許棟住霽霽之雙嶼港爲朱統所逐其下王直改住烈港併殺同賊陳思盼柴德美等遂至富強以所部船多乃令毛海峯徐惟學徐元亮分領之因而從附日衆倭船遍海爲患與販之徒紛錯於蘇杭內地潛居其國中者亦不下數千家爲之謀主挾以入寇自此致亂而通番之禁愈嚴然近海之民以海爲命故海不收者謂之海荒自禁之行也西至暹羅占城東至琉球蘇祿皆不得以駕帆通賈而邊海之民日困以故私販日益多而國計亦愈絀至萬曆二年浙江巡撫龐尚鵬奏請開海禁謂私販日本一節百

法難防不如因其勢而利導之弛其禁而重其稅又嚴其勾引之罪譏其違禁之物如人刀軍器疏如此則賦歸於國奸獎不生然日本欲求貢市斷不可許蓋過洋自我而往貢市自彼而來自彼而來則必有不測之變自我而往則操縱在我而彼亦得資中國以自給之利二者利害大不同也先是隆慶初年福建巡撫塗澤民請開海禁准販東西二洋萬曆初巡撫劉堯誨請船稅充餉歲以六千兩爲額於時凡販東西洋雞籠淡水諸番及廣東高雷州北港諸處商漁船給引名曰引稅自四年溢額至一萬兩其後驟增至二萬千九餘兩然則海民趨利之情與商船通塞之利病可睹矣顧尚嚴於日本之禁其刊行海稅禁約一十七事一禁歷冬以爲過洋之船以東北風去西南風回雖緩亦不過夏唯自倭還者必候九月十月間風汛又日本無貨止贏金銀凡船至九月十月回無貨者必從日本來縱有給引仍坐之又以呂宋地所出少所用止金銀商船多空回故稅販呂宋者每船別追銀百五十兩謂之加增商人多折閱破產及犯歷冬禁不得歸流寓長子孫者以數萬計同安奸人張嶷者謬奏海中有機易山地產金可得成金無

算詔遣內臣勸視呂宋聞之大恐以中國將畧取其地流人爲內應於是盡坑殺漳泉之在國者二萬人事聞張疑以欺罔首禍真極刑巡撫因招諭私通及歷冬者罪悉宥免而私販日本之禁稍疎矣萬曆末以東事告急啓禎之際劉香老李魁奇鄭芝龍等爲盜外洋重申海禁然芝龍兄弟既撫後通洋致富賂遣權貴海上建閫者卒用此牟利由此私販雖日多而國家竟不得其利云大抵私販有二有中國之私販有日本之私販中國之私販齎貨至彼必勾引倭徒緣貢爲名而乘吾之不備而掠人民互分其利許

港園未定稿

卷一

日本十

二王直葉宗滿之輩是已日本酋長爲衆所尊者曰天文彼中故事每遇閏年則諸島富家各輸貨於天文請得勘合入貢中國頒賜勘合時使役州亦有貯九州島夷也實則賢遷有無以倖厚利利勢在上天文所欲者後因奸民通販加之假稱名號者竊錄勘合私通酋長遂至往來無稽而天文之利權下移矣故私販者中國之所惡而亦日本之所不樂者也然以中國之奸民與日本互爲糾結其遺患於中國也滋甚而皆起於進貢之途不絕貢端絕則日本之販舶不至日本之販舶不至則我內地勾引接濟之奸

不能挾倭以爲重如此雖有高檣大桅羣聚而輩往者不過將其絲素書畫什物之類以往返漁利而已於我固無損也況設之市評以收取其稅如萬曆之於東西洋者其有裨於國用又有甚利者哉臣愚故以明之貽患不在於私販之有無而在於通貢之一失明太祖既誤之於前而成祖復甚之於後然貢既已絕而猶欲禁商使不得行是何異懲羹而吹蠶有見其患而無見於其利也 國家初患海孽未平撤界而守禁及採捕康熙二十三年克臺灣各省督撫臣先後上言宜弛航海之禁以紓民力於是 詔許

港園未定稿

卷一

日本十

出洋官收其稅民情踴躍爭奮自近洋諸島國以及日本諸道無所不至四樞關之設異於市舶之設上操其利權譏其貨物而下不得以爲纖芥之害中國主其出入而島人潛處帖伏而不敢動比年以來報課日足比之唐宋則利倍之比之於明則絕其隱患此所謂不寶遠物而遠人格者與夫疲敝百姓以逞志於荒服之外者異矣或者設爲萬一之慮得無有私挾彼人窺伺中國假稱朝貢希爲互市者乎此端一開召釁不難矣誠 嚴詔守土之臣時禁闌出之條絕勾引之萌杜生事之漸重禁濫額以勸來者

皇上又垂誠萬世無得受其貢獻如今日使倭之片帆
不復西指視中國如天上焉而吾民日取其有而轉
輸之於以仰佐縣官之急充戍守之用而私以自寬
其民力於耕商之所不及是則上饒而下給之道莫
安萬世之良策矣臣故備述原委附於海防之後亦
以明設險者之在此不在彼也

港園未定稿

本一

日本上二

港園未定稿卷之二

序

五七言詩選序

文章之流敝以漸而致六經深厚至於左氏內外傳
而流爲衰世之文戰國繼之短長之策孟荀莊韓之
書奇橫恣肆雜出而左氏之委靡繁絮之習泯焉無
餘矣此一變也自是先秦西漢文益奇偉至兩漢之
衰體勢日趨於弱下逮魏晉六朝而文章之敝極焉
唐興諸賢病之而未能革也殆貞元大儒出始倡爲
古文易排而散去靡而朴力芟六代浮華之習此又

港園未定稿

卷二

序

一變也惟詩亦然自春秋以迄戰國國風之不作者
百餘年屈宋之徒繼以騷賦荀况和之風雅稍興此
亦詩之一變也漢初蘇李贈答古詩十九首以五言
接三百篇之遺建安七子更倡迭和號爲極盛餘波
及於晉宋頽靡於齊梁陳隋淫艷俳巧之辭劇而詩
之敝極焉唐承其後神龍開寶之間作者全起大雅
復陳此又詩之一變也夫敝極而變變而後復於古
誠不難矣然變必復古而所變之古非即古也戰國
之文不可以爲六經貞元之文不可以爲史漢明矣
今武者欲徇唐人之詩以爲即晉宋也六魏也豈學

古者之通論哉余嘗譬之富人之室其子孫不能整理日即於壞廢後有富人者居之閉閣崇如甔垣翼如非不霍然改觀也然循其涂徑而非問其主人而支派已不可復識矣夫六朝之頽靡固亦漢魏之支派也唐人之變而新之其霍然改觀固然矣無亦富人之代居而不可以復識者乎故文敝則必變變而後復於古而古法之微尤有默運於所變之中者君子既防其漸又憂其變也新城阮亭王先生五言詩之選蓋其有見於此深矣於漢取全於魏晉以下遞嚴而遞有所錄而猶不廢夫齊梁陳隋之作者於唐僅得五人曰陳子昂張九齡李白韋應物柳宗元蓋以齊梁陳隋之詩雖遠於古尚不失為古詩之餘派唐賢風氣自為吟域成其為唐人之詩而已而五人者其力足以存古詩於唐詩之中則以其類合之明其變而不失於古云爾先生之選七言體七言雖濫觴於栢梁然其去三百篇已遠可以極作者之才思義不主於一格故所鈔及於宋元諸家至明人則別有論次焉學者合二集觀之以辨古詩之源流而斟酌於風會之間庶乎其不為異論所淆惑矣集中分別部次具有精意已具先生自為凡例中不備述

澤州未定稿

卷二

左

唐賢三昧集序

新城先生既集古五七言詩各如千卷復有唐賢三昧之選蓋選五七言者所以別古詩於唐詩也然詩至唐極盛矣開寶以還盛之盛者也選唐詩三昧者所以別唐詩於宋元以後之詩尤所以別盛唐於三唐之詩也昔夫子刪詩不斥鄭衛而三百篇中有淫辭無俚辭俚之病主於無所不盡既無蘊藉停蓄之意於中則其於言也求其依永和聲必不得矣夫鄭聲之宜放以其淫也然其聲故在也詩至於無所不盡而俚將并其聲而亡之而風雅委地矣故宋元晦謂今人之詩如村裏雜劇誠惡其俚也然今人之厭苦唐律者必曰宋詩且以新城先生嘗為之此知其迹而不知其所以迹也先生自序此選謂別有會於司空表聖嚴滄浪之旨錄盛唐詩尤雋永者自王右丞而下得四十二人近虞山錢受之極論嚴以禪喻詩之非而於高廷禮之分四唐則案以當時作詩者之年月而駁之曰燕公曲江亦初亦盛孟浩然亦盛亦初錢起皇甫冉亦中亦盛夫詩不可以若是論也余以毛詩考之作誦之家父兄於恒公八年來聘十五年來求車為東遷以後之人矣其於詩也不害

澤州未定稿

卷二

集

其爲小雅黍離行役之大夫及見西京之喪亂嘗爲東遷以前之人矣其於詩也不害其爲王降而風故初盛中晚亦舉其大概耳而盛唐之詩實有不同於中晚者非獨中晚而已自漢魏及今有過之者乎蓋論詩之氣運則爲中天極盛之運而在作者心思所注則常有不極其盛之意所爲不涉理路不落言詮言有盡而意無窮擬之於禪則正所謂透徹之悟也不求之此而但廓落其體規取浮響慢句以爲氣象而托之盛唐此正嘉來稱詩者之過也於前人乎何尤或曰然則唐文之與詩何如曰論詩於唐以後與文不同古文自韓柳始變而未盡其徒從之者亦寡歷五代之亂幾沒不傳宋初柳穆闡明之於前尹歐諸人繼之於後然後其學大行蓋唐與宋相磨礱而成者也詩至中晚已小變王元之輩名爲以杜詩變西崑之體而歐蘇各自成家西江別爲宗派至南渡而街談巷語競竄六義其間能以唐自名其家自放翁石湖而外不可多得或者謂反不如西崑之浮艷其聲存也然則是集成而復唐已墜之響於千有數百年之後庸詎非承學者之甚幸哉余聞先生里居著文溢百篇嘗謂今之學唐宋爲古文者逐貌而失

神余文所以矯其敝意者論文於今日亦其當變之會乎乃余數請而秘不以出也故今所論列止於此

晉執政譜序

古之賢執政相繼於朝傳累世而不絕者未有若晉之盛者也蓋晉以上卿將中軍執政國政必博謀於衆而後用之故其舉不失而自文襄以後世爲諸侯盟主者無它已執政之得其人故也按春秋傳晉執政終春秋之世十有九人文公四年蒐于被廬謀元帥趙衰舉卻縠曰說禮樂而敦詩書城濮之役先軫以下軍佐趙將中軍上德也箕之役先且居代父將之蒐於夷用狐射姑而陽處父復蒐於董而廢之立趙盾焉其重且難如此趙盾之後次卻缺次荀林父次

湛園未定藁

卷二

晉執

士會次卻克次荀偃次荀偃次范匄次趙武次韓起次魏舒次士鞅次趙鞅以終春秋而晉亦分矣凡此十九卿者大半皆晉之選也當是時與晉匹者莫齊爲彊而高鮑之族無聞焉楚置令尹其世數姓氏皆可考然賢奸互用治亂相半不得與晉比晉自趙文子後政在侈家韓宣子爲政不能圖諸侯則執政之權始移于大夫矣大夫多侈求欲無厭其弊皆始于執政韓宣子受州田于鄭而易之樂氏范獻子取賂於季孫晉是以失諸侯楚囊瓦私裘馬之利囚唐蔡二君二國叛之幾至亡國則皆貪利階之禍也甚哉

利之爲害於人國也蓋執政好利則百官尤而效之將唯利之是圖下以浚民之膏而上以奉君之欲則其國必貧執政好利羣臣皆貪冒無耻則風俗壞而尊君親上之誼衰攘竊盜賊之禍作士大夫廉耻不立小民迫飢寒輕犯亂則國幾何而不亡趙文子遊於九臬曰吾所歸者其隨武子乎利其君不忘其身謀其身不遺其友而文子亦生不交利歟不屬其子焉是以能光輔晉國夫范宣子賢執政也子產猶戒之以非無賄之患而無令名之難況下此者哉余故比次卻縠以下綜其行事而譜之觀其所以盛迹其所以衰詩曰秉心宣猶考慎其相晉之盛衰亦有國者之明鑒也可不慎夫

湛園未定藁

卷二

晉執

目下舊聞序

古地志九丘之所述土訓誦訓之所傳不可得而聞矣禹貢於帝都首列冀州僅兩言爾舉餘州所至可知其境界因以見尊京師示王者無外之意此書之體例也商頌稱毫都曰景員惟河景山河大河員言大河之旋繞於山文僅四言而山之高大水之榮迴形勢之雄壯險固俱繁若指掌此立言之法也文王治岐及豐二南所咏多在江沱汝漢之間無一言及於岐豐土俗者舉遠可以見近也蓋詩書之言約而該其旨微而顯而志有地理爲史家者流義取詳嚴

堪輿未定案

卷二

目下舊聞

辭 有不然者余觀自古帝王建都之地多且久莫如關中今則燕京而已關中自漢黃圖外若葛洪薛真蕭賁之所輯無慮數十家獨唐韋述所撰西京記宋敏求演之以爲長安志十卷最稱淹博若燕翔都於遼歷金元及明更世七百餘年其名雖燕傳而西自恒山滹沱易水以屬之邯鄲爲趙地西南漳衛爲魏及邢衛之境東南自大河附之海爲齊接壤蓋奄有數國之封畧故其所錄不得不廣其建國於五代搶攘之際非有周文武成康之基業與秦漢隋唐以來聲明文物之舊也而故典缺如蒐輯者

尤難之友人秀水朱君竹垞檢討居京師久乃博采經史子集幾千卷及游覽所至所訪聞於遺賢故老者集之爲目下舊聞分爲十門總其卷得四十有二間以已意辨論其疑似援據精確辭雅義暢前此未有書也蓋自郡國寰宇之有記至元始編爲大一統志明踵而修之其所載者天文分野戶口貢賦山川城郭宮室坊市津梁廟寺陵墓之名數與夫各郡邑之人物土宜亦云紀其大凡而已若夫歷代遷徙因革之不同風俗好尚圖史金石彝器淵沉土瘞山銘塚刻之剝蝕殘脫而僅存者人妖物怪仙釋怪誕堪輿未定案

卷二

目下舊聞

初之所志靈異之所錄禽獸草木詭形殊狀非是書不備也誠能做其例於十三布政司志各配以是書行之志爲之經此爲之緯識大識小兼羅並蓄學者一開卷而坐見六合之內極古今之變豈不甚快惜乎竹垞已老而作者之不易得也是編撫拾止于前數朝軼事然觀其所述非徒以侈浩博已也其于世運隆替君臣謀議政治民風得失之故瞭然矣法戒之實不在是與其以翼經而補史之所不及者尤作書之深意不可以不察也

尊聞集序

韓退之集序文者貫道之器先儒駁其本末倒置是已然所以謂文爲末者文不與道俱故也善乎濂溪之言曰文所以載道也文非道何以載道輪轅飾而不爲虛車者以其所載者道也其載之者亦道也文特其形而下者耳豈得謂道自道文自文乎然車不載物始謂之虛車任有物焉充之斯不虛矣文不載道而詭譎誕漫淫艷剽竊之詞勝雖有載焉豈得不謂之虛言哉旣爲之虛言夫其離道愈遠也而鄙之爲末宜矣今之爲文者大抵有二其爲詭譎誕漫淫

湛園未定稿

卷二

序

艷剽竊者常薄儒先之說爲無用用之不足以成家而見爲迂腐及視其所爲按之其中無有也矯其弊者奉一先生之言亦步亦趨惟恐失之而不知其有超軼絕羣者在謂其中有物焉則亦無有也若此者猶不得謂之虛車已乎尙書澤州說巖陳公病之公之爲文也其初涵泳於六經四子之書排二氏之虛妄斥儒家之異論一折衷於新安朱氏而擇其尤粹者以立之本於法則左國先秦兩漢諸子之書無不取於體則唐宋元明之作者參伍焉無不備猶未敢以自信也久之集始出合詩文經解雜著共得八十

卷某受而讀之見其理弼於中而文暴於外其所詩而言者皆得乎性情之正而所述者無非仁義道德之旨也則可謂富哉信乎其爲載道之文歟雖然夫無所於載者謂之虛車可也車旣飾矣載旣美矣執筆者從之或東焉或西焉或南焉或北焉雖終日馳不至矣公方以道濟明時其篤於踐履發於事業而施澤於生民者孰非其文之至其所載於冊者此是也不東以西不南以北從其道而隨所之焉雖重且遠有不至者哉讀是集者可以慶公之遭而無病於道之難行矣

湛園未定稿

卷二

序

騰笑集序

騰笑集者友人朱君竹垞所自名其入仕以後文也
余癸丑在京師葉文敏公得君集讀竟歎曰古雅固
所不論尤難其無一語夾雜是時君方襲處士服洞
跡公卿間文敏所歎謂其能不爲世俗語也後君起
制科聲譽焯然自貴公豪家五方游士無不欲丐一
言爲重君伸紙紙筆日盡數牘或非其雅意所欲爲
倦則隨手應之咸足其願而去以此積文至多君哀
爲集若干卷示余余曰是不可以負文敏爲削其冗
長者存僅十之五六既取而觀之則精彩血脉煥發
其間未定稿

卷二

序

呈露有若嶄然而高者出於層霄之上而冽然而清
者決於重淵之下蓋積君十餘年之窮蒐博取與其
所內得之於心者日新月變雖不難追古人而與之
並顧其雅尚所寄一往以深耿耿然有不與塵俗俱
泯者視文敏之所讀而歎者無以異也君曰王通云
心迹之判久矣心不可以衆喻也然余自知之于既
以知之矣夫迹者人之所徇而群耳而目之者也吾
姑託以名吾集而庸以自晦焉可乎余曰然

夏子詩序

無易夏子於古人之詩無所不讀然皆資以爲詩之
用故其爲詩益專而工於古人之能事亦無所不有
性不樂仕宦嘗再任視施州衛學當山水奇僻處人
蹤斷絕蓬藿蔚然輒收視返聽神驚入極焉然大放
厥辭已復捨去乘興遊京師忽持一卷詣予曰趣爲
我序而歸之吾行南轅自此以往將無所不遊不復
與公等接矣其遊益勝其寄託益遠則其詩必益奇
然予又懼其溺於物外之觀無乃飄忽汗漫一往而
不返乎將必晦其迹韜其光而不耀則是集不可以
洪園未定稿

卷二

序

無傳也

餞別詩序

柯子翰周再遊京師覲其尊君給諫公將歸士大夫
燕饒賦詩以贈行者二十餘人翰周亦自爲詩一章
答其意今其歸數閱月矣予寓武塘去京師三千餘
里外讀其詩如親見其賓主之盛歡笑流連而丁寧
之又愛惜之無已也諸君子之於詩固可謂工而其
於情亦綦深矣今朝廷清和給諫公以老成宿望當
主上眷注每一封事出海內無不想望太平願災其
風采而諸君子輻輳筆下相爲引重又愛公子之才
念其別期其父子之後先繼美也一篇之中三致意
焉非區區供張之設執手之感已也微公子能無眷
眷於斯集乎公子偕其伯兄寓匏前年往反南北有
紀遊詩各一卷予讀而愛之是刻成又將挾之南遊
自衡湘以歷之大嶺以南也吾知是詩流傳海內之
讀之者慕給諫公之風采又樂其父子之繼美而京
師承平日久一時勝流雲集飲酒歌詩風義之深厚
蟻居蠅處之士必有撫卷長吟而不能釋然者余爲
之序竊幸附名其後

湛園未定藁

卷二

餞別

贈行詩序

文士之運其寒之也甚易而開之也甚難余覽史漢
經秦焚儒之後賈誼以布衣發憤欲有所更張而絳
灌沮之趙綰王臧議興文學而太后不說元朔初平
津與天子協意定制始下郡國貢士之法開東閣以
延四方之英俊當是時司馬相如枚臯莊助兒寬之
徒固已布列在朝其後嚴徐主父輩上書闕下言事
者益衆延及宣元之際任用儒相一變而爲經術西
京之文至與雅頌爭烈無他其時使之然也使生數
君子于高惠文景之世則不免于抱書淹鬱以老即
湛園未定藁

卷二

贈行

文辭率浮沉里閭無足爲郭子地者今懷器以往以待賢公卿之求而其道將益光顯焉異日有稱天子讀其文恨不同時或歎相見晚者必郭子其人也諸公咸以是爲言其知郭子也深矣卷旣成而明州姜某爲之序

吳虞升詩序

吳門吳子詡自弱冠從其舅氏京師其爲詩雄麗壯宕與作者上下所至名公宿儒多樂與之游相唱酬若兄弟然然其意默然殊不自得也予聞之其先曾祖都諫諱之佳者當萬曆朝儲位未定有旨冊封上所愛鄭氏爲皇貴妃時宸英曾祖表常公給事戶垣首抗疏力爭不可且請早立東宮上震怒謫雲中尉從此淪落三十餘年而都諫同時亦相繼與張公棟葉公先春論儲事削籍歸伍世所稱東吳三諫者是也然先奉常至光宗時被召內遷雖不久復廢而都諫園未定藁

卷二

吳虞一

諫竟以黜歟惜哉自國本議起朝論各有向背門戶之見紛然於是閹孽寇氛伺隙萌芽相爲煽張迹其終始雖罪有攸歸而一時匪躬諸臣亦未免過爲張皇以激成清流之禍况其間依聲附和千百爲輩此與異時諸公建白之意何如卒至矢沒寢陵薦及京闕而光廟隆準之子孫與向所謂愛子如意之子亦且與盈廷水火漂燂俱盡迄今鮮或存者悲夫獨先奉常以垂老復起爲瑞黨薛鳳翔所擠亟奉身退而都諫亦以早歿得脫於鈎黨至今喪亂之餘兩家子弟猶幸不失其世守風燈雨館蹙蹙相對追數數十

年來君子小人互爲消長之故與其所以勝敗日累月積禍所從來宜其皆可爲拊膺扼腕太息而見之於詩不獨誌游覽之壯觀爲一時之唱酬已也夫稱先民述祖德以相贈答者詩人之志也昔子美贈問丘僧詩盛稱其祖審言與問丘之祖均同年蒙主恩爲榮然審言倖進女后之朝誦事張昌宗易之兄弟以罪歿宜也卽均亦無足稱者今以吳子之才發而爲詩使其屢爲之不止何患遽不如甫子雖瞠乎後哉然其家世亦足以誇於子美矣吾與吳子勉之而已

湛園未定稿

卷二

吳夢

陳君詩序

文章之道古人雖謂有得於山川之助者而朋友往來意氣之所感激其入人也更深予所見於三百篇者如風雨淒淒鷄鳴不已中心好之曷飲食之之類其言皆至深婉足以發人之性情而動作者之思然在春秋時列國僉介往還所至必賦詩贈答諒至殷勤然特以取諸古人之成什已耳未嘗必欲其自已出也而漢時稱公卿好客有汲黯鄭莊汲黯皆不聞能詩終西漢之世河梁執手寥寥數章而已而宴餞投贈之作頗多得之於建安以後何也毘陵陳子集生嫻於詩尤好交遊旦日出過存諸公間修脯之費鷄黍之設日接乎遠近不以貧故少廢以是其知交日親名口聞而詩亦漸積至若干首本之於意氣之盛而發之爲和平之音殆近於孔子之所謂可以羣者也陳君得此亦足以自雄矣然今海內言詩者日衆予意必有卓犖命世之才足以含跨往古而領袖來茲惜予特迂疎寡合其蒐取十不能二三若君之博聞廣見而猶謂無所得焉豈其理也與君居且久君卽不暇爲詩以遺我罄君之所聞於賢士大夫者盍爲我取酒斷章而賦之吾將以附於三百篇之遺

卷二

一研齋詩序

吳章得罪而門人不敢復名其師說張禹為相封侯
 時人傳其論語章句而餘家浸微文字之聲價以勢
 利為盛衰自古而患之矣始櫟園周司農以雄沈堅
 峭之詩倡起後進為其學者甚眾及司農失勢稍稍
 去之今茲而能言其詩者武鮮矣余讀吳子介茲前
 後二集詩展卷未終其雄沈堅峭之色望而知其為
 可農弟子也介茲當司農盛時不為煢煢然今去其
 歿時三年詩雖變益工然守其家法每論詩稱櫟園
 不去口及其嗣君交久而彌篤介茲誠貪士使其得
 志操利權於時其肯逸行易心棄生歿之交翻手下
 石哉昔曰詩言志若介茲之詩之志不獨今之學士
 大夫媿之亦遠勝於古之人也

選詩類抄序

梁昭明太子選詩自荆軻下合六十五人分其體爲二十三部余嫌其未足以著時代之升降究作者之歸趣也去年十一月自京師道汝寧客邸多暇因取更編緝之以人系代以詩系人稍芟汰者十之二日呵凍書之僅一月發汝抵廣陵錄成卷共得百十三紙略疏其人世次爵里於其名之下而不見余抄者七人焉余惡夫今之爲詩者剽掇其景響形似塵土猥雜而號之爲選體故於今之爲選詩者無取焉然而有唐三百年之人之詩其不本於選者蓋寡矣唐

滄園未定藁

卷二

選詩

人雖發源於選及其既成名家則較然自爲唐人之詩此學選者之所以可貴也余之爲是集也非欲取天下之詩而必之選體欲人之學爲唐人之詩而已求工於唐人之詩者必務知其所本則舍是奚取哉余又欲稍葺自梁天監以後合陳隋北朝作者拾其遺事共爲一集博采諸家之論詩者以附焉而未暇也因識其意於卷端時甲寅正月己丑書於廣陵寓齋

張子制義序

余交張子弘達十餘年所嘗讀其詩文而重之去年張子以貢入京師其所學益精議論恢張迥出時輩然余尤喜張子制義見輒把誦之不置或曰此特張子緒餘耳子何愛之深也余曰不然夫八股之道微矣學者視爲功令而趨之其體則敷衍經文詞不已出也株守集註義無旁雜也其習之相沿則有上承下逗前虛後實單行複序截章換字之法候氣衡纖傳神優孟似排而非儷體比論而無章法學者童而習之村師腐生一見便解萬一功令復新舉今之所

滄園未定稿

卷二

選義

謂八股者而廢之則雖曰陳王唐瞿薛之文於前誰復能辨其畦徑識其旨趣者乎余故曰時文者連朽之物也至近世金正希楊伯祥吳梅村陳大士臥子黃蘊生諸公者出始博取先秦兩漢唐宋人以來之文大發之於帖括經史子集縱其驅策橫豎鈞貫無所不可而機杼自出一空前作者此猶杜少陵之於詩韓昌黎之于古文顏魯公吳道子之於書畫古法雖從此一變而天工人巧則已極矣故此數公者雖其文不名爲制義亦可自作一書以行而能使讀者了然自得於文字之外今張子既以其所得於古者

而沉湎於數公之文如此則余之愛其八股義也猶之愛其詩古文辭而已何疑哉抑明制重館選嘗間一舉行故以三陳之才而不得與若蘊生則固其所不欲就也張子幸年少入窺中秘翺翔禁闥其異時著述視數公更當何如則余之愛而欲把誦之者又將不一而足也

賀歸娶詩序

壬子年十九隨其父任淮北將歸娶于其鄉其同學賦詩而賀以送之者數人而請序于予或謂予曰古者昏禮不賀故娶婦之家三日不舉樂思嗣親也今者賀之禮與曰奚爲而非禮耶禮不云乎賀娶妻者曰某子使某聞子有客使某羞蓋娶婦之家不可以是爲樂而姻戚之情則自有不可廢者然不曰娶妻而曰有客若謂佐其鄉黨僚友供具之費而已是其所以謂不賀也曰子聞之鄭氏進于客者其禮蓋壺酒束脯若犬而已不聞其以詩也以詩賀亦禮與曰奚爲而非禮詩問關車之牽今說者曰宣王中典士得親迎其友賀之而作非今詩之祖與文王新得后妃而關雎以詠亦此物也然關雎不過于哀樂故孔子善之車牽五章未嘗一言及于燕昵之私其卒章曰高山仰止景行行止記曰詩之好仁如此太史公至用之以比孔子之德而令人多工爲浮詞以相波靡失朋友切摩之義矣諸詩雖亦未免漸染于是而卒歸之大雅方之古人猶庶幾焉

廣陵唱和詩序

廣陵爲古淮南雄鎮方其盛也上林瓊臺楊柳之堤龍鳳之舸延袤於重江複關之間而相爲縈帶諸公或建旄節盛泰佐從四方奇士相與選勝賦詩展颺太平而異時如韓魏公之與荆岐數公者賞花置酒一時主客之集後先繼秉大政傳爲盛事當天無事時仕宦者得以其間從容於游宴之樂而述爲詩歌民生其間何大幸也然而煙塵稍警則淮南之受兵必先鮑明遠所謂通池夷峻隅頽者嘗問世而一見也而風雨雨嘯之場詩人之響或幾乎息矣然則

淮園未定稿

卷二

廣陵一

詩人之聚散非廣陵之所以盛衰而天下之治亂所從出歟前世無論自明甲申乙酉之際載經殘馘余時遇其故墟蓬蒿蔚然淒涼滿目如此者幾二十年已太倉端士王君之同年友新城王君貽上來佐斯郡始稍稍披荆棘事吟咏用相號召君於其秩滿而去也以解舫渡江而相與登昭明之樓尋謝公之宅拂摩斷碣按行舊壘一字之賞一石之奇必啣嚅竟日而去故君之詩爲絕句者至五十首殆浸淫乎供奉龍標而掇其勝者也集成以示余余讀之喜曰此其太平之徵乎蓋自是廣陵之風雅復振矣去年余

客江北未嘗一詣新城陽羨陳子其年爲余言王君見子文輒嘆息以爲作者今遇太倉亦云然余謝不敢然兩君知余余敢自謂不能知兩君乎故於是集也敢粗述其所聞若新城之詩雖未暇合梓然其風流亦大畧可觀矣

淮園未定稿

卷二

廣陵二

陳其年湖海樓詩序

詩雖所以吟咏性情然亦可以考其人之甲居氏族與其生平遭際之盛衰君臣交遊之離合而人之一身有先榮後辱有始困終遇若此其不同也則其性情之所見亦各異焉余歷觀前世詩人自建安王劉輩遭漢季失馭羈旅歷落有憂生之感下逮六朝分裂之餘衣冠失職往往播遷爲羈囚唐自乾元光化以後則一時文士抱其卷牘以外依方鎮於幕下者所至皆是其間強弱存并出彼入此曾不容驂士生其間譬如墜秋風之籜於狂波萬折之中轉展凋狀

灌園未定稿 卷二 陳序二

及於淪胥而不可止此其可悲者也自余之讀陳子其年之詩識其所遇以想見其爲人而及今之邂逅於廣陵也已十五六年矣其年生長江南無事之日方其少時視家世鼎盛鮮裘怒馬出與五陵豪貴相馳逐狂呼將軍之筵上醉臥胡姬之酒肆其意氣之盛可謂無前故其詩亦雄麗宕逸可喜稱其神明及長遇四方多故夾江南北殘烽敗羽驚心動魄之變日接於耳目迴視向時笙歌促席之地或不免踐爲荆棘以棲冷風故其詩亦一變而激昂歔歔有所愴然以思愴然以悲以時入於少陵沉鬱之調而不自

知亦其遭時之變以然也其年起謂余曰余所哀次自十七八歲始更今幾三十餘年始得詩凡若干首然則其年之性情見乎此矣旣而反思前代之人其遭時不幸至於顛隤失所及天下始干干戈不用而文士出而斯人者已窮困以老或死不及見矣豈非其命歟然陳子則年始強仕足以身遇太平遂其懷抱夫志和者其音樂也於是又將變其激昂歔歔者比於朱絃疏越以奏清廟而儼鬼神而出於前代詩人之所不及見則陳子之於詩殆將終身焉已

友棠詩刻小序

舍弟友棠與周子弘濟里居相善也甲子春同罷試南宮留京師授徒自給兩人者同寄人廬下口據土炕柴餽飪縱論今古意氣益豪甚所聞公卿間下至街坊調語碎事輒收拾作有韵詞唱和至數百篇高軒之客罕過而問者卽有款門求識亦淺鍵固拒不能忍顏色見也余謂兩人曰子盍稍鉸諸詩而傳之安知此間無有知子雲其人者弘濟遂巡未應不逾月而友棠之刻成矣友棠弱齡孤苦埋頭研北坐一小樓每吟唔夜半燈火穿漏窓隙間予特謂是專攻

莊園未定稿

卷四

詩

舉子業耳時先祖病餘出藏書三分之各得數櫃余間就視友棠書狼籍架上約畧硃墨殆遍兩時已號能詩矣其詩初學香山義山已乃漸染渭南跡其類然自放處絕不類少年意度余時以老杜詩律格之友棠岸然輒有以復余也然余蒐友棠行篋中積詩尚夥其意直欲俟百世後之子雲而出之與弘濟之逡巡不余應其中有相視莫逆者此則兩人作詩之本余顧不能盡測也

王給諫詩序

間竊慕古人立言之風以爲士旣束髮受書自當爲天子近臣補過拾遺於闕下使閭閻永無顰首蹙額之事而君門洞然徹於萬里如此志不遂則當紫身遠去曠覽九州名山大川籠絡萬態而發爲文辭以自表見豈能默然而已然古來所傳名臣封事多矣要必居於其位然後得盡其言有其位無其時則其言亦終不行言不行則吾君吾相不獲受其益而澤不下究亦終於空言無成而已惟坎壈失志之士可以無待於外得恣其所論說然亦非能有益於天下

莊園未定稿

卷二

王序

利病也而執掌二事者至弊精神竭年歲或欲效其一時之口喻適意而不可得此二者之所以難兼也往者黃岡王君居掖垣時號敢諫又嘗有仁人之言於吾東南百萬之氓雖時議未盡施用然用此數年中朝廷德意屢沛使流離之民幸無轉死溝壑旣已畧行其志矣已乃薄遊吳越而其忠愛之意猶時時見於咏歌至於登涉山水寄情風物隨事抒意皆以極其性情刻畫之所至而以之爲詩是貧賤之士所不得已而竊取以自娛者君皆得取而有之豈非難哉始余讀漢汲黯傳未嘗不三嘆也黯於古最

名爲能諫臣初武帝爲天馬歌黠謂帝曰陛下得馬詩以爲歌協于宗廟先帝百姓豈能知其音乎此言不獨深中武帝之失亦最合風人之旨蓋詩之爲風雅頌皆有定體不可紊亂今武帝不深惟祖宗之德而白麟朱鷺赤雁芝房相繼登於樂府薦之宗廟則四始之體亂矣是詩之再亡也當時文士如司馬相如枚臯之徒皆見不及此而帝反以黠爲不學誤矣黠可謂深於詩者也雖然黠嘗積官至九卿矣旣而垂老出守至對天子揮淚乞留不可得亦可悲矣而君方遭際景運道益嚮用雖欲久自放於江南煙水

灌園未定稿

卷二

王序二

之間爲貧士之娛亦不得也豈二者之難兼在君則亦有然者耶抑吾所謂得位而遇者其中亦有幸不幸耶

崔不雕櫻桃軒集序

是集婁江崔君華所著君旣哀集其詩十餘種乃托予以序而先之以文曰櫻桃軒者故觀察凌氏玉樹園也園有玉蘭橫蔭十餘畝前後有堂堂後櫻桃一株櫻桃之始花也與玉蘭相後先玉蘭始放而車馬填溢門巷余不能鍵關以謝客每揖客退則坐臥櫻桃軒中岸幘而哦今詩數軸皆軒中之所得也故不名以玉樹而以櫻桃始予自壬寅歲得交崔君於廣陵之文選樓是時君卽屬余爲序距今二載矣以君之知我也其可無一言以述乎君守道靜默貧而益

灌園未定稿

卷二

崔序一

樂其志余所見天下士鮮有如君之賢者君之詩若文如其人者也君於書無不讀尤精於音樂曆數其詩幽峭艷逸出入於郊愈島賀之間而旁通繪事特臻其妙挾君之才以走四方當無不拂席迎者然君嘗上南宮不遇倦遊江淮以北以歷覽其名勝而見之於詩者多矣今猶以所居名其集者豈非無美於彼之赫然者獨居而樂得其志者哉觀察之園其子孫不能有之君得而居之今其園反因君而傳者以此知富貴之不足恃而托諸賢人君子與見於文詞者之足久也余雖幸讀君之詩猶未得隨載酒之轍

觀君之所以解衣磅礴者退而自移其情也於是集也能無慨乎

附錄

余九齡失怙先慈口授義經本義家有藏書

私心竊好之年十二已有篇什流傳矣壬寅癸卯間哀輯向所撰破碎錄始愁越客吟哀江小草夢草後甲吟慨余性庚寅燕遊草竹西雜錄十種爲櫻桃軒集而以古律述銅侯新書江天一覽吳門古塚記風簷語附焉甲辰阮亭夫子謀刻之未果絕句中只有崔郎七字詩是也明州姜先生天下工爲文士士君子著作不得先生一言弁首遂

建園未定稿

卷二

崔序二

黯然無色古人云誰相知定我文者古人汲汲於相知而冀一遇而不可必得而幸得之而不得一言以爲元宴也者其可乎敢以請櫻桃軒者余所居前觀察凌公玉樹園也公有詩云宋玉當年猶有宅子山今日幸爲園余續一律存集中園有玉蘭蔭蔽十餘畝花時二十里外見之如白雲樓起園以是得名前後有堂不數年枝幹四出輒易堂以避之如是者十餘矣崇禎末年觀察易堂爲樓乃得直視不然從其下而觀僅見花之相耳樓後櫻桃一株櫻桃之始花也與玉蘭相後先玉蘭

方盛而車馬填溢門巷載酒而來遊者日以百數

余不能鍵關以謝客倘揖客而入腰呂必裂足必

重繭可念也因坐臥櫻桃軒中洋憤而哦今詩數

軸蓋軒中之所得也故不名以玉樹而名櫻桃然

斯集海內已知之矣不可無先生一言以重其價

幸爲吾序之贊之以詩曰景陵曾立言今之詞人

異懷刺劍有集縹緗轉精緻序反多於文卷首列

爵位因戒同心友不乞名人字余蓄此意久揚州

識君始得君文十篇明珠兼翠碧波瀾到廬陵龍

門較流利中亦饒香草江離芬薜荔賣文吳市門

建園未定稿

卷二

崔序三

千金良可易縱不逢佳士我自據我志鋪張詭云

奇不以落我事若逢佳士真又如何撰記茲集積

歲月要與風騷麗涼颺吹亭臯淡月照無寐有當

于君心或序作者意元宴不我欺三都非所冀序

留君集中可勿勞贈寄

劉子詩文集序

甲寅紹興七月之亂城中負戶而汲備懼不免三日僅解圍去先是郡諸生劉子有所建明議上主者忽之未幾變作始思曲突徙薪之計悔不用至是於是求劉子不可得見咸服其先識余近觀其所上圖練保甲議及所著時務五策皆條畫詳盡寔可見之施行則豈獨一方之利害宜爾哉凡天下之患能見於未然者與圖之於既然者必有間矣使其言果善不幸而不用於時則天下之事其可悔必有甚於今日者也夫文章之道類非握麈淺近者之所能與也

灌園未定藁

卷二

劉子

劉子深沈好大略見人疾患戚戚如出諸已嘗歲大雨雪獨行深山籬落中出粟以給餒者人賴以活而設施不擾上官依法行之所濟者以千萬計其爲文非時所以治亂安危者不以言至其所言必激切而款至言之可以爲爲之可以成也然劉子以儒者而憂天下之事其身既不見用矣乃始欲盡發之於文章嘗謂爲文當自出胸臆顧其有當於理否耳前人語不足效霍去病不至學古兵法此所以爲名將子謂使去病能學古兵法其將略不益精與軍行乏糧尚穿域蹋鞠車中餘梁肉戰士多餒色此不學之過

也今劉子既嘗學之而猶不以此矜於人不亦尤可貴也哉

灌園未定藁

卷二

劉子

嚴孫友詩序

無錫爲縣居蘇常兩郡之間居是地者往往出爲天下偉人貞士而其爲詩者自南朝湛茂之唐李公垂以來亦代有間人有明海內詩家體凡數變北地信陽瑯琊歷下竟陵代起而新其製本如雲嵐之出沒于山谷間聽其自起而自滅可矣而竭蹶以馳者至謂能窮日之所入而不知其將道暘而死也獨錫山之風氣頗能不詭于一時之好尚故其詩之可傳者常衆亦由其人之能行能不爲浮薄之所陷溺而然也予往在吳門見有所謂秋水集者其詩宗黃初一

湛園未定稿

卷二

嚴

安以還五七言近體時出入於溫李之調蔚茂而婉麗卓然能自成家者也至錫山始知爲嚴子孫友作孫友爲人蕭散冲挹意氣浩然有國士之風宜其必能爲詩而爲詩則自不陷於浮薄者予既喜得孫友孫友遇予亦交臂歡甚念當別去於是屬余爲序其詩以余之愚不諧於俗雖久遊於四方熟嘗人情變態而氣志輕然愈不可易故人無論貴賤常視以爲難近獨君能暱就於予而不子怪則其性之不移於風氣可無疑也予故拙於文詞於詩尤不能工顧獨嚴於論詩以爲世之風從波靡者皆無與於詩人

之事故雖其不能爲詩而一時之名能詩者亦終無以奪焉然獨心折於君之詩至此則君詩之能不狃於習俗而足以取信於天下者亦愈可無疑矣而君不亦蓋知所自重乎不亦富學殖所著詩且日多予取其已輯者序其端

湛園未定稿

卷二

嚴

過嶺詩集序

今京師以詩名家者稱兩王先生其一爲新城阮亭少詹而一則邵陽黃湄給事也新城詩最富成集者數種牢籠百氏不名一體於是海內稱詩後進各隨其意之所指而趨之皆能自標風格有聲於時然新城數稱邵陽給事詩不去口嘗令其從學者往就之甲子歲大比給事奉文典試粵東事甫竣而新城復使祀南海兩人所過留題山程水驛登臨宴賞酬和之作落筆都爲人傳誦嶺表詔爲盛事比新城北旋予告歸省而都下之言詩者乃專歸邵陽過嶺集者

湛園未定稿

卷二

過嶺

其奉使往還時所作也維古之君子一出入不忘其君而古者諫無專官行人輶軒所至采輯風謠上之太史則十五國之風所爲褒美刺譏以感諷乎君上者莫不有諫之義焉當給事之往也楮墨流傳達於甲帳主上數對從臣嗟歎其才以今廟堂之宵旰求治而所取於給事者豈獨以其文辭之善哉意其平日敷陳披對讜言正論必其犁然有當於聖衷者故因詩而知其志之所存宜也然則給事之詩之志正其所謂不負所學者而已是集所錄雖僅百餘篇其藹乎忠孝之情何其不殊於風人之旨也

天子誠得而諷咏之則蠻荒萬里之外民風土俗政治得失可以一開卷而瞭然於心目之間其爲益豈不大哉新城前示余粵遊諸咏余覽其大意粗不相遠而給事諫官也故余於是編尤致意焉若其鋪陳排比腴詞逸韻爲學士家之所愛賞摹擬而不能釋者此夫人之所共知而余顧有所不暇盡述者也

湛園未定稿

卷二

過嶺

黃子自譜序

黃子心甫年六十有一而病自爲譜以授其友人嚴子孫友曰吾生平好學所手抄書以數十種試於有司者凡六而卒不得志至此今病且革矣卒不幸以死後世誰爲哀我者子其爲我請之姜子仰敘其端幸及吾之見之也予聞其言而憐之讀其譜大抵多迹生平交遊往還飲酒賦詩登臨嬉遊之樂而遇所失意處猶有憤惋而不平之氣予聞心甫雖老病尚健飯可不至死然使心甫不幸而竟死是塊然之軀悠悠百年已同日暮卽棄捐之土中幸不爲狸狢蟻蝨啖盡然再過數十年將并其骸骨混焉悉歸於無有與瓦礫同化矣尚奚有於生前之聚散離合愛憎喜怒卽今視其譜中之所載得勢氣餒者幾人文彩炳蔚者幾人與心甫同而親異而讐者又幾人其存者尚有幾乎亦不待達者觀之而有以知其無異於浮漚之一瞬白駒之一隙也心甫著此而不悟則其神明鬱結於內形氣膠滯於外內與外交鬪而不已欲無病得乎且吾聞之二氏之言皆歸於養生葆性而吾儒之學亦有不與生死爲聚散者孟子所謂平旦之氣莊子所謂天心未起者是也心甫何無一言

及此心甫姑置是譜也而求之吾心湛然寂然之間吾知其胸中將浩浩落落無一物之芥帶而獨與其天者遊前此之紛紛囀囀皆於心甫無與也嚴子其嘗試語之而心甫試諦聽之吾知其病之釋然去體有不待其辭之畢矣

十峯詩刻序

自予少時則知梁溪有錢君者既因緣人事舟楫還往曾不得一過而問焉記癸卯秋將適潤州泊舟西郭下馮驢眺望見江流抱城縈廻如帶山色蒼翠隱映數里外其左右疎籬修竹隨流曲折俄有小艇從水門出列坐三四人中有哀絃急管之聲亂夕陽而逕渡余目送久之默然傷嘆居人之自得如此而余以貧賤奔走去惠山咫尺耳無由一至其處又還望君之廬則未嘗不以爲深恨也比再至吳門君辱書及詩於余屬爲之序其高弟秦對巖太史長者也每

淮園未定稿

卷二

十峯

健松齋詩序

古文之不作於時久矣二十年來人稍知講求此事其高者或詭而自軼於繩尺之外而卑者局趨於唐宋人之後塵以爲近所稱爲名家者如是而已此其所以爲之者衆而卒不能至者不求其法與雖究其去而不能自得之於已故皆歸於無所成而終也余去年抵都下臥病逆旅方進士渭仁辱投余詩文刻本各一卷余久聞方子才以病不得見就枕上取其詩文讀之觀其馳騁盡變而一軌於法與吾所嘗聞於古人者無以異也余未嘗及見古人然自謂古人去今不遠者讀其言知其有所以爲言者也以古人之文較之方子今所爲之文而知其所以爲言者初不甚異則余於方子之爲人其得之於心也久矣今年方子過余京邸相見懽甚復綴其近所爲文兩卷屬余論定顧余自揣淪棄於時舊學荒落宜其無復過而問之者乃方子非獨不鄙其愚於余所商榷去取亦賦然受之無怪情於是知方子非獨能爲古人之文者也其自得之於已以發爲文者特其餘耳迹其用心之勤且厚雖與古之道亦何以異耶夫文章者性情之枝葉也性情者文章之根本也今方子既

淮園未定稿

卷二

健松

沃其根本而茂其枝葉矣則雖滋培灌之以著成一家之言吾直以行古人之道者非方子奚屬也故方子亦自重其所以言者而可也

莊園未定稿

卷二

無題一

無題集韻詩序

過顧舍人北城寓居見梁谿朱子贊皇無題集韻詩三十首余喜而竟讀今撮其數聯記之如新水亂侵青草路好風輕透白練衣如千樹梨花百壺酒一莊水竹數房書如夢中魂魄猶言是懷裏琅玕今在無如湘妃舊竹痕猶在阿母蟠桃香未齊如誰知春色朝朝好剛爲浮名事事乖如簷前柳色分張綠雨裏梨花寂寞開如一彈流水一彈月半入江風半入雲孔雀鉤寒窺沼見後貌香暖傍簾聞如流水帶花穿巷陌歸雲擁樹失山村如滿砌荆花鋪紫毯點溪荷葉疊青錢如酒醒虛閣秋簾卷月滿寒江夜笛高如海棠花底三年客蟋蟀聲中一點螢此在全首中或未爲佳句殘縑舊繡一經其心杼而新之有起有承有開有闔莫不聲切雲漢思入窈冥此贊皇詩法也昔人評王逸少臨鍾元常書謂其勝於自運要唯逸少能之耳

莊園未定稿

卷二

無題一

高舍人疏香集序

古文人遭際之盛在唐爲李太白在明爲宋景濂二公者皆起自布衣若太白之供奉翰林調羹賜錦可爲榮矣然不久淪棄論世者以爲不幸景濂當元季久困省試金陵之召同數君子者扁舟西上入侍帷幄凡朝廷詔誥賦頌大手筆多經其撰述嘗賜宴禁中天子至親爲之賦醉學士歌其君臣相得如此故開有明三百年文章之運雖景濂一人之力居多至其遭逢之幸亦似有數焉不偶然也今皇上好學稽古妙揀侍從而吾友中書舍人錢唐高子潛人用

潛園未定稿

卷二

高序

高才生被遇入直內庭校讐秘閣上時爲詩歌必命其屬和倚馬刻燭而辦類警麗絕倫不失體製人以此難之又謙謹性成篤於忠孝偶病在告屢旨遣醫診視增賜藥餌行自念某小臣也適得此君上余覽其所爲枕上流涕恭紀聖恩諸作文生於情而不覺自慮其圖報之無地蓋往往掩卷歎息於是所謂君臣相遇千載一時也潛溪之學上溯婺州四先生下及歐陽黃吳之倫皆親承指授其師友之淵源不可誣也然猶年逾強仕始契真主今舍人冠弱棄繻與其徒絕塵而遊遂捐芒屨履華省入當顧問視古

遇合之奇可謂過之余前年癸丑入都而交君接其人溫如也以喜讀其詩冲融雅閒穆然有古有道君子之風焉以服而增嘆今其業視前又變益工矣使余之他日再來京師而君肯再出其詩以惠教之度其年加長德加劬以及於景濂閱歷之時之久則開一代之著作醞釀深厚以待來者吾不惟舍人之望將誰望哉

潛園未定稿

卷二

高序

奇零草序

余得此於定海命謝子大周抄別本以歸凡五七言近體若干首今久失之矣聊憶其大槩爲之序以藏之嗚呼天地晦冥風霾盡塞山河失序而沉星殞氣於窮荒絕島之間猶能時出其光焰以爲有目者之悲喜而幸覩雖其掄抑於一時然要以俟之百世雖欲使之終晦焉不可得也客爲余言公在行間無日不讀書所遺集近十餘種爲選卒取去或有流落人間者此集是其甲辰以後將解散部伍歸隱於落迦山所作也公自督師未嘗受強藩節制及九江遁還

湛園未定稿

卷二

四

漸有掣肘始邑邑不樂而其歸隱於海南也自製一碑置寺中實糧其中俟糧且盡死門有兩犍守之有警猿必跳躑哀鳴而聞之至也從後門入旣被羈會城遠近人士下及市井屠販賣餅之兒無不持紙素至羈所爭求翰墨守卒利其金錢喜爲請乞公隨手揮灑應之皆正氣歌也讀之鮮不泣下者獨士大夫家或頗畏藏其書以爲不祥不知君臣父子之性根於人心而徵於事業發於文章雖歷變患逾不可磨滅歷觀前代沈約撰宋書疑立袁粲傳齊武帝曰粲自是宋忠臣何爲不可歐陽修不爲周韓通立傳君

子機之元聽湖南爲宋忠臣李芾建祠明長陵不罪藏方孝儒書者此帝王盛德事爲人臣子處無諱之朝宜思引君當道臣各爲其主凡一切勝國語言不足避忌余欲稍掇拾公遺事成傳畧一卷以俾悼史之求猶懼蒐訪未徧將日就放失也悲夫

湛園未定稿

卷二

四

鄒君針灸書序

古之高蹈者流若伐檀之君子稼穡狩獵以爲業而詩人美之以爲不素餐此豈僅謂其能自食其力而已哉蓋卽其堅忍之操刻苦之志以知其必能待時而有爲以不至自廢於無用之人故曰不素餐宜也天之生人無論出處貴賤而皆望之以其相生養之道也如謂高尚其志卽可放蕩流佚聽人之白生自死於天地之間如秦越人之相視然則亦謂之素餐而已矣予在京師識鄒君時稱述其尊甫聞望君蓋隱君子也予去年病困客言用艾可愈延醫治之鄒

集圖未定稿

卷二

藝

君從傍指穴數處時有所駁難醫者不能違也予因叩其從來歷言隱君故讀書旣自放棄則學醫尤工鍼灸挾此技數十年能立起沉痾實不取人一錢故術雖工而其家之貧益甚從子啓視其篋衍則手訂書針灸藥脈各二卷在焉其意以無資鉅行其書使吾父利益之道久鬱不廣求余一言以告於當世之有力者予嘗歎後世事日趨便而古意浸微醫其一也卽如靈素諸經所言針石之法必與方診藥齊緩急並用而後有効而病在腠理者尤以針石爲宜然在漢時砭石法已不傳僅傳者針耳今醫家所用惟

五苦六辛草木之滋味其於人也未矣而視針灸特自爲一門習醫者反視爲旁家外道而不之數則其爲術安得不踈余故不請醫未暇讀隱君書輒欲依太史公之傳淳于意及近世元遺山序李杲明朱景濂贈周漢卿例件繫其已試之效於卷端使人知其術之奇中如此則此書之行活人當不可數計隱君者雖賤然自廢何害哉漢郭玉有云腠理至微隨氣用巧針石之間毫芒卽乖神存於心手之際可得解而不可得言也輪扁之對桓公曰臣不能以傳之臣之子臣之子不能以受之臣鄒君本以善奕遊京師

集圖未定稿

卷二

藝

然而其於父之學也則固已得之於心手之際矣

志壑堂序

余嘗欲條疏古今賢臣建言者分而爲三彙成一書
三者一曰宰相一曰侍從其一則諫官也蓋古者諫
無專官所最重者宰相有輔導之義侍從有啓沃之
任其責任與諫官等耳獨怪今之言事者專以其責
屬之臺省於輔導講讀之臣未有所與焉而爲輔導
爲講讀者亦遂寬然自弛以爲非我之所有事使諫
官之能盡其職天下之事有諫官之所不能盡言者
矣而况於今之官名爲諫者其能盡其言責者十不
得一二而能盡其言者其言之又有行不行行者嘗
難圖未定稿

卷一

志壑堂

少而不行者嘗多也然則如之何而不以責諸宰相
與侍從者也順治間有詔命辭臣修玉璽記元帝化
書時則檢討淄川濟武唐先生上言以爲不宜崇此
非聖之書妄費紙筆爲聖學玷又爭御史張煊給
事中陰潤事件肯歸里本朝之能以翰林共諫
職者自檢討始從此考槃般水之陽發憤著書垂三
十年以今年七月訪友四明索其文數卷以示余余
讀其經世之言所爲籌餉積穀銅鈔改漕諸法其評
謨碩算可與賈長沙陸宜公相上下惜其雖能言不
得試之實用且身之用不用命也并不得自見其言

於朝以待有力者之上而舉行之焉良可悲矣則夫
以檢討之文爲窮而始足自列於後世者豈通論哉
檢討當攷廢之餘惄然以天下生民之事爲已憂顧
其中若有所不暇者而當任其憂者反營營終日亦
若有所不暇於天下生民之計循是以往斯民之患
將安息乎此余之所以不禁三太息於斯文也

難圖未定稿

卷二

志壑堂

詩義刻序

友人胡子質明既刻其四書制義成已而復梓其經義若干篇問序於予予惟詩之有義蓋古說詩者之流若漢所稱齊魯毛韓者特以其取辦應舉故稍飾之以文辭務中程式逮習之既久則體製益變四方風氣亦因之互異即舉大江以南言之雲間以聲調海虞以典制毘陵以豐贍江右諸郡以氣格而吾邑之爲文尤矜勢尚奇家操鉛槧規撫龍門旁撫千史然其流皆有弊取風調者以弱襲典制者以拘豐贍者以靡曼氣格者以寒齋而予邑後起亦頗縱恣繩墨者穿鑿詭譎兩莽於傳註吾黨怒然愛之胡子於是督集羣說折衷之大全註疏排其枝葉擷其精英去前之所患而斷然自成一家之言既用此取舉然其意猶未慊也復發篋以公諸海內學詩者準的其用意固已勤矣前年君之任發錢唐余邂逅逆旅得盡讀其文時君又出所爲各體詩示予也蓋古之說詩者多不暇自爲詩君以三百篇爲詩故其詩益工出於齊魯毛韓諸老生所未備君詩之工如此然一本於其所爲說詩者則其所爲詩義不獨以苟且取世資而已其轉移風氣而反之古足以信今傳後

惟圖未定集

卷二

詩義

無疑也孔子以授政不達爲誦詩者之病而漢世循吏多起於儒林其治經皆有師法可紀余間聞君治縣經年弊釐利舉境內無事日集儒生講論口授指畫絃誦聲徹閭巷君又希慕陶彭澤之風時時式其里居慨歎者久之可謂極詩人之能事而與世之文俗吏相去遠矣蓋君不獨以其說詩又能工詩又能以其得於詩者試之吏事此其所以尤賢也予故并序及之以見吾黨讀書皆期爲經世有本之學非獨如諸老生家厄辭無當與夫浮艷輕薄以自托於詩人者比也

惟圖未定集

卷二

詩義

顧息齋詩序

陽羨徐先生之宦於永昌也所著有淇南詩草子既受而卒業復授子顧息齋一集則其去官後所得也客有見者謂子曰夫子貢之問於孔子而顧息於事君於事親也蓋五問而未之許也今徐先生之以是繫其詩也何居子曰夫徐先生其可謂深於詩也已當其披菁榛蒙瘴霧走金齒萬里之鄉直蠻獠新附義威德柔不避險艱及以細故解職而歸途經涉觸緒成咏猶無非憂君恤國之意其於觀也亦然太夫人年八十浣濯饗食必虔煥寒必問嘗對子慨然太

滄園未定藁 卷二

息以遊不即歸太夫人旦夕念我必甚也甚矣先生之無可息于事君事親也此子之所謂深於詩者也抑子聞之人之勞苦過當者恒自託於謠吟以寫其游焉息焉之意行者謠春者相聞里夜作者相與歌詩以言其志皆此物也今先生雖篤於所事及其發而為詩也忠愛而不激憂思而不迫紆徐演漾按節而赴之合於大雅之音使讀之者捐其慘心宜其鬱滯莫不灑然有所得以興起於忠孝焉由此觀之先生之志其殆息於詩乎既以此復客并書其語於卷次學詩者無亦知所本焉

初蓉閣詩序

彭子爰琴善遊嘗三登泰岱臨日觀觀秦漢以來所用事處為詩紀事幾溢百韻時人擬之北征南山又徧歷漢沔走豫章尋匡廬諸勝與山僧道流栖遲者累月而後出故其詩取象綜博託寄高遠驟即之不可得其徑術既而悠然與之俱游往而不能返矣余去年與君相識京師自此並轡燕趙梁宋陳蔡之郊以抵於廣陵一年之中寢處飲食無弗同也然子既不善稱詩而彭子亦輟吟終歲或有問子與彭子者則皆不能言其故也歲行盡矣余將問棹南歸彭子曰子知吾詩能知吾所以作詩之意乎凡吾之於詩其作也必有為子蓋為吾敘而傳之子謝曰唯唯余不能知子詩之所以作而能知子詩之所以不作子之輟吟者終歲余不能言其故也然其於知子也深矣余之知子之詩之所以作於其知子之詩之所以不作矣雖微余知子固自知之也余知之子自知之猶欲相求於言乎彭子聞是說也俛而不答喟然若有慨於心也因書之以為敘

滄園未定藁 卷二

松溪詩序

數十年間雲間之稱詩者大抵俎豆何李而黃門舍人爲之魁自兩公相繼淪沒倡酬道廢流風漸息然其餘派之在西泠者如故也今年春王子子武來自雲間會予亦客省下遺詩兩種復出其近集一卷予受而讀之以視前賢之矩矱非有所放而之靡與掉而之險也循其途而默爲矯焉以風骨爲主以自然爲宗長歌短奏宮徵雜陳循聲而按之旨趣畢出而凡向之所病爲剽竊模擬爲漢魏爲盛唐者不揮而自却此其苦心調劑視昔何如顧猶得謂之起衰陟陞圖未定彙

卷二

序

李已也子武甫至西泠郡人士翕然稱之雖其耆生宿儒亦樂從之往復而心折其議論不將舍其舊而新是圖乎於其歸也子序其詩所以感兩郡風氣之變而幸古詩之將復興也

誥贈中憲大夫沈公崇祀鄉賢詩序

先是松江府學諸生某等以故贈中憲大夫按察司副使沈公宜崇祀狀上之府太守以上于督學使者既得請遂置主卜吉迎祀之如禮于是鄉之薦紳先生及四方賢士爭爲歌詩以紀其盛且以悲公之遇慶公之沒而得顯而以慰憲副公之孝思于無窮也屬某爲之序某竊按公生當前代太平之後懷璋蓄奇蘊而不揚其歿于崇禎之十四年豈復自意其今日也歟然當公歿時天下亦大亂矣且以漢永平播遷之後下第寒士裹衣牽裳之徒猶弛負擔而位耶署者四十六人唐昭宗天復之二年皇輿粗定則詔取耆宿五人與于禮部試者遽授之官時人謂之五老榜蓋古人于坎軻失志之餘其遭逢之奇又有如此者公生亂世不遇以天命也然古者瑣尾零落若此者蓋不勝記卽其低首受書飢寒勞苦之不恤思一發抒其胸中所聞見而及其顛踣不偶久之而無所成也則恫慘鬱悵以歿而其魂魄之寄所託之陰風曠雨松柏之哀號猿猱虎豹木魅山鬼之所俯仰踣躅而悲嘯者又不知其幾也然而生旣屯屨于前沒又無聞于後者此非夫人子孫之責而誰責耶爰

誥贈中憲大夫沈公崇祀鄉賢詩序

卷二

贈序

自憲副公始長卽手父遺書飲泣而讀之既起家甲
第上玉堂歷清禁持節于嵩少大河之間聲譽赫濯
猶時時痛父不置以鼎養之不及也對客則慘悽增
歎會朝廷亦軫念賢勞不忘其所自特贈公如子
官今又俎豆之于鄉以春秋奠侑而饗祀之然後贈
公之賢與憲副公之孝始焜耀在人耳目矣此與側
身荆棘龍鍾一第者其于命又孰得孰失耶或謂公
孝弟聞于家行誼著于鄉鄰之淑其德者相望也此
謂合于古有功德則祀者歟愚謂正不必以此例也
夫公非有所現行絕奇以震炫于世也但使經公之

湛園未定業

卷二

贈

祠者見其終身阨塞而今獲遂顯榮如此則人誰不
思力善教家以得名于身後見憲副公之賢辛苦以
列其親之名於天下則誰非人子又誰不思勉勉繼
志期無忝于所生於以發仁人孝子之思彰聖天
子風勵天下之盛皆于是乎在此諸君子相爲咏歌
之志也愚不敏敬述其所以

吳梅村先生曰前半如急湍飛瀑出于欽奇偈仄
之間結處則汪汪千頃波矣

州泉積善錄序

客曰古人謂陰德如耳鳴已可得知人不可得而聞
今積善錄之刻何居口此其故人八十歲翁朱絃氏
之所爲也曰然則非吳子之意乎曰使吳子而獨行
仁義不求人知終其身而已謂之非其意可也夫吳
子不忍人之飢寒疾困既已以其力之所及濟之矣
其所不及濟者有人焉亦以其力之所及者濟之如
吳子吳子不將視如已出乎則是書之行於世也雖
謂吳子之意奚而不可曰亦有說乎曰吾徵之孔氏
矣昔子路拯溺者其人拜之以牛子路受之孔子曰

湛園未定稿

卷一

積善錄序

魯人必拯溺矣魯國之法魯人有順臣妾於諸侯者
取金於府子貢贖人於諸侯而遺其金孔子曰君子
之舉諸身可以移風易俗而教導可施於百姓者非
獨適其身之行也魯國富者寡而貧者衆贖而受金
則不廉不受則後無復贖自今以後魯人不復贖矣
夫受牛貪也不受金至廉也孔子之於二子其所與
如此而所見非如彼甚矣聖人之樂善無已也苟其
可以誘人於善也利且不避而況於名乎昔宋富鄭
公於青州趙清獻公於越州賑荒之法一時名儒皆
爲文紀之而元之何長者至微末也胡汲仲亦爲文

具述其事此錄所載賑荒施藥救災助喪施棺諸事
皆有良法可守後人倣而行之爲利無窮君子之與
人爲善也不獨從而稱道之又以其法之不可沒也
復樂書其事以貽之後焉苟曰是嫌於名與利而避
之見之者亦曰是近於爲名近於爲利吾無述焉是
私也非公也宜爲聖人之所不取矣吳子名之振字
孟舉浙之石門人博學善文辭方需次京職有重名
於時云

湛園未定稿

卷二

讀許參政

周子詩序

往故給事中陽美魯巖莫公令武塘余修知己之謁
於門下因得徧交其邑中名士時周子渭陽羣從皆
舉與余往還巾車畫舫南園北里之遊探籌而飲刻
燭而賦余未嘗不接臂其間蓋六年中凡四至至則
必連月而後返時諸子多年少豪雋詠吟間作或乘
醉叫喚狂呼若旁無人者而周子恂恂禮法自持言
笑不苟共爲詩春容和雅有黼黻之章金石之聲蓋
幾於有道者之言如其人者也十餘年來余奔走南
北頽然既老且憊矣前年莫師卒京邸哭之慟間問
武塘諸子亦多淪落失所意氣非昔周子惠然過余
追數舊事相與慨歎而余視渭陽神色愈王袖出詩
數卷句鏤字琢若將與後生角逐於聲律咫尺之間
而氣凌出於其上者余方抱疴屏絕筆墨何來索序
甚急益歎周子非獨其才絕異也其精力之過人雖
既老而不衰也如此余且欲倚之以自壯矣遂序其
詩以爲贈

湛園未定稿

卷五

周子

陳六謙之任安邑詩序

戊午冬予友海寧陳子六謙謁選得安邑丞以去致贈詩至數十篇或謂陳子才地高宜得廕仕不宜訟驛爲州縣小吏予讀諸君之詩知其所期於陳子者或不在是也安邑故漢淮陰侯韓信所爲漢首立功地信之事爲君子所不道然其志實有過人者方其未立功時本與世之碌碌者無以異其始居淮陰也一市之中皆笑其怯至與趙戰背水而陣趙人皆大笑與楚戰淮水之上楚大將龍且曰吾生平知韓信爲人易與耳又曰吾固知信怯也夫市中兒爲怯宜

淮園未定業

卷二

陳六

也至使敵國之將聞之亦輕之而不爲備然卒以此成大功則夫信之所以得此名於市中者豈一日之故哉士之志道德者固無慕於功名者也其志乎功名者非其識之沉力之堅而急於自見者往必敗而無急于人之知者必得之若信是矣且天下之公侯將相其不爲市中兒之見者幾何而汲汲焉欲共知之也不已過乎陳子抱盛才來遊於京師適當

朝廷下詔求士之日孫陽之顧一炫鬻可得人方管營君棄不取曰丞吾樂也余微觀陳子本非無意於功名者也今其言若是殆與營營者異趨乎則其中

之所有豈可易量哉安邑故儉俗易治新令周君其同鄉又賢用陳子之才佐賢令以治易治之民政之成也可待鳴琴之暇相與登觀豹故城踪跡其所從夏陽以木罌匱渡軍處然後執是卷而歌之當必有快然自得其志於千載以上者此非俗人之所知而諸作者之意亦容有所不欲盡也則予安得以無述乎

淮園未定業

卷二

陳六

韓子集序

吾邑前代不論自明興家以古學相尚如烏春草斯道陳光世敬宗楊名父子輩諸公以詩又名世者述有師承自後子弟沿習爲制舉義舉前輩垂世之文度閤不觀而反笑學古者以爲拙於達世風類波靡不可收拾予竊歎以爲吾鄉風俗之敝將未有艾也今韓孝廉嗣君燕孫濡漆家學有素才更旁通敏捷雖漢魏六朝下散行駢儷各家殊體之文對客據几數紙立盡而又以其餘力爲時文與同輩角逐藝場往輒取勝以是名赫赫起括蒼舊姓用羔雁延請主

卷二

序

其家塾此邑自方希哲後餘風所被家絃誦而戶濂

洛燕孫雖年少多奇必將欽準就實游泳於作者之波瀾自流而溯之不底於源焉不止也如是雖吾邑前輩猶當屏息攝氣以聽君之所爲況於今世之瑣瑣者他日君復以其文來吾言將必有進於此者矣

奕譜序

奕之有品起自劉宋於時風流相扇至宰相論評人主裁決可謂盛矣其爲之譜者漢桓譚有十三篇唐王績薪金谷圖宋徐鉉撰其凡例而隋志載棋勢數家王世貞歷數近世國手源流溫州鮑一中李冲後先出爲永嘉派婺源汪曙劣鮑一路程汝亮晚出勝之爲徽州派顏倫善決局後李時與齊名爲京師派奕之有派自世貞說始也至今日而稱奕者尤多余所及見者若梁谿過百齡吳門李元劭盛大有武林季心雪新安汪盛年名皆出前數輩上而毘陵鄒君

卷二

序

以後起年少一朝而頡頏於其間所至高門朱邸爭

相延致其布局一成譜即當時傳布余嘗聽其言論起手布置若爲得勢多若爲失勢覺全局大勢落落然數着可定雖余意不好此然每有味乎其言之也君於是并緝前後奕譜合爲如干卷又蒐采經史子集諸小說家及奕理者即備載之於篇蓋欲以啟悟後學資問見之助其用心亦云勤矣夫奕之爲道微也然猶不能以無所師法而後工今也爲其道而棄其法欲以求工於古人難已以鄒君之用心而移之於好學嗜古者其可量乎哉此予之所以不能無深

慨也

李蒼存詩序

詩自四言衍爲五七言又有長短句者長句間多至九言十餘言特濫觴於離騷漢魏樂府其後李太白遠別離蜀道難則詩而文矣杜牧之阿房宮蘇子瞻前後赤壁則賦而文矣作者心思蹙縮壅閼於內挾其才氣全憤欲出則颺發泉湧不可以古法繩尺裁量讀者洞心駭目不能執此而廢彼也斯已奇矣蓋五經之文易書禮春秋各具詩體易小象雜卦傳全用韻書虞書洪範戴記禮運孔子閒居等篇間用韻左氏傳語似銘似謠者尤多雖諸子亦然以詩爲文者古也以文爲詩賦非古也抑不害其爲古李子蒼存用茂才貢入京師自惟所挾者重不能訛敬隨俗高下以故累試不偶其鬱悒無聊激而爲放宕無涯涘之語長篇浩歌往往有供奉遺風余每歎其才而惜其遇雖然使蒼存之歛其才氣積爲湛深之思將不能以文爲詩復古之制也哉

贈翁祭酒遷少詹事序

記曰行一事而三善備者唯世子而已其齒於學之謂也古者大司成教世子及士以舞干戚語說命乞言皆大樂正授之以篇章之數然後大司成坐於東序而論說之是凡教大樂正徒授數而不論說論說者大司成也然大司成之職在論說猶不離於口耳之功先王之教世子以爲口耳之功未足以成德而尊教也於是乎立之太傅少傅以養之於父子君臣之道然後可以潛移默化其志氣使之馴習於善而不自知故曰太傅審父子君臣之道以示之少傅奉

禮圖朱定稿

卷四

附序一

世子以觀太傅之德行而審喻之此其序也又曰樂正司業父師司成司成就德行尊爲父師則必不僅主論說責效於口耳之間可知也夫其能博喻然後能爲師彼爲之太傅少傅者又豈與夫樸魯少學者泛而論父子君臣之道如木偶之拜起然哉故愚以爲兩傅之職非司成樂正其人莫足當之古者天子師傅多兼官況世子與考古所謂太傅者畧近今詹事之制而所謂少傅者則今少詹事之職也然則今祭酒猶古之司成乎曰古者司成得教世子後世齒肖禮廢而今之祭酒所教者僅國之俊造而已宜

其與古異矣前年 皇上命 東宮出閣講學文華

殿特 召歸德湯先生於江南命以禮部尚書管詹

事府事重德行也逾年蘇州翁先生亦自國子祭酒

擢爲少詹事先生表帥六館盡祛監中夙弊所條奏

諸教育法準於古制特議情不盡用今而知 朝廷

之用先生其意良厚而其職則以古司成而行少傅

之事無以異也據今之職則先生之論說方有事耳

循古之制則審喻以太傅之德行而使湯先生之道

爲不孤者先生得無意與嗚呼自秦漢以來二帝三

王之遺跡盡矣今 聖天子獨稽古禮文肇舉盛典

禮圖朱定稿

卷四

附序二

擇人而畀之而先生適逢其會此予之所以親見之而尤幸而尤樂其與湯先生相與以有成也

贈汪檢討出使琉球序

古天子行人所至止於五等封國而已自漢開西域持節而馳者罄空生事於萬里之外爲君子所不道然猶未及於海外諸國也其後東南諸種類始稍稍通貢中國而其中所謂琉球者隋大業間嘗發兵攻之終不能臣服至前朝始稟正朔奉職貢以及於

國家開朔之際尤祇效臣節四十年間航海之費數至天子嘉其勤也復以其國俗好文學敦禮義不欲鄙夷其人迺妙選臣僚銜命往撫之於是禮官同諸大臣及科道官會推以翰林院檢討汪君充

湛園未定稿

卷三

序一

正使名上依故事賜一品服齋詔往前年汪君以文行超卓膺制科之選天下無不聞其名而慕之今將中朝之命臨賜絕島之國百靈效順趨走翼衛揚帆鼓棹直不十日可抵其境上則夫聆其聲名挹其言論風采以帖服震聳竦然增上國之重者豈獨中山君臣區區之是爲哉環島而居者小大國以十數將必有聞風景附爭集闕下者使盛朝之崇德鴻業磅礴無外汪君且與有力焉君行出自閭閻乃者封疆大吏鳴劬踴躍庶幾伏波橫海之功然餘艘之師銜尾相屬廻翔而不進者三年於茲矣或謂十萬之

衆不必賢於一使之任然其利害未可懸度也傳曰有可以安國家利社稷者則籲之言使之有遂事也以君之才顧其勢不得以遂事比其歸也圖畫其所見山川形勢設爲方略以上之以待謀國者之有所擇而用焉此亦良使臣之職也

湛園未定稿

卷三

序二

送王少詹使祀南海神廟序

海神唐稱廣利王宋加號洪聖明洪武三年詔設鎮海壇皆去封號稱神今制因之

嶽鎮海瀆之有定祀皆本於唐開元禮百川之水惟海爲大而南海居委輸之極從廣州城南受三江之水分東西二道東南直抵甌閩西南抵駱越以及東西洋以往諸國無所不到於四海之中號爲尤大稱天池焉故祀典獨重南海而韓退之作廟碑亦云南海神次最貴者以此也在周頌般之樂章序謂巡狩祭四嶽河海而作則巡狩之祀海其來久矣今康熙二十三年削平巨孽中外無事皇帝將以時巡天

海國未定稿

卷三

王序一

下爰考古禮分遣諸朝臣告事山川而以詹事府少詹阮亭王公往南海惟國家撫有疆宇大海之中鯨呿鰲擲憑妖鼓怒於波濤之內山河爲之歛掀日月爲之霾暄如是者幾四十年一旦風恬浪靜纖塵不驚依島之國占風而至瀕海百姓含哺嬉游使吾皇之德化洋溢無垠神之功亦偉矣南海之神既大而靈以默佑我國家其功尤偉天子特以使事付公豈無意哉按廣州志廟在州城南八十里本非島嶼而陸行山徑崎嶇不若一帆之便退之於刺史孔戣之親祀至誇爲僮事亦以付時刺史怠職不

虔委事于副而致獨能稍自異于前政爲可述耳今天子旣下南巡之詔獨嶺南地以僻遠不得至度公之往布宣上德喻所以憂民疾苦之意至備吾知五嶺荒徼俚人蠻戶必將如望屬車之清塵趨走恐後者民氣歡悅神嗜飲食由是言之則海南萬里清晏呈祥效珍用協贊我無疆之景運豈有極哉一祀事之躬親誠無足道是役也天子不以屬諸他而必以公行其果非無意也已

海國未定稿

卷三

王序二

賀崑山徐公入閣序

崑山徐公之以戶部尙書拜大學士也其爲戶部視事裁五月於時僚佐之樂其大用而惜其去之已早者件繫公在事政績將勦之貞珉以垂永遠公聞亟止之既不得願而以某之辱知於公最久也則請爲文述其意以進之某辭不敢又固以請且曰公之懿美固不待文以顯然某等之得各庀厥職以幸免於罪戾者皆公之賜也其敢忘諸自公之來蒞於此也故事說堂先滿後漢公令同日以戒吏玩十四司事條例互異吏上下其手恣爲奸利公趨畫一庶司秩

甚爾未定集

卷三

賀徐公

秩禁三庫官胥乾沒四方解吏朝到夕發掾營關累數千金是名頂首迭來盤踞公黜其尤下召募之令窟穴斯去各省以軍支上部未銷費且不貲輒援恩赦概豁除之及一切倚閣鉅細筆覽過就結案吏牘大減舊各司署事恒有所偏視輕重漢堂盡諾更巧侮弄公凡所披駁行移毋或參差集益和衷一出於至公雖督撫上陳利弊臺省獻替向所謂不便奏停者遇有可采輒破例覆行之以此故十四司官皆樂爲盡力而中外事關度支亦自謂人人得舉其職凡諸弛張其見於暫者則然惜某等之不能以公久

甚爾未定集

卷三

賀徐公

留樂觀其成也愚則謂公之得爲戶部自今日始也諸君何異焉夫今之內閣名與古宰相異其實卽相職也在周則所謂天官冢宰者也周禮冢宰之職雖無所不統其大者八法八則八柄八統以用人九職九賦九式九貢以理財而已理財與用人對舉此則傳所謂斷斷無他技之一個臣之事而已後世以地官司徒有泉府遂舉國家財賦之出入并而屬之司徒此戶部之職掌所由設也不知司徒本以掌教泉府所司特市之征布與國服爲息之令其他小司徒遂大夫以下所謂任土經野徵賦之類一切皆與國用出入之數無與而冢宰所統其職有掌受財受用者有掌聽其會稽者至于王及后世子之膳服賜予皆得制其節度而擇人以任焉由是觀之古蓋無戶部之職掌戶部之政一領于冢宰上以制國用下以阜兆民順陰陽之宜而送萬物之性此三公之所以坐而論者也其事至廣至大其法至精至微非夫道德之純備智慮之淵謐與夫學問之深造者不足以與於此矣自漢以來周官之意漸微或問宰相以錢穀曰自有主者或以宰相領度支鹽鐵或兼制置三司條例司無論分合均失之矣公少以才器受知

先皇及事 今上從容啟沃出總內臺者三十年於茲正色立朝潔已率屬謀王體斷國是審謬諤無少顧避時稱爲社稷臣者天下無異辭所設施於戶部者其略也然今之內閣事權亦與古少殊矣 聖天子慨思至理特登進公左右臆贊大業官仍以戶部繫銜者豈徒循其名歟意者由今之道而欲稍寓古之制隱然以天官冢宰之任責之與而公以其道德之純備智慮之淵謐與夫學問之深造者起膺明命用其道以致太平一如成周之盛時斯可謂君臣同德千載之一遇也夫處公於政府與一部之辦

湛園未定藁

卷三

賀徐公

治孰爲大小易明也然而諸君猶不能無以私公之不得爲憾者蓋古者僚友相厚之誼亦愈以見公之賢也愚不敏敢竊颺其盛焉

贈李編修出守臨江序

唐翰林院之設特以待諸供奉者其後設學士事寄漸隆然歷代內外叅用出入不常而爲州郡刺史者類多鉅公碩儒所至樹名績後輒去爲大官其遺風餘韻之在其地常歷久而不衰也與夫俗吏之剝精疲神沉埋於案牘者異矣明初命編修以下考覈諸司奏啟平允則列名封上欲其諳練世務也後永樂四年以待詔解籍等七人入直文淵閣次年遂詔內閣儒臣考滿勿改外任於是後之爲詞臣者以偃仰養重爲自異于諸司累資積級不十餘年而至公卿

湛園未定藁

卷三

贈李編

矣余覽明洪武後列朝實錄所載諸學士傳敘歷清華至老無一事實可紀就其間豈無卓犖奇偉如唐宋諸公者而湮沒於無稱至不得比於州縣之末吏猶有事功可以表見亦可惜矣夫養儒臣以儲公輔之選也至問之決獄數不知問之錢穀不知異日何以爲佐理天下之具乎此非有國者之利明矣 本朝順治間嘗揀有才望儒臣外補方面其時大臣奉行不稱或反用其所忌者充之遂至一出而不返而成例卒不可變今 上二十七年八月吏部當大選時知府缺多邊遠有力者巧爲營避詭託郎吏俸淺

不及數速懸缺簽至二十有一積數月不掣言官屢
奏謂二千石民命所繫不宜久曠上下其議部守
之益牢上知其成見不可破遂以今十二月甲辰
奮然引見諸郎官益之以編檢俸深望重者三人親
填注各缺付所司刻期赴任勉以太用一時翕然稱
快頌皇上議治體要明于知人而編修德州述修
李先生遂得臨江以去時先生當補少司成已咨部
數日矣既得郡念太夫人在籍遠艱於就養恒憂見
於色予從先生館局久知其爲人沉深有器局慈惠
能利物厭飫經術不苟追隨有古名臣風其視治一

華園未定棄

卷三

樂府

郡直承蜩而振之耳自平原具船由漕達江不兩月
可抵治所欲避江行之險者取道武林上衢信沂流
千里灘勢迴曲澄波疊嶂夾岸深林茂樹文禽異石
足以娛目而爽神太夫人雖老健飯涉此不難昔司
馬子長爲雋不疑傳詳書其尹京兆時受母誡錄囚
徒多所平反卒以此名重朝廷而其母亦聲施至今
子雅聞太夫人賢佐先僉事公歷任有聲先生素被
教迎養以往也待其政成還朝將必有操筆而書之
如子長者豈不亦母子俱榮哉孰與夫前代之湮沒
於無稱者先生其亦幸而得遇其時也又何戚戚於

中耶

華園未定棄

卷三

樂府

別業編修序

昔鮑叔既脫管子于囚且進之桓公而以身下之其
恩大矣然而管子既貴未嘗舉以爲言其所言者乃
在貧時與鮑叔商賈逐什一分財利與夫浮沈卑冗
而卒伍廝養之事豈誠一時之感激有甚於生死而
貴賤者與蓋嘗論之夫士固有蹈白刃輕千乘而不
顧者矣仲雖伯佐抑其自待者重以爲生死貴賤危
相扶而安相携者乃朋友之常道唯其平時知已有
隱喻於形迹之外而不可以告人者此其不能以頃
刻忘也故曰生我者父母知我者鮑叔也其謂我嘗
爲鮑叔謀事多困而鮑叔不以我爲愚知時有利不
利也嘗三仕三已鮑叔不以我爲不肖知其不遭時
也余每反復此言竊怪以管子之智計如神舉齊國
而用之唯所欲爲何獨暗於小事而拙於謀身至此
既思得其故則又不禁歎歎以起蓋嘗讀詩綿蠻之
首章曰綿蠻黃鳥止於丘隅道之云遠我勞如何飲
之食之教之誨之命彼後車謂之載之此微賤勞苦
而求援者之所爲作也賢者失志至一飲食之微不
能自具而望給於人此其昏迷顛沛之狀必有可憐
者矣然而自古豪傑之士如此者往往而有故人知

我愚人得我失人愛我憎及其甚也舉日投足無一
而可殆所謂行拂亂其所爲者而管子之才之賢其
猶不免於是歟當此之時有能飲食教誨之者幸也
卽不然而詆侮訕笑之隨其後甚且非意加之極之
其所往人非甚堅忍鮮不喪其所守矣愚嘗以是求
之古人而欲如鮑叔之于管仲者何不數數也幸而
有之是可不爲之流連而三嘆已乎以予之得遇君
於此也今之去也不能以無感故書管子之事以見
志焉

送陳紫馭遊永康序

陳子以九月戒途遊永康予送而謂之曰子之是行以爲知己報乎抑將因以有求於彼乎顧視子貌若有所不屑而強就之者然豈其亦有所慨於中乎予前年遇知於所司與子同已而失意又同計子交遊中知子宜無予若者以予之卑賤久羈於此所嘗人情險巇百端每悒悒不樂日思買田種藝杜門讀書鼓琴以自娛猶不能捨此而遽去而知子之必有慨於中者以予信之也子姑慎其所往哉婺州山水豐厚人物敦朴當宋南渡後衣冠避地多出其境宋元之際朱呂學延蔓於八邑至今猶有傳者子負材藝修仁義立然諾持是以往安在其無遇也永康之學初於陳同甫同甫要爲粗豪然朱子深愛其材與其往復辨難數萬言卒欲歸之醇正其緒言餘蹟亦垂至今子遊其鄉蓋亦虛往而實歸矣子之師爲賢今於彼潔然仁以清無亦以吾言叩之人不學道老至奄忽遇不遇何足論哉

清園朱定華

卷三

送徐

送徐道積序

徐子將北上其友載酒飲餞於昌亭之外顧子盍辭以贈其行夫徐子之爲人子既知之矣前年戊午余與並轡而北相得也既至而予卧病浹月所居室纔容榻塵坌踰鬱腥穢襲人徐子去余五六里而舍間日必詣予問所苦視食飲多少坐語移時而後去已力疾就試凡僦屋賃車藥餌器用之資畢給當是時余初不知其遊子之戚也一誤失於有司不加怨怙然而就道三年於此而復行徐子之待人厚以恕其處已也恒嗇於外而務克於中彼惟其無求於人也

清園朱定華

卷三

送徐

然余觀徐子其用意遠矣方今太平初奏聖天子奮然思起積玩之習虛已以待總憲公之謙論此年以來振綱肅紀悚切中外人皆謂總憲公功公與其伯仲兩公俱用風節比肩立朝遠以慰天下之望而退焉以有所共樂於彼也徐子往矣朝夕奉侍之暇質問之餘必有不言之觀感者吾見子學識之深造未有已也昔漢李邵爲司徒其子固每到太學客入公府定省人不知其爲三公子也後卒爲漢名宰相樹功社稷世其忠孝自常人之見觀之則子弟之謹飭何與人國家事自君子觀之則遠大之器識必根

於此而徐子之能爲固異日之所爲也其理有不足
疑者矣徐子挾雋才操紙筆從白衣舉子發策決科
取世俗所炫耀此叩其囊底之智足以辦之以非總
憲公之所期於子者故余亦不得而稱也

送馮子序

維歲之春予友秦君別予而西未數日也馮子孟勉
亦來別予將西適吳會放大江觀于洞庭佳處之勝
而稅駕焉二君者皆今之賢君子也予非二子之與
遊則不能一朝而樂而相繼以去予則予之悲可知
也去年馮子客吳中寄予葛嶼卜詠馮子曰葛嶼去
吳江縣東五十餘里其地有禽魚蒲葦之樂灌溉之
饒居人之環而食其利者百餘家中有唐隱士張志
和祠蓋志和浮家泛宅往來苕霅中意此其經遊之
處而後人之因而祠之者也宜馮子之有樂於此也

然予讀馮子詩自傷其親戚之遠離朋友之失處憤
悱哀怨若不知有文字之足樂而賢人逸士之蹟遺
風餘韻之可愛而可傳者必其無所樂於中可知也
卽秦子之言亦猶是也予既悲二子之別二子亦復
自悲其別然則二子之屢役於四方也其亦有不得
已者乎顧余非能不爲別也勢不得別也別與處奚
擇哉方秦子之歸也客有授其琴數引者爲予奏之
鏗然以和曄然其志油油然其自放焉豈非得於中
則忘其外者哉其所得愈重則其於外逾輕矣馮子
之往而復以詩貽予也予固知其不以悲而以憐也

送王子序

王子言其家在金陵東郭門外近前孝廉王元俸高士居孝廉先世東浙人申明崇禎丙子鄉試見天下亂起遂不赴南宮試隱居養親著書自娛日羹蔬飯糲不給所知或遺之酒粟固不受有一子一孫皆从唯曾孫二人侍養年垂九十矣王子言如此王子負氣好奇與予同寓維揚郡齋每納涼露坐言必及孝廉子問王子言亦愈欲知孝廉本末每問必及之令其盡言時同坐者有邈不相聞有聞而微反唇者余與王子不顧也世無知孝廉者獨王子以大父行事津聞未定彙

卷三

送王

之與相師友予謂王子歸而益勉之矣在易剝之六三曰剝之無咎善其能去其黨之不正者而從上之正也復之六四曰中行獨復善其能與衆同行而獨應乎初也此二者其志相類而處剝而得無咎者尤難蓋復初九一陽始生於下正君子道長小人道消之候有識者能早知其機而與之并力並濟則足以因禍而爲福轉敗而爲功雖其本無計功謀利之私心然而事勢之相值固有不得不狀者至於剝之將終而純陰則厄運交構正氣彫落獨有一上九之陽僅存如碩果之不食而其勢亦無可爲矣方是時也

羣陰競進因勢利熾形生氣長而六三一陰獨能解去其同類與上九之君子相從於枯槁而不惜非其中之有大不得已者乎故易曰無咎而孔子又悲其失上下之助無所望而甘心於此也狀而其義則已無過矣故曰其志相類而尤難於處剝而得無咎者豈非以其有上九而益難哉故君子之與人也及其時之可以有爲其時之可以有爲則與之共濟以成其事其時之不足以有爲與之共濟以成其事矣然而君子猶不忍忽然去之者則命也易之學期於至命而已窮理盡性以至命者通與塞不異其中者也津聞未定彙

卷三

送王

或曰剝之上九旣不用矣復曰得輿何也此固聖人之微意也曰使斯人者幸而復用則陰陽之勝負猶未定乎蓋使剝之極而必爲純陰則君子之道終消盈虛消長之數將一定而不可易非聖人扶陽抑陰之意也君子之高尚其志也雖其無意於天下天下唯其潰爛而不足爲也使其一有更易則君子必出而爲天下用君子之道常勝小人之道常不勝矣君子之道勝小人之道不勝則剝不終剝矣剝之必極而爲純陰者數也天也剝不終剝者數也天而人也此吾之所得於易者子往而從孝廉於其

是實必以

送董君序

京師者士大夫之所集而名利之場四方宦游者挾
卷冊操技藝皆聚而角材于其中得則聲價驟起不
得則匍匐歸耳董君者以星學自西浙來游諸搢紳
間言某某當貴賤某某當遷某某官以某月某日某當
罷或受譴責率刻期取驗其近者以旦夕遠者或數
年保抱嬰孩或不啻數十年後則執其近者以取驗
於其遠者亦若責左券可待故諸貴人爭傳客之不
數月挈千金歸其術業精取償博享之無愧也人曰
董君佳士寧屑屑爲此無亦借是以說弄公卿嘲笑
豪傑如東方生者耶然以君之道觀之則京師士大
夫之風尙可知矣

莊園集定稿

卷三

序

送鄭庶常請假歸省序

龐公隱峴山之南答劉表問曰世人於子孫皆遺之
以危吾獨遺之以安遂携其妻子隱鹿門山采藥不
返此處亂世之道宜然也若生逢有道而令子孫無
失其家學澤及生民乃所謂遺之以安也王霸隱居
見令狐氏子來客服甚光舉措有適顧視其兒曹蓬
髮歷齒未知禮則客去愧臥終日不起是時常建武
重興聖作物觀之會人爭以文學自奮生子不才叱
牛傭耕正可耻耳其婦護前飾辭解釋真兒女子之
見也而范氏侈之爲美談過矣吾邑平之鄭先生醇

莊園集定稿

卷三

序

德舊學推重鄉里自以前代遺老不營人事屏跡杜
門日以讀書養性爲事屢空晏如也余友禹梅其長
君本經術爲文章務追古人致之實用數上公車不
第今年始以其經魁南宮列館選遇 覃恩封其兩
尊人假告歸省行有日矣爲禹梅賀者且疑爲先生
所不喜是惡足以知先生哉先生懷奇襲珍義不苟
就度其心未嘗一日忘蒼生者舉平生未竟之志付
之禹梅茲其所以爲適也已余視戊辰一榜具慶者
無慮數十人然皆少年速化無足深羨禹梅春秋且
逾艾先生暨夫人偕老鹿車徜徉於鸛浦之濱蚤起

宴息視聽益聰明食飲倍進此豈人力之所能爲哉
今禹梅歸不一年且散館復來自斯以往或乞歸終
養或娛侍京師出則荷組轡之榮入則遂綵衣之奉
事君事親兩無所欠余自維樗散放廢祿不逮養爲
禹梅述此譬如渴者之談酸津流被頰無濟實用徒
自傷恨而已若夫鄭氏之樂豈有旣哉

送王白民隱君南歸序

禮聞來學不聞往教古者大夫士之致仕居其鄉者
爲父師少師儀禮鄉飲酒與鄉射禮所謂先生是也
以教其子弟皆不出其里間蓋古者師弟子授受以
道道在故來學道尊故無往教夫子自行束修以上
未嘗無誨而不往教是鄉先生之義也自後周衰道
喪師教益廢漢得遺經於秦火之餘諸儒人自爲說
國家有大議則必問以經義云何弟子講說必問其
何所師受一大師門學徒嘗多至數千人御史大夫
張忠辟孫寶爲屬除舍欲令授子經寶自劾去引禮

不往教之義忠不敢強蓋是時道雖不明於天下而
人知尊經經非師則不傳故其所以自待與人之所
以待之者之俱不得以或輕凡以經學之重而然也
古者尊道其大尊經皆不廢師又其後科舉學盛則
經學愈替國家取士不必通經士以專經取之不必
問其家學所自於是士之抱經以處者士大夫家闢
一幸舍田舍翁積十斛米得折東而召之矣北魏元
欽性鄙恠嘗託高僧壽爲子求師師至未幾逃去以
讓僧壽僧壽性滑稽謂欽曰凡人絕粒七日乃死始
經五朝便爾逃遁誠非去食就信之義欽乃大慙蓋

當時之風俗已如此今世孤儒寒生常不遠數千里
負笈以求爲人之師猶不可必得幸而得之自非素
習禮教舊家善族其視遇其師不啻厠養議呵出入
窘餓拘囚賓親不得通臧婢相侮笑至有流離顛踣
無所於歸者師道之不立非一日之故也友人王子
白民治經有法恬於進取特以詩稱江湖間久近且
爲童子師於京師幾七八年齒髮衰脫落拓塵市囊
不蓄一錢今晨來別余告歸余曰行哉亟作詩送之
又爲之序其所以王子任真樂易無悅懌失意之色
於去就間余爲之序不悲王子之不遇徒以歎夫道

湛園未定稿

卷三

序三

廢經紉而時之不如若焉

贈永樂寺僧序

從弟友棠讀書邑西龍山之永樂寺至京師數爲余
言寺中之勝嘗賦十詠以志之余因是每思從南歸
之暇得杖策其間以覽其所爲十詠之勝者比還里
粗料理人事三四月間無停晷少間復謀北上將懼
不果遊而寺中住持月潭上人予族叔祖也來訪余
且言曰寺創於宋淳佑中迄今殆五百年其間廢而
興興而復廢者屢矣今從燼餘初復之後殿宇宏敞
齋廊觀飭鐘魚梵誦之音交出於林樾而足以聳遠
近之觀聽者皆吾師德聚之力也師自十九雉落來

湛園未定稿

卷三

贈永樂寺僧序

山中清齋蔬布脩行勤苦數十年如一日而今僧臘
七十有一且老矣竊念此寺尊宿在明洪武間有西
曙禪師以博學召理典籍歸新寺宇僧寮至三百間
田畝十倍之飯僧如田之數宋學士景濂贈之以詩
戴九靈避地山中爲二蘭軒記先是柳道傳與僧正
宗契厚棲止於寺之水竹居其爲上福龍山記猶存
集中也至今寺產蕩析大半住僧纔二十餘人所謂
水竹居者雖故趾不可復識然諸道人名字得不與
兵燹之劫灰俱燼而猶傳播於人口者徒以數公之
文字足留之也吾受師恩慮無以爲報私謂惟托於

文字足以垂之久遠而西曙正宗之間後有以位置
吾師者非吾子之文其誰屬與予雖恨未得一從寺
中遊而猶樂道師之賢且以寺之故事不可以無紀
也於是乎有贈

湛園未定稿

卷三

贈永樂序二

誥封邵憲陳太公壽誥序

古者養老之典歲舉者有七而其所養者有四四之
中一爲三老五更一爲致仕之老此二者皆以德養
者也以功養者亦有之乎曰古者無無德而有功之
人其能有功者是德之致也則古天子斯養之矣說
在於周禮以八柄馭羣臣五日生以馭其福註者謂
生猶養也福則洪範五福之壽也臣有大勲勞者使
其子孫養之以及其壽考康寧就其大者伯禽封魯
以養周公而至於能利濟捍衛其一鄉一邑慮無不
得遂其子孫之養可知自後世養老典廢特以子孫

湛園未定稿

卷三

陳序

賈顯褒崇其祖父猶曰足其所教於家者云爾雖仿
彿於古馭福之意求其能實以功受子孫之祿養可
無愧者蓋鮮也今 誥封都察院左都御史渡澤陳
公則異是公少時於書無所不涉獵尤性諸韜畧感
慨尚義有古烈士風常明季寇氛充斥按兵法百樓
不攻築甕爲敵樓數仞率鄉里保衆值寇圍急自縊
樓下將請師於鎮將絕墮地急縋而上賊驚顧無
敢近尋解散去入 國朝益拓樓內外爲小城適叛
帥起河東必欲得公以自重公抵其書幣大罵却之
賊怒來攻公拒益力是時環賊州縣文武吏或降或

寬而公以一布衣勸義提不教之卒守空羸之壘抗
賊數千挫其鋒銳未幾賊大破壞公與有力焉此於
功賞爲中律而公方退襲備服務以德率先鄉人絕
口不言兵事以故時無知者然竟以司農公上卿之
俸致養於家今去此又數十年公年益高德益劭而
司農公聲望亦日益重 天子方倚之爲輔弼三官
純綺上方法醞之賜交午於邸第所以佐公旦夕之
養以安司農公之心而欲與之共致太平者豈特如
古之所謂馭福者而已然而公之得此於 皇上則
有非偶然者也某執鉛槧獲侍司農公於館局有年
淮園未定稿

卷三

陸

顧內維謬劣承獎掖教誨之無已以其間竊窺其道
德之光華器宇之凝重因是以想見公之爲人蓋十
得八九焉維歲之秋值公八十初度爰脩著其忠孝
大節爲文而進之非以爲公一家之謂以爲 國家
復興養老之典馭福之柄必德功兼立如公者始當
之無愧也

誥封都憲陳太公八十榮壽序 代壬戌科進士

前年 天子覃恩海內嘉與士大夫於是今大司農
陳公得再封其太公爲都御史比今年三月制下門
下士之在都者皆舉手加額稱慶而公顧若有所渙
念者良久曰吾蒙 恩遭際至此入侍 禁闥脩承
清問出掌度支與謀國計惟是夙夜匪懈以圖所報
稱於萬一者而未得其方乃吾親以今年七月稱八
十觴矣吾兄弟五人中外子女數十輩羅拜堂下顧
吾以長子而不得奉沃盥承色笑於其旁也子以爲
我心能樂否耶某等進曰是乃夫子之所以爲孝也

淮園未定稿

卷三

陳序

經不云乎孝始於立身中於事親終於事君豈非以
其得君而仕推其所以行已者於天下使無一夫不
被吾君之澤而因以揚親之令名於無窮乎蓋仲尼
之望曾子以卿大夫之孝者如此若夫屏居子舍朝
夕定省以謹修夫菽水之養是則所謂士庶人者而
已以士庶人之孝孝其親夫子必不爲孰謂太公而
願夫子之爲之乎且某嘗側聞太公之爲人也少慕
漢田子泰之風磊落負濟世志初事舉子業見伯兄
侍御公起家成進士慨然曰吾可以無事於此矣退
綜家務雖好施急病而生業日饒值明季橫流寇盜

克斥乃出聚家資率親黨築土堡保聚賊往來不敢犯
後遂據其堡爲小城而適當國初叛帥反據大同
聞太公名必欲招致之公則手裂其書抵其禮幣於
地賊怒益師來攻登陴固守數十日得救圍解一村
數千家不終陷於不義者太公一人之力也此與田
子泰之堅辭袁氏辟命聚衆徐無山中盟誓約束歸
命中朝者何異及乎功成身完褐衣蔬食自潤閭井
則子泰之不欲賣盧龍以易賞祿之義也然太公濟
物之志惻惻胸臆雖老矣猶疊疊論天下事利病不
休既夫子連舉進士官中秘受兩朝不次之遇復慨

淮園未定稿

卷三

三

然曰吾果可以無事於此矣遂摧機息慙於十畝之
間訓課子弟務爲明理達用期以所學上報君父而
甲子之役次公某登賢書諸象賢復蒸蒸起矣聖
天子嗣大曆服無疆惟休亦惟是一二耆耆曰篤不
忘在昔唐寶曆中楊於陵僕射入覲其子嗣復方知
貢舉率兩榜門生郊迎宴新昌里第嗣復引門生列
兩序元白諸名士俱在坐賦詩以爲榮吳時夫子翊
贊元化躋世仁壽而太公安車至止膺憲乞之典某
等門下七二百人次第上壽邸中意必有如元白其
人皆爲歌詩播之樂府斯乃太平之嘉瑞國家之

盛事非獨稱艷於一時一家已也司農公於是听然
而笑曰有是哉是吾父之所願聞也遂命書其辭以
歸而侑觴焉

淮園未定稿

卷三

三

送申學憲赴任過里爲茅太夫人壽序

今僉憲申君任禮部郎至京師未久也太夫人在里春秋高矣每思念不置會粵西督學使缺廷議擇可者乃越次以授君君一不自喜而以益遠太夫人有欣然之色又念是役也當過家省覲而行適值某月之初太夫人八十初度則求於能言之士爲詩文進之以冀太夫人之一笑也以慰其離憂之思而請某爲之序愚維古之君子其未仕也有爲養以求仕者矣及其既仕也有以不得遂其養爲憂者矣故方其愛不及養則惟恐其仕之不早及其羈絆於王事驅

灌園未定稿

卷三

忠

馳於道路而汲汲然憂不得遂其養之志則其視一官之爲累也又惟恐其去之不速此二者皆過也夫親之不可以無養固也若夫仕不仕天也而豈我之所可預必其間者哉惟有道者不然時不吾與遂累而行菽水而奉非儉也時已過矣道已行矣而內顧吾私有不可以兼遂者則資於事父鞠躬盡瘁而初亦無害於吾之爲孝蓋事親誠則能使親忘其貧事君忠則能使親之不樂私其子使親忘其貧者士庶人之孝也并能使親之不樂私其子者此可謂卿大夫之孝也此古之君子所以推心任運無入而不自

得者也曾何有於二者之足患乎吾聞太夫人故吳興副使鹿門公孫女及歸爲相國文定公諸孫婦佐先大夫成名而以盛德稱中外闕範者數十年彼其於君臣父子之義講之有素則於僉憲君之是行必有欣然願其去而樂其志之得行者也君以此思之宜其中亦無不可洒然者粵西當用兵之餘王化再沾人文日起計僉憲君報政在三年大比之後復取道望門北上而是時太夫人方健飯於是隨計偕諸生執經遂巡磬折階下後先而上壽亦人事之可喜者也僉憲君益可無憾於是行

灌園未定稿

卷三

忠

冢宰陳公五十壽序

古之大臣佐天子出治其功績隆宇宙聲施溢古今
宜無不可釋於天下之望矣至一士之不達則引以
爲已憂而此一士者亦以爲我寧抱道坎軻終身而
貧賤吾心安焉彼誠賢公卿耶而不吾知吾之耻也
誠知之吾之幸也故有棄萬鍾薄三公而不顧而感
激於一言之下至於窮老而不悔非獨公卿之能知
士以然也彼士之所以信之者其亦有素矣如此而
猶有遇不遇之異者誠係於其命焉爾君子之於人
也視其人之足以知吾與否而遇不遇之說不以存

陳國未定稿

卷三

陳序

於其中者也某辛酉冬來京師東海兩徐先生曰盍
往見澤州公乎當今名公卿能以其學復文章於先
秦兩漢之盛者莫踰公某固願聞名於執事然初見
公聳峙山嶽逸乎其難企也及厠史局口領警欵公
見某所爲傳志而悅後凡得某之文輒拊掌稱善竊
垂老不自量間隨俗爲時文尤爲公所賞識嘗置某
文懷袖間逢人必出與其讀廻環雋誦及其旣得復
失業自委命無何每見公必相對扼腕太息輒凄然
復起淪落之感而公之於某淡矣公今尚書吏部稽
之於古則天官冢宰職也然事勢不同古冢宰足以

進退百僚而今自黃綬以上循資拾級吏部不能以

其意爲伸縮况得開口薦一士耶然而今中外共以

公輔之業歸公無異詞者以其不忍於一士之不達

爲已憂者此真古宰相之用心也昔孔子之人管仲

第舉伯氏沒齒無怨一事司馬遷傳晏嬰止載其能

拔越石父而晉叔向之得爲君子亦以能感於堂下

收器之一言則夫一士之微雖若無係於天下而觀

古相業者必因之如之何其可忽也公太公封都憲

公今年稱八十壽某曾爲文鋪揚盛事而公亦於今

年冬爲五十初度自此黃髮台背粥成 聖天子鴻

湛淵未定稿

卷三

陳序

業豈有涯哉然愚不敢以常情祝嘏而自述其感恩
之私以代浮詞藉吹竹而藉手有觴於庭亦承公知己
之意不敢以浮詞潤也詩曰神之聽之終和且平愚
匹士之言也邀神之聽意者其在是與

送姚子南歸爲其母夫人壽序

今國家定制仕宦無兄弟者得歸終養而凡仕於京朝之官歷俸六年例得請告歸省此制初不見於三代之世蓋三代仕者舉不出父母之邦苟非行役在外則朝溫而暮清日可無廢故終養之典不著然其君之所以體恤乎下下之所仰望乎上者猶惟以將父將母爲惓惓一不得則君懼無以使臣而臣亦不免哀怨以思以懼其不能盡心於所職如北山之歌陟岵之感是已況於後世背離膝下踰越數千里以事君而東西南北之唯所命夫至是而不思所以審

濫園未定稿

卷三

姚序

處而曲慰之者有國家者之過也至於例許得歸而不歸吾未知其何說矣余在京師久所見公卿間多以官爲家其位益峻祿益厚則決去益難有未葬不除服數十年而襲朱紵紫自若也有親老篤疾而恬不請告歌呼飲酒者自若也有已聞訃而隱匿不去或列騶從張車蓋傳呼以出自若也蓋搢紳之清議不立久矣大臣如此則下何觀焉以故風俗日偷而盛朝光明駿偉之烈不炳耀於世甚非所以稱聖天子以孝治天下之意一日友人姚子曆初過余辭行問其奚往姚子曰吾母以明年正月屆七十壽

行歸省欲得子文以佐觴耳余曰今仕宦於京朝者絕不聞以母子相依爲人生可樂事子以婁客思親急裝出國門意不返顧天下名教獨身任之固當既又曰夫子之親亦幸子之不爲士大夫耳不然子亦且如諸公者以身許國之不暇雖欲反歸衡茅烹雞炊黍召會鄰里上壽於老人之側得哉子姑行矣勉之然姚子積時求養於外一旦以親故垂素而還不以介諸懷其志趣過人甚遠使異時得遂其祿養意其樹立必不出古人下風俗之變而清議之立吾不於姚子有厚望乎姚子尊甫文學公爲先君執友余

濫園未定稿

卷三

姚序

垂髫數過其壘太夫人輒飲食余視余如親子弟以故諗知其闢德甚詳既稱未亡人治家內外整整收祀參議府君而上失祔之主數世疏數有序魚菽之薦必潔以誠其大者如是則其他所及以貽爲曆初兄弟無疆之休者可知矣余客居無狀先太孺人厚終之事忽忽未舉者有年每拊膺旁皇中夜不知所出而樂稱姚氏母子之間如此者豈敢以望于人亦因以志吾之愧而已

顏母朱太宜人壽誌序

唐李文公翱自稱其敘高隱女楊烈婦爲不在班孟堅蔡伯喈下其言以遷固敘述之工故讀者詳而事迹愈著而歎後作者之不盡然此固然矣余以爲古忠臣烈婦之不欺其志義炳日月雖其文之不工於傳無害況其原無待於傳耶惟其勢窮運極瀕於咄危矣乃事會之逢適有天幸名完而身亦不虧以至富貴顯榮享有壽考此豈非人生之至願而古所稱吉祥善事者耶則雖其心之無待於傳而因事咏歌頌述之以風厲於天下宜其聞而典起之者多矣余

濶園未定彙

卷三

題五

自少聞客談闕里顏太宜人壬午狗節事至烈私謂所嘗見古所傳烈女間有其人晚近世決無此事然貯之胸中已三十餘年今居京師與編修考功兩君遊始知兩君皆太宜人所生而與奉直公所親教督而長成之者蓋太宜人今年已屆七十壽余向所疑古烈女傳僅有其人者今果得親見之謂古今人何遽不相及又見其富貴顯榮壽考爲天之報施善人而歎古人之身名俱泰所謂吉祥善事如此類者何不數數見又疑今人遭際遠勝於古也蓋太宜人爲故奉國將軍某公愛女以天潢貴胄作嬪奉直公大

賢世裔嫻於禮教者素矣方其出與奉直公同難也倉卒被驅避卒嘗不絕口卒擊折其左臂將加刃焉散髮披頸不殊僵踣道左積日始甦以指自刺指強不得入則取隣女所携刀自剄又不入時泣寒夢神人蒙以絮而明日小婢來伏其旁呼之忽醒有遺奉直公以金創藥者傳之得無恙夫節義之報不疾而速如此此所以更三四十後綿慶延祉益繩繩未艾蓋有神相之者然也今朝廷恩數重疊自初封儒人累三封至太宜人京師士大夫多編修考功及季子孝廉年家故舊稱詩上壽以百數余愧不文無

濶園未定彙

卷三

題五

能敷揚盛蹟勒金石而播紘管也異時太宜人年益高國家太平亦愈久歲時置酒高會戚里抱曾元膝上絮述年少亂離百死一生之狀歷歷如在目前於是相傳爲承平世家盛事必有班紫之倫載筆而紀其烈如李文公所云者矣當是時也殆亦有徵於余言也歟

徐母李孺人壽序

今年辛酉夏爲徐子亦沅元配李孺人五十初度孺人父某公於 吾母爲中表其祖大理公之館甥於吾外家孫氏也與 先君子爲忘分交孺人之母葉也孳居苦節嘗隨其姑歸迎車廐里第與吾母居止情意甚款時孺人纔數歲然已能盥櫛衿纓隨母定省姆傅授內則女誡畧能上口舉止如成人矣後歸亦沅吾母嘗歎曰徐氏有婦矣以大理公之盛德而無後天其或者種報於是女邪當是時吾鄉承兵燹後巨宗勢族日就零替大理公之舊業已不可問卽

湛園未定藁

卷三

徐序

亦沅先人侍御公孤笠入山澗迹緇衲亦沅窺身荆棘中數從其尊甫風餐雨宿暇則膏筒鉛槧摘次呻吟不問家人產孺人於時孺然季女也擗柱中外租籍市券手籌筆疏各有條理上恤姻黨下撫婢僕恩意周到無不人厭其心以故亦沅得一意學殖名譽日起又能以其餘力佐夫子課三嗣君成立今皆補學宮子弟籍有聲矣向微夫人則亦沅之艱難固當百倍意天之憫李氏而鍾之報者適所以爲徐氏之福邪今春余寓郡二子澤泳謁余而請曰吾母天性孝友念外大父母蒸嘗遠隔則設像於別業以事之

歲時携諸甥上塚酌奠而太獻歎竟日自恨終鮮兄弟而以公之遠托於中表也能縷述其家事故嘗冀聞公之言以爲喜今誠得公文以侑觴庶其足慰母心乎余自罹家難神思耗潰絕未嘗爲人作文字然每見母黨輒憶吾母生平不置故能爲孺人壽者誠莫如余宜孺人年纔半百偕亦沅從容舉案三子雍睦諸孫五六人奉觴而進之鄉里傳歎以爲盛事故知天之鍾報於其身者信未有艾也微二子請余其能已於言乎

湛園未定藁

卷三

徐序

宋牧仲僉憲壽序

今年丁卯孟春月僉憲宋公初度其屬州司馬陳君偕同僚數人圖所以爲壽者公固不許則相與謀之盍走京師乞言於姜君乎已公聞而色喜俾來請文余謝不敏而以公辱與文字游且久不能辭也遂徇其請而爲之序曰世之豎功立業草野崛起之士以能自見者不乏而春秋以前名卿大夫都由世族至如西漢之韋平金張東京之黃王袁楊諸名族父子祖孫相繼秉政流光史冊降及魏晉南北朝尤以門第相尚宋歐陽公修唐書始爲宰相世系表其言唐

湛園未定稿

卷三

宋

宰相才子孫數世而屢顯終唐世不絕迹其所以盛衰者雖在功德厚薄亦在其子孫然則子孫之賢乃前業之所藉以不墜者也豈不尤重哉余於唐史中獨喜李文饒以名公子耻從白水舉遭際雄主文章事業卓然聳出於唐一代名臣之上而唐之社稷幾衰而復振豈非所稱豪傑之士而後世鮮及者間默數本朝相業於歸德太保宋公首頓一指公當世祖初政用前朝舊德參預密勿天下方想望其丰采會不久拂衣大業未竟時僉憲公方年少耳風貌清整學殖該富其時見者無不相欽挹以爲能爲公

家文饒者非是而誰未幾起家通守黃州吏事精敏居然有當官聲及郡官比部獻決精明每奏疑獄援

擬律令傳以經典多從矜恕上官恒屈意從之而吏不得因緣爲姦自公在事所全活以無數用是天子異其才特命監司持節通永益處之三輔股肱郡以觀其所設施而將以大用之也公至則威德並敷請屬杜絕屬吏望塵逐影疎息帖服荇匿跡闕境大治於時公餘閒問垂頭讀書手執鉛槧口事呻卑乘興遊覽把酒角句主客狎進清言獻酬蓋當時所謂雪園文社者零落盡矣公獨振其頽響於簿領倥

湛園未定稿

卷三

宋

匆左支右掣之際士類且靡然從風此可謂精力之過人而文章事業兼而有之者也公春秋方富屬當令序開衙召客計爾時之分曹授簡歌九如而效三祝者方鏗耳炫目而余獨以君之濡染家學爲能施於有政彷彿於古世家之風故樂從諸君之後爲之誦說他日有系公於宰相之表稱爲本朝盛事者必有驗於余言也

贈董子爲其母夫人壽序

往年晤董子吳仲湖上時余未識董子董子亦不余識也接其容藹乎其可親與之坐久之雖儔人廣衆之中有以知其董子無疑也董子尊君孝廉公毋范孺人皆長予兩大人年三四歲兄弟四人皆讀書修行足繼其家聲每家庭侍寢膳議論古今事成敗雜以鄉閭耆舊事迹可傳述者輒人出一見持不能決請之尊先生然後得定其一家師友自足娛樂如此而余兄弟三人無他技能足以稱家大人肯又時時扁舟逆旅動輒數年或遠間三四千里外一遇佳節

甚圖未定案

卷三

贈董子

時至衆歡獨酌之際則對食悲愁以思雖居者亦茫然不知其爲樂也以此不及君兄弟遠甚然董子之言曰菽水吾大人所甘也吾力尚不能具今人聞言養親者則曰孝在志養奚必甘旨哉是竊取好名自予而極其志至於以天下儉其親不顧也吾不忍爲之故與其兄三人日夜攻苦不絕庶幾少得所欲則築廬於山水之濱具車輿几杖弋於野而釣於淵奉吾親以老焉吾豈有求於彼哉而其志適有與予類者今年秋爲其太夫人五十初度問予一言爲壽予謝不敏而贈董子以言使其歸卽爲予跪進之可也

贈定海薛五玉四十序

有士於此不役役於聲利不雷同於世之是非取舍恬澹寡欲而遊十世斯可以交與予固非此弗以友也而少聞薛君之名已而東至海上以陰求其所謂恬澹寡欲不役役于聲利不雷同于是非取舍者既于數十百人之中得其所願交而如恐不得交者之薛君而友之焉問君少時偶儻善議論所至傾一坐中與之登山而臨水雖終日極困不厭意必慷慨自喜之士而惜乎予未之見也蓋君今年乙未冬已四十矣或曰君少不得意于有司今適合古強而仕之

甚圖未定案

卷三

贈薛

時雖不遇未晚也予竊以爲不然夫古者八歲出就外傳人十五則凡民間之俊秀皆入庠序王公卿大夫士之適子皆入國學教之窮理正心以修乎身推之於天下國家將無所不備焉旣乃升于太學爵命之蓋其時日之講貫服習章程之精細詳密有不待二十五年矣四十而仕者極之中人以下也孔子弟子列傳載樊須公西赤年皆極少及孔子時仕度其年皆不滿四十又非必顏淵子奇而後然卽令如是士之有才無命而泯滅者不可勝記矣數年間天下競于兵爭災饑疾疫盜賊之患日夜不絕而民之轉

夙相望矣此宜仁人君子之惻怛于心席不暇暖救之猶恐不及而君以無事而至四十豈不可惜與使君之堅其才老其識恬澹寡欲以集其爲世利益滋甚而予之爲是言者亦欲使世之知有薛子者惜其少年英銳之氣無使英雄有過不及時之歎乘其及今強壯之可用而使天下少享仁人君子數十年之利則凡予所願交而如恐不得之人無事以至于四十者其亦庶乎其鮮矣

大司寇徐健菴先生壽識序

戊辰冬十一月大司寇東海徐公初度之辰其南宮所得士居翰林者三十有七人共謀所以稱觴者於予且曰公所好者子之文也子無固辭雖然夫公之知余則豈徒以其文之謂哉盡卽余所知於公者言之余識公二十餘年所當其爲孝廉時卽毅然以身任天下之重自後游登高第踐歷三事所經涉事變益熟而胸中所貯書益多其入而以孝弟仁義淑其身也如嗜慾之惟恐不得所求其出而弘獎人倫扶植善類也如飲食疾患之在已其作而謀天下之事也上求可信於君而下求無不可告於人此余知公立身之大端也及其游覽百氏根據六義而發之文章則必其實可以立誠居業救弊起徧而不爲一切譎詭浮漫無當之說所惑此余所以知公立言之大端也然又有余所深知而世之所號爲知公者或未盡焉則以公之於是其心實有所歉然而未足者也公自遭際分直內庭綜理部務在公少暇日暮歸第坐客請間以數十輩論文晰疑酬酢盡意乃止則精力剋瘁對食欠伸微視兩髭垂垂白矣然日以爲常不厭也今年春自惟直道忤時拜疏求退天子

念其誠欵 詔許解職總裁諸館事留直如故公於是閉閣謝客日取周張二程先生及朱子遺書熟讀而精思之俟其反覆推尋融釋脫落而久之乃得其所爲灑然者比余再三訪之則見其氣益加靜而貌加粹體加充矣記曰君子莊敬日強明道曰人不學則老而衰君子之所謂強者乃在道德之充盈而不在于氣血之壯盛也君子之所謂衰者乃在不殖而將落而不在乎年齒之逾邁也夫文章小道也功業外至也朱子曰人常有以自樂則用舍行藏之間隨所遇而安之此公向之所歉然而不自足者余今乃湛園未定稿 卷三 徐壽序

馮君壽序

余家縣東巷與馮氏隔水居世相好也自余舞象執經於馮先生之門先生有子曰孟勉曰宗一孟勉與余同庚生幼同學長益相善當甲申乙酉之際絕涉橫流拋荒舊業而余與孟勉從播遷之餘終日抵掌談縱橫王霸之略無復當世意又以其間商榷經史旁及詩賦每侵晨出外舍一榻坐對至夜分始各歸寢明則復然如此者僅十載已而兩家生事漸促余先出游孟勉繼之三十年中計聚首時或隔歲不得一見見輒復別去及余旅寓京師孟勉辭余爲廣德之行未幾而元伯見夢生沒異路矣其後宗一數數至京師未嘗不過余余對之便執手於邑常歎以馮先生之盛德宜有後而孟勉所就止此疑天道幾不可問又私意謂宗一淳蓄深厚意先生之鍾報將在於是今年余歸里其仲子進謁跪而有請問其所以則宗一已於今年壬申春壽開六袞矣曰吾父方客濟上吾兄弟曠焉定省庶幾齋先生之文往而介壽於前一開老人之懷抱余謂宗一神氣充實志略方壯出其緒餘足以完父兄未竟之業今僅年杖國似不足爲侈者然余所以不辭其請者旣悲孟勉之

幸又喜宗一之足以幹家於是言之不足又深致其
祝辭以將之者蓋兩家世好之情親愛之誼有不容
已者也

王母申太孺人壽序

康熙二十五年蘇州府縣學諸生以王母申太孺人
守節狀請旌自縣以次達之撫院旋以事聞奉 旨
給銀建坊如制鄉里莫不謂榮再歷年而太孺人春
秋稱六十矣於時嗣子東發方以寸選載筆史館暫
假歸省其同年生二十九人謀所以稱觴者以余之
同事館局且知其兩家世澤甚詳遂請一言附東發
之行而往壽焉余觀太孺人之苦節及東發之能以
才顯揚其親使卒有聞於載述而益嘆文恪公之遺
德遠也當明弘正之際八奄亂政大臣相繼斥逐宗
社貼危公甫八政府苦心調劑嘗論逆黨以士大夫
之可殺不可辱所保全善類爲多然終於不合潔身
遠遁當時大臣之能明於去就不罹清議者惟公一
人而已其自贊曰貴戚赫奕不能附麗權璫狂猊不
能嬖阿一有違言超然不辱蓋實錄也自後子孫承
藉先德咸能以名節自砥至於閉門肅穆家法之嚴
整尤爲吳門士大夫家稱首若太孺人之艱難守死
其尤著者也太孺人曾王父曰文定公事在國史館
根華閨夙嫻姆教殯于先府君繼相佐讀宛然寒素
也昔年二十四而遭變時卽欲以身殉姑涕泣曰吾

不忍見婦與子一時畢命卽如此藐諸孤將誰託太孺人感之勉進飲食旣而朝夕所以奉養其姑者益虔無懈沒而殮送之如禮時節薦享必竭其誠宗戚內外皆以先府君爲未亡而喜見東發之成立者至叩其學問蓄積又以爲非得嚴父之教何以至此蓋太孺人之於王氏始終稱無負矣今聞其女嫁松陵沈氏者亦早失所天勵節如母氏以此服太孺人之身教不獨能成就其孤而且有以化其女子子蓋文恪公之流風餘澤遠矣彼其沾溉於數世者如此其盛此所係於人心世道非獨侈爲一家之僅事而已

也余聞之禮云寡婦之子非有見焉則勿與友此非以戒其友蓋所以深責備於其子者也非有見焉則勿友矣苟有見焉斯友之矣東發少游京師發聲太學非久服官祿養爲二十九人者譽之無異辭且欲自同猶子以介壽于賢母之側唯恐不得其歡心此其家庭朋友之間皆有可重者也余故樂叙其事而傳之

劉孝子尋親記

初順治乙酉五月王師破建昌城明益王遁去長史劉君某挈家亡匿山中卒其伯子 卽孝子也爲諸生先赴試歸吳未得父耗憂泣成疾戊子歲始決策至盱江時亂後藩府毀廢舊人無在者邑有張令公祠宿禱焉夢中恍惚如聞神語云寄居石潞者醒求其地不得徬徨道左遇一尼謂曰石潞在閩廣交今方阻兵道塞有徑潛行七日可達也遂如其言取

道往所過藤峽通仙一線天皆山谷窮絕處蒲伏晝夜行數百里不見人烟晁後至白石嶺嶺陡切霄漢阪道陘者纔六七寸俯臨不測之谿捫壁絕險旣上復下履巉巖衝虎豹攢棘被膚血流殷足每仰天一號則陰風颯然山木悲嘯瀕於陷危者數矣嶺盡得村尋得父所依姚氏居母管孺人在焉旣入門母子相持而泣已問知父喪行一年所則號絕仆地久之始甦居數月間關輿輓復踰嶺侍母而歸歸十年母卒當母寢疾孝子侍湯液不解衣帶者四閱月也初長史避難數遷獨攜先世世系圖冊一篋自隨至成

戊子母時聞有聲窸窣出篋中啓鐫無有閉則復然
一日母見緋衣人數輩冉冉從篋中出益大驚逾宿
而孝子至矣其所居村見娘堡舊傳宋王龍山者於
此見母得名異矣哉鬼神幽明之故君子之所慎言
也而父子骨肉之間賴沛流離之際微應巧合又往
往若有陰相之者非苟然而已也其子某因婦翁金
進士毅似屬余傳之余嘗慨自明季中原兵起延夏
四五十年其闔父子分散各所夫婦生死異路抱忠
孝節烈名填溝壑者何限其幸不相隨以沒而問者
於通臣逸士之手者又多避忌諱不出或文辭蕪漫
不足以及傳而表孝子之墓者有韓閣學之辭在特工
又綴以余之文則所以不泯君於後世者庶在乎此
也孝子字夢蕭蘇之長洲人

卷四

墓

三

蘭谿縣重建尊經閣記

蘭谿縣學之有尊經閣建於明嘉靖間舊矣遭時變
革沒圯不治經籍散失士子無所於考則古學愈荒
廢亦其宜也嘉善陳君霆萬教諭於邑之二年始請
於署篆前御史張侯及其縉紳先生邑弟子員相度
舊址合資鳩工謀重建之經始於康熙二十六年之
五月比七閱月而竣事戶牖疏朗丹堊煥如儲經之
數十有三旁列子史百家規制整密視昔改觀落成
之日適總制王公蒞任三衢駐節城外而學院王公
已較士在蘭監司郡守丞以下同時翕集瞻望咨嗟
皆以為文教之復興于是乎兆今年戊辰春陳君就
試北上謂是役也宜有記以告羣學者而固請於余
余雖不文不可無辭以塞我友之意也昔者夫子雅
言詩書執禮而曰吾志在春秋學易可以無大過當
是時未有以經名也至六經十二經之說見於莊子
而漢儒記禮始著經解之篇班氏傳儒林亦遂有所
謂經學者聖人之教人在於躬行日習而已自經學
之說盛於是專門大師競樹旗幟角立門戶一經說
至百餘萬言至於高赤兩傳互為攻守啞尚書為朴
學詆左氏為相斫由其說而得勝則師弟援引通顯

卷四

墓

三

立致其說絀而身亦隨廢矣班氏曰利祿之途然也以先王所欲躬行日習以帥其學士之教之術而變爲利祿之途經學之說使然也故鄭氏夾漈曰秦人焚書而書存漢人傳經而經亡非虛言矣自後武帝用公孫弘議課通一藝者補文學掌故關元帝制能通一經者皆復武帝時太常議尚稱六藝至元帝郡國置五經百石卒史始以經名然前書儒林序亦止稱唐宋以還科舉學盛以至於今士子應舉自四子書外各占一經含糊剽竊以投主司之好已耳其視他經譬如侏儒語言之不通而疆畔之不可踰越雖於昔所謂經學者亦愈趨而失之愈遠矣此人才卑汙而風俗之日下無怪也若夫先王之教所以使人躬行日習而不可厭者非徒求善夫一經而遂已也其終身爲學之序則曰十有三年學樂誦詩成童舞勺二十而冠始學禮三十博學無方選友視志四十始仕方物出謀發慮其分年而授之學則自一年離經辨志以後有二年五年七年之視山小成以至九年知類通達強立而不反而謂之大成其分時而教於樂正則春夏以禮樂秋冬以詩書蓋詩書禮樂之教相須而爲用也如陰陽之迭運於四時而無一之可間如律呂之分播爲八音而無一

清國未定稿

卷四

明三

之可缺也其內外交養本末兼事爲之有次第得力有先後不可誣也及其教之成則身心意知得其理而可以爲天下國家之用其施之天下則人才陶淑而化民成俗矣此六經相爲終始之效也或曰如此則大學正之教何以不及易春秋乎曰春秋未經孔子筆削而易理精微非可言說也故韓宣子至魯始得觀易象春秋明非他國所得有矣然而春秋記事書之例也學至于知類通達比方窮理而及于大成則易之精微將不言而自喻矣是詩書禮樂其術雖四而猶之六也究之六經止一心也古人治經以養心故缺其一經則其本末內外之不備養之爲無其具而才憂其不成後世以經視經則雖專通一經而已足名其家上應功令之求而有餘矣而其實不免於俗學之淺陋此金谿陸子所以有六經注腳之言而朱子亦曰經之於理猶傳之於經傳所以解經也經明則可無傳經所以明理也理明則可無經其說皆病夫俗學之淺陋欲學者反求之心而不徒溺於口耳記誦而已也然而陸子之說卒不能以無疵者其爲之無次第得力無先後故也蓋但知窮經而不知內反之於心以求其實得於已者謂之俗學知反

清國未定稿

卷四

明三

之於心矣非有讀書窮理之功以驗夫此心之邪正而自陷於茫昧不可知之地者謂之異學陸子之學非以求異也而其流弊足以至此既及於此則何以矯正於俗學之淺陋哉若知夫二者之弊而其於尊經也思過半矣蘭谿自仁山倡教守朱子之學於一再傳之後其士子皆朴茂而好脩而又得賢師儒以爲之帥而導之嚮方吾滋幸經尊而道明而人才之易成風俗之易變以復於古不難也間在敬一亭後三面皆臨山朝嵐暮烟浮列几案而西瞰城市鱗次萬家皆可以供學者息游之助襄其事者爲訓導曹

海圖未定稿

卷四

謝表

君洪然董役者諸生某某陳君宇紫馭方以文行有聲於時其成此宜不苟云年月日慈谿姜宸英

狄梁公廟記

甚矣賢者之流澤遠也八月予道東鄉歸避雨古廟廡下仰見題額塵埃中曰唐丞相狄梁公祠按唐書梁公嘗以冬官侍郎持節江南巡撫使而唐貞觀制分天下爲十道明州屬江南道爲公使事之所及其私被德而尸祝之於其鄉理或然也予旣揖而降謂其里人曰若知茲祠所縣建乎神何爲者曰不知也相傳其爲宰相時挈女后之天下而致之唐豈古之忠臣耶予曰然然則其廟食于茲也其亦有靈否乎曰是惡得無靈往年有不敬于其父者見有神若殛

海圖未定稿

卷四

藝文

之不旋踵已有不義而謀人之貲及其身者神殛之亦不旋踵其爲善者則否吾春秋薦享無後時者是惡得無靈予聞之慨然按公生平一爲寧州郡人立碑以頌德活死罪二千人相率率哭碑下三日乃去再爲奸臣誣貶彭澤令邑人復置生祠奉之遷魏州魏人亦德之爲立祠其所至得民如此當其使江南時毀淫廟以千數僅存者四詎意其身更一千餘年後瀕海遐僻之鄉村落之聚復有所謂狄公者而俎豆之如數邦且爲之賞善懲惡降威福于其地哉亦可異矣里人曰是祠幾毀行謀葺之子盍爲之記予

乃指謂其人曰夫公太原人也其服官足跡疑未必親至于此然汝祖父以來皆祀之無異辭者何哉以其忠于君而澤于民也夫忠於君而澤於民雖非其地之生與未嘗親至其處而民爭廟祀之不衰其爲臣則反覆不忠其爲民上則貪且暴則雖其生長之地與其身親歷之處民愈加疾怨害之唾棄之焉是不可爲人臣者之明鑒乎非獨此也汝鄉有善人焉卽徙而之他所鄉之人必曰某固某生也其他所人亦必曰某地某之所經歷與其葬處也夫孰不愛而欲引之近乎卽其違道悖德爲不善于鄉以沒者不

潘園未定稿

卷四

伏三

于石

重修嘉善縣署記

古之爲政者非獨以簿書聽斷爲急也澤有津川有梁賓有候館野有亭障凡所以用其心者無不至若此者非以勞民也蓋教濡而德孚則民不期競趨而集其事及乎政成旣去而歌思之雖所嘗憩之樹木猶相戒不忍剪伐其枝葉況於朝夕居處以出號布令而身經營之者宜其所繫于民心者益深不僅如津梁候館亭障之爲設而已而歌思以樂傳之者又不待其旣去而後然也嘉善故嘉興縣地前朝宣德間始分設縣治而署之建而圯圯而復新者數矣某覽其邑乘攷其當時王者之爵里姓氏多不可得豈以事微故略而不著歟或者其所用心不能盡如古人故至今亦無得而稱之歟邑故劇地白于師莫公之始筮仕於此人皆爲公難公洗手奉職拔去故常嚴霜加於豪猾和風棲於窮閭登進秀良討論文義民俗蒸然丕變矣先是官署器用常取給羨餘一有期會團里次甲供其芻食公一切除去家世陽羨薪槁酒醴泛舟之役不三舍而至一勾之外弗以累民夏秋兩稅用符下諸里符到以次輪輸間絕追呼暨伍伯戟手倚牆終日無一人後通者故報課常爲

潘園未定稿

卷四

嘉

諸邑先視事未期大小事悉就理乃仰瞻其堂則頓
焉糾焉漸歎以壓公曰吾爲天子收養民是之不茸
非所以係觀瞻始謀于其屬諏日鳩工民承命荷畚
侍掘任羣恐後未閱月而堂之缺者完蓋者堅黝者
聖境者甃凡幕宇帑藏廊廡之屬以大整齊是役也
樽節取具材不費城守用不煩官府公每旦夕視牘
堂上吏民序立庭下益懷以嚴老倪歡悅頌冥滌慮
某日受公異知千里來謁門下始至則問父老言生
身六七十歲未嘗遇侯若此咸謂是堂之新不可以
無述公亦以其用心之所在懼其久而易沒也命某

墓園朱定葵

卷四

墓

紀其事公廉明聞于牧伯累被褒旌近所條兌運六
事頒下諸郡縣爲式其見寵優如此今朝廷方行外
吏卓異之典待以顯秩當事旦暮以公名上則嘉善
之民且不得久私公何有於是堂耶然自縣分治以
來爲吏茲土者非一人矣而民之戴公也特異於前
豈非仁愛之結於人心不可強哉使後之至者忘豈
一之守專務更張則小民何望不然而潔已奉職以
世世繼公之德於不替將我民終有賴焉而斯堂之
建而圯圯而復新固可以一俯仰而得所取法也已
某辱公門牆之末敢不敬志

惠山秦園記

天地之大昔人等之遽廬至于宮室之麗亭臺之勝
直以爲寓目而已視其轉易成毀興廢之不常特瞬
息間耳而傳之一姓以至數百年之久此自古未有
也余少時讀吾鄉屠儀部惠山園記謂其中古木之
上千層霄下蔭數畝者幾數百十章有泉從惠山寺
而左淙淙澗澗注爲清渠日夜流不涸中鑿石條爲
細澗分流竝涓涓可愛園故秦有也然自端敏公迄
中丞公之改葺時計將百年屠公已歎爲難得今去
其爲記者度又可八九十年而古木清泉蒼翠無改

清園朱定葵

卷四

惠山

向時結構雖不必盡存要之有撤而更新無蕪而不
治也予時與客遊其上或指示予山寺故爲宋湛長
史宇其南麓唐李丞相紳讀書樓旁去數武爲宋尤
文簡公遂初堂故址不獨其室宇無存而其子孫亦
零落盡矣若愚公谷者一時勝絕吳中今亦將漸廢
而爲荒墟夫物之有成有毀此消息之常何足深論
惟縉紳有道之士能持身正直勦業以世其家而子
孫之賢者能修德以光大前烈此百世不忘者也今
以一園之有無爲秦氏重輕者固不足以知此而因
此知秦之世有今德將衰何瞻眺之餘必有感慕而

興起者莊子曰舊國舊都望之惕然不然彼獨不能以忘情乎哉園今爲太史對巖公有太史日侍養園中讀書承歡養殯必潔其父子兄弟常熙熙終日也以此思秦之世德所從來矣

雲起樓記

樓居惠山禪寺之左二百步其下爲惠泉舊有築于泉之上者曰極目亭後改爲三賢祠皆背山而俯瞰泉以爲遊觀者之所登眺而休息然其規制庫隘浸圯以隳伯成吳公之蒞茲土也拊摩姬煦民以大愉謳誦接乎閭閻祥風被乎山川乃以其休暇與客登山飲泉久之仰視山半丘壤穢莽草木叢蔽以爲無以蕩滌神明助耳目之觀也爰謀于邑之士大夫拔石剪萊相其舊趾而廣之創高樓其上懸若天半圍以雕欄曲楯夾以栝柏松杉砌以文石周以清泉然後躡梯而升倚樓而望則澄江遠帶衆山如拱射貴之湖濤滄滄澄碧萬頃皆若攬挹于杖屨之下往來者得所憑依登覽者以爲快焉是山自惠山而北矗起九峰崗隴合脊狀若九龍之相連綴故名爲龍山或傳嘗有龍闕于其上故亦名闕龍也而以雲起名其樓者則自公今日始山取其騰蹕如龍樓取其蒸變如雲公所以願望乎邑之人士也彼邦之人沐浴滲漉慶公之有作反以視乎公龍之蚬蟻茲山下雲往而合崇朝其雨龍之蜿蜒茲山之巔雲之油沛布濩自天公所居地潁川南陽實龍之藏誰斯公

以澤而以潤于一方皇皇寵命有降自昔嘗召行公
不我遺民以祗席予以公與民之交相得也異日政
成而去民將視其所憇而樂依焉則是樓之建其可
輕乎遂因縉紳先生之有請紀石以告來者

持敬堂記

三代之制營立宮室有廟有寢寢廟之中皆有堂而
古者家有塾凡里之子弟之俊秀則畢集於塾而教
之爾雅謂塾者門側之堂所謂夾門堂是也以此知
堂者亦古人所以爲教之地也古一命以上皆別立
宗廟以祭而今自公卿世胄以及士庶人無不祭於
其家者故以爲迎神獻尸裸鬯登饌徹俎以著爲起
踰駿奔之儀賓客宴衍入席敷坐饋食進醕以爲
旋辟登降跪立拜起之節冠有三加昏有六禮無不
恪恭齊潔而於堂乎觀禮者故君子入其門登其堂
則無敢弗敬焉先是河南二程子以持敬之學教學
者其旨以嚴恭儼恪爲要其功始於動容貌正顏色
出辭氣之間而推之至於盡性達天知命蓋作聖之
基學者無時而可離者也南宋持敬吳柔者獨傳得
持敬之學於朱子歸而教授鄉里以學世其家今長
洲吳氏其後也夫敬者非獨以整齊其身而已凡父
兄之教其子弟與其師長無以異也然自道之不明
學之不講則人不知所以齊其家而教亦愈失何也
彼齊家固莫先於子弟也今之爲父兄者固日夜以
望其子弟而利祿之事射覆揣摩之術有一之弗

則戚然爲愧以忿彼爲之師者亦以其父兄之所望而勉且力焉利欲薰其中得失紛其外譬之於馬羈絡而馳驟之非不善矣然而舍其五父之衢而試之江河則陷溺隨之矣今之不爲陷溺其教者誰也余於吳氏之堂有感焉至其堂聞絃誦鼓歌之聲則輟然喜入觀其圖史陳設師友賓主所議論弟子磬折趨走階序雍雍乎秩秩乎其習乎禮也蓋吳君旣以其先之所嘗聞於師者銘於其堂而又延良師傳帥子弟教習之以聖賢之道以合於古人家塾之義則可謂能不陷溺其心而庶幾乎嚴恭儉恪以期于盡性達天知命者也今世士大夫家輪奐相望落成而名之備極五福之辭若類於世之巫祝者非所稱貽謀之善也吳子獨能不以世俗之所棄者爲迂濶務勉其子于聖賢豈不卓然有志之士哉使吳氏之有成俗其庶有變乎雖然不可以不誠也吾願君子孫之居是堂者無以險詖驚慢之心入無以驕僻放侈之行入無跛倚怠倦以爲堂之享祀無俾晝作夜以爲堂之晏飲無淫朋狎遊六博觥戲浮談不根以爲堂之周旋晉接左氏曰有敬無灾衛武公以敬威儀慎出話爲子孫萬民繩承之兆保世滋大莫過於此

澤園未定稿

卷四

特整

夫聖學之不明於時久矣吾於吳氏有厚望焉

澤園未定稿

卷四

特整

夢園記

定海爲甬江入海地余所見十五六年間舢艫之驚
數至居人負盾荷擔而立猶日惴惴然邑著姓謝氏
第閭相望余從游其群從間顧視其居亦多就毀撤
臧獲廬舍與兵馬雜居逮余再來而居民稍復其故
處謝子在武治園於其室之西偏名曰夢園日與諸
伯仲游翔其間以講德而問藝焉一日君觴余園中
問余浪遊幾年意中得失幾何事追念前十餘年間
烽火震驚婦子之不保今得息焉游焉于此者豈非
邀天之倖而然耶余倚酒微酣爲謝君詠杜少陵詩

夢園未定稿

卷四

夢園

安得廣厦千萬間大庇天下寒士皆歡顏輒奮袖慷慨起君兄弟亦不以予爲狂也嗚呼此屋雖修廣不數畝無奇花卉怪石以供耳目之玩而得此于亂離之後可以見戎馬之漸息太平之將兆其在君兄弟朝夕聚處又可以見其能無事而儉適豆飲酒以相樂有事而敦在原急難之意以相恤更世多故如此等皆不數見也然以君之才度非久淹滯于此者今吾鄉雖幸少安頃所經過自吳會以屬之淮南北被災處懷襄千里一望村墟無不蕩爲魚鱉之居而飢餓之官生靈數百萬安所托命又不獨天下寒士可

念也君異時富貴其無忘吾賦詩忼慨時乎

夢園未定稿

卷四

夢園

拙荆堂藏硯記

海昌陳公岱青司李高京有仁廉聲著自吾視身
外皆長物獨性嗜硯至癖每恨不能自克耳時鄉士
大夫爲公德者競以好研遺之公精於鑒別雖官卑
者數輩傾裝不能及也余從其季君子文叩所藏出
之有曰卞璧者色正青紫長五寸餘圍八寸厚如其
長之數而不及者半其右却刻而窪中徑容三指許
此石子文尤所寶愛陸君冰修爲之記與死弦白郡
丞宣德舊坑三枚皆下巖石也又有曰龜巢端瓊爽
鳩桃核鍾研之屬者合十有二枚而汰其次者弗著
清園未定錄 卷四

錄子文藏以方底襲以綈錦每示客則拭几鄭正
衣冠而出之曰吾無以此爲寶也先君數十年之精
力聚於此矣孝子之於親也思其所嗜與其所好是
鏗然而石者庸不得爲吾之兌之戈和之弓乎願吾
子之有以記之也傳曰父沒而不能讀父之書手澤
存焉耳毋沒而不能執母之櫛篦口澤存焉耳大不
能讀者非却父書而不親也特其思慕之至執卷旁
皇亦有若迴翔躊躇而不可已者斯其所以爲不能
也不能之心唯讀而後知之矣今子之於是研也將
終襲而藏之乎抑有所用之乎子瞻曰真研不損真

乎不壞夫真研不損矣能保其久而無散乎故聚必
有散此物之常理也以子之真手用彼之真研則研
將得子之手以發其精華美粹之氣充滿宇宙煥爛
竹帛斯經千百年逾無損矣况直人世俛仰旦暮之
間哉吾視陳氏兄弟皆讀書修行紹其家學而子文
之得之心而爲文也其光鬱郁而津津其體溫栗而
柔潤傍及六書變態波磔策勑之法無不諳善吾知
子之所以守是研矣且子無俾謂是鏗然而石者是
先君之遺也子文起曰善哉子之記是研也徵先君
之靈吾不聞子之言研如卞璧者三一曰執法以司
清園未定錄 卷四

李公銘語故以名局長君子厚一日蟾蜍屬次君子
啓三石皆最奇好事者至今不能目其高下其端瓊
者子文以貽予

五園圖記

奕美何子家山陰之峽山去蘭亭舊址五里許皆欲傍山依流結園雜植花果叢竹菜茹靈藥奇草於其中而未就於其遊也命友人鍾陵樊會公按其山川營構而爲之圖又屬予記之庶時觀覽以自慰焉今六士之窮居蓬華櫛摩下進者其晝而思夜而夢所爲取富貴立功名以及於宮室田園妻妾之奉子孫之計無所不至及其思闌而夢醒迴視所居依然四壁也此真可謂之矣耳若夫所求者僅在一丘一壑魚樵麋鹿之所羣居而獨遊此復與造物何與乃亦

清園書定稿

卷四

五

五

十二硯齋記

余至京師交汪舍人蛟門聞有所謂十二硯齋者輒欲一至其處舍人曰無有也硯者吾夢也而齋者吾所假於大司馬梁公之館以挈吾妻子與奴婢所朝夕而處者也自吾之來京師携一硯粗理而不受墨其旁緣缺朕吾挾貲以僦人之居則朝至而夕徙朕而硯者吾之所癖好也嘗夢得之其數十二故以名吾齋聊以寄吾生平之趣而已余曰善哉子之所託也今夫云云而生者其所需於物者寧有涯耶膏澤取於天貨財取於地日用玩好耳目之養取於山川

清園書定稿

卷四

三

三

八音之備以爲樂肥甘以爲吾之飲食而輿臺以爲吾之使令彼其初皆非有與於我也而吾皆得而有之其得之以爲固狀取之不知其爲誰子終身享之而不可以厭是尚不知吾身之爲吾有也而况凡物之自外至者乎故曰身者天地之委形也知身爲吾之所本無與物之原未常爲吾有以無有過無有則汜狀而若辭充然而不居若是者以語于道則幾矣然則舍人疇昔之夜始非夢也子之視固在而子之齋固不待假而有也予以舍人爲知道

· 小有堂記

有林蔚然從數百武外望之隱出於連甍比宇之間是爲葉君九來半璽之園先是君曾大父孝廉公經始於邑東南陬父工部公稍葺而大之則園之修廣幾六十畝工部晚年析園以爲三以與君之兄弟而君得其東偏之半於是小有之堂橫踞兩山間反處園之中焉自君之居此益務修治凡一椽一石皆身自經理位置莫不有意嘉卉林立清泉繞除客之來是邑者君未嘗不設主人旣與之遊而飲酒賦詩則未嘗不縈維信宿而後去蓋園之至君四世矣其同

時之廢爲榛莽或易名他氏者多矣而是園者至今無壞益新則以君之能無忘先人之業以然也或謂君以彼其才宜早自表暴取世光寵顧退而自安於丘壑誠非所宜余謂今之汲汲自勵爲當世資者非必其天性皆汨沒于富貴利欲者也蓋亦有求爲買山而隱而不得者而隱忍以就之蘇秦曰使吾有二頃田安得佩六國相印乎由今觀之六國相印之與二頃田所得孰多况又有求而未必得者耶葉君之賢其知之審矣且古之君子雖其功名立巍然係天下之望猶常以區區者與夫山人逸士爭其所嗜

好於一泉石之間此其寄託者甚深未可以常情測也

汪春坊讀書圖記

中允東川汪君一日以此幅過余曰此禹生爲予諸少陵詩讀書秋樹根圖蓋兼取負米力葵之意余視京師士大夫無慮三四百人其間祿得待養者不及三之一求如余之具慶者殆十無一二比蒙天恩許之歸覲家在兩湖間山水幽勝奉吾親而處焉暇則執卷吟哦其中以博老人之一笑此吾所謂至樂也願子有以記之余嘗謂人生有三不可悔少年不讀書老大不可悔有親不能事親後不可悔此身一敗行終身不可悔自循卑賤無過人之節亦不至言

陷于不肖之行但於養親讀書蹉跎兩負每中夜思之戚然餘痛顧人老事去而悔無及矣君具幾先之哲常能處人所不爭之地以此免於悔吝者數矣余每從事後私爲人傳說其梗槩今復乞養於強仕之日讀書而養親以終老焉可不謂賢哉昔漢仲長公理欲卜居清曠兼珍奉養以樂其志晉潘安仁居騎省時思御板輿奉太夫人遊於家園而作閒居賦二人昧于榮利卒嬰世網爲世所惜君獨能瀟然於出處之際如此非獨於余之所悔而不得者幾可以無憾迹其所爲古人有所不及也然彼二子者遭時喪

亂欲遂其志誠難擗紳先生幸遇承平之世進則廻翔禁闥盡啓沃之職退則偃臥丘園有定省之樂出入顯晦無所不可上下千百年間如此遭際豈多得哉此觀是圖者不可不思其所自也

思硯齋記

僉憲許生洲先生示余以施侍講思硯齋記先是僉憲之大父中丞公爲紹興守夢蘇端明手授一硯翌日使隸種竹掘地得硯於臥龍山麓旁刻天然硯三字畫其背爲東坡小像中丞寶之終身崇禎間公及後兵亂失去子封奉直公每追念出涕因營齋而居之而思硯以爲其名客有謂余曰噫嘻夫夢果可憑耶彼硯者果有所受之耶其得之也豈其適然而失之也豈偶然耶吾聞中丞公居官廉去任之日所載不過囊衣至今浙人猶能稱道之計其土直金玉而批糠富貴久矣方且以其神徜徉浮游於造物之表而其視一硯之得失也詎有毫末足芥蒂其胸中者而以是名其齋無乃非先中丞之意乎余曰不然夫爲人子者思其先人之所嗜好所遊處觸目而感之一切不敢以爲無有者孝子之志也至於無見而悛然如有見無聞而愾然如有聞甚矣則其視一硯之得失於夢醒間也不猶之視人生之存亡得喪聚散離合俯仰變換於數十年之中而與之感而思思而有所歆歆宛轉爲不可解哉夫死生亦大矣而況於父子之間哉此思硯齋之所爲作殆有不期哀而哀

至者已僉憲之官京師也徧謁於所知求詩文以述其尊先生追慕之至而冀以少慰其思侍講謂奉直公賢能不匱其孝僉憲之能曲成其志皆可書信也僉憲公新奉 命督學政關中裝行有日矣緣奉直公志將躬行表帥講學明道以興起其一方之士子意甚盛也余謂中丞公之視不亡矣故記

停舟書屋記

予於京師宣武門外從逆旅主人僦屋數椽其半稍而分爲室者三畧如舟然而以予之所居也因名之曰停舟書屋主人曰吾視往來之人凡有事於江湖者遠或數千里近或數舍莫不候風色伺便利計日併程窮力而求至故遇便風揚颿聯艦比艘乘濤上下舟子安坐而擁櫂行者憑軾而馳望瞬息抵岸則醴酒擊牲以爲樂此亦行旅之至適也有舟於此偃桅踣檣蕩漾洲渚曠日而不得濟目送去者羣百千輩已獨惶惑不離其處此則勢之所去而行道者之所不顧也子之以是名也必更之無以子累吾居子曰子不知天道乎夫盈乎彼必虧乎此者天之數也子桑曰父母豈欲我貧哉天地豈私貧我哉吾求其爲此者而不得也然而至此極者命也夫今是舟之遇我於此亦命也子惡庸諱是哉雖然吾未見彼之必得而此之必失也今夫駕風而行勢若激箭不終日而舍者舟之常也一旦風水撓之及涯而阻者有矣不幸放乎中流卒然而遇不測之險顧視兩岸茫無涯涘當此之時則停舟之不如且夫豫憂其顛辟之及不當止而中止者過也今其安居無患而欲美

於目前之快意者惑也吾知命焉而已主人莞爾笑曰子言固當然使子之有求於此則無以異是營營者也子信無所求也則何不令子之舟以返子之家偃息乎庭間散步乎園廬瀏覽乎詩書頓滅之所不及驚戚之所不加不亦善乎孰與夫栖栖以待是者哉予曰子休矣吾行謀之矣遂述其言爲停舟書屋記

莊園未定稿

卷四

停舟書屋二

貞靖祠雙松記

故兵部主事三原房公以明崇禎十三年省墓歸里值賊李自成盜據關中脅降諸紳強之官公不屈走深山匿跡至絕粒死里人哀其節私謚貞靖先生立祠祀之其嗣君今慎庵京兆得白松二株於涇陽韓氏歸植之祠廡外時松已拱把又種異或滋疑其難植也閱今二十年豐幹攢起相對峙如人拱揖狀標枝外蔭高出墻垣數尋恍如百餘年物人皆以是松之堅貞皜潔爲與公類意者其神靈所憑過其下者莫不咨嗟生敬京兆君繫官京師十年每瞻慕桑梓遇客自里中來輒問祠修飭以否兩松度今長大何若既知其然則益喜請所知爲詩文辭祀其事以及予予歎公完節而京兆能封殖此樹不忘孝思足世其家愚不自揆爲侑神之曲一章使歌而薦之有祠蕭穆兮嵯峨名山之下嗟我公兮神所舍騷虬駟兮霓旌撫八極兮遊太清忽下顧兮中庭素覽兮綠髮枝連蟠兮綬紫厥狀惟兩兮神所集風蕭騷兮散渙激清商兮夜半聞空中兮長嘆曾陰屯兮天寒泣孤凰兮啼鵲指翠柏兮推爲薪感冬青兮楓已殘靈之來兮遲遲心徘徊兮有所思蕙肴陳兮桂醑紛交

莊園未定稿

卷四

貞靖祠

柯今承字既碩且蕃兮永福女

灌園未定稿

卷四

貞靖別二

與友人書

昨承枉示近著雜文十篇屬加點定僕於文無所諳識兼屢爲時義所窘不得一意向古人書偶一開卷意緒茫然如日遊鄉閭小兒間而忽接於長者有道之側神氣塞默不能自勝豈復足以論不朽之業邪辱教惓惓不敢固辭於從者輒竭其愚陋於意有未安亦妄改易數處或疑其太狂率重開罪左右然以僕之惜憤爲不辨文之佳惡則可使必欲掩飾瞻隨儕輩下竊知音之名投時俗之好於義不可且非所以待足下也方今古學陵遲足下憤然興起以作者自期此古人所難前年在金閭與計子甫草往還甫草日爲文成必命僕檢定信使反覆再四不倦僕感激其誠亦時有異同不復更存形迹嘗作友說贈之述所以欲相扶而同進於古人之意今甫草藁中多載僕評論足下與同在京師久豈未之見耶既以此待甫草於足下懷有未盡亦誼所不敢出若其無見而好爲妄言此在足下諒之耳僕從去夏別後亦時得文十餘篇俟暇時錄呈足下論文精當非如僕之妄言者所望者以僕之操斧於大匠之門區區之誠莫轉相報也不備某頃首

灌園未定稿

卷四

與友書

寄張閣學書

昨客都門倉皇返棹未領時親教益至今惘惘也先生蘊匡時之略應泰交之會外長官察入參機禁異數重疊出自宸衷旦夕用其道以弘太平之化草野伏聽可勝欣慰史局得先生與南陽公爲之領袖發凡起例勒成一代之書自當與日月並懸豈值媿美三史而已承部下徵先曾祖太常公志銘前已繕送今別緘一冊奉覽明神廟時國本一案實發於先太常公此後盈庭水火爲東林者莫不指公爲之嚆矢而立儲自有長幼之旨則已早定於萬曆十四年之

淮園未定稿

卷四

寄張

一疏矣後伏闕再疏幾萬言語尤激切至以晉獻驥姬爲比值當時厭言之際幸得留中然卒忤權相候補五年不得而去晚節被召至京纔一月又爲黨人擠退此公立朝行已之始末也愚歷考前史他不具述卽前漢時如賈山路溫舒諸葛豐劉輔之輩皆僅以一疏慷慨史爲立傳垂光竹帛况先太常奮不顧危浴日虞淵身受萬里之竄而之歎靡悔至其謫尉之後拊循餘蹟光明駿偉比之前人懸絕萬萬此于例皆宜得書先生平生正直是與尤樂成人之美不肯苟沒人一節之善先太常之行事卓卓如此似無

待於某之辭說者然而樂成人美者必其嫉惡如仇者也不苟沒人一節之善者必其不妄徇人者也先太常直聲雖著於一時而其終始守道不渝之節槩三十年沈淪州里採聽罕及先生或有所未悉而其中或不能以無疑疑而姑徇焉君子爲之乎此某之所以不忍終於無言而有待於左右之一察之也且以先太常之潛德積久而未耀以先生之文章道德可傳信於後世而躬任筆削之事如此某因得冒昧攀援進求一字之褒以垂之無窮或者天憐孤忠不忍聽其終於泯泯而適值乎此時其亦有待而然耶

淮園未定稿

卷四

寄張

未可知也伏望與同館諸賢商略定例特立一傳則不肖幸甚又先叔祖御史公諱思齋崇禎朝號能言事一參烏程再劾宜興諸所建白多關切治亂前蒙同徵及家傳故并以聞或得附書太常傳末尤所感戴徂暑惟爲時保攝不宜

寄葉學士書

都門拜別後爾載周涉茲炎夏伏惟尊候萬福遠承榮問晉陟崇階行且作特霖雨以慰順順者之望辱在知愛其爲欣抃益何如也史局想已有成緒班馬著作成於一人之手今衆巧在門統歸繩削去取之際較前更難 朝廷以茲事甚鉅正非先生莫與任耳某草土餘生奄奄神氣文字之緣不復置想徒負知已二十年期許盛心良可浩歎前蒙史館徵及先曾祖太常公誌銘今奉到一卷先太常明神宗朝首爭冊封鄭貴妃觸上震怒隨奉立儲自有長幼之旨

後國本得以無動者賴此一言爲之地也雖身遭竄逐而功存宗社謫尉之後移令餘干服闋至京一扼於權相晚年內召再困于闕兒從此齋志牖下雖通籍四十餘年計散館後立朝僅百二十餘日沈淪外吏作尉者四年爲令者三年耳易簣之日猶勅令寘朝衣冠棺中我將上見二祖言天下事其忠君愛國之念無頃刻忘聞者無不哀其死而惜其生之不竟其用也今使悠悠之名復埋於身後則不孝爲人子孫之罪何以自逭先祖戶部公命某爲家傳曰吾爲曾祖伏闕請卹典守之七年竟得之恨未見國史耳

汝後必成吾志某坐困一經潦倒白首不足以表章先人之遺緒則先祖之望或幾乎息矣而適與先生有平生之雅於此先生矯矯風節儀表當世獨立而不懼衆非而不顧推其志以達之於其所事誠有不可與流俗人言者噫亦難矣然先生不以其道之孤也所見匹夫匹婦纖介之善猶將進而誘之廣其聲譽以爲爲人好善者之勸况乎其言足以尊主安民其道足以濯世厲俗其遇之艱一蹶而不振以至於窮老而不悔而其人已歿徒幸其名在焉不幸其名之未立又以其子孫之無狀不足以表彰先烈而使

其名又將至於無所藉以傳則於大君子與人爲善之心或者其猶有所未盡也且先太常之可傳不獨在國本一事其尉廣昌也境內有白狼爲害則檄於邑城隍之神不數日而禽戮之如捕雛鼠焚妖廟之歲殺人爲祭者三而民不驚宋丞相趙忠定公墓在餘干爲守塚方氏所侵公正其侵地爲文以祭之雷擊其人於墓道不旋踵此其政績之尤奇者其他所爲民興革不可勝數比古循吏尤爲卓犖列之諫臣類傳中宜無不可者某非敢以私干先生也 朝廷委詞臣以筆削之任正以其是非明而好惡當耳是

非之明好惡之當不在於他在於不沒其實而已先
太常之名實暴著於天下已久使其不沒於萬世則
先生之職也某何與焉然以某之無狀而使先世之
流風餘跡得賴其人以傳以幸寬於不幸之罪戾則
是先生由善善惡惡之公而波及於某一家之私某
又何心可不知所以感也敬俟杪秋北上泥首以謝
併所緝家傳及先侍御公傳尋送閣學公向承其顧
遇因附候一通見時希道愚悃臨書惓切

寄鄧參政書

某不肖不能自彫琢爲文脂韋滑稽以投時好傾獨
喜爲古文辭間聖古人希夷淡漠之旨泊然而無味
者閉戶絃歌之以自排比成文章用自娛樂業與營
營者背馳兼稟性迂拙不善隨時俗俯仰又絕不喜
陰賊詭佞之習見人若此卽拂衣起去不問貴賤而
今世正多此輩觸手墨足動成觥迕自計此生當屏
之深山長與木石爲侶猶復不自禁時時出遊南北
間以不合時宜之人挾其泊然無味之文輿服不足
以動人丰采不足以驚衆積毀疎誦日引月長是以
躡接貴人之門望闕趨起無由自進宜其遊而困困
而無所告訴以至於斯也而適遇執事於吳門吳之
友曰宋子旣庭曰繆子歌起者縷述執事之爲人謂
能貴而下士士無賢不肖皆得其歡心而其於賢者
禮遇之尤若不及焉卓然不以流俗之見動其中者
也且又善子之文曰是百年中所無者子盍往見之
夫先生古人也子以古人之道求之庶其有合也已
已而相見果然復聞于繆子謂將謀之館人退自付
度以某之才非有所分毫有當于左右者襲砥硃於
懷投卞和之門其庸濟乎旣而念古之人有杜牧之

者當奇章伯之節鎮淮南牧之客焉口縱飲從然
問遊奇章不問也且日令壯士左右之杜阮去始問
知其故感泣終其身又有滕元發者館於范文正公
家亦豪放不羈文正嘗思規之一日伺其出遊明獨
坐室中少頃元發歸長揖問文正讀何書曰漢書又
問曰漢高祖何如人范遂巡不對而入此二公者雖
不同然迹其才能豈有所不如于輕雋之二年少哉
然而前輩愛惜人才之至意固有出于尋常萬萬者
初非有所責其勞而後待之厚望其報而後禮之殷
也且牧之元發側儻奇偉之士也非二公者容之則
濬園未定第
卷四
孰容之哉今某辱執事之知不後於古人不敢自外
竊在下風適聞之道路曰屬有小人之言于左右不
敢以辨夫合則留不合則去者某之道固然也豈以
疑似之際與瑣瑣者多其辭說哉然而懷不能自己
者以執事之知我今而有疑隱忍而就固不可默然
而去尤未是也揆之或者之情當無他說直以某爲
狂不可近耳若以狂則某固嘗學聖人之道而習其
說矣其狂尚不如前二生云云之甚也就使某真狂
如前二生者執事將不能容之乎是執事之卓然不
惑其賢尚不如奇章文正也於某何有焉或者道路

傳之非其真與而執事固未嘗有所過聽與則非愚
之所敢知也某今歸矣家貧幸有先世遺書數千卷
足自發憤薄田不多妻子尚不至凍餒某何求於人
哉特以素蒙執事國士之知卒然辭去萬一世復有
好士如奇章文正者起而誤收之儔人之中以不得
出於門下爲恨者恐亦執事之所耻也故敢以書謝
且以爲別臨書惶恐

濬園未定第

卷四

第

與萬充宗書

承教儀禮商已命童子錄竟披玩反覆意義周到無
辨可尋其尤辨者在寢廟之論謂大夫無私朝此皆
先儒所未及愚更有臆說可與兄論相發明者附質
於右周制三朝一在庫門之內大門之外曰外朝一
在路門之外曰治朝亦謂之內朝亦謂之外朝一在
路寢庭曰內朝亦曰燕朝自愚攷之則周二朝也曲
禮天子當寧而立諸公東面諸侯西面曰朝周官太
僕掌燕朝之位王世子公族朝於內朝臣有貴者以
齒此燕朝在路寢庭不過爲公族相朝燕飲之地臣

藩聞者通纂

卷四

四

以齒爲上下非有朝儀位署之法也故王藻日視朝
於內朝退適路寢聽政路寢之制特用以聽政耳故
不曰朝其大朝會則在路門之外其時則司士掌朝
儀天子當寧而立于門諸孤諸侯以次東西面立始
謂之朝耳其禮儀儼肅非路寢庭比由此知路寢庭
無朝名當時因天子取其近便居以聽政猶唐人與
仗入閣之制而其後遂相沿以爲朝耳不然路寢庭
外既有朝矣而復置內朝於庭之內不旣贅乎哉由
此觀之則知天子之寢庭亦無私朝不獨大夫爲然
也大夫路寢庭無私朝可曰私朝天子路寢庭無內

朝亦可曰內朝考內朝之名始見於文王世子文王
爲世子時王季諸侯也不得有庫門外外朝之制故
以治朝爲外朝以燕朝對外朝則謂之內朝耳周既
有天下兩從其稱然謂朝之爲內朝者正也玉藻之
文也周既有天下之制也謂爲外朝者非正也文王
世子之文也周未有天下之制也又諸侯庫門外朝
經亦無明文鄭氏特據周禮及戴禮玉藻意推之而
知中門之內大門之外別是有朝既有內外兩朝則
燕寢之不得復爲朝審矣故曰緣文王世子之文也
偶見及此兄意或未爲然必以示我又兄論三代以
上置閣皆在十二月之後所解歸餘於終頗與註疏
不合元楊恭懿上授時曆奏曰暴秦焚書廢古僞作
置閣歲終兩漢因之此言宜有本兄更考之何如他
意所欲叩者尚多以俟面請

藩聞者通纂

卷四

四

與馮元公書

今後作書及相呼可直舉字不必曰老曰翁蓋古者
既冠成人而有字以表其德夫子作春秋凡賢卿大
夫則字之而不名所以示子也終春秋書字者僅十
二人弟子無有以字稱者稱閔子騫是直述時人之
辭當時其父母昆弟皆謂之孝矣而時人亦同稱之
曰孝哉閔子騫此所謂不問於其父母昆弟之言也
若其他則固無有是稱矣至如子貢以弟子稱其師
子思以孫稱其祖皆曰仲尼屈原朕皇考曰伯庸班
孟堅敘傳謂父彪曰叔皮袁種盎之兄子直稱叔盎
潘閔未定章

卷三

三

曰絲明字是其所最貴者是弟子子孫之所宜得稱
者也漢書匡衡傳匡鼎來張晏註鼎是衡字引衡書
匡鼎白爲証顏氏謂衡與人書不宜自稱其表德仍
訓鼎爲當義字者君子不敢以之自稱師不以稱其
弟而孔子作書稱其卿大夫之賢者以爲與然猶不
多見焉子貢以稱其師子思以稱其祖袁種以稱其
叔父屈原班固書以稱其父唯君則不敢生而稱耳
今則不然凡今之俗以直字之爲輕而易其字之下
一字爲老爲翁雖乳臭之童稱老於其父兄之前則
恬而受之輿臺皂隸之有聲微者大庭廣衆之中稱

之爲翁而不忤何今之待乳臭之童視古之待其祖
父若師者加重也抑豈可謂孔子之賢其卿大夫者
反不若今之賢其輿臺僕隸者與其顛倒違禮甚矣
又古人於名字之外有云別號者直一時意興所寄
託非謂是必不可少之事又未嘗以此稱於人也先
正黃東發嘗言史衡公子弟與其親戚趙制置子弟
徜徉東園無可作做始初爲雲麓一岩十洲等號以
南宋統禧習氣波流風靡直至今日今人於其所稍
尊貴者不敢字謂則又於其號之下一字所謂庵與
齋者而復易以翁且老之稱焉殊不知於庵與齋復
潘閔未定章

卷三

三

何所嫌而避諱若此此尤史氏館客所不爲者然今
之士大夫無不相率而爲之江河之日下只此一事
有無窮之憂焉吾與足下豈可復揚其波而俛同於
流俗人之所尚乎或有可稍通其說者曲禮天子復
曰某甫復雜記附於殤稱陽童某甫鄭玄謂之且字
某其字甫者男子之美稱未斥其人以美稱配其字
故曰且字此似近於今之稱例然愚意且字者特用
之於事神耳故哀公諫孔子曰尼父孔子生前未聞
有此稱也況繫施之於後生小子可乎不可乎孔子
惜憚禮之微者一稱謂之禮雖甚微然人心風俗之

所係且出之吾輩其於交道誠僞尤有大防見同志
宜備悉此旨

清園集卷四

卷四

元金

投所知詩啓

伏承閣下以來詩爲可採特令送上者今抄就彙爲一卷如左借闢人以進武謂某爲多失志悲愁之作方今明良在上五辰時敘百工協和不宜以此賣賞路之聽且重見尤矣某應之曰言以哀怨之詩謂必出于衰亂之際而盛世無聞耶昔之聖人雖道溥澤隆而不能必民之皆德已博施濟衆非所以爲難能班固食貨志載冬時民入居室男女有不得其所者迺相與詠歌自言其傷言三代聖王使民夜作而晝火相共男女皆得以其間申其積而比興之事與矣今所傳變風變雅者恐不盡周衰以後詩也韓愈謂物不得其平則鳴又曰卑陶鳴虞伊尹鳴商周公鳴周或疑此數臣者處盛朝事聖君何不平之有而不愉而怨失事實矣不知伊尹當悔過之前周公居流言之後何得無怨耶特其怨之事有大小其用心公私不同耳今謂盛世之必無怨者是失人生憂樂之正者也然或以某之詩爲自傷卑賤而有所憤訐不平是又未是也愚自分道之興廢有命故嘗息意無營于世其觸物感發不能自禁而時激爲酸楚悲涼之調以爲其不得已之哀此亦詩人之常事而其

志武王有言昔者禹湯黃農虞夏之下作悲道
之衰將以永歲百食作爲詩歌義不忍與盜跖同
富貴其志正矣然非孔子孰知其非怨耶又孰知
非知匹夫匹婦之自言其傷而有憂天下之志也故
有憂天下之志而不與匹夫匹婦同其失所之嘆者
此伊尹周公伯夷之所同也太史公曰伯夷顏子雖
賢得孔子而名益彰然則士非有知己者則雖有伊
尹周公伯夷憂天下之志其不同于匹夫匹婦之怨
者幸矣伏惟閣下懷道濟時深察愚知則僕詩之所
所有爲怨與否固不待愚之所自明而讀其辭者亦
可以得其志也閣下其必有以教之某惶恐再拜

趙國志卷五

秦四

後漢

湛園未定彙卷之五

題跋書後銘贊頌文

臨鍾太傅四表跋

孫權初議拒曹操嘗言孤與老賊勢不兩立其後輸
欵於操者一稱臣於丕者再今考之於史則羽與曹
仁相持徐晃連營逼圍權出師躡後自足掩取江陵
無藉於操乃獻表欲擒羽自效何邪後之稱臣雖以
蜀師東下權宜爲之然丕勤三駕臨江而反終不能
損吳之毛髮其不能困吳明矣而自同器融甘心北
面殆失計無恥之甚者初建安末操始受權降鍾繇
貽太子丕書曰願念孫權子更斌媚太子答書轉相
盟誓共爲曹氏君臣玩弄如此豈不爲父兄之遺愧
哉權稱臣奉表在黃初二年十月至三年八月而孫
曹之交絕繇此表當在其二三年間當吳之始臣於
魏也邪貞知其非久爲人下劉畢以爲憂蜀僞降而
繇之言曰權之委質外震神武度其拳拳無有二計
未幾吳叛終魏之世不能再服繇爲虛言矣其知出
貞等下豈耄及之耶

右宣示帖

云戎路兼行履險冒寒者謂漢前將軍羽圍曹仁於

樊操以建安二十四年十月親自洛陽南征時也操
駐軍摩陂至次年正月還洛陽死吳潘璋害羽在十
二月此閏月當在十二月後征南將軍曹仁也胡修
魏荊州刺史傅方南陽太守時皆降於羽羽威震華
夏操議遷都於許以避之而呂陸之徒懼其功成見
逼遂密謀擒羽使曹氏得銜持兩家而坐收其利次
年丕遂篡漢天下大勢遂在曹不在孫劉矣當時蜀
漢君臣計不顧此聽其孤軍深入坐失荊州後諸葛
雖數出師漢中以關中原亦何益哉此古今一大變
局攬此帖者所尤痛心切齒於孫氏之君臣者也操

魏國未定集

卷五

三

自開國漢臣卽以天子禮事之故雖建安紀年語悉
稱臣表式首尾一如漢制後但署東武侯者以是年
九月繇坐魏諷反免相國故也

右戎路帖

後漢百官志侍中無員掌侍左右贊道衆事顧問應
對建安初置六員表言先帝遣侍中王粲杜襲又云
乞使侍中與臣議之蓋當時機密之任也至晉後其
職益重衆襲爲侍中在魏國初建時始定制爲四
員云昔人評此書柳葉洛曳於光風象徵臣之御寵
蓋此亦右軍臨本也

右力命表

唐文皇評鍾繇書謂字長而逾製黃長睿疑長是方
字之誤然鍾行書若墓田丙舍長風新婦諸帖結體
頗長方者特其真書也鍾書存於今者一手是右軍
摹本薦直表爲其真蹟有河東薛紹彭印章元袁泰
評點畫之間多有異趣可謂幽溪無際古雅有餘蓋
是漢隸初變不可以其晚出而疵之也惟季直不見
傳志差爲可疑

右薦季直表

漢國未定集

卷五

三

題宋潛谿謝阜羽傳後

謝阜羽傳鄧牧任士林皆有述鄧錢唐人自言與翺最善翺服其爲文病且篤懷以詩曰謝豹花開桑葉齊戴勝羊生藥草肥九鎖山人歸未歸然翺宋末義士而牧傳中無所述第曰縣役繁興不堪迫辱委務出遊過嚴陵故舊館焉其地與婺接故常往來兩州間所居產薪炭率歲暮載至杭易米自給又自言爲翺死友然翺之沒遺命惟託方韶卿鳳吳子善思齊不及牧葬翺子陵臺南者鳳思齊及方幼學方燾馮桂芳翁登兄弟而牧亦未嘗聞赴其葬也牧自誇於翺爲文當自出胸臆罕讀古人著述此豈其真不讀書者哉然牧云翺於軍伍中購得一子相與竭力生產任傳中不載宋云無子翺之臨沒屬友其無子當信其前已購得而後復失之耶任傳詞旨隱約以屈原比翺是爲得之吳思齊墓誌亦可觀宋因江吳本特加潤色淋漓盡態讀之令人感歎不已蓋遭勝國之後無所避諱而能然也國家破亡神器淪沒有權位者不必徇而草野失志之子有孤憤鬱悒而不知其然者豈不由于其性哉然不幸無傳之者傳之而失其志以此湮沒於後世者多矣愚觀漢新莽之亂

士至有僞失明見其子墮井妻與人私而不顧者其堅苦如是末世好名滋甚馮藉權勢踵按侯王之門入則短後曼纓出則幅巾草服搗筆著書忠義奮發流播遠近邁迹巢許幸而其書不傳也不然又孰知盜跖之與曾史哉

困學記題辭

世有共道學然後有真節道學晦而節義微節義不植則其於道學也亦偽而已矣黎眉先生歸田後著困學記自言余日間行事每至臨寢必端心危坐仰天而質之如是者十年纔覺違心之事日漸減少又云學道須破名利關頭若乃周孔其商賈其心弋名於道德之林漁利於仁義之域是則謂之偏販聖賢負罪名教不小故自滄桑之餘絕跡遜荒至老不復見雖妻子不知其所向世皆疑其仙去而其家亦詭曰有之然孰知其為篤信好學守死善道之儒

困學
卷五
田學

者歟余生也晚不及奉先生几杖其季子自天讀書安國禪院時相過從流涕而道其先人則詞旨嗚咽至性迸發其交於某也禮恭而意彌篤然後知先生之學非徒以得正而斃已耳其修之身以為子弟法者又如此其至也余嘗讀兩晉南北朝史嘆其君臣之際侮慢猜忌無恩義可紀至士大夫家居孝友奇節疊書帛見驚心動魄如弘農楊氏一家寔西漢萬石所未及以此其時無故國而有世家輒思放古別錄南北朝孝友一編貯於家塾乃先生所為三十二卷者已卓然明備余又知先生之學其植基深厚尤

在於此 自天之能善繼其先志者亦能知其本之所在從事焉無失故也孝弟不立本實先撥而競為道學節義云者皆妄也人有言今有能世其家如史氏所紀者予謂必自郭氏始矣

題南齊旌表華孝子小像詩附

孝子諱寶父豪晉義熙末戍長安時孝子年八歲臨別謂曰須我還當爲汝上頭旣長安陷孝子七十不婚冠有問者輒號慟彌日按史劉裕以義熙十三年秋八月至潼關命王鎮惡大破姚丕軍遂入長安其年十二月裕將東還三秦父老留之不得以弱子義真都督雍涼秦州軍事留鎮之豪戍長安當以此時旣而沈田子以掩殺王鎮惡伏誅長史王脩被讒歿群情解體夏王勃勃遂進據咸陽走義真積人頭爲京觀號髑髏臺此十四年十一月事也豪豈以此時

津園未定案

孝子

題南

陷沒而不得還耶從此中原分裂生靈塗炭于戰爭又百餘年然後合而爲一其遺禍烈矣劉裕之罪可勝誅乎而孝子之所痛者特其父也然自古篡竊之臣若王莽懿操父子俱未嘗親弑其故主也至零陵賊殺自後禪授之際習以爲常裕之子孫亦嘗身罹其毒而君臣之道苦矣獨孝子終身思父不婚冠此其所關于人倫甚大蓋與晉徵士之風異事而同軌者也嗚呼忠孝名節者國之大綱大常而人類之所以不滅顧失之上而得之于下豈不尤可貴重歟南齊時同郡有薛天生劉懷胤兄弟皆以孝行旌然子

獨以孝子之所遇有足感者故疏其事于像左且繫之以詩

平朔門前萬馬迴長安歡動聲疾雷羌會反接渡江來南朝太尉作事乖心圖九錫苦欲回十三兒子何爲哉兩雄攫拏鬪不開忠臣斷頸起禍胚赫連瓚師山崩摧參軍馬背馱嬰孩草間求活真爲才人頭作山高崔嵬三軍同時橫暴腮傷心極望髑髏臺髑髏臺上悠悠魂七十無家難具論一朝旌旗忽南卷百年星日常晝昏小人憶父心煩冤父老哭君聲暗吞白頭舉事何紛紛冲平陵畔啼夜鵲君親大義歿不

津園未定案

卷五

題南

泯赫哉孝子誰等倫東籬之外五柳門宋齊轉眼俱埃塵忠孝歷劫無沈淪君不見此圖儻慨正氣存

題程子卷後

客歲淮南逆旅中偶讀韓嬰詩傳至孔子遇道哭者甚哀而自言其始所以宦學而失養之故以至悔而立稿也而是時孔子弟子之請歸養者十有三人予既以前年拜違其親奔走於江之南北是日有感遂決南歸之志既抵吳門程君煥來手一卷形縱縱而過予予既喜交程君視其所攜皆曩所求於海內之賢者所爲其母徐孺人傳志者也而程君之所自傷其貧賤不得養者則并見之於言焉時予歸志甚銳君則爲予買舟葑門之外共邀至家拜其尊君於堂

程子未定集

卷五

題

與其仲父杓石咸儒雅蘊藉衣冠狀貌質樸類古人風留數日始去去而復牽留之視其家之僮僕雞犬皆依依有向客狀若不忍其遽別者其好客出於天性可敬也今天下文士大率皆以家自累耳雖其間意氣自喜欲以廣致天下豪傑而奪于室中之反唇交謫者有之則其行之不成又非必盡出于懈弛而後然今程君家產纔不及中人自其母在時固已父子力學聲藉甚諸公間及其歿也庭除楚楚果蔬之行列巾履之位置無不整潔可喜男誦女織之聲燈火交出林落客之登其堂者鮮不爲流連忘反樂其

父子之賢而相忘于貧賤之累而又思其所以致此者則益悽然相對不樂蓋程君之言曰吾父子何自而能然吾家之所以得與君燕飲于此者皆母之遺也雖其父之言亦如此若孺人者可不謂之賢矣哉欲知孺人之行于其夫與子可以得之予既有感于中又不忍煥請因書所見者歸之

程子未定集

卷五

題

題傳經堂集

往余晤亮菴於武林胡氏之米山堂向疑其宿學諸
行去余遠甚問之纔長余數歲未及訂交而別常耿
耿宵次也比於都中見其仲君明經次厚知亮菴里
居閑闊幾三十年無復當世意今年初夏次厚游太
學亮菴偕之來訪其故人既至假館僧廬倦臥不出
於是公卿輿馬填塞街巷坐門問安喧闐都下以至
四方宦學名流羣展子弟懷刺到門皆願得識面爲
快亮菴愈不自得急促裝南返余與之語頃卽執手
言別則其耿耿比前愈甚可知也臨行出示余傳經
堂集連綴海內古文辭數百篇所以稱美卓氏之家
學甚備余非久謀歸擬築室於湖上陳經而讀之是
時去亮菴居當不遠數舍艤舟水次造所謂傳經堂
者瞻謁三先生祠啓其遺書從亮菴決疑發滯其必
有益於余聞

傳經堂集

卷五

題傳經堂集

歸太僕米刻彙題辭

太僕米刻彙其曾孫莊元恭所輯外吏牘申詳文移
諸雜文字當另存其家不足錄除此共得八十三篇
太僕集一刻于崑山門人一刻於常熟蔣氏近錢宗
伯手定抄本最善然余從元恭借觀其未刻諸篇多
隨俗應酬造次之作故可存者尤少余輒爲點定芟
其蕪蔓矜十之七焉當明之有天下二百七十餘年
作者林立唯太僕之文爲能獨溯太史公以來得其
風神而合之唐宋諸家體格粹然一出於正可謂豪
傑之士矣惜其晚始得第爲當時盛名者所推壓而
其所爲碑銘序讚之類多不出鹿城數百里之間外
家戚黨田夫餉婦并見疊出以與夫名臣碩儒爭名
于翰墨之下抑末矣此歸安茅氏所謂入富人之家
而所見唯陶埴菽粟者豈其才之不逮乎予之及此
蓋以歎夫士之好古而不遇者也

歸太僕米刻彙

卷五

太僕

碧山堂元夕聞酒詩跋後

丁卯元夕今總憲徐公碧山堂之燕出所儲酒二十種飲客命客爲闌酒詩明日相繼以詩來者若干人而前總憲公先得絕句三十首手書小幀示某某謹受而讀之其體物精切寄託深遠至於聲調之諧美按之皆可歌也是夕共預末坐所嘗酒雖殊方異製大抵南北香味自相類嘗考漢書以上尊酒賜侍臣注糯米爲上尊稷爲中尊粟爲下尊糯米今酒之南也而稷與粟者今酒之北也師古非之謂酒當以醇醕分上中下各非以米也且稷與粟同物不可爲二然

集韻

卷五

五

酒性得糯米乃益酌月令仲冬命大酋秫稻必齊而不及黍稷則古人之重稻可知注所謂粟當是米之誤耳時座中皆南人多右南而左北公自序曰昔人稱北酒南茶北亦未可少也此言雖爲酒調人然以三十種者較之實未易定其優劣矣自古譜酒者王無功焦革而下數十家至宋張能臣之記酒名元宋伯仁之爲酒小史徵類以百數然鮮能徧致之以娛客者是席所列自內造法醞及坊務麴材遠而閩海粵嶠遐羅琉球荷蘭花實之釀蠟封藤緇椰航而至者皆得品量於一堂之上亦云盛矣使咏歌之弗稱則

孰知夫今日者入下一家而輦下士大夫得乘其仁暇流連觴咏以相賞於花晨月夕之爲可樂也某屬病未能追和故合公詩爲一卷以序而歸之

集韻

卷五

五

跋家藏唐石蘭亭序

此石背面刻蘭亭叙二種前一面比後刻較低一字
明嘉靖間吳門黃君者工畫人物偶得此知是唐摹
石因廣爲宋人清明上河圖并榻如舊本獻之一貴
人其人以遺分宜相後漢匠索賂不得發其事貴人
以此見忤而黃亦坐是窮死其子名景星字平泉跋
足知書亦善繪事與余家有連因攜其石至慈老焉
此石向藏余弟三叔祖家叔祖沒後余尋得之春確
間石廣二尺長尺二寸厚一寸許質光潤可鑒字體
多類聖教序蓋唐僧懷仁所集本也近見武塘錢孝

澤園未定章

卷五

序

廉梅摹帖其叔相國跋云得善本於京師前有趙文
敏蕭翼辨才圖遂摹刻之余締視正與此前一面刻
低一字本同而神氣去之遠矣自後又得高麗揆文
庫收藏本中有宣和御璽則文敏圖在焉玩其紙墨
良是宋榻與背刻高一字本又毫髮無異只高麗本
盛字上成字鉤微起而此遲帶下放字彼楷此行靜
字右脚低於左青而此微縮爲不同及視石則三字
已損卽用前完本嵌補紙上補痕猶隱隱可見然後
知此石之流傳真千餘年物也吾子孫當善藏之勿
令俗工妄榻損其真氣康熙己巳年九月朔書於京

師之停舟書屋

澤園未定章

卷五

序

求志軒集題辭

韓退之爲毛穎傳時人傳笑以爲怪獨柳子厚深善之以爲弛焉而不爲虐息焉游焉而不爲縱然此猶淺之乎知韓也凡古人文字不輕下筆雖一時游戲滑稽之文其中必有含諷譏切關於比興惟其稱物小而寓意大屬辭近而取旨遠故足傳也讀錢子文若諸詞賦可得其槩矣文若爲吾里耆宿隱居山中著書滿屋然不自表襮吾頭白歸里始一識其面邑子浮薄黨相揶揄或未聆其姓氏無足怪矣其詩於沈洋恣肆中不沒其家數皆所謂不輕下筆者也

世廟未定稿

卷五

求志軒集題辭

題蔣君長短句

記壬戌燈夕與陽羨陳其年梁谿嚴蓀友顧華峯嘉禾朱錫鬯松陵吳漢槎數君同飲花間艸堂中席主人指紗燈圖繪古跡請各賦臨江仙一闕余與漢槎賦裁半主人摘某字於聲未諧某句詞未合余謂漢槎曰此事終非吾勝場盍姑聽客之所爲乎漢槎亦笑起而闕筆然數君之於詞亦有不同梁谿圓美清淡以北宋爲宗陳則頽唐於稼軒朱則前洗於白石譬之韶夏異奏同歸悅耳一時詞學之盛度越前古矣七八年來數君者存歿殊路南北方散處久矣夫余之不託於音也頃得蔣君度臣此卷按拍而歌之酒酣以往慷慨當以慨蓋蔣君才豪而氣雄抒寫胸臆時時快所欲吐至其含宮咀商所冷然會心以自適於數君之外者亦復與作者之意何異宜余之既老且衰而復爲之閤筆於此也家季孝俞爲余言度臣多讀書詩歌古文辭彙數百篇每落紙雲涌川恣詭變百出行爲余盡發其藏則予之驚怖思閤筆於蔣君者何時已耶

世廟未定稿

卷五

題蔣君

申公轅固可謂之能明經學而不可謂之能守先王之道者申公前事楚王戊知其荒淫不法年已八十餘猶應詔起帝已不悅其言猶受大中大夫職幾不免于絀綰之禍殆哉轅生不欲爲黃老家言是矣隨下刺疏何其卑也萬一帝不予利兵刺疏一不隨手中生其不爲藟乎使以此時以正辭折太后曰臣官博士太后以禮使臣雖赴湯火其敢逃死若與謀畜臣而命之鼓刀以從宰夫之役是使臣廢先王之道而棄其官守也臣死不敢奉詔如此太后必愧而謝

漢書卷四

卷四

書林

生帝亦必益重生漢興幾六七十餘年儒者與異端之教乍勝而乍訕訖於武昭未知所定亦諸生之區區請說無有以守死善道者動之也

議諸生守家法
文吏試受奏

按古者大司徒以鄉三物教萬民六德六行之外必益之以六藝而族閭之師與黨正書之州長攷之及其在學也則又有中年比年考校之法當此之時固無德行之民而目不知書者矣故至于司馬論辨可無事于語言文字之間也後世師儒之教不明雖行聞族黨不學而牆者往往而是以如是之人一旦舉以臨民授之以政卽欲不以文墨試之得乎蓋自選舉與學校不復相爲首尾而一切關防刻薄之事起雖明知法益煩弊益生士風亦日益壞然其勢頗有不得不極於此者魏黃初中三輔議舉孝廉不復限以試經司徒華歆憂其學業從此而廢至唐貞觀時汴鄭諸州所舉孝廉問以皇王政術曾參孝經並不能答宋太祖開寶九年濮州薦孝悌者二百七十人召問於講武殿率不如詔猶稱素能習武試以騎射則顛仆失次太祖欲使隸兵籍皆號告求免不試而舉弊遂至此故後世無論賢良文學孝弟力田諸科一槩試之以文墨之事亦其勢然也及其甚也則巍科厚秩皆取決于方寸之紙而竟不復問其立身之本末矣是其末流之弊愈失而愈遠以至於無可如

漢書卷四

卷五

書林

何者也夫有志於斯世者其必復古族間州黨之法而後可以行鄉舉里選之事歟

澤州朱生集

卷五

書三

書稽叔夜傳

鍾會言於司馬昭曰稽叔夜卧龍也不可起公無憂天下但以康爲慮耳叔夜性烈而才雋意遠而思疎幽棲養性似無足當天下之慮者然當時典午之勢已成中外在事之人莫非其黨獨叔夜土木形骸不自藻飾而人以爲龍章鳳姿傲然有不可羈束之氣此司馬之所大懼也王莽先殺鮑宣而後西漢以亾曹操先殺孔文舉而後東漢以亾司馬昭先殺稽叔夜而後魏亾此三人者皆忠正豪邁瑰傑之士也故必三人去而後天下隨之會之誣康以通母丘儉則康之不附晉明矣或謂數人雖在其如莽操懿之奸何不知數人之力雖不足以止奸而有以憚奸人之魄而折其謀者氣也猛虎在山藜藿爲之不採况於國之有賢者哉不然張禹孔光楊彪何曾之徒彼固儼然處三公之位非不尊顯也而奸人者方願指而氣使之不啻若奴隸然其氣先靡耳阮籍受司馬之保護至爲其勸進之文而康以疑被殺藉敗壞名教爲禮法之士所深嫉而康終身無言行之失故稽阮並稱而阮不及稽遠矣

澤州朱生集

卷五

書三

書郭元振傳後

張燕公行狀云太平公主竇懷貞潛結兇黨謀廢皇帝睿宗猶豫不決諸相皆阿諛順旨唯公廷爭不受詔及舉兵誅懷貞等宮城大亂睿宗步肅章門觀變諸相皆竄外省公獨登奉天門樓躬侍睿宗聞東宮兵至將欲投於樓下公親扶聖躬敦勸乃止此則聞變不去保全聖躬爲元振之功而其不從廢立之詔尤其大節之不可泯沒者也本傳僅云玄宗誅太平公主也睿宗御承天門諸宰相走伏外省獨元振總兵扈從宿中書省十四日乃休不著其廷爭不受詔之事失史家紀載體獨杜子美云定策神龍後宮中翕清廓俄頃辨尊親指揮存顧託羣臣有慚色王室無削弱蓋極著其翊戴之功而後元振之盛業大節洗發無遺矣此所以謂之詩史也舊註因神龍年號謂平韋庶人之亂元振亦有功其間而史失之虞山錢受之知其附會又謂太平安樂二公主用事俱在神龍二年故曰神龍後不思神龍時相王猶未立此後中宗尚有景龍建元子美豈得追數其始亂之時而遽以七年以後定策之功許之乎神龍當爲先天之悞無足疑者

書史記衛霍傳

漢良將稱衛霍論者多左霍而右衛余熟觀太史公傳所謂兩人點次處則左衛也其於霍也多微辭矣傳叙衛戰功摹寫唯恐不盡至驃騎戰功三次皆於天子詔辭見之而太史公聚寶一曰出隴西有功一曰捕首鹵甚多一曰兵所斬捕功已多而已豈非以天子之詔特據幕府所上功次其辭多鋪張失實而天子方深信之則姑存此以爲傳疑之案乎觀大將軍七出擊匈奴斬捕首鹵獲五萬餘級而驃騎三出詔書所叙已不啻十一萬餘首級其虛僞可見此良史言外褒貶法也又曰諸宿將所將士馬兵亦不如驃騎驃騎所將常選然亦敢深入常與壯騎先其大將軍軍亦有天幸未嘗困絕也又云少而侍中貴不省士此數言者驃騎之將畧已盡於此矣

書張耒邵吉論

張耒之責邵吉不薦馭吏爲沒人之善曰龔遂因王生一言天子以爲長者遂不敢以爲已出曰此乃臣議曹教臣夫遂之能歸功於君其善微而不冒人之善其德厚矣方天子讓御史吉如曰臣與御史等耳臣之僕有先白臣者臣是以知之此其爲能豈獨憂職思邊而已哉吉脫宣帝於死能絕口不道必不貪一馭吏之功此不思之過也然耒之責吉亦可謂之不思矣按史此馭吏邊郡人習知邊塞發奔命警備事嘗出適見驛騎持赤白囊邊郡發奔命書馳來至

漢書卷五

卷五

張耒

馭吏隨驛騎至公車刺取知冠入雲中代郡還歸府見吉白狀云云軍情至重至公車刺取大姦利事使聞於天子天子必震怒馭吏重得罪而公車令屬且以漏洩受法矣卽吉亦豈得爲無罪耶況此馭吏無它能因生長邊郡見持赤白囊馳來者知其爲發奔命書隨採取之歸報而已非諳熟邊事者比何足以汙宰相之口賴哉凡論古人物非深觀其終始本末不可輕爲苦議況於其賢者如世所謂翻案者尤不可也近見有小儒責狄梁公不當事周論至深刻此人坐不讀梁公傳耳觀梁公之處群小問忘身直道

屢陷死地活人無數而不知悔歸無最後一事不害其爲大賢也嗚呼豈易言哉

漢書卷五

卷五

張耒

書王倫傳後

向讀樓公鎰節愍神道碑載其奉使屢請用兵不顧身禍及逼之官而不屈從容南嚮稱首就死以爲倫固豪俠不羈之士而能以名節晚蓋者胡澹菴許惇之疏特力攻和議不知其末後一著耳金史云倫被羈久困無聊乃倡爲和議求歸至金遣還朱升張邵洪皓強倫以平州路轉運已受命復辭曰此反覆之人也遂殺之贊曰王倫統禔之子市井爲徒此豈必有恥專使不辱者耶其言與碑辭正相反倫朔和議於韓岳用兵之際使宋主忘不共之讐而甘心爲之

卷五

王倫

傳

稱臣是誠不得爲無罪樓公自言謹據行狀參以魏庭濟美集中興小曆遺史王銍父子御劔銘序揮塵錄網羅舊聞以就此碑要非飾辭以說墓者三史作於元世其於抑揚南北之間多所失實如倫朱嘗仕金傳本不當入金史又不當附之叛臣若世宗所言反覆之人又別有謂蓋是時撻懶宗磐宗隄三人合謀以河南陝西地與宋而倫依此三人以定和議者也及三人以謀反被誅倫奉使適至金主責問倫曰汝但知有元帥豈知有上國耶因獨留倫不遣此正所謂反覆者也使臣因緣遺會以就國大計此其常

事史官據此以定褒貶何足以服倫之心耶傳云倫王旦弟王勉元孫按旦弟名旭非勉又衍一王字俱宜刊正

卷五

王倫

傳

書呂氏春秋

作此者其墨之徒與中多引用墨者之言常以孔墨並舉其言墨者鉅子孟勝善荆之城陽君弟子徐弱止勝死城陽君之難曰無益也而絕墨者於世勝曰不死求嚴師賢友良臣必不於墨者死之所以行墨者之義而繼其業也孟勝死弟子從之者百八十三人而終屬鉅子於田襄子墨以不亡觀此知墨氏師弟之間所以固守其家學頗有似於後世講學者之營立門戶而道德之爲天下裂久矣墨氏之葬以薄爲道余讀其節喪安死二篇自古及今未有不亡之

海國未定藥

卷五

葬一

國無不亡之國是無不相之墓也若親視驪山之事而言之者又蕩兵篇古之聖王有義兵而無偃兵因用兵喪國而偃兵是猶因噎而廢食因溺而廢舟慎勢篇觀於上世封建衆者其福長其名彰至他所議論固多戰國餘習然爲書既富先王之格言善制猶往往及焉而始行行事無一不與之相反諸儒之相驅而就坑以盡也亦其宜矣

讀孔子世家

太史公於孔子何爲而世家哉予觀其自序每一國則必挈其事之至重者而著其所以述作之意如於晉則曰嘉文公錫圭壘作晉世家第七於越則曰嘉句踐滅強吳以尊周室作越句踐世家第十二於鄭曰嘉厲公納惠王於趙曰嘉鞅討周亂於韓曰嘉厥輔晉匡周於陳曰嘉威宣能撥濁世而尊周然後知其世家乎孔子者同之於列國之諸侯也共同之諸侯奈何曰以其同尊周也遷序孔子曰周室既衰諸侯恣行仲尼悼禮廢樂崩迫修經術以達王道匡亂

海國未定藥

卷五

讀孔

世反之於正云云作孔子世家第十七其意以諸侯之得世其家者以其知有天子而能匡亂反正以天子之權歸之於周者莫如孔子之功最大故附孔子於世家者非尊孔子也推孔子之心以明其始終爲周之意曰春秋非孔子則周道幾乎熄矣以孔子爲尊周而尊周者諸侯之事也故上不得比於本紀而下亦不得夷爲列傳也然或謂稱世家爲尊孔子而兩失者是未識遷之意者也

釋奠必有合辨

釋菜禮輕也釋奠禮之次輕者與釋菜者唯釋蘋藻而已無牲牢幣帛釋奠者釋薦饌酌奠而已無迎尸以下之事故釋菜輕而釋奠於禮爲次輕也禮釋奠有六唯天子視學釋奠於先聖先師其它師還及四時入學皆不及先聖而四時入學則詩書禮樂之教官主之各祭於其學之中天子不親行禮也則次輕之中此其九輕者矣故釋奠有合樂者有不合樂者周禮春入學合舞秋頒樂合聲及月令季春大合樂則天子視學命有司與秩禮祭先聖先師于時則遂養老此合樂者也其餘四時之奠不及先聖主之有司者如春夏敬于戊則小樂正樂師奠之秋冬敬羽籥則籥師奠之一有司專家之事耳豈必合樂哉雖有司之事亦有舞有授器然周禮大司馬司戈盾之屬祭祀授舞者器謂凡祭祀皆授之不止釋奠也凡祭祀之樂不言合樂獨於釋奠言合樂非也且月令於仲春季春之合樂皆曰天子親帥三公九卿諸侯大夫以觀之則其重在合樂不在釋奠也可知故合樂則必釋奠釋奠則不皆合樂合樂之文著於經文者唯此其他則不槩見鄭註文王世子謂合先聖先

師於鄰國其說是矣自宋諸儒荆爲合樂之說與鄭異義陳氏集傳因之其解有國故則否謂國有凶喪之故則雖釋奠不合樂夫凶喪廢樂此國常禮也不必釋奠且學記曰未卜禘不視學禘爲夏祭說者曰夏視學在禘祭之後則春秋視學亦在春秋時祭之後使其爲天子之喪喪三年不祭而謂猶視學可乎若曰此非指天子行事者有司耳則有司之奠又不當合樂如前所云也以此較之鄭義明甚諸儒論之甚詳要之漢儒之說未可輕廢矣

辨吳氏論不喪出母

吳氏徵因子思哭戚知其有兄因其有兄而鑿空爲奪宗之議曰子上雖有父在而不得爲出母服者蓋子思兄死時使其子續伯父主祖與曾祖之祭既主尊者之祭則不敢服私親也此禮昔所未有子思以義起之者又曰子思有兄則支子爾子上則繼禰之宗子也古禮有奪宗謂宗子死無後則非宗子者代之主祭也然以支子奪宗子不若以繼禰之宗進而爲繼祖繼曾祖之宗者爲順或曰不立後而但奪宗可乎曰禮惟大宗無子者不立後而但奪宗也此大

禮記集說

卷五

辨吳氏論

不然使子上主尊者之祀而不敢服其私親則不但當服出母之喪亦當降服於其父矣何者以曾祖祖視其父則子思爲支子不當主祭之父既不當主祭則子上爲世父後以繼其曾祖祖後無論父母皆私親也服安得不從而降今但以續世父主祭爲不服出母之証於義安乎傳曰天子建國諸侯奪宗謂諸侯爲一國之主雖非宗子亦得移宗於已此所謂奪宗也禮自大夫以下支子不祭或宗子有故而代攝之祭則必告於宗子宗子爲士庶子爲大夫以上牲祭於宗子之家祝稱孝子某爲介子薦其常事宗

子有罪適他國者庶子爲大夫其祭也祝亦如之而禮有降等庶子無爵而居者望墓爲壇以時祭宗子死稱名不言孝凡禮言支子代宗子祭者如是而已皆不得謂之奪若宗子無後者則必以支子之子爲之立後矣夫支子代宗子之祭其昭穆同也固不可以爲後而支子之子繼大宗者必繼其禰未有越禰而值繼其曾祖祖謂之奪宗者喪服傳曰爲人後者爲其父母報言繼禰也禮惟大宗無子爲立後非大宗則不立後不言大宗不立後而但奪宗爲此說者以禮適子不爲後故遷就其說於奪宗以駟一時之

禮記集說

卷五

辨吳氏論

辨可耳不知其下貽末世議禮小人之口實其爲刺謬豈不甚哉且子上誠爲世父後則子思不當云爲伋也妻者爲白也母子上旣不爲世父後爲伋也妻者爲白也母矣而何私親之足云乎設使子上旣不後世父又不後其私親天下有無父之人則可也不然吾懼守禮者之進退無所處也古者士惟一廟以祭其禰而祭祖於其禰之廟子上士也不祭禰不立其禰之廟矣雖有曾祖祖之祭不知其將安設此尤理之不可通者也然則爲子上者宜何居曰有孔氏之禮在矣記言之孔氏之不喪出母自子思始志變

禮也明其爲變禮從而爲之辭者皆後儒之過也

禮記集說

卷五

辨義論三

鼻亭辨

柳子厚爲薛道州作毀鼻亭記謂象以惡德而專世祀不可至明王文成爲靈博山象祠記以象爲已化於舜故其民至今廟祀之其識似勝子厚而兩公皆未及象封邑所在按靈博山在今貴州境非象所封地孟子舜封象於有庠卽今湖廣永州府之零陵縣一統志云在道永二州之間窮崖絕徼井人跡可歷愚嘗考之舜罪四凶其所誅流竄殛皆不出今中國之治幽州在密雲其地有共城崇山今禮之慈利卽岳州境比零陵尤近三危在沙州漢燉煌縣東南三

維新未定案

卷五

十里羽山在萊州卽墨古不其縣南所謂投之四裔者以其爲東西南北之界也其實皆中國版圖所隸當時舜都安邑若封象在今零陵縣地則陸路太行水絕長江延迤三千里然後得至又有洞庭不測之險俗與椎髻爲伍而驅其愛弟使披箚篳涉風濤犯瘴癘於此地此與四凶之放何異而猶以爲仁人之親愛其弟吾不信也漢文帝弟淮南王長廢徙蜀袁盎諫以爲淮南王素驕而暴摧抑之帝必受殺弟之名後淮南王果道死而帝悔不用盎言象之凶傲甚於淮南有庠之險遠不啻巴蜀使舜避放弟之名

而封之以險遠必死之地是何漢文之所終悔者而
舜行之不疑也孟子曰欲常常而見之故源源而來
越湖絕江踰河陟嶺以至京師比歲一至則往返萬
里其勞已甚數歲而數至則日奔走於道路之中且
時有登頓之憂風波之患若三年五年一朝見於天
子如周之制又不可謂之常常而見源源而來也以
此推之則零陵必非象所封地象所封地必近帝都
而今不可考矣柳與王之說雖善然祠廟之建毀均
于象無與史記注引括地志曰帝堇九疑象來至此
後人立祠名曰舜亭神此爲近之然世俗之附會古
蹟名似而實非者多矣予誠不敢穿鑿以求之也

姚明山學士擬傳辨誤

何元則云衡山先生在翰林大爲姚明山楊方城所
窘時昌言於衆我翰林不足畫院乃容畫匠處此二
人只會中狀元更無餘物而衡山名長在天地間今
世豈有道着姚涑楊維聰者哉自錢宗伯稱快此言
載之刻朝詩選而明山之後人未知也余辛酉年以
纂修之命將北上姚氏數人持東泉尚書父子傳志
見示復出明山存集刻本中有贈衡山先生南歸序
一篇又送衡山出灣馬上口占絕句十首其序大略
云自唐承隋後設科第以籠天下士而士失自重之
節者幾八百餘年然猶幸而有獨行之士時出其間
如唐世之元魯山司空表聖陸魯望宋之孫明復陳
後山諸人猶能以學行自立而足以風厲乎天下今
則惟衡山先生足爲之而先生之秉道誼立風節明
經術工文章稍有高山於數子之上者其却吏民之
賄以崇孝也麾寧藩之聘以保忠也絕綺頰之游以
勵廉也謝金張之餽以敦介也不憚於台鼎之議以
遂其剛志也不涸於猶褒之招以植其堅貞也天子
賢之擢官翰苑官僅三載年財五十餘卽慨然起南
歸之興吾每謬言畱之不得竟三疏得請以去榮出

於科日之外貴加乎爵祿之上罽羅之所不能取樊
籠之所不能收翮然高翔如鳳凰之過疏圃而飲淵
瀨下視啄腐鼠以相嚇者何不侔之甚也其言曲盡
嚮往之志極贊揚之詞而於詩末章則曰豈是先生
果忘世悲歎盡在五噫中與序中台哀猶衷有悲憤
時事不敢指稱而相與爲隱之意其知衡山也深矣
錢公不考漫筆之書近有史官自刻其藁者復著其
說於擬傳不重誣耶明山可傳不獨議禮一節其居
官屢有建白援據古今義正辭嚴惜其中年刈喪不
竟其志而何氏謂今世遂無道及者彼自不識明山
於明山固無損也復按家傳誌銘皆云楊文襄引公
同修明倫大典公恥不肯與同館皆嫉之而擬傳云
冰雖以議禮受杖後與修明倫大典不終其節余在
史館疑而請之監修徐公公命取大典檢閱同修者
絕無姚名遂命刪此一段然其藁猶傳播人間也此
是姚公一生大節所係彼既罹禍於生前復被誣於
身後史筆之陷人豈必在張佳羣小下哉余特爲表
出之以告後之君子

辨戴記二條

七出三不去

惡疾無子婦人之不幸義雖當去獨無可以善處之
法乎禮註姆婦人五十無子出而不復嫁能以婦道
教人者若今乳母矣夫能以婦道教人是謂賢婦與
賢婦同處三十年既老而出之聽其爲人乳母非義
所安余讀商陵穆子之操而悲之知古人其亦有不
得已者也淫與竊盜雖更三年之喪焉得不去況前
貧賤後富貴乎古無生而富貴者故有士冠禮無諸
侯冠禮士四十強仕始受祿有采地前此皆貧賤之
日也然未仕則有分田以自給藝成行立書於州黨
則取於上者有必得之理故其貧賤也不必戚而其
富貴也不足驚今日前貧賤後富貴是徒習見夫後
世蘇秦朱買臣之徒驟得意於困阨日久之餘所以
誇耀其妻子者而不知先王之世無是也其說皆不
足信

曾子問壻已葬壻之伯父致命曰某之子有父
母之喪不得嗣爲兄弟使某致命女氏許諾
而弗敢嫁禮也壻免喪女之父母使人請壻
弗取而後嫁之禮也女之父母死壻亦如之

父母死昏禮不行禮也待之三年而弗敢嫁乃所以求嗣爲兄弟者既三年免喪矣然且弗取焉其諸非父母之喪故耶不然可以嗣爲兄弟矣而復勿取於義無所取爾也禮女子許嫁笄而施纓所以明繫屬於人之義雖未嘗共牢合卺已有相爲夫婦之道焉雜記云女未許嫁年二十方笄燕則髻首髻首者猶以少者禮處之也許嫁之於禮若是乎其重也今許嫁而復止髻首與不髻首與不髻首則異乎其未許嫁也髻首則如之何成人而復少之也壻免喪與女免喪既遲之三年矣使復許嫁一人而壻之父母死

禮記未定稿

卷五

二

吾聞之內則曰女子十有五年而笄二十而嫁有故二十三年而嫁此有故者明是指女遭父母壻遭父母之喪而言除喪三年適二十三年矣二十三年而嫁與二十而嫁同文故知非壻弗取而改嫁也是爲得禮之正而已矣曰三年弗取而後嫁之非禮也故曰此非夫子之言是記者之過也

禮記未定稿

卷六

二

友說贈計子甫草

古者士有誦友荀卿曰庸衆驚散則劫之以師友友者所以濟師之道之所不及也中庸論達道五類言朋友不及師弟蓋君臣父子夫婦兄弟人生之于四者固有難言者矣夫師者其爲分甚尊而其爲勢則甚疎言人之所難言者甚尊之與甚疎皆有所不可者也然則孰爲其綱繆之使無失彌縫之使無間耶此朋友之事也古之取友有以勢利相膠漆者有取其緩急相酬恤者有晉生死患難不相背負者勢利之交無論已緩急相酬恤生死患難不肯負此謂意

雜類未定

卷五

友

氣之感激則有之差異於世之面姬煦而背諭訛者耳以語於道義則末也古道義之交以贈言不以財賄以性命不以然諾以過相規箴不以名相標榜衆之所賤吾貴焉不以形迹嫌也衆之所棄吾取焉不以獨行疑也要之期攀依以同至於道斯已矣夫攀依以同至於道者非吾友其誰望耶昔者仲尼沒而七十子之徒自以其聞於師者相友教會子數子夏三矢卜子投杖謝過子貢乘軒而過原憲聞貧病之譏則逡巡失色以退若論語載記家語中所雜載弟子辨難語大抵皆足以發明聖人微言大義至今學

雜類未定

卷五

友

者人知尊君親上以不至蔑禮犯分毀詩書滅仁義彝倫不至盡教清議不至盡泯者此雖聖人之教以然亦其徒相爲提攜之力也由是觀之則師之道得友而益彰信矣今世小生俗學甫離襁姆自其父兄之教則以奔逐聲勢爲交遊以背公向私爲朋黨以一僧百和無所可否爲同志合道指道學爲迂闊薄廉潔爲無用士習爲是數者世俗皆謂之曰能自君子觀之乃所謂市道交也市交之日聞古道之不作則業孰與進德孰與講業無與進則邪者比德無與講則過益積由莽於君父之間恣睢於禮法之外然且率天下而爭鶩於是則人類幾何其不盡滅矣僕藏此意久顧無足發者計子甫草善爲文與僕交最善其遠出乎流俗而不底乎道義不止也今天下無不籍籍計子名乃不以僕之拙訥顛蹶爲可鄙而特以爲今之人無志於古人者能志於古人者必其能爲古人之文者也故每一文成則必俯以示僕僕時有所指撻疵類輒喜發於頰卽力稱善無所短長則必慍曰是得毋徇我乎夫文章小技易爲也計子之於文可謂成矣然猶不敢自是如此惟恐不得聞其失是懼況事固有大於此者其肯以苟且從事乎吾

知計子之取於友者爲異乎今之所取於友者矣雖
然夫計子則何有於是焉夫惟君之自視也重故其
望於友也益切其望於友也切然則其施於人也有
弗然者乎若僕固所謂庸衆驚散而文與行之無足
採者也辱君之交冀以有成君益以其自爲之餘爲
僕謀所以勉進於道者作友說以贈

程處士篆刻說

新安程先生穆倩善識古文奇字其所篆刻人爭購
之或守之歷年不可得及其得意爲之贈人無德色
非之者曰凡物之可貴者以適時而已今爲篆刻舍
秦漢而必曰三代鐘鼎之文此固爲好奇而已於用
奚當余謂此言過也夫自有書契以來文字代變於
是有蒼頡之書有史籀之書有斯高程邈之書變而
至于今之行草書極矣如欲趨時者則今之真行草
書爲已足斯高之書且在所不取而况乎商周鐘鼎
魚鳥詰屈之文宜其無所用於世也然余考之周宣

王時史籀始著大篆十五篇後秦李斯作蒼頡篇趙
高爰歷篇胡毋敬博學篇皆取史籀篆文省改之以
爲符印幡信題署之用則秦漢所用篆書頗與周不
異而史籀之書或與古同或與古異其體製亦不一
也是則鐘鼎之書秦漢之時兼用之施於符印明矣
大畧今人耳目當畧使近古昔有人欲盡削諸大所
補史記者王元美曰漢人言所存於今幾何而忍去
之乎余當歎息此言故嘗爲之說曰古文之用協韻
詩歌行之入樂府五言近體之入選體行草書之兼
章草真書之間出八分雖無老成人尚有典型然今

世破觚爲圓日久而忽覩此書於俗學流便之中無怪乎惑之者衆也先生爲詩光怪益出似與書爭奇其爲人朴貌厚衷年旣老矣須眉皓素醉後瀾翻縱論西京天寶間遺事多人所不聞予謂天留此人於今日使後生末學猶得習其丰采而想見前世先生長者之遺其可重不獨在書也

菊隱說

草木之族唯菊種至多治之者有護芽分種接幹去壺防風避雨之法積勞終歲而兀玩于一時故藝之此他種尤難按本草菊黃者味甘世稱陶公好菊亦其味甘而荒生于籬落間者耳然予聞之種菊者曰凡菊菊不獨其花時可喜雖其萌芽藏蓂凝露受霜隨時按候而驗其消息亦莫不有天地自然之生趣由其嗜好專一則雖用力之煩且久而亦不知其疲也有隱君子陸君翼王少事舉子業中遭感憤廢輟窮研于六經無虛日夜各成疏義十餘卷其自號菊隱予視其庭中無一菊者竊疑其所稱非實抑思菊之爲性掩葩于艷陽之日挺節于嚴霜之候是屈子之所欲餐而陶公之所嘗采者也今以君之慕乎古也耽其精英擷其茂實至于窮歷年歲塵視軒冕官然若不知天地之爲大而萬物之爲衆以視乎種菊者之專一其所好而不移也則君之所自寓舍是奚取焉

錢黃兩家合葬說

無錫黃君子某聘錢氏女未婚男女皆沒兩家父姊謀而合葬焉邑人士與四方之客遊于兩家者爲詩以詠歌其事而請予爲之說余按禮男子年十九歲猶謂之上殤不得立後而祀之終其父母之世女子既嫁未三月廟見而卒則歸葬于其父之黨祔亦如之未婚而沒禮文不載蓋不必載也周禮媒氏禁遷葬者與嫁殤者遷葬以祔而求婦嫁殤以祔而求夫皆非禮之正是以禁之以其未成乎夫婦之道也唯魏武帝愛子倉舒明帝愛女淑卒皆取他姓子女之

禮記集說

卷五

七

論詩樂

大司樂以樂語教國子典道諷誦言語註背文曰諷以聲節之曰誦疏文王世子春誦謂歌樂歌樂卽詩也以配樂而歌故云歌樂亦是以聲節之詩古者謂之樂語又謂之歌樂蓋樂主人聲而文之以金石管絃八音之器其實八音之器之聲由人聲而準故樂必以詩爲本稱詩者亦必言樂詩與樂一也孔子曰吾自衛反魯然後樂正雅頌各得其所解之者曰孔子正樂必先刪詩或言孔子無刪詩之事樂正雅頌自然得所此皆分詩樂爲二物不知孔子所言樂卽指雅頌其曰正卽得所也直上下相足成文耳豈有二義哉古教學者之詩必以誦節其抑揚高下之聲而配之金石管絃八音之奏故春誦則夏必絃誦者凡皆以習樂也習樂而詩在其中矣故學詩者必於成均均者樂之調也蓋詩者不可以理義求也孔子曰誦詩三百孟子曰亦曰誦其詩誦之者抑揚高下其聲而後可以得其人之性情與其貞淫邪正憂樂之不同然後聞之者亦以其聲之抑揚高下也而入於耳而感於心其精微之極至於降鬼神致百物莫不由此而樂之盛莫逾焉當時教人誦詩必各有

禮記集說

卷五

詩一

其度數節奏而今不傳矣詩之度數節奏既失則八音之器雖設亦具文耳於是後之說詩者泛泛焉無所主而需求之文字之間其說支離畔散理義多而性情少此詩之所以益亡也好古者猶欲追黃鐘之音於六義既亡之後截嶢谷之竹索中山之添布繼室之灰法非不善也而古樂終不可復作故古之爲詩征人思婦田野之農夫皆優爲之而今非學士大夫則不能以爲蓋古人於聲音之道家習而戶曉之雖擊壤拊缶可諧律呂采風者得之又必稍節文之而播之於樂後世人不知樂言詩者第以其文字而已文字非積學之久則不能工求其工於文字者宜乎雖今之學士大夫而於詩猶有所未暇也

與子姪論讀書

讀書不須務多但嚴立課程勿使作輟則日累月積所蓄自富且可不致遺忘歐陽公言孝經論語孟子易尚書詩禮周禮春秋左傳准以中人之資日讀三百字不過四年半可畢稍鈍者減中人之半亦九年可畢今計九年可畢則日百五十字也東方朔上書自稱年十二學書三冬文史足用十五學擊劍十六學詩書誦二十二萬言十九學孫吳兵法戰陣之具鉦鼓之教亦誦二十二萬言凡臣朔固已誦四十四萬言此時朔年正二十二自十六學詩書至十八而

灌園未定章

卷五

子姪

湛園未定藁卷五

毛詩

疏漢書儒林傳云毛公趙人也爲河間獻王博士不言其名范蔚宗後漢書云趙人毛長傳詩是爲毛詩然則趙人毛公名爲長也譜云魯人大毛公爲訓詁傳於其家河間獻王得而獻之以小毛公爲博士然則大毛公爲其傳由小毛公而題毛也按此則爲傳者本大毛公也小毛公特題其名因此得官耳後漢書云齊魯韓三家皆立博士毛詩未得立而譜云以小毛公爲博士何耶正義引六藝論云河間獻王好學其博士毛公善說詩獻王號之爲毛詩此博士卽傳書者當是一人不知譜何以有大小毛公之分也玩其言博士乃王官亦不因獻書之後始得兩說未審孰是獻王獻書在武帝時先是景帝平七國後已省王官御史大夫廷尉少府宗正及博士矣則此博士必非王官不當言其博士也後漢書註引張華博物志曰鄭註毛詩曰箋不解此意或云毛公嘗爲北海相鄭是郡人故以爲敬云按譜第言毛公爲博士不言北海相不知張何所據又毛是西漢人世數遼遠豈得遙相致敬此說正義不取長後漢書作

梅疏云孫卿毛氏之師

王風

孟子曰王者之迹熄而詩亡詩亡雅亡也雅亡謂之詩亡者詩爲王者作也有雅而風則風亦不害爲王者之詩雅亡而風徒存則風雖得名爲詩其實與無詩同矣何者以其無王者之迹故也孔子正樂雅頌各得其所不及風者亦以正樂存王迹之舊十五國之風非王迹所寄故不得及也然東遷以後非無作者何以不雅而風以示弱於諸侯蓋風雅之體繁政廣狹所致非人力所能爲卽如雅之有大小體亦由事而定如謂可以使之或爲大或爲小則是詩之本於志詩非其詩也唯因其大小而爲雅又因其雅而雅之因其風而風之而不得以一毫人意與於其間故雖以聖人急於尊王之意不能使王之不降而風也故曰詩卽樂也詩者樂之心樂者詩之聲聞其聲而知其德者知之此也後世詩不本於志而有詩樂不繫於詩而有樂於是鋪張揚厲失實之詞作衰亂之功德反侈於盛世矣周之中葉無是也蓋周之東遷詩雖亡而樂猶存凡樂其正心感者樂之音必正其邪心感者樂之聲必淫卽心所不然而欲強爲

之辭當其被之箠絃播之金石必有憂憂然其不相入者無待聽之而後知其終不可掩矣此詩樂之分古今詩體製之所以大別也或曰幽厲之惡不甚於平王乎何以幽厲爲雅而平王以下卽斥之爲風先儒固言之矣幽厲雖惡權猶在上至於平王而天王守府居爲列國此其所以降而爲風也按周本紀平王在位五十一年崩桓王二十三年莊王十五年合八十九年中王風之存者僅一十篇平王時得六篇桓王時得三篇莊王時一篇耳過此并州之風亦亡矣然自平歷桓至莊詩遞少而遂至於亡者計莊王

卷五

卷五

五

之立正當魯僖公在位時是時五伯迭興名爲尊周而王室益弱號令不出於境內如久病者之綿綿氣息纔屬不復聞其呻吟也於是木瓜美齊渭陽思晉河廣懷宋襄黃鳥刺秦穆王風熄於上列國之詩盛於下矣然自五伯後而十五國之風亦不作諸侯自是始衰也文王伯乎殷其風則王者也故別之二南以始乎風五伯伯乎周其詩皆爲變風五伯沒變風又將不作春秋之亂極矣於是繫之匪風下泉思伯之詩終焉孔子曰其事則齊桓晉文非徒以思王者蓋伯者之迹熄而詩又亡春秋之將爲戰國是孔子

之所隱痛也

卷五

卷五

五

嚴父配天議

古論者謂明堂配祭東漢爲得孝明以光武適符嚴父之說章安二帝因之弗改最爲合禮唐代宗用杜鴻漸等議配考肅宗宋世仍之南渡後至以道君侑享侮天極矣初神宗詔謂文王宗祀乃在成王之世成王以文王爲祖則明堂之祀非必以考配明也司馬光謂孔子以周公輔成王致太平之業而文王其父也故引之以證聖人之德莫大於孝答曾子之問而已非謂凡有天下者皆當以父配天然後爲孝也錢公輔曰以周公言則嚴父以成王言則嚴祖也政

則周公祭則成王安在乎嚴父哉我將之詩是也是數說者皆足以破泥古者之惑然愚竊有疑焉周公之輔成王凡所告誡天下一則曰王曰再則曰王曰成王在焉而周公自以嚴父配天豈人臣所宜出哉武王末受命周公成文武之德追王太王王季上祀先公以天子之禮蓋公之以文王配天也非獨不自以爲功也并不敢以成王尸其事曰此武王之意矣孔子之謂嚴父主武王言之也唯武王之意而周公能行之故曰周公其人也我將我享祀乎明堂也皆爲武王之自我而其頌則作於成王之世此卽孔子

之所謂嚴父也當是時也故文王而爲武王之父也則可以謂之嚴父文王而爲周公之父也而周公固人臣也如之何其嚴父哉此一舉也臣子之大防備焉學者所宜盡心者然則非嚴父亦可以配天乎曰周公以始祖后稷配天而文王功大不可以無配故享后稷於郊而宗祀文王於明堂以配上帝所謂義起之也後世始祖無后稷其人則開創之君宜專配南郊而上帝可以不配上帝不配則明堂可以無立近制有郊祭而罷明堂之祀庶乎得禮之意矣

漢壽亭侯關公遺像讚并叙

公之忠義著於當時公之神靈顯於後世其祠在當陽者始於陳光大中唐貞元十八年荆南重修玉泉寺遺廟董佺記之相傳爲其寺伽藍則因緣智者大師傳而元虞集廣鑄禪師塔銘所爲述其事者也其在解州者爲宋大中祥符時建然此二廟特其生沒之地猶未及他處也自宋南渡及元而賜號稱王廟祀益盛明嘉靖間賊徐海就擒著有靈異督師命立廟常州唐順之記謂侯廟盛於北而江南諸郡立廟自此始然則當嘉靖前大江以南尚未有祀公者矣

漢國未定集

卷五

像讚一

今聞東南日本琉球諸國西北口外無不轉相崇奉極土木之麗而其像設之雕塑圖繪如世俗所傳修髯而美視者滿滿兩戒如出一手含識之倫上自王公大人至閭巷士女強殫之將哮狠之賊無不紉其尊嚴戢其凶暴而瞻禮之恐後是其震悚乎人心者豈其靈爽有以獨異乎人哉亦其生時忠義討曹則功不終吞吳則志未遂憤懣偏塞之氣旁觸橫牴發洩無所故久而後大溢于時而人不知其所以然也然余謂自古之善至公者終莫如諸葛武侯侯之言曰未如髯之超軼執羣蓋并其形神肖之矣此畫不

知於當時何如歷考記傳所載於公之威神度十已得八九因爲讚曰

操鬼也其臣魑魍孫爲叢社纒維之赫赫劉宗張炎威公斯猶狂斬委蛇人不鬼防殄其師曹孫漸滅無留遺公之精靈星日垂凡百懸鬼公所治有臣不忠子孝虧瞻此俯伏其赧而

漢國未定集

卷五

像讚二

方先生像贊

古設賢良孝秀之科行修於身旌帛是加不聞有士
厄窮而嗟其後不然變爲浮誇鎔鍊程能誰辨鍊錙
所以先生終老於家有美先生秩秩其德忠諫遺裔
慈湖正脉服勞侍養帶不弛夕日短之懼誼同令伯
峩冠袁衣經人兩師設席延明作我門楣姓御史應
辨也受業
其門遂以 念我先子實唯郁講沐道薰德淵流絕港
女歸之 曾不去口而師云云一經家傳弗忤所聞孰紹箕裘
徵吾斯文垂之琬琰公有令孫

權園未定稿

卷五

方像贊

記周孝廉兩世改葬事

孝廉以父墓非吉數謀改卜而兄弟難之未果臨沒
以誠其三子既沒猶視母夫人從城中來撫之乃瞑
卒後三年子廷韓兄弟遂遵先命請於伯叔父自鄧
尉遷墓軍障山啓封之日孝廉殯猶在堂家人歸竟
夜聞若有聲哭嗚嗚不止聽者皆爲感慟至棺出於
土則蟻蝕木幾盡然後其兄弟咸服其先兄而悔其
遷之不蚤也孝廉初祔墓山左後廷韓卒廷范與其
季楊議以軍障兆域隘復卜地泉濱河陽泉濱者地
本周氏業佃者竊粥諸富室歲輸之租而根存舊戶
孝廉知之不問也後富室訟糧於官佃者窘以情告
孝廉笑曰是無患吾并糧予之則汝訟解矣佃感激
去范兄弟至是乃厚值贖歸其地遷孝廉與其元配
倪孺人柩合葬焉孝廉之不校廷范兄弟之能曲成
先志而安其神靈於 地下也詩曰教誨爾子式穀
似之周氏有焉孝廉諱炳文季其字無錫人余在
京師廷范持總憲徐公墓表來日造余邸復謀所以
久遠其親者言及必涕交橫下其請至經年益勤余
以是愈知孝廉之賢而樂其有後若孝廉名行總憲
公援明季朱德升先生贈墓故事以爲惟孝廉足堪

權園未定稿

卷五

記周

美其鄉先輩而自愧不能爲表章德升之姚文毅者
其說旣以備矣余故不敢復贅
明崇禎間以巡按御史祁公彪佳疏贈吳中故孝廉朱某爲翰林待詔姚文毅希孟私謚之曰弄介先生

清園未定集

卷五

記

雜著

周禮戴記

按太宰所掌八法八則八柄之統此治之大綱九
九貢九式此理之常法而九兩繫邦國之民則又不
獨理財矣歲終詔王廢置三年大計誅賞合群吏之
職掌而受治也小宰掌職其二以贊冢宰宰夫合群
吏正歲會月要日成治其不時舉者以告冢宰而誅
之皆是總舉庶職合太宰小宰宰夫職分自是一項
太府分太宰理財之一事而頒其貨於受藏則內府
屬焉頒其賄於受用則外府屬焉玉府則分內府之
貨而職其小用者也合太府內府外府玉府職分亦
自一項司會亦分太宰理財之一事而專主鈎考會
稽司書職內職歲職幣屬焉職內掌邦之賦入亦如
太府之有內府職歲掌邦之賦出亦如太府之有外
府職幣掌振餘財亦如太府之有玉府蓋用財與會
財相對舉職合司會司書職內職歲職幣又是一項
太宰所謂詔王廢置所該者廣司會所謂詔王及冢
宰廢置專指理財一事論者不知以爲周禮合用人
理財而一之而因渾司會於小宰宰夫之列是亦不
知周公建官總領分核之深意矣

謂人所謂過而殺傷人者以民成之此殺傷或是八
議三省之類法所不加而孝子仁人之心則自有不
能已者故和難者使辟之則兩得之矣然而王法
不可以無伸也父子之讐辟諸海外海外者魚鱉蛟
龍之與遊魑魅魍魎之與處是傳所謂屏之四圻者
也名雖辟而實則與竄流之無異矣兄弟之讐辟之
千里之外是卽今法所謂流一千里者也從父兄弟
之讐不同國是卽今法所謂流五百里以下者也然
則殺人之罪雖赦而王法未嘗不而仁人孝子之
心所謂枕干寢塊而誓不共戴者至是亦可以少慰
矣又曰凡殺人而義者不同國令勿讐之此所謂義
者亦指民間之相殺非過非故而理所當殺如殺越
人於貨凡人罔不敬者今律竊盜章亦有登時打死
弗論之律蓋事起倉卒其勢不及告於有司斯殺之
無罪矣然爲其所殺子弟義不得已也但勿與同國
而已令勿讐之讐之則死勿與同國者其子弟之自
往辟之也非殺人者之辟之也既義不得讐之矣亦
何辟之有舊說殺人而義者爲當官執法而殺人如
此則辟之他境吾未見當官執法可以去位而辟人
者且殺人之罪常數至於有司之庭矣是終日辟人

無已時也其說之荒謬不恭甚乎

家人凡死於兵者不入兆域 註死兵謂戰敗無功
者果爾則童汪錡竟宜殤而結纓之子路將不免於
投之塋外之罰矣隋仁壽間詔致命戎旅不入兆域
虧孝子之意傷人臣之心自今戰亡之徒宜入兆域
此皆前此誤解經義之故蓋兵者刃也 起作殤死於
兵爲有罪以其辱及其先故絕之以示罰左傳襄二
十九年齊人塋莊公於北郭註兵死不入兆域是也

戴記

疏天子春夏受朝宗則無迎法受享則有之故大行
人云廟中將幣三享鄒云朝先享不言朝者朝正禮
不嫌有等也若秋冬親遇一受之於廟則亦無迎法
故郊特牲云親禮天子不下堂而見諸侯明冬遇依
秋也春朝受圭玉於朝受庭實於廟生氣文也秋親
一并朝享皆廟受之殺氣質也朝禮升朝之時王但
迎公自諸侯而下隨之而入更不別迎康熊義朝無
迎法唯享有迎按禮器稱臣王下堂見諸侯爲失禮
是單指親禮若朝宗行享禮天子於諸侯固有下堂
而見之時也

天子大蜡八註先嗇一司嗇二農三郵表嘏四猫虎

五坊六水庸七昆蟲八按八蜡之祭本以其有功而報之也昆蟲何功焉且祝辭曰昆蟲無作而反祭之與記分疏八者於下曰祭先嗇司嗇饗農及郵表嘏禽獸迎猫迎虎而未嘗及昆蟲知王肅分迎猫爲一事其說不可易矣蘇氏云迎猫則爲猫之尸迎虎則爲虎之尸亦不及昆蟲可見若昆蟲有尸當作何像耶或云周禮族師春秋祭酺亦如之註蟪蛄食穀之蟲此神能爲災害故祭以止之則祭昆蟲亦祭其神也然此說與禮註俱鄭自爲之不可信果有祭神之禮則太田之詩何必復祈田祖界炎火耶

禮記集說

卷五

國策一條

樂毅入齊祀齊桓公管仲論者稱毅爲士者之師是時田單起兵於安平扶立襄王而齊之義士多從之毅卒不能下邑卽墨以人情相安於故主耳使毅明於大義請於昭王訪桓公之後而立之人情必益感動戴燕之德而王業成矣當時齊與韓趙魏皆非其舊而秦楚且也獨燕爲周初封國不立齊以自強使田氏餘孽得乘其弊率全齊而盡役之惜哉

前漢三條

漢制武帝以前北軍屬中尉領丞候司馬千人等官

至武帝又立中壘以下八校尉南軍蓋衛尉所統掌官門衛屯兵周勃入北軍尚有南軍乃先使曹窋告衛尉毋以呂產然後使朱虛侯逐產殺之以南軍屬衛尉故也文帝卽位始置爲衛將軍以宋昌爲之令鎮撫南北軍漢書曰領北軍則中尉衛尉之軍皆受節制於衛將軍矣此特初除宮危疑之際權可心膂於代來之臣以防舍卒之變而非必爲定制也故三年之詔卽罷其軍至前三年遣丞相發車騎八萬五千詣高奴擊右賢王復發中尉材官屬衛將軍軍長安蓋衛尉禁兵不復隸矣後十四年冬匈奴寇邊殺北地都尉

禮記集說

卷五

禮記

叩道三將軍屯邊而用中尉周舍爲後將軍當以有事暫設自此年後至宣帝地節二年始以張安世爲衛將軍兩宮衛尉城門北軍兵屬焉復如宋昌之兼統南北軍矣蓋用安世親臣虞霍氏之變也安世死不復見衛將軍官其罷之明矣胡注因衛將軍重見據漢書謂漢不能衛將軍通鑑傳寫逸一軍字又於前三年發中尉之下注曰觀此益足以明罷衛將軍而衛將軍之官不能也然玩漢書所謂罷衛將軍者罷其所將之軍則并將軍亦罷之矣所以然者蓋國有大事特設此官以統南北之軍使事權歸一及事變既

定則南北各歸其軍中尉衛尉仍分治之所以防其權之大重此漢之良法也蓋後世之失也京師媿情禁軍驕橫其爭禁軍者多中官寵帥主之而大將之威令有所不言行矣此能分而不能合之病也及其功成求得大卒久握重兵於外根柢蟠固專恣自用而天子尺一草詔不足以收之此能聚而不能散之病也然後藝漢文倉卒之制容縱吞宜其所以經久而慮變者如此其精論者固不足以盡之矣

賈誼上疏憂淮陽代二國邊下不足恃願舉淮南此以益淮陽而爲梁王立後割淮陽北邊二三列城與

淮國未定稿

卷五

雜著

東郡以益梁不可者可徙代王都睢陽梁起於耕耨而北着之河淮陽包陳而南捷之江則大諸侯之有異心者破膽而不敢謀梁足以扞齊趙淮陽足以禁吳楚陛下高枕無山東之憂矣此二世之利也其後吳楚反藉梁并不得百卒以此破散世皆稱賈誼先見之功然梁王封國至四十餘城遂恣行不法反端已見賴田叔之言申不及誅七國始破而勝亦憂死矣賈生之言亦見逮而不能自見其蹊者也且生以齊趙吳楚爲疏屬而觀帝厚植其子不知一再傳而後其視梁代亦猶今之視吳楚齊趙耳故與其謀再

世之利不如爲帝建萬世之策也

賈誼傳以能誦詩書屬文稱於郡中此時訂書未出誼之所誦豈別有本耶吳公稱誼頗通諸家之書誼必嘗師受其學而吳公學事李斯斯學於荀卿故咸謂誼受左氏學於荀卿其淵源蓋如此不然誼當吳公爲守時纔年十八計其生時去漢興已十餘年矣安得及荀卿而學之若詩經疏謂孫卿毛氏之師也長武帝時人或大毛公生年先於賈耳

後漢

後漢中平六年袁紹勒兵收諸閭人無少長皆斬之

淮國未定稿

卷五

雜著

少帝立初令侍中給事黃門侍郎員各六人賜公卿以下至黃門侍郎家一人爲郎以補宦官所領諸署侍於殿上獻帝起居注曰自誅黃門後侍中侍郎出入禁門機事頗露由是王允乃奏侍中黃門不得出入不通賓客自此始也初何進與袁紹定謀告太后太后曰先帝新棄天下奈何令我楚楚與士人相對事乎其後曹操欲廢伏后以尙書令華歆副郗慮勒兵入宮收后歆牽后於壁中執之出使此時各中官守禦官禁此輩雖跋扈安能排闥入之執殺母后如取寵下婢耶故弊去其太甚而已盡除宦官改用士

人古無是理也又按李固對策宜罷退宦官去其權重裁置常侍二人方直有德者省事左右小黃門五人才智閑雅者給事殿中以天子之左右而僅留宦官七人爲之使令斯已難矣固又言兼採微賤宜子之人進御至尊若有皇子母自乳養無委保妾醫巫以致飛燕之禍欲天子妃嬪自乳其子此富民之家所不能者也矯枉過甚豈可行乎

褚淵

褚紹議淵名德不昌遂有期頤之壽淵死於齊太祖建元四年時年僅四十八紹所云尙在元年淵爲司徒時計其年纔得四十五歲耳不忠不孝之人人情其壽雖在壯盛不啻期頤况於老而不死如張禹孔光之徒久點史冊寧復可耐耶余按褚彥回雖輸誠齊主然發其端者王儉也儉淵皆連姻宋室門地相若而披猖之罪獨歸一人雖其弟其子亦有異論唯何點云淵既世族儉亦國華不頓舅氏追惜國家至於儉傳則史有溢美無抑辭焉豈以淵曾受明帝顧命乎沈攸之兵起淵謂蕭道成曰西夏艱難事必無成公當先備其內耳其言蓋指石頭故劉祥有不殺袁劉安免貧士之論凡淵之獨受惡名者以袁劉

之死尤爲衆所憤也

張文寶

後唐張文寶知貢舉進士有覆落者下學士院作詩賦貢舉格學士李憐曰子少舉進士登科蓋偶然耳後生可畏來者未可量假令子復就試禮部未必不落第安能與英俊爲準格聞者多其知體金明昌中禮部尚書張行簡轉對言擬作程文本欲爲考試之式今會試考試官御試讀卷官皆居顯職擢第後離筆硯久不復常習今臨試擬作之文稍有不工徒起謗議詔罷之此二段議論皆得體蘇子瞻曰麻衣如再着墨水真可飲前輩虛心如此亦是實理今制試錄不用程文是也而淺學小生紛紛擬作必爲二君含笑於地下矣

張國未定集

卷五

雜著九

京口義渡贍產碑文

自岷山導江而下出峽汗漫數千里至金焦一束水
旋行逆折然後朝宗於海此曹子桓所爲臨江賦詩
徘徊而不敢進者也然余考之史記秦始皇登會稽
還從江乘渡註其地在句容縣北六十里不知何時
復徙瓜步梁庾信集有奉命使北始渡瓜步江詩至
唐開元二十二年刺史齊澣以瓜步回遠六十
十里始從京口埭下直趨渡江路徑而免漂溺之患
故自唐至今瓜步渡者皆徙而之京口然往時京口
與揚子橋對岸瓜洲特江中一洲耳後瓜洲以北淤
漲與揚子橋連南直對潤州江身益狹江身狹則水
流益汎急舟緣金山之麓而行春秋之間上流泛漲
山水相搏觸漩而爲渦激而成湍雖恬風霽景猶懼
變生不測少遇風波失利一匏千金故京口之渡爲
天下最險余六月渡江登金山見山足艤舟五六舟
人操楫而坐若有待者寺僧深爽進曰此爲濟渡之
舟自巡撫某公設此後凡有事於茲土者及往來行
旅各捐俸及貲益造舟買田置市租以贍水手之稍
食及其賞格之費焉然久滋易弛也某懼斯人之邪
脫於險而大墮前功願得一言以示來者余惟易既

卷五

卷五

卷五

濟稱君子思患而預防其說在六四爻曰繻有衣袽
終日戒夫涉川者不能戒之於未濟之前特恃其一
舟之無隙以與彼狂飈駭浪爭命於呼吸之頃固且
不可況於待其既濡然後操舟而拯之此與夫救火
者之焦頭爛額何以異然而聖人之慮患也偏視夫
事之可需者則需之有需之不能不得已而濟者則
終日戒之至不得已而濟而終日之戒之猶不足以
勝夫所濟者之險既已瀕於死亡矣乃忽然而得生
彼仁人者之於此視夫人之脫之死而易之生其心
樂不樂也自數舟者之設常歲活人以四五十計不
十年而得活者四五百人矣由十年以前觀之彼四
五百人者皆江上之遊魂水府之鬼錄也然則使自
今十年之後之人有一不得濟以淪胥以亡者於吾
心不且有戚戚乎哉若夫推前入之心以繼於無窮
此則思患豫防之道宜如是也深爽學佛者也爲佛
之學者使人求福於冥冥其說多幻妄不可信深爽
獨能推廣有司德意使人之得免於險枕且曰吾佛
之道固然其爲世利益多矣余樂其有是請也而書

卷五

卷五

卷五

謝工部傳

公既沒之明年其季子景昌走太倉求吳祭酒爲其懸綽之辭而屬傳於余既歸而請之者再余辱公愛至厚徵景昌之請其能已於言乎公諱泰宗字時望別號天愚山人明崇禎丁丑進士爲漳浦黃公道周所得士先是庚午黃公主試浙闈得公卷而奇之以同考摘缺被放後七年應禮部試復出其門黃公耿介名臣公以文章兩被知遇益砥節自厲謁選得番禺令番禺蒞省治俗澆務殷公下車振刷威德並行盤古十八峒者百餘年逋寇也制府數奉詔征之不克其魁蘇鳳宇遂自稱王犯境及公蒞任制府卽檄爲南路監師合軍督勦而公時出奇計遂擒得鳳宇以歸賊既平叅將某者儒而倖功欲戮降數百人會公將白事制府某前以金盤玉帶爲壽戒入卽勿言公峻却之而極論其枉降者得釋叅將以降級去於是制府論功遂上公軍功第一始公少時受學於其季父廉使公廉使公名渭爲人雄毅有智謀每讀書暇卽與公講論孫吳兵法後蒞蜀受命討奢酋漢人賊營數百里嘗露宿洞中背瘖痺覺寒甚衣裝盡濡夜半移軍去取火視所臥處則冰上也卒以是成功

卷五

謝工部傳

謝工部傳

而公之監師亦露處谿洞者數旬或見繞山火光起部曲盡驚公不爲動曰此必賊焚巢自遁耳覘之果然蓋其所用兵方畧得之方伯公者爲多以功擢工部都水司主事旋中蜚語謫福州幕署泉州司理時天下所在騷動山海之間鉦鼓沸然公帥吏卒乘障巡徼無虛日故相黃公景昉行道遇之從輿上舉手嘆息曰安得如吾謝侯者數輩則東南安枕矣踰年陞南安府推官值亂解組歸順治三年王師下東浙督府張存仁疏薦浙才六人於朝皆以疾辭公卽六人之一也公卽屏田中益深自晦匿日著書賦詩自遣其天性孝友予少時館其家見其兄弟間日召客飲飲卽連晝夜不輟或夜久聽鐘鳴客皆散去公復呼家人起邀客還坐酣飲久之視庭中日復奄奄欲落矣亦未嘗數數課其子弟顧其家無長幼無不謹勅力學者然自予別去十年間公兄弟羣從大半沒其賓客酒徒亦多死亡者顧獨與其母弟時素把盞相對日黯黯不樂予去年過之公以久別予置酒歡甚未幾予意闌欲起公挽留之不可則對案默然徙倚而後罷雖予至今猶恨之公在閩時嘗携得黃公所著書兩篋後因亂失之時時對客嘆息大抵公

卷五

謝工部傳

謝工部傳

之才不盡見於用其已試者略與方伯公相上下而其至老好學不倦與其立身梗概庶幾無愧於漳浦之門人者子四人景昌諤昌從子遊初公歿時無疾方對客飲須臾欠伸索茗盡數杯卽逝景昌爲子言之如此

新城王方伯傳

公諱象晉字子進山東新城人祖重光布政使司左叅議父之垣戶部侍郎贈尚書公戶部公季子也中萬曆甲辰科進士授中書科舍人癸丑考選同鄉爲京朝官者皆欲以臺省處之適伯兄官保公公乾方以薊遼總督召爲本兵而故事父兄官內閣及六卿者子弟無得居言路其見居職者或改翰林官故官保欲暫歸爲公地卽來而翰林可得也公力爭不可以私恩宿君命遂平調禮部儀制司主事人皆服公之正而賢官保公之友愛以爲兩得之移疾里居久之中忌者以京察調外補江西按察司知事未赴再遷禮部精膳司員外郎聞路太夫人病請急歸路公繼母也時三原戶部來公復名善醫來方筦臨清倉遂躬冒冰雪馳四百里邀之來視比至病已亟乃禱於嶽祠乞以身代母命太夫人聞之爲之感動獻欵至沒服闋補本部儀制司陞按察司副使備兵淮揚乙巳通州奸民亂猝起聚衆數千燒劫豪家勢汹汹及官府公自泰州馳赴之擒戮其首禍者數人事遂定俄以叅政督蘇常鎮糧儲道平漕卒之亂於俄頃民不知變其持重能處大事皆如此陞河南按察司

使蘭陵王母劉誣許州諸生五十人。之撫下其詞以名捕公爭之百端得止於時宗室驕縱恣於郡縣賴公勢稍戢爲按察使經年所部稱平遷浙江右布政司使冬左使姚某入覲公攝其事時崇禎十有一年也是時寇訐歲饑上計吏視賦入爲殿最唯謹姚至京以征解缺額下獄公急勅主藏吏籍所貯悉輸之吏辭以考成不便公曰若所言吾豈不知顧姚事急吾視事日淺卽不及降秩耳姚禍且不測與人同僚瀕危而忍秦越視之乎於是擇吏趣解到部謀如額姚遂得釋還而率其子弟頓首謝門下曰微公

淮園未定稿

卷五

王傳二

吾不復至此吾餘生皆公賜也起相持手泣數行下公爲人寬中及見義勇決不擇利害爲趨避然終不爲崖異嶄絕之行其以京察降外也時羣小朋比攘臂力翻辛亥之案因坐公以浮躁公在家聞之怡然曰此輩自圖報復耳非朝廷意於吾何損或謂公方爲部曹非時所輕重故其言云然然予按辛亥京察其首爭金明時之調外者刑郎秦聚奎也於是朝士意皆有所左右門戶角立蠡起東林中如丁元薦李朴者皆以郎官出死力爭之爲黨人切齒數年間秦許紛然如所謂秦派淮脉崑宣之黨擁戴爭雄諸不

根之說見之章奏者猥讀煩瑣無復人臣之禮自丁巳察後衆正氣落不十餘年間而黨釁成矣其延及於崇禎之末南渡之餘尚忍言哉小人之貽禍此昔人所謂吾黨當分受其過者若公處通塞之際蕭然若無事使搏擊之爪距無所復施舍射之竊發不得以中豈獨旣明且哲以保其身亦謀人國家者之所當取法也公未衰致仕有子四人諸孫今侍讀君士璜謂某言其季父死節事甚烈則公子御史與亂也御史忤執政歸里聞甲申三月變搃掣曰吾父老矣幸不爲世所求吾不可以無死乃與其妻于孺人子

淮園未定稿

卷五

王傳三

士和同登樓縊死於是公益絕人事自號明農隱士閨門謝賓客不爲通雖郡邑長吏屏車騎到門匿不與見制先令爲自祭文飾巾待盡而已生平喜淡泊室無媵侍盛暑整衣冠危坐讀書不輟常舉唐柳玭言誠子孫無矜門第務力學爲善故其家累世貴顯至於今尤盛卒時年九十三

董公傳

六經之書皆所以垂教而易詩之傳最廣詩之變而爲騷爲賦爲歌行近體多羈孤失志貧賤之所爲作故雖避世之士長往而不返者尤好之至如易遭秦焚書之後僅以卜筮得存自後陰陽占驗之說益繁莫不假經設說依托象類其說至詭譎不經而司馬季主嚴君平之徒多傳用其術涸跡隱見之間故夫易與詩二者之教此山林隱逸之士離世而自全者所樂取以自託者也而易之及人也遠故君子尤重之予邑往有廉使陳公願正善易學旁及風角遁甲

卷五

卷五

卷五

之術無不精詣嘗夜泊淮河見寶光起水上心知其有異筮之曰是宜得寶鼎卽今善泅者蹤跡得其處久之以一鼎出欸識蒼黥公識曰商周間物也遂攜之歸其他雖家人米鹽瑣屑一訊如響同邑夔州守楊公汝昇得其術值奢酋煽亂賊發卽知之掩捕無不得者時相傳以爲神至今其遺書猶有藏者董公者隱士漢孝子黥後黥至孝舍旁忽湧溪水甘取以奉母至唐開元改邑爲慈谿以孝子故也董公少而受易於其婦翁吳公遂屏棄舉子業不事卜易市中意專在於導人爲善凡與人言利害必以其事推之

教人趨吉而避凶一依於正道後事應亦輒如其言以此遠近至積金錢滿座間隨手以散貧者所留餘取甘脆以奉母公弱冠喪父後母龔性惰怠凡事必長跪請命間有所拂意不能卽解者走請諸親故以解之嘗病癰危甚號天願代爲之再吮而旋愈母大感動於是邑人皆以孝稱之先是董氏有遠祖會稽縣尉墓久沒荆棘中公按家譜得之表石墓左尉後見夢於龔曰汝子純孝施及於吾吾當有以報當是時陳楊兩公家稍中落矣或曰陰陽之家天道所忌然公至子乃逾盛公四子兩中進士長允升直隸

卷五

卷五

卷五

淮安府知府次允茂福建叅議公前後受四封綸章稠疊皆言其孝感然性真朴不好爲富貴容初隨養長公莆田後一至淮決月返曰無久瀾汝長公爲治圖所居側不時至其處率手一編坐吟小室中足未嘗一涉公府幅巾杖屐逍遙城市遇少年子弟與之談笑立踰時乃去故人無知不知鮮不樂敬而親之其誠子居官以廉潔忠厚爲本後兩公兄弟所至留去後思人亦以是多公卒時年七十有五自公父子歿後數年天下始大亂長公子嘉儼於庠當需次吏部輒棄不就獨絃哀歌於荒山大谿之間人莫測其

所以也顧其詩往往流傳人間故董公沒而其後又以詩著公諱時彥字叔元

李節母邱太孺人傳

婦人有從夫之義其不幸當死喪之威截髮勢面之死靡他此其節烈見稱者也其教子若雋母之見決獄多所平反則喜嚴母之以天道惡殺爲誠此則明智最優者也二者俱足以砥淬末俗流光彤史今李母邱太孺人備是二者之德嗚呼是安得而不紀也孺人戶部主事某女孫大行某女而今庶子掌坊事鎧之母也歸先贈公文學靜孺公公與其伯仲俱以文章有名於時世所謂淮陰三李者也孺人以孝事姑以和接娣姒而以勤儉治其家故自孺人之歸贈

莊園未定案

卷五

傳一

公家務日飭而兄弟師友歡甚交游亦日益進年三十遭變蹕踊長號數日水漿不入口姑丁夫人勉慰之以養姑撫孤大義得無死次年會贈公伯仲相繼歿遺孤俱幼三發婦支持破屋奉一老姑甘旨服物得無缺而丁太夫人拊孺人特憐之曰此吾李氏孝子也及姑病侍湯藥喪葬如禮兩娣姒卒字其孤如已出焉順治辛酉庶子成進士得蜀綬陽令母子不忍離萬里迎養於官至則命庶子廉得縣蠹弊數事乃焚香於庭令次第革除之誠以母擅鞭笞輕民命母以絲毫取於民吾與若惟飲綬陽一杯水耳庶子

入而察母之命出而與吏民相見有所施設必曰非吾能爲此吾母之教也卽有所寬貸曰吾母不忍於汝也如是者三年民旣順令之爲教化淪浹亦翕然歸譽於母曰非是母不能生是子已聞孺人疾劇父老爭釵錢集社神祠願減算十日延母壽琳宮梵宇建齋醮無虛日死巷哭聲沸天白衣冠持喪者三月喪歸所過執紼號送男女奠酒漿跪拜匍匐不絕於道傳之所謂豈弟君子者庶子當之要之孺人之所以致此者不虛也攷古史家列女傳當居何等或謂婦人考終善事不足書則書其尤異者自古甘棠之

灌園志定集

卷五

三

思有及其母者乎卽過而見思有若綏陽之民之於今之母者乎此而不書吾懼無以勸天下之爲婦貞爲母賢及爲吏廉者也遂節其大概錄之孺人卒時年六十五生二子長樾次卽鎧論曰余從庶子於史館見其積學多聞而恂恂樂易長者每驅就之不厭今年余將南還過其邸出母行述請傳其事適左右以綏陽邑子書來啓視之猶稱母之賢而惜其沒累百餘言計去母沒時已十餘年矣庶子方以文學當上知益異時不獨以其吏迹見稱者也

先叅議贈太僕公傳略

高祖諱國華字邦實別號甬洲年二十四中嘉靖丙午鄉試丙辰舉禮部以憂歸已未殿試賜進士出身授工部營膳司主事時三殿經始公賦功庀具省度支以萬計遷本部郎中分司治張秋決河陞河南按察使司僉事轉陝西布政使司右叅議時饑寇充斥梗商洛間劫略吏民爲害所在逐捕不能得公從容指受方略渠帥授首陝東西四千餘里威懷並著無何中忌者謫判常州稍轉南刑部郎中歷廣東按察使司僉事公仁心惻隱前後治請獄必誼多所平反

灌園志定集

卷五

三

尤潔已自持粵有土司爲怨家中傷械繫獄公鞠得其寃出之其人感泣謝去數日橐千金來公峻却之曰吾豈以貧故喪吾生乎哉公性雖樂易然見義奮發不能與時俗圓轉附和以是再得斥遂終身去官不仕去而苗民思之爲立卻金亭亭至今尚在公宦遊二十餘年持節河南北關輔粵東皆仕宦膏腴地然歸家環堵蕭然舊田四十畝分毫無所增宗家故舊乘間言何故累却餽遺不爲子孫計是時太常公初成進士公笑曰此吾所以爲子孫也使吾用閭昧得金今月中詎得復見此耶入常公改戶科之二月

爲萬曆十三年首抗疏爭鄭貴妃冊封且請早定國
本疏入未下中外傳上震怒禍將不測語聞至里中
家人皆憂泣公謂其同年友御史顏公鯨曰吾垂老
不復意見能作此等事雖受竄極不恨矣顏公故忠
直名臣時被譏家居舉酒慷慨起屬公曰公有子能
承諫闕下公不以戚諸懷反用此慶幸方今父子以
名節著聲如公幾家此吾所以爲公賀也遂飲極歡
而罷後太常公量移餘干令迎養三年卒得年七十
太常公親爲志藏於墓公仕世宗朝時朝廷綜核名
實縉紳之士敦尚風節顧惜清議公律已清苦尤甚
他國未定業
卷五
爲里中士大夫倡時有某某罷官歸里被不飭稱諸
公每公事期會縣廷中覘知某某先在便疾驅返或
某某後至知廷中有人亦望風避去至今長老猶能
傳之公加惠鄉里尤渥旣沒民感公父子兩世恩德
請于官建祠城北環湖水爲尊德祠歲時父老子弟
致祭不絕泰昌元年太常公被召起以覃恩贈太僕
寺少卿長子諱應麟卽太常公別有傳次諱應鳳郡
文學博學工文善草隸書名于世立孫宸英奉祖戶
部公命謹著傳略如左

先太常公傳略

先祖戶部公嘗命宸英曰汝曾大父並仕先朝功在
國本沒之日山陰念臺劉公嘗誌其隧道之石矣子
欲載詳之家乘俾我世子孫無忘先烈是汝之責也
宸英受命惶悚久之不敢屬筆今先祖捐館八年自
後宸英載經創痛神思恍惚及今不自勉厲闕先德
不若格尊命不就罪戾滋甚悔將何及謹按行狀志
銘考之遺集并所聞於祖父者撮拾書之以俟世之
君子有所採取而潤色焉

先曾祖諱應麟字泰符別號松槩爲嘉靖己進士
累官陝西叅議贈太僕卿諱國華號甬洲公長子公

中萬曆癸酉鄉試癸未進士選翰林院庶吉士改戶
科給事中是時萬曆十三年九月也至明年二月有
旨加封鄭貴妃爲皇貴妃先是壬午年皇子生爲恭
妃王氏所出時鄭氏寵冠後宮已三年矣初姪卯哀
王上與之戲逐而傷之生三月不育鄭恚甚上憐之
與私誓卽更舉子則立汝子爲東宮至皇第三子生
賽子特厚其父揚言於外謂神器且有所屬未幾加
封之命下中外危疑益甚而禮部已具冊封儀注將
上矣公憂之闔扉飲泣草疏家人守之不得就一日

晨起入垣中鎖吏繕寫成卽上疏曰臣惟正名定分
國家所以安別嫌明微君道所以著事有出於無心
而繫四方之觀瞻發於一時而關萬世之綱常此明
主所亟欲聞臣下所爲耿耿而不容已於言者近見
大學士申時行請冊立東宮奉旨元子弱少俟二三
年舉行復覲聖諭封貴妃鄭氏爲皇貴妃竊謂禮貴
別嫌事當慎始貴妃以孕育蒙恩豈曰不宜但名號
太崇其於中宮不以偏乎且貴妃所生固皇上第三
子也猶然亞位六宮則恭妃誕育元嗣翻令居下揆
之倫理則不順質之人心則不安傳之天下萬世則

卷五

卷五

太常三

不典非所以重儲貳定衆志也伏乞俯從末議收回
成命以協輿情臣愚不勝大願且臣之所議者末也
未及其本也臣愚以爲皇上誠欲正名定分別嫌明
微莫若俯從閣臣之請發德音下明詔冊立元嗣爲
東宮以定天下之本則臣民之望慰宗社之慶長矣
疏入上震怒抵之地乃徧宣二十四監掌印至諭所
以冊封貴妃非爲東宮起見而科臣指斥過甚不堪
之意以手拍御案幾裂中官環跪叩首上卽欲批旨
意在予杖而手顫不能御筆如是者三怒稍解奉旨
冊封非爲別故因其敬奉勤勞特加殊勳立儲自有

長幼姜某沽名賣直窺探上意着降極邊雜職云云
得廣昌縣典史去初公疏上次日卽下中官傳某親
自領旨甚急左右皆怵公懼 不測盡先服藥往公
固不肯聞命卽日策蹇出都門國本之議自公首發
受嚴譴凡在京九卿科道及兩都臺省中救者疏凡
十數上不省而主事孫如法科臣沈璟至被杖幾死
自後言者蠶起至於三案互發黨議相軋垂六十年
然自立儲自有長幼之旨出言者皆得藉口以取必
於主上朝廷雖厭之而終不能奪也故事言官降雜
職者多投牒去鮮之官者公曰孰非君命耶吾焉避

卷五

卷五

太常三

之居廣昌四年量移餘于令丁外艱服闋至京時大
舍相求去公上書責其不宜乘機委卸詞甚切直別
載文集首相同郡沈公一貫公館師也嘗爲人言
皆吾君子也語傳播遠近公值之朝昌言曰國本未
定諫官相繼得罪公何以謝人言沈公曰事至此卽
十張子房亦無益公曰如某所見正不須一張子房
祖宗養士二百餘年豈無忠臣義士願以一死報朝
廷者公但主持於上諫臣以死爭之於下殺一人復
一人進殺至數人不止皇上亦且寒心此時公出而
諫以一言回之可不勞而定今大事之去留在相公

公奈何遽出此言失天下望時聞者皆爲頸縮沈公
愈怒退復草疏尤激切其略曰臣既以身許國而陛
下復以信許臣臣之初心未竟者十有六年陛下之
大信未成者亦十有六年事在悠悠猶堪有待危機
已著更待何時故臣不先不後欲以此日責大信於
陛下以畢臣之初心且惓惓以釋危補過望陛下非
得已也爲國家安危慮爲萬世綱常慮至急也初臣
爲諫官因冊封皇貴妃有慎封典重儲貳之請陛下
降旨云立儲自有長幼以臣疑君賣直而斥是臣之
罪在不能仰體聖心謫有餘辜也繼而禮官沈鯉有

聖訓未定稿

卷四

太常四

免斥言官之請陛下降旨云因其寘朕有過之地故
薄罰示懲是臣之罪在不能仰成聖德謫有餘辜也
信斯言也陛下唯恐見疑於羣臣以得罪於天下後
世將朝更夕改之不暇不意陛下之過舉猶故中外
之人心轉疑初謂二三年舉行今且五之矣初謂睿
質清弱今則強壯矣初謂先冊立後冠婚今則反欲
倒行矣夫冠婚可委曰清弱冊立何嫌於強壯愆期
不舉當機復斯假手於人借言於人將有以窺陛
下之微矣又奚怪乎盈庭之噴噴耶彼偃仰風議之
人方且怵威投鼠甘心煬竈坐視陛下孤立於上徐

聖訓未定稿

卷五

太常五

視陰陽之定而坐收其利卽有曲意調停者亦不過
就中轉移望風瑟縮殊未聞有招不來麾不去如古
大臣之風者且此非特不忠於陛下而已究豈有工
於爲官掖藩邸計而善成陛下之愛者哉夫有却座
之諍始免永巷之蓄人競之鑑燕啄之禍非不炯炯
也陛下奈何溺衽席嗜美疾甘爲子孫買無涯之禍
而不顧耶夫弓不抑則不揚矢不激則不遠士不臨
禍亂則忠憤不決烈以祖龍之酷尚奪氣於茅焦之
解衣危論以贏秦之暴士尚有建節積屍闕下而不
悔陛下欲以威劫正人而成其私竊恐威未及殫而
大亂已成可不戒哉嘗讀史至晉獻公事重有感焉
夫獻公亦中才之主其天性好惡非與人殊必且以
並后妃嫡爲無傷者而孰知用意一偏禍延再世社
稷幾墟故人主之託身不可不慎託身賢士大夫不
引而致之明盛不止託身於宦官宮妾不引而致之
於亂亡不止陛下神聖英斷御一皇貴妃何足爲患
然亂自女戎三代已然其寵已極其度必移今道路
之言日有聞矣咸謂冊立不決由皇貴妃牽制所致
甚者以爲窺伺璇宮懷逝梁之非望又甚者以爲齟
齬震器微壓紐之適然揆之理勢或非事實迹其隱

微夫豈無因萬一外戚中消有以邪謀綴皇貴妃者
恐皇貴妃不得自由也萬一諸臣嬖子有以家事悞
陛下者恐陛下亦不得自察也臣又思之陛下動以
祖宗爲法而尤憲章世廟爲兢兢夫大本之建刻聖
皆豫唯世廟差晚耳則陛下所法宜何適從哉若必
欲取法世廟竊謂世廟雖不建儲猶不憚令景王之
國以絕羣疑而杜覬覦此又不定之定不立之立也
獨不可法歟夫事關官闈則夫綱宜正事關長幼則
父綱宜正事關臣庶則君綱宜正嬖倖可從兩宮何
爲不可從冠婚可行冊立何爲不可行軟熟不激忠
言何爲而獨激此陛下所不能自解於天下者也欲
天下之無疑已難矣哉臣前爲言官而言以職諫也
今不爲言官矣不當言矣然臣之官可奪而臣之志
不可奪臣待罪五載不忍遽去臣非有所戀也受陛
下之恩深義不忍去而坐視國事之日非陛下倘有
感臣言即發德音冊立冠婚一時並舉臣雖死猶榮
若罪臣出位加臣沽名則臣已席藁拮据待矣斷不
願與中立觀望全軀保妻子之臣同視息於天壤也
疏上留中公欲再疏爭之沈公鯉不可挽公手以付
公座主教公文楨曰君家好門生宜善成之教公曰

子不欲立東宮耶即欲立東宮不宜過激乃止執政
既銜公喉主爵無得隨例補除每用啓事特奏之而
上之始譴公也有不許朦朧陞用之旨特疏公名於
屏風執政規知之故啓事上上見輒嘿然凡待命七
年不報辛丑十月有詔立皇長子爲皇太子公喜遂
歸杜門垂二十年人皆惜公之不用以去且老公則
謂吾身雖廢棄而其言幸已行行而宗社之計定天
下以安是上之知我深逾於寵祿我也故雖貧無僮
石儲而未嘗有愁苦不自聊之歎光宗立起太僕寺
少卿御史逆案潘汝楨者舊爲邑令多所乾沒公諷
之亟至成嫌隙伺公抵京則陰令吏科薛鳳翔劾公
老病失儀宜致仕鳳翔亦逆黨也公曰吾此行欲一
見新君哭舊君耳豈能與若輩爭進退哉朝廷方下
部以國本建言舊臣命從優議覆而公遽引疾去矣
公釋褐庶常收給諫服官任事僅四閱月而謫謫三
十餘年至京坐席未煖旋報罷蓋是時逆焰潛萌相
與諸張爲患者蟠結於中外如潘薛之輩其醜正嫉
賢而欲亟擄而去之者宜也然公忠義偏塞所得自
見者國本一疏耳猶遲久而後定中扼於柄臣後尼
於羣小至不得使其身一日安於朝謫言頌善鬱而

不抒就其中同志如福清吉水諸公皆坐視顛蹶歎息而已不能一引手救何論其他天啓之敗政至於綱目塞路讒夫高張於公之一去其機矣此豈獨公一人之不幸哉識者謂公不去必與於清流之禍小人之忌公適所以爲公而安全之也然豈公之本志哉公尉廣昌日羣士而謀之學官延名儒秦先生爲之師士苦府試回遠則言於臺竟以名達學使者著爲例邑有白狼爲害傷人積千餘公檄於邑城隍神捕之立得遂獻焉三淫祠歲殺人男女以祭否則巫言且爲禍公下令焚其祠而民無譁者令餘千九

卷五

卷五

卷五

多異政有孝廉訴妹殺於其夫者夫監生陸某再殺其婦而及於孝廉之妹公受訴立至殯所將啓棺驗焉陸拊棺哭之哀公亦心動至夜夢婦被髮來目盡出手指兩乳迸裂血流殷體且以狀告其夫曰不爾吾甘受罪及啓視則席業以生納於棺宛如夢中所見者夫詞服而前所殺之兩婦其寃并得雪宋丞相趙忠定公汝愚墓道爲守塚方氏所侵方宗彊其子孫茹恨不敢言公聞親勘還之爲文以祭忠定未幾雷梓其人擊而斃之於墓下如倒植然樹碑禁民佞佛溺女所活民女子無萬計公不以謫官自處盡心

政事廉潔明斷而本之以仁愛故凡所爲兩邑興革利弊不可殫述而民皆得蒙其利歌思之至今此其尤稱道人口者公家居三十年坐卧一小樓於書無所不讀著五經緒言史論手緝二十一史平衡錄醫學地理書各數種尤精於易有周易容光易會諸書皆晚年心得行楷法頗歐所讀書皆手書之累數于卷天性剛直遇意不可若雷抨矢激人無得撓者事過恬然不貯於胸待子孫威嚴若朝禮動必以法於鄉黨宗族以恩通籍四十餘年守先世遺產數十畝分毫無所增益租入不充而常欲節衣食以給貧者

卷五

卷五

卷五

位不過四品閭門養重而人常翹然如利澤之及已萬曆季年稅使四出令韓盡括邑中契券所搜索盈萬金猶不已將開告訐之風名爲覈實意主於破碎富戶人情驚怖思變父老頂香至門求解於公公謁令使強出其契事得止邑人感之爲立尊德祠於北湖嚮尸祝之而今遂切齒於公令故潘汝楨同里戚黨故汝楨之排公也益力然公自再詣京師目擊時事遂無意於用世嘗寓書族人曰吏部以掣籤官人兵部以封婚媚倭大臣皆持祿養交日久如雷霆轟然在頭腦上者息無敢出一言爲天下者中原陸沉

恐不難致吾此身不可以再嘗試矣懼人怪吾狂言
誠勿出其書自當時觀之宜士大夫之弗以爲狂者
百無一二也孰知其應在數十年之後若親見其事
而言之者然不幸公竟以守困老矣嗚呼使公之得
行其志其設施亦未可量也公三子長諱思簡戶部
司務次思素思復皆諸生崇禎十三年戶部公請卹
闕下從子御史思睿亦上言之有旨賜祭葬贈太常
寺卿蓋異數云

莊園未定稿

卷五

大儒

帝城積雪賦

凜凜嚴冬星迴大窮泉凝碧澗沍結丹楓乘坎布德
潤物施功亦集維霞有來自空時則陽烏欽彩曜娥
隱暉屯陰壘嶺連氛重開始悠悠而颺颺旋屑屑而
霏霏資清於太虛之表儲潔於重陰之涯聽之無聲
望之有儀覽之無迹挹之有輝包括宇宙布濩王畿
爾其爲態也屢遷其爲質也多妍若夫纖條絕響萬
籟澄寂徹宇無塵連天一色漣漣徐逝絲絲交積若
將散而復整乍欲分而還結方舞蝶今更輕疑飛絮
今尤密南陽之吟辭鮮西崑之玉枝慙潔至夫朔
風鼓厲轉騰增勢合杳影撇雜糅膠戾狀似三軍之
行士馬倏擾而騰裝又似繒繳之纏羽毛毳紛而蔽
地動銀鋪與玉甍拂文槐及彤砌啓建陽而猶寒墜
北戶而增悻爾乃竊通谷捎林莽棲鳥靜號獸聚九
市迷場三條惑路填坎圻於危途息塵埃於窘步綺
寮都護之堂青槐丞相之府吹簫帝子之樓挾彈王
孫之塢莫不緣檐入隙掩映階廡炙笙簧兮會嘉賓
羽觴陳今日欲暮西山峨峨列樹駢羅呈綺分獻結
素同柯嚴封而翠屏時掩瀑凍而匹練長拖恍惚兮
失修眉之遠黛艷朗兮生極目之微波俯瞰上林遙

直長樂萬戶千門飄飄爭薄雲崔嵬蹙而却依蟠螭
承楣而瑟縮金仙炫晃於層檻玉女掩嫿於重栢
簸寒威河冰去來盧龍舊壘駿馬荒臺望紫塞兮何
處鬱黃金兮未開蕭條兮處士之扉子兮先生之
屨漏正長兮天漫漫途已窮兮徒延佇於是天子
御重茵之座襲翠鳳之裘詔公卿及庶尹諮萬方與
九州延隱逸燭巖幽皇仁浹沛澤流從獵者挾纊負
薪者忘憂炊家家而相接獲年年而有秋姑射之仙
人自下洛邑之河伯同遊命太史而紀瑞屬從臣而
賦詩瑞是同雲之慶詩仍白雪之辭辭曰筵桂椒兮

華圖未定

卷五

帝號

白玉盤歌惜惜兮清夜闌恭承嘉祉今不敢忘念吾
人兮衣裳單歌既闌羣臣出開端門事朝日

玉河春柳賦

望京邑之翼翼縱緩步於郊坰和風宛其入懷林鳥
嚶其相鳴爾迺春日遲遲春路逶迤流泉曲折列樹
參差則有上苑移根漸橋遷植行行臨水枝枝颯地
蔽北陸而成關種西門而映肆騰氛霧而霏微窳平
皐而菱葑千株萬株婀娜紛敷或交綺陌或傍金渠
故夫玉河之爲水也宛宛澶澶來自西山潄而爲湖
滙而爲淵踰乎高梁之曲入乎芙蓉之園森漫蓬池
經乎上蘭彌望直視鬱乎芊芊何地無柳何柳不妍
銳清流而黛濃如洗倚列雉而腰細堪憐於時條風

華圖未定

卷五

帝號

始扇日和景良草抽書帶鳥弄笙簧柔柳乍吐弱蔓
初揚招要舞態演漾波光疎纖軀而不定曳翠帶之
何長若矜粧以競冶間桃李之紛芳馳青烟於平樂
通餘暖於昭陽曹子建曾攀折而不忍桓元子雖對
之而奚傷若其連達積素荏苒百五裁開輕陰微倅
細雨林立今姑射之仙人襯襪兮甘泉之玉樹緬芳
姿兮濯濯宛深情兮縷縷黃鸝啼兮濕不飛羌管吹
兮悲自語於是金張戚里趙李豪家佩紆蓮步綬帶
桃花俱將皓腕並按紅牙飛蓋於青門之側張帷於
淶水之涯枝低繫馬岸曲停車絮墜髻而猶起影移

尊而尚遮亦有西京大夫南國上士仙鶴同遊斑駁
並轡問先生而得廬訪隱淪而過市玩絲陰之不已
俯帶影於遙薄花輕似笑葉動如吟共憐碧玉并字
青琴展慙勤於遐矚恐幽思之難任至若王命夙臨
脂車萬里貧士失職孤蓬自起祖帳東門唯吾與子
眺鳴石之遺宮歌蕭蕭於易水棲其夕照怡悵東風
折一枝兮岐路結相思今萬重況乎巖棲澗築河陽
杜曲當衢瑣第連房珠箔莫不愛此妍華樹之芳陸
拂於宛轉之橋送客於逍遙之谷義取瞻瞻春明
漢宮斜鋪網帳半入簾櫳羅衫淡薄玉簫飄重觀衣
塵軟藉草泥融分標射葉別隊追風靈和則想風流
於張緒長楊則研子墨於揚雄時則有萍蹤遠客來
遊上國風翮經摧霜蹄屢蹴刺減于懷經荒于腹撫
劍無侶駕言出郭對開元之一株撫上林之三眠攀
條執枝久而滋然張平子以四愁成賦梁伯鸞則五
噫召篇蓋有懷者物易感失志者袂易霑自古羈旅
坎壈之子亦孰不歎依依於今昔而愴搖落於江潭

湛園未定藁卷六

墓誌銘 墓表 墓碣 碑陰

文學邵君墓誌銘

君諱儒榮字仲木別號懼叟無錫人君歿後子嘗讀
君之遺文而歎後之學者自科舉制興而古文之道
衰其患莫甚於今之所謂八股者驅天下之聰明才
智以從事於無用之章句終身濡沒而不得出故其
間能以文章自見者必少年早達之士而老生宿儒
或不暇以爲卽爲而不能工與不及俟其成因以墮
沒無聞於後世如君比者何限也子來無錫從君仲

湛園未定藁

卷六

墓

子紹棠讀君文財三十餘篇觀其所爲顧太學子方
傳與陳太守墓碑私謂漢太史公之法不傳於今久
矣顧獨於君得之惜當時有司無知君才者而君儕
輩間亦未有商榷古今以斯文相砥礪者故君亦不
能以功名自見卽所得文旋亦散失不自愛惜以是
益落魄放棄其文亦不甚名於時以終邵氏末康節
先生後元末有科貢士諱偉者來居無錫是爲十世
祖明太祖定江南戶籍無錫獨虞邵二氏得占儒籍
故其家世業儒八傳爲諸生諱某某生贈參議諱士
弘士弘生壬戌進士山東右布政司使諱名世卽君

父也君少爲貴公子文采淵耀所交盡一時名士以
其間選伎徵歌而觥籌交錯投壺蹴鞠之戲以爲常
既屢及省門不第視天下雲擾乃日與其徒勒習騎
射爲鄉里守禦計自是無意於科舉之業矣連歲崎
嶇兵燹家益落亦不復能爲向時豪舉日閉門誦經
史子集常五六終卷其部帙行次前後皆可舉覆故
其爲文悉有根底自君死後人稍知學爲古人文字
乃鮮留意於經術而規模近似轉相標榜其風漸繁
漸熾浸以成俗君信能文章矣然生平不自炫鬻及
歿而猶無所稱於世而獨子竊歎賞之以爲遠過於
藩園未定案

卷本

終三

今之作者子之言果足重乎其或者不足以取信則
君之厄於前而伸於後者亦未可必也君才略倜儻
天性尤至孝初亂起獨走數千里抵山東從羣盜中
扶掖方伯公歸其家已邑中諸少年乘亂欲劫掠富
人家爲變君密數其豪數人給之粟而以好言餌之
謀益解邑以無事丁酉友人以有事逮獄者君間至
京邸經營之事得末減歸而鬚鬢爲之盡白諸相往
來遇緩急傾身濟之終以此竭其貲而不悔亦不以
矜於人晚棲心禪寂常布衣蔬食日坐臥一榻雖文
字之緣亦不復作然君年未老其氣力猶未應宜可

久視徜徉於世一旦患左腋微痛針灸不得施五月
而卒豈其所見者達而其中猶有未盡平者哉君卒
於康熙乙巳某月得年五十有二元配唐孺人與君
同庚先十七年卒子五人曰紹聞紹棠紹祖二孺女
五人皆嫁士族紹聞等以今年卜吉合葬君於小嶺
灣之新阡君之屬纊也家人泣問以後事曰吾不孝
不能爲八十老父計何暇計汝等哉終無所言後三
年而方伯公卒方伯公爲吏廉歿時幾無以爲殮其
父子之間有足悲者銘曰

卷本

終三

其才以窮其命之逢嗚呼命兮誰司之雖不吾以昌
厥辭我銘其幽君當知

山陰仲淵何公合葬墓誌銘

甲寅歲余與山陰何嘉延同客揚州郡署每言其先府君御史公事輒嗚咽涕洟不止而是時去府君之死已二十餘年矣今年復會於金陵得見故人魏冰叔所爲公傳略而嘉延亦自以所誤行狀遺余拜求之銘當丙戌五月江上師潰公棄官至刻之白峰自恨不及從亡則作詩投崖而絕久之復甦爲土人守之不得死隨逃入萬山中披薙從方外遊晝夜作苦猶自謂去人境不遠復瓢笠往來縉雲義烏諸山與樵翁衲子侶行歌獨哭頽頽枯槁終至于一死而後

淮園未定集

卷六

墓誌

已推公之心蓋無一日不以生之可悲而得其死之足樂也然公初嘗有意于用世矣其釋褐始令建平也邑故無城郭前令興築之未就公曰是東南門戶也不可以無完功城之浹月而工罷民不知役歲久旱大江以南飛蝗食禾殆盡獨無入建平界者未幾以憂去蝗遽入北鄉於是民益以爲神補任高要端溪受黔桂諸流夏潦屢爲災卽躬巡堤圩增卑倍薄而皆洩以時遠近反受其灌溉清樵關之假手吏胥得上下其手者掣視有定期商無滯賄官有裕課益公之所欲見於政事者方銳未已此特其一二不幸

又丁父艱歸隨遭亂未得盡試浙東事起強以御史召不得已就職建白數萬言或行或不行而事勢已不可支矣墮白峰不死後入陶介山事山主雲藏禪師舖補不繼隨衆樵汲同事者皆爲公難之公曰吾視出沒風濤間瞬息生死者何如而敢自言勞苦哉自此遊益遠入山益深崎嶇崖壑墮臨并絕所過皆留詩紀歲月遇高僧郭蓮峰徵君李秘書喜之結塵外之交館留崇聖寺黎床風雨三人者相對嘿語終日人不測其所以居數月而病作先是已丑四月公謂李徵君曰居此久幸少安顧此中常有戚戚者行

淮園未定集

卷六

墓誌

別子飛錫白雲之鄉耳今留一紙與家人選其來則示之至是病困令出所藏書讀之曰吾茹荼磨勵齋志至此泰厥所生毀傷莫贖於君爲不忠於親爲不孝死後切勿棺殮我當暴野三日以彰我不忠之罪三日後火化入塔不得耐葬先隴以彰我不孝之罪讀竟而絕然其家仍以殯歸葬於會稽上憲之玉几山者以公本非出世者從公之初志也公娶商氏大理卿爲正子中書維源次女有婦德所刻苦佐公吏以成其廉隱以就其節者夫人之力居多後公十三卒公諱弘仁字仲淵初中萬曆乙卯科副榜天啓

旌元學恩以貢士試吏部得州守不就中庚午北京鄉試丁丑成進士六世祖詔南京工部尚書高祖鎬曾祖景皆贈長蘆運使祖繼高江西叅政父光道贈御史而母贈孺人陶氏禮部侍郎文簡公望齡之姊也公性至孝未遇時事親能先意承志所求無不獲人不知其貧然知其能貴而盡節於所事也少不爲俗學所師友皆賢者既習聞外家教後劉公宗周講學里中復執經其門發未進士余公增遠者字若水志節士亂後躬耕山中自匿迹不與人接公之歸葬玉几山也公子拜求其題主余公卽許諾至期以舟

墓園未定葬

卷六

山陰

迎之來不赴頃之自棹一小艇徑詣墓側取舊衣冠拜墓上事訖下山賓王不交一辭主人使客追之固留之飲食則舟中已庋粥一盂羹菜一豆取啜畢急挈舟延緣去會葬者百餘人皆目送歎息謂非公之賢余公且不易得致也子三人嘉迪嘉建嘉延俱守先志不求仕今存者嘉延最賢有文行與余善女三人長陳次駱次魯其適也孫五人思永愈永惠永嘉迪出恕永出繼嘉建亦嘉迪出懋永嘉延出曾孫三人經鈺經銓經鐸銘曰

墮於崖不死歸以息於此嚙嚙乎誰與爲徒生棄厥

家彼緇而髡奚別矣終返其室有鏡於縣孰懋不宣孰謁不虔御史之肝

墓園未定葬

卷六

山陰

江南布政使司參議前戶部右侍郎櫟園周公墓誌銘

故江南布政使司參議前戶部右侍郎櫟園周公卒於江寧之里第逾年嗣子在浚撰次行事屬某銘其幽某謝不敏則曰子無辭先君之志也謹按狀周氏世金陵人始祖匡仕宋參江西撫州軍事因家焉其後三徙定居櫟下至公祖贈鴻臚寺序班庭槐遊大梁而樂之因占籍開封遂爲開封人焉鴻臚生子文煒卽公父國子監生任諸暨簿能不卑其秩數以事與令抗德施於民然終以不合解去公年弱冠卽挺

湛園未定業

卷六

墓誌

援所交多海內知名士其天性儻蕩不羈飲酒歌詩意豁如也庚辰成進士授濰令是時山左蹂躪所望無堅城濰被圍久公以一書生乘障親集鏃其身城以不陷事聞會徵天下廉卓行取授浙江道監察御史未幾京師破乙酉詔起公以御史招撫兩淮尋改兩淮鹽法道陞海防兵備道遷福建按察使踰年陞布政司右布政尋轉左首尾在閩八年其以按察駐節邵武也邵武在萬山中嘯聚彌山谷城外烽火燭天公權宜治軍事募敢死士日開門轉戰谿谷間多所禽獲夜則獨坐譙樓上仰天長嘯賦詩高詠衛士

湛園未定業

卷六

墓誌

擊刁斗聲中夜與相聞事少間建詩話樓祀宋嚴滄浪其上召邑諸生能詩者日與倡和境內益安任左布政使釐剔宿弊老胥束手小民受惠至不貲而後議者猶撫拾不根以相排陷自爲右藩時屢奉檄歷署建南汀南漳泉諸道皆數反側危地人所顧却不就獨單車往來鋒鏑中百方經畧所至輒見紀故自內召出境及被劾還質竟傳逮復入都百姓皆扶老攜幼頂香迎道左爭奏酒食勸盡觴或閉里門撤橋梁阻行不得則號哭聲動天竟數百里已乃建祠立石俎豆之自其去淮南時已然而蒞閩最久故民德之益深長老相傳自來方面使臣去任無若此者閩詩人高兆作四泣詩紀其事初公以左副都御史徵上章言閩事報可又密有所建白頗摘挾用事者驟擢戶部右侍郎而聞者咋舌曰禍始此矣未幾督臣果飛章劾奏詔赴閩勘比到前督已罷去會福州海寇亂撫臣藉公威重使分城守當一面賊大創去城得完公功第一然謙弗敢言囚服退就質按察使與五司理會鞠得其寃狀列狀上中丞時久旱積具兩大澍民爲作歌曰東卷雨云復逮下刑部訊秋有詔朝審部院大臣下及各科道官東西以次列有

頃兩吏舉大麓前後獄詞凡數十案滿篋篋中庭公亦自刻狀一通出袖中傳示諸大臣諸大臣讀未竟於是大風從西北起揚塵沙蔽天旋入庭從手中掣所讀紙直望空去人吏披靡天地晝暝晦人對坐不見面公獨跪階下叩首呼冤口不得發默自念曰天豈哀我耶吾死生此刻決矣良久風定冢宰倡言曰天意如此此獄可疑於時同列者齊聲應曰可疑堂上下環列數十人無一誰何者故事獄上可疑者報聞卽釋而是時適傳恩赦凡已論囚概減等公反以赦例當隨輩徙塞外待春發遣緣大行道詔免尋

書薄板躍起短燭撲滅一笑而止其高致如此按青治如在閩時陞參議江南督糧道復遭劾解職聽勘事解尋卒公材器揮霍善經濟喜議論疾握紙拘文吏當大疑難剴斷生殺神氣安閒無不迎刃解者自筮仕卽在兵間尋擢臺職益欲以意氣自奮不幸遭亂歸才爲時需十年之間晉歷卿貳然時時與世低悟庚戌再被論忽夜起徬徨取火盡燒其生平所纂述百餘卷曰使吾終身顛踣而不偶者此物也辛亥冬某遇公西陵佛寺留飲歷數其少年來意中得失事拊几瞪目太息謂余曰吾與子相見今無幾今我年六十子歸爲我作恕老堂酌酒歌而已恕老堂者公所居著書處也余渡江詩不果作然竊歎公之才其軼軻歷落而老且衰於此視其中默默如不自聊將遂已也循公之迹攷公之志則古之大人君子其身尊名立人望之若不可及而當其壯年逾邁俯仰身世出處盛衰之故其皆有不自得者乎則夫世之辭富貴而就貧賤寧獨善其身以置生民之休戚理亂於不顧至于老死而不悔者彼亦誠有所激也嗚呼可以知公矣公好獎與後進嘗寘一簿坐上與客言海內人才某某輒疏記之諸所嘗經過雖深山穴

處中物色無不到見少年能文士綺辭隻韻立爲延
譽或數屏車騎過之出其名字老生貧交相依如兄
弟其爲文及詩機杼必自已出語矜拊獲不蹈襲前
人一字劇鉢瀦濯而歸之大雅尤嗜繪事及古篆籀
法每天明盥漱出外舍從容談說古今圖史書畫方
名彝器皆條分節解盡其指趣客退則手一卷燈熒
熒然至夜分歸寢以爲常公諱亮工字元亮別號櫟
園元配馮淑淑人生子五在浚國學生考充官學教習
在延庠生在建在都在青皆國學生孫男女四人卒
年六十有一將以某月日葬于某原銘曰

湛園未定藁

卷六

周鏞

謂莫知耶爲大司農謂逢其時胡蹶而終詭譽偃規
滑稽乃容余不忍爲奚辭固窮烏石巍巍滔滔大江
文蒸武施唯公子功公之德威汜于數邦肆我文辭
砭鍼譬譬萬派千枝于海朝宗如賁待提如懸待撞
晚歷嶸崎益放而洪誰其司之命彼祝融悠悠我思
蒼蒼彼穹北山之崖嗟櫟園公

掌京畿道事監察御史任公墓志銘

今年夏四月二十有六日御史任公病卒於官嗣子
筠偕其弟墳坪將以某月日歸葬於某鄉之某原以
狀來請銘按狀公諱珩字少玉希庵其別號中順治
十五年會試十八年成進士康熙八年選知山西石
樓縣事考選授浙江道監察御史巡視長蘆鹽政回
院晉掌京畿道事卒年五十六歲任氏世大梁人始
祖仕宋爲高密尹家焉名其所居里曰梁尹社曾祖
鎧太原府通判祖澄父復皆邑文學復贈如公官母
鹿氏贈安人初公兄弟四人伯瑛早卒仲瑛季珂相

湛園未定稿

卷六

蘇

肩隨受經外傳公姿性開敏所讀書過目卽能了其
大義弱冠操筆爲文已與兄琪齊名矣乙未琪第進
士積官至禮部員外郎後三年公遂聯舉南宮會聞
贈公疾不待廷試立馳歸時禮部亦解登州學職歸
養公與其兄弟三人侍疾視藥劑溫涼燥濕問起居
食飲宜適與否必謹沒則盡哀歛送以禮由是鄉里
稱之其爲石樓也邑故磽瘠民間不知紡織公令家
置紡具教之法月責布一端賞罰其勤窳者於是民
始興於婦工縣去河東解池幾千里而食平陽鹽轉
運萬山中勞費以數倍民苦淡食公議食汾鹽固請

於上官乃得民至今蒙利御史巡城時以軍興攤門稅移屬於正額外無敢私分毫入視鹺政疏劾巨蠹爲商民患者釐剔夙弊盡根株乃止還臺封章十餘上中如免粵西帶徵錢糧及軍政宜與大計同行請爲宣聖廟立碑疏俱得旨施行然公意猶未已也每朝回簾閣據几伸紙紙筆摹晉魏人書數十行濃淡疎密皆有意謂子弟曰吾作書萬慮俱遣亦收放心一事然知公者以公雅不好閒窺其微意如有不自聊賴者無已而託之於書又卒晦其說如此雖子弟不欲令其盡知可悲也公素友愛自前年冬禮部去

澤園未定稿

卷六

七

世明年弟明經繼之日益傷悼不自勝遂至不起初公以御史需次於家邑大歉與禮部捐粟三千石食餒者所全活數萬人故死也人莫不哀之遺書有敬事初編二卷元配閻氏累贈安人繼丁氏封安人筠閣出貢生塤坪丁出塤邑文學坪舉人女三長適諸城侯補行人司司正李澁澗次適邑文學王自惇次通登州文學沙汝肥孫三士錡士鉞銘曰爲吏也良躋於廟堂嘉言用彰不容容而居不逐逐而趨命止於斯而志則有餘落落寞寞其中有託豈其於世有不如意不歌而喟世真可棄澤未究施算不

久視徜徉於世一旦患左腋微痛針熨不得施五月而卒豈其所見者達而其中猶有未盡平者哉君卒於康熙乙巳某月得年五十有二元配唐孺人與君同庚先十七年卒子五人曰紹聞紹棠紹祖二甥女五人皆嫁士族紹聞等以今年卜吉合葬君於小嶺灣之新阡君之屬續也家人泣問以後事曰吾不孝不能爲八十老父計何暇計汝等哉終無所言後三年而方伯公卒方伯公爲吏廉歿時幾無以爲殮其父子之間有足悲者銘曰

澤園未定稿

卷六

七

厥辭我銘其幽君當知

文學馮君墓誌銘

元恭以庚午年十二月某日卒去年余南歸其孤用潛稽顙而謁於余曰吾父之卒前數日自整比其詩文數十卷已命某從牀側盡讀所爲詩某篇宜存集中某篇宜去或曰易數字而後存者讀既命復之某曰夫子之病亟矣願少息則遺誠喪事宜一遵家禮斂以深衣巾履不得隨俗作佛事凡故人所親厚者各口占書與之訣又曰下窆宜有銘以請於執友姜君吾平生其所知也初余與君交時纔弱冠居相鄰也始用詩詞相倡酬已應諸生舉去爲時文俱不意

墓園未定稿

卷六

馮誌二

得則學爲古文每晨坐談論至忘寢食巷中兒爭笑以爲癡及余中歲負笈遊四方爲衣食計又數從鄉舉未能卒業斯事而君獨家居能日致甘毳侍養太夫人以其暇溫習經史汎濫百家屢從方外人游究其宗旨性又通悟洞解樂律旁曉青鳥遁甲家言時時爲人說之城北郊故有宋楊文元公慈湖書院於是又與里中耆宿期望請爲講學之會雖應舉業亦不數作故三十四年間元恭之文日與道偕進而余爲文至老不能自名其家至於性命之學槩乎未有聞焉凡此者余之所以有愧於元恭顧元恭有勝余

無不及也猶憶往時聞里人有暴死者余曰是不知怖死亦省諸苦元恭曰不然夫臨時須了了彼神識昏憤如何離得生死及觀君彌留之際若真能談笑於去來間者然後知向者慈湖之會君蓋實有得力至此而始驗也君嘗獨處一室垂簾靜坐其中晚益不喜以學道爲門戶雖講學之會亦不復舉務在躬行而已而近來標榜爲名高者競牽挽之使人竟掉頭不一顧君豈固以求異爲哉夫亦誠有所見於中不可奪也自君沒而余之道益孤講求亦日益廢其將終其身以訖於無所成也故於志君之事有餘痛

墓園未定稿

卷六

馮誌二

焉君諱宗儀姓馮氏元恭其字別號魯菴曾祖光祿寺丞諱某祖贈刑部員外郎諱某父諱文偉明崇禎丁丑科進士歷官揚州知府以文章爲名太守母楊氏封恭人娶通山令周某女生三子長用潛邑諸生文與行足世其家聲者次用準次用潤女二適太學生王某諸生周某皆前卒所著有春秋三傳謹案三禮謹案律呂謹案文集詩集各如干卷君以癸卯年遊京師館於大司寇徐公邸踰年病脾歸後再往病復作歸僅兩月而沒其歸也徐公資之行至贐其沒也許文表其墓而助之葬銘曰

厄而身亨而道年五十九不爲天羣挽推我無動一
人同之可謂衆生不虛斃以正弗之有悔視治命葬
三年如有待爲我助者其東海

繼圖未定策

卷四

七

太學生謝君墓誌銘

君謝氏諱諱昌字殿侯以康熙壬子歲十二月初二
日沒於京師而葬以今年壬申之三月壬子者方沒
時以孤幼有待也君將葬之前月仲子緒欽持伯父
大周所述行狀謁余舍請銘殿侯從余遊久其行事
余所諗知固不待狀而信而大周之述其弟無諛辭
余故按其狀以余所見聞誌之墓君爲人沉靜不能
馳篤於孝友無他聲色嗜好雖羣從相聚圍棋賭飲
君默然無所與吟誦之暇正襟寂坐而已既補邑博
士弟子員丙申丁酉間從余爲制義時余尚年少兄
君兩房兄弟十數人登梓山會課競出意見恥蹈襲
爲文多驚蕩雄邁之氣而余亦攘臂其間以爲文家
務出奇無窮當如是獨君持論根柢先正操筆不苟
下疑思良久必會文切理合於法度乃得止及成出
示同學者余與諸君未嘗不稱善而其尊甫給諫公
尤時時賞愛之以爲不後於諸兄君狀貌白晢豐下
大耳準相法當得壽以貴以故給諫公屬望之頗切
無何公捐館封太孺人老病在堂君兄弟皆尚不得
第君奉太夫人盡誠敬道常侍食飲次陳說古今史
傳所記載事蹟嘖雜兒女啼笑並作莫以此博老人

歡退而竊歎碌碌懼終不足以當大人意遂銳意入京遊太學經年忽患痰氣逆上自漏初刻至夜分死時從兄御史瞻在及兄子明經敬躋在邸中與訣口不能言引敬躋手以指畫大人兩字於掌上遂瞑其死不忘親如此可銘也已謝先世宋平江人建炎進士諱宇爲定海令遂家焉曾祖大綸以仲子習仕明萬曆間四川布政使司左叅政贈如其父諱泰宗進士令番禹陞工部主事改兵科給事中元配葉氏封孺人生四子最後得君生甲戌年七月二十一日卒年三十九娶董氏子男二人緒緒緒飲俱邑庠生

墓園未定稿

卷六

謝三

女三太學生任瑄玉邑庠生王之純及丁慶潢其壻也緒緒兄弟卜吉葬君於雁蕩鄉之新阡銘曰

韓退之之哀歐陽詹也曰詹在側雖無離憂其志不樂也詹在京師雖有離憂其志樂也若詹者所謂以志養者與嗚呼君於遇可謂不幸君之志視詹可以無媿方君之生也才而父知之其死也母哭之哀比其葬也下從其兩親以遊以嬉而又奚以悲

贈工部營膳清吏司主事加十級張公墓誌銘
余至都之二年歲癸亥秋今工部主事撫寧張君有園在阜城門外東北陬修登高故事置酒召客南北知名士會飲者三十餘人於時主客衣冠濟楚揖讓登進禮容之盛尊壘几席圖史之設上下池館流眄花竹客無不灑然意得者酒酣以往分曹限韻各賦詩一章以退蓋是時都下文會寂寥久矣明日相傳以爲盛事余亦因是始識工部君先是君尊甫贈光祿公已棄世二十餘年太夫人在堂君自是以終養告反津門矣數年太夫人卽世工部君旣扶柩數百里合葬於撫寧某原之舊阡而以隧道之辭屬余者以光祿公早沒渴葬銘詞未備且以余之獲交於君習聞其家世故也公諱某字某世永平府撫寧縣人少孤貧嘗躬耕塞下獨用恩意徧結其裨帥使約束所部無擾我閭里賴之耕作以安於是豪長者群推服以爲能久之不樂葬其父母服闋隻身走京師隱君某公者一見奇之妻以女遂家焉卽封夫人某氏者也公涉獵書傳其依傳經義欬曲爲人言仁義忠信之道若老經生家聞人善稱之不容口卽見有過撝覆之如不及於前代史傳興衰是非得失之故

墓園未定稿

卷六

謝三

姪姪談說洞中肯綮如身與其事者時為人謀議事
 後不失銖毫以故縉紳先生咸樂從之遊所居纔陋
 巷席門車騎過從不絕也後徙家天津稍事居積家
 益大饒然常所餽遺賑恤費累千金松江守張君未
 第時落魄無俚賴公經紀其家用及為吏貧不能之
 官纖悉皆取辦公無倦容公沒而張為制服以報其
 感人如此年五十七卒卒之時工部君始七歲夫人
 則舉契券簿籍悉付之公仲弟長齋誦經絕口不言
 外事而家政益修勸張氏戚黨歲時來者虛往實歸
 為工部君廷明師廣市書籍以資其學業工部君以
 津園未定稿
 卷六
 藐然孤童得遂成立夫人之力也曾祖某祖某父某
 公卒于康熙癸卯年某月日三世皆以工部君贈如
 其官惟古之制曰夫尊於朝妻貴於室爵不上逮也
 自南北朝始有封贈其祖父而自父以上官以差殺
 未如近制之隆厚漢置武功爵官首補吏與今例畧
 相似然爵僅得至第八級樂卿止耳獨工部君積學
 登朝聲華蔚起贈及四世階崇一品諸贈光祿大夫遞厥發
 祥所自既受多祉食曰宜哉雖朝廷一時權宜之制
 所以彰善勸後者至矣工部君名霖孫五人銘曰
 始壽終豐以道不窮既豐而施惟有其子非惟有子

內教克理紫誥煌煌命服有章或被於身或貴於藏
 襟海帶關我藏孔安是為善人光祿之門

津園未定稿

卷六

誌銘三

周節婦墓志銘

陳子大成以其祖母周孺人之銘來請曰願有述乎
曰孺人守節之始末可得詳乎大成曰吾祖母年未
三十而寡八十八而壽終既寡之十餘年某父母又
不幸俱沒撫某不肖孤零丁孤苦猶幸上無奪志之
親外無侵凌之暴故得以安守其志節而不至有毀
面裂身之慘可以驚世而駭俗者雖其更歷五十八
年而名不出于閭門然至今居吾里者見吾祖母之
終始不渝其志莫不交歎以爲難能見其雖老而強
飯享逾中壽又莫不以爲所宜得見口兩世之無所

世嗣未定

卷六

三

成立而不得以養又莫不以爲天道之無知而爲善
者之爽其報吾祖母之賢其在人耳目者如是而已
唯是大成孤賤不能上于朝而褒旌之如禮非子憐
其志而述之則後世何傳子謂婦人之道無非無儀
故列女之所錄者蓋少其可傳者以其處變而能著
爲奇節以列于後世耳至于履變故而不失其正區
區指柱如孺人者卒立門戶此中庸之行君子之所
樂道也孺人夫某子某孫大成某月日大成以其板
合葬於某原銘曰

婦一終士固窮孰渝之視此封

戶科掌印給事中黃涓王公墓表

戶科掌印給事中黃涓王君以今年三月日奉官於
京師其孤幼也越月而其仲弟明經又維自關中奔
喪將以其孤奉柩還葬於邵陽之某原而哀不自勝
過余請曰吾兄行治吾已謁竹垞檢討銘諸其幽矣
吾懼無以表諸道謹伐石爲碣待子之辭余曰可哉
給事之於余厚也亡恙得無言君諱又曰字幼華黃
涓其別號世爲西安邵陽人順治十三年以經魁其
鄉明年戊戌舉禮部己亥殿試成進士需次選人而
南遊吳越間與余邂逅廣陵是時君年甚少見其精

世嗣未定

卷六

三

研詩律分判節度辦入毫芒謂再遲君學力當於古
人中擅長不難耳已相別十年許聞其爲令潛江有
治績如古循吏又數年聞其入爲給事中論事大廷
不激不阿惟事之宜如古所稱名諫臣以是悔吾向
之以詩期君者尚未足以盡君之能事而君之好詩
也亦愈甚益工自京師士大夫上舍名宿遠方遊士
以詩請業者君與之辨疑送難獻酬竟日無倦客經
其指授皆有家法雖天子亦問之時對侍官稱其
才僉以君當得大用使其聲施煜然不幸以死故
聚而哭君者歷時有餘哀是亦不足以見君之賢矣

平君初筮仕當得推官後例改爲縣始至潛江親履
畝定賦杜豪強侵占葺長堤柱漢水決囑建傳經書
院築說詩臺興起逢掖以禮讓值寅卯方事之殷縣
居孔道征調遽午君糗糧芻茭無所缺臺司倚毗民
忘其勞旣爲言官復疏湖北隄工協濟之害令荆郢
分界治隄絕委卸而專考成得 旨報可已改戶科
掌印典試粵東還過南海花山建議於其地設縣治
奪盜淵藪 旨又報可君之盡心於所職雖去不忘
其民雖其暫時經歷之地猶欲爲國家計久遠如是
然君當試事之竣也邀屈山人大均登羅浮極頂訪

湛園未定稿

卷六

墓

白鶴峰址蘇子瞻故居還泊彭蠡謁匡廬眺望五老
峰下久之乃去皆有詩數十首紀其事其意方自快
極耳目所未經有飄然遺脫塵埃之想而視世之一
切建功立名者若不足爲君又自言吾所居芝川舊
廬中條當其前龍門太史公祠踞其左山水奇勝當
日讀書其下及爲縣案牘倥偬呻畢不廢以此記誦
日益夥而恒苦於無所自得夫詩小道耳不足事吾
行謀告歸先人之敝廬益陳書而觀之以求夫古聖
賢者之用心而致力焉庶幾求其自得於已者也其
未寢疾前一月猶秉燭爲余言如七今君旣不幸以

死則夫世之所交口稱君者舉非君之志而君之志
之所欲爲一旦奄棄於不及爲者又孰傳而孰信之
哉此余之所以尤悲徒致歎於天者之無可如何而
已矣君儀觀豐碩胸中廓然無滯吝與人交披露軒
豁旣貴二十餘年兄弟尚未析爨明經君每言及必
涕雨下則其生平友愛可知也父區南誥封文林郎
母康氏封孺人娶范氏繼張氏皆封孺人子鳩側室
崔氏出君前年自嶺南歸喪其七歲子儵以此積傷
致損而鳩今纔五歲君沒年亦止五十有一則造物
者之於君誠有不可得而知者矣

湛園未定稿

卷六

墓

旌表節烈湯母趙恭人墓表

前代自崇禎之季盜賊之禍極矣李自成以三輔剽賊鈔掠自關以東徧於中原而河南被兵始自庚辰間屠殺尤慘當此之時朝廷日責諸臣以死守其間偷生鼠竄歸命司敗者接踵而有司與其鄉之士大夫嬰城固守力屈被刃肝腦塗地者亦往往而有然恭人趙氏以一婦人而能與封疆死事之臣爭烈至於罵賊不屈視死如歸此其所以尤難也恭人爲睢州文學孝先湯公元配子參政君斌時對予言其母事輒泣下不可止方河南未亂時連歲苦旱蝗既自

墓表節烈

卷六

墓表節烈

成擁衆數十萬蹂躪開歸開睢旁郡邑皆陷恭人時邑邑對孝先公嘆息迺拮据爲其子女營婚嫁如日不足者明年賊大至參政從其伯父讀書城北山莊聞難奔赴門者止焉不得人謂孝先公曰我所以遣子者正以今日也今來則俱死無益于盍往止之於是孝先公登陴及其兄與子相望而哭已相訣去城破孝先公負其母逃葭葦中獲免初邀恭人偕往恭人固不肯曰吾誓與此廬俱盡矣解衣帶自經不死投井井督家人甫縋出之而賊羣至環脅以刃益罵不絕聲遂被害時三月二十有二日也十餘日參政

歸哭而殮之尸羶如生恭人姓趙氏世爲望族孝先

公諱祖契自恭人始歸其舅姑以爲賢孝先公績學有孝弟行而恭人能佐之以不解臨賊時猶力謀脫姑於難性諳書課參政讀率至夜分乃止其宅懿行多見傳述中故予不盡載而亦有不載者蓋人之能不亂於臨事者未有稍苟且於平日者也恭人既沒十一年爲皇清順治九年參政中進士授翰林院庶吉士進檢討遷陝西按察司副使用覃恩封孝先公如子官而贈母爲恭人又三年以巡按御史奏旌其閭蓋贈典旌同被者異數也若乃加恩於前代之

墓表節烈

卷六

墓表節烈

死節者此又古所不樂見當時世祖思以節義移易天下而發其尊君親上之心既下禮臣褒贈明懷宗殉難臣十有四人矣恭人亦遭逢運會得膺斯典嗚呼盛哉恭人殯在堂其年九月黃河驟決城廓廬舍湮於水墮與俱沒後孝先公卒始得出而合塋於本州澗崗之阡距恭人沒時垂二十年矣恭人被難年纔三十有六自革命以來所在草竊芟刈涇銷塵滅而恭人之墓獨與山川之英靈同其不朽里人爲建祠祀之此可見節義之報遠矣予特綜其梗槩揭而書之於隧

參政字孔伯後再陞江西以父老謀所以歸養者
例有兄弟者不得終養而外官賜告非特薦不得
起參政病故有異母幼弟當事惜其才欲令權宜
請君曰奈何以此欺吾君也且吾父老而絕憐愛
少子今謂無兄弟而歸吾父聞之必不樂是夫吾
所以求養之意也竟以病告遂致其事時年纔三
十三云今年予遇君於惠山被服寒素如諸生從
兩蒼頭其藁蕭然而君不知其貧也然君嘗徧行
天下求能文者以暴揚其親名而辱以及予豈不
爲過哉予以恭人之節宜有傳因不揣其陋而爲
之且志君之事於右按古者仕不出境其時之爲
君者猶時有所體恤而述其將父將母之意唐宋
士大夫間得請近便地就養今仕者萬里隨牒義
不得顧其私或計不獲已惟有棄此而山林耳一
則人情爲可憫一則人才爲可惜其於爲國忠厚
之道恐未爲得也因君之事復書以志感

清園未定稿

卷六

墓誌銘三

壽奉直大夫張公墓表

君諱某大興人祖大化太平府知府父國禎邑
庠生君小籍家世孝友慈惠動合矩度克無墜先人
清白聲望而有賢子曰廷琛自君沒後益讀書砥節
名行用能邀國榮寵以奉直大夫之誥賁君泉壤
而贈君元配趙氏爲宜人於是君之隱德益著聞遠
近有墓在京城西核桃園祖塋值今康熙紀元庚午
君沒已三十餘年矣廷琛謂不可無勸辭隧道使君
隱德著聞遠近者幸不泯沒於後世且以彰國家
錫類之恩於無窮於事爲宜乃以狀介河中吳徵君
天章請辭於予徵君予友誠篤人也述其善也蓋信
始君雖食貧喪其先人祭葬皆盡禮既饒樂施不名
任俠而親疎各賴其濟平居與人無爭亦無所諱侮
趙宜人以勤儉恭順佐之行益修年六十三沒沒之
日執廷琛手誠之以不欺談笑如平常趙宜人進曰
公一生辛苦得力正在此時君笑曰我此事尚煩汝
多屬耶遂支頤而逝其夫婦之間類如得道者宜人
生望族以未亡人持家十六年內外井井卒年六十
有八子一人卽廷琛候選府通判恩加一級女五人
皆適人徵君謂予曰爰處津門久交其里人里中稱

清園未定稿

卷六

表

善人必先張君君嘗自言生平行事無一不可告天地者里中人聞之皆曰然嘗以女心疾禱於神祠拾焚神座下得方方藥五種取歸試服之疾良已至今其家用其藥施人多得愈蓋誠信之孚也如此予故不斥其怪而謂此亦足以表君之墓云

文學李君墓碣

平原李編脩述脩先生之弟曰文學靜嵐君諱潤者以去年癸亥五月卒於家編修哭之逾年除服而不忍也葬有期矣謀於余思所以抒其哀者且曰甚矣吾之不良於時也吾自年十八先大夫僉憲公見背時家中落太宜人勉吾兄弟以繼承先志而弟之少吾者兩歲體孱然弱耳然獨能攻苦淬厲屢試於場屋俛得復失今春秋僅三十七竟以諸生食餽終可爲悲矣吾前年喪室程次年復哭余幼女淚日漬枕席間弟知吾之不樂也思奉母京師以慰余懷臨行

津南未定稿

卷六

七

自意得塞占之下吉不果行而吾母獨來浹月而弟訃三矣吾不忍吾母之嗚嗚哭也聞弟屬纊時口呼母不絕聲曰吾則已矣垂白之老何以堪此夫其身死之不慎也而母之遺痛是憂焉噫吾弟孝子也又曰弟生平與余讀書寢食無暫離自余得第後聚首日始益寡然猶問歲一來京師來輒連床談日夜不休嘗語余曰比頗究心方外旨知其言非虛設顧人事紛擾轉瞬老矣可爲傷悲其意欲規余以學道而不料其身之先沒也悲夫弟性沉靜於人事寡所與葦簾緇几展玩經籍終日不妄聲欬人過聽之惟微

聞繙紙聲而尸又語岐黃家言老母在家善病按法調劑數得無困今弟卒而吾母思歸愈亟吾向之所
以得安於此者徒以弟在也今復何望哉吾行侍母
歸哭吾弟矣子盍爲吾辭而誌之且并藉以抒吾母
之哀子其不可以緩余素聞編脩君內行脩樂交其
人幸得以編纂之役追隨於史局者有年今復將別
去因如其言而表之於墓道非獨爲靜嵐君賢也亦
庸以見編脩之孝友而志余嚮慕之私焉君父某進
士仕至按察司僉事母某氏封安人娶某氏無子以
編脩之仲子某爲後

湛園未定稿

卷六

李

明經李君墓誌銘

泗之盱眙有兩賢士曰李生嶠瑞嚳瑞同舉新令選
拔貢生來京師詣余於邸舍先之以詩各一卷詩皆
有家法余覽而亟喜之問其所從學曰噫先君之教
也他日又來狀其父世系行事稽顙而請曰先君即
世四年矣而墓尚未有銘蓋慎之也今遇夫子而不
得銘吾無以慰先人於地下余辭不得按狀君之孝
也爲母疾千里致醫得藥必親嘗終喪不室處其仁
也環里門親黨之貧無絕炊者其重朋友也海內名
士道經淮泗者視其家恒若歸其泛愛也雖書畫星

湛園未定稿

卷六

李

曆醫相之士博徒劍客之至者無不館而食之其少
時常負經世意高視濶步氣凌其儕輩已而志不就
潦倒諸生間中遭放廢者數載雖人事錯迕亦若有
天厄之者然久之始援恩詔貢入太學而君已病
矣君廣涉書傳伸紙爲文立就然性尤嗜詩而特工
既得病坐卧一小園對花竹玩魚鳥欣然移日好友
過從必強起延坐留飲食飲必賦詩晝以繼夜酒闌
燭跋童僕僵睡或至日高春尚倚床苦索句不休自
卧病二十年之中坐無一日無客客至無一日不吟
風雨寒暑以爲常竟君之卒歲君諱某字某別號西

國卒以康熙二十八年丙寅之八月某日得年五十
五元配王氏孺人繼王氏子二人即嶠瑞蝶瑞女一
人適宋子僑其先世茶陵人始祖文遷巢明興以軍
功授衛百戶鄱陽戰沒子寧襲職調衛泗州遂家盱
眙焉祖某處士父某太學生其從祖官行人紹賢當
武宗時直諫廷杖死追贈忠端者也公既好爲詩嶠
瑞兄弟跪勸止之曰爾母然我吟得佳句體爲之輕
詩不啻藥石我矣以故君詩多幾至萬首今存者僅
十之一藏於家銘曰

詩道性情發神智今滯淫結轄和扁與試兮沈思綿

其圖朱定稿

卷六

墓銘

綿和湯液兮劃然理針石熨兮以詩爲醫形往神
留兮靈氣恍恍往來此丘兮如聞吟諷聲宛轉兮與
俗刮除腸胃浣兮嗚呼君不尙有後其傳克遠兮

敕封文林郎翰林院編修沈公行狀

公諱某字幼升先世自吳興分居華亭數傳至中書
公生三子季諱某禮部儒士始占籍嘉善是謂公五
世祖曾祖諱某邑庠生祖諱某父諱某生四子公其
長也公讀書務爲有用之學補博士弟子員嘗赴省
試值歲大疫道饑相望目擊慨傷悉解所資贖賑之
垂橐至會城稱貸竣事隨丁內艱哀毀逾制而是時
明季荒亂相仍奉父雲嵩公流離播徙墟落間雖造
次諷誦不輟及事稍定返查溪舊廬日課蒼頭農事
過覓佳花果環植園前後據書數百卷其中所愛唯
海國遺編

卷本

墓銘

陶杜詩晨夕微吟或與鄰翁溪友暈晴雨話桑麻蕭
然有世外之想是時遂不復留意舉子業矣會歲復
大旱查溪左右百餘家皆乏食公出廩粟五百石貸
之而不責其息曰吾不忍獨飽也公家僅中人產遇
疫癘則施糲遇饑則做朱子社倉爲廣仁會生平所
折券以百數晚聯吟社與其徒以各生日放生人謂
公所居處民物俱被其利其仁愛如此以是鄉黨皆
推爲善人君子鄉飲酒禮情廢久矣至是得公翕然
以爲重然公天性孝友所施尤篤於親故世父沒無
子雲嵩公悲不自勝公力爲經營喪葬雲嵩公至爲

之輟哀姊錢貧寡撫弱甥爲其幼置室其他所爲具稱是與諸弟游處欣欣然無一日離也某嘗識公二十年前既編修君爲侍從京師公來視與相見執手道故兄公顏色逾少精神充溢於時編修同年友雍丘劉君粵西鄧君尊甫皆以迎養來京瀨江黃中允父某公亦需次都下數家父蒼顏白髮扶杖過從是年父適過覃恩皆得受封兩代拜恩闕下時公年七十矣編修君以所得校書文綺之賜製襲衣上之公服之而喜誠君曰宜勉力無忘上賜矣一時中外相傳爲太平盛事既歸踰年編修欲拜疏南省公

湛園未定稿

卷六

沈氏

寄書止之曰吾行治裝北上且儲糧舟中矣未幾家人以計至比予返里往弔其家其邑人往往稱述公不置云公以康熙庚午年十二月某日卒年七十有一敕封文林郎翰林院編修元配贈孺人陸太夫人先公十餘年卒公思其德不再娶云子辰垣康熙乙丑科進士翰林院編修孫男五銘孝附例監生銘慎邑庠生銘新一殤曾孫二編修君將卜吉與陸孺人合葬於某原謂某曰君幸知吾父願有述也某不敢辭謹狀

光祿卿介岑龔公墓碑陰

光祿卿龔公以官卒於康熙二十四年七月丙戌歸葬宮詹濟南王公志其墓王公初郎戶部與公同官相善也故紀其治行特詳公以幕僚起家知縣事浚歷戶兵兩曹而爲戶部最久後由山東僉憲分巡通永道陟江南安徽布政司使內遷太常卿改光祿卿始終多居錢穀要地出納平準胥絕乾沒政不麗葺公私交藉其利而居無十畝之宮無食租衣稅之入遇事感發沈機立斷如抑伶人之暴橫鄉曲執侍衛之詐傳救旨事尤奇偉而與人樂易恂恂長者一

湛園未定稿

卷六

龔

意當官遇請屬鋤豪強嫉貪吝人罕得以私干然雅好延禮名士幸舍常滿聚書至萬餘卷以故公子翔麟弱冠卽有聞於士大夫間人皆謂公才識使得秉節鉞整肅一道必有可紀迺迴翔九列者二年竟得疾捐館蓋上方有意用之盤錯而公不能待矣任不充其才施不竟其志余讀濟南公之志而惜之友人朱檢討彝尊與公舊爲余言公當明崇禎末流寓昌平時李自成陷京師昌平已爲賊守密雲副將張減帥兵至射血書城中諸生孫繁祉民白希賢等反城出縛賊渠磔之以僞署劉愷澤等四人獻俘於陵

側陵卽田貴妃藏也凡地宮例書某皇帝之陵合以石板奉安梓宮前時倉卒不及礱石用甄朱書之鈴之以鐵皆出自光祿手公憤賊不討屢以忠義鼓激其士民賊之殲公與有力焉然終不自言也蓋其微時節概已如此檢討又曰光祿爲余言墳始開入石門地甚窪濕衣被物多黧黑被錦繡裏皆用布長明燈油僅可二三寸許缸底盛以水金銀器悉鎔銅鉛充之時同入者皆咎當時內官冒破非也田妃寵冠後宮其下里物至瘠薄如此蓋由思陵儉德故然此公之緒論以有關事實余故并列之碑陰

墓園未定稿

卷六

墓園

故徽州知府前工部郎中復齋秦公諱有芹

辛丑年正月十四日甲子故中憲大夫知徽州府事復齋秦公卒嗚呼哀哉初某獲交於公爰自壬辰歲少讀其文長識其面自後數奉名節歡然若平交又重之婚姻十餘年於茲今公既歿矣某哭必不得聞伏自思念公平時所樂稱者吾文也愚不自揆敬託於旗旒公初釋褐旋出守新安甫下車渡江難作公意欲有所爲不果就遂歸漢自晦匿隱姓名不出方某與長公讀書東山公襍被就宿良久從者皆散去夜起徬徨與余促膝語平生事意慷慨殊壯余謂公

墓園未定稿

卷六

墓園

幸春秋強遂得無意於世乎公默然因啟戶出視天陰雲蒙幕雨聲撼撼林樾間還坐不樂出示所知相邀致書數十紙流涕謂余曰吾殘生終不能作此等事留我餘福以待子孫矣然公矢此志未嘗以聞於人聞者亦不解也顧謂余唯公足以語此嗚呼公今已矣某隻影落拓蕩然州里仰面無與告行且杖策江南北間發抒其胸中不平之氣念公之歿而不聞某之言也辭曰倚歟中憲葉公是肄有宋不競播遷江濤奕奕丞相德流千禩違難去國爰更厥氏唯公之生實種地靈弱冠射策含香帝庭板蕩南徙君臣

棘荆迺視起部未央是營有嘉不續俾以專城專城
維何傑立三都百雉繡錯烏道繁紆甲起晉陽鎖焚
江隅誰捍牧圉維公金聲江一羽飛吳越義動汀漳
太守誓師湘東建邦天命匪佑將諸趨降馬首日歸
摧旄息幢吟殘於呷足企於窓予時癸巳旣筆城東
偃仰三人二屐長公亮采亮公來萃止僕夫惆悵寒
蛩鳴咽雨聲竹上公久不寐以足起我叙述喪亂及
於江左朋黨恣姦小大營賄陪京淪胥障城旋墮我
爲角之越閩倚之我爲其辱越閩其齒猗嗟古人孰
爲衡權漢維北海唐則平原對書集簇馳檄飛九事
雖不成大義可觀公起開戶還而喟歎示我篋書風
雲高舉其時燭滅吹火壁間照其兩眶淚流淅淅
仰卽予豁腎露肝與飽而趨寧饑於棺吾兒三人兩
勝衣冠閨門祀臘聊以盤桓嗚呼哀哉憂能傷人債
亂血脉太陵乏輪豎子來客未幾言別公病齒劇余
來視公携李遠宅整止逆旅往來通昔遽命使來携
我帷席書劍篋箱併處朝夕謹談里巷莊論典籍微
視公狀未言先咳余堅謂公非齒是痼盍以溫投塞
其洗漬余駕而東公棹而西策肥太行及乎雍岐中
道不樂我胡栖栖還息舊丘澤居巖棲初蘭采菊不

集園未定稿

卷六

集

歌而唏斷山公集之吟其鬼夜啼無何疾亟語不及
私顧謂公等且好爲之治命絕賻歛襲以時嗣無廢
德御喪克宜東山之麓魂魄所舍北山之岑夏日冬
夜嗚呼哀哉公旣死矣吾復何憾視塵息言撫琴遺
韻斷喪成風埋空玉潤承輜始發義乖扶輓唯公知
我貧遊莫振不知我者謂余不信余與夫子元味希
音大節在世惠好在心紀庸無日哀誄自今濡毫永
嘆揮涕橫襟嗚呼哀哉

集園未定稿

卷六

集

數賊文

主靜先生夜讀書既倦退而就寢殘燈滅羣動聞無
枕轉輾交動胸臆其始也若檻泉之伏流泌泌潄潄
其既也如遊絲之裊空不可斷絕忽焉奔肆萬馬騰
藉怔忡悸憤亂血脉脊不得安曉不得閉屈起俛
聽頻移漏刻然後瞿然驚覺收照屏息徐而跡之乃
得一賊是賊也非處突與不穴墻垣其來無影其去
無端善司者莫窺其踪跡善推者莫測其機關潛入
牢藏靈府是蟠蟠鑿百竅鑽剔五官糾結榮絡洞空
肺肝玄扃暗啓業火自然挾清淨之秘開闢恬懷之

卷六

卷六

數賊

從園竊嘉名於五德紛晝夜以往還先生以得而數
之曰賊來前賊來前自爾之掩處於吾身者幾何年
天而吾不知詭譎脅亂唯汝之爲我今告汝以汝險
哉汝其諦聽去而他之吾年八九蓄殖未固藩籬道
德苑囿典故一往志盛弦橋的赴曾不汝防修來穿
窺自是之後汝跡上欄吾坐讀書七略九流左次右
摘瞬不停留汝竊吾視夫而神遊終卷茫然昧厥端
由勝寶雜座縱論幽討妙言解紛清談絕倒汝竊吾
惡經營象表口酬客難目送飛鳥剗斷爲辭正正奇
奇經緯聊冥與神相追汝竊吾意不見端倪易之氛

濁嗟寒威飢有時習靜垂簾半跌南郭隱几嗒然喪

吾汝卽踰伏匿迹陝愉藏舟於壑負之而趨羈旅遠

客取歡酒杯故人乍爾笑口一開汝來施施孳朋與

齊萬緒千端併集於懷燈青黠黠予孤易感汝不知

其慘風雨沸號其境蕭條汝反呼其曹蟻穿壤潰蟲

蠹不壞微纖不絕害豈在大吾何牽連少習於汝汝

豈無家乃不舍予凡吾今之智識刊落記七遺八非

汝之爲祟而孰使予學殖之寡薄吾髮之髮者變而

爲星目之瞭者變而爲管非汝之予櫻而孰使予終

日之營營于是執之以訴於天鈞曰庶其懲而遠徙

卷六

卷六

數賊

天鈞慨然而笑曰子知彼之所起不知彼之所止起
其所以止止其所由起一起一止莫非子之以子不
見夫水乎水聚成漚漚復爲水子胡不澄其源而澈
其委子潔而宮虛而庭以葆子之真彼將不生子充
而內無炫於其外彼將爲子之守以益子之所貴曾
不是慮唯彼之去彼來何從去歸何所蓋子之示以
無有而彼今將安處先生於是蹶爾神動逡巡却立
歸而毀樊撤籬解絨發緇坐三日不言杳然若喪其
身焉起而視賊失之忽不知其所出

祭慎詒馬公文

嗚呼勞者易歌悲者易傷我胡不樂來登此堂蓋嘗
俛仰先世撫念存沒而不覺百端交集之茫茫自公
未仕州里徜徉及我先君一詠一觴公之元配實我
自出既姻婭之洽比况宅居之相望逮公綰綬山左
鼓鷄衡湘佐軍金陵令譽颺揚遠跡翕趙越軌龔黃
雖羈身乎纓紱益係思乎江鄉夜忽夢兮吾父來翔
起謂夫人厥夢何祥是想所成亦維其常詰旦謁人
有客曰姜喜不暇疑顛倒衣裳先君既盤桓累日而
徐謂公曰吾倦遊歷年而老且衰矣而視子之鬢亦
淮國未定集 卷六 祭慎詒馬公文
已蒼蒼盍不早遂子之初服復相與嬉笑醉歌于闕
湖之旁公聞嘆息至久不怠逮先君無祿千里致弔
瑣述厥事悽愴莫章自是之後再遷姑孰遂未久而
解組而江干父老徒思遺愛於甘棠某方哀陞岵之
無從猶幸日周旋几杖于吾公之側今庶幾先人之
未亾何圖以疾寒星殞茲此非徒爲時勢而悲悼而
俯念私情益不禁淚流之浪浪哀哀良嗣一溢克賜
惟古制禮毀戒滅性况晨飭而夕膳幸太夫人之既
壽而且康小人有母負米四方值公始歛戒遂舍皇
懼助緇之無期聊敬奠乎椒漿尚饗

祭大學士徐公文

間氣之鍾代豈多人婉孌玉峰厥有三君公於三君
實維叔氏弱矜名節砥攻讎厲厥飢充實道德純備
緒餘爲文蓄久而肆決若泉懸貯爲經筵爰修於家
爰獻於 廷於赫
世廟網羅羣英公始對策翕受大名邁躋量董俯輟
郊京時
帝倚公爲公輔材詒相
後皇僉曰宜哉
皇之初服北門承旨盡忠啓沃維
天子使出掌南臺威稜嶽峙百寮震悚之綱之紀惟
是骨鯁與世鉏鋤或扶而騰或擠而踣退專史局五
閭寒暑以某濫竽繁公之舉陳編夜警凍毫朝呵甲
乙去畱丹黃塗泥三百年事如數籌過前者輿謗後
者莫和以此負公白首汗青 詔勉起公度支載經
貪吝屏息諸司肅清
帝嘉丕績其遂相予密勿之陳少俞多吁羣言紛構
宸眷踟躕避難而東誰謂非歟嗚呼征獫狁遠機智
繁兮我思古人歷覽觀今中椒蘭桂佩服芳兮營便
抵巇衆猖獗兮坦坦之道化羊腸兮蝮蛇噴霧域舍

射兮雄虺九首峰壺整兮周鼎饗餐爭人食兮害及其身未下咽兮沸水漂漂九陽山兮鮐入鮓居潰深淵兮天高難仰踏厚地兮介夫抱石鴻遠逝兮今時道泰明良會兮公紂非久胡芥蒂兮去之帝所齊玉軼兮王良執策來驂乘兮歲星煌煌東方明兮傳說比曜相友朋兮閭闔蕩蕩徹虎豹兮鈞天迭奏音和樂兮康我皇路榛棘屏兮五行順序絕災眚兮生有遺憾沒我寧兮悽愴予懷涕既零兮尚饗

麒麟未定稿

卷六

祭徐文二

祭凌氏姊文

嗚呼昊天不弔降割於我家八年之內喪吾祖父三年之中復喪吾母方吾母之始疾也吾姊病脹劇衆方惟姊是憂然孰意吾母已先棄諸孤矣已未吾客京邸接二弟手書聞變崩殞中述姊病篤日奔走營視不暇也竊疑此時姊已不幸弟慮吾重傷故或者諱言之比抵家姊果無恙強起飯我於時予雖創痛猶私幸得姊在再經歲今春暫往吳下將出關兒子書來云姑病勢不可起即日返棹扶服歸省中路飲泣及城不敢問消息殆入門從牖間窺姊持藥枕倚牀上相見且泣且喜姊亦掩淚謂予曰吾病不至死母葬事急盡少需而捨此來乎居頃之則促予行予視姊神尚王也冀得延留數月間北上期迫負土無計欲留不可欲去不忍姊弟之情依違竟日既去復入者數而死生之別從此決矣六月計至吳門姊已於前月二十日捐世嗚呼予之自京南還憂姊死幸無死及自省還其憂彌甚又得無死今別甫月餘遽有意外之戚而予終不及一見也痛哉吾年四十五先君道卒不得視含殮前年母死遠在四千里孰筑者姊弟四人今姊復奄逝并無由執手一訣不孝孤

麒麟未定稿

卷六

祭凌

之罪疊山積百身莫贖然非天之厄我至此吾豈獨
無人心忍遠去骨肉之親長爲羈旅耶傷哉貧也復
何云哉姊天性閑淑內外稱賢如一口自節推公去
世事發姑三十年極盡孝道吾兄弟經歲出門溫清
缺如輒辛苦營甘旨以遺母有餘以贖吾兄弟之緩
急中遭門內之侮良人被禍隱忍圖報而下無遺孤
旁無強近飲恨吞聲積成痞結數年之間竟以身殉
悲夫先慈不幸爲貧兒母手撫三子兩違膝下居常
羣簾葛帳孤影坐歎飢飽不時抑搔不至七十老人
奄奄以卒固宜有不快於心者予歸自京師每過姊

墓園未定葬

卷六

祭文

則支離扶坐與我絮述母平生家庭瑣屑與夫宛轉
臨訣之狀則姊弟相對嗚嗚而泣不能出一聲姊今
復舍我死吾塊然一身惘惘無適胸中結轡悔恨萬
端顧視兒女開口誰訴世網牽迫不久又當別去矣
蓬鬆華髮揮淚出門迴念家庭前後存沒之故沒者
魂魄不知所之存者萍蹤飄泊無所曾不十年間而
天倫樂事觸緒成傷慘不知人生之可悅矣嗚呼吾
殘年有幾逢此百憂以我悲姊安知靈之有知反不
以我之爲悲也姊夫婦兩楸在堂嗣子孱弱吾力不
能卽窆爾於吉壤從此天涯南北雖欲長拊棺一慟

其可得耶聞姊臨沒惓惓付託唯嗣子之成立以否
吾雖綿力敢不盡心一卮告哀吾言止此尚饗

墓園未定葬

卷六

祭文

2094937

2121.5
16d

祭濂兒文

嗚呼我之初行汝送江嶺及我歸來顧不見汝夫婦
俱亡并乏兒女繼嗣未立饋獻無主以汝仁厚亦曰
能文一朝及此天道何論今十八日汝祖忌辰我
欲遠出為此逡巡先一日期是為丙寅適當爾忌綿
歷五春錢穀老淚為爾先灑聞汝臨沒形容頓改亥
謂爹歸忌死以待爹今哭汝而汝安在嗚呼尚饗

祭濂兒文

祭濂兒文

湛園未定稿六卷

浙江巡撫
採進本

國朝姜宸英撰宸英有江防總論已著錄此本為其
未入書局以前所自定不及大興黃氏本之完備
以別行已久姑附存其目

ZW 21101000584673